



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A 666578

DUPL

PROPERTY OF
*University of
Michigan
Libraries*

1817

ARTES SCIENTIA VERITAS

QUINTUS
HORATIUS
FLACCUS

CUM VARIIS LECTIONIBUS ARGUMENTIS
NOTIS VETERIBUS AC NOVIS

QUIBUS ACCEDIT
INDEX RECENS OMNIUMQUE LOCUPLETISSIMUS

CURANTE ET EMENDANTE

N. E. LEMAIRE

TOMUS PRIMUS



PARISIIS

COLLIGEBAT NICOLAUS ELIGIUS LEMAIRE

POETROS LATINÆ PROFESSOR

•••••

MDCCCXXIX

9

978

H5

L548

v.1

PRÆMONITIO NOVI EDITORIS

AD LECTOREM BENEVOLUM.

NIHIL de Horatio pronuntiandum superesse arbitror, post celeberrimum illud M. F. Quintiliani iudicium : « Multo est tersior Lucilio ac purus magis Horatius, et ad « notandos hominum mores præcipuus..... At Lyricorum « idem Horatius fere solus legi dignus ; nam et insurgit « aliquando, et plenus est jucunditatis et gratiæ ; et variis « figuris et verbis felicissime audax. » (Instit. Orat. lib. X, c. 1, § 94 et 96.) Nullum tamen invenies Editorem vel Interpretem, qui novis Flaccum laudibus extollere non studeat, glorieturve se de illo commentariis suis bene meritum : multi etiam occurrent querentes de sua ætate, quod sciolos morosos et vultuosos habeat, qui sæpe turpioris invidiæ stimulis excitati, vel putido arrogantis procaciæ fastu omnia præ se prosternentes, ea calumniari et damnare audent, quæ non legere prius curaverunt, sive lecta nullo modo intellexere.

Ego autem, *nullius jurare in verba magistri* ab ipso edoctus Horatio, quam in hac editione paranda viam ingressus sim, hodie simplicibus brevibusque verbis tantum explicabo.

In primo hoc volumine occurrent solummodo, cum argumentis et interpretationibus, carmina lyrica, quibus præbunt de metris Horatianis nonnulla e doctissimis commentatoribus excerpta.

In secundo volumine, Satirarum et Epistolarum libri ; ac denique Ars Poetica, pari diligentia illustrata.

Tertius demum et ultimus tomus complectetur :

1^o Laborum enarrationem quos ad elucidandum poetam suscepi; nomina ducum præcipuorum quos in commentariis sequutus sum, et sociorum qui in conferendis MSS. lectionibus et mendis plagularum corrigendis fidelem ac religiosam mihi operam navavere;

2^o Vitam Q. Horatii Flacci, e Suetonio et aliis scriptoribus desumptam, atque per consulum annos accurate digestam, indicantemque quibus temporibus carmina quæque componi probabiliter debuerint; notam de amicis Horatii; duas odas a Cl. DE VILLOISON, anno 1778, primum apud nos editas, quamvis perperam, ut reor, nostro poetæ adscribantur; varia de Q. Horatio antiquorum et recentiorum testimonia;

3^o Notitiam literariam; Elenchum codicum MSS. ad quos adhuc exactus est Flaccus; item variarum editionum versionumque qualibet lingua scriptarum;

4^o Indicem universum, qui nomina, res et verba uno tenore descripta continebit; cujus laboris utilitatem, ne dicam, necessitatem, ita perspectam habeo, ut ipse, quamquam negotiis mille aliis distractus, ex optimis indicibus, alterna vice ad textum collatis, novum ex integro longe auctiorem et emendatiorem conficere voluerim; nec profiteri dubito, nullum ex aliis in manu mihi fuisse (et fuerunt omnes), qui non erroribus scateret, seu male indicatis, seu omissis permultis vocibus, iisque interdum maxime necessariis. Quibus vitiis ne meus laboraret, verba ad unum omnia cum versibus egomet contuli; quæ apud Benteium diversa in eodem versu occurrunt indigitavi; denique in hoc concinnando eam operam insumpsi, qua in nulla alia re majorem me unquam præstitisse confirmo. Si quid tamen humanitus acciderit, ignoveris, amice lector, meque non incuria saltem nec levitate lapsum memineris. Vale.

METRA HORATII LYRICA.

PROOEMIUM.

METRA, quibus Horatius in odis usus est, exhibituro mihi visum est, quorundam ad rem metricam pertinentium vocabulorum tironum maxime causa præmittere brevem explicationem, omissis quæ notiora esse solent. In quod studium si cui altius penetrare in animo sit, duce utatur peritissimo Godofredo Hermannō V. Cl. (Handbuch der Metrik. Leipz. 1799).

Versus iambicos et trochaicos Grammatici plerumque dipodiis (διποδίας) h. e. binorum pedum seriebus (— — — aut — — —) metiuntur, et versum duarum dipodiarum s. ex quatuor pedibus constantem *dimetrum*, — tribus dipodiis s. sex pedibus constructum *trimetrum* vocant. Versus enim iambici quum in locis imparibus (primo, tertio, etc.) ac trochaici in paribus (secundo, quarto) spondeum habere possint rhythmus idem post singulas demum dipodias redit. — Sin vero de dactylicis, choriambicis ceterorumque generum versibus (exceptis tamen anapæsticis, quorum metra etiam κατὰ διποδίαν dispescuntur) sermo est, *dimeter* appellatur qui duobus, — *trimeter* qui tribus continetur pedibus simplicibus.

Versus *catalectus* (στίχος κατάληκτος) est cujus pedi ultimo syllaba deest (num. 3). Si pedi aut trisyllabo, aut tetrasyllabo duæ syllabæ desunt, versus existit catalectus, — aut in syllabam, aut in disyllabum (num. 7 et 14).

Versus *brachycatalectus* est cui pes integer deest (num. 1); non nisi iambici et trochaici versus brachycatalecti sunt.

Versus *acatalectus* est in cuius ultimo metro nihil ad integritatem deest, neque quidquam abundat (num. 4).

Versus *hypercatalectus*, in quo una in fine syllaba abundat (num. 6).

Basis est pes duarum aut trium syllabarum, a quibus versus quidam exorditur, antequam series pedum versui illi priorum incipit (num. 6—9).

Horatii odæ per versus vel ejusdem usque, vel duplicis, vel triplicis generis decurrunt. Sunt igitur ποδήματα vel μονόκωλα, vel δίκωλα, vel τρίκωλα. Versus autem diversi generis, ex certo ordine semper redeunt, *systemata* (nos: *Strophen* s. *Stanzen*) efficiunt sibi in vicem quoad rhythmum similia. Quodsi post seriem binorum versuum primum genus redit, *systema* est διάστροφον; ex quo quid sit τρίστροφον, μονόστροφον, τετράστροφον facile patet.

A. VERSUUM SINGULORUM GENERA.

a. *Versus iambici.*

1. Versus Ityphallicus, qui est dimeter brachycatalectus.

— — — — —

Cf. num. 19.

2. Versus iambicus dimeter acatalectus s. quaternarius.

— — — — —

— — — — —

.....

— — — — —

Inarsit æstuosius. *Epod.* 3, 18.

Vel hædus ereptus lupo. *Epod.* 2, 60.

Imbres nivesque comparat. *Epod.* 2, 30.

1. Pedes sub lineola punctata positi rarius inveniuntur.

Forti sequamur pectore. *Epod.* 1, 14.

Vide|re prope|rantes domum. *Epod.* 2, 62.

Ast ego | vicissim risero. *Epod.* 15, 20.

Cf. de hoc versu num. 20 et 21.

Est in metro XV et XVI.

3. Versus iambicus trimeter catalectus.

— — — — —
 — — — — —

 — — —

Mea renidet in domo lacunar. II, 18, 2.

Jam te premet nox fabulæque manes. I, 4, 16.

Regum|que pue|ris nec satellites orci. II, 18, 34.

Est in metro XII et XVIII.

4. Versus iambicus trimeter acatalectus s. senarius.

— — — || — — — — —
 — — — || — — — — —
 ||
 — — — — || — — — — —
 — — — — || — — — — —

Suis et ipsa Roma viribus ruit. *Epod.* 16, 2.

Heu me per urbem, nam pudet tanti mali. *Epod.* 11, 7.

Tibi hos|pitale pectus et pura manus. *Epod.* 17, 49.

Deripe|re lunam vocibus possim meis. *Epod.* 17, 78.

Infa|mis Hele|næ Castor offensus vicem. *Epod.* 17, 42.

Optat quie|tem Pelo|pis infidi pater. *Epod.* 17, 65.

Aliti|bus at|que cani|bus homi|cidam Hectorem. *Epod.* 17, 12.

Vecta|bor hume|ris tunc | ego ini|micis eques. *Epod.* 17, 74.

Sæpius cæsura neglecta est.

In Epodon carm. 16, Horatius non nisi iambis puris
 usus est.

Est in metro XI, XIV, XV, XII.

1. Nota || locum cæsurae designat.

b. *Versus trochaici.*5. *Versus trochaicus dimeter catalectus.*

— — — — —

Truditur dies die. II, 18, 15.

Horatius spondeum in secunda sede non admittit.

Est in metro XVIII.

c. *Versus choriambici.*

6. *Versus Pherecratius s. choriambicus monometer hypercatalectus cum basi, in qua apud Horat. semper spondeus est.*

— — — — —

Vis formosa videri. IV, 13, 3.

Est in metro IV.

7. *Versus Glyconicus s. choriambicus dimeter catalectus in pyrrhichium aut iambum, cum basi, quam apud Horat. semper spondeus tenet.*

— — — — —

Nil mortalibus arduum est. I, 3, 37.

Bis in basi reperiretur trochæus, si lectio servanda esset. *Teucer* et I, 15, 24, et *Ignis Iliacas* ibid. 36. Syllabæ ultimæ, qua versus abundat, vocalem elisam reperis IV, 1, 35.

Est in metro II, III, IV.

8. *Versus Asclepiadeus minor s. versus choriambicus trimeter antecedenti similis, nisi quod uno choriambo locupletior est.*

— — — — — || — — — — —

Crescentem sequitur cura pecuniam. III, 16, 17.

Cæsura bis omissa est :

Dum flagrantia detorquet ad oscula. II, 12, 25.

Non stipendia Carthaginis impiæ. IV, 8, 17.

Mirari licet, Benteleium, dum, in not. ad vers. poster. ex pausa in media voce constituta argumentum versus delendi petens, vehementior, uti solet, in tenebrionem illum, qui hunc versum contexuerit, invehitur, adjecisse: « Nunquam ne semel quidem (sciens hoc affirmo) discessit ab hac (observandæ nempe cæsurae) regula Noster in versu Asclepiadeo. »

Semel in pausa brevis est syllaba :

Quam si quidquid arat impiger Apulus. III, 16, 26.

Hiatus est in pausa I, 6, 15, nisi legas *Merionen*.

Est in metro I, II, III, IV.

9. Versus Asclepiadeus major s. choriambicus tetrameter, antecedenti similis, nisi quod uno adhuc choriambum auctior est.

-- -- || -- || -- --

Quis post vina gravem militiam aut pauperiem crepat. I, 18, 5.

Semel tantum cæsura post secundum choriambum abest.

Arcanique fides prodiga perlucidior vitro. I, 18, 16.

Est in metro V.

10. Versus Aristophanicus s. choriambicus dimeter catalectus in amphibrachyn (v-v) aut bacchium (v--).

-- -- -- --

Cur neque militaris. I, 8, 5.

Est in metro VII.

11. Versus Sapphicus minor, constans ex dipodia trochaica et versu antecedenti.

-- -- -- || -- --

Ludit herboso pecus omne campo. III, 18, 9.

Sæpe cæsura est pöst syllabam brevem sextam :

Dauniæ defende || decus Camenæ. IV, 6, 27.

præsertim in IV, 2 et 6, et in carm. sæcul. Semel neutro in loco : I, 2, 34. Græci quidem utuntur in exordio versus tam dipodia trochaica pura (— — —) quam epitrito secundo — — —, qui solus Horatio placuit. Porro cæsuram observat, quam Græci ignorant. — Interdum versus hypermeter est, i. e. ultima ejus syllaba superflua eliditur vocali a qua subsequens incipit versus : II, 2, 18 ; IV, 2, 22 et 23.

Carm. sæc. 48.

Est in metro VI.

12. Versus Sapphicus major. Oritur ex versu Sapphico præcedenti eodem modo ut Asclepiadeus major (num. 9) ex Asclepiadeo minori (num. 8), inserto nimirum uno adhuc choriambo.

— — — — || — — — || — — — — — —.

Sæpe trans finem jaculo nobilis expedito. I, 8, 12.

Si recte a Cl. Hermanno hic versus inter choriambicos numeratur, æquo jure Sapphicus præcedens locum inter illos obtinere posse videtur.

Est in metro VII.

d. *Versus dactylici.*

13. Versus Adonicus, s. dactylicus dimeter catalectus.

— — — — — —

Terruit urbem.

Est in metro VI.

14. Versus Archilochius minor, s. trimeter hypocatalectus ; s. penthemimeris (πενθημιμερίς) dactylica.

— — — — — —

Pulvis et umbra sumus. IV, 7, 6.

Horatius spondeis non utitur.

Est in metro IX, cf. num. 20 et 21, et quæ ibi præmissa sunt.

15. Versus dactylicus tetrameter catalectus, s. tetrameter heroicus.

— — — — —

— — — — —

.....

— —

Carminē perpetuo celebrare. I, 7, 6.

O fortes pejoraque passi. I, 7, 30.

Mensorem cohibent Archyta. I, 28, 2.

Horatius cæsuram constituit post primam syllabam aut secundi aut tertii pedis; exceptis ter versibus odæ 28, lib. I.

Est in metro XIII.

16. Versus Alcmanius, qui est dactylicus tetrameter catalectus.

— — — — —

— — — — —

Cf. num. 19.

17. Hexameter heroicus, qui est catalectus.

— — — — — || — — — — —

— — — — — || — — — — —

.....

Vos quibus est virtus muliebrem tollite luctum. *Epod.* 16, 39.

Interdum spondeus est in sede quinta, I, 28, 21. *Epod.* 13, 9; 16, 17. Aliquoties cæsura non in initio pedis tertii sed secundi et quarti simul constituitur, I, 7, 29; 28, 5. *Epod.* 16, 21. Ter ne hic quidem observatur, I, 28, 15 et 29. *Epod.* 15, 9.

Est in metro IX, X, XIII, XVI, XVII.

c. *Versus logædici.*

Sic ii dicuntur versus, in quibus seriem dactylicam subsequitur series trochaica. Nomen logædicatorum inde acceperunt, quod rhythmus dactylicus *ἀοιδῆ*, trochaicus *λόγος* accommodatior est.

18. Versus Alcaicus inversus decasyllabus.

— — — — —

Purpurei metuunt tyranni. I, 35, 12.

Est in metro VIII.

19. Versus Archilochius major.

— — — — — || — — — — — || — — — — —

Solvitur acris hyems grata vice veris et Favoni. I, 4, 1.

Ex duobus compositus est membris sive *κῶλοις*, nimirum,

a) ex versu Alcmanio (num. 6).

b) ex versu Ityphallico (num. 1).

Græci quidem hos ita jungunt, ut ultima syllaba membri prioris, perinde quasi integrum claudat versum, et brevis, et longa esse, et hiatum quoque efficere queat. Contra Horatius nec pedem creticum — — neque spondeum in quarto loco posuit neque hiatu usus est; ideoque hoc metrum Horatianum a subsequenti versuum genere asynartetorum, inter quos numerari solet, excludendum videtur.

Est in metro XII.

f. *Versus asynarteti.*

Versus asynarteti (*ἀσυνάρτητοι*) s. inconnexi nominantur qui duobus aut pluribus membris constant, quæ tamen inter se non magis connexa sunt quam versus cum versu.

Cujusque igitur membri ultima syllaba eodem jure, ac si esset ultima versus, et longa, et brevis esse potest, neque eliditur. Hoc versuum genus invenisse Archilochus dicitur. A multis Horatii editoribus singuli versus in binos dividuntur illos, ex quibus compositi sunt. Et sane, ut Gesnerus observat, commodissima esset divisio. Sed acriter pro versus integritate pugnat Bentleius, Hephæstionis aliorumque grammaticorum auctoritate fretus. Cf. num. antecedens. Ex Horatio huc pertinent :

20. Versus elegiambus, compositus nempe ex elegiaci versus dimidio s. penthemimeri dactylica (num. 14) et versu iambico dimetro acatalecto (num. 2).

— — — — — || — — — — —
— — — — — || — — — — —

Desinet imparibus certare submotus pudor. *Epod.* 11, 18.

Libera consilia nec contumeliæ graves. *Epod.* 11, 26.

Inachia furere sylvis honorem decutit. *Epod.* 11, 6.

Fervidiore mero arcana promorat loco (cum hiatu). *Ep.* 11, 14.

Est in metro XI.

21. Versus iambelegus præcedenti similis, nisi quod inverso ordine membrum iambicum præcedit et elegiacum subsequitur.

— — — — — || — — — — —
— — — — — || — — — — —

Tu vina Torquato move consule pressa meo. *Epod.* 13, 16.

Levare duris pectora sollicitudinibus. *Epod.* 13, 10.

Est in metro X.

g. Versus ionic.

Sic dicti ob pedes ionicos¹ ex quibus constant. Unum tantum apud Horatium talium versuum genus reperitur :

1. — — — — ionicus a minore, — — — — ionicus a majore.

22. Versus ionicus a minore (*ἀπ' ἐλάσσονος*) tetrameter acatalectus.

— — — — —

Miserarum est nec amori dare ludam neque dulci. III, 12, 1.

Alii editores aliter odæ allegatæ versus ordinant, suntque qui et tetrametros ionicos aliosque versus exhibeant.

Est in metro XIX.

h. Versus ex diversis rhythmis mixti.

23. Versus Alcaicus hendecasyllabus.

— — — — — || — — — — —

Dulce et decorum est pro patria mori. III, 2, 13.

Tumultuosum sollicitat mare. III, 1, 26.

Rarius tamen ab iambo incipit. — Quinquies cæsuram neglectam reperies: I, 16, 21; 37, 5 et 14; II, 17, 21; IV, 14, 17; quibus locis adde in hac editione correctum III, 2, 5. — In cæsura hiatus II, 20, 30; III, 2, 30, et brevis syllaba III, 4, 53. — Legitur II, 15, 17 versus sequens:

Nec fortuitum spernere cespitem.

Horatius vel a regula versus discessit, vel syllabam penultimam vocis *fortuitum* produxit.

Est in metro VIII.

24. Versus Alcaicus enneasyllabus.

— — — — —

Si fractus illabatur orbis. III, 3, 7.

Olentis uxores mariti. I, 17, 7.

Rarius tantum iambo utitur in prima sede. — Versus longe plurimi cæsuram habent post syllabam sextam.

Hunc versum præcedenti similem esse patet. Errant qui eum versum iambicum hypercatalectum esse putant et (uti Wetzelius quoque) sic ordinant: — — — — — ; quum in

317 versibus hujus generis apud Horatium obviis ne unus quidem (sciens hoc affirmo) iambum in tertia sede habeat.

Ultima syllaba superflua a vocali subsequenti versus eliditur in II, 3, 27.

Est in metro VIII.

B. SYSTEMATA.

I. Metrum Asclepiadeum primum, $\mu\omicron\nu\acute{\omicron}\kappa\omega\lambda\omicron\nu\ \mu\omicron\nu\acute{\omicron}\sigma\tau\rho\omicron\phi\omicron\nu$, versum Asclepiadeum minorem (num. 8) usque repetens.

$\text{— — — — —} \parallel \text{— — — — —}$

I, 1; III, 30; IV, 8.

Qua ratione hoc metrum Wetzelius $\tau\epsilon\tau\rho\acute{\alpha}\sigma\tau\rho\omicron\phi\omicron\nu$ appellaverit, non liquet, quum numerus versuum odæ 8, lib. IV, non quaternarius sit; continet enim carmen illud 34 versus.

II. Metrum Asclepiadeum secundum, $\delta\acute{\iota}\kappa\omega\lambda\omicron\nu\ \delta\acute{\iota}\sigma\tau\rho\omicron\phi\omicron\nu$, quod ex versu Glyconico (num. 7) et versu Asclepiadeo minori (num. 8) alternatim se excipientibus compositum est.

$\text{— — — — —} \parallel \text{— — — — —}$

I, 3, 13, 19, 36; II, 9, 15, 19, 24, 25, 28; IV, 1, 3.

III. Metrum Asclepiadeum tertium, $\delta\acute{\iota}\kappa\omega\lambda\omicron\nu\ \tau\epsilon\tau\rho\acute{\alpha}\sigma\tau\rho\omicron\phi\omicron\nu$,

constans ternis versibus Asclepiadeis minoribus (num. 8), quos subsequitur versus Glyconicus (num. 7).

-- -- || -- --
 -- -- || -- --
 -- -- || -- --
 -- -- || -- --

I, 6, 15, 24, 33; II, 12; III, 10, 16; IV, 5, 12.

IV. Metrum Asclepiadeum quartum, τρίκωλον τετράστροφον, etc. Constat ex Asclepiadeo versu minori (num. 8) bis posito, versu Pherecratio (num. 6) et Glyconico (num. 7).

-- -- || -- --
 -- -- || -- --
 -- -- || -- --
 -- -- || -- --

I, 5, 14, 21, 23; III, 7, 13; IV, 13.

V. Metrum Asclepiadeum majus, μονόκωλον μονόστροφον. Cf. num. 9.

-- -- || -- -- || -- --

I, 11, 18; IV, 10.

VI. Metrum Sapphicum, δίκωλον τετράστροφον. Ter repetit versum Sapphicum minorem (num. 11) sequenti Adonico (num. 13).

-- -- || -- --
 -- -- || -- --
 -- -- || -- --
 -- -- || -- --

Quater vocem tertiæ lineæ ultimam dissectam invenies :
 I, 2, 19, 25, 11; II, 16, 7; III, 27, 60.

I, 2, 10, 12, 20, 22, 25, 30, 32, 38; II, 2, 4, 6, 8, 10, 16;
III, 8, 11, 14, 18, 20, 22, 27; IV, 2, 6, 11.

Carmen sæculare.

VII. Metrum Sapphicum majus, δίκωλον δίστροφον. Habet
versum Aristophanicum (num. 10) et Sapphicum majorem
(num. 12) alternatim positos.

— — — — || — — — || — — — — — — — —

I, 8.

VIII. Metrum Alcaicum, τρικόλων τετράστροφον. Binos
exhibet versus Alcaicos hendecasyllabos (num. 23), ver-
sum Alcaicum enneasyllabum (num. 24), denique versum
Alcaicum decasyllabum (num. 18).

— — — — || — — — — — — — —
— — — — || — — — — — — — —
— — — — — — — —
— — — — — — — —

I, 9, 16, 17, 26, 27, 29, 31, 34, 35, 37; II, 1, 3, 5, 7, 9,
11, 13, 14, 15, 17, 19, 20; III, 1, 2, 3, 4, 5, 6, 17, 21, 23,
26, 29; IV, 4, 9, 15, 17.

IX. Metrum Archilochium primum, δίκωλον δίστροφον.
Hexametro heroico (num. 17) subjectus est versus Archi-
lochius minor (num. 14).

— — — — — || — — — — — — — —
— — — — — || — — — — — — — —
— — — — — — — —

IV, 7.

X. Metrum Archilochium secundum, δίκωλον δίστροφον.
Hexametro heroico (num. 17) subjectus est versus iambe-
legus (num. 21).

- - - - - || - - - - -
 - - - - - || - - - - -
 - - - - - || - - - - -
 - - - - - || - - - - -

Epod. 13.

XI. Metrum Archilochium tertium, δίκωλον δίστροφον.
 Post versum iambicum senarium (num. 4) sequitur versus
 elegiambus (num. 20).

- - - - - || - - - - -
 - - - - - || - - - - -
 - - - - - || - - - - -
 - - - - - || - - - - -

Epod. 11.

XII. Metrum Archilochium quartum, δίκωλον δίστροφον,
 compositum ex versu Archilochio majori (num. 19) et versu
 iambico trimetro catalecto (num. 3).

- - - - - || - - - - - || - - - - -
 - - - - - || - - - - -
 - - - - - || - - - - -
 - - - - - || - - - - -

I, 4.

XIII. Metrum Alcmanium, δίκωλον δίστροφον. Hexametro
 heroico (num. 17) subjectus est versus dactylicus tetra-
 meter catalectus (num. 15).

- - - - - || - - - - - || - - - - -
 - - - - - || - - - - -
 - - - - - || - - - - -
 - - - - - || - - - - -

I, 7, 28.

Epod. 12.

XIV. Metrum iambicum primum, μονόκωλον μονόστροφον,
 quod semper versum senarium (num. 4) repetit:

υ - υ - υ || - υ - υ, υ -
 - - - || - - -

Epod. 17.

XV. Metrum iambicum secundum, δίκωλον διάστροφον, in quo versus iambicus senarius et quaternarius (num. 4 et 2) alterna vice se invicem sequuntur.

υ - υ - υ || - υ - υ - υ -
 - - - || - - -
 υ - υ - υ - υ -
 - - - - -

Epod. 1—10.

XVI. Metrum pythiambicum primum, δίκωλον διάστροφον. Hexametrum heroicum (qui et versus pythius nominatur) (num. 17) excipit versus quaternarius (num. 2).

- υ υ - υ υ - || υ υ - υ υ - υ υ - υ
 - - - - || - - - -
 υ - υ - υ - υ -
 - - - -

Epod. 14, 15.

XVII. Metrum pythiambicum secundum, δίκωλον διάστροφον. Hexameter heroicus (num. 17) cum versu senario (num. 4).

- υ υ - υ υ - || υ υ - υ υ - υ υ - υ
 - - - - || - - - -
 υ - υ - υ || - υ - υ - υ -
 - - - || - - -

Epod. 16.

XVIII. Metrum trochaicum, δίκωλον διάστροφον. Ex versu . constat trochaico heptasyllabo (num. 5) et iambico tri-

metro catalecto (num. 3), quos si ἀσυναρτήτως (cf. supra sub lit. f.) connectis tanquam seriem trochaicam novem pedum recitare potes.

— — — — —
— — — — —

II, 18.

XIX. Metrum ionicum a minore, μονόκωλον μονόστροφον, usque revolvens versum ionicum a minore tetrametrum (num. 22).

— — — — —

III, 12.

Alii sic versus carminis laudati digesserunt, parum solliciti, in fine versuum quinque vocabula dividi :

— — — — —
— — — — —
— — — — —
— — — — —

ita ut systema τρίκωλον τετράστροφον esset. Alii in duos trimetros, quos sequitur tetrameter, carmen redigunt, dissectis nonnullis vocibus. Rursus alii in duos tetrametros cum uno dimetro distribuerunt. Vide, si tanti est, Bentleyium ad h. l. et Jani Excurs. ad I, libr. III.

C. SYLLABUS.

Odorum, adjecto metro, cui quæque conveniunt.

Lib.	Od.	Metrum.	Lib.	Od.	Metrum.
I.	1	I.	I.	6	III.
	2	VI.		7	XIII.
	3	II.		8	VII.
	4	XII.		9	VIII.
	5	IV.		10	VI.

METRA LYRICA.

17

Lib.	Od.	Metrum.	Lib.	Od.	Metrum.
I.	11	V.	II.	12	III.
	12	VI.		13	VIII.
	13	II.		14	VIII.
	14	IV.		15	VIII.
	15	III.		16	VI.
	16	VIII.		17	VIII.
	17	VIII.		18	XVIII.
	18	V.		19	VIII.
	19	II.		20	VIII.
	20	VI.	III.	1	VIII.
	21	IV.		2	VIII.
	22	VI.		3	VIII.
	23	IV.		4	VIII.
	24	III.		5	VIII.
	25	VI.		6	VIII.
	26	VIII.		7	IV.
	27	VIII.		8	VI.
	28	XIII.		9	II.
	29	VIII.		10	III
	30	VI.		11	VI.
	31	VIII.		12	XIX.
	32	VI.		13	IV.
	33	III.		14	VI.
	34	VIII.		15	II.
	35	VIII.		16	III.
	36	II.		17	VIII.
	37	VIII.		18	VI.
	38	VI.		19	II.
II.	1	VIII.		20	VI.
	2	VI.		21	VIII.
	3	VIII.		22	VI.
	4	VI.		23	VIII.
	5	VIII.		24	II.
	6	VI.		25	II.
	7	VIII.		26	VIII.
	8	VI.		27	VI.
	9	VIII.		28	II.
	10	VI.		29	VIII.
	11	VIII.		30	I.

Lib.	Od.	Metrum.	Lib.	Od.	Metrum.
IV.	1	II.	IV.	13	IV.
	2	VI.		14	VIII.
	3	II.		15	VIII.
	4	VIII.	Epod. 1-10		XV.
	5	III.		11	XI.
	6	VI.		12	XIII.
	7	IX.		13	X.
	8	I.		14	XVI.
	9	VIII.		15	XVI.
	10	V.		16	XVII.
	11	VI.		17	XIV.
	12	III.	Carm. sæc.		VI.

Hic uno intuitu cernere licet omnia versuum genera, quibus HORATIUS, Lyricorum Romanorum princeps, usus est.

1. *Terrūit | urbēm.* Od. 2, l. 1.
1. Adonius dimeter catalecticus.
2. *Arbori|būsque cō|mcē.* Od. 7, l. 4.
2. Dactyl. archiloch. dimet. hypercatalectus.
3. *Grātō, | Pyrrhā, sūb | ānrō.* Od. 5, l. 1.
3. Pherecratius heroicus trimeter acatalectus.
4. *Sic tē | Divā pōtēns Cypri.* Od. 3, l. 1.
4. Choriambic. glyconius trimet. acatalectus.
5. *Aut Ephē|sūm, būdā|rīsvē Cō|rīnthi.*
5. Dactylic. alcmān. tetramet. catalecticus.
6. *Laudā|būnt ālī|i clā|rām Rhōdōn, | aut Mītē|lēnēn.* Od. 7, l. 1.
6. Heroicus hexameter catalecticus.
7. *Nōn ē|būr, nē|que aurē|ūm.* Od. 18, l. 2.
7. Euripideus trochaicus dimeter catalecticus.
8. *Mēā | rēnē|dēt in | dōmō | lācū|nār.* Od. 18, l. 2.
8. Iambicus archilochius trimeter catalecticus.
9. *Amā|cē prō|pūgnā|cūllā.* Epod. 1.
9. Iambicus archilochius dimeter acatalectus.
10. *Sylvā | lābō|rāntēs | gēlū|quē.* Od. 9, l. 1.
10. Iambicus archiloch. dimeter hypercatalectus.
11. *Ibis | Libūr|nis in|tēr āl|tā nā|vūm.* Epod. 1.
11. Iambicus archiloch. trimeter acatalectus.
12. *Mācoē|nās ātāvīs | ēdītē | rēgībūs.* Od. 1, l. 1.
12. Choriambic. asclepiad. tetramet. acatalectus.

13. *Jām sǎ|lūs tēr|rīs nīvīs | ātquē | dīræ.* Od. 2, l. 1.
13. Sapphicus pentameter acatalectus.
14. *Vīdēs | ūt āl|tā | stēt nīvē | cāndīdūm.* Od. 9, l. 1.
14. Dactylicus alcaicus acatalectus.
15. *Flūmīnā | cōnsūtē|rīnt ā|cūtō.* Od. 9, l. 1.
15. Dactyl. alcaic. vel pindaric. tetram. acat.
16. *Tū nē | quæslērīs, | scīrē nēfās, | quēm mīhī, | quēm | ūbī.* Od. 11, l. 1.
16. Choriamb. alcaic. pent. acat.
17. *Lydīā, dīc | pēr ōmnēs.* Od. 8, l. 1.
17. Choriambicus aristophanius dimet. acat.
18. *Tē Dēūs ō|rō, Šybārīn | cūr prōpērēs | āmāndō?* Od. 8, l. 1.
18. Choriambicus alcaicus tetram. acatalect.
19. *Mīsērārum ēst | nēque āmōrī | dārē lūdūm.* Od. 12, l. 3.
19. Ionicus a minore sapph. trimet. acatal.
20. *Sōlvītūr | ācrīs hŷ|ēms grā|tā vīcē | vērīs | et Fā|vōnī.* Od. 4, l. 1.
20. Dact. archil. heptam. acat. asynartetus.
21. *Scribērē | vērsicū|lōs, | āmō|rē pēr|cūlsūm | grāvī.* Ep. 11.
21. Elegiambicus archilochius asynartetus.
22. *Nīvēs|quē dē|dūcūnt | Jōvēm, | nūnc mārē, | nūnc sīlū|æ.* Ep. 13.
22. Iambelegus archilochius asynart.

METRA HORATIANA.

LECTORI SALUTEM.

Amisos tot lyricæ poeseos auctores magni inter Græcos nominis, unus nobis Horatius facit, ut lenius desideremus. Placuit igitur seculis ingenii felix, numeris curiosus. Horatiana certe metra Diomedes et Marius Victorinus, præter Plocium et Atilium Fortunatianum, ex professo posteris explicata reliquerunt. Specimen eorundem in brevem tabellam conjectum continenti carmine Petronius, quisquis is fuit (nam alios ejusdem nominis alia ætas tulit), in vulgus edidit. Ad istud exemplum magistri artis poeticæ studiosos tirones ad multijugam lyræ latinæ modulationem exercere poterunt. Ita velim hoc accipias, et tuearis, non tanquam aliquod magnum aut novum, sed ut indignum quod in desuetudinem abeat, quum in se tantum habeat compendii. Tuum erit pro Pasiphae substituere, Daphnen, Phaetonta, Cadmum, vel alium quemlibet describendum. Quantum argumenti verî aut fabulosi eminet, materiam suppeditabit, modo ne desit afflatus: ultro rapiet ad se generosam urbanæ juventutis indolem, ni fallor, artifex pagina, quo rectius ad dithyrambum contendant. Vale.

PASIPHAE.

1. Filia solis
2. Æstuat igne novo ;
3. Et per prata juvencum
4. Mentem perdita quæritat.
5. Non illam thalami pudor arcet,
6. Non regalis honos, nec magni cura mariti.
7. Optat in formam bovis
8. Convertier vultus suos :
9. Et Proetidas dicit beatas,
10. Ioque laudat, non quod Isis alta est,
11. Sed quod juvencæ cornua in fronte erigit.
12. Siquando miseræ copia suppetit,
13. Brachiis ambit fera colla tauri,
14. Floresque vernos cornibus illigat,
15. Oraque jungere quærit ori.
16. Audaces animos efficiunt tela cupidinis :
17. Illicitisque gaudet
18. Corpus includi stabulis se faciens juvencam.
19. Et amoris pudibundi malesuadis
20. Obsequitur votis, et procreat, heu nefas ! bimembrem.
21. Cecropides juvenis quem perculit fractum manu,
22. Filo resolvens Gnossiæ tristia tecta domus.

D. dactylus; S. spondens; T. trocheus; I. iambus; J. ionicus a minori;
— cæsura.

1. D. S. *Adonium, Adonidium*; Plocius adducit in exemplum ὁ τὸν Ἄδωνιν. Dicitur Epodos, quia subjicitur Sapphicis, apud Horatium, ternis: Anapæstis apud Senecam, quotenos res tulerit. Heroici Κόμμη ληκτικόν, vel τελικόν. *Dimetrum ex inferiori parte hexametri*. Diomedes metr. Hor. L. I, Od. 10, nominari perhibet *nícen celicon climeteon*; corrupte, quantum auguror, ex ἐπικὴν τελικὴν Διμοιρίαν. *Remoto hexametri besse, reliquum trientem*. *Nota*. Versus certis pedibus alligati, qui *monoschematisti* audiunt, per syllabas numerari patiuntur; unde *Sapphicum pentasyllabum* vocatur. Musicis chóriambicum monométrum hypercatalectum.

2. D. D. —. *Archilochium heptasyllabum* constat ex *basi*, vel *dipodia dactylica* cum semipede. Dimetrum dactylicum hypercatalectum. *Cæsura ex superiori parte hexametri penthemimeres* subnectitur hexametro. Carm. L. IV, Od. 7.

3. S. D. S. *Pherecratium* ab inventore. Pherecrates in Coriano:

Ἄνδρες πρόσχετε τὸν νοῦν
Ἐξευρήματι καινῷ
Συμπύκτοις ἀναπαίστοις.

Plocius *monoschematistum* vocat: habet enim pedes in eodem situ invariabiles; ut qui juxta grammaticos duobus hinc inde spondeis dactylum semper interjiciat medium: unde et *heptasyllabum* fieri necesse est. Quod addit idem alios *symptycton*, alios *anapæsticum* dicere, vereor ut alterutri quid sibi velint, satis intellexerint: nec enim Pherecratis verba de *pede anapæsto* ceperim; quum Hephæstion

mētricus Pherecratium *hepthemimeres antispastico* generi vindicet, ita scilicet partitur ut epitritum quartum complicit, cum epitrito primo cujus ultima deficit. Διατάληκτον vocat, et ἀσυνάρτητον κατὰ ἀντιπάθειαν, quia *trochaicam protomen* claudit *Iambica catalexis*: quum hæ conjugationes sibi mutuo adversentur. *Sesquiseptenaria* clausula dicitur, quod tribus dissyllabis pedibus bisectis accedat semipes. Ἀνάπαισις hic id valere videtur quod in Ionicis Ἀνάκλασις. Pes enim septem temporum et pes quinque temporum simul sumpti puncta conficiunt duodecim: ut *dimetrum*, quamvis syllaba deficiat, tamen per hanc *epiplocen* velut ex repercussione justos absolvat numeros. Post Asclepiadea bina ponitur, sequente Glyconio. L. I, Od. 5, 14, 21, 23, et L. III, Od. 7, 13.

4. S. D. D. *Glyconium octasyllabum*; duobus dactylis spondeum præjacet. Locum sortitur apud Horat. vel ante singula Asclepiadea, vel post bina cum Pherecratio, vel denique post terna. *Hemiepos* dicitur. Animadvertas licet *Glyconium Pherecratio præmissum conficere Priapeium*, quomodo Catullus:

Hunc lucum tibi dedico consecroque, Priape.

Et Virgilius:

Cui non dictus Hylas puer et Latonia Delos?

5. S. D. D. S. *Tetrametrum dactylicum*. Si desinit in spondeum, *Archilochium*: sin in dactylum, *Alcmanium*. Hexametri Κόμμα ἀρχυκόν, ex parte superiore versus: ὁμοῖον ἔπους, bes hexametri. *Bucolica tome*; in tetrametrum Alcmanium, pastorale carmen Theocrito, quam Virgilio frequentius cæditur. Postponitur hexametro. L. I, Od. 7, 28; Epod. 12.

6. S. D. S. S. D. S. *Heroicum, Epos*. L. I, Od. 7, 28.

Præmittitur tetrametro heroico, Epod. 12; penthemi-

meri dactylicæ, L. IV, O. 7; iambico dimetro, Epod. 14, 15; trimetro puro, Epod. 16. Horatiano seu Archilochio composito ex iambico dimetro et penthemimeri dactylica, Epod. 13.

7. T. S. T. —. *Trochaicum* vel choricum *dimetrum catalecticum*. *Ἀρχύθιον Euripidium. Complementum penthemimeris iamb. ad trimetrum*. Præponitur iambico trimetro catalectico. Carm. L. II, Od. 18.

8. S. I. S. I. *Dimetrum iambicum*. Succinitur trimetris. Unde Epodi nomen inprimis, Epod. a 1 ad 10. Item hexametris, Epod. 14, 15. Nota. *Dimetrum trochaicum catalecticum* si connectas cum *dimetro iambico acatalecto*, exhibit *septenarius trochaicus*, qui est versus *Comicis* perquam familiaris.

9. S. I. S. I. —. *Alcaicum iambicum dimetrum hypercatalectum*. Enneasyllabum in Alcaico carmine tricolo tetrapstropho tertiam sedem semper obtinet.

10. I. I. S. I. I. —. *Iambicum trimetrum catalecticum hendecasyllabum* bis apud Horatium reperitur, L. I, Od. 4. Subiunctum versui composito ex Bucolico et Ithyphallico, L. II, Od. 18. Trochaico dimetro catalectico pariter subiectum.

11. S. I. S. I. S. I. *Archilochium iambicum trimetrum acatalectum*. Iambus per se facit canticum ad Canidiam et Palinodiam; alibi trimeter dimetro præmittitur, Epod. a 1 ad 10; aut heroo purus subiungitur, Epod. 16; aut denique prætenditur Horatiano, seu Archilochio composito ex penthemimeri dactylica et iambico dimetro, Epod. 11.

12. S. D. —. D. D. *Asclepiadeum dodecasyllabum*; ipsum cantilenam absolvit, L. I, Od. 1. Glyconium subsequitur, L. I, Od. 3, etc. terna præcedunt Glyconium, L. I,

Od. 6, etc. bina sibi aggregant Pherecratium cum Glyconio, L. I, Od. 5, et sæpius.

13. T. S. D. T. T. *Sapphicum hendecasyllabum*; unius omnino figuræ quarto clauditur Adonio: passim.

14. S. I. —. D. D. *Alcaicum hendecasyllabum*: ubique sibi par constat ex penthemimere iambica et basi dactylica. Prima combinatio est sex septemve temporum. Bina hendecasyllaba ducunt. Ennehemimeres iambica sequitur.

15. D. D. T. T. *Alcaicum decasyllabum* cogit agmen. Hanc carminis complexionem Horatius inprimis celebravit.

16. S. D. —. D. —. D. D. *Phalæcium antispasticum tetrametrum*. Ratio cur hoc nomine insigniatur est ex canone. Epitritus 4 antispast. antispast. diiambus. Nos autem id agimus ut, quod fieri potest, intra trisyllabos pedes subsistamus; quare *versum hecædecasyllabum* per duas cæsuras penthemimere et trihemimere carpimus, donec in basin dactylicam deponatur, Lib. I, Od. 11; L. IV, Od. 10.

17. D. T. T. *Alcaicum*, vel Anacreontium *dimetrum heptasyllabum*. Quodcunque metrum constat ex dactylis et trochæis, *logædicon*, id est, *prosometrum* appellatur; eo fortassis quod Asiatici oratores orbem verborum ditrochæo libenter claudebant: alias ex choriambo et bacchio, L. I, Od. 8.

18. T. S. D. —. D. T. T. *Sapphicum hepthemimeres* cum supraposito *Alcaico dimetro*. Superior versus cum hoc sic conjungitur apud Horatium. Verior metiendi ratio est per epitritum, vel hippium secundum, duos choriambos et bacchium. Alcaicum pentecædecasyllabum dicitur, L. I, Od. 8.

19. J. J. J. *Ionicum a minori trirrythmum acatalectum*

binis trirrhythmis subjungitur tetrarrhythmum, L. III, Od. 12.

20. D. S. S. D. T. T. T. *Archilochium* compositum ex *tome Bucolica* quod est *tetrametrum dactylicum* et *trochaico dimetro brachycatalecto* quod *ithyphallicum* dicitur. Subjectum sibi habet iambum trimetrum catalecticum, L. I, Od. 4.

21. D. D. — . S. I. S. I. *Archilochium* compositum ex penthemimeri epica, et iambico dimetro. Observatu dignum metra quæ dactylicis iambo apponunt, *encomiologica* dici. Postponitur iambo trimetro. Elegiambus appellatus. Epod. 11.

22. S. I. S. I. D. D. — . *Archilochium* compositum ex iambico dimetro et penthemimeri epica. Sequitur hexametrum. *Iambelegos*. Epod. 13.



QUINTI
HORATII FLACCI
CARMINUM
LIBER PRIMUS.

CARMEN I.

AD MÆCENATEM.

Alia alios delectant; Horatius vero poetæ lyrici nomen affectat.

MÆCENAS, atavis edite regibus,
O et præsidium, et dulce decus meum!
Sunt quos curriculo pulverem Olympicum
Collegisse juvat; metaque fervidis

1. *Atavis edite regibus.* Mæcenas ortus fuit e gente Cilnia, cujus atavi ideo reges vocantur, quia fuerunt inter Lucumones, sive Etruriæ reges. Vid. Serv. in *Æneid.* lib. II et VIII. « Mæcenas eques, Etrusco de sanguine regum. » Propert. lib. III, el. 2, ad Mæcen. Docent etiam a regibus oriundum esse Mæcenatem Silius Italicus X, 41; Martialis XII, 4, 2; Velleius II, 87. — *dulce*, refer ad voluptatem quam poeta ex intima tanti viri familiaritate percipiebat. — *curriculo*, hoc accipiat pro spatio ad currendum apto, h. e. stadio, non au-

tem pro exiguo curru, ut quidam volunt, quod omnino vetat ratio lyrica. — *juvat*, antique et poetice pro *juvet* post sunt quos. — *pulverem Olympicum collegisse*, pro certasse in ludis Olympicis; certantes enim, dum velocissimo cursu feruntur quadrigis, pulverem movent, excitant, corpore excipiunt. — *fervidis*, h. e. præ celeritate fugæ ignem fere concipientibus. — *Evitata*, hoc enim aurigarum artis summum erat, ut currus, quam rapidissime in- vectus, circa metam flecteret, nec tamen ejus vel levissimo contactu, rota allideretur; inde pendebat victoria. —

Evitata rotis, palmaque nobilis,
 Terrarum dominos evehit ad Deos:
 Hunc, si mobilium turba Quiritium
 Certat tergeminis tollere honoribus;
 Illum, si proprio condidit horreo,
 Quidquid de Libycis verritur areis.
 Gaudentem patrios findere sarculo
 Agros, Attalicis conditionibus

Terrarum dominos ad Deos referatur, non ad Romanos, ut quidam volunt, inepte profecto, quum hic, non de ludis circensibus, sed de Olympicis, utpote clarissimis et ideo generaliter sumptis, agatur. — *evehit*, ad Deos evehi, cælum tangere dicitur, cui aliquid felicissime aut honorificentissime evenit. Bentlei. *evehere*, nemine assentiente.

7. *Hunc*, scil. *juvat*, ut infra, post *illum*, non autem *evehit ad Deos*. Nam etsi in hoc versu non intempestive hæ voces usurpari possint, non idem foret de versibus 9 et 10, in quibus nihil est quod ad Deos evehat. — *mobilium*, leviam, inconstantium, quod epithetum istos honores minoris pretii et minime affectandos esse ostendit. Bentlei. *nobilium*, quod certe non eodem sensu pollet. — *Certat tollere*, magno cum studio partium tollit, extollit. — *tergeminis*, h. e. amplissimis, maximis; non autem hoc verbo significantur, ut plerique fere cogitant, tres summi Romanorum magistratus, sc. consulatus, prætura et ædilitas, quæ curiosior diligentia pedestris orationis potius quam lyricæ poseos esset. — *Illum*, h. e. alius delectatur copia frugum, h. e. divitiarum;

hic enim pro opibus generaliter sumendis, ponitur opum species quædam, sc. messium. — *Condidit*, conditum servat, possidet. — *horreo proprio*, h. e. suo, quod sensui vim adhibet, quum possideat privatus et tanquam suos, omnes multorum latifundiorum, et totius Africæ proventus. — *Lybicus*, pro Africis et specialius pro frugum fertilissimis. — *verritur areis*. In area enim, id est, in solidata agri parte, fruges terebantur; I, Sat. 1, 45. « Non quidquid Lybicus terit ferrens area messibus, » ait Seneca, Thyest. 386: *verrendo* colligebantur.

11. Suavior jam succedit pictura rusticæ rebus sibi a patre relictis satagentis, qui, nulla spe lucri, a suæ vitæ genere abstrahi se patiat. — *Attalicis conditionibus*: conditio est pactio, vel stipulatio qua quid alicui promittitur, dum aliquid dare aut facere ipse spondet; h. e. igitur promissis opibus Attalicis, sc. maximis, ab Attalo Pergami rege, ditissimo, qui omnes divitias populo Romano hæredi scripto reliquerat, Flor. III, 12. — *dimoveas*, abducas ab agro patrio. — *trabe*, navi e trabibus facta; hic sc. per synecdochen pars pro toto ponitur. — *Cyprin*, mercatoria, a Cy-

Nunquam dimoveas, ut trabe Cypria
Myrtoum pavidus nauta secet mare.

Luctantem Icaris fluctibus Africum 15

Mercator metuens, otium et oppidi
Laudat rura sui: mox reficit rates

Quassas, indocilis pauperiem pati.

Est qui nec veteris pocula Massici,

Nec partem solido demere de die 20

Spernit, nunc viridi membra sub arbuto

Stratus, nunc ad aquæ lene caput sacræ.

pro mercaturæ deditissima. — *Myrtoum*, ita pars maris Ægei, inter Cretam, Peloponnesum et Euboeam, ab insula Myrto dicebatur; hic pro quovis procelloso mari. — *pavidus*, apte, ut de homine navigationis prorsus insueto.

15. Tranquilla coloni vitæ imaginem mercatoris nimia lucri cupiditate in nova semper pericula impulsus poeta præclare subtexnit. — *Africum*, vehementiorem et procellosum ventum, flantem ab Africa et occasu (Gall. *ouest-sud-ouest*); « præcipitem Africum decertantem Aquilonibus, » Od. III, 12; « creberque procellis Africus, » Æn. I, 85. — *Icar. fluct.* pars maris Ægei, inter Cretam et Icariam, insulae, ab hac sic dicta; alii volunt ab Icaro, Dædali filio, qui solutis a sole cereis pennis, in eam cecidisse fertur. — *otium et oppidi rura sui*, vita sc. tranquilla opponitur vitæ vel forensibus negotiis, vel maritimis periculis districtæ. Bentlei. *tuta pro rura*, sed inepte. — *Laudat*, h. e. longe præfert. — *mox*, quum e periculis incolumis evasit: ex ipsa ambitiosi animi natura, qui obstacula vel discrimina jam non

præsentia nihil curat. — *Quassas*, fractas, laceras, quod præclare pertinacissimum mercaturæ studium ostendit. — *pauperiem*, non vitam omnium rerum egenam, quam nullus *docilis est pati*, sed vitam sine quæstu et lucro, quæ luxui indulgere non potest, ita ut a sapiente æquo animo feratur, ambizioso autem et avidissimo egenatis loco sit et intoleranda videatur. — *indocilis pati*, græca phrasid: qui doceri non potest, ne periculis quidem, ut patiat, etc.

19. *Non spernit*, valde delectatur, valde amat. — *Massici*, vini generosioris, in Massico, monte Campaniæ, nati, Plin. XIV, 6. — *partem solido demere de die*, h. e. adimere rebus gerendis, et hilaritati adeo dare partem de die solido, qui solidus, h. e. integer, totus rebus agendis impendi debuerat: « Hodiernus dies solidus est, nemo ex illo mihi quicquam eripuit; » Senec. Ep. 83. — *membra stratus*, phrasid græca, a poetis frequentissime usurpata, pro membris stratis, habens membra strata. — *aquæ lene caput sacræ*, hic per hypallagen transfe-

Multos castra juvant, et lituo tubæ
 Permixtus sonitus, bellaque matribus
 Detestata. Manet sub Jove frigido
 Venator, teneræ conjugis immemor,
 Seu visa est catulis cerva fidelibus,
 Seu rupit teretes Marsus aper plagas.
 Me doctarum ederæ præmia frontium

25

runtur epitheta, ita ut *lene* potius ad *aquam* leniter ex fonte scaturientem referri debeat, *sacræ* autem *ad caput* id est, fontem, quum diis agrestibus vel nymphis fontes vulgo sacri forent: *fontes sacros*, Virg. Eclog. I, 53. — *nunc... nunc*, mire depingit vox illa bis repetita, hominem in otio luxuriantem.

23. *Et lituo tubæ*, lituus qui erat incurvus et sono acuto fuit equitum, tuba autem directa et sono gravi, pedatum. — *Detestata*, passive, quæ matres detestantur, quod filiis et maritis orbantur: « parentibusque abominatus Annibal, » Noster, Epod. XVI, 8.

25. *Manet*, pernoctat, ut sæpe dicunt Cicero et Livius. « Manebat in proximo cujuscumque domesticorum cornaculo, » ait Sueton. de Augusto. — *sub Jove*, sub dio, ὑπὸ Διός, sub cælo: « Istic est hic Jupiter quem dico, quem Græci vocant aerem. » Ennius. — *catulis fidelibus*, h. e. canibus ita fidelibus, non ut heros semper diligant, aut sequantur, sed ut ferarum vestigiis semel odoratis usque inhæreant. — *teretes*, tereti, h. e. levi et rotundo filo contexta. — *Marsus aper*, non sine delectu, propter saltuosam Marsorum regionem, et aprorum vigorem qui in ea reperiebantur.

29. *Me doctarum ederæ præmia frontium* *dis miscent superis*, h. e. ego sum poeta; et poetarum præmio, corona ederacea, cinctus, deorum admittor concilio. Poetæ enim divino, quo aguntur, furore pleni, diis interesse, eosque *videre* (Od. II, 19, 2) et *audire* (Od. III, 46) sibi videntur: « Fas mihi præcipue vultus vidisse Deorum, vel quia sum vates, vel quia sacra dico, » Ovid. Fast. III, 4, 7. Adeas etiam Stat. Theb. III, 580; Achill. I, 508: pro *me*, nonnulli *te* contra omnium MSS. fidem, et idearum seriem, et rerum veritatem scribere volunt. Hæc enim est totius carminis sententia: diversa plane, Mæcenas, vitæ studia sectantur homines; alius hoc, alius illud amplectitur, ego poeseos mihi delegi studium. Sin autem pro *me* legeris *te*, erit hæc: alius hoc, alius illud sequitur; tu es poeta et ego sum poeta. Præterea Mæcenas, quidquid de ejus doctrina et poeseos studio tradant scriptores, non fuit poeta; neque eum ut magnum poetam laudare potuisset Horatius, quin apud omnes Romanos apertus adulator exstaret. Si ad Mæcenatem in v. 29 orationem convertere voluisset, hæc ei exprimenda fuisset sententia: te juvat rerum publicarum esse curatorem et

Dis miscent superis; me gelidum nemus,
 Nympharumque leves cum Satyris chori
 Secernunt populo; si neque tibiae
 Euterpe cohibet, nec Polyhymnia
 Lesboum refugit tendere barbiton.
 Quod si me lyricis vatibus inseris,
 Sublimi feriam sidera vertice.

30

35

administratorem. — *ederæ*, Baccho sacræ, æque ac laurus; poetarum, præcipue Bacchi laudes canentium, præmium atque insigne: « Pastores edera crescentem ornate poetam, » Virg. Ecl. VII, 25. — *Secernunt populo*, possis explicare: sejungunt a consuetudine et consortio hominum, et me solitudine, quam amant poetæ, recreant; sed quum *secernunt populo* his vocibus supra *Dis miscent superis* respondeat, malim explicare: me distinguunt a populo, ultra vulgarem hominum sortem me extollunt. — *si pro dummodo musæ faveant*. — *Euterpe*, *Polyhymnia*, pro omnibus musis. — *Cohibet*, retinet, denegat. — *Lesboum barbiton*, Lyram, Lesboam dictam ab insula Lesbo, Alcæi et Sapphus patria: « Lesbio primum modulate civi, » Od. 32, Huj. lib. — *tendere*, temperare, moderari fides barbiti. — *Sublimi feriam sidera vertice*, delicatissimum sane laudandi genus, quum se caput sublime ad sidera usque ela-

turum profiteatur, si Mæcenatis, præstanti suffragio inter lyricos Græciæ poetæ adnumeretur. Hunc felicem carminis exitum Voltarius noster probaverat, quum ex animo ad amicum judicem anno 1732 scriberet: « Quod si me *tragicis* vatibus inseris, Sublimi feriam sidera vertice. » Sed deinde levi et mordaci ingenio nimis indulgens eundem alibi deridere tentavit his verbis: « Je ne vois pas quel mérite il peut y avoir à dire à son ami « Mécènes, que s'il est mis par lui au « rang des poètes lyriques, il frappera « les astres de son front sublime. » Quis enim veteris poeseos tam rudis, qui ignoret quam frequenter metaphoram hanc poetæ usurpaverint, ut summum gloriæ significarent fastigium? εἰς οὐρανὸν ἔμμεν ἀλείψαι, (Gall. « Je sauterai au ciel, ») ait Theocritus V, 144; « quo me fama levat sublimis, » Prop. III, 1, 9; « Haic tu quum placeas et vertice sidera tangas, » Ovid. ex P. II, 3, 57, ad Salanum.

ANALYSIS. Carmina sua, forte duos vel tres priores libros Mæcenati traditurus poeta, hoc præfationis loco præmisso, suum poeseos studium prædicat, seque in eo sibi maxime placere ait, si Mæcenatis judicio probetur, Primariam hanc carminis sententiam, per se simplicissimam, quomodo tractaverit, quibusque virtutibus exornaverit, jam expende. Habet quisque, ait, quod sequa-

tur, in quo beatum se existimet, stadium. Alium gloria et honorum amplitudo; divitiarum alium tenent. Hic sorte sua contentus vitam degit; ille habendi cupiditate flagrat maxima; dum alius, rerum omnium securus, genio suo indulget. Militia hos, illos venatio delectat. Ego vero poesin sector, solique huic vaco; quæ, si tibi probabitur, summam inde poetæ lyrici gloriam, tantum enim iudicio tuo tribuo, me adsecutum, ut vates Græcos, arbitrabor. Atque sic satis ornatus dedisse videri poterat; sed imaginibus istis colores adpersit eos quibus toti carmini, tanquam picturæ, vitam ac spiritum daret. Delineaturus enim diversa hominum studia poeta, iis fere exemplis defungitur, quæ et rem optime illustrent, et in quibus vis studiique pertinacia maxime eluceat. Sic pro his qui gloriæ omnia tribuunt, ponit, et e Græcis quidem, victores in ludis Olympicis, e Romanis vero, homines amplissimis honoribus in comitiis ornatos; illos non divitiis simpliciter, sed totius Africæ proventu in horreis ipsorum congesto beatos designat. Et sic de cæteris.

E Græcis quos hic sequeretur, ante oculos habuisse videtur Pindarum, in fragment. a Schneidero V. C. Collectis, p. 81. Similes sententiæ occurrunt in Solonis el. VI, 42, sq. in Anal. Br. t. I, p. 67. E Latinis eundem hunc de diversis hominum studiis locum egregie tractavit Virgil. Ge. II, 502, sq. « Sollicitant alii remis freta cæca, » etc. et diverso paulum modo Propert. III, 7, ad Mæcen. et ipse Horat. lib. I, Sat. 1, ab initio.

CARMEN II.

AD AUGUSTUM CÆSAREM.

Dii Romanis irāti sunt ob Cæsaris cædem; unica spes imperii
constituitur in Augusto.

JAM satis terris nixis atque diræ
Grandinis misit Pater, et rubente

1. *Satis*, nimis multum, satis superque: « satis jam pridem sanguine nostro Laomedontem luimus perjuria Trojæ, » Virg. Ge. I, 501. — *nixis*, nix, quam in nostra regione nemo miretur, facile prodigii loco Romæ haberi poterat, ut pote, in tali cæli temperie, minime frequens. — *diræ*, diræ res

dicantur quæ sunt mali ominis et Deorum iram portantur: « Nec diri toties arsere cometæ, » Virg. Ge. I, 488; « dirum mortalibus omen, » Ovid. Metam. V, 550. — *misit*, pro immisit. — *terris*, græce, pro in terras. — *rubente*, repertusso fulminum rubentium fulgore irradiata. Splendida

Dextera sacras jaculatus arces,
 Terruit urbem;
 Terruit gentes, grave ne rediret
 Sæculum Pyrrhæ, nova monstra questæ,
 Omne quum Proteus pecus egit altos
 Visere montes;
 Piscium et summa genus hæsit ulmo,

5

scilicet imago Jovis fulguratoris. Sic in Stat. Theb. IX, 888: «Ardens» dicitur aquila «fulminis vector,» et in Æneid. VII, 141: «Hic pater omnipotens cælo ter *clarus* ab alto intonat.» Simplicius quoque intelligi poterit *rubens dextera* pro *dextera rubentibus fulminibus armata*, per figuram quæ dicitur Metonymia. — *jaculatus arces*, jaculari arces pro arces jaculando percutere, ut Ovid. in Ibin. 49: «Sic ego te nondum ferro jaculabor acuto,» et Amor. III, 3, 35: «Jupiter igne suo lucos jaculatur et arces.» — *arces*, τὰ ἄκρα, loca edita, colles; unde *arces sacras* pro templis in locis editis, imprimis vero h. l. pro Capitolio, Jovis aliorumque deorum templis ornato. Scilicet fulmina gravissimam Deorum iram significare videbatur quum publica monumenta et præsertim templa attingeret, quasi suas aedes numina derelinquere pararent. Hinc ea res in maximis prodigiis habita; quod optime demonstrat illa Constantini constitutio, Cod. Theod. de paganis sacrificiis et templis: «Si quid de palatio nostro, aut cæteris operibus publicis degustatum fulgore esse constiterit, retento more veteris observantiam, quid portendat ab aruspiciibus requiratur.»

3. Terruit gentes ne, etc. h. e.

fecit, ut gentes timerent, ne, etc. — *gentes*, non hoc verbo *gentes* per oppositionem verbi *urbem*, significantur populi Romæ vicini, vel municipia, ut in notissimis auctoribus sæpe fit, sed potius omnes mundi, qui tunc totus in imperio Romano erat, populi, quæ augustior et poeta dignior imago est. — *Sæculum Pyrrhæ*, tempora illa quibus Deucalion cum uxore Pyrrha oppressus fuit diluvio: quæ omnia in fabulis effusius et frequentius enarrata, quam ut nova explicatione indigeant. Vid. imprimis Ovid. Metam. I, 260 sqq. — *Pyrrhæ*, non sine delectu pro *Deucalionis*; multo graviore enim muliercularum in rebus trepidis querelæ. Hunc locum ante oculos habuit Claudian. de Bello Gildon. v. 43, re tamen in majus aucta: «Remorumque sonos et Pyrrhæ sæcula sensi.» — *nova monstra*, h. e. rerum omnium perturbatum ordinem. Monstra enim dicuntur quæ nondum visa ac audita fuerant. Sic de prima nave Catull. Epith. Pel. V, 15: «Æquoreæ monstrum Nereides admirantes.» — *Proteus*, deus marinus, cui armenta sua pascenda Neptunus permiserat. Vid. Virg. Georg. IV, 398 sqq. — *egit visere*, græca locutio: id est, egit ad visendum. — *Piscium et summa genus hæsit ulmo*, etc. nonnulli sunt

Nota quæ sedes fuerat columbis;

10

Et superjecto pavidæ natarunt

Æquore damæ.

Vidimus flavum Tiberim, retortis

Litore Etrusco violenter undis,

Ire dejectum monumenta Regis,

15

Templaque Vestæ;

qui leviter in re tam atroci piscium et palumborum mentionem injectam pronuntiaverint, maluerintque hanc abesse diluvii descriptionem; hujus autem generis digressiones et multo effusiores et frequentissimas apud Pindarum reperias. — *Nota*, consueta, propria. — *sedes*, vox nobilior pronidis avium. — *columbis*, silvestribus scilicet, quæ palumbes vulgo dicuntur. — *superjecto*, adeo extra modum effuso, ut cooperiret altissimas rupes quas vulgo damæ inhabitant.

13. *Vidimus*, graviter dictum, adjunctam enim stuporis ac metus habet notionem. — *flavum*, a flavo arenarum colore; v. *Æneid.* VII, 31 et Ovidii *Metam.* XIV, 448. — *retortis litore Etrusco violenter undis*, a litore Etrusci, seu Tyrrheni maris, in quod influebat Tiberis, adeoque in ejus ostio compressis, retroque, versus caput, violenter actis. Quod fieri potest « si, ut ait Seneca Nat. Quæst. III, 26, Crebrioribus ventis ostium cæditur, et reverberatus fluctu amnis resistit; qui crescere videtur, quia non effunditur. » Vid. etiam Plin. Ep. VIII, 17, 2, in qua similis ejusdem fluvii inundatio effuse describitur. Quibus explanationibus ac testimoniis fretus eorum sententiam, licet non absurdam, rejicere non dubitem, qui litus Etruscum de

dextra Tiberis ripa, quæ Etruriam spectabat, accipiunt. — *Ire dejectum*, pulcherrima sane expressio et vi plena, quæ undis mentem ac consilium dare videtur, et dei, scilicet Tiberini, voluntati tribuit, quod natura facile acciderat. Et hic prorsus non sine magna quadam majestate et dignitate, Deum ipsum in tali re agentem inducit, nec parvam exprobrationibus suis gravitatem addit poeta, quum Tiberim ipsum indignantem ac poenas exercentem fingit. Qui enim ignoret quanto cultu Tiberim venerarentur Romani, Taciti Annal. I, 79 adeat, ubi viderit inundanti Tiberi moles obijci noluisse senatum, « ne minore gloria flueret. » — *monumenta regis*, regiam Numæ Pompilii. — *Templaque Vestæ*, eodem Vestæ conditam ac consecratam ab eodem Pompilio, juxta regiam. Hoc enim templum vocat Ovidius Fast. VI, 269, « regis opus placidi. » Idem etiam eodem loco: « Hic locus exiguus, qui sustinet atria Vestæ, tunc erat intonsi regia parva Numæ; » et Trist. III, 1, 30, suo libro urbem ingressuro loca indicans: « Hic locus est Vestæ, qui Pallada servat et ignem; hæc fuit antiqui regia parva Numæ. » Vide etiam Plutarchum in vita Numæ, et Serv. ad Virgil. *Æneid.* VII, 155.

Ilia dum se nimium querenti
 Jactat ultorem, vagus et sinistra
 Labitur ripa, Jove non probante, u-
 xorius amnis.

20

Audiet cives acuisse ferrum,
 Quo graves Persæ melius perirent;
 Audiet pugnas vitio parentum
 Rara juvenus.

Quem vocet Divum populus ruentis
 Imperi rebus? prece qua fatigent
 Virgines sanctæ minus audientem
 Carmina Vestam?

25

17. *Ilia*, sive Rhea Silvia quæ Romulum Marte concepit; ideo, quod ab Amulio vel in fluvium Anienem, vel Tiberim demersa, utriusque fluvii uxor dicitur. — *querenti*, sc. necem Caesaris, cognati sui, quippe qui, ut ipsa Ilia, ab Iulio, sive Ascanio, Albæ rege, originem duceret. — *nimium*, alii jungunt *nimium querenti* quod quidem de femina vindictæ insatiabili apprime intelligeretur; jungendum vero potius *nimium ultorem* suadent sqq. *Jove non probante* et *uxorius*. Nonnulli etiam jungi volunt *nimium jactat*, quod eadem est sententia, sed forma minus poetica. — *sinistra ripa*, ubi Roma sita fuit. — *Labitur*, alias de placido aquarum cursu intelligitur, hic autem de citatiori et vehementiori, quam etiam *vagus* verbo vim addat. — *Jove non probante*, sc. Jupiter Romanorum patronus, Romam terri, non autem perdi volebat. — *uxorius*, uxori nimium inserviens. Virg. *Æneid.* IV, 266: « Pulchramque uxorius urbem exstruis. »

21. *Cives*, hoc verbo significatur hic de civilibus bellis agi. — *acuisse*, major ostenditur civium inter se pugnantium furor, cum ferrum quam acutissimum reddere appeterent. — *graves Persæ*, Persarum nomine Parthi intelliguntur, qui a Persis victi cum iisdem coaluerant. *Graves*, h. e. infesti, molesti, Crassi cæde adhuc recenti et inulta; sic ἄρῃς Πέρσας dicitur Alexander a Theocrito, *Idyl.* XVII, 19. — *Quo graves Persæ melius perirent*, satius fuisset Parthos perire hoc ferro. — *Rara juvenus*, id est, posterius quorum exiguus numerus restabit vitio, h. e. culpa parentum, qui furore civilium bellorum correpti sese mutuis cædibus interfecerunt.

25. *Quem vocet Divum*, quem Deorum adesse precetur populus sustentando, quod ruinam minabatur, imperio? — *rebus*, casus tertius pro: ad res; sub. *sustentandis*. — *res imperii*, pro ipso imperio ut in *Æneid.* III, 1: « Res Asiæ; » in Ovid. *Fast.* V, 125: « Ille (Jupiter) ubi res cæli te-

Cui dabit partes scelus expiandi
Jupiter? Tandem venias, precamur,
Nube candentes humeros amictus

30

Augur Apollo;
Sive tu mavis, Erycina ridens,
Quam Jocus circumvolat et Cupido;
Sive neglectum genus et nepotes

35

Respicis auctor,

nuit. » — *Virgines sanctæ*, vestales sanctæ dicuntur ob pudicitiam, cui se consecrarunt, sanctitatem. — *fatigent*, obtundant, laccasant. — *minus audientem*, audire recusantem, quia de bellis civilibus et Cæsaris cæde irascebatur. Sic Ovidius Fast. III, 699, Vestam, sibi de Cæsare occiso loqui dubitanti talia dicentem fingit: « Ne dubita meminisse; meus fuit ille sacerdos; Sacrilegæ telis me petiere manus. » — *Carmina*, solemnes precum formulas quæ certis modis canebantur. — *Vestam*, in cujus peculiari tutela posita fuit reipublicæ Romanæ salus. Sic in Virgil. Georg. I, 499: « Vestaque mater, quæ Tuscum Tiberim et Romana palatia servas. »

29. *Partes*, munus, officium. — *scelus*, sc. bellorum civilium, scelestæ, quæ ad bella civilia spectant, consilia. Sic in Virgilio Eclog. IV: « Te duce, si qua manent sceleris vestigia nostri. » — *Tandem*, hoc verbum longiorem moram incusare videtur. *Adsis o tandem*, etc. — *venias*, scelera nostra expiaturus. — *Nube candentes humeros*, refulgentes nube, sive nimbo lucido qui Deorum propitiæ, uti ater iratorum, signum sit. Homer. Iliad. I, 47, de irato Apol-

line: ὁδ' ἦν νουρί τοῦ κῶς. — *Apollo*, primum Apollo invocatur, vel quod ei ante sacra fierent quam libri Sybillini, quibus præset, inspicerentur; vel quod Deus erat fatidicus, vates, ut apud omnes poetas dicitur. Hanc sententiam confirmare videtur epith. *Augur*.

33. *Mavis*, sc. venire ad scelera nostra expianda. — *Erycina*, Venus, ita appellata a monte Eryce, in Sicilia, ubi ei templum exstructum fuit nobilissimum ab Æneæ, Æneid. V, 759; pervulgato poetarum more Deos indigitantium a locis in quibus præcipue colebantur. Venus hic invocatur utpote Æneæ et ideo totius gentis Romanæ parens. — *ridens*, solempne ac perpetuum Veneris epithetum. Nam in muneribus inter Deos distribuendis, huic deæ obtigisse *μυθήματα* ait Hesiod. Theog. 205; hinc *φιλομυθής*, *μυθιοῦσα*, a poetis dicitur. — *Jocus*, tanquam deus in Veneris comitatu.

35. *Neglectum genus*, stirpem tuam, Romanos quos adhuc parum curasti. — *Respicis*, propitii Dii videbantur, si respicerent, adpicerent; irati autem, si oculos averterent. — *auctor*, utpote Romuli pater qui Romam condidit. — *Iudo*, pro bello quod Martis

Heu! nimis longo satiate ludo;
 Quem juvat clamor, galeæque leves,
 Acer et Marsi peditis cruentum

Vultus in hostem;

40

Sive mutata juvenem figura
 Ales in terris imitaris, almæ
 Filius Maiæ, patiens vocari

Cæsaris ultor :

Serus in cælum redeas, diuque
 Lætus intersis populo Quirini;
 Neve te nostris vitiis iniquum

45

Ocior aura

ludus est, et ei jucundum præbet spectaculum. — *leves*, expolitæ et ideo fulgentes, quod militis vultum magis terribilem efficit. — *Acer*, iratus, ferox. — *Marsi*, nonnulli legere voluerunt *Mauri*. Quum autem Mauri potius equitatu quam peditatu valuerint, et præterea imbelles populi fuerint, hic autem de fortissimo milite loqui voluerit Horatius, illa lectio *Marsi* longe præferenda mihi videtur; Marsi enim Romanorum milites fuerunt longe fortissimi. Vid. infra lib. II, 20, 18, « et qui dissimulat metum Marsæ cohortis, » et III, 3, 6, « Marsas et Appulus, » in Virgil. Georg. II, 167, « genus acre virum Marsos. — *cruentum*, a se perfoctum et sanguine conspersum.

41. *Sive mutata*, etc. Sensus est. sive tu, alate deus, Mercuri, deposita divina forma, sub juvenis Augusti figura, in terris vagaris; præclara sane et exquisita stentatio qua Horatius Augustum Romanis tanquam divinitus

oblatum, et tanquam eum, qui solus motus civiles componere imperique majestatem reparare possit, repræsentat. — *Ales*, h. e. alate, alatos calceos gestans. — *almæ*, solemne Deorum epithetum; *alma Venus*, *alma Ceres*, etc. — *patiens*, non recusans, non dedignatus. — *vocari*, h. e. esse, ut Græci sæpe dicunt.

42. *Serus in cælum redeas*, h. e. sero in cælum redeas. Hæc oratio ad Augustum, tanquam deum, dirigitur. Vid. Ovid. Trist. V, 2, « sic ad pacta tibi sidera tardus eas, » et Metam. XV, 868, « tarda sit illa dies, et nostro senior ævo, qua caput Augustum... accedat cælo. » Conf. etiam Lucan. I, 48; et Stat. Theb. I, 22 aq. — *Lætus*, χαίρων, propitius, tanquam numen propitium; etiam hoc tanquam dedecus. Sic Stat. Silv. I, 1, 105 de Domitiano: « Certus ames terras, et que tibi templa dicamus... nec te pæli juvet aule, taceoque lætus huius dono videas dare iura nepotes, » — *populo Quirini*, ac.

Tollat; hic magnos potius triumphos,
 Hic ames dici Pater atque Princeps;
 Neu sinas Medos equitare inultos,
 Te duce, Cæsar.

Romuli hoc nomine inter Deos relati.
 — *iniquum*, iratum, offensum. —
Ocier aura tollat, ne ocier aura tol-
 laris. Mercurium alatum hic comme-
 morari nemo non intelligit.

49. *Hic*, in terra, in populo Ro-
 mano. — *Pater*, pater patriæ, ho-
 norifica appellatio quæ postea U. C.
 DCCLII Augusto publice decreta est.
 — *Princeps*, ita dicebatur, Romano
 sensu, qui ob egregia erga cives me-
 rita, et summam de reipublicæ salute
 curam, primum civitatis locum obtine-
 bat. Hoc nomen, minime invidiosum,
 assumpit Augustus U. C. DCCXXVI.

Vid. Dio. 53, 11; Tacit. Annal. I, 1
 de Augusto: « Accepit cuncta discor-
 diis fessa civilibus sub nomine prin-
 cipis. » — *Neu sinas Medos*, etc.
 Patet e Dione 53, 33 Augustum hoc
 tempore expeditionem adversus Par-
 thos molitum esse, ad quod bellum
 auscipiendum hortatur poeta. — *Me-
 dos*, pro *Parthis*, ut supra *Persæ*. —
inultos, impunitos. — *equitare*, h. e.
 equitando nobis insultare, et per ter-
 ras nostras ferociter incurrere. Parthi
 equitatu præstabant. — *Te duce*, tuis
 auspiciis, bello iis tuo ductu infe-
 rendo; vel potius te imperium tenente.

ANALYSIS. Declaraturus poeta, atque commendaturus Augustum tanquam
 eum, qui solus res perditas labefactati bellis civilibus imperii esset repara-
 turus, pacemque ei et salutem redditurus; splendidissima eum et sanctissima
 expiatoris, Deorum iram Romanos iram placantis, et mala inde in civitatem
 redundatura arcantis imagine representat. Cujus carminis ut artificium ratio-
 que plane intelligantur, quædam explicationes præmittendæ sunt. Apud Ro-
 manos, ut apud omnes populos, parum subtiliter adhuc de Diis et rebus phy-
 siciis philosophantes, ea fuit religio, ut quasvis magnas calamitates a Diis,
 sceleris cujusdam, ab ipsis vel a majoribus patrati, vindicandi causa, pœnæ loco
 infligi, easque insolita aliqua objecta rerum specie portendi; se autem, certis
 cærimoniis, a patrato scelere purgari, ac sic Deorum ira placata, mala immi-
 nentia avertere posse.

Statim igitur post Cæsaris necem, qua tanquam placulo commisso, populus
 Romanus Deorum iram in se provocaverat, prodigia apparuerunt quæ eam
 portenderent, moxque bella civilia insecuta sunt, quæ Cæsario necem ulciace-
 rentur. Quum vero his ipsis bellis civilibus, etsi immissis a Diis in pœnam,
 novum scelus populus Romanus commisisset, necesse utique erat, ut etiam Dii
 novas iras conciperent, iterumque adeo a Romanis pœnas exposcerent. Novam
 hanc Deorum iram jam nova prodiderant prodigia, novæque bellorum civilium
 calamitates reipublicæ impendebant pessundaturæ eam, nisi certis cærimoniis

sacrisque piacularibus civitas isto piaculo eximeretur ac purgaretur, sioque Deorum ira cum ipsa ultione averteretur. Expiatio ista antiquissimis quidem et heroicis temporibus (ut mythica transeam, in quibus Deorum munus erat) a sanctissimis hominibus qui tum vates fere habebantur, solebat peragi; uti constat de Eumolpo, Epimenide, Orpheo: apud Romanos vero libri Sybillini inspiciebantur, e quibus sacrificiorum, quibus numina placarentur, procedebat auctoritas.

Proximas igitur poetam a bellis civilibus, quæ ipsa maximi instar sceleris habebantur, irarum causas repetiisse manifestum est; quanquam nec remotionem illam, unde bella civilia ortum traxerant, nimirum Cæsaris necem, penitus exclusit. Vid. vv. 17, 27, 30 et 43, 44.

His præmissis jam ad ipsam argumenti tractationem accedamus, quam ita fere instituit Horatius: horrenda prodigia quæ ipsa perniciem reipublicæ allatura videbantur, gravem Deorum, quam quidem bellorum civilium sceleribus in nosmet convertimus, iram portendunt. Procuranda adeo ista prodigia, populusque sacris piacularibus ab isto scelere purgandus. At cum nemo fere sit, qui, ab isto scelere purus, sacra ista recte faciat, Jovem oremus, ut deum aliquem, qui nos expiet, ad nos descendere jubeat. Atque utinam Dii patrii, gentis nostræ miserti, ad nos venire ne dedignentur! utinam, tu Apollo, venias, seu tu, o Venus, sive tu, o Mars, auctor generis! Jam inter nos versaris, o Mercuri, latensque sub Augusti specie, expiatoris nomen haud aspernaris. Sic te, o Cæsar, ut dia inter nos maneat, ad rempublicam erigendam et ab hostium incursionibus vindicandam, enixe precamur.

Videat, quicumque literarum amans fuerit, quo modo Virgilius easdem sententias tractaverit, conferatque cum hoc Horatii magnifico carmine simillimum locum Georg. I, sub fine:

Dii patri indigetes, et Romule, Vestaque mater
 Quæ Tuscum Tiberim et Romana palatia servas,
 Hunc saltem everso juvenem succurrere sæclo
 Ne prohibeto, etc.

CARMEN III.

AD NAVIM VEHEMTEM VIRGILIUM ATHENAS.

Precatur incolumitatem navi qua Virgilius vehebatur Athenas;
deinde temeritatem hominum detestatur.

Sic te Diva potens Cypri,
Sic fratres Helenæ, lucida sidera,
Ventorumque regat pater,
Obstrictis aliis præter Iapyga,

1. Sensus: o navis, quæ Virgilium fidei tuæ commissum finibus Atticis debes, h. e. in fines Atticos deportare debes, reportes eam, precor, incolumem, et animæ meæ dimidium serves; quod si feceris, vicissim opto, ut Venus, Dioscuri, et ventorum deus Æolus cursui tuo faveant. Secutus nempe sum unice veram hujus loci interpunctionem, quam jam *Wakefieldius* proposuerat. — *Sic*, solemne in obstationibus, ubi alteri, quo labentius præstet id quod nos petimus, vicissim exoptamus quæ ipsi grata et accepta sunt, ut apud Tibull. II, 8. In fine: « Adnue, sic tibi sint intonsi, Phæbe, capilli. » Cf. etiam Tibull. I, 4, 1, et Virgil. Eclog. IX, 30, et X, 8. — *Diva potens Cypri*, Venus, imperium suum in insula Cypro, tanquam sede propria, exercens; sic Neptunus *maris potens* infr. 5, 15, et Diana *sylvarum potens* in Carm. Sæcul. 1. Venus autem ex mari orta (ἀναδυμένη) ut dea marina quoque colitur. Musæus v. 284: Κύπρις ἀπό-

σορός ἐστὶ θαλάσσης, καὶ κρατεῖ πόντοιο. Hinc dicta quoque illa Εὐπλοία. — *fratres Helenæ*, Dioscuri, Castor et Pollux, navigantibus propitii, ἀρωγοὶ αὐτῶν. Sic apud Propert. I, 17, « optatos querere Tyndaridas, » et apud Plin. lib. II, cap. XXXVII, « Castorum stellas cum simul videntur, salutare credi; cum solitariæ, graves et noxiæ. » — *lucida*, ob clarum eorum splendorem; navigantibus jucundissimum. — *Ventorum pater*, ventorum rex, Æolus, at de Jove Πατὴρ ἀνδρῶν. — *Obstrictis*, vel in utre secundum Hom. Odys. X, 19 seqq. vel in antro secundum Virg. Æn. I, 82. — *aliis*, h. e. ceteris. — *Iap. Iapyx*, ventus occidentalis, ab incolis Apulix, qui Iapyges vocantur, ita dictus, ex Italia in Græciam navigantibus secundus; gall. *ouest-nord-ouest*; gr. Ἀργέτις. Cf. quæ de hoc vento disputat Kappius ad Arist. de Mund. Excurs. III, § 18, p. 432 seqq. — *tibi creditum*, tanquam pignus, vel depositum aliquod, quod is, cui creditum est,

Navis, quæ tibi creditum

5

Debes Virgilium, finibus Atticis

Reddas incolumem, precor,

Et serves animæ dimidium meæ.

Illi robur et æs triplex

Circa pectus erat, qui fragilem truci

10

debet, ut suo tempore *reddat*; verba igitur *credere, debere, reddere* e re pecuniaria translata pulcre sibi respondent. Eandem allegoriam sectatus est Statius I, 1, amicum suum, v. 6, « grande ac rarum depositum, » et v. 81, « pignus navi commissam » vocans. — *anim. dimid.* (ἡμῶν τῆς ψυχῆς) nota summi amoris declaratio. Sic infra II, 17, 8 : « Ah ! te mihi si partem animæ rapit maturior vis, quid moror altera ? Nec carus æque, nec superstes integer » ad Mæcenatem. Nec semel cum summo affectu de Virgilio locutus est Horatius. Vid. hujus libri Od. XXIV, et lib. I, Sat. V et X.

9. Locus, qui sequitur, ex re ipsa subnatus est. Nam cum poeta, nave, qua Virgilius vehabatur, soluta, reputasset secum subeunda nunc amico suo in mari pericula, sponte in auctorem horum periculorum, navigationis quippe inventorem, convertitur; et vehementer locum communem de audacia hominum tractat. — Similia veterum poetarum, a quibus primus navium inventor carpitur, loca collegit *Burns*. Sec. ad Lotich. II, 20. At Lotichius, contrariam sententiam secutus, laudatum carmen exorditur sic : « Qui primus latum sulcavit puppibus æquor, utilis humanis usibus ille fuit, » etc. Quid per *robur*, qua voce, quicquid durum et firmum est, notatur, intelli-

gendum sit, adjectis vocibus *æs triplex* magis declaratur. Fuit ille, ait, durissimus audacissimusque, qui, etc. — Hominiibus autem durissimis tribuitur pectus ferreum, θυμὸς σιδῆρεος, ἦτορ σιδῆρεον. Ut in Ovid. Amor. III, 6, 39 : « Ille habet et silices et vivum in pectore ferrum, » et Trist. I, 7, 41, « et tua sunt silicis circum præcordia vean; » Tibull. I, 1, 65, « non tua sunt duro præcordia ferro viacta, » etc. adde Stat. Theb. III, 280; Claudian. de bello Get. 303. — *truci*, irato, tempestuoso. Catull. IV, 9 : « Trucem Ponticum Sinum. » Magna quoque vis est in oppositis *truci pelago et fragilem ratem*; quam sententiam egregie quoque expressit Juvenalis S. XIII, 17 : « I nunc et ventis animam committe, dolato confusus ligno, digitis a morte remotus quatuor aut septem, si sit latissima tæda. » — *Africum*, flans ab Africa, ut jam diximus ad v. 15, Od. I. — *præcipitem*, præcipiti impetu et ex alto irruentem, frequentata apud poetas imagine qua venti de cælo ruere dicuntur, ut in Virgil. Georg. I, 445 : « Urget ab alto Notus, » et II, 310 : « Tempestas a vertice incumbit. » — *Decertantem Aquil.* certantem cum Aquilone, qui fiat ex boreali parte. Solemnis sane imago tempestatis a ventorum ex adverso flantium, deque maris imperio certantium concursu

Commisit pelago ratem

Primus, nec timuit præcipitem Africum

Decertantem Aquilonibus,

Nec tristes Hyadas, nec rabiem Noti,

Quo non arbiter Hadriæ

15

Major, tollere seu ponere vult freta.

Quem mortis timuit gradum,

Qui siccis oculis monstra natantia,

petita. Sic *ventos depræliantes* dixit noster I, 9, 11, et *rixam debellatam* I, 18, 9. Videas etiam Ovid. Trist. I, 2, 28; Virgil. Æneid. X, 386, et in primis Æneid. I, 417. — *Hyadas*. Hyades (Latinis *Suculae*) stellæ in fronte Tauri, quarum ortus et occasus tempestatem prædicere credebatur. Ovid. Fast. V, 165 : « Ora micant Tauri septem radiantia flammis, Navita quas Hyadas Graius ab imbre (ἵετο, pluere) vocat. » Vid. etiam Plin. l. II, c. 29. — *tristes*, cælum triste facientes, contristantes, sic Virgil. Ge. III, 279 : « Nigerrimus Auster... pluvio contristat frigore cælum. » — *rabiem*, iram, vehementiam *Noti*, Austri, venti quoque meridionalis. — *Quo non arbiter*, etc. qui, quod attinet ad tempestatem tam concitandam, quam componendam, summam in mari Adriatico exercet potestatem. Per vulgato loquendi usu, venti regionem, quam perflant, incolere, possidere, adeoque ei dominari dicuntur. Sic de eodem Noto III, 5, 5 : « Dux inquieti turbidus Hadriæ, » adde Sil. IX, 493 : « Regnantem Ætolis Vulturum in prælia campis effrenat. » — *Hadriæ*, Adriaticum mare, quod inter Illyriam et Italiam continebatur, sic dictum ab

Hadria, Venetorum urbe. Vocabatur etiam *superum mare*. Atque hic notandum quomodo Horatius, dum in hoc loco, a primario odæ proposito h. e. Virgilio itinere digredi videtur, hoc tamen iter semper animo præsens habeat, et fere quoque verbo commemoret. De Africo enim loquitur, quia flans a meridie ventus ille ex Italia in Græciam navigantibus adversus erat; de Noto Hadriam perturbante, quod Virgilius Brundisio proficiscebatur qui Hadriæ portus est.

17. *Quem mortis gradum*, quam viam ad Orcum, h. e. quod mortis genus. — *Siccis oculis*, sine lacrymis, ut Lucanus IX, 1044 : « Qui sicco lumine campos viderat Æmathios, » adeoque impavidus et ferox vidit, videre potuit, adspicere sustinuit. Sicci enim ponuntur pro rigidi, irretorti, ut ξηροὶ ἀκλῆστοις ὄμμασι apud Æschyl. (Sept. c. Theb. 698) : minime igitur emendatione indiget hic locus, neque legendum pro *siccis*, *rectis*, ut alii volunt, aut ut alii *fixis*. — *monstra natantia*, belluas marinas in maris superficie apparentes, ut in Catonis dir. 55, « nigro multa mari dicunt portentosa natere, monstra repentinis terrentia sæpe figuris, quum subito emer-

Qui vidit mare turgidum, et
 Infames scopulos Acroceraunia?
 Nequidquam Deus absceidit
 Prudens Oceano dissociabili
 Terras, si tamen impiæ
 Non tangenda rates transiliunt vada.
 Audax omnia perpeti

20

25

sere furenti corpora ponto. » Vid. etiam Propert. III, 21, 27. — *Turgidum*, tumefactum, in undas tempestuosas exurgens, fluctus minaciter attollens. Alii legunt *turbidum* quod certe non eandem vim habet. — *Infames scopulos*, propter naufragiorum frequentiam. Sic Seneca Ep. XIV, *Charibdis regionem* vocat « vorticibus infamem, » et Livius : « Alpes frigoribus infames. » — *Acroceraunia*, montes Epiri, prope promontorium Acroceraunium, quod in Ionio mari protenditur, et nunc vocatur ab aliis *capo della Chimera*, ab aliis autem *capo dello Lengueto*. Acroceraunii montes illi dicebantur a græcis vocibus *ἄψος*, excelsus, et *καταινός*, fulmen, quia altissimi erant et ideo fulmine sæpe icti. Atque hic etiam notandum, quod jam ad vers. 18 notavimus; Athenas enim petens Virgilius hoc promontorium cum montibus prætervehi debebat.

21. *Nequidquam Deus absceidit*, etc. brevem et vividam illam adversus primos navigatores invectionem epicum in modum auctam ornatamque reperias apud Lusitanum poetam CAMOENS, dum Pacifici maris Genium ac Regnatorem Gamæ temeritatem increpantem inducit; et apud Gallicum scriptorem *La Harpe*, in

notissimo carmine cui titulus est: *le Génie des Tempêtes*. — *absceidit terras*, a terris, diremit, sejunxit, interposito Oceano. — *dissociabili*, activo sensu, qui dissociaret, separaret, ut in Virgilio, *telum penetrabile, frigus penetrabile* dicitur pro: frigus, telum quod penetrat. Alii volunt hoc verbum passivo sensu accipi, pro: qui sociare non potest; et sic explicant: Deus absceidit terras ab Oceano cum terris non sociando. Quam sententiam sectatus *dissociabiles* pro *dissociabili* proposuit Bentleius. Hanc autem explicationem, etsi non omnino intollerabilem, priori tamen, ut minus simplicem et minus naturalem, postponendam arbitror. — *Prudens*, sc. qui providisset quanta e navigatione mala in genus humanum redundatura essent. Eodem sensu Seneca Med. 335, *mundum* vocat *bene*, h. e. prudenti consilio *disseptum*. — *impiæ, scelestæ*, dum audent, quod prudenti Dei consilio vetitum est. — *transiliunt*, quasi res nullius fere momenti sit; *transilire* cum delectu pro: trajicere, superare, ad audaciam insolentiamque designandam; similiter dixit Tibull. I, 3, 37, « contemnere undas, » et Ovid. Met. I, 134, « insultare fluctibus. »

25. *Perpeti*, h. e. suscipere, tentare, perpetrare, τλῆναι. *Audax omnia*

Gens humana ruit per vetitum nefas.

Audax Japeti genus

Ignem fraude mala gentibus intulit.

Post ignem ætheria domo

Subductum, Macies et nova Febrium

30

Terris incubuit cohors :

Semotique prius tarda necessitas

Leti corripuit gradum.,

Expertus vacuum Dædalus aera

perpeti, ex græca loquendi ratione pro: ad omnia perpetienda.—*genus*, h. e. filius, nempe Prometheus. Sic apud Catull. LXI, 2, Hymenæus *Uranis genus* dicitur.—*fraude mala*, h. e. dolo pernicioso, *τῆς κακῆς*; per fraudem designatur calliditas, qua ignem e cælo surripuit Prometheus.—*Macies*, pro tabe morbis omnibus communi, accipitur.—*nova*, adhuc omnino ignota.—*cohors*, de multitudine intelligi potest; sed propter lyricam rationem, malim hic morbos, tanquam exercitum, qui terras occupat et homines aggreditur, cogitare. Sic Juvenalis X, 218: « circumsilitagminefacto Morborum omne genus. »—*Terris incubuit*, h. e. in terras irruit, ingruit, terras obsedit.—*Ignis* nempe usus varias artes, hominum valetudini perniciosas, v. c. artem coquinariam, protulit. Dixit etiam Lucret. v. 1014: « Tum genus humanum primum mollescere cæpit, ignis enim curavit, ut alia corpora frigis non ita jam possent cæli sub tegmine ferre. »—*Semotique prius*, etc. Necessitas, quæ antea tarda erat, lethi prius semoti corripuit gradum, acceleravit mortem hominum qui antea

diutius vivere solebant.—*necessitas leti*, fatum, necessitas quæ leto nos subjecit, Αἰδου μελαινα νυκτερός τ' ἀνάγκη. Eurip. Hippol. 1388.—*tarda*, tardo gressus ad homines accedens.—*corripuit gradum*, rapere gressum, viam, iter, campum, item corripere se, de festino gressu satis obvise apud poetas loquendi formæ. Expende in hoc loco dictionis ornatum, epithetorum dilectum, præsertimque apprime sententiis accommodatum cuiusque versus numerum, quum prior *semotique prius*, etc. gravibus verbis constans, lentissimam mortis viam exprimere, posterior autem, per huius verbi *corripuit* levitatem, quasi currere videatur.

34. *Dæd.* Dædali fabulam suaviter enarrant Virgil. *Æn.* VI, 14 seqq. Ovid. *Met.* VIII, 183, et *A. A.* II, 21.—*vacuum*, aut vastum et desertum, perpetuo aeris epitheto, unde etiam simpliciter *inane* pro *aere* dicitur, seu, ut alii volunt, hominibus infrequentem.—*Expert. vac. Dæd. aer. Penn. n. hom. datis*, eleganter pro: audacter Dædalus volatum per vacuum aera aliis, quas haud concessit homini nature, tentavit.

Pennis non homini datis.

35

Perrupit Acheronta Hercules labor.

Nil mortalibus arduum est :

Cælum ipsum petimus stultitia; neque

Per nostrum patimur scelus

Iracunda Jovem ponere fulmina.

40

36. *Perrupit*, graviter de aditu qui vi adhibita paratur. — *Acheronta*, loca infera, Orcum. — *Herculeus labor*, vis, audacia Hercules qui per vim Alcesten, Admetæ conjugem, ab inferis reduxit, Cerberumque in lucem retraxit. — *Cælum petimus*, viam ad cælum molimur, Deorum conditionem affectamus, Dii esse volumus, dum stulti, dementes, majora cupimus et tentamus quam per conditionem mortalem licet; sic *demens Salmoneus*,

Jovis æmulus, Virgil. *Æneid.* VI, 590. Hic sensus cum præcedenti versu mire congruere videtur. — *scelus*, per nostram impietatem. — *ponere*, deponere. — *Iracunda fulmina*, irata dicuntur, quatenus ipse iratus est, qui ea jaculatur. Sic in Pindaro Nem. VI, 90, ἔγχεος ζάροντες, iracundam hastam; *iratam ægida* apud Claudian. de Raptu Proserp. III, 60; *iratus Jovis ignis* apud Juvenal. XIII, 226, scilicet ab irato Jove missus.

ANALYSIS. Hoc carmen, quum Virgilius Athenas proficisceretur, ab Horatio scriptum est. Discedentem eum dum votis pro felici in Atticam appulsu prosequitur, animus ejus periculorum, quibus eum objectum sentit, cogitatione defixus, in ipsum discidium hujus auctorem, dolore ac desiderio abreptus, convertitur. Itaque exprobrat poeta istius hominis, qui primus mare tentavit, projectissimam audaciam, qua viam hominibus natura præterclusam patefecerit, suæque sorte majora conando, erga Deos ipsos impius fuerit. Hinc ulterius progressus alia temeritatis impiæ exempla, e mythica ætate petita, cumulat, qua maxima mala, pœnæ loco a Diis inflictæ, in homines redundaverint. Dum igitur Horatius, ira atque indignatione accensus, audaciam hominum tanquam plurimorum malorum, quibus humanum genus nunc premitur, fontem, periculorumque, quibus nunc amicam suam expositum videt, causam detestatur; hoc ipso doloris sui desideriique affectu, qui carminis hujus sensus est primarius, vividissime declarat. Hinc intelligitur quam apte inter se omnia cohæreant.

Græcos autem poetas Horatium ob oculos habuisse quum ipse orationis color prodit, tem testantur v. 9 sqq. ex Alceo et 29 sqq. e Sappho sumpta. Initium quoque cuidam Callimachi fragmento videtur deberi. Cf. etiam cum hoc carmine similis argum. Theocr. 7, 82 sqq. e Nostro fluxit propempticon Statii, Silv. III, 2.

CARMEN IV.

AD L. SEXTIUM.

Amœnitate veris descripta, et communi moriendi consuetudine
proposita, tanquam Epicureus hortatur Sextium ad voluptuo-
sam vitam.

SOLVITUR acris hiems grata vice veris et Favoni,
Trahuntque siccas machinæ carinas;
Ac neque jam stabulis gaudet pecus, aut arator igni;
Nec prata canis albicant pruinis.
Jam Cytherea choros ducit Venus, imminente Luna : 5
Junctæque Nymphis Gratiæ decentes

1. *Solvitur*, laxari dicuntur frigus, gelu, glacies quæ omnia constringunt: sic infra Od. IX, 8, *dissolve frigus*; inde etiam hiems solvi, relaxari, h. e. remittere se dicitur. « Quum se purpureo vere remittit hiems, » ait Tibul. III, 8, 4, et Lucan. I, 17, « bruma rigens ac nescia vere remitti. » — *acris*, e natura frigoris, ut *acuto gelu* I, 9, 3. — *grata vice veris*, successione, vicissitudine, reditu grati veris. — *Favoni*, Zephyri, occidentalis venti, verum tempus comitantis, vel potius anteeuntis. *Veris comes* dicitur, IV, 12, 1; Plin. H. N. II, 47, « ver aperit navigantibus maria, cujus in principio Favonii hibernum molliunt cælum. » — *Trahuntque sicc. mac. car.* h. e. et naves in litus, ut per hiemem in sicco starent, subductæ, per *machinas* (h. e. palangas, instrumenta lignea) in mare

deducuntur. — *canis*, epitheton ornans ad album roris, qui frigidis noctibus injicitur, colorem designandum.

8. Suavissima imago Veneris, sub veris adventu in terris, ubi omnia vi sua ad procreandum implet (cf. Per-vigil. Vener. v. 63-67), Gratiarum et Nympharum saltantium choros moderantis! Vere autem inprimis terras invisere credebatur Venus. Lucret. V, 736 : « It ver, et Venus, et Veneris prænuntius ante Pinnatus graditur Zephyrus vestigia propter. » — *Cytherea*, ab insula Cythera in sinu Laconico, Veneris cultu inprimis celebrata. — *imminente Luna*, luna desuper lucente, adeoque nocte serena; « sub nocte silenti, cum superis terrena placent, » Stat. Silv. I, 1, 98. — *Gratiæ*, assiduæ Veneris comites et ministræ, dicuntur *decenes*, quia ad omne, quod

Alterno terram quatunt pede, dum graves Cyclopum
Vulcanus ardens urit officinas.

pulcrum et decorum est, se componunt, et saltantes quoque hunc amabilem decorem servant; de quibus dici possunt nota illa Tibulli: « Illam, quidquid agit, quoquo vestigia movit, Componit furtim subsequiturque decor. » — *Junctæ Nymphis*, per manus nempe in saltatione. Cl. *Mitsch.* comparat Hom. H. in Apoll. v. 194, ἀλλήλων ἐπὶ καρπῷ χεῖρας ἔχουσαι. — *alt. t. qu. ped.* ornate pro: saltant; ad numerum enim saltantes alternis pedibus terram pulsant; sic *terram pede tundere* de saltatione infr. in Epist. ad Pis. 430, « saliet, tundet pede terram, » et in Sil. It. III, 347, « Nunc pedis alterno percussa verbere terra, Ad numerum resonas gaudentem plaudere cetras. » — *dum grav. Cycl. Vulc. a. ur. off.* dum Vulcanus Cyclopos in officinis suis exercet. — Vulcanus nempe, dum uxor ejus tempore veris adest in terris, et omnia vi sua fecundat, non sedet interea in otio, sed suo quoque operi intentus est. — Non autem de officina, quam secundum Hom. Iliad. XVIII, 369, in Olympo habet Vulcanus, cogitandum est, sed de aliis officinis, quas poetæ huic deo in insulis et montibus, igne subterraneo inprimis, quem ejaculantur, notis, assignarunt; de quibus cf. Ill. *Heyn.* ad Virg. Æn. VIII, 416. — Jam, si verum est, quod nonnulli suspicantur, Horatium in hac veris descriptione poetam quemdam Siculum, cui mons Ætna obversaretur, expressisse, non dubitari potest, quin Vulcani officina in monte Ætna intelligenda sit. Finge igitur tibi Venerem

in amenissima circa Ætnam regione choreas cum Gratiis Nymphisque ducentem, in ejus vicinitate autem Veneris maritum Vulcanum operi suo insudantem, et sic animo concipies imaginem longe suavissimam. — Cæterum querenti, cur sub veris potissimum initio Vulcanus operi suo insudasse dicatur, ingeniose *Vossius* ad Virg. Georg. I, 344, seqq. respondet: quod ille vere inprimis, quo crebræ in Italia tempestates cum tonitru concipi in aere soleant, fulminibus procudendis et suppeditandis operam dare debuerit. — *graves*, ob graves Cyclopibus ibi obeundos labores. — *ardens*, h. e. flammis relucens. Fabri enim, dum ferrum candens procudunt, ipsi ardere videntur ignis fulgore et scintillis circumfusi: hoc sensu Statio Silv. III, 4, 153, *multiberdicitur flammeus*, et Silv. I, 8, 7, « sicala incude rubens. » — *urit*, accendit, inflammat officinas, facit ut colluceant et percalefiant, paulo sublimius pro: magno studio ignes in officinis accendit, ad quos opus exerceat. Sic in Stat. Silv. I, 8, 33, « neu vilis flamma caminos (sc. Vulcani) Uret, » et in Virgil. Æneid. III, 279, « incendimus aras. » His verbis *ardens et urit* obscuritatem quamdam ambiguum huic loco inferri negare omnino nequeam; eum autem sensum sectatus fui, qui et omnem tollat difficultatem, et rationi lyricæ apprime congruat, et denique similibus aliorum scriptorum expressionibus confirmetur. Pro *urit* vult legere Bentleius *visit*; qua lectione admissa, de tota hujus loci vi ac vigore actum esset.

Nunc decet aut viridi nitidum caput impedire myrto,

Aut flore, terræ quem ferunt solutæ.

10

Nunc et in umbrosis Fauno decet immolare lucis,

Seu poscat agna, sive malit hædo.

Pallida Mors æquo pulsat pede pauperum tabernas,

Regumque tures. O beate Sexti,

9. *Nunc decet*, etc. vide, quam suaviter poeta vulgarem sententiam, « nunc lætitiæ, ad quam anni tempus invitat, indulgendum est, » externa lætantium specie adumbrata, extulerit! diem lætum enim celebrantes capiti, unguentis delibuto (*nitido*), corollas e *myrto* (cujus usus fuit inprimis in compotationibus, cf. infr. I, 38, 8, et II, 7, 25), et aliis floribus nexas imponere solebant. — *impedire*, vincere, coronare. Stat. Silv. IV, 3, 68, « crinem mollibus impeditus ulvis. » — *flore*, pro *floribus*. — *solutæ*, a frigore, quo fuerunt constrictæ, per Zephyri flatus et mitiorem solis calorem resolutæ. — *Fauno*, huic deo agresti, tanquam agrorum et gregum custodi, bis quotannis, nempe Id. Febr. (Ovid. Fast. II, 493) et Non. Dec. (huc pertinet carmen infr. lib. III, 18) sacra (*Faunalia* vulgo dicuntur) instaurari, et cum summa omnium lætitiis celebrari solebant; hinc poeta ad lætitiarum evocaturus Fauno immolandum esse dicit. — *umbrosis lucis*, quibus cum vere frondes redierunt. — *agna...hædo*, sc. sibi immolari. *Immolare aliquam re* pro vulgari: *immolare aliquid*, apud Liv. XLI, 14, « immolantibus Jovi singulis bobus, » ibidem paulo post: « bove perlitare jussus. » Virg. Æneid. II, 118, « animaque litandum Argolica. » Alii le-

gunt *agnam, hædum*, quam lectionem ego pariter admiserim, nec ulla de causa rejiciendam putaverim; quam voluerit, lector eligat.

13. *Pallida Mors*, etc. Nexus et sensus est fere hic: nunc, nunc, o Sexti, dum licet, perfrui vitæ voluptatibus; nam mors, divitibus æque ac pauperibus instans, mox præter opinionem te opprimet; post mortem autem neque commissationibus, neque amoris lusu indulgere licebit. — *pulsat pede*, graviter procedit, intrat, pedem infert. Vulgo intelligunt mortem fores pulsantem, foribus pede insultantem: indigna Horatio idea; et *pulsare* recte de accessu dicitur. Stat. Achill. I, 10, « neque enim Aonium nemus advena pulso, » h. accedo, intro. — *æquo pede*, æque, nullo habito discrimine. Sic. II, 18, 32: « æqua tellus Pauperi recluditur Regumque pueris. » — *tabernas*, humiles casas, tuguria; *regum tures*, excelsa nobilium et beatiorum ædificia, *reges* sæpe dicuntur beatiores, divites, potentes ob divitias; — eandem sententiam novo ornatu repetit Horatius infr. Od. lib. II, 3, 25 seqq. et 14, 11 et 18, 32, et III, 1, 14 seq. Sat. II, 6, 98, « neque ulla est Aut magno, aut parvo leti fuga. » Cf. etiam notissimos versus quibus eam sententiam exornaverit Gallicus poeta

Vitæ summa brevis spem nos vetat inchoare longam. 15

Jam te premet nox, fabulæque Manes,
Et domus exilis Plutonia : quo simul mearis,
Nec regna vini sortiere talis,

Malherbius. — *beate*, beati dicuntur in lætam sortem nati, fortunati, qui iis, quæ possident, beatam vitam sibi parare possunt. — *Vitæ summa brevis*, exiguus dierum, qui ad vivendum nobis concessi sunt, numerus. Vid. infra IV, 7, 17: « Quis scit an adjiciant hodiernæ crastina summæ Tempora di superi. » Hoc v. *summa* e numeris sumitur, sc. vitæ omnia momenta, omnes dies simul collecti, alii aliis additi. — *spem nos vet. inchoare long.* h. e. monet nos, ne multa moliamur in longioris vitæ spem, jubet nos *brevi spatio* (ut infr. lib. II, 7, Noster loquitur) *spem longam resecare*. Naturæ humanæ levitas illa quæ novas quotidie spes vitæ sumit, vivit ac multoties a Seneca reprehenditur, in Epistolis scilicet XIII, XXIII et præsertim CI ubi reperias: « o quanta dementia est, spes longas inchoantium! » Sic apud gallicum fabularum scriptorem: « Quittez le long espoir et les vastes pensées. » *La Fontaine*, lib. IX, Fab. VIII, cui titulus: *le Vieillard et les trois jeunes Hommes*.

16. *Jam te premet nox*, etc. mors, Manes et loca infera mox te oppriment, retinebunt, coercebunt. « Concordes animæ nunc et dum nocte premuntur, » Virgil. *Æneid.* VI, 828. — *Manes*, dii infernales, aut, si malueris, mortuorum umbræ. — *fabulæ*, non, ut quidam volunt, ficti ac falsi, qui premere non possent; sed de quibus

tot fabulæ, tot miræ narrationes inter homines seruntur. Sic infra XXII, 7, *fabulosus* dicitur *Hydaspes* non qui fictus est, sed de quo multa fabulosa narrantur. Sic apud Prop. II, 16, 29, tragici Erinnyes dicuntur non quas tragici finxerunt, sed quas tragici sæpius in scenam induxerunt. — *exilis*, dicitur domus Plutonis ob exilem levium et tenuium, quæ ibi versantur, Umbrarum (quæ infr. Od. I, 10, 18, *levis turba* vocantur) formam; nisi quis *exilem domum* de inopi et egena, ubi nihil reperitur, quo bene sit, cum *Benileio* explicare malit; hoc sensu certe *domus exilis* dicitur infr. Ep. I, 6, 48. — *Nec regna vini sort. talis*, nec regnum amplius in commissationibus talorum jactu tibi continget, h. e. nec amplius commissaberis; talorum nempe jactu creari solebant, qui præessent conviviis, legesque conviviis scriberent; vocabantur ii *reges convivii*, βασιλεῖς τοῦ συμποσίου (hinc *regna vini*), *modimperatores*, *domini*, *strategi*, *dictatores*, *arbitri bibendi*. — *tener. Lycidan mirab.* pulcri Lycidæ adpectu delectabere. Hoc nomen ab Horatio fictum esse arbitrari poteris, quum hoc ipsum, tanquam amasii nomen, occurrat in Bione IV, 10: ἦν δ' αὖτ' ἐς τὸν Ἑρώτα καὶ ἐς Λυκίδαν τι μάλιστα. — *quo calet juvenus*, etc. qui nunc puer juventutis h. juvenum animos amore incendit, et mox, adultior factus, puellas non leviter commovebit. Hæc ad declarandam eximiam

Nec tenerum Lycidan mirabere, quo calet juventus

Nunc omnis, et mox virgines tepebunt.

20

Lycidæ pulcritudinem adduntur a juvabit: præter Sapph. c. XI (secundum Anal. Br. t. I, 57); Asclepiad. Ep. 21; Anal. Br. t. I, p. 215. Anth. Gr. t. I, p. 148 (*ed. Jac.*); Strat. Ep. 96; Anth. Gr. t. III, p. 90, et elegiam, quæ est in Theognid. v. 951 (*Gnom. Brunck. p. 39*).

ANALYSIS. Carmen hoc est ex eorum genere, quæ descriptione expedita lectorem facile capiunt, eumque suavitate imaginum ac sententiarum, quæ sponte se obtulisse videntur, veritate morantur ac deliniunt. Scribitur hoc ad L. Sextium, qui in Bruti partibus fuerat, illius quæstor ac perpetuus comes; mox etiam, quum, Romam reversus, in amicitiam Augusti receptus esset, constans illius cultor atque laudator. Vid. de Amicis Horat. t. III, p. 25, nostræ edit. Jam ad ipsum carmen veniamus: ab ortu veris, cujus descriptio ad Italicæ regionis naturam atque ingenium præclare attemperata est, progressus, ejusque suavitate atque lætitia, qua totam naturam perfudit, perfusus ipse atque exhilaratus poeta eodem animi sensus in amicum suum transfundere conatur, eumque ad fruendas, quas vernum tempus secum ferat, delicias atque jucunditates sedulo hortatur. Hinc naturali sententiarum ordine ad commune de vitæ voluptatibus sectandis præceptum deducitur, rationibus ab ipsius vitæ brevitate, omnibusque proposita moriendi conditione, et quod post mortem nihil, quod gratum ac jucundum sit, amplius sperare liceat, desumptis. In argumento tam simplici a tractatione atque elocutione poetæ inprimis laus quærenda erat, eamque summam unanimi in tpp. consensu suam hoc carmine fecit Horatius.

Græcas notiones in eo plures deprehendas, unde græcum Horatio ante oculos fuisse exemplum non inepte conjicias. Quam vana vero, atque a poeta lyrico aliena Sanadoni et Dacerii sit opinio, Horatium ad fastos romanos, qui initium veris d. V Id. Febr. postridie Faunalia, et mox (a. d. XII Cal. Mart.) Ferialia haberent, studium suum in pangendo hoc Carmine direxisse existimantium, facile intelligitur.

CARMEN V.

AD PYRRHAM.

Miseros esse amatores Pyrrhæ propter ejus inconstantiam; se quoque, sumpta e mari allegoria, eodem naufragio deprehensum esse.

QUIS multa gracilis te puer in rosa
Perfusus liquidis urget odoribus
Grato, Pyrrha, sub antro?
Cui flavam religas comam

1. *Quis multa gracilis*, etc. quis est, queso, Pyrrha, ille juvenis delictior, qui rosis redimitus et unguentis delibutus assidue sub grato antro te sectatur?—*gracilis*, corporis gracilitas ad pulcritudinem, qua sibi placent juvenes, pertinet. Sic Ganymedem *gracilem* vocat Martial. XI, 44, 1.—*urget*, premit, arctiore complexu constringit adeoque perdit te amat. — *te... in rosa*. Jani et alii explicant: te reclinantem in rosis, quibus humus constrata est; sed huic explicationi tam res, quam usus loquendi, repugnat; pueri enim delicatiores, qualem Noster describit, non unguentis tantum capillos saturare, sed rosis quoque caput impedire solebant. Huc accedit, quod Pyrrha, *munditiis simplex*, festo quodam die in ameno illo antro, ubi plures haud dubie juvenes unguentis perfusi et sertis roseis coronati (cf. *infr.* lib. II, 11, 14 seqq.) lætitiæ et potationi indulgebant, simul adfuisse

videtur. Ex usu loquendi autem per dictionem *in rosa* non, in rosis cubans, sed, *rosis coronatus* designatur. Sic apud Cic. de Fin. II, 20, *potare in rosa*, et Tuscul. V, 26, *esse in rosa*. Similiter apud Græcos Eurip. Herc. Fur. 677 (quem locum commodè laudavit Cl. Müschel.) ἐν στεφάνῳ σέλῳ dicitur.—*Grato*, ob loci amenitatem; fuit enim illud antrum haud dubie jucundum umbraculum sub spelunca, hilaritati, potationi, amorisque lusibus opportunum. Non autem *antro* hic intelligendum, ut voluit J. Bond, lupanar, fornix ubi meretrices aliquando latebant; qui sensus et epith. *grato* non congrueret, et voluptuosius hujusce loci imaginibus repugnaret.

4. *Cui*, in cujus gratiam. Tibull. IV, 6, 2, «Tota tibi est hodie, tibi se lætissima comsit.»—*comam relig.* comæ fingendæ et concinnandæ studium inter artes, quibus puellæ placere volebant, sapius memoratur. Pro gene-

Simplex munditiis? Heu, quoties fidem
Mutatosque Deos flebit, et aspera

5'

Nigris æquora ventis

Emirabitur insolens,

Qui nunc te fruitur credulus aurea;

Qui semper vacuum, semper amabilem

10

Sperat, nescius auræ

Fallacis. Miseri quibus

raliori vero: *cui comis crines*, specia-
liorem gratioremque poeta posuit com-
mendi modum, quo crines in nodum
colligabantur; quo ipso elegantiam et
gustum, quem vocant, puella prodebat.
— *Simplex mundit.* cultus enim sim-
plicitate magis sæpe puellæ, quàm
operoso et arte quæsito ornatu, pla-
cent et placere student. — *munditiis*,
proprie cultu muliebri, qualis est gem-
marum, armillarum, etc. his orna-
bant sese maxime meretrices, quibus
juvenum oculos ferirent. Plaut. Pœn.
I, 1, 64: « oculos meos volo delectare
munditiis meretriciis. »

5. *Heu, quoties fidem*, etc. *sensus*:
heu, quoties de mutata fide (tua per-
fidia) et mutatis Diis (ejus nempe
amori, cui ab initio adspirare vide-
bantur, nunc adversantibus) querelas
fundet, et in medio amoris cursu se
tristi tempestate oppressum cum stu-
pore animadvertet, h. e. se miserum
sentiet. — *Amatorem*, cujus læta ab ini-
tio in amore spes repente puellæ per-
fidia in tristitiam mutatur, comparat
cum nauta, qui in mari, cui vento se-
cundo et prosperrimæ navigationis spe
confusus se crediderat, subita tempe-
state deprehenditur; — et in hac com-
paratione sive allegoria (nimirum quod
ad decepti amatoris sortem attinet)

scite poeta usque ad finem carminis
persistit. — *Nigris...ventis*, venti di-
cuntur *nigri* sensu activo, h. e. cælum
nigrum reddentes, sive nubibus ob-
scurantes; pari modo infr. 7, 18,
Notus dicitur *albus*, h. e. cælum al-
bum sive serenum reddens; et III,
7, 4, *candidi Favonii*. — *insolens*,
qui tale quid non timuerat, stupens
ob rerum insolentiam.

9. *Aurea*, h. e. ob pulchros mores
et firmam in amore fidem maxime
amabili. Sic mores pulcri et honesti
infr. IV, 2, 23, dicuntur *aurei*. Pa-
riter Antiphanes de meretrice, quæ
non haberet animum meretricium,
eam habere ait ἦδός τι χρυσοῦν πρὸς
ἀρετὴν κατηχημένην, ὅντως ἱταίραν. —
vacuam, sibi soli, haud alii, in amore
vacantem. « Elige de vacuis, quam non
sibi vindicet alter, » Ov. Heroid. XX,
149. — *nescius auræ fallacis*, ille
ignorat, te in amore auræ instar mu-
tabilem et inconstantem esse. Imago
ipsa ab aura desumpta ad amoris insta-
bilitatem declarandam admodum fre-
quentata est græcis pariter ac latinis
poetis. Huic vero loco perquam ac-
commodatur quum et ipsa allegoriæ su-
periorum vv. præclare inserviat.

12. *Miseri*, etc. nexus sententia-
rum est: miseri illi qui te non no-

Intentata nites! Me tabula sacer

Votiva paries indicat uvida

Suspendisse potenti

15

Vestimenta maris Deo.

ruat; suavitate tamen atque pulcritudine tua allecti amorem tuum unico expetunt: ego quidem, qualis tu sis, expertus sum, tuosque laqueos, rebus utcumque salvis, effugi. — *Intentata nites*, pro vulgari, quibus intentata es, qui nondum usu cognoverunt quam mutabili sis animo. Observa autem eximium verborum dilectum: *nitere* de pulcritudine dici vulgare est; sed et tranquillum mare *nitere* dicitur, pariter mare tentari dicitur, ut in Virgil. Ecl. IV, 32, «tentare Thetin ratibus,» ita ut hactenus et continuari videatur allegoria. — *Me tabula sacer*, etc. me, ex naufragio servatum, madida vestimenta Neptuno (*potenti mari*

Deo, cf. supr. ad 3, 1) suspendisse, id testatur sacer in ejus templo paries per votivam tabulam, sive, id docet, quam vovi, affixa in ejus templo tabula; exprimere autem his voluit poeta fere hoc: ego perspecta tua perfidia ex laqueis, quibus in amorem tuum me irretiveras, Deorum, quos grato animo veneror, beneficio feliciter expeditus sum. — De ritu, quem Noster tangit, ex quo, qui salvi ex naufragio enataverant, votas vestes cum tabula, in qua scripta vel picta fuit res, quæ acciderat, in templo dei salutiferi (σωτήρ) tanquam δαῖτῆμα suspendere solebant: Ex Voto. cf. Virg. Æn. XII, 766 seqq. et Juvenal. XII, 17.

ANALYSIS. Pyrrha, sive verum id nomen, sive fictum sit, fuit haud dubie libertina aliqua, aut peregrina, quales complures Romæ erant, multæ liberallyter educatæ, elegantia etiam atque ingenio, sæpe et artibus, inprimis poesi et musica excellentes: cujus rei plura in Horatio exempla sunt. Quum Pyrrha, cujus amore ipse aliquamdiu irretitus fuerat, illecebris jamjam inescandam novum amatorem videret Horatius, memor perfidiæ quam olim expertus fuisset, eandem isti juveni, qui de fide puellæ minime dubitaret, sortem prædicit. Persequitur hoc suavissima allegoria quam a mari, soluta navis anchora, placidissimo, mox, eadem altius provecta, turbidissimo, mutuatur. Se eodem naufragio deprehensum, ex eo tamen satis salvum evasisse.

CARMEN VI.

AD AGRIPPAM.

Præclara ejus facta a Vario scribi oportere; se tanti viri laudibus canendis imparem esse profitetur; et sic, dum sese excusat, Agrippam delicatissime laudat.

SCRIBERIS Vario fortis et hostium

Victor, Mæonii carminis aliti,

Quam rem cumque ferox navibus, aut equis,

Miles te duce gesserit.

Nos, Agrippa, neque hæc dicere, nec gravem

5

1. *Scriberis Vario*, non a me, sed a Vario carmine celebraberis; *Vario* est casus tertius. *Varii*, ut insignis tum temporis poetæ epici, tam Noster Sat. I, 10, 4; Art. P. 58, quam Virgilius Ecl. IX, 38, honorificam mentionem faciunt. Eundem nobilem fuisse poetam tragicum testatur Quintilianus, qui ejus Thyesten cuilibet Græcorum comparari posse judicat X, 1, 98. — *Mæonii*, h. e. Homerici, a patria Homeri Smyrna, Mæoniæ sive Lydiæ urbe. « Nec me Mæonio consurgere carmine, nec me Dicere magnorum passus es acta ducum, » Ovid. ex P. III, 3, 31. — *Mæonii carminis aliti*, h. e. canenti et in altum evolanti, ut cecinit et in altum evolavit Homerus, h. e. poetæ epico, qualis fuit Homerus. — *aliti*, pro *aquilæ* qui volatus sublimitate et visus firmitudine omnes alites superat, aut pro cycno qui suavissime canere apud veteres credebatur,

ut *albus ales* infr. II, 20, 10; *cycnus* autem pro poeta, ut infr. IV, 2, 25, *cycnus Diræus*. — *ales carminis*, lyrica audacia, pro : poeta, qui canit carmen. — *Quam rem cumque*, h. e. quod attinet ad rem, quamcumque, etc. — *navibus aut equis*, h. e. aut mari, aut terra. *Mari* propter et pugnam Actiacam in qua utilem Augusto præstitit operam, et duo navalia prælia quorum altero Pompeii legatum, altero autem Pompeium ipsum devicerat; *terra*, propter expeditionem quam adversus rebellantes Gallos primo consulatu gesserat. Diq. lib. 48.

2. *Nos, Agrippa, neque*, etc. sensus : ego non magis res tuas gestas canere, quam Iliadem, aut Odysseam, aut tragediam aliquam scribere audeo; sum enim poeta tenuis, et illa carmina sunt grandioris spiritus. — *gravem Pelidæ stomachum*, h. e. Achillis (Pelei filii) iram (μῆνιν Πηληϊάδεω

Pelidæ stomachum cedere nescii,
Nec cursus duplicis per mare Ulixei,

Nec sævam Pelopis domum
Conamur, tenues grandia : dum pudor,
Imbellisque lyræ Musa potens vetat
Laudes egregii Cæsaris, et tuas

10

Culpa deterere ingeni.
Quis Martem tunica tectum adamantina
Digne scripserit? aut pulvere Troio
Nigrum Merionen? aut ope Palladis
Tydiden Superis parem?

15

Ἀχιλλεύς), quam cecinit Homerus in Iliade.—*cedere nescii*; qui a se impetrare non poterat, ut Agamemnoni ob ereptam sibi ab eo Briseidem cederet; inexorabilis; pervicacis.—*cursus Ulixei*, errores Ulyssis, quos cecinit Homerus in Odyssea. *Ulixeus* vetus forma pro : Ulysses; ut infr. 15, 34; *Achilleus* pro : Achilles. — *duple*, *duplex* (διπλῶς), qui simulando et fictam speciem præ se ferendo fallit, vafer, dolosus, versipellis (πολύτροπος), homini *simplici* (qui Græcis est ἀπλοῦς), h. e. candido vel sincero opponitur.

8. *Nec sæv. Pelop. dom.* h. e. nec sævas a Pelopis familia perpetratas cædes, quæ Sophocli inprimis largissimam ad tragedias scribendas suppeditarunt materiem. OEnomausenim a genere Pelope, Thyestæ liberi ab ejus fratre Atreo, Atreus ab Ægistho, Agamemnon a Clytæmnestra, hæc et Ægisthus ab Oreste, illius filio, occisi sunt, Orestes ipse furis agitatus. Nec omnino repudiandam crediderim opinionem eorum qui hoc loco Horatium

putant allusisse ad celeberrimam Varii tragediam de Thyesta quam Quintilianus cuius Græcorum tragediæ comparandam judicat.—*tenues*, refer ad nos, *grandia* ad grandioris spiritus carmina. — *Imbellisque lyr. Musa potens*, h. e. et ingenium non epicis, sed jocosis et amatoris carminibus canendis aptum; — *potens alicujus rei* dicitur, qui rei alicui suscipiendæ, tractandæ et moderandæ par est, qui pollet aliquid in aliqua re.—*Imbellis*, h. e. a rebus bellicis abhorrentis, ludicræ, jocosæ.—*deterere*, imminuere, obscurare, non ea, quam res postulant, dignitate canere. — *Culpa*, tenuitate ingenii.

13. *Quis Martem tunica tectum adamantina.* Sensus est: Augusti et Agrippæ res gestas scribere idem est ac si Martem et heroas istos fortissimos, Merionen et Tydeum carmine celebrare velles. Sic tacite poeta cum ipsis Homericæ Iliadis heroibus Augustum et Agrippam componit. — Ducta hæc Martis imago ab Homero, ubi ille dicitur χαλκοχίτων, χαλμο-

Nos convivia, nos praelia virginum

Sectis in juvenes unguibus acrium

Cantamus, vacui, sive quid urimur

Non præter solitum leves.

θεῶν τε, χαλκῶς ἄρκυ. Cl. Mitsch. comparat Claud. in Cons. Prob. et Olyb. 99, « Mavors adamante coruscat. » — *adamas*, de ferro durissimo præstantissimoque. — *Nigrum*, significanter pro : obductum, conspersum pulvere in campis Trojæ excitato. — *Merionem*, nobilissimum apud Homerum Idomenei aurigam. — *Tydidem*, Diomedem, Tydei filium, heroum fortissimum, qui, *ope Palladis*, Pallade adjuvante, Venerem vulnerasse, et cum ipso Marte congressus esse dicitur Homer. Iliad. V, 335 et 856.

18. *Praelia virginum*, rixas amantium, ut Tibull. I, 3, 63 : « Hic juvenum series teneris immixta puellis Ludit, et assidue praelia miscet amor. » — *Sectis in juvenes unguibus acrum*. Hic significare voluit poeta virgines quidem contra amantes se acriter defendere velle, ita tamen ut eos non gravius læderent, nec nimia omnino re-

pellarent pertinacia ; ideoque ungues præsecuisse, antequam ipsis, quasi armis, uterentur. Ex illa verborum oppositione magnam ducit venustatem hic locus, et sic apprime exprimitur indoles puellarum de quibus et infra Od. IX : « Pignusque dereptum laceris, Aut digito male *pertinaci*, » dixit et Od. XII, lib. II, « aut facili, sævitia negat Quæ poscente magis gaudeat eripi, Interdum rapere occupet. » Pro *sectis*, proponit Bentleius et probat Doëring, *strictis*, quod omnem et verborum, et sententiæ leporem tollit.

19. *Vacui, sive quid urimur*, sive liberi sumus ab amore, sive puellæ vel pueri cujusdam amore urimur ; ... particula *sive* vel *seu* priore loco passim omittitur, ut supr. I, 3, 16. — *Non præter solitum*, haud præter consuetudinem nostram, ex more nobis proprio ; *leves*, ad levitatem et protervitatem proclives.

ANALYSIS. M. Vipsanius Agrippa, magnus ille ac præcipuus Augusti amicus, terra marique rebus gestis victoriisque clarus, Horatio exprobraverat, ut videtur, quod nulla dum sui in ipsius carminibus esset mentio. Igitur se excusat Agrippæ, suique venam ingenii sufficere negat tam sublimi argumento, quod epico carmine celebrari debeat, seque tantum lyricæ poesi in jocos et lusibus occupatæ vacare. Quo ipso, quasi aliud agens, splendidissimum Agrippæ ipsique Augusto carmen dicit : nam dum grandem sibi spiritum esse negat, eum vel maxime prodit ; et Agrippam exquisitissime laudat, dum ejus laudibus canendis se imparem profitetur. Ejusdem prorsus formæ est II, 12 ; IV, 15.

Quicumque Agrippæ exprobrationi hujus carminis originem assignare noluerit, Horatium ita sponte scripsisse statuere poterit : « Non ego id mihi sumam, Agrippa, ut laudes tuas canam, hoc enim opicis et sublimioribus spiritus poetis relinquendum est ; ego lyra mea non graviora argumenta, etc.

Elocutio totasque habitus hujus carminis usque ad v. 16 magnificus est, imaginum dignitas, orationisque conversio admirabilis. Exitus autem et Horatii ingenio, et inprimis hujus carminis descriptioni ac sententiæ egregie respondet.

De illo autem L. Vario, ad quem Horatius delegat Agrippæ canendi manus; et de ipso Agrippa, jam videas t. III, p. 25, hujus edit. *de Amicis Horatianis*.

CARMEN VII.

AD MUNATIUM PLANCUM.

Alii laudant alias regiones; Horatio Tibur ante omnes placet; quam sedem, Planco urbem relinquere volenti, eligendam suadet; eumque hortatur, quocumque secedat, ad curas vino diluendas.

LAUDABUNT alii claram Rhodon, aut Mitylenen,
Aut Epheson, bimariseve Corinthi
Mœnia, vel Baccho Thebas, vel Apolline Delphos
Insignes, aut Thessala Tempe.

1. *Laudabunt alii*, non deerunt alii, qui laudent, commendent; Cl. *Mitsch.* ad formam græcam explicat: laudent licet, celebrent per me, extollant. — *Rhod. clar.* mercatura, luxu, artibus et philosophia; ut *nobilem* vocat Catull. IV, 8 et *claram* Martial. XIV, 68, 2; nisi explicare malaeris solis radiis illustratam, quatenus hæc insula, soli sacra, nunquam ejus radiis et luce prorsus carere dicitur. Atque sic hunc locum accepit Lucan. VII, 248: « claramque reliquit sole Rhodon. » Adde V, 50. Plin. II, 62. — *Mitylenen*, hanc Lesbii urbem Cicero quoque in Orat. c. Rull. c. 14, « et natura, et descriptione ædificiorum, et

pulcritudine inprimis nobilem » vocat. — *Ephesum*, urbem Ionie maritimam, Dianæ inprimis templo claram. — *bimaris*, ob duo maria, Ionium et Ægeum, quibus *Corinthus*, ad Isthmum in Achaia sita, alluitur; epitheton *bimaris* factum est ad græc. διθάλαστος, ἀμφιθάλαστος; opulentia inprimis et multarum rerum abundantia hanc urbem floruisse constat; *Græciæ decus* vocat *Corinthus* Flor. II, 16. — *Thebas*, Bæotie urbem a Cadmo conditam, cujus filia Semele Bacchum peperit. — *Baccho*, Bacchi origine, educatione et cultu. — *Apolline*, Apollinis templo et oraculo. — *Thessala Tempe*, harum amenissimarum inter

Sunt, quibus unum opus est, intactæ Palladis arces

5

Carmine perpetuo celebrare, et

Undique decerptam fronti præponere olivam.

Plurimus in Junonis honorem

Ossam et Olympon Thessaliæ convallium, præter Ovid. Met. I, 569 seqq. uberiores descriptiones dedit Ælian. V, H. III, 1. *Tempe*—accusat. græcum sc. Τίμμη per contractionem a τίμμη, plur. neutr.

5. *Intactæ*, h. e. indelibatæ, castæ; *arces* Athenarum nempe, quibus præfuit Minerva, unde dicta illa est ποσειδος. Vid. *Cuper*. Observ. III, 16, et *Spanhem*. ad Callim. in Pall. v. 83; *arces Palladis*, i. e. propolis Athenis. — *perpetuo*, quod uno tenore omnes Athenarum laudes conjunctim tractat, cyclico. Sic Ovid. Met. I, 3 eodem sensu: « Ad mea perpetuum deducite tempora carmen, » et Martialis V, 64, 10, *Silium* vocat *perpetuum* ob belli Punici secundi historiam carmine contextam. — *Undique decerpt. fronti præponere olivam*, hæc lectio in omnibus fere cod. mss. reperitur, et per longos annos, nemine contradicente recepta est, neque nos eam tamdiu possesso loco ejicere ausi sumus; has tamen in se difficultates habet, ut eam librorum errori tribuere fere non dubitemus. Ita enim a doctissimis intpp. explicatur: præponere sc. imponere fronti olivam decerptam undecumque, h. e. coronam oleaginam decerptam, collectam, ex variis modis quibus Athenas laudarunt, ex variis argumentis quæ in honorem Athenarum tractarunt, quum omnem hujus civitatis historiam a principio canerent. Quæ est autem illa interpretandi

ratio qua *præponere*, quod significat *anteponere*, pro *imponere* accipitur? Quantum etiam ab Horatiana simplicitate remota videtur hujus v. *undecumque* longius quæsitæ interpretatio! Quam sentientes difficultatem Horatii Germani interpp. viri doctissimi, sublata in v. superiore particula *et*, pro *undecumque*, *indeque* legerunt, h. e. ex hoc loco, ex Athenis; quæ lectio non malam tolleret verbi *præponere* interpretationem. Libenter tamen hanc lectionem admiserim quæ omnem removel difficultatem, et a textu solito ita parum discrepat, ut facile librarii culpa vitari potuerit. Alii etiam ausi sunt legere cum Heinsio, Dacierio et curiosissimo Horatii interprete Watson: « Undique decerptæ frondi præponere olivam » quod ita explicatur: præponere h. e. anteponere olivam, Athenarum insigne, frondi decerptæ ex quavis arbore, h. e. arbori cujusvis civitatis insigni. Græci enim, ut ap-prime notat Heinsius, aiebant ὅτιον φύλλον, *quancumque frondem*, pro quavis arbore. Sic propositis et solita h. loci lectione, et nostra, et aliorum sententia, lector elegerit.

8. *Plur. in Junonis hon.* hic annotandum quam solerter poeta variis semper loquendi rationibus hanc sententiam expresserit: « alii alias regiones laudabunt; *plurimus*, h. e. multi. — *Dicit*, canit, celebrat. — *Argos aptum equis* (ἱπποτρόφον, ἱππόβοτον) ob egregia, quæ ibi fuere, pascua;

Aptum dicit equis Argos, ditesque Mycenæ.

Me nec tam patiens Lacedæmon,

10

Nec tam Larissæ percussit campus opimæ,

Quam domus Albunæ resonantis,

Et præceps Anio, ac Tiburni lucus, et uda

Mobilibus pomaria rivis.

Albus ut obscuro deterget nubila cælo

15

Sæpe Notus, neque parturit imbres

Argos autem sedes Junoni fuit gratissima, unde Pindaro Nem. IX, 3, dicitur Ἰραὶ δῶμα θεοπρεπές.—*Ditesque Mycenæ*, epitheton homericum, κλέχρως Μυκῆν. II. VII, 180.—*Me nec*, jam exspectasses oppositionem: mihi Tibur præ his omnibus placet; sed Lacedæmonem adhuc et Larissam poeta in ipsam transitionem infert. Hac artificiosa orationis junctura ac variatione, legentium fastidio occurrere voluisse videtur, ne parum suavis longa ista græcarum urbium foret enumeratio.—*patiens*, ob magnam laborum, quibus Spartani a teneris exercebantur, patientiam. In hoc sensu infr. Ep. I, 7, 40, Ulysses dicitur *patiens*.—*Larissæ opimæ campus*, ager circa Larissam, Thessaliæ oppidum, fertilissimus. Larissam vocat Homerus ἐπιβόλα. Iliad. II, 841.—*percussit*, gravius pro vulgari: movit, cepit; nam qui vehementius aliqua re afficiuntur, ea *percuti* vel *ici* dicuntur.—*domus Alb.* jam Tiburtini agri amenitatem luculenta ejus descriptione commendat; transit eum fluvius *Albula*, qui ex fonte *Albunea* oritur, ubi ejusdem nominis Nympha sedem vel *domum* suam habet.—*resonantis*, dulcis cum murmure pro-

silientis aquæ sonitus suaviter ipsi Nymphæ tribuitur. Virgil. *Æneid.* VII, 63: « Albunea, nemorum quæ maxima sacro Fonte sonat. »—*præc. Anio.* *Anio* (nunc *Teverone*), qui per agros Tiburtinos in Tiberim decurrit, ideo dicitur *præceps*, quod prope Tibur de scopulo triginta circiter cubitos se præcipitans cataractam (nunc *la cascata* dictam) efficit.—*Tiburni lucus*, memoriæ vel cultui *Tiburni*, qui cum fratribus suis *Cautillo* et *Cora*, Tiburis conditor fuisse dicitur, haud dubie sacer. Vid. infra Od. XVIII, 2.—*Mobilibus*, aut fugacibus et trepidantibus, aut, ut alii volunt, qui moveri, duci possunt quo libuerit, quo sensu dixit Martial. « Hoc riguæ ductile flumen aquæ. » Priorem tamen interpretationem maulerim, utpote simpliciorē.—*pomaria*, olim propter pomorum copiam celebrabantur Tiburis arva; sic Colum. « pomosi Tiburis arva, » et Propert. IV, El. 7, 81: « Ramosis Anio qua pomifer incubat arvis. »

18. *Albus... Notus*, (λευκόνωτος) cælum album, sive serenum reddens; sic *nigri venti* supr. 8, 7, ubi cf. not. *niger Euris* infr. Epod. 10, 8, *clarus Aquilo* Virg. Georg. I, 460;

Perpetuos : sic tu sapiens finire memento

Tristitiam vitæque labores

Molli, Plance, mero : seu te fulgentia signis

Castra tenent, seu densa tenebit

20

Tiburis umbra tui. Teucer Salamina patremque

Quum fugeret, tamen uda Lyæo

Tempora populea fertur vinxisse corona,

Sic tristes affatus amicos :

Quo nos cumque feret melior Fortuna parente,

25

Ibimus, o socii comitesque.

Nil desperandum Teucro duce et auspice Teucro;

candidi Favorii infr. III, 7, 1. —

deterget a detergeo. — *Molli*, vinum

vetustum dicitur *molle*, ut infr. Epist.

I, 18, 19, *lene*; « Ad mare cum veni,

generosum et lene requiro; » Juvenal.

I, 69, « molle Calenum. » — *fulgen-*

tia signis castra, de aquilarum, alio-

rumque militarium signorum fulgore

intelligatur : graphice hoc. Eodem

sensu in Livio XXXIII, 19, « Et

omnia circa juga signis atque armis

fulgere romanis. » — *seu densa tenebit*

Tib. umb. tui, sive potius Tibur

rusticatum ibis; *tui* vel quod Tibur

in deliciis fuit Planco, vel quod villam

ibi habuit. Quam posteriorem antepo-

suerim interpretationem, nec sine de-

igitur, cum, sine Ajace redux, pulsus

esset a patre ex patria, ab Apolline

monitus, in Cypro, quo exsulatum

iverat, novam Salamina condidit; vid.

Vell. Pat. I, 1, Soph. Aj. 1036,

Eurip. Hel. 91, et Heynii Excurs.

XXIII, ad Virg. Æn. I. — *uda* (β-

εργαία), madida vino. Nam vino

hausto tument, incalescunt ac madent

sudore tempora. — *Lyæo*, Baccho, sic

dicto a λυσω, solvere, quia curas solvit.

Hic Bacchus pro vino, per metonymiam.

— *populea corona*, vel tan-

quam heros, vel quod sacrificabat Her-

culi, cui *populus* sacra est. — *tristes*

aff. amic. orationem Teucris ad socios

habitam hausisse Nostrum vel ex græco

aliquo poeta, vel ex Pacuvii tragedia,

quæ tum exstabat, *Teucer* inscripta

(cf. Cic. Orat. II, 46), vix dubites. —

Quo nos cumq. fer. cf. in hanc sen-

tentiam Virg. Æn. V, 709. — *melior*,

h. e. benignior, cum vi adjectum, ad

erigendos sociorum animos. Nititur

vero ista spes melioris fortunæ oraculo

Apollinis, Teucro dato.

27. Nil desperand. Teucro duce

Certus enim promisit Apollo,
Ambiguam tellure nova Salamina futuram.

O fortes, pejoraque passi
Mecum sæpe viri, nunc vino pellite curas :
Cras ingens iterabimus æquor.

30

et auspice Teucro, magnæ pulcritudinis et vis miræ versus qui fere in proverbium venit. Nota vocem illam repetitam *Teucro* non sine multo vigore.

Teucro duce et ausp. *Teucro*, h. e. ubi et dux est Teucer, et bonis ipsius Teucris auspiciis res geritur. Ad bona illa auspicia pertinet Apollinis oraculum. Quamvis Græci auspicia non nossent, hic, ut bene notat noster Dacierius, Teucrum more Romanorum loquentem inducit Horatius, apud quos nihil suscipiebatur, quin auspicia sumerentur a magistratibus vel ducibus. Ideoque quum alicui bello imperator ipse præerat, eo duce et auspice bellum geri dicebatur; sin autem per legatum imperatoris gerebatur, eum suos deos præbuisse aiebant. Sic ad Augustum Noster IV,

14 : « Te consilium et tuos præbente Deos, » et Ovidius : « Auspicium cui das grande, Deosque tuos. »

38. *Certus*, haud dubiæ fidei. Apollinis enim, præ cæterorum Deorum oraculis, responsa vera videbantur. « Non Apollinis magis verum atque hoc responsum, » Terent. et apud Græcos hoc proverbii loco erat : τοῦτο ἐστὶ ἀληθές ὡς ἐκ τριπόδος. — *Ambig. tell. nova Sal. fut.* h. e. nova Salamine condita veteris Salaminis gloriam ambiguam fore, s. obscuratum iri. Sic lib. II, 8, 24, dixit Noster de Gyge : « Quod si puellarum insereres choro, Mire sagaces falleret hospites... solutis Crinibus ambiguoque vultu. — *Cras ing. iter. æquor*, ergo, ut bene observat Cl. Mitsch. ad litus appulerant, sacra Herculi facturi.

ANALYSIS. De Munatio Planco, cui scribitur hoc carmen, vide p. 26, t. III de *Amicis Horatianis*. Qui quum, propter notam in civilibus bellis inconstantiam, Augusto semper se suspectum sentiret, magnam inde animi ægritudinem contraxisset, suæque salutis metueret, Romam relinquere, et sponte exulare meditatus est. Iis autem temporibus quicumque patria carere mallet quam in timore vivere, græcas civitates in iisque maxime Rhodom, aut Mytilenem petebant (v. Cic. ad Div. IV, 7 et VII, 3). Horatius vero amicum exhortatur ut, cæteros non imitatus, in Tiburtinam potius regionem, Italiae amenissimam, secedat.

Nexus sententiarum, de quo adeo laborarant nonnulli interpretes, et hoc carmen ex duobus diversis conflatum esse opinarentur, est fere hic : laudes sue sunt græcis civitatibus et multorum carminibus satis celebrantur; me autem præcipue delectat amenissima Tiburni regio; tu quoque, Plance, in ea potissimum regione, animi dolorem deponere poteris (supplendum enim est

quod consulto prætermisit poeta); eo te confer, et cogita non semper mala durare, sed post illa, sicut tempestatem excipere solet serenitas, lætiores sortem redire. Ubicumque es, vel futurus es, vino curas dilue, et animum tuum exilara. Exemplo in hac re tibi esse potest Teucer, qui, quamvis, ac tu, patriam fugere debebat, tamen animum haud despondebat, imo vino se sociosque suos, ad melioris sortis expectationem excitabat.

CARMEN VIII.

AD LYDIAM.

Notat juvenem Sybarin perditum amore Lydiæ, et colliquefactum voluptatibus.

LYDIA dic, per omnes

Te Deos oro, Syharin cur properes amando

Perdere? cur apricum

Oderit campum, patiens pulveris atque solis?

1. *Sybarin* adolescentem ingenuum fuisse, ex gymnasticis exercitationibus, quibus ille ante deditus fuisse dicitur in campo Martio, apparet. — *properes*, non autem *properas* ut plurimi volunt, quum *oderit* in modo subjunct. sit. Hic intelligendum festinas perdere, vel propter meretricum naturam, quæ amatoris divitias citius hauriunt, ut novas quærant, vel propter nimiam pueri juventutem. — *amando*, sc. ut optime notavit Dacierius, amore quem in eo accendisti, passivo sensu. Sic Virg. Georg. III, 218: «Uritque videndo Femina,» h. e. urit videntes; multa hujus sensus exempla apud Ciceronem et Sallustium reperias. — *cur apricum*, etc. cur ille (*patiens pulveris atque solis*), qui ferre ante poterat pulverem atque so-

lem, nunc campum Martium aversatur atque vitat? sive: cur strenuus ante ille juvenis nunc præ mollietie fugit gymnasticas exercitationes in campo Martio? Studia autem illa, quibus pueri ingenui *equitando, natando, luctando, discum et jaculum jaciendo* in campo Martio exercebantur, recenset ipse poeta. — *Oderit* pro *vitet*. — *apricum*, ubi æstus solis, cui campus Martius expositus est, ferendus est. — *militaris*, tanquam miles, more militari; milites nempe imitabantur pueri, et ludum militarem ludebant. Sunt, qui Horatium equestre illud nobilium juvenum Romanorum certamen, *ludum Trojæ* dictum, respexisse arbitrentur, sed, ut bene observat Cl. Mitsch. *ludus Trojæ* (de quo cf. Virg. *Æn.* V, 545 seqq.) erat

Cur neque militaris

5

Inter æquales equitat; Gallica nec lupatis

Temperat ora frenis?

Cur timet flavum Tiberim tangere? cur olivum

Sanguine viperino

Cautius vitat? neque jam livida gestat armis

10

Brachia, sæpe disco,

Sæpe trans finem jaculo nobilis expedito?

Quid latet, ut marinæ

solemnis, et raro agebatur. — *Gallica ora*, h. e. os equi Gallici; ad optimos nempe referebantur a Romanis *equi Gallici* (cf. Tacit. Ann. II, 5), sed ob insignem eorum ferociam domari debebant frenis *lupatis*, h. e. ferreis aculeis, qui *lupi* (λύκοι) dicebantur, instructis.

8. *Cur tim. flav. Tib. tang.* egregie ad Sybaris mollitiem notandam pro vulgari: cur non natat in Tiberi? Hoc fuit in moribus Romanorum ut, post campi Martii exercitationes, in Tiberim adhuc sudantes, se immitterent. Pariter de molli homine Lucan. VIII, 374: « Non frangit nando violenti vorticis undam. » Atque hic nota h. v. tangere, quo major ostenditur colliquefacti voluptatibus juvenis mollities, quum non solum non natare, sed ne pede quidem aquam tangere audeat. — *curolivum*, etc. cur a palæstra magis quam a veneno præsentissimo sibi cavet? *olivum* pro palæstra, quia luctaturi ibi artus suos oleo, ne facile teneri possent ab adversario, inungere solebant, unde, audaci expressione, Catull. « Ego gymnasii fui flos, ego decus olei. » *Sanguis viperinus*, venenum efficacissimum, ut infr. Epod. 3, 6,

cruor viperinus. — *livida* — *armis*, h. e. livore notata ex armorum, disci et jaculi, pondere. *Sæpe disco*, *sæpe trans finem*, etc. ordo est: ille qui antea nobilis erat disco, aut jaculo sæpe trans finem expedito, cur non jam gestat, etc. — *disco*, *discus* fuit massa plumbea vel ferrea, in disci speciem rotundam conformata, quam juvenes in exercitationibus gymnasticis, virium tam exercendarum quam augendarum causa, ad certam metam projiciebant; descripsit hunc ludum Hom. Odys. VIII, 186 seqq.

12. *Expedito*, significanter pro: misso, projecto; inest enim τῷ *expedito* notio facilitatis, qua Sybaris discum et jaculum trans metam projicere valuerat.

13. *Quid late, ut mar.* etc. sensus. Quid latet Sybaris apud te, Lydia, sicuti Thetidis filium, Achillem, sub funesti belli Trojani initio latuisse narrant, muliebri quippe veste indutum, ne virili cultu proditus ad eandem contra Trojanos proficisci cogeretur. — Nimirum quum fata, ex quibus constitutum fuit, ut Achilles, si in bellum Trojanum proficisceretur, ibi periret, haud fallerent ejus matrem

Filium dicunt Thetidis sub lacrimosa Trojæ

Funera, ne virilis

15

Cultus in cædem et Lycias proriperet catervas?

Thetidem; horum eludendorum causa illa filium suum apud Lycomedem in Scyro sub cultu muliebri occultasse dicitur, unde is deinde, cum Deidamix, cujus amore captus fuerat, se virum prodidisset, ab Ulyse in bellum Trojanum protractus est. Fusius hanc rem tractavit Statius in

Achilleide. Cf. Bion. Idyll. VI.

14. *Sub lacrim. Tro. fun.* cum Græci ad bellum funestissimum se accingerent; *funera* pro bello, funerum causa.

16. *Lycias*, h. e. Trojanas; Lycii enim, Sarpedone et Glaucō ducibus, Trojanorum fuerunt socii.

ANALYSIS. Lydia, aut quæcumque sub ejus nomine fœmina latet, Sybarim ita amore corruerat, ut omissis omnibus, quæ ingenium adolescentem Romanum decerent, exercitationibus, totum se mollitiei traderet, et apud eam, tanquam Achilles in Lycomedis gynæceo delitesceret. Poeta, ut Sybarin ab hoc amore avocet, generosam ejus indolem nunc deslexam, vividissimis delineatam picturis ei ob oculos ponit, ita tamen ut hujus rei culpam in Lydiam, quæ illum illecebrarum suarum laqueis constrictum teneat, totam transferat. Argumenti hujus levitas præclaris ornatus lyrici compensatur virtutibus; eique pertractatione docta ac vivida haud vulgaris accedit gratia. Sub Sybaris nomine, nobilem aliquem Romanum, forte equestris ordinis, latere, propter campestres exercitationes vv. 4 sqq. memoratas, recte colligas.

Confer hoc carmen cum Terent. Eun. II, 1, 19 et Plaut. Mostell. I, 2, 62 et 71 ubi dicitur quam amore h. e. mollitie homo immutetur.

CARMEN IX.

AD THALIARCHUM.

Quo magis hiems sævit, eo magis genio indulgendum esse;
omissaque omni de futuris rebus sollicitudine, præsentī tem-
pore fruendum.

VIDES, ut alta stet nive candidum

Soracte, nec jam sustineant onus

Silvæ laborantes, geluque

Flumina constiterint acuto.

Dissolve frigus, ligna super foco

5

Large reponens; atque benignius

Deprome quadrimum Sabina,

O Thaliarche, merum diota.

1. *Stet*, h. e. se attollat, imminuat, pro vulgari: sit. — *Soracte*, in agro Faliscorum, nunc *Monte di S. Silvestro*. — *laborantes* eleganter dicuntur sylvarum arbores, quæ nivis onere ita deprimuntur, ut ei sustinendo vix pares sint, ei succumbant; sic lib. II, 9, 7: « Aut Aquilonibus Gargani quercetæ laborant. » Sic *Atlas*, vix humeris sustinens cælum, *laborare* apud Ovid. Met. II, 296, et *respublica Romana*, præ nimia magnitudine vix amplius se tenens, *magnitudine sua laborare* Livio in Proœmio dicitur. — *constiterint*, glacie nempe per acre gelu adstricta.

2. *Dissolve frigus*, relaxa, remitte; frigore enim adstringit, calore autem

resolvi res dicuntur. Sic supra Od. IV, v. 1: « Solvitur hiems. » — *benignius*, h. e. largius, liberalius, *ἀκούδιος*; *benigne τῷ μάτῳ*, h. e. parce, opponitur. — *quadrimum*, h. e. quatuor annorum ideoque jam satis vetustum. — *Sabina*, ut alii volunt ita dicta quia apud Sabinos hujus generis amphoræ fabricabantur; secundum autem alios, quod pocsi magis accommodatum videtur, ab amphora ad merum transferendum est epithetum, intelligendumque vinum Sabinum de quo infra Od. XX, 1. Sic Od. III, 16, 15, « *Λæstrygonia amphora* » pro amphora *Λæstrygonio* vino referta, et apud nos: « une bouteille de Madère, de Champagne. » — *diota*, vasculum, duas au-

Permitte Divis cetera : qui simul

Stravere ventós æquore fervido

10

Depræliantes, nec cupressi,

Nec veteres agitantur orni.

Quid sit futurum cras, fuge quærere : et

Quem Fors dierum cumque dabit, lucro

Adpone : nec dulces amores

15

Sperne, puer, neque tu choreas ;

Donec virenti canities abest

Morosa. Nunc et campus, et areæ,

Lenesque sub noctem susurri

Composita repetantur hora :

20

res (ἄτρα), h. e. ansas habens, ansatum, quo ad vinum e cadis in pocula minora transfundendum utebantur.

9. *Permitte Divis cetera*, Diis curanda relinque; nexus est sententiarum: dum sævit hiems, voluptatibus quas hiems concedit, indulge, nec ullam de futuro tempore curam suscipe. Una enim Deorum voluntate reguntur omnia et Diī providebunt ut hiems desæviat redeatque vernum tempus. Inde, occasionem nactus, in vv. sqq. non magis de futuris vitæ rebus quam de futura cæli temperie curandum esse poeta suadet, et ex quaque vitæ die ducendam esse voluptatem.—*Strav. vent. depræli.* h. e. simul ac illi ventorum in concitato mari contra se pugnantium impetum prostraverunt, contuderunt, domuerunt.—*fervido*, quod fluctibus ventorum vi commotis effervescit. Virg. Geor. I, 327: « Fervetque fretis spirantibus æquor. »

13. *Fuge quærere*, noli sciscitari;

inf. Epist. II, 2, 150, *fugeres* (nolles) *curarier*. In sententiam, qua ridetur de crastini diei sorte sollicitudo, laudat Cl. Mitsch. Grot. Excerpt. p. 875, ubi Philetærus jubet haud sic ἀσπεν φρενέσσιν, τί δὲ λόγαι.—*puer*, donec in flore ætatis constitutus es.—*virenti*, significantius pro: tibi.—*Nunc*, dum per ætatem licet, dum canities abest; eo enim referendum non ad hiemem.—*campus et areæ*, intellige ambulationes in campo Martio et *areis*, h. e. locis puris in urbe, vel porticibus ad templa, ubi pueri puellæque frequenter amoris causa versari solebant.—*Lenes susurri*, blandæ et furtivæ amantium confabulationes (ὁαρίσμοι, ψιθυρίσματα). Sic Propert. I, 14, 13: « Blandos audire susurros. » Dicuntur *susurri*, quia submisso sono confabulantur, ne a cæteris audiantur.—*sub noctem*, crepusculi tempore.—*Composita*, ex composito constituta.—*repetantur*, h. e. de integro vel sæpius misceantur.—Cæterum in senten-

Nunc et latentis proditor intimo
 Gratus puellæ risu ab angulo,
 Pignusque dereptum lacertis,
 Aut digito male pertinaci.

tiam, amoris et voluptatibus, antequam iners ætas nos occupet, indulgendum esse, comparat Cl. Mitsch. Antiphan. Ep. 2, 3; Anth. Gr. t. II, p. 188 (edit. Jac.), et Rufin. Ep. 10, 3 seqq. Anth. Gr. t. III, p. 401.

21. *Nunc et latentis*, etc. nunc tam risus, quo puella se ipsam in intimo angulo latentem prodit, quam pignus delectat, quod ejus lacertis vel digito dereptum est; sive: nunc jucundissimus est ille lusus amatorius, quo puellæ, quæ se ipsam in intimo angulo latentem ridendo prodidit, vel armilla de ejus lacertis, vel annulus de ejus digito tanquam pignus amoris

deripitur. — *digito male pert.* facete de puella, quæ non vincere, sed vinci in lusu amatorio cupit; ejus *digitus* igitur, haud ita compressus, ut ægre ex eo detrahi possit annulus, est *male*, h. e. minus. *pertinax*. — Totum hunc locum, ut bene observat Mitsch. imitatus est auctor Elegg. quæ sub Corn. Galli nomine circumferuntur, I, 67, « Et nunc subridens latebras fugitiva petebat, Non tamen, effugiens, tota (ut bene pro. *tale* emendat Cl. Mitsch.) latere volens, Sed magis ex aliqua cupiebat parte videri; Lætior hoc multo, quod male tecta foret. » Cf. etiam Virgillii versum. « Et fugit ad salices, etc. »

ANALYSIS. Probabile est Thaliarchum, cui dicitur hoc carmen, fuisse græcum juvenem, divitem, qui villam in Faliscis, haud procul monte Soracte haberet, et in hac villa Horatium hanc oden scripsisse; quod suadet versuum primorum quatuor idea, rure potius quam in urbe concepta. Igitur ab hiemis descriptione exorsus poeta, ad conviviorum, quæ hiemali temporis aptissima sint, hilaritatem exhortatur. Hinc ad generale de vita suaviter ac sine curis transigenda præceptum delatus, eundem monet, ne anxia futuri sollicitudine præsentis temporis fructum intercipi, sicque juvenilem ætatem, lusibus eam jocisque aptissimam, temere sibi elabi patiat, quum eam mox senectus morosa, omnisque hilaritatis experta sequatur. Eximiam argumenti hujus ac vere lyricæ tractionem, sententiarum dignitatem atque gravitatem, tum Anacreonteam in exitu carminis remissionem observent veterum poeticarum studiosi. Fieri potest in hoc toto carmine Alcæi vestigiis Nostrum instituisse, quam initium aperte expressum sit ex hujus poetæ fragmento apud Athen. X, 8. Qui hoc carmen meram Alcæi imitationem esse putant, Thaliarchum quoque fictum nomen et generaliter sumptum addunt.

Horatii commentator *Galiani* græcam vocem *Thaliarchum* convivii regem significare arbitratur, et eo sensu hic accipi, ut apud nos: *le roi de la fête*.

nec ad Thaliarchum quasi ad hominem quemdam, hoc carmen scribi; sed tantummodo ad eum Thaliarchum vel convivii regem, orationem converti quum de vino depromendo agitur. Qui hanc explicationem probaverit, eam accipiat; notabo tamen non verisimile esse Horatium substantivum græcum nec apud Romanos usitatum usurpavisse.

CARMEN X.

AD MERCURIUM.

Mercurii laudes.

MERCURI, facunde nepos Atlantis,
Qui feros cultus hominum recentum
Voce formasti catus, et decoræ

More palæstræ :

Te canam, magni Jovis et Deorum

5

Nuntium, curvæque lyræ parentem ;

1. *Facunde* (λογις), facundiam enim inprimis postulabat legati sive nuntii apud Deos munus; hinc eloquentiæ pater habitus est Mercurius; λόγου πρῶτος dicitur Orph. H. 27, 4. — *nepos Atlantis*, filius nempe Jovis ex Maia, Atlantis filia, Pleiadum una. — *feros cult. hom. rec.* rudes et incultos olim homines; *recentes*, recens olim nati, primigenii, antiquissimi, πρῶτότοκοι. — *Voce*, loquela, sermone, animi sui sententiam cum aliis communicandi facultate. — *catus*, vox Sabina, pro: cautus, i. e. prudens, sapiente consilio præstans; sapienter enim judicavit Mercurius, rudes et feros hominum mores nulla re magis cultiores reddi posse, quam communi sermonis

usu, sive eloquentia; hinc Cicero Orat. I, 8 de Eloquentia: « quæ vis alia potuit aut dispersos homines unum in locum congregare, aut a fera agrestique vita ad hunc humanum cultum civilemque deducere? » — *dec. more palæst.* h. e. institutis, quæ corpus ad decentiam componerent, certaminibus palæstricis. Dictus enim Mercurius ἀγώνιος, ἐναγώνιος, veluti Orph. H. 27, 2; Simonidi apud Athen. XI, 12; Pind. Pyth. 2. 18, et Lucan. IX, 661: « Auctor liquidæ palæstræ. » Ejusque et Herculis statuæ ideo in gymnasiis positæ.

2. *Deor. nuntium*, ἀγγελον ἀθανάτων, διάκτορα. — *curv. lyr. parentem*, intentis curvæ testudini ovium nervis

Callidum, quidquid placuit, jocosō

Condere furto.

Te, boves olim nisi reddidisses

Per dolum amotas, puerum minaci

10

Voce dum terret, viduus pharetra

Risit Apollo.

Quin et Atridas, duce te, superbos,

Ilio dives Priamus relicto,

Thessalosque ignes et iniqua Trojæ

15

Castra sefellit.

Tu pias lætis animas reponis

primus lyre auctor fuisse perhibetur Mercurius, cf. Hom. H. in Merc. 40 seqq. et Lucian. D. D. VII.—*Callidum condere*, græce pro: callidum ad condendum. Ob eam calliditatem latronum deus dicebatur. — *jocosō furto*, joci causa perpetrato, κωδία, qua voce ejusdem dei furta indigitat Lucian. Catapl. t. I, p. 624. Affert jam duobus sequentibus strophis binum fraudulentum ejus ingenii exemplum.

9. Sensus: dum olim Apollo tibi adhuc parvulo, pœnas minando, ni abactas per fraudem ab eo boves redderes terrorem incutit, ecce! eo ipso momento ejus ira, pharetra, dolose a te surrepta, se privatum animadvertentis, in risum vertitur. — *puerum*, Mercurius, vix trium dierum puerulus, boves ex Admeti armentis, quæ Apollo pascebat, clam avertisse (Hom. H. in Merc. 19), et simili furandi dexteritate arcum et sagittas Apollini abstulisse dicitur. Luc. D. D. VII.—Hæc duo furta. diversis temporibus facta, lepide Alcæus, quem Noster

sequitur, conjunxit. — *Risit viduus*, græce, risit viduum se sentiens. Viduus pro viduatus, spoliatus, carens.

13. Sensus: imo Priamus, Ilio (ad corpus Hectoris ab Achille redimendum) profectus, quum te duce callido uteretur, neque ab Atridis, Agamemnone et Menelao, neque a vigilibus copiarum Achillis in castris Græcorum conspectus et detectus est.—Rem narrat Hom. Iliad. XXIV, 336 seqq.—*superbos* (μεγαθύμους, μεγαλήτορας), tam ob fortitudinis, quam ob summæ, quæ penes eos fuit, potentiæ gloriam. —*sefellit*, latuit.—*dives* (πολύχρυσος, πολύκτητος) auri simul, quod ad Hectoris corpus redimendum curru advehendum curaverat, respectu habito.—*Thess. ign.* per ignes designantur vigiles, qui ignes in vigiliis accendere solent. et per *Thessalos* locus, ubi Achilles, Thessalus, in castris Græcorum tendebat.

17. *Tu pias lætis an. rep. sed.* a munere pias animas in lætas sedes sive Elysium deducendi et compellendi. Græcis dicitur Mercurius ψυχοπεπός,

Sedibus, virgaque levem coerces

Aurea turbam, superis Deorum

Gratus et imis.

20

ψυχαγωγός, de quo vid. inprimis *Hemsterhusius* ad Luc. Contempl. c. 1. — *virga aur.* (ῥάβδος χρυσή, unde *Mercurii χρυσόρραπς*) qua, velut pastor ad gregem cogendum, utitur. Virga autem illa *Mercurii* (ῥάβδος) antiquitus nihil a caduceo diversa fuit; vid. *Cl. Ilgen.* ad Hom. Hymn. in Merc. v. 328, et *Amiciss. Boettig.* in *den Vasengem.* I, 2, p. 98. — *coerces, agis*, compellis virga, veluti pedo.

Imago a pastore suaviter sumpta, ut I, 24, 18, « Quam virga semel horrida Nigro compulerit *Mercurius* gregi. » — *lovem turbam*, exiles animas, εἰδωλα. — *superis Deorum*, græce, pro : *superis Diis.* De eodem *Ovid. Fast.* v. 665 : « Pacis et armorum *superis* imisque *Deorum* Arbiter. » Adde *Claudian.* de R. P. 1, 89 : « Commune profundis Et *superis* numen. » — *Gratus*, utrisque inserviendo.

ANALYSIS. Totum hoc ex *Alcæo* expressum esse docet *Porphyrius* in scholion : « Hymnus in *Mercurium* ab *Alcæo* lyrico poeta. » In quo adumbrando quum poeta nihil omnino, quod ad ætatem suam trahi possit, immiscuerit, religioso alicui usui eum destinatum non fuisse, nec aliud spectasse *Horatium*, nisi ut e græco carmine latinum faceret, arbitror. *Porphyrius* testimonio accedit *Pausaniæ* auctoritas, qui et hymnum illum *Alcæi* et ex eo locum de bobus *Apollini* a *Mercurio* surreptis, diserte laudat VII, 20. Quod quidem carmen, quamquam, lyrico more, breviter tantum *Mercurii* laudes attingit, ad hymnorum tamen qui in *Deorum* origine muneribus virtutibus meritis et inventis celebrandis versantur, genus videtur referendum. Frustra igitur laborarent quicumque in hoc nexum aliquem sententiarum rimarentur; nullus alius nexus est, nisi quod successim enarrantur ejusdem Dei varis laudes. Celebratur enim hic *Mercurius* tanquam eloquentiæ pater, palæstræ inventor, *Deorum* nuntius, callidus et animarum ductor, seu ut græcis epithetis utar : λόγιος, ἐναγώνιος, ἀγγελες ἀθανάτων, αἰμυλομητής, ψυχοπομπός.

CARMEN XI.

AD LEUCONOEN.

Hortatur Leuconoen, ut vanas astrologiæ explorationes omittat, neglectisque futuris, præsentibus bonis fruatur.

Tu ne quæsieris, scire nefas, quem mihi, quem tibi
Finem Di dederint, Leuconoe; nec Babylonios
Tentaris numeros : ut melius, quicquid erit, pati!
Seu plures hiemes, seu tribuit Jupiter ultimam,
Quæ nunc oppositis debilitat pumicibus mare

5

1. *Ne quæsieris*, pro: cave quæras, noli quærere;—commode in hanc sententiam Cl. Mitsch. laudat Propert. II, 20, 60, « At vos incertam, mortales, funeris horam Quæritis, et qua sit mors adeunda via. Quæritis et cælo Phœnicum inventa sereno, Quæ sit stella homini commoda, quæque mala. » — *scire nefas, quem*, etc. impium est scire, vel sciscitari velle, quem, etc. nam « prudens (ut Noster infr. III, 29, 30) futuri temporis exitum Caliginosa nocte premit deus; » Stat. Theb. III, 562: « quid crastina volveret ætas, Scire nefas homini. » — *quem mihi, quem tibi Finem Di ded.* Leuconoe igitur, quom non solum de suæ, sed etiam de Horatii vitæ exitu esset sollicita, intimo eum amore amplexa esse videtur.—*Finem*, vitæ terminum. — *nec Babyl. tentar. num.* quum Babylonii inprimis sive Chaldæi (quorum urbs fuit Babylon) ex hora,

qua quis natus esset, sive horoscopo, secundum constellationem, sive stellarum, quarum cursum et conjunctiones in ephemeridibus suis vel tabulis astronomicis descriptas habebant, computationes et numerum suæ cuique vitæ exitum prædicendi artem professi sint; *numeros Babylonios tentare* erit: ex subducto secundum Babyloniorum artem stellarum numero, sive ex *Chaldaicis* (ut Cicero loquitur de Div. II, 47) *rationibus* vitæ exitum explorare et discere velle; h. e. consulere astrologos.—*Tentaris*, experta fueris, inde futura explorare conata fueris. Proprium verbum hac de re.

3. *Ut mel. quicq. erit pati*, i. e. quanto sapientius quicquid acciderit, patienter ferre! — *hyemes*, annos.—*Quæ nunc oppositis deb. pum. mare Tyrr.* lyrico ornato pro vulgari: quæ nunc transit vel transigitur hiems;

Tyrrhenum; sapias, vina liques, et spatio brevi
 Spem longam reseces. Dum loquimur, fugerit invida
 Ætas. Carpe diem, quam minimum credula postero.

quæ nunc debilitat mare, pro vulgari: qua nunc mare debilitatur, h. e. frangitur, repercutitur *oppositis pumicibus*, pro: rupibus, marinorum fluctuum impetu, pumicum instar, exesis et cavatis. Sic *pumex* pro rupe cavernosa apud Virg. *Æn.* V, 214, « Qualis spelunca subito commota columba, Cui domus et dulces latebroso in pumice nidi, Fertur in arva volans, » etc. et XII, 587, « Inclusas ut quum latebroso in pumice pastor Vestigavit apes, » etc. — Horatii commentator *Galiani* a nullo hactenus intellectum fuisse v. 8 asserit et ita explicat: « Illam hiemem, per quam Romani imminuunt mare opponendo pumices, h. e. moles, in quibus domos ædificant, » sic hæc verba referendo ad illas maritimas ædes de quibus *Salustius* Cap. XX. Non video autem cur illarum constructionum usum qui jam diu antea frequentabatur, huic anno potissimum *Horatius* exprobraret, dum contra fieri poterat ut hoc anno plus solito mare ageretur; præterea non mihi videtur hiems aptissimum tempus ad construenda, imprimis in mari, ædificia. Quibus de causis et quia nimis affectata et longius quesita sit, sententiam illam repudiare non dubitem.

6. *Sapias, vina*, etc. sensus: ne stulte de vitæ exitu sciiscitando animum tuam maceres; quin, cogitans de vitæ brevitate et fugientis ætatis velocitate, vinoque indulgens, sapienter præsentis vitæ fructus carpe. — *vina*

liques. — *vinum liquare* est vinum percolando liquidius et sic bibendo aptum reddere; Græcis dicitur: ὑλίσαιν, σακεύειν, ἐξαιτρίσαι; cf. *Cl. Schneid.* ad *Colum.* XII, 19, 4. — Utebantur veteres ad vinum liquandum colo (ἡμῶν, ὑλιστῆρι, h. e. sacculo linteo, tenui vimine rarius in coni inversi formam contexto) ut vinum per illud transmissum defæcerent, vel potius, ut mihi videtur, a flore vel mucore purgarent. — Ceterum poetam ideo *Leuconoe* *vinum liquare* jubere, ut illud bibendo hilaritati indulgeat, vix monendum videtur. — *spatio brevi spem longam reseces*. h. e. spem in longioris vitæ tempus productam a brevioris vitæ spatio rescindas et disjungas; noli sperare, quæ ob vitæ breviteratem assequi nequis. — Alio verborum ornatu eandem sententiam extulit *Noster* supra I, 4, 18. « Vitæ summa brevis spem nos vetat inchoare longam. » — *fugerit*, cum majore vi dictum pro *fugit*. Eandem sic expressit sententiam *Pers.* V, 152: « Vive memor leti; fugit; hora hoc, dum loquor, inde est. » — *invida*, quæ tam cito elabitur ut sui fructum ac vitæ usum nobis invidere videatur. — *Carpe diem*, sc. hodiernum. Præsentem quod vivendum tibi datum est, tempore utere, fructum ejus ne intercipi atque elabi tibi patiari. — *quam minim. cred. postero*, parum fiducia collocans in postero, crastino, quum admodum incertum sit an crastino vivas.

ANALYSIS. Leuconoen (sub hoc ficto nomine haud dubie amicam quamdam Horatii) ut deterreret a vanis astrologiæ explorationibus, qua superstitione Romanas feminas laborasse satis abunde constat, impium esse, ait, in ea inquirere velle quæ prudenti quodam consilio Dii nobis occultaverint: contra multo satius esse iis, quæ fato nobis impendeant, tolerandis parem fortemque adeo animum offerre, atque in iis acquiescere. Quumque, quam brevis sit vita humana, etiam absque Babyloniis istis computationibus perspicui possit, multo sapientius esse, præsentis temporis, quod certissimum sit, usura, quantam largiatur maximam frui, quam in crastinum quod admodum incertum sit, eam differre. Eminent hoc carmen quum elocutionis ornatu, colorumque vigore, tum sententiarum in tanta brevitate excellentia.

CARMEN XII.

AD AUGUSTUM.

Collaudatis priscis heroibus clarisque viris aliquot, ad Augusti laudes devenit, quem cæteris anteponit, et uni Jovi secundum esse ait.

QUEM virum aut heroa lyra vel acri

Tibia sumes celebrare, Clio?

Quem Deum? cujus recinet jocosa

Nomen imago,

1. *Quem vir. aut heroa.* Similiter Pindarus, cui plura Horatius in hoc carmine debet, exorditur Ol. 2, Ἀναξίφορμυγες ὕμνοι, τίνα θεόν, τίν' ἥρωα, τίνα δ' ἄνδρα κλαδίζομεν; — *virum*, rerum præclare gestarum gloria nempe conspicuum; *heroa*; *heroes* dicuntur ex deo deave et homine procreati et post mortem inter deos relati (ἡμίθεοι), quales commemorantur in hoc carmine Hercules et Dioscuri. — *lyra vel acri tibia*, h. e. carmine ad lyram vel tibiam decantato. — *acri*, ob acrem sive

gravem tibiz sonum. — *sumes celebrare*, græce, pro: celebrandum. Pro *sumes*, alii volunt *sumis* ex fide aliquot MSS. lector elegerit, nobis autem magis placet futurum tempus quod etiam apud Pindarum est κλαδίζομεν. — *Clio*, ex more poetarum, qui grandioris argumenti carmen molientes Musam aliquam in partes vocant; ipsis autem gravioris argumenti carminibus præest Clio. — *jocosa imago*, h. e. Echo, quæ plenius infr. 20, 8, « montis imago, » et Virgil. Georg.

Aut in umbrosis Heliconis oris,
 Aut super Pindo, gelidove in Hæmo?
 Unde vocalem temere insecutæ
 Orphea sylvæ,
 Arte materna rapidos morantem
 Fluminum lapsus celeresque ventos,
 Blandum et auritas fidibus canoris
 Ducere quercus.

5

10

IV, 50, « vocis imago » dicitur. — *jocosa*, ob jocosum quasi lusum, quo misas voces Echo reddit. — Quum semel poeta canendi partes delegasset Musarum uni, ejus cantus quoque resonare debebat in iis locis, ubi Musæ sedem suam habent; nempe vel in Bœotiæ monte, *Heliconæ*, vel in Thessaliæ monte, *Pindo*, quorum uterque tam Apollini, quam Musis sacer est. Jam vero quum Thraciæ mons *Hæmus* Lini, Musæi et Orphei inprimis carminibus celebratissimus sit, apte in hoc quoque monte Musarum carmina resonare dicuntur. — *gelido*, *Hæmus gelidus* dicitur ob sylvas quibus tegitur, ut supra I, 30, et infr. 21, 6; in Virgil. etiam Georg. II, 488: « O qui me gelidis in vallibus Hæmi sistat, et ingenti ramorum me protegat umbra? »

7. *Unde vocalem*, etc. sensus: ex quo monte promiscue confluerunt undique arbores ad audiendum Orpheum, cui tanta, qua a matre sua Calliope imbutus fuerat, canendi erat ars atque dulcedo, ut ejus audiendi gratia flumina cursus rapidos, et venti celerem impetum inhiberent. quin quercus adeo blandis ejus carminibus aures præberent. — *vocalem* (φωνή), quia cantabat, dum sonos ex

lyra duceret: similiter *chordæ vocales* apud Tibull. II, 5, 3. — *temere*, hæc particula egregie rem pingit: arbores nempe, quo quamque rapiebat cæcus impetus, *temere*, h. e. confuse et sine ordine, præ audiendi cupiditate ruebant. — *Arte*, sc. canendi; *materna*, cui innutritus fuit Orpheus a matre sua Calliope. — *morantem*, h. e. sistentem. Prisca hic et grandissima imagine declaratur summa vis poeseos ac musices, quæ totam naturam domare et insueto imperio suspensam detinere videatur. — *Blandum* — *ducere*, græce pro: blande ducentem, h. e. tam blande canentem, ut duceret; eadem ratione, qua supra Od. X: « Callidum condere. » — *canoris*, suaviter sonantibus; sic infr. Epist. II, 2, 76, « versus canori. » — *quercus* audacter, sed apposite dicuntur *auritæ*, quia audiendi nunc iis tribuitur facultas; cum dilectu autem posuit *quercus*, ut, quum illæ arbores, alias durissimæ, jam Orphei carminibus percussæ et delinitæ esse dicantur, quanta vis ejus carminibus fuerit, vel quantum in universum poesis valeat, eo magis appareat. — Imitatus est hunc locum Sidon. Carm. II, 71: « Qui cantu flexit scopulos, digitisque canoris

Quid prius dicam solitis Parentis
 Laudibus? qui res hominum ac Deorum,
 Qui mare ac terras, variisque mundum 15
 Temperat horis?
 Unde nil majus generatur ipso,
 Nec viget quidquam simile aut secundum:
 Proximos illi tamen occupavit
 Pallas honores. 20
 Præliis audax, neque te silebo

Compulit auritas ad plectrum currere
 sylvas; Quum starent Hebri latices,
 cursuque ligato Fluminis attoniti car-
 men magis unda sitiret. »

13. *Solitis*, h. e. quas vulgo poetæ
 carminum suorum principium facere
 solent; Virg. Eclog. III, 16, « Ab
 Jove principium, Musæ; Jovis omnia
 p'ena. » — *res hom.* h. e. fata, fortu-
 nam hom. — *mundum*, h. e. cælum
 (κόσμος) designatur autem per *mare*,
terras, et *cælum* universa rerum na-
 tura. Catull. LXIV, 208, « Quo nunc
 et tellus atque horrida contremuerunt
 Æquora, concussitque micantia sidera
 mundus. » — *variisque mund. temp.*
hor. h. e. moderatur siderum cursum
 in cælo, ita ut variæ horæ, h. e. anni
 vicissitudines existant. Infr. in Epist.
 ad Pis. v. 302, « sub verni temporis
 horam. »

17. *Unde nil majus gener. ips.*
 h. e. a quo nihil quod ipso majus sit,
 procreatur; nam qui sequuntur, quos
 generavit Jupiter liberos, Minerva,
 Bacchus Diana et Phœbus, longe patre
 minores vel inferiores sunt; alii *unde*
 pro *quare* explicant, ut mihi videtur,
 ad prosaicæ orationis indolem; *unde*
 pro: a quo, passim. Sic infr. I, 28, 28:

« Unde potest, tibi defluat æquo Ab
 Jove. » Sat. I, 6, 12: « contra, Lævi-
 num, Valeri genus, unde Superbus
 Tarquinius regno pulsus fuit. » —
viget pro vulgari: est, existit. — *aut*
secundum, aut quod secundum statim
 ab eo locum occupet. — *Proxim. illi*
tam. occ. Pallas honor. nimirum, si
 nemo secundum tertiumve ab aliquo
 locum occupat, primum locum tenenti
proximus quoque est ille, qui quantum
 quintumve ab eo locum obtinet. Mi-
 nerva igitur, quamvis longe a Jovis
 majestate distabat, præ ceteris tamen
 diis deabusque honoratissima fuit. Sic
 in Æncid. V, 320: « Proximus huic,
 longo sed proximus intervallo. » Plut.
 Sympos. I, p. 617: ἡ δὲ Ἀθηνᾶ φαίνεται
 τὸν πλησίον αἰεὶ τοῦ Διὸς τόπον ἔχεισα.
 Cf. Callim. H. Lav. Pall. 131, et,
 quem Cl. Mitsch. jam laudavit, *Span-*
hem. ad Call. H. Apoll. 29. — *occu-*
pavit, a principio sortita est, obtinuit,
 aut hic, ex more græco a latinis poetis
 usurpato, præteritum tempus pro præ-
 senti ponitur. Cum Heinsio quoque
 legi poterit *occupabit*, h. e. in oda
 mea post Jovem celebrabitur.

21. *Præliis aud. Lib.* bellicosa
 Bacchi virtus vel ex triumpho quem de

Liber; et sævis inimica Virgo
Belluis; nec te, metuende certa

Phœbe sagitta.

Dicam et Alciden, puerosque Ledæ,
Hunc equis, illum superare pugnis
Nobilem : quorum simul alba nautis

25

Stella refulsit,

Defluit saxis agitatus humor;
Concidunt venti, fugiuntque nubes;
Et minax, nam sic voluere, ponto

30

Unda recumbit.

victis Indis egit satis nota est. Hinc Orpheus de illo H. 44, 3, ὅς ἔψατον χαίρας, ἡδ' αἶμασι. Vide etiam Od. II, 19, 21, ubi fortiter adversus gigantes pugnasse dicitur. — *Liber*, sic vocatur Bacchus quod animi curis liberet. — *sævis inimica Virgo bell.* Diana (θηροκτόνος, ἰοχάιρα). — *certa*, nunquam a scopo aberrante. Sic Hercules apud Catull. LXVIII. 113, « Tempore, quo certa Stympalia monstra sagitta Perculit, » et sic passim *certus* de arcu, *nervo*, *ictu*, *hasta*, *dextra* dicitur.

28. *Alciden*, Herculem, Alcæi nepotem. — *pueros Ledæ*, Castorem et Pollucem, Jovis et Ledæ, Tyndarioris, filios, unde illi *Dioscuri*, *Tyndaridae*. — *Hunc*, Castorem (infr. Sat. II, 1, 26 : Castor gaudet equis; ovo prognatus eodem Pugnis.) *illum*, Pollucem, *nobilem superare*, græce pro : nobilem superando alios *equis*, in certamine equestri, *pugnis*, in certamine cæstum (πυγμαχίῃ), quo Pollax Amycum prostravisse dicitur. V. Apollod. I, 9, 20. — *quorum si-*

mul, etc. sensus : quorum sidus propitium simul ac nautis exortum est, tempestas statim sævire desinit, et concitatum mare, quo nautæ perituri videbantur, illorum nutu componitur.

— *Stella*, pro sidus, nam de duabus stellis intelligendum. — *alba* vel lucida, clara (vocantur certe Dioscuri supr. 3, 2, *lucida sidera*), vel, quod magis placet, *album*, h. e. purum et serenum celum reddens, ut *albus Notus* supr. 7, 18. — *Defluit saxis*, etc. commode cum hac desævientis tempestatis descriptione comparant Theocrit. XXII, 19, ἄλλ' ἔμπης ὑμεῖς τε καὶ ἐκ βοθροῦ δλαστὲ νῆας αὐτοῖσιν παύταισιν οἰομένοις θανέσθαι· Αἴψα δ' ἀπολήγοντ' ἀνέμοι, λιπαρὰ δὲ γαλῖνα ἄμπέλαγος, νεφέλαι τε διέδραμον ἄλλυδις ἄλλαι. *Defluit saxis*, relabitur de saxis *humor*, unda, fluctus ita *agitatus* ut saxis super jaceretur, ut in Æneid. XI, 625, « Pontus... scopulosque superjacet undam Spumeus. » — *Concidunt*, subito cadunt, flare desinunt. « Ventosi ceciderunt murmuris auræ, » Virgil. Eclog. IX, 37. — *minax*,

Romulum post hos prius, an quietum
 Pompili regnum memorem, an superbos
 Tarquini fasces, dubito, an Catonis

35

Nobile letum.

Regulum, et Scauros, animæque magnæ
 Prodigum Paullum, superante Pœno,

quæ exitium nautis minaretur, seu simpliciter alta, erecta, solemnî poetarum usu. — *ponto*, casu tertio pro *in pontum*. Magnificum est illud, *nam sic voluere*, solo eorum nutu hæc omnia facta sunt. Pro *nam sic* alii volunt *Di sic, quod sic, quo sic*, quæ lectiones minime, quoad sensum, inter se differunt.

35. *Quietum Pompili regnum*, Liv. I, 21 : « Maximum ejus operum fuit tutela per omne regni tempus pacis. Ita duo deinceps reges, alius alia via, ille (Romulus) bello, hic (Numa) pace civitatem auxerunt. » — *superbos*. Ex hoc epitheto nonnulli intelligunt de Tarquinio superbo, ultimo Romanorum rege, agi. Quis autem crediderit famosum hunc tyrannum a poeta inter summos viros numerari quibus Augustum, laudandi causa, jamjam est conjuncturus? *Superbos* igitur accipiemus pro *splendidos*, ut infr. 35, 5, quum fasces ad magnificum regis apparatus pertinerent; et Tarquinium priscum intelligendum arbitrabitur, quem *pace et bello promptissimum* vocat Florus I, 5; atque etiam non sine delectu forsitan videbitur poeta de Tarquinii prisci fascibus loqui, quum ille rex primus Etruriam devicerit, et ideo fascium, annulorum, eburneorum sedilium, etc. usum Romam transtulerit. — *Catonis*

letum nobile dicitur, quod Cato, quum mori, quam Cæsari se dedere mallet, ipse, ne in ejus potestatem veniret, Uticæ, unde *Uticensis* dictus est, magnum sibi intulit. Cf. Cic. Offic. I, 31. Hinc ipse Cæsar dixisse fertur : « Invideo morti tuæ, Cato. » Itaque hæc honorifica inter viros illustres Catonis commemoratio vix Augustum (ut opinabatur, et ex hac opinione hunc locum corrigere tentabat Bendeius) offendere poterat; alias Virgilius quoque Æn. VIII, 670, ne offenderet Augustum, hujus magni viri laude abstinuisset.

37. *Regulum, exemplum*, quod de summo patriæ amore Marcus Attilius Regulus edidit. illustrissimum fusius Noster enarrat infr. III, 5. — *Scauros*; gens Scaurorum plures, qui egregie de republica meruerant, protulit: præ ceteris eminet M. Æmilius Scaurus, vir amplissimus, et princeps ænatus ejusque filius M. Scaurus, sedilitatis magnificentia clarus; v. Plin. H. N. XXXVI, 15. — *Paullum*. L. Æmilius Paullus, consul, quum in prælio, Varronis, alterius consulis, temeritate ad Cannas commisso, insignem cladem expertus esset exercitus Romanus, ne tantæ ignominie superstes esset, sponte se trucidandum hostibus obtulit. Liv. XXII, 49; Flor. II, 6, 16, hinc *prodigus ma-*

Gratus insigni referam Camena,
Fabriciumque.

40

Hunc, et incomtis Curium capillis,
Utilem bello tulit, et Camillum,
Sæva paupertas et avitus apto
Cum lare fundus.

gratæ animæ dicitur, h. e. vitam, pro patria deponendam, magno animo contemnens; sive: vitam, tantis meritis conspicuam, prodigorum more, tanquam rem vilem, profundens. Exquisitiorem locutionem *prodigus animæ* plures imitati sunt; cf. *Drakenb.* ad Sil. Ital. I, 225, ubi de militibus Hispanis: «Prodiga gens animæ, et properare facillima mortem.» Similiter fere Cic. de Off. I, 24, *vitam profundere*: «Inventi autem multi sunt, qui, non modo pecuniam, sed vitam etiam profundere pro patria parati essent.» — *Pœno*, Hannibale. — *Gratus*, grata pietate illorum memoriam recolens. — *insigni Camena*, carmine sublimi, versante nempe in celebrandis virorum insignium laudibus. — *Fabric.* — *C. Fabricius Luscinus*, vir honestissimus, neque legatus magnis a Pyrrho rege Epirotarum, ad quem de recuperandis captivis missus fuerat, oblati muneribus ad perfidiam, neque deinde consul, contra Pyrrhum bellum gerens, a proditore quodam, qui Pyrrhum mercede accepta se interfectorum esse promiserat, ad fraudem pellici potuit; hinc ipse Pyrrhus: «Fabricius difficilior ab honestate, quam sol a cursu suo averti potest,» dixisse traditur. Cf. Cic. Off. III, 22; Val. Max. IV, 3.

41. *Hunc, et, etc.* sensus: Hic

Fabricius, et Curius, vir antiquis moribus, atque Camillus, quamvis ad duriorem sortem nati nil nisi exiguum cum exigua domo fundum a majoribus acceptum possidebant, viri tamen fortes et rei militaris peritissimi evaserunt. — *Curium*, de Curio Dentato, quem Samnitum legati de pace cum eo acturi, ligneo scamno juxta focum sedentem et tostis rapis vescentem invenisse dicuntur, cf. Val. Max. IV, 3. — *incomtis capillis*, Curius enim non venustorum et elegantiorum hominum more comebat capillos, sed, ut solent viri severiores, externum corporis cultum negligebat. Similiter Cato, antiquum morem servans, laud se tonderi passus est; unde ille *intonsus* infr. II, 15, 11. — *Camill.* de Marco Furio Camillo, liberatore illo urbis, a Gallis captæ; cf. Liv. V, 46 seqq. et Flor. I, 15. — *paupertas*, sensu Romano, non egestas et omnium rerum inopia, sed fortunarum mediocritas ea ut dure et parce vivendum sit; unde *sæva* dicitur, seu aspera, fortis et laboriosa, quæ ad quævis dura et perperu graviora nos impellit. Illa enim et corpus duratur et animus roboratur et sic magni ac fortes viri finguntur; Lucan. I, 166, «Fecunda virorum Paupertas.» — *lare*, Lar est proprie deus domesticus, foci et domus custos, unde domus *lares* dicte sunt.

Crescit, occulto velut arbor ævo,
Fama Marcelli: micat inter omnes
Julium sidus, velut inter ignes

Luna minores.

Gentis humanæ pater atque custos,

45

— *apto*, fundi exiguitati accommodato, quod suadet Cato de Re rust. cap. 3: « Ita ædifices ne villa fundum quærat, neve fundus villam. »

45. De hujus strophes interpretatione maxima est inter commentatores controversia, quum alii de Cl. Marcello qui adversus Hannibalem pugnavit, alii de juvene Marcello, Augusti nepote, hic agi intelligant. Aliquam sane inesse his versibus ambiguitatem fatebimur; et quamvis omnem obcuritatem tollere difficile sit, nobis tamen potior videtur hic sensus: ut ad Augusti laudes deveniat, quod odæ propositum est, post. Regulos et Scauros et Camillos, Claudium Marcellum memorat poeta, qui, quinquies consul, in bello punico secundo floruit, et primus Hannibalem ad Nolum vinci posse docuit. Marcelli nomine in poetæ memoriam revocatur notus ille juvenis Marcellus, Augusti sororis filius, ex quo ad gentem Juliam transitus facilis erat. — *Fama Marcelli*, Claudii Marcelli, cujus fama crescebat, dum juvenis Marcellus, tanquam novus ex antiqua stirpe surculus efflorescens, novum ei honorem conciliaret. Explendescabant autem in juvene Marcello, Octaviæ, Augusti sororis, filio, et Julæ, Augusti filiae, conjuge, licet vix septemdecim annos tum nato, tot tantæque virtutes, ut non solum Augusto (qui eum adoptasse et successo

rem sui in regno destinasse dicitur, (cf. Dio LIII, 30), sed etiam omnibus Romanis in summis esset deliciis; hinc tantus omnium in ejus, immatura morte erepti (U. C. DCCXXXI), funere, ingenti cum apparatu in campo Martio facto, dolor atque luctus fuisse perhibetur. Dio l. l. et Vell. II, 93. — Comparandus autem cum toto hoc loco Virgil. Æn. VI, 858 seqq. ubi is juvenem Marcellum, quem in illustrium animarum recensu antiqui Marcelli comitem facit, eadem, qua Noster, arte in Augusti gratiam carmini suo intexit; ex qua quidem Virgiliani loci comparatione, ea, quam ad h. l. attulimus, vel maxime confirmatur explicandi ratio. — *velut arbor*, ducta hæc comparatio e Pind. Nem. 7, 68; αἰεταὶ δ' ἀπὲρὰ χλωπαῖς αἰρσας, ὡς δὲ δένδρεον αἰσσαι.... πρὸς ὑγρὸν αἰθέρα. cf. Virg. Eclog. X, 73. — *occulto ævo*, ipsum ævum paulo sublimius dicitur *occultum*, quod arbores sensim cum ævo tam occulte crescunt, ut earum incrementa oculis animadverti nequeant. — *inter omnes*, sc. ignes, stellas, h. e. familias romanas. — *Julium sidus*, splendide dictum pro gente Julia; alii volunt pro ipso Cæsare, sub cujus mortem apparuit in cælo stella crinita, quæ anima ejus credita est tunc cælo recepta.

49. Jam ad splendidissimum gentis Julæ lumen, Cæsarem Augustum,

Orte Saturno, tibi cura magni

50

Cæsaris fatis data, tu secundo

Cæsare regnes.

Ille, seu Parthos Latio imminentes

Egerit justo domitos triumpho,

Sive subjectos Orientis oræ

55

Seras et Indos,

Te minor latum reget æquus orbem :

adeoque ad ipsum carminis finem transiturus, non, quod quis ex vulgari ratione expectaverit, ipsum Augustum appellat; sed, sublimiore conatu præter opinionem ad Jovem conversus, pro divina Augusti in his terris dignitate vota nuncupat. — *cura*, h. e. tutela. — *fatis*, h. e. a fatis, per fata. — *tu secundo Cæs. regnes*, h. e. regna, præcor, ita ut Cæsar a te secundus sit; non ita autem secundus, ut a Jove parum differat, et ipsi fere similis videatur, quod fieri posse negat poeta supr. v. 18; sed ut post Jovem omnium maximus sit, uni Jovi cedat, uno Jove minor sit. Sic, Cæsar in terris, Jupiter autem in cælo imperium teneat, ut magis explicatur infra v. 87, et not. seqq.

83. *Latio*, docte et graviter, pro: Romano imperio. — *imminentes*, illius fines continuo lacescentes: vid. supr. II, extr. Creditur Augustum, quo tempore composita est hæc ode, bellum contra Parthos, populum Romanis infestissimum, apparasse, ita ut poeta eo simul consilio, ut de novis terrarum domini victoriis vaticinium ederet, hoc carmen scripsisse videatur. — *Eger. justo domitos triumpho*, ornate pro vulgari: vicerit, domuerit. — *justo triumpho*,

quo vindicentur injuriæ Romano imperio a Parthis illatæ. Alii volunt triumphum hic *justum* dici, qui de hostibus plane devictis agatur, ut justa victoria apud Cicer. ad Div. II, 10; hoc autem nimis pedestre nobis videtur. — *Seras et Indos*, extremos Asiæ populos. — *subjectos Orientis oræ*, h. e. habitantes sub plaga orientali.

87. *Te minor lat. reg. æqu. orb.* similiter de bipartito, Augusti in terris et Jovis in cælo, imperio, Ovid. Fast. II, 181: « Hoc tu per terras, quod in æthere Jupiter alto, Nomen habes; hominum tu pater, ille Deum »; et Met. XV, 888: « Jupiter arces Temperat ætherias, et mundi regna triformis; Terra sub Augusto, pater est et rector uterque. » — *æquus*, æquitatis, ut deum decet, amans, mitis, propitius. — *Tu gravi*, etc. pro vulgari: tu regnabis in cælo, ponit ea, quæ Jovem in cælo regnare declarant, fulmina nempe, quæ Jupiter ex curru, quo cum tonitru in cælo invehitur, in terras dejicit; infr. III, 8, 1: « Cælo tonantem credidimus Jovem regnare. » Lucan. III, 380: « Deorum Ignarum mortale genus, per fulmina tantum Sciret adhuc cælo solum regnare Tonantem. » Cf. Burmanni « Jupiter

Tu gravi curru quaties Olympum;
 Tu parum castis inimica mittes
 Fulmina lucis.

60

Fulgur. » c. 9, p. 292. — *gravi*, h. e. adulterio pollutis et profanatis; ex hac graviter per tonitrua minante, tremendo. — *parum castis*, flagitiis et enim causa demitti a Jove irato in lucos credebantur fulmina. Supr. III, 49.

ANALYSIS. Quum et hymnorum et odarum genus fuisse constet apud veteres quod plarium laudes complecteretur, Horatius, Augustum celebraturus, cam rationem, sed novo artificio, imitatur ita, ut Deos, heroas, magnosque Romæ viros enumeret, et brevi elogio decoret, istique splendida seriei ad extremum adnectat et adsociet Augustum, neque solum sic illis parem, sed uno Jove inferiorem ponat. Igitur ita informemus animo progressum carminis. Poeta, excelsiore magni alicujus argumenti canendi impetu correptus, exemplo et imitatione Pindari, e musa sciscitatur, quis ille sit vir, aut heros, aut Deus, quem se canere velit. A Jove igitur, musarum principio, Deorum maximo, exorsus, ad ejus liberos transit. Memorantur adeo Pallas, Bacchus, Diana et Apollo; tum ex heroibus, Hercules et Dioscuri. Deinde ad viros progressus, ut ad primarium carminis argumentum transitum sibi paret, in summis gentis suæ viris commemorat Romulum, urbis conditorem, et Numam, religionum, morum, legumque institutorem. His subjungit Tarquiniū Priscum Catonemque Uticensem. Tum sequuntur venerabiles viri nonnulli, Regulus, Scauri, Paullus, Fabricius, Curius, Camillus, patriæ amore, fortitudine bellica, morum severitate clarissimi. Dehinc ex recensu Claudii Marcelli, qui bello Punico secundo inclaruit, ad Marcellam juvenem gentemque Juliam revocatus, inde ad ipsam Augustum a Jove secundum, divisumque cam eo imperium habentem deferitur.

Tantum in adornando atque pertractando argumento artem ostendit, tantæque angustissimarum imaginum dignitate, orationisque ornatu atque elocutionis vi conspicuum est hoc carmen, ut ipsam lyricæ poeseos majestatem representare, omni quoque splendidissimis Horatii operibus adnumerandum videatur. Compararetur cum eo Pind. Ol. 9.

CARMEN XIII.

AD LYDIAM.

Vino deditum ac in amore parum delicatum juvenem sibi a Lydia
anteponi indignatur.

Cum tu, Lydia, Telephi
Cervicem roseam, cerea Telephi
Laudas brachia, vae! meum
Fervens difficili bile tumet jecur.

1. Vulgarem sententiam : « Simul ac, Lydia, Telephi nomen pronuntias, ejusque pulchritudinem laudas, ira statim et indignatione exardeo, » splendide expressit.

2. *Roseam*, h. e. pulchram; sic Veneri *roseam cervicem* tribuit Virg. *Æn.* I, 409. — *cerea*, tam candorem quam splendorem cere referentia; nam quum *alba cera* veteribus æque ac nostratibus nota fuerit, cf. Plin. H. N. XXII, 24 (λευκὸν κερὶν apud Theocritum, VIII, 19), ex meo sensu *cerea* multo simplicius et aptius ad album brachiorum colorem et cere similem lavorem, quam secundum alios, qui *cereus in vitium flecti* ex Art. Poet. 163, huc trahunt, ad molles et flexibiles brachiorum motus refertur. — *Telephi*. Consulto repetit nomen *Telephi*, quia Lydia quoque, ut male ureret Horatium, ejusque ardorem magis accenderet, identidem formosi Telephi nomen repetere et in ore habere solebat. Tenebat nempe

præceptum illud, quod ad eum, a quo amari cupimus, pungendum et lace-sendum apud Terentium (Eunuch. III, 1, 46 seqq.) Thrasoni dat Gnatho, ubi hic : « Immo auge magis suspicionem. T. cur? G. rogas? Scio? si quando illa mentionem Phædriæ Facit, aut si laudat, te ut male urat. T. sentio. G. Id ut ne fiat, hæc res sola est remedio : Ubi nominabit Phædriam, tu Pamphilam Continuo; si quando illa dicet, Phædriam intromittamus commissatum; tu, Pamphilam cantatum (pro vulgari : ad cantum; invitemus Pamphilam ut cantet) provocemus; si laudabit hæc Illius formam, tu hujus contra. » — *Meum Fervens diff. bile tum. jec.* h. e. ego graviter irascor et commoveor; expende verborum ornatum. — *Fervens jecur tumet*, h. e. jecur effervescit et tumet. — *bile*, pro ira, ut sæpe. — *difficili*, gravi, non facile compe-scenda, ἀργαλὴ χολή, Hom. II. XVIII, 119; nimirum quum *jecur* vel hepar

Tunc nec mens mihi, nec color
 Certa sede manet : humor et in genas
 Furtim labitur, arguens
 Quam lentis penitus macerer ignibus.
 Uror, seu tibi candidos
 Turparunt humeros immodicæ mero
 Rixæ; sive puer furens
 Impressit memorem dente labris notam.

5

10

prima sanguinis, unde ille per totum corpus dimanet, sedes habeatur; non solum mentis, prudentiæ et omnis cogitandi facultatis, sed etiam iræ, et omnium animi affectionum atque cupiditatum sedes in eo posita est.

8. *Tunc*, in hac graviore animi affectione, *nec mens mihi*, etc. h. e. tam mens mea huc illuc agitur, quam os, modo pallore, modo rubore, obducitur. Similiter os Medæ, eodem zelotypiæ furore percitæ, varios colores induit apud Senec. Med. 858 : « Flagrant genæ rubentes; Pallor fugat ruborem. Nullum vagante forma Servat diu colorem »; in eandem rem Cl. Mitsch. comparat Apollon. Rh. III, 396. — *mens non certa sede*, eodem loco non manet, agitur, commovetur. Solenne hoc de quacunque graviore animi commotione. Nota Tibulli: « Namque agor, ut per plana citus sola verbere turbo. » Plaut. Aulul. IV, 3, 3: « Continuo cor meum artem facere ludicram, atque in pectus emicare. » — *hum. et in gen. Furt. lab.* h. e. et labens ex oculis lacryma, quam, ipso non sentiente (*furtim*), dolor expressit, genas humectat. Cf. infr. IV, 1, 35. — *arguens*, prodens, manifestans. Cf. infr. V, 11, 12. Similiter

apud Græcos *μνῆστιν*: vid. Jacobs in Animadv. ad Asclepiad. X, t. II, p. 29. — *Quam lent...* ign. *Lenti ignes* eleganter dicuntur, qui occulte serpunt, et sensim sensimque amantium pectora peredunt; sic *ignes lenti* apud Ovid. A. A. 573, et *lentus amor* apud Tibull. I, 4, 81, et infr. III, 19, 28, *lentus Glyceræ amor*.

9. *Uror, seu*, etc. Sensus: urit et excruciat animum meum, sive per rixam, super mero immodice sumto exortam, candidi tui humeri livoris maculis turpati sunt; sive Telephus, nimio amore ardens, tam cupide te osculatus est, ut ejus dentis, labris tuis impressi, vestigia appareant. — *Turparunt*, rixas nempe, quum vino incaluisse Telephus, miscendo cum Lydia, tam rustice eam attractasse videtur, ut ejus candidi humeri livorem inde traherent et turpiores fierent; ad ipsa verbera, quamvis Romanorum mores parum sæpe in amore urbanos fuisse ex multis poetarum locis constat, referre equidem nolim, — *immodicæ mero Rixæ*, ex immodico vini potu ortæ. — *memorem suaviter*: in rei factæ, osculi nempe impressi, memoriam exstantem, sive, quid factum sit, docentem. Sic infr,

Non, si me satis audias,
 Speres perpetuum, dulcia barbæ
 Lædentem oscula, quæ Venus
 Quinta parte sui nectaris imbuit.
 Felices ter et amplius,
 Quos irrupta tenet copula, nec malis
 Divulsus querimoniis
 Suprema citius solvet amor die!

15

20

III, 17, 4, *fasti memores*, qui, quæ olim gesta sunt, docent et memorant; Epist. II, 1, 144, *Genius memor brevis ævi*, qui monet de vitæ brevitate. — *dentis*, etc. propter nimium amorem, qui jam furor erat. Talia in hac re sæpius memorata, veluti Ovid. Amor. I, 7, 41 : « Aptius impressis erat os livore labellis, Et collo blandi dentis habere notam, »

13. *Si me satis audias*, si mihi fidem adhibes. — *non Speres* (*non Desinas*; Æ), non operaberis, ne in animum tibi indecas illum *perpetuum* in amore fore, te perpetuo ab illo amatum iri, qui tam barbæ lædit, etc. — *oscula*, suaviter pro os tuum, labella tua in quibus tam blanda delibari possunt oscula. — *barbæ*, nulla in amoris æstu tenelli oris ratione habita, crudeliter *lædentem*, dentem nempe iis imprimendo. — *quæ Ven. qu. pa. sui nect. imb.* Per *quintam* partem Mitscherlich et Döring simpliciter intelligunt bonam, magnam partem, quod verborum significationi accommodari minime posse videtur, quum alicujus rei quinta pars non certe pars magna sit. Nonnulli quum oscula *melle suaviora* sæpe dicerentur, et, teste Pindaro, in melle decima pars

erat ambrosiæ, putaverunt ad hunc loquendi modum hic alludi, quod longius quæsitum et curiosius exactum nobis videtur. Alii denique succum nectaris subtilissimum, quod gallice vocamus quintam essentiam (*la quintessence*) significari volunt; quibus obijcitur veteribus ignotam esse artem qua succum, liquores quinquies concoquendo, extrahimus. Nobis igitur nulla satis probata est harum explicatio, ideoque nullam, cæteris repudiatis, admittemus. Quæcumque autem videatur probanda elocutionis ratio, sensus est : quæ Venus maxima et suavissima dulcedine imbuit.

17. *Felices ter et amplius*. Secum reputat poeta et desiderandam Lydiæ facere tentat felicitatem quæ utrique obtigisset, si Lydia constans in amore fuisset. — *irrupta copula*, irruptum amoris vinculum, amor non mutatus. — *tenet*, conjungit, conjunctos tenet. — *nec malis Divulsus*, etc. Sic et explicanda hæc verba et continuanda sensus series; et quos amor, divulsus malis querimoniis, non dissolvat *citius* *suprema die*, priusquam supremum diem obierunt, ante mortem. — *malis*, amori infestis, quæ amorem extinguant.

ANALYSIS. Quum Lydia Telephum, pulcrum juvenem, Horatio, ut eum ureret, semper commemoraret, ejusque pulchritudinem extolleret, poeta vero atque acerrimo zelotypie sensu perturbatus, eumque dolenter professus, Lydiam sibi ita reconciliare studet, ut Telephi mores tanquam parum commodos, ejusque in amore delicias parum elegantes delineet atque perstringat, et fidem ejus suspectam faciat. Suum contra amorem, si secum in gratiam redire velit, nonnisi morte depositum iri, seque in eo continuato mortalium felicissimum putare spondeat. Eminent hoc carmenquam mira affectuum vividissimis coloribus delineatorum varietate, tum orationis cultu exquisitissimo.

CARMEN XIV.

AD REMPUBLICAM.

Sub allegoria navis, rempublicam alloquitur, et a civili bello renovando deterret.

O navis, referent in mare te novi
 Fluctus? O quid agis? fortiter occupa
 Portum. Nonne vides, ut
 Nudum remigio latus,
 Et malus celeri saucius Africo

5

1. *O nav. refer. in mare te novi*
Fluctus? Tunc, o navis, iterum te
 fluctibus in mare referendam commit-
 tes? iterumne tempestatis periculo in
 mari te expones? Si ad rempublicam
 transtuleris, erit: Tunc, o respublica,
 novus furor ad bella civilia abripiet?
 — *quid agis?* hæc formula, qua quis,
 quam temere agat, secum reputare
 jubetur, sæpe apud scriptores comicos
 obvia; sic Pamphilus apud Terent.
 Andr. I, 1, 107, quam Glycerium
 eam imprudens ad rogi flammam

accessisse vidisset: « Mea Glycerium,
 inquit, quid agis? cur te is perditum? »
 — *fortius*, summa virium contentione
 hoc age, ut portum occupes, adeoque
 in tuto tranquilloque loco sis.

4. *Ut Nudum remig. lat.* ut navis
 latus remorum ordine denudatum sit,
 ut remis, fractis illis et perditis, navis
 careat.

5. *Saucius*, h. e. læsus, laceratus;
 imitatus est Nostrum Gland. de Cons.
 Honor. VI, v. 133 seqq. « Scissis ve-
 lorum debilis alis, Orba gubernaculis,

Antennæque gemant? ac sine funibus

Vix durare carinæ

Possint imperiosius

Æquor? Non tibi sunt integra lintea,

Non Di, quos iterum pressa voces malo; 10

Quamvis Pontica pinus,

Silvæ filia nobilis,

Jactes et genus, et nomen inutile.

antennis *saucia* fractis, Ludibrium pelagi vento jactatur et unda. » — *gemant*, h. e. stridorem edant. — *ac sine funibus*, etc. atque ut carina, funibus (h. e. navis retinaculis, ancoris) privata, vix sævi maris impetum sustinere possit. — *carinæ* (pluralis ex more poetarum pro singulari), h. e. navis alveus, unde retinacula demittuntur, sive ancoræ jaciuntur. — *durare*, perferre, tolerare æquor, ut in Virg. *Æneid.* VIII, 577, *durare laborem*. — *imperiosius*, quod in navem nimis crudele imperium exercet, eam hinc inde jactando.

9. *Lintea*, h. e. vela. — *Non Di*, intellige deos tutelares, quorum simulacra in puppe cum ara collocari solebant; diversum autem ab hac *tutela navis* (ut proprie vocabatur illud deorum tutelarium in puppe sacrum) fuit *παράσπον*, insigne, quod, super rostro navis in prora appictum, vel dei cujusdam, vel animalis, vel alius rei imaginem repræsentabat, unde ipsi navi nomen indi solebat; cf. *D. Heins.* et *Drakenb.* ad *Sil. Ital.* XIV, 84, et *Pet. Burm.* ad *Petr. c.* 108. — Similiter autem de navis diis tutelaribus tempestate dejectis. *Pers.* VI, 30: « Jacet ipse in litore, et una

Ingentes de puppe dei. » — *pressa*, h. e. oppressa, deprensa. — *malo*, tempestate. — Cæterum poetam horum deorum tutelarium, de nave tempestatis vi dejectorum, commemoratione, ad deos, ob bella civilia a Romanis aversos, respexisse sponte apparet.

11. *Quamvis Pontica pinus*, etc. Sensus: quamvis tu, ex Ponticæ silvæ pinu fabricata, originis tuæ gloria et nobilitate nitaris, vana scilicet illa, et nihil plane utilitatis ad salutem tuam allatura. — *Pontica pinus*. Naves enim, e ligno quod in pinifera Ponti regione natum erat confectæ, in optimis nobilissimisque habebantur; cf. *Catull.* IV, 9. — *Silv. fil. nob.* h. e. arbor in silva nobili prognata; arbores enim, quia stirpem suam propagare dicuntur, tam *matrum* (Virg. *Georg.* II, 19: « Parnasia laurus Parva sub ingenti matris se subjicit umbra ») quam *filiarum* (*Mart.* XIV, 90: « Non sum Mauræ filia silvæ ») nomine a poetis insigniuntur. — *genus*, h. e. stirpis nobilitatem; sic *Phælus* apud *Catull.* I. I, v. 18, « se ultima ex origine in cacumine Cytori stetisse » ait. — *nomen*, h. e. gloriam; *inutile*, epitheton tam imagini, quam rei, per

Nil pictis timidus navita puppibus

Fidit. Tu, nisi ventis

15

Debes ludibrium, cave :

Nuper sollicitum quæ mihi tædium,

Nunc desiderium curaque non levis,

imaginem expressæ, accommodatissimum ; quemadmodum , poeta vult dicere, tibi, o navis, si iterum tempestatis in mari periculum subieris, nihil ligni, ex quo fabricata es, proderit nobilitas, ita nec Romanis, bella civilia redintegrare ausis, nobilissima gentis suæ, a Marte et Venere deductæ, profutura est origo atque gloria. — *Nil pictis*, etc. nexus sententiarum est fere hic : nihil enim juvat in tempestate navis nobilitas, nihil externus navis splendor, in quo timidus nauta nullam omnino ponit fiduciam. — *pictis*, ad externum enim navium splendorem pertinebant picturæ, quibus puppes inprimis decorari solebant. Laudant Senec. Epist. LXXVI : « Navis bona dicitur, non quæ pretiosis coloribus *picta* est.... nec cujus tutela ebore cælata.... sed stabilis et firma. » Hunc Nostri locum imitatus est gallicus scriptor (*Voltaire, premier discours en vers sur l'inégalité des conditions*) his versibus : « Qu'importe, quand l'orage a soulevé
« les flots, Que ta poupe soit peinte,
« et que ton mât déploie Une voile de
« pourpre et des cables de soie ? » — *nisi ventis debes ludibr.* h. e. nisi ventis, ut iis sis ludibrio, te exponere vis ; loquendi ratio : *ludibrium alicui debere*, h. e. ludibrio alicujus se obnoxium facere, conformata esse videtur ad exemplum græcæ locutionis :

ὄφλιν vel ὀφλισκάνειν γλῶττα, apud Aristoph. Nub. 1031. Euripid. Med. 1049, *risum debere*, h. e. risui se obnoxium offerre, se ipsum deridendum propinare.

16. *Nuper sollicitum quæ mihi*, etc. Sensus : o navis, quæ nuper in naufragii periculo mihi sollicitudini eras atque tædio, nunc vero, servata nempe ab interitu, voluptati et magnæ curæ, vites, quæso, maris loca navigationi infestissima. — Hæc extrema sententia paulo apertius prodit animum poetæ, hæc fere expressuri : o respublica, quæ nuper, bellis civilibus sævientibus, creabas mihi sollicitudinem atque tædium nunc vero, reducto otio, et desiderio tui renovato, vel maxime mihi curæ cordique es, cave ne, motis de integro bellis civilibus, præceps ruas in perniciem. — *desiderium* non solum de rerum amissarum dolore dicitur, sed et de vividissimo affectu quo rem aliquam prosequimur. Sic Catull. II, 5, Lesbiam *desiderium nitens* vocat, et Cic. ad Div. XIV, 2 : « voluntas est quæ quid cum ratione desiderat. » — *Interfusa*, etc. Vites æquora fusa, labentia inter Cycladas, h. e. vites scopulos qui tibi naufragium minantur. Mare enim quod ambit Cycladas, mare Ægeum, hic pro quovis mari ponitur, nec sine delectu, quod et per se procellosum et propter vada et scopulos est periculosissimum.

Interfusa nitentes

Vites æquora Cycladas.

20

Valer. Flacc. II, 622 : « Pariumque infame fragosis... vadis. » Nec immerito etiam insinuari possit de his scopulis potissimum locutum esse poetam, quod Thessaliam proximi essent, in cæcis campis æviærat adversus reipublicæ salutem maxima belli civilis

tempestas. — *nitentes*, ob marmoris ibi nascentis nitorem ; similiter infr. III, 28, 14 : « Fulgentesque tenet Cycladas, et Paphon Junctis visit oloribus, » et in Stat. Theb. V, 162 : « Et Paros, et nemerosa Thasos, crebraque relucent Cyclades. »

ANALYSIS. Quum Romani magna illa, quam jam per bella civilia experti fuerant, calamitate se deterri non paterentur, quin nova de iis redintegrandis agerent consilia, Horatius, labefactum reipublicæ statum cum male affecta et lacerata nave comparans, ab isto furore eos revocare studet. Navem igitur, quam, licet tempestate fractam, tamen novum per mare iter nunc molientem, oculis suis observari fingit, alloquitur, eamque, ne in hoc temerario iterum se mari periculoso committendi consilio peristat, sed ad damna potius, quæ perpessa sit, reparanda otio et securitate in portu perfruat, diligenter singulas, quibus laboret, partes secum reputare jubet. Jam vero quum ipsius reipublicæ consulto, ne forte sibi conflaret invidiam, nullam in toto hoc carmine mentionem iniecerit, et institutam navem cum ea comparisonem, hand inusitatam sane (cf. infr. II, 7, 15. Cic. ad Div. XII, 25 : « Quam ob rem, mi Quinte, concede nobiscum, et quidem ad puppim ; una navis est jam bonorum omnium » ; et IX, 15 : « Sedebamus in puppi », etc. Cf. quæ de republica a potentioribus occupata leguntur in Theognideis, 679 seqq.) lectoribus ad rem, quam in animo habuit, transferendam reliquerit, recte hoc carmen ænoram *allegoriam* diximus. Hinc Quintil. Instit. Or. VIII, 6, 44 : « At allegoria, quam inversionem interpretamur, aliud verbis, aliud sensu ostendit ; ac etiam interdum contrarium. Prius, ut : *O navis, referent in mare te novi fluctus*, etc. totusque etiam ille Horatii locus, quo navim pro republica, fluctuum tempestates pro bellis civilibus, portum pro pace atque concordia dicit. » Existere tamen, inter quos princeps Muretus, et post hunc T. Faber, Dacierius, Bentleyus, etc. qui, quum partim subtilitatem illam, qua poeta singulas navis cum singulis reipublicæ partibus comparaverit, nimiam et putidam esse indicarent, partim, quemodo vv. 17, 18, ad reipublicæ statum accommodari possint, non viderent, hand allegorice, sed proprie hoc carmen interpretandum esse contemderunt. Itaque hoc carmen scriptum esse arbitrati sunt in navem, qua poeta post eladem Philippensem, U. C. DCCXIII, cum amicis in Italiam

venerit, male ad Palinurum promontorium tempestate afflictam. Hanc igitur nunc poetam, de amicis quos ex Italia, ubi parum benigne excepti fuerant, jam recessuros, eandem consensisse vidisset, sollicitum, simili modo, ut supr. c. 3, navem, qua Virgilius Athenas navigaturus erat, in hoc carmine alloqui. Sed hæc ingeniose magis quam vere prolata esse facile apparet. Nam sic, ut nihil de aliis rationibus dicam, hujus totius carminis, in hac tantum humiliore sententia: « Nolite, quæso, amici, cum nave, cujus omnes ac singulas partes (quasi hoc ipsi non videre potuissent) fractas sunt, novum iter parare », tam operose versantis, vel maxime in reprehensionem incurreret jejunitas. Vix igitur de allegoria, prudenter in hoc carmine a poeta adhibita, dubitari potest, modo teneamus illud, quod in multis aliis poetarum comparationibus tenendum est, ne nimis anxie omnia in illa ad vivum rescentes, ea, quæ ad exornandam imaginem pertinent, ad rem per eam expressam referamus, h. e. ne paulo argutius, quas potissimum reipublice partes singularum navis partium enumeratione designare voluerit poeta, queramus, sed cum id tantum, ut totam navem male tempestate adfectam cum tota per bella civilia male adfecta republica compararet, spectasse, nobis persuadeamus. — Habuit autem, quem Horatius in hac allegoria sequeretur, Alcæum, plurimum in tyrannos carminum allegoricorum auctorem, cujus in hanc rem fragmentum apud Herodotum Pont. de allegor. Homer. p. 13, ed. Schow. legitur, cum *Hermanno de metris*, p. 688, ita restituendum :

.....
 Τὸ μὲν γὰρ ἔνθεν κῆμα κυλίνδεται,
 Τὸ δ' ἔνθεν ἅμμες δ' ἂν τὸ μέσσον
 καὶ φορήμεθα σὺν μελαίνα,
 Χειμῶνι μοχθεύντες μεγάλῳ καλῶν·
 Πᾶρ μὲν γὰρ ἄνγλος ἰσοπέδαν ἔχει·
 Λαῖφος δὲ πᾶν ἰάδῃλον ἦδη
 καὶ λακίδες μεγάλαι κατ' αὐτό·
 Καλᾶσι δ' ἀγῶραι.

Ceterum, quum scriptum sit hoc carmen eo tempore quo novorum bellorum civilium metu terrebantur Romanorum animi, non male illud ad annum DCCXXII referunt, quo Octavianum et Antonium inter se dissidentes atrocissimum bellum apparasse constat. Cf. Virg. Georg. I, 809 seqq.

CARMEN XV.

NEREI VATICINIUM DE EXCIDIO TROJÆ.

PASTOR quum traheret per freta navibus
 Idæis Helenen perfidus hospitam,
 Ingrato celeres obruit otio
 Ventos, ut caneret fera

1. *Pastor*, Paris, qui in monte Ida et educatus est a pastoribus, et ipse puer ad buccinam pastoritiam ibi degit, *pastor Phrygius* dicitur Virg. *Æn.* VII, 363, et *pastor Dardanus* Stat. *Ach.* I, 20. Cf. Apollod. III. 12, 5; Hygin. *Fab.* 91. — *traheret*, h. e. ut raptam secum abduceret; sequitur Noster eos qui Helenam invitam secutam esse Paridem tradunt; hinc ipsa ad Paridem apud Ovid. *Her.* XVII, 21, sic scribit: « An, quia vim nobis Neptunius attulit heros, *Rapta* semel, videor bis quoque digna *rapi*? » Sin autem Helenam Paridem sponte secutam esse putaveris, tamen Menelai respectu, cujus uxor erat, tanquam prærepta abducebatur, atque eo sensu usurpari potuit h. v. *traheret*. Eadem ratione Ovid. *Met.* VII, 67, de Medea Jasonem sponte secuta: « Per freta longa trahor. » — *Idæis*, fabricatis ex ligno in monte Ida exciso. — *perfidus*, violata hospitii fide et sanctitate; hinc Helena apud Ovid. *I.* I, v. 4: « Ausus es, hospitii temeratis, advena, sacris, Legitimam nuptæ sollicitare fidem? » — *hospitam*, proprie

ad Menelaum spectat, qui Paridem hospitio exceperat. — *Ingrato celer. obr. otio*, h. e. Nereus, ut auribus percipi posset quod caneret vaticinium, silentium imposuit ventis, non sine eorum indignatione compressis; *ingrato*, molesto nempe ventis, qui sunt (ut eos vocat Æschil. *Agam.* 201) *κακόςχοι*, et strepitum facere, quam silere, malunt; nonnulli intelligunt ventorum otium *ingratum* fuisse Paridi; multo magis vero prior sensus congruit cum h. v. *obruit otio*, quæ ventorum repugnantiam ostendunt. Ceterum non solum vaticinandi facultas Nereo (Hesiod. *Theog.* 233; Eurip. *Hel.* 15), ut aliis diis marinis, v. c. Proteo (Hom. *Odyss.* IV, 384 seqq. Virg. *Georg.* IV, 387), Glaucō (Apoll. *Rhod.* I, 1310); sed etiam ventos comprimendi potestas pariter, ac Neptuno, apud Virg. *Æn.* I, v. 131 seqq. recte tribuitur; nisi malis arbitrari ventos sedari, non per Nerei auctoritatem, sed per solam orationis majestatem, quum loquente deo totam naturam silere fingerent poetæ. Sic apud Callimach. *Εὐφημίαι καὶ πόνοι* ἐπ'

Nereus fata. « Mala ducis avi domum,

5

Quam multo repetet Græcia milite,

Conjurata tuas rumpere nuptias,

Et regnum Priami vetus.

Eheu, quantus equis, quantus adest viris

Sudor! quanta moves funera Dardanæ

10

Genti! Jam galeam Pallas et ægida

Currusque et rabiem parat.

Ἀπόλλωνος ἀαδῆ. — *feru*, h. e. *sæva*, tristitia; similiter apud Ovid. XIII, 454, *sæva* et horrenda *fata* (al. *sacra*) dicantur *feru*.

8. *Mala... avi*, h. e. infausto omine, ut infr. Epod. X, 1, *mala aliis*, et Od. III, 3, 61, *aliis lugubri*.

7. *Conjurata rumpere*, græce, pro: quæ conjuravit se rapturam esse; respexisse putant poetam illud jurandum, quo Græcorum principes se non nisi Troja eversa et Helena recepta in Græciam redituros esse fidem sibi invicem in Aulide dedisse dicuntur. — *nuptias*, scilicet illicitas, adulteras, ut vetus poeta a Cicerone de Orat. III, 16, citatus: « Qua tempestate Paris Helenam innuptis junxit nuptiis. » — *regnum vetus*, h. e. vetustate nobile. Similiter Virg. Æn. I, 375, *Trojam antiquam*, et Ovid. Fast. III, 423, *veterem* appellat. — Ceterum, quum *rumpere* uni tantum nomini *nuptias* accommodatum sit, ad alterum *regnum* ex nota zeugmatis figura aliud verbum, v. c. *evertere*, *delere*, vel simile supplendum est.

9. Jam rerum futurarum imaginibus ita impellitur vatis divino furore correpti animus, ut, fervente quasi jam bello futuro, Minervam et viros

Græcorum fortissimos, ob raptam a Paride Helenam ad Trojam pugnaturos, se oculis conspiciere credat; de quo poetarum, sub vatis cujusdam persona res futuras tanquam presentes ad oculos vocantium, more, plura exempla adduxit diligentia Cl. Müsch. — *Eheu, quantus equis*, etc. Cl. Müsch. comparat Hom. Il. II, 388 seqq. Nostrum imitatus est Stat. Theb. III, 210: « Quantus equis quantusque viris in pulvere crasso Sudor! io quantum crudele rubebitis amnes. » — *quanta mov. fun.* *Funera movere*, paulo audacius, pro: bellum movere, quod funerum sive cædis causa est. — *Dardanæ*, h. e. Trojanæ, a rege Dardano, Jovis ex Electra filio, sic appellatæ. — *Jam galeam*, etc. Jam galeam Minerva capiti imponit; jam ægidem arripit; currusque, e quibus pugnet, conscendit, et ad iram contra Trojanos late effundendam se parat; expende quam breviter et graviter id poeta uno verbo *parat* expresserit. — *ægida*, h. e. clypeum; nam ægis, qua voce proprie denotatur clypeus, quem Jupiter ex pelle capræ (quæ Græcis αἰὲς dicitur) Amalthææ, nutricis suæ, sibi confecisse perhibetur, passim quoque de Minervæ clypeo, Medusæ

Nequidquam, Veneris praesidio ferox,
Pectus caesariem, grataque feminis
Imbelli cithara carmina divides :

15

Nequidquam thalamo graves
Hastas, et calami spicula Gnosii
Vitabis, strepitumque, et celerem sequi
Ajacem; tamen, heu! serus adultenos
Crines pulvere collines.

20

capite instructo. Cf. infr. III, 4, 87; Virg. Æn. II, 618, et VIII, 384. — *Currus*. Hujusce currus descriptionem vide, Iliad. V, 722. — *rubens*, iram et furorem, tanquam arma, vel maxime hosti timenda, suaviter poeta ceteris, quibus Minerva ad pugnam se instruebat, armis subjungit. — Ceterum pugnans contra Trojanes Minerva ex Homero satis nota est:

15. *Nequidq. Vener. præs.* etc. Similiter Paridis, exterius formae suae cultu et dulcium carminum cantu feminis placere studentis, molliorem, ut parum ad caedem vitandam ei profuturam, apud Homer. II. III, 84, 88, caput Hector : Οὐκ ἔν τι χραίσμαρ κίθαρις, τὰ τε δῶρ' Ἀφροδίτης, ἧ τε κόμην τὸ τε εἶδος, ὅτ' ἐν κοίτης μινύσκει. — *ferox*, nimis et ferociter confusus. — *grata*, h. e. dulcis, amatoria nempe, hinc *cithara*, qua res amatorias canebat Paris, contemptum vocatur *imbellis*; cithara quidem Achilles quoque cecinisse dicitur apud Hom. II. IX, 189; sed is ἀνδρὶ δ' ἄρα κλέα διδρῦν. — *carm. divid. fem.* *Carmina dividere feminis* est: modo huic, modo alii feminæ carmen canere; simili modo *oscula dividere* infr. I, 36, 8.

16. *Thalamo*, h. e. in thalamo, ubi Venus Paridem, quem ipsa ex pugna eripuerat, tutum a caede praestare volebat secundum Hom. II. III, 382. — *graves*, h. e. timendas, ut supr. 2, 22, *Persæ graves*. — *calami spicula*, sagittas, tela. — *Gnosii*, pro: Cretici, a satis nobili Cretæ urbe *Gnoso*; sagittæ scilicet, e canna Cretica factæ, in prestantissimis habebantur, et ipsi Cretes, quos contra Trojanes duxit Idomeneus (Hom. II. II, 648), optimi sagittarii fuisse perhibentur; hinc infra quoque *arcus Cydonius*, IV, 9, 17.

18. *Strepitum*, tumultum bellicum, armorum sonitum. — *celerem sequi*, græce, pro: celerem in persequendo hoste. — *tamen, heu! serus*, etc. Laborant nonnulli intpp. in explicandis versibus 19 et 20, quum hanc exclamationem *heu!* ad verbum *collines* referant, nec suum sensum strophæ principio accommodare queant, nisi suppleta voce *quavis* ante verbum *serus*, isto modo: *quavis serus, heu! collines tamen*, etc. Nos autem omnem difficultatem tolli posse et horum vv. sensum cum superioribus melius accommodari arbitramur, si exclamationem *heu!* cum verbo *serus*

Non Laertiaden, exitium tuæ
Gentis; non Pylum Nestora respicis?
Urgent impavidi te Salaminii

Teucer; te Sthenelus sciens

Pugnæ, sive opus est imperitare equis, 25

Non auriga piger. Merionen quoque

Nosces. Ecce furit te reperire atrox

Tydidēs, melior patre :

Quem tu, cervus uti vallis in altera

jungas, et non ad Paridis mortem referas, cujus miserere Nereum odæ propositum non patitur, sed ad hanc mortem nimis tardatam, quæ quidem si citius advenisset, bellum citius fuisset compositum. Ita igitur intelligemus : nequidquam vitabis hastas, etc. nihilominus collines, licet tardus, aerus, etc. — *Crines adulteros*. Nota hujus figuræ felicem audaciam, qua crines ita elegantes et compositi qui adulterii incitamentum et quasi coacii fuerant, adulteri ipsi dicuntur. — *pulvere collines*, h. e. trucidaberis, pulvere turpiter jacebis. Virg. *Æneid.* XII, 99 : « Da sternere corpus... Semiviri Phrygis et fœdare in pulvere crinea. »

21. *Non Laertiaden.... respicis?* annon te fugientem persequi animadvertis Ulysem, Laertiæ filium? Summam Paridis timorem arguit qui adeo pavefactus fugit, ut ne *respicere* quidem audeat. — Ulysses autem, quia partim Palladio surrepto, partim consilio de illo equo ligneo edificando dato, exitum paravit gentis Trojanæ, ipse nunc graviter gentis Trojanæ exitum vocatur. Nostrium imitatus est Ovid. *Mét.* XHI, 800, ubi Hecuba

Achillem *exitium Trojanæ* appellat; et sic apud Senec. *Herc. Fur.* 358, Megara de Lyco : « Quidnam iste, nostri generis exitium ac lues, Novi parat? » Simili loquendi genere *Thais* apud Terent. *Eunuch.* I, 1, 34, dicitur *fundi calamitas*. Itaque non opus ut in nostro loco pro *gentis* cum quibusdam legatur *genti*, quæ loquendi ratio paulo durior videtur. — *Pylum Nestora*, Pyli, antiquæ civitatis in Peloponneso, regem. — *Salaminii Teucer*, Telamonis, regis Salaminis, filius. — *Sthenelus*, Capanei filius; *sciens pugnæ* (σίδως μάχος, Hom.) pro : fortis. — *non auriga piger*. Fuit nempe Sthenelus auriga Diomedis. — *Merionen*, cf. supr. ad I, 6, 16. — *Nosces*, h. e. virum fortem esse senties et experieris. — *furit te reperire*, h. e. furit præ cupiditate te reperiendi et tecum congrediendi. Hom. *μυαῖος κρύψιν*. Sic de Æteocle et Polynice Euripides : *Μαργώνι' ἐπ' ἀλλήλοισιν ἔσαι δόρυ*. — *atrox*, ut *sævus*, *cruentus*, etc. pro : fortis. — *Tydidēs*, Diomedes, Tydei filius. — *melior patre*, h. e. fortior Tydeo (πατρός ἀμείων, *κρείων*).

22. *Quem tu, cervus uti vallis*

Visum parte lupum graminis immemor,
Sublimi fugies mollis anhelitu;

30

Non hoc pollicitus tuæ.

Iracunda diem proferet Ilio

Matronisque Phrygum classis Achillei :

Post certas hiemes uret Achaius

35

Ignis Pergameas domos.

etc. Sensus : quem simul ac procul conspexeris, eadem statim, ut homo mollis et ignavus, celeritate fugies, qua fere cervus, simul ac lupum in altera vallis parte prospexit, e pascuis statim (*graminis immemor*) fugere solet. — *parte in altera*. Hac comparatione major ostenditur Paridis metus, qui Diomedem non sibi proximum, sed e longinquo prospectum celerissime fugit. — *graminis immemor*. Sic vacca apud Virg. Ecl. VIII, 2, a gramine depascendo ad carmina pastorum audienda subito conversa, *immemor herbarum* dicitur. — *Sublimi anhelitu*, h. e. os et caput sublime attollens, de more anhelantium, quasi ad aerem pleniori haustu capiendum; quod optime depingit Paridem vix, præ celeritate fugæ, spirantem. — *Non hoc*, non hanc animi mollitiem et ignaviam, sed eam, quæ virum fortem decet, virtutem. Scilicet in Hom. Iliad.

v. 430, se Menelao fortiolem jactat Paris, et victorem rediturum Helenæ pollicetur. — *tuæ*, Helenæ uxori tuæ. Sic in Tibull. IV, 7 : « Nec legat id nemo, quam meus ante, velim. »

33. *Iracunda... classis Achillei*, h. e. iracundus ob ereptam sibi ab Agamemnone Briseidem Achilles. — *Achilleus*, antiqua forma, ut supr. 6, 7 : *Ulixeus*, pro Ulixes. — *iracunda classis*, exempla de adjectivis non ad nomen, cui addita sunt, sed ad aliud vicinum referendis, ubique obvia. — *diem*, fatalem excidii diem, excidium. — *proferet*, differet. — *Matronisque*, ad miserationem movendam mentionem facit *matronarum*, quibus inprimis ob timendam sibi servitutem horribile esse debebat Trojæ excidium. — *Post certas hiemes*, post certum annorum, a fato constitutorum, numerum. — *Achaius ignis*. *Achaicus*, alii; sed parum curo.

ANALYSIS. Nereus, deus marinus, Paridem in mari cum rapta Helena cursum in patriam accelerantem conspicatus, compresso statim ad audientiam sibi faciendam ventorum murmure, triste, quo ingens Græcorum exercitus raptæ Helenæ repetendæ causa Trojam oppugnaturus atque eversurus esset, bellum cecinisse fingitur. — Poetam græcum in hoc carmine expressisse Horatium, quum ex ipso ejus argumento, frequenter a poetis græcis tractato, tum ex Porphyryonis evincitur testimonio, qui : « Hac ode, inquit, Bacchylidem

imitatur; nam ut ille Cassandram facit vaticinari futura belli Trojani, ita hic *Proteum* (scribere voluit *Nereum*). » — Jam vero quum vaticinium edituri altiore spiritu exsurgere, et rerum futurarum imaginem sublimiore quasi animo concipere soleant, facile, cur poetæ, ad sublimitatem adspirantes, vatis sæpe personam induerint, intelligi potest. Quo magis autem hoc de excidio Trojæ vaticinium accommodatum esset carmini lyrico, eo cupidius illud sibi tractandum sumsit Horatius; quem quidem eo, quod Nereo inprimis, sedem suam in mari Ægæo, quod Paridi transeundum erat, habenti, vaticinantis partes delegaverit. egregie argumento suo consuluisse, quilibet animadvertet. Compara, qui Nostrum imitatus est, Stat. Achill. I, 20 seqq.

CARMEN XVI.

PALINODIA.

Cum Tyndaride, quam iambis læserat, in gratiam redire conatur.

O matre pulcra filia pulcrior,
Quem criminosis cunque voles modum

Pones iambis; sive flamma,

Sive mari libet Hadriano.

Non Dindymene, non adytis quatit

5

1. *Quem crim. cunq. vol.* etc. h. e. dele, quæso, quocunque modo tibi placebit, criminosos iambos, sive eos in ignem, sive in aquam, projicere mavis. — *iamb. crim. Iambi*, quibus primus eorum auctor Archilochus (A. P. 79 : « Archilochum proprio rabies armavit iambo. »), ad alios traducendos usus est. et post eum alii poetæ, dicuntur *criminosi*, quia res turpes puellæ criminabantur, i. e. contumeliosi; in hoc sensu apud Suet. Octav. 75, *liber criminosissimus*, h. e. maledicentissimus, dicitur. — *Quem-*

cunque modum iambis pones, est : sortem, quamcunque libet, iambis tibi ponere et decernere licebit. — *mari Hadriano*, pro : Hadriatico; ornate, pro : aqua quacunque. — Pari modo, quæ frustra in laudem amicæ suæ cecinerat carmina, deleri capit Tibull. I, 9, 49 : « Illa velim rapida Vulcanus carmina flamma Torreat, et liquida deleat amnis aqua. »

5. Locus, si quis alius mira sublimitate insignis. Iræ furorem, cujus vim modo senserat poeta, jam descripturus, novo quasi, quo poetæ agitari

Mentem sacerdotum incola Pythius,
 Non Liber æque, non acuta
 Sic geminant Corybantes æra,
 Tristes ut iræ : quas neque Noricus

solent, furore ita incalcescit, ut furor furorem peperisse videatur. — Nexus et sensus h. l. est fere hic : Indomita autem, qua ad istos iambos scribendos abreptus sum, me apud te excusare debet iræ vehementia; nam neque Cybele, si ejus sacra instituuntur, neque Apollo, si in templi sui penetralibus sacerdotum pectora occupat, neque Bacchus, si in ejus honorem celebrantur orgia, neque Corybantes, si ærea cymbala iteratis ictibus pulsant, tantum animis furorem injiciunt, quantum sævæ iræ, quæ nulla omnino vi et periculi timore, neque ense, neque mari, neque igni, neque fulminibus domari et compesci possunt. — *Dindymene*, Cybele, appellata ita a *Dindymo* vel *Dindymis*, Phrygiæ monte, ejus cultui sacro; *Dindymena domina* dicitur Catullo LXIII, 13. De Cybeles sacris, in quibus hujus deæ sacerdotes, Galli vel Corybantes, tympanorum, cymbalorum et tibiæ sonitu ad eundem, quo ipsi agitabantur, furorem alios rapere studebant; res nota. Cf. Lucret. II, 616 seqq. Catul. LXIII, et Virg. Æn. IX, 617. — *adytis*, interiore et secretiore templi parte, quam præter sacerdotes nemini intrare fas fuit. — *quatit*, agitat, concutit. — *Mentem sacerdotum*, intellige inprimis Pythiam et Sibyllas. — *Pythius*, Apollo Delphicus, a Pythone serpente occiso sic dictus. — *incola*, h. e. habitans quasi in pec-

tore, in quod se ipsum deus immisit, vel, quod numine suo occupavit; hinc Sibylla apud Virgil. Æn. VI, 77 : « At Phœbi nondum patiens immanis in antro Bacchatur vates, magnum si pectore possit Excussisse deum », etc. nisi fortasse *incola* rectius ad *adytis* retuleris, ut simpliciter sit : qui in iis habitat. — *Liber*, de furore illo, quo Bacchæ et Mænades celebrare solebant orgia, omnia in vulgus nota. — *non acuta Sic geminant*, etc. Nonnulli doctissimi interpretes legunt : non acuta *si* geminant, etc. et ita explicant : « Non mentem audientium æque quatunt si geminant, quum geminant », etc. quod totius strophæ constructioni melius accommodari videatur; hæc enim verba *quatit mentem*, in quaque phraseos parte esse subaudienda, ut recte post has voces *tristes ut iræ* suppleantur. Nobis autem videtur a lyrica poeti abesse tam exactæ concatenationis necessitatem, adeoque vulgarem admittere lectionem non dubitamus quæ ita simpliciter explicatur : Non Corybantes tanta agitatione, non Corybantes sic agitati, geminant, feriunt ærea cymbala repetitis ictibus, ut tristes iræ quatunt mentem. — *Tristes iræ*, sævæ, vehementes.

9. *Noricus*, epitheton ornans pro : præstantissimus, quia Noricum, pars Illyrici, præstantissimo, quod ibi effodiebatur, ferro nobile fuit.

Deterret ensis, nec mare naufragum,

10

Nec sævus ignis, nec tremendo

Jupiter ipse ruens tumultu.

Fertur Prometheus, addere principi

Limo coactus particulam undique

Desectam, et insani leonis

15

10. *naufragum*, ob naufragii periculum timendum. — *trem.* *Jupiter ipse ruens tum.* magnifice pro : Jupiter tonans et fulmina mittens ; ex prisco enim loquendi genere Jupiter (h. e. æther) vel imbre, vel nive, vel tonitru et fulmine in terram descendere dicitur, unde ille Ζεύς καταβάτης ; infr. Epod. 13, 1 : « Horrida tempestas cælum contraxit, et imbres Niveque deducunt Jovem. »

13. *Fertur Prometheus*, etc. *Sensus* : Prometheus, quum ob defectum materie, ad fingenda cetera animalia jam dispensatæ, cogeretur limo, e quo primum hominem formaret, particulam, (*undique*) ex ceteris animalibus decerptam, admiscere ; (et) inter alias quoque particulas vim insani leonis *stomache* nostro apposuisse traditur ; — *vulgaris* sententia, quam tanta arte et doctrina exornavit poeta, fuit fere hæc : eo magis autem iræ, qua me abripi passus sum ad scribendos iambos, veniam dare debes, quum illa ad vitia, humane nature insita, pertinent. — *Prometheus*. De *Promethæo*, qui primus ex *luto*, vel, ut Ovid. Met. I, 82, loquitur, ex *tellure*... *mista fluvialibus undis* formasse hominem fingitur, res nota ; apud Aristoph. Av. 687, homines e limo ficti dicuntur πολλοῦ πλάσματος ; illud vero, quod de *vi insani leonis*, vel ira, a

Prometheo hominum animis injecta, hic commemoratur, Stesichori, quem Noster imitatus sit, inventum esse, ex Fulgent. Myth. L. III, c. *de Poleo* colligi posse existimant. Simile commentum de diverso mulierum ingenio, ex diversorum animalium, suis, vulpis, asini, mustelæ, etc. cupiditatibus composito, laudant ex Fragmento quodam Simonidis περί γυναικῶν, quod separatim edidit Koelerus. Huc pertinet quoque, quod excitavit Cl. Müss. Fragment. Euripid. T. II, p. 406 (edit. Lips.), quod apud Stob. (Grot. Flor. p. 13) Philemoni tribuitur. — *principi*, e quo primum finxit hominem Prometheus ; de primaria materia equidem explicare nolim. — *undique*, ex aliis undique animalibus ; sic plane infr. in Epist. ad Pis. v. 3 : « et varias inducere plumas Undique collatis membris. »

15. *Et insani leonis*, etc. Quum particula et perperam pro copula haberetur, in expedienda orationis structura, quam *insolentior* vocant, valde se torserunt interpretes ; sed bene se res habet ; *Fertur* enim non ad *addere*, quod a *coactus* pendet, sed ad *apposuisse* tantum referendum est ; et igitur h. l. est : etiam, quoque, inter alias quoque desectas undique particulas. — *stomacho*, iræ sedi ; unde supra, 6, 6, *gravem Pelidæ stomachum*.

Vim stomacho apposuisse nostro.

Irae Thyesten exitio gravi

Stravere, et altis urbibus ultimae

Stetere causae, cur perirent

Funditus, imprimeretque muris

20

Hostile aratrum exercitus insolens.

Compesce mentem : me quoque pectoris

17. In sententiam, quam Noster de ira, ut prima caedis et maximarum calamitatum causa, h. l. tractavit, laudant Senec. *de Ira*, I, 2. — *Thyesten*, qui, implacabili in fratrem Atreum ira percitus, ejus uxorem temeravit; cujus injuriæ horrendam ultionem Atreus exegit. — *gravi*, cogita de Thyestis liberis, quos Atreus ei epulandos apposuit, et de ejus morte in exilio, quo pulsus est ab Atrei occisi filiis, Menelao et Agamemnone. — *Stravere*, perdere. — *ultimæ*, primariæ, ab ultimo initio repetitæ. — *Stetere*, exsistit, pro : fuere, exsistere. Virg. *Æn.* VII, 553 : « Stant belli causæ. »

20. *Imprimeretque muris hostile arat. exerc.* Hæc explicant magis *to funditus* quod præcessit; nam solum urbium *funditus* delendarum aratro vertebatur; Propert. III, 7, 41 : « Mœnia quum Graio Neptunia pressit aratro Victor Palladiæ ligneus artis equus. » — *insolens*, insolenter aevi, victoria nimis elatus.

22. *Compesce mentem*, iram, quam iambis meis excitavi, reprime. — *in dulci juvena*, ex his verbis præsertimque epitheto *dulci*, quod desiderium significare videtur, nonnulli putant Horatium hoc carmen scripsisse, jam præterita juventute et longo tem-

pore a *criminosis iambis* elapso; ita ut poeta istos iambos non adversus puellam multo se juniorem, sed adversus ejus matrem composuerit. In carmine vero nihil est quod huic sententiæ locum det, quum omnis excusatio non ad matrem, sed ad filiam convertatur; præterea levissimo prorsus argumento nititur illa opinio, quum hæc verba, *in dulci juvena*, merito explices, *me vira in juventute, dulci* non per desiderium addito, sed perpetuo epitheto, oppos. senectuti morosæ, tristi, nihil suavitatis habenti; dices etiam, si velis, Horatium, adhuc juvenem, de tempore recentis quasi de juventute elapsa, per ludum loqui. Denique animadvertenda extrema carminis verba, *animumque reddas*, quibus ostenditur a puella amatum fuisse poetam ante scriptos iambos, quod fieri non posset, si scripti fuissent adversus matrem puellæ, et jam a multis annis, id est, quum puella adhuc infans esset. — *tentavit*, agitavit, abripuit; ipse Horatius infr. Epist. I, 20 25, se *celerem irasci* esse fatetur; et hinc mox iambos *celeres* (quamvis Ovid. Rem. Am. 378, de iambo : « Seu *celer*, extremum seu trahat ille pedem »; et Hor. infr. in Epist. ad Pis. 251 : « Syllaba longa brevi subjecta vocatur iambus; *Pes*

Tentavit in dulci juventa
Fervor, et in celeres iambos
Misit furentem : nunc ego mitibus
Mutare quæro tristitia , dum mihi
Fias recantatis amica
Opprobriis , animumque reddas.

citus) cum Cl. Mitsch. ad metri rationem referre nolim; *celer*es iambi haud dubie sunt : qui nimio fervore precipitanter scripti sunt ; similiter *consilia celeriora* dicuntur apud Liv. II, 51 : « quamvis in præcipitia , dum *celeriora* essent , agebat consilia. » — *Misit in iambos*, concitavit ad scribendos iambos. Sed nolo contendere cum illo, qui *celer*es malit ad naturam iambi referre. — *furentem* me ira, et ideo nescium quid agerem.

25. *Mitibus mutare tristitia*, ea, quæ te tristitia et indignatione affecerunt, remunerari iis, quæ tibi suavia atque

jucunda sunt. — *recantatis opprobriis*. *Recantare opprobria* est : opprobria cantata, quasi non cantata, revocare, falsa et ficta fuisse cantata opprobria declarare ; similiter apud Virg. Æn. XII, 11, *retractare dicta* pro : revocare, recantare. — *animum reddas*, pristino amore me amplectaris ; te mihi restituas, omissa jam omni culpæ meæ memoria. Dacierius interpretatur, *dum fias*, etc. *usque dum* : non, *dummodo, ea conditione*, ut fere omnes alii ; inter quos Cl. Binet : « Rends-moi ton cœur, et je rétracte mes insolens discours. »

ANALYSIS. Puella, quam iambis prosciderat, excusat se hoc carmine Horatius, istamque excusationem ab ira unice repetit. Cui argumento maximam vim conciliat omnem de ira locum poetice pertractando. Ira nimirum, nihil esse vehementius ; præpedire eam et conturbare penitus sanæ mentis statum. Nullo adeo eam terrore, nullo obstaculo cohiberi et ab ulciscendi studio posse reprimi. Nec mirum, quum animus humanus natura ad iram tam propensus sit, ut vel invitus ea corripiaris, ejusque explendæ quovis modo, vel cum maximo malo tuo, cupiditate incendaris maxima. Hinc enim repetendum Thyestæ exitium, tot hominum cædes, tantarumque urbium ruinæ. Eadem adeo iræ insania me, ipsa ætate juvenili ad eam proniorem, ad istos iambos scribendos impulit, quos nunc ut amica mihi iterum fias, omni modo deletas cupio.

CARMEN XVII.

AD TYNDARIDEM.

Villam suam laudat, et in eam Tyndaridem invitat.

VELOX amœnum sæpe Lucretilem
Mutat Lycæo Faunus, et igneam
Defendit æstatem capellis
Usque meis, pluviosque ventos.
Impune tutum per nemus arbutos
Quærant latentes et thyma devixæ
Olentis uxores mariti;
Nec virides metuunt colubras,
Nec Martiales hæduleæ lupos;

5

1. *Velox*, dii enim capripedes imprimis velocitate excellunt. — *sæpe Lucret. mut. Lyc.* pro: Lycæum permutat Lucretili, inquit Lucretilem relicto Lycæo; est enim Faunus deus ὀψιβάτης, qui, ut Ovidius (Fast. II, 385) de eo loquitur: « Discurrere gaudet in altis Montibus. » — *Lucretilem*, montem in Sabinis, villæ Horatii imminentem. — *Lycæo*, monte qui in Arcadia, Fauno et Pani sacer; Ovid. Fast. II, 424. « Faunus in Arcadia templa Lycæus habet. » — *Def. æst. cap. Defendere æstatem capellis* est: arcere, avertere capellis æstatem, prohibere æstatem a capellis; sic apud Virgil. Eclog. VII, 47, *solstitium pecori defendit*; similiter

apud Græcos ἀρκεῖν, ἀρήγειν, ἀλαλεῖν, ἀμύνειν. — *pluv. vent.* itaque villa Horatii, quum neque æstu, neque pluviiis laboraret, tam salubritate quam fertilitate gavisa est.

5. *Impune*, sine ullo periculi timore, securæ. — *Olentis uxores mariti*, faceta caprarum circumscriptio; caper enim est *maritus*, vel *vir gregis*, ut vocatur apud Virg. Eclog. VII, 7, secundum imitationem Theocriti, VIII, 49: τράγε, λευκᾶν αἰγᾶν ἀνερ. — *hæduleæ*, proles caprarum, parvæ capellæ. — *Martial. lup.* lupus *Martialis* vel *Martius* (ap. Virg. Æn. IX, 566) dicitur, quia Marti sacer est; vel, si malis, simplicius quia perpetuo cum ceteris animalibus bellum gerit.

Dices laborantes in uno
 Penelopen vitreamque Circen. 20
 Hic innocentis pocula Lesbii
 Duces sub umbra; nec Semeleius
 Cum Marte confundet Thyoneus
 Prælia; nec metues protervum
 Suspecta Cyrum, ne male dispari 25
 Incontinentes injiciat manus,

— *sive Teia*, lyra Anacreontis, Teii.
 — *Dices labor. in uno Penel. vitr.*
Circ. canes amorem quo Circe simul
 cum Penelope unum Ulyssem deperit.
 — *laborantes in uno*, graviter pro:
 amantes unum eundemque; τὸ *laborare*
 enim complectitur simul notio-
 nem sollicitudinis et curarum, quibus
 amantes cruciari et laborare solent;
 sic ποῦσιν de amoris æstu apud Græ-
 cos, et πόνοι de amoris cruciatibus;
 cf. *Jacobs. ad Anth. Græc. Rufin.*
 XVIII, 4. — Dictum autem est *labo-
 rare in uno* (h. e. ob unum) ut æs-
 tuare, flagrare, ardere in aliqua
 (i. e. ob aliquam). — *vitr. Circ.* Circe,
 ex Homero satis nota, vel, ut Nym-
 pha, a colore maris, veteris vitri co-
 lorem fere referentis, dicitur *vitrea*,
 ut sit *marina, cærulea*; vel, quod
 magis respondet usui loquendi, a vitri
 splendore, ut sit *splendida, pulcra*;
 sic pulcra Galatea apud Ovid. Met.
 XIII, 792, dicitur *vitro splendidior*;
 et sic *vitreus* sæpe est: splendidus,
 perlucidus. Ovidius Her. XV, 157:
 « Est nitidus, vitreoque magis perlu-
 cidus amni, Fons sacer. » Sic infr.
 Sat. II, 3, 222, *fama splendida* di-
 citur *vitrea*; de simili usu τοῦ βάλινος,

βάλινος apud Græcos præter *Mitsch.*
 ad h. l. exempla conduxit *Jacobs.* ad
Anth. Græc. Vol. II, P. III, p. 122.
Vitreus; gall. *uni comme une glace.*

21. *Innocentis*, h. e. haud ebrie-
 tate mentem obruentis, lenioris (ἀφί-
 μωνος); de præstantia vini Lesbii
 cf. Aul. Gell. XIII, 5. — *Duces*,
 sensim et verecunde bibes; sed *ma-
 here pocula* (Epod. 14, 4: « pocula...
 arente fauce traxerim ») pro: lar-
 gius bibere, apud Latinos; ita ὄξαιν,
 σπῆν, apud Græcos; Euripid. Cyclop.
 416: ἰσκασίη τ' ἀμαρτίν ὀκώσας; cf.
Bergler ad Alciphron. I, 34, p. 149.
 — *nec Semeleius*, etc. Nec Bacchus
 hilares jocos et lusus cum Martis præ-
 liis miscebit, h. e. nec inter vina rixa
 orietur. — *Thyoneus*, vel ab θυῶν, fu-
 rere; vel a matre Thyone, quæ Semele
 quoque vocabatur, Bacchus dictus est.
 — *confundet*, miscebit prælia cum
 Marte, non Martem excitabit, ita ut
 convivia in certamen desinant.

24. *Nec metues*, nec erit cur me-
 tuas. — *protervum Cyrum*, impuden-
 tiam Cyri, ejusdem qui infr. Od. 23,
turpis vocatur. — *Suspecta*, ipsi Cy-
 ro, nempe ob amoris perfidiam. —
male dispari, tibi, non sine malo tuo

Et scindat hærentem coronam
Crinibus, immeritamque vestem.

viribus ei dispari, vel tibi admodum imbecilliori. — *Incontinentes injic. manus*, hand dubie similem, ubi in convivio quodam manibus non temperaverat Cyrus incontinentior, jam semel Tyndaris experta fuerat petulan-

tiam, quam Noster respicere videtur. — *hærent. coron. Crinibus*, coronam convivalem inhærentem crinibus, capiti impositam. — *immeritam*, innocentem; facete de re inanimata, plane ut Sat. II, 3, 7, *paries immeritus*.

ANALYSIS. Ut venustissimæ villæ suæ amoenitates commendet poeta, fingit Faunum iis allectum sæpius invisere hanc regionem, eamque amare et tueri: et sic præsentis dei attribuuntur et per eam declarantur agelli suavitates, cæli serenitas mitisque temperies, puritas et salubritas aeris, omninoque regionis felicitas, tranquillitas, ubertas. Faunus enim poetarum custos est. Vid. II, 17, 29. Jam poeta illarum amoenitatum participem esse Tyndaridem. Habuerat ea amatorem Cyrum protervum, ebriosum ac suspicacem, a quo ideo sæpius male habita fuisset. Itaque invitat eam in rus suum poeta, quod eam a violentia Cyri tutam præstet, atque ubi securitate frui possit optatissima. Elocutionis ornatus exquisitissimus est et cultissimus, imaginum color suavissimus, ita ut universum carmen ad idyllii mollitudinem accedere videatur. Comparetur autem cum illius argumento Epist. I, 16.

CARMEN XVIII.

AD VARUM.

Vino nihil utilius; immodice autem sumto nihil perniciosius.

NULLAM, Vare, sacra vite prius severis arborem,
Circa mite solum Tiburis et mœnia Catili.

1. *Prius severis*, potius severis, potas, plantes in agro tuo quam vitem, etc. — *sacra*, Bacchæ nempe. — *Circa mite sol. Tib. et mœn. Cat.*

Circa agrum Tiburtinum, sub mitioris aeris temperie situm, et quidem (particula *et vim* explicandi habet, cf. supr. ad I, carm. 1, v. 2) circa ipsa

Siccis omnia nam dura Deus proposuit; neque
Mordaces aliter diffugiunt sollicitudines.

Quis post vina gravem militiam, aut pauperiem crepat? 5

Quis non te potius, Bacche pater, teque, decens Venus?

At ne quis modici transiliat munera Liberi,

Tiburis moenia. — *moenia Catili, Tibur*, ab uno ejus conditorum Catillo; nam tres Catilli filii, Coras, Catillus et Tiburnus, hanc urbem condidisse traduntur; cf. *Heyne* ad Virg. *Æn.* VII, 671. Excurs. VIII, Sil. Ital. VIII, 366, *Tibur, Catille, tuum*. Noster medium in *Catilus*, elisa littera *l*, corripuit.

3. *Siccis omnia nam dura*, etc. Nam qui vino abinent ad vitam duriorē, hilaritatis quippe, quæ vino debetur, expertem, a sorte destinati sunt. — *Siccoum*, siccum, cui opponitur *vino madidus, uvidus* (infr. IV, 8, 39), cum Ovidio, Met. XV, 3, 3, dixeris, qui «Vina fugit, gaudetque meris abstemius undis.» — *Deus*, seu *Deus* generaliter, aut natura; seu rectius Bacchus, ut Tibul. III, 6, 21: «Jam venit iratus nimiumque severis; Qui timet irati numina magna, bibat.» — *proposuit*, imposuit, constituit tanquam poenam, nam est verbum proprium de legislatore. — *neque aliter*, neque alio remedio nisi vini potu; similiter Euripides Bacch. v. 283, de vino: οὐδ' ἐστ' ἄλλο φάρμακον πόων. — *Mordaces*, macerantes, pungentes animum (θυμοδόροι, δακτύμοι, θυμοδάκτυς), similiter infr. II, 11, 17, *edaces curas* dissipare Bacchus dicitur. — *gravem milit. aut pauper. crepat?* h. e. crebras de dura militia et paupertate querelas jacit? *crepare*

aliquid (χρεσθύν, κομπάζειν), sæpe aliquid in ore habere et repetere, et hinc passim de hominibus, qui multa verba de una eademque re magno cum strepitu effutiendo aliis molestiam creant; cf. infr. Ep. I, 7, 84; Sat. II, 3, 33, et in Epist. ad Pis. 247. — *Quis non te potius*, sc. crepat, et hoc jam pro: iterum iterumque laudat. — *decens*, ad amabilem, quæ Venerem componit et subsequitur, gratiam et decorem refer.

7. Sententiarum nexus est fere hic: sed quemadmodum vinum modice sumtum dulcissimum curarum humanarum lenimentum est, ita idem, immodice sumtum, maximorum malorum causa fieri solet; bellum enim Lapitharum cum Centauris super vino exortum, et cruentæ Thracum cædes inter computationes, unumquemque ne modum in bibendo vino excedat, adhortari debent. — *modici transil. mun. Liberi*, paulo sublimius pro: modum, qui tenendus est in percipiendis Bacchi muneribus, h. e. in vino bibendo, excedat. — *Modici*, poetica inversione pro: modica munera, vinum modicum, modice sumtum. Sic in Ovid. H. P. 10, 29: «non hæc immodico contraxi damna Lyæo.» — *transilire*, notionem proterviæ et temeritatis habet; cf. supr. 3, 24. — Cl. Müsch. comparat Theogn. v. 471, ὅς δ' ἂν ὑπερβάλλῃ πόσις μέτρον, οὐκ

Centaurea monet cum Lapithis rixa super mero
 Debellata; monet Sithoniis non levis Evius,
 Quum fas atque nefas exiguo sine libidinum
 Discernunt avidi. Non ego te, candide Bassareu,
 Invitum quatiā : nec variis obsita frondibus

10

Ἰὲ δαιμόνιε Τῆς αὐτοῦ γλαύσσης καρτε-
 ρὲς, ὄφρα νόου. — *Centaurea*, pugnae
 illius, inter Centaures et Lapithas
 super mero in nuptiis Pirithoi exor-
 ta, suavissimam descriptionem dedit
 Ovid. Met. XII, 219 seqq. — *Debel-
 lata*, orta et prelio dijudicata. —
super mero, inter bibendum, cum sese
 largius poculis invitassent. — *Sitho-
 niis*, Thraciae populo, pro ipsis Thra-
 cibus, quibus ob ebrietatem, cui illi
 dediti sunt, vel ob barbara, quae vino
 graves committunt, facinora, Bacchus
 non levis, sed gravis et infestus deus
 est; de Thracum violentia cf. infr.
 27, 1 seqq. — *Evius*, Bacchus, ab illa
 bacchantium acclamatione *Εὔος* (τὸ οἶ)
 sic dictus. — *fas atq. nefas*, honestum
 et inhonestum, pulcrum et turpe. —
exiguo sine, nullo fere limite consti-
 tuto, pro vulgari : parum. — *avidī li-
 bidinum* (sic enim jungendum) libidi-
 nibus, vino excitatis, effrenate indul-
 gentes. Sic *Binet*; *Dacrius* aliter.

11. *Non ego te*, etc. Vulgarem
 sententiam : « equidem a furore illo
 ebrietatis, quae tibi, Bacche, displicet,
 diligenter mihi cavebo, » egregie se-
 quentibus exornavit poeta. — Ex ne-
 fandis sceleribus, quae ab hominibus
 temulentis committi solent, unum,
 quod ad Bacchum proxime spectat,
 commemorat, impiam nempe ejus
 mysteria evulgandi temeritatem. *Non
 ego te*, etc. cavebo mihi ab ista temu-
 lentia, quam, ut nefandorum scele-

rum causam, abominaris. — *candide*,
 sincere, verax. Notum enim tritum
 illud effatum : *in vino veritas*. — *Bas-
 sareus*, Bacchus, a voce Thracia vel
 Afra Βάσσαρος vel Βασσαρίς, quam
 Suidas et Etym. M. explicant δλωπῆς,
 quia non hīnulorum tantum, sed
 etiam vulpium pellibus se texiasē
 dicuntur Bacchae, quae inde dictae
 sunt Βασσαρίδες. Hesych. Βάσσα-
 ραι· χιτῶνες, οὓς ἐφόρου αὶ θρησκυαὶ
 Βάσσαι. — *invitum quatiā*, h. e.
 more tibi displicente sacra tua mo-
 vebo. *Quatere Bacchum* idem esse
 videtur, quod Bacchi sacra commovere
 apud Virgil. Aen. IV, 301 : « qualis
 commotis excita sacris Thyias; » in-
 primis autem τὸ *quatere* vel *movere*
 ad sacrorum vasorum, sub initio ce-
 remoniae et templis sublatorum, jacta-
 tionem referendum videtur. — *nec
 var. obsita frondibus sub div. rap.*
 nec sacra occulta vel mysteria, variis
 frondibus oblecta, protraham in pu-
 blicam lucem; publice enim in orgiis
 res quaedam mysticae in cista quadam
 vel arcula, hedera et pampinis obve-
 lata, circumferri solebant a cistopho-
 ris. Catull. LXIV, 260 : « Pars ob-
 scura cavis celebrabant orgia cistis,
 Orgia, quae frustra cupiunt audire
 profani. » — τὸ *variis* paulo argutius
 vel ad foliorum colorem, vel ad eorum
 vento agitatorum motum referunt;
 equidem simpliciter *frondes varias*
 de hederaceis, pampineis, et aliis ac-

Sub divum rapiam. Sæva tene cum Berecynthio
Cornu tympana, quæ subsequitur cæcus Amor sui,
Et tollens vacuum plus nimio Gloria verticem,
Arcanique Fides prodiga, perlucidior vitro.

15

cipio. — *Sæva tene cum Berecynthio*
Cornu tympana, quæ subsequitur :
retine et comprime sævum tympano-
rum et cornu Phrygii clangorem ; fac,
ne ad aures meas accadat horribilis
tympanorum et Phrygii cornu sonitus ;
averte a me sævum istum, qui tympa-
norum et Phrygii cornu strepitu exci-
tatur, furorem, quem subsequitur, etc.
et hoc pro : tutum me præsta ab ebrie-
tatis furore, quem subsequitur, etc. —
Sæva, ob sævum, quem injiciunt, fu-
rorem, vel sonoribus sæva, h. e. ter-
ribiliter sonantia ; Virgilius certe
Æn. IX, 681, « Sæva sonoribus
arma » pro : terribiliter sonantia
dixit. — *Berecynthio*, h. e. Phrygio, a
Phrygiæ monte Berecyntho, ubi cole-
batur Cybele, in cujus sacris iisdem,

quibus in orgiis, ad furorem excitan-
dum usi sunt instrumentis musicis ;
cf. supr. 16, 15 seqq. — *cæcus Amor*
sui, stulta superbia et arrogantia. *Et*
toll. vac. plus nimio Glor. vert.
jactantia, qua nimis se extollunt ho-
mines vani ; *vacuum* significanter
pro : vanum, nihil habentem nempe,
quo se extollere possit. — *Arcanæ Fid.*
prod. loquacitas, inconsideranter res
arcanas, quæ fido pectore legi debe-
bant, effutens ; ea dicitur *vitro per-*
lucidior, quia, quæ gerit homo loquax
in animo, veluti per vitrum elucetia,
facile perspiciuntur. Laudat in hanc
rem Cl. *Müsch.* ex *Gnom. Gr.*
Brunck. p. 234, *Κάεπτρον εἶδους*
χαλκός ἐστ', οἶνος δὲ νοῦ. Vid. etiam
Pausan. II, 27, p. 175.

ANALYSIS. Laudem vini celebraturus poeta, rem sub speciales notiones re-
vocat, ita ut Varum ad plantandas in agro Tiburtino vites adhortetur, quum
vini usu vita demum suavis atque jucunda reddatur, nihilque ad curas animo
expellendas eo reperiatur efficacius. Modice tamen eo uti oportere ; effecta
enim vini, immoderate poti, esse gravissima et funestissima. Exquisitam hanc
vulgaris sententiæ conversionem magnifice ac lyrice tractavit poeta, quum sen-
tentiarum ac imaginum veritate, suavitate ac sanctitate, tum elocutionis
ornatu reconditissimo. Vix est enim ut moneamus, quam in laudibus vini mo-
derate sumti, mollis ac placida sunt oratio ; et contra, a. v. 7, de immoderato
vini usu dicturus, poeta subito incalescat, ipse quasi ebrius, et perturbatione
quadam enthea corripiatur, quæ ad dithyrambum accedit. Nisi totum, certe
initium hujus carminis expressum est ex Alcæo, cujus fragmentum apud
Athenæum X, 8, sic se habet. Μηδὲν ἄλλο φουτῖσθαι πρότερον δένδριον
ἀμπέλω.

Denique Varum illum ad quem hæc oda scripta est, multi putant esse L. Q.

Varum in Germania cum legionibus caesum; sed eum excludit ratio temporum, quum ea clades in a. u. 761, incidat. Facilius crediderim L. Varum fuisse, Epicureum, amicum Cæsaris, item Virgilii et Horatii, de quo Quintil. VI, 3, 78.

CARMEN XIX.

DE GLYCERA.

Se Glyceræ amore incensum, ad Venerem revocari.

MATER sæva Cupidinum,
Thebanæque jubet me Semeles puer,
Et lasciva Licentia,
Finitis animum reddere amoribus.
Urit me Glyceræ nitor, 5
Splendentis Pario marmore purius:

1. *Mater Cupidinum*, Venus infinitæ Amorum, quæ in ejus comitatu sunt, multitudinis mater; cf. Stat. Silv. I, 2, 82; Claud. Nupt. Honor. 47, seqq. — *sæva*, χαλεπή, δεινή ob graves, quos sævo cum joco (ut infr. I, 33, 12, dicitur) in amantium animis excitat, dolores; *sæva* jam inprimis fuit Horatio, quod sopitos in ejus animo ignes resuscitabat. — *Theban. jub. m. Sem. puer*, Bacchus, assiduus Veneris comes, quod, ut Ovidius Rem. A. v, 805. canit: « Vina parant animum Veneri; » οἶνος γὰρ (Ach. Tat. II, 3) ἱερὸς τροφή, vel quod *Venus* (Ovid. Art. Am. I, 244) in vinis, ut ignis in igne, esse solet; at *sine Libero* (Terent. Eunuch. IV, 5, 6) *Venus friget*. — *Licentia*, ad ea, quæ

eamque libido suadet, instigans, apte, ut Veneris et Bacchi πάρεδρος, in eorum comitatu apparet, ideoque hic pro vera persona sumitur. — *Finit. anim. redd. amoribus*, h. e. iterum dedere animum amoribus, quibus jam mihi solutus esse videbar; iterum servire amori, cujus jugum jam me excussisse putabam.

5. *Glyc. nit.* — *nitor et nitens* passim de formæ pulcritudine; Ovid. Met. XII, 405: « Hylonome, qua nulla nitentior, » h. e. formosior; — *splend. Par. mar. pur.* refer ad splendorem coloris candidi, quo *marmor Parium* inprimis insigne fuit; hinc passim *marmoreus* pro: candidus, pulcher; *cervix marmorea*, apud Virgil. Georg. IV, 823; *collum marmoreum*,

Urit grata protervitas,
 Et vultus nimium lubricus adspici.
 In me tota ruens Venus
 Cyprum deseruit; nec patitur Scythas,
 Et versis animosum equis
 Parthum dicere, nec quæ nihil attinent.
 Hic vivum mihi cespitem, hic

10

apud Ovid. Fast. IV, 135, et *pedes marmorei*, apud eundem, Amor. II, 11, 15. — *grat. proterv.* est quædam alacritatis et morum paullo solutiorum ratio, quæ juvenes tenentur et in amorem rapiuntur. Quæ si intra certos fines contineatur, neque prorsus decori puellari officiat, recte hactenus *grata* amanti dici potest, et sic fere illi in amorem pellicendi studio quod gallice, *coquetterie*, respondet. — *Et vult. nim. lubr. adsp.* h. e. et oculi nimium mobiles et lascivi, quam ut eorum adspectus non quemque in amorem rapiat; *vultus lubricus* est Græcorum βλάμμα ὑγρόν, h. e. oculi petulanter et lascive mobiles, natantes, pætuli, voluptate suffusi, et fere Venerei, quales in amicæ suæ imagine pictorem exprimere jubet Anacreon, Od. XXVIII, 21, τὸ δὲ βλάμμα νῦν ἀληθὲς ἄπὸ τοῦ πυρὸς ποίησεν ἥμα γλαυκὸν, ὡς Ἀθήνης ἥμα δ' ὑγρόν, ὡς Κυθήρης, ubi τὸ ὑγρόν bene vertit Barnesius: *lubricum*. cf. ibi Fisch. et Bergler. ad Alciph. I, 28, p. 117, ejusmodi oculos Catullus XLV, 11, vocat *ebrios*. Tò *adspici* possis quidem explicare: si adspiciuntur, adspectu; sed hoc ne opus quidem est; nam illud græco more plane abundat, ut infr. lib. IV, 2, 89, *niveus videri* pro simplici: *niveus*.

9. *In me tota ruens Ven. Cypr. des.* Venus ex insula Cypro emigrasse et toto numine suo in pectus meum immigrasse videtur, pro vulgari: ego summa Veneris potentia exerceor; summo amoris æstu agitor. Vix est ut admoneamus, quam magnificè ac vivide amoris sui vehementiam expresserit poeta his verbis: in me *tota ruens Venus*, ex quibus insignes hos versus desumpsisse videtur noster Racinius: « Ce n'est plus une ardeur en mes veines cachée, C'est Vénus toute entière à sa proie attachée. » — *Scyth. et vers. animos. equ. Parth. dicere*, rem gravioris argumenti carmine epico celebrare, Augusti nempe laudes de Scythiis et Parthis bello victis canere; — *Parthus* dicitur *versis equis animosus*, quia in arte sua *versis equis*, h. e. retro et fuga tela in hostes jaciendi, magnam ponebat fiduciam; hinc Virg. Georg. III, 31: « Fidentemque fuga Parthum versisque sagittis; » res nota, vide interpret. — *attinent*. sc. ad rem, sc. ad amorem; mihi enim, ut Veneris ministro, res jocosas tantum et amatorias mollioribus citharæ modis aptare licet.

13. *Hic vivum mihi cesp.*, etc. Venerem potius sacrificio sibi placandam esse ostensurus, subito ad aram, quæ illud Deo offerat, exstruendam

Verbenas, pueri, ponite, turaque

Bimi cum patera meri :

15

Mactata veniet lenior hostia.

appellit animum, et servos, quæ ad rem sacram pertinent, sine mora afferre jubet; quæ quidem conversio vehementiores, quibus relevari cupit, amoris cruciatus egregie exprimit. — *vivum cespit.* ad aram nempe gramineam ex more antiquissimo extruendam; cf. Theocrit. XXVI, 3. Ovid. Met. IV, 752. Virg. Æn. XII, 119. — *verb.* *verbenas* modo de quavis e sacro et secreto loco petita herba, modo de certo quodam, cujus in sacris usus fuit, herbæ genere; cf. Interpretes ad Virgil. Ecl. VIII, 64, ubi in sacris magicis, amoris causa institutis, *verbenas et tura* ministras adolere jubet venefica. — *Bimi*, duorum annorum; vini infra quoque, I, 31, 2, in libatione *novi liquoris*, h. e. vini, sit mentio. — *Mactata hostia*, quamvis

sanguinem aræ Veneris offundere vetitum fuit, ut Tacitus, Hist. II, 3, in narratione de templo Veneris Paphiæ refert, (hinc Catull. LXVI, 91 : « Placabis festis luminibus Venerem Sanguinis expertem ») hostias tamen in honorem Veneris, extorum imprimis inspiciendorum causa, mactatas fuisse, quum aliunde, v. c. Martial. IX, 91, 16, tum ex eodem Taciti loco constat, ubi ille : « hostiæ, ut quisque vovet, mares deliguntur; certissima fides hostiorum fibris. » Itaque *mactata hostia* proprie accipi posse existimo; alii, de hostiarum sanguine in sacris Veneris solliciti, pro : transacto sacrificio, positum esse autumant; *veniet lenior*, placabitur et mansuetior precibus et sacrificio facta, amoris mei cruciatus lenitum veniet.

ANALYSIS. Poeta, qui jam satis in amoris æstu deferbuisset videbatur, eidem se denuo succubuisse fatetur. Levissimum hoc argumentum magna sententiarum dignitate et affectuum veritate exornavit. Deos enim ipsos in exordio, Venerem et Bacchum de se in amorem rursus mittendo quasi conspirantes inducit poeta. Post vividissimas de puellæ pulcritudine picturas, amoris cruciatus furtim declarat, Veneremque, ut eos remittat, placare statuit. Suspiciantur nonnulli ex vv. 10 sqq. delatam sibi a Mæcenate, ut res contra Scythas et Parthos præclare ab Augusto gestas, carmine celebraret, hac novi amoris sui excusatione detrectasse provinciam. Hoc autem, nullo alio argumento confirmatum, ex his vv. conjicere non ausim, quum Scythas et Parthos omnino pro gravioris carminis argumento, quo nunc a Glyceræ amore avocetur, posuerit Horatius. Cæterum hoc carmen cum lib. IV, 1, compara, in quo de novo amare similiter ludit poeta.

CARMEN XX.

AD MÆCENATEM.

Mæcenati, qui se apud Horatium cœnare velle dixerat, vini sui tenuitatem excusat.

VILE potabis modicis Sabinum
 Cantharis, Græca quod ego ipse testa
 Conditum levi, datus in theatro
 Quum tibi plausus,

1. *Vile Sabinum*, parvi nempe pretii fuit *vinum Sabinum* quod Plin. H. N. XIV, 2, *crudum* et *austum* vocat; — *mod. canth.* *Cantharus*, vas vinarium, ansatum, et paulo capacious, e quo in pocula minora vinum transfundi solebat, dictum fortasse ita, quod ad formam *scarabæi*, qui Græcis *κάνθαρος* dicitur, effictum esset; sacer in primis *cantharus* fuit Baccho. Jam hi *canthari*, ex quibus apud Horatium pro re ejus modica modice bibendum esset, ipsi dicuntur *modici*, ut infr. Epist. I, 8, 2, *modica patella*. Quamquam nihil impedit, quo minus *cantharos modicos* de modicæ magnitudinis sive paulo minoris formæ canthari explicemus, et grandioris formæ cantharos apud ditiores in usu fuisse, statuamus. — *Græca testa* Romani, ut satis notum, condere vinum solebant in vasis fictilibus, quorum præstantissima fuere *Græca*, sive quod terra et materies, e qua in non-

nullis Græciæ civitatibus conficiebantur, esset melior, et eorum bonitati et firmitati convenientior; sive quod artifices ibi in iis fingendis excellere; ad nobiliora in primis pertinent *vasa Cumana*, quæ vulgo inter *vasa Campana* Etruscis accenseri solent, cf. Tibull. II, 3, 28, et ibi *Heyne*. — *quod ego ipse*, docent hæc verba sedulitatem poetæ qui adservandum vinum sibi uni fudit. — *levi*, h. e. oblevi (*ἡλαψα*) sc. pice vel cera, quibus cortex oblinebatur; Columell. XII, 18. Hinc infr. III, 8, 18, «corticem adstrictum pice dimovere,» et apud Tibull. II, 1, 28, «vincula cado Chio solvere» dicitur. — *datus in theatro c. tibi plaus.* eo die, quo tibi theatrum ingresso applaudebat populus; — *Mæcenas*, haud dubie a morbo recreatus, vel a gravi quodam periculo liberatus, primum post aliquod temporis intervallum hoc die in theatrum prodierat, ubi nunc solemnī illa honoris et fa-

Care Mæcenas, eques, ut paterni

5

Fluminis ripæ, simul et jocosa

Redderet laudes tibi Vaticanani

Montis imago.

Cæcubum, et prælo domitam Caleno

Tu bibes uvam : mea nec Falernæ

10

Temperant vites, neque Formiani

Pocula colles.

voris significatione, quæ aliis quoque viris magnis, ut Ciceroni, Pompeio, Virgilio, etc. contigit, a populo Romano exceptus est. Cf. infr. II, 17, 25. Hic annotandum quam egregie ac delicate Mæcenati blandiatur poeta, qui, dum aliquod temporis punctum designare velle videtur, hunc ipsum diem revocat, qui Mæcenati et gloriosissimus, et gratissimus fuerat.

5. *Care Mæcenas, eques.* Mæcenas, pro familiaritate quæ ei cum Horatio intercedebat, recte ab illo dici poterat carus, ut infra, II, 20, 9, *dilectus*. Nonnulli verbum *eques* sine epitheto frigere cum Bentleio arbitrati, pro *care*, *clare* legendum et sic jungendum voluerunt *clare eques*. Hos autem ad Propertium remittimus qui Mæcenatem *equitem*, absque alio epitheto, vocat, III 9 1 : « Mæcenas, eques, Etrusco de sanguine regum. » Mæcenas enim hanc popularem *equitis* appellationem inprimis amavisse,

et ista modestia placuisse videtur Augusto, qui ipse, ut ait Suetonius, « nihil amplius quam Equestri familia ortum se scripsit. » — *paterni Fluminis*, Tiberis, ab Etruria, Mæcenatis patria, delabentis. — *Vaticanani montis*, ergo Mæcenas ingressus est *theatrum Pompeii*, quod prope Tiberim ad montem Vaticanum versus situm fuit. — *montis imago*, Echo; cf. supr. ad 12, 4.

9. Sensus : vina generosiora, *Cæcubum*, *Calenum*, *Falernum* et *Formianum* domi tibi, ubi illa servas, bibere licebit. — *tò Caleno* maluit poeta doctiore ratione ad *prælo*, quam ad *uvam* referre. — *bibes*, sc. domi apud te, non apud me. — *mea nec Falernæ Temper.* etc. exquisita pro vulgari : mihi neque ex vitibus Falernis, neque ex uvis natis in collibus Formianis, vinum exprimitur, quod, poculis infusum, temperare (sc. aqua admixta) possim; h. e. ego nec Falernum, nec Formianum vinum possideo.

ANALYSIS. Mæcenas, ut videtur, Horatium se proxime invisurum promiserat; gratissimum fore sibi talem hospitem profitetur poeta simulque vini tenuitatem excusat, cujus adponendi sibi copia sit. Levissimum illud argumentum mirum in modum nobilitavit poeta cum cultissimo elocutionis ornatu, tum egregia ac delicata blanditiarum urbanitate, quas leviter et quasi aliud cogitans huic carmini inseruit.

CARMEN XXI.

IN DIANAM ET APOLLINEM.

DIANAM teneræ dicite virgines :

Intonsum, pueri, dicite Cynthium :

Latonamque supremo

Dilectam penitus Jovi.

Vos lætam fluviis et nemorum coma,

5

I. Quo spectaverit communis Apollinis et Dianæ religio, id optime ex Carmine Sæculari cognosci potest. Nimirum quum soli et lunæ, a quibus salubris aeris temperies, adeoque tam agrorum fertilitas, quam corporum sanitas, pendet, divinam Apollinis et Dianæ personam indueret antiquitas; habiti illi sunt dii salutare, publicæ salutis auctores, σωτῆρες, vel dii *averunci*, ἀλεξίκακοι, ἀλεξίμειροι, ἀποτροπαῖοι, qui famem, pestilentiam, et publicam calamitatem avertere possent; ethinc iidem sunt dii socii, πάρεδροι, σύνναοι, ejusdem religionis in eodem templo participes.

2. *Intonsum*, ἀνεσχετόμην. Tibull. I, 4, 36 : « Solis æterna est Phœbo Bacchoque juvenas, Nam decet intonsum crinis utrumque deum. » — *Cynthium*, a Deli monte, Cyntho. — *Latonam*, jure matri locus suus assignatur in hymno, in quo inclyta ejus proles celebratur; hinc Callimachus Hym. in Apoll. 14, χαῖρε μάκαιρ' ὦ Ἀπολλί, ἐνταὶ τόξεσ' ἀγλαὰ τέκνα.

3. Sensus : vos, puellæ, canite Dianam gaudentem fluviis et nemorum frondibus, quæcunque supereminet aut in Algido, aut in Erymanthi et Cragi silvis. — *lætam* (χαίρουσαν, ἡρεπούμενν), *fluviis*, hinc apud Catull. XXXIV, v. 12, « amnium sonantum domina » dicitur. — *nemorum*. *Quæc. prominet*, pro vulgari : nemoribus quæ sunt, etc. Qui in locutione : « nemorum coma prominet in silvis » tautologiam vix ferendam sibi deprehendisse visi sunt, diversam *nemoris* et *silvæ* notionem parum perspectam habuere; *nemus* enim est pars *silvæ*, vel locus amœnus et reconditus in *silva*; Ovid. Met. I, 368 : « Est nemus Hæmonis, prærupta quod undique claudit Silva, » etc. Ars Amat. III, 689 : « Silva nemus non alta facit, » etc. Jucunda igitur in silvis Dianæ fuerunt *nemora*, h. e. loca amœna et recondita, recessus, præcipue in montium jugis, quo spectare videtur τὸ *prominet*; possis hæc *nemora* vocare *salus reconditos*, Catullus certe,

Quaecunque aut gelido prominet Algido,

Nigris aut Erymanthi

Silvis, aut viridis Cragi :

Vos Tempe totidem tollite laudibus,

Natalemque, mares, Delon Apollinis,

10

Insignemque pharetra

Fraternaque humerum lyra.

Hic bellum lacrimosum, hic miseram famem

Pestemque, a populo, principe Cæsare, in

Persas atque Britannos

15

Vestra motus aget prece.

1. laud. v. 9, seqq. « Montium domina ut fores, Silvarumque virentium, *Sal-tuumque reconditorum.* » Cl. Müsch.

in Anal. T. II, p. 688, apposite cum h. l. comparat Orph. Hym. XXXI, 4; 5. — *Algido*, monte, prope Romam, in via Appia. — *Erymanthi*, montis in Arcadia, ubi inprimis venationis studium exercere solebat Diana; Hom. Odyss. VI, 103. — *Cragi*, Lyciæ montis; *viridis*, consitus igitur hic mons fuit arboribus, quarum frondes non nigro, ut silvæ Erymanthi, sed viridi colore fuere conspicuæ.

9. *Tempe*, hæc amœnissima in Thessalia vallis una cum Delo memoratur, sive quod in ea Apollo suaviter cum Musis interdum delitescere solebat; sive quod ibi, Pythone serpente occiso, ut expiaretur, commoratus esset. — *Fraterna... lyra*, lyram enim

Apollo debebat fratri suo Mercurio. qui supr. I, 10, 6, *lyræ curvæ parens* dicitur.

13. *Hic*, Apollo, deus averruncus. — *bellum lacrimosum*, triste, exitiosum; ut sup. Od. 8, 14. Hom. πόλεμον δακρυόεντα, *bellum lacrimabile* dixit Virgilius, Æn. VII, 604.

15. *Persas*, h. e. Parthos, Romanis infestissimos; jam satis superque hanc h. v. significationem notavimus. — *Britannos*, ut populum remotissimum, *orbis* (ut dicuntur infr. I, 35, 39) *ultimos*. — *aget*, propulsabit. Cum fine hujus carminis Cl. Müsch. comparat Philippi Thessal. Ep. XLVII, Anth. Gr. II, p. 208. Ζητὸς καὶ Δητοῦς θεροσκέπτε τὰξότι κούρη, Ἄρτεμις, ἢ θαλάμους τοὺς ὀρίων Ἰλαχας, Νοῦσεν τὴν στυγερὴν αὐθημερὸν ἐκ βασιλῆος Ἑσθλὸς τὰτου πέμψαις ἀχρὶς Ἰπερβορέων.

ANALYSIS. Hic hymnus in Dianam et Apollinem, ad quem finem factus fuerit, inter commentatores disputatur. Alii volunt religioso usui, ut alternis caneretur puerorum puellarumque choro, destinatum fuisse, et ita attribuant pueris versum primum, alterum puellis, vv. 3 et 4 utrique choro, vv. 5-8

pueris, vv. 9-12 puellis; tum verba *hæc* (ita enim emendant) *bellum lacrymosum* pueris, *hic miseram famem pestemque* puellis, et quæ sequuntur, choro iterum universo. Hoc autem omnino arbitrarium est, nec ullo substratum argumento. Alii simplicius putant poetam, instante die qui publico Dianæ et Apollinis cultui sacer esset, hoc carmen scripsisse quo puerorum choros, in die festo cantaturos, ad suas partes rite explendas, quasi exhortaretur. His notionibus caremus quæ hanc litem dijudicarent; eligat igitur lector quam sententiam voluerit, comparetque inprimis Carmen Sæculare et Catulli Hymnum in Dianam carm. XXXIV.

CARMEN XXII.

AD ARISTIUM FUSCUM.

Virum probum ubique tutum probat exemplo suo poeta.

INTEGER vitæ scelerisque purus
 Non eget Mauris jaculis, neque arcu,
 Nec venenatis gravida sagittis,
 Fusce, pharetra :
 Sive per Syrtes iter æstuosas,
 Sive facturus per inhospitalem

5

1. *Integer vitæ*, pro vulgari: *vir integre vitæ*; h. intaminatæ, innocentis. Sic infr. Sat. II, 3, 220, *integer animi*, et apud Ovid. Met. IX. 440, *integer ævi* pro: vir ætatis adhuc integre.—*Mauris jaculis*, h. e. Mauretanicis, quibus Mauri ob pericula a feris bestiis, quibus scatebat eorum regio, sibi timenda instructi esse debebant.—*gravida* pro: plena, referta; sic Græcis ἐγκύμων, κυόμενος.

2. Vulgarem sententiam: quamvis iter ei faciendum sit per loca periculosissima, docte exornavit. *Syrtes*, loca

Syrtibus (h. e. vadis illis arenosis in mari ad extremæ Africæ litus, hodie: *Golfè de Sidra et de Gabes*) adjacentia; similiter Noster infr. II, 20, 18, per *Syrtes Gætulas*; et Virgil. *Æn.* IV, 41, *Syrtem inhospitam* extremæ Africæ oras designat; *æstuosas*, ob arenam a solis æstu ibi ferventem; sic Jupiter Hammon ab arenæ æstu in Libya, ubi ejus templum fuit, apud Catull. VII, 8, *æstuosus*, dicitur; et sic apud eundem XLVI, 8, *Nicæa æstuosa*.—*inhosp.* *Caucasum*, montem inter Caspium et mare Nigrum

Caucasum, vel quæ loca fabulosus

Lambit Hydaspes.

Namque me silva lupus in Sabina,

Dum meam canto Lalagen, et ultra

10

Terminum curis vagor expeditis,

Fugit inermem.

Quale portentum neque militaris

Daunias latis alit æsculetis,

Nec Jubæ tellus generat leonum

15

Arida nutrix.

Pone me, pigris ubi nulla campis

situm, qui, quia ob ferarum, quæ ibi latibula sua habent, immanitatem et locorum vastitatem inhabitabilis est, eleganter *inhospitalis* (ἀξενος, ἄξενος, ἀπρόσῳπος) Æschyl. Prom. 19, dicitur. — *vel quæ loca* pro: vel per loca, quæ, etc.—*fabulos*. *Hydaspes*, Indiæ fluvius; non commentitius, fictus, sed notissimus propter miras fabulas quæ de hoc narrabantur. Sic. Plin. H. N. v. 1, *fabulosissimum* Africæ montem Atlantem vocat; et Seneca, Ep. XCIV: «nec me Charybdis et Scylla et fabulosum istud fretum detertere potuisset.»—*lambit*, exquisitius pro: alluit.

9. *Silva Sabina*, quæ adiacebat villæ suæ Sabinæ. ad eamque pertinebat. *Paullum Silvæ* vocat eam, Serm. II, 6, 3, et *silvam jugerum paucorum*, III, 16, 29. — *Lalag*. de qua vid. II, 5. — *ultra term*. h. e. extra terminum intra quem circumvagari solebat in silva; animum enim, qui totus in meditatione carminis et amore Lalages erat, ad viam non adverterat; *curis expeditis*, exquisitius pro vulgari:

animo curis soluto et expedito; sic apud Catull. XXXI, 7: «O quid solutis est beatius curis!» pro: animo curis soluto. — *Fugit inermem*, nam hoc ipsum mirationem faciebat.

13. *Quale portentum*, qualem monstruosam belluam. *Daunias* sc. terra, (γῆ) Appulia, quæ infr. IV, 14, 26: «regna Dauni Appuli» vocatur; *militaris*, bellicosa; nam Appuli et Marsi inprimis inter milites Romanos virtute bellica insignes fuere; cf. infr. III, 8, 9. — *latis æsculetis*, h. e. vastis et late porrectis æsculorum nemoribus. — *Jubæ tellus*, Mauretania, quæ Jubæ ditioni subjecta fuit. — *leonum Arida nutrix*, h. e. arida illa regio, quæ leones inprimis nutrit; τὸ *arida* referendum ad terræ naturam, quæ solis ardore exusta, torrida et *siticulosa*, ut infr. Epod. 3, 16, *Appulia* vocatur, fuit; *nutrix leonum*, similiter Phrygia θρέπτρια λέοντων appellatur in Anth. Græc. Epigr. Ἀδισπ. CLXXIV, I, T. IV, p. 152.

17. Nexus et sensus: certissime igitur de singulari, qua dii me pium

Arbor æstiva recreatur aura;
Quod latus mundi nebulæ malusque

Jupiter urget :

20

Pone sub curru nimium propinqui
Solis, in terra domibus negata :
Dulce ridentem Lalagen amabo,
Dulce loquentem.

et innocentem poetam tuentur, cura persuasus in desertissimis terræ regionibus, sive in zona frigida, sive in zona torrida, securo animo amoribus meis vacare potero.—*pigr. ubi nulla campis*, etc. sequitur primum *frigida*, deinde *torridæ zonæ* descriptio, quarum altera ob nimium solis ardorem ab hominibus non habitari posse putabatur. Veterum de quinque zonis opinionem ad elegantissimam earum descriptionem apud Virg. Georg. I, 233, docte et accurate exposuit *Vossius*; cf. Tibull. IV, 1, 183; Ovid. Met. I, 46 seqq.—*Pigri campi* sunt steriles, inculti, ubi omnia torpent; similiter *pigra hiems* apud Ovid. Am. III, 6, 94, et *iners bruma* apud Nostr. infr. IV, 7, 12.—*æstiva aura*, mitioris, qualis æstate spirare solet,

auræ adflatu.—*latus mundi*. *Zonæ* enim frigida nobis extremæ partes terræ videntur, ideoque quasi latera mundi.—*malus Jupiter*, apissus, frigidus et malignus aer; *urget*, tanquam onus premit, incubat.

23. *Sub curru solis*, in zona torrida super quam sol currum suum semper ducit. Hæc regio maximo æstu uritur, non quod sol ei propior sit, ut per errorem putabant veteres, sed quod directos ei radios immittat.—*domibus negata*, inhabitabili, ut falso arbitrabantur veteres.—*Dulce rid. Lalag. am. Dulce loqu.* Ibi quoque in amore, quo dulcissimam Lalagen amplector, securitatem mihi præstabit pietas mea et innocentia. *Dulce ridentem... dulce loquent.* Græcorum ἡδὺ γελᾶν, ἡδὺ λαλεῖν.

ANALYSIS. Horatius magnam vitæ periculum effugerat; inde firmior in hac veterum opinione factus est poetas inprimis diis caros esse, et ab ipsis defendi, dum neminem læderent, ac nugis tantummodo suis dediti ac paupertate sua contenti agerent. Igitur hinc oden orditur, vir innocens, id est, vates, innocentia sua ubique tutus est, vv. 1-8. Tum periculum quod evasit, narrat atque auget, vv. 9-16. Denique ubivis terrarum tutum se sua integritate, eaque fretum tranquillo animo fore proficitur, vv. 17-24.

Fuscus Aristius ad quem carmen scriptum est, erat grammaticus et rhetor non contemnendus, familiarissimus atque amicissimus Horatii, jocosus idem et facetus homo. V. Epist. I, 10; Serm. I, 9, 61.

CARMEN XXIII.

AD CHLOEN.

Puellam hortatur ut, jam tempestiva viro, amoris suo respondeat.

VITAS hinnuleo me similis, Chloe,
Quærenti pavidam montibus aviis

Matrem, non sine vano

Aurarum et siluæ metu.

Nam seu mobilibus vepris inhorruit

5

Ad ventum foliis, seu virides rubum

1. *Hinnuleo*. *Hinnuleus*, pro hinnulus, ut supr. I, 17, 9, *hæduleæ* pro hæduli. Delicatissime comparat poeta puellæ pudorem cum hinnuli metu qui primum a matre discessit. — *pavidam*, jam non sua tantum, sed pulli quoque pericula paventem. — *non sine vano Aur. et siluæ metu*, dum per levissimum quemque ab aura in silvis excitatum strepitum vano timore percellitur. Hæc vox *siluæ* triarum syllabarum, propter versus mensuram, est scribenda et pronuntianda sic: *siluæ*.

5. Vulgata lectio: *Nam seu mobilibus veris inhorruit* Adventus foliis, servata et defenaa a. novissimis editoribus, sane, quod attinet dictionis elegantiam et doctam orationis inversionem: *adventus veris mobilibus foliis inhorruit*, pro: mobilia folia inhorruerunt adventu veris (h. e. venti vernalis, Zephyri, flatu), Horatio dignis-

simæ est; sed, si rem spectas, difficultatibus illa laborat, quas non tam facile expedias. Nam primum arbores nondam sub veris adventu inquerunt folia, quæ ventus movere et impellere possit; deinde hinnuli non sub veris adventu, sed sub ejus fine, mense Junio demum, quo nascuntur, matres suas sequi solent; aiunt quidem, plurimas in Italia esse arbores silvestres, v. c. laurum, myrtum, etc. quæ hieme non priventur foliis, vel per *folia mobilia* ea, quæ in terram deciderint, intelligi posse, cervas autem et capreas per duos et tres annos secum ducere hinnulos; sed illas arbores vel arida folia, humi jacentia, poetam respexisse, vix probabile, et alterum de hinnulis falsum est; caprearum enim et cervarum pulli, jam unum annum nati, neque amplius sunt hinnuli, neque matribus amplius adhaerent, multo

Dimovere lacertæ,

Et corde et genibus tremit.

Atqui non ego te, tigris ut aspera,

Gætulusve leo, frangere persequor.

10

Tandem desine matrem

Tempestita sequi viro.

minus eas pavidas in silvis quærunt; itaque quum omnes has difficultates removeat plane ingeniose et levissima mutatione a Benteio constituta lectio, ubi *vepris* et *rubus* egregie sibi respondent, eam, in textum receptam, secutus sum. Pro *vepris* legerunt Muræus et Scaliger *vitis*, utpote quæ folia multo mobiliaora quam *vepris* habeat, hanc autem vocem *vepris* in hoc versu retinendam putamus, quæ huic *rubum* in subs. optime respondeat.—*mobil. foliis inhorruit*, ἀριστερός, leni mobilitum foliorum horrore, h. e. agitatione, impelli solet.—*Ad ventum*, h. e. flante vento. Ovid. Trist. I, 10, 3: « Sive opus est velis, minimam bene currit (sc. navis) ad auram », h.

e. minima aura flante. — *Et corde et genibus tremit*. Cor ejus micat et genua labant, quæ pavoris solennes imagines sunt.

9. *Gætulus leo*, leo Africanus pro quovis alio, quia leonum parens et nutrix est Africa, cujus pars Gætulia. — *te frangere persequor*, græce pro: te frangendam, vel ut te frangam. — *frangere*, de belluis immanioribus, pro: discerpere, dilaniare, ἀγνύναι. — *matrem sequi*, servata imagine de hinnulis, pro: eam comitari, lateri ejus semper adhærere. — *Tempestita viro*, h. e. nubilis, ὁραία γάμου. Suaviter puellam nubilem Virg. Æn. VII, 53, describit sic: « Jam matura viro, jam plenis nubilis annis. »

ANALYSIS. Chloen, quam, viro licet jam tempestitam, delicias tamen, quas poeta in amore apud eam facturus erat, trepido animo refugientem, nec a sinu matris se avelli patientem, suaviter cum hinnulo, qui levissimo quoque strepitu exterritus anxie matrem in silvis quærere soleat, comparat, ut, relicta tandem matre, se, a quo nihil crudelitatis ei timendum sit, sequatur, permovere studet.—Græci cujusdam poetæ imitationem quam totius carminis color prodit, tum fragmentum apud Athenæum IX, 12 (quod Anacreonti vulgo tribuitur) sic a Benteio refictum:

Ἄτε νεβρὸν νεοθελία γαλαθηνὸν, ὅς ἐν ὕλῃ
Κεροίσσης ἀπολειφθεὶς ὑπὸ μητρὸς ἐπτοήθη.

CARMEN XXIV.

AD VIRGILIUM.

Virgilium ob Quinctilii Vari obitum immoderate deflentem
consolatur.

QUIS desiderio sit pudor aut modus
Tam cari capitis? Præcipe lugubres
Cantus, Melpomene, cui liquidam Pater
Vocem cum cithara dedit.

Ergo Quinctilium perpetuus sopor
Urget? cui Pudor, et Justitiæ soror,

5

1. *Quis des. sit pud. aut modus*
Tam car. cap. quam pulcre et breviter
pro vulgari: Cui, quæso, dedecori sit
desiderium, quo tam carus amicus
efflagitatur, vel quis modum in eo te-
nere, h. e. ab eo sibi temperare, va-
leat? *Tam car. cap.* tam boni et di-
lecti amici, φίλος καὶ ἀλλήλος. — *Præ-*
cipe, h. e. doce me canere, præcine.
Musæ delegat partes, quas præ doloris
gravitate se ipsum sustinere posse de-
sperat; et sic passim poetæ res gra-
vioris momenti Musis memorandas de-
mandant; cf. Catull. LXVIII, v. 48;
Virgil. Eclog. VIII. 63. translatum
autem est τὸ *præcipere* e res cenica,
ubi chori magistri carmina choro ca-
nenda *præcipiunt*, h. e. præcinent. —
liquidam, h. e. claram, sonoram, dul-
cisonam; sic apud Ovid. Am. I, 13, 8,
liquidum cantare dicuntur aves, qui-

bus Lucretius V. 1378, *voces liquidas*
tribuit. — *Pater*, h. e. Jupiter, qui Mu-
sas ex Mnemosyne procreasse dicitur.

8. *Ergo Quinct. perp. sop. Urg.?*
pro vulgari: ergo Quinctilius mortuus
est? Tenerrimum poetæ affectum sta-
tim prodit, animumque ad rem con-
vertit hæc vox *ergo*, quæ dolentis est,
eademque vi posita qua Propert. III,
7, 1: « Ergo sollicitæ tu causa, pecu-
nia, vitæ es. » — *perp. sop.* — *sopor*
vel *somnus*, qui *Leti consanguineus*
(Virg. Æn. VI. 278.) modo, *perpe-*
tuus, ἀνέριμω, modo *longus*, μακρός,
νίηπτος, modo *ferreus*, χαλκίος, di-
citur, sexcenties de morte. Virgil.
Æn. XII, 309: « Illi dura quies ocu-
los et ferreus urget Somnus; in æter-
nam clauduntur lumina noctem. » cf.
ad Catull. V. 8. — *cui Pud. et Just.*
sor. etc. quis unquam reperiri poterit

Incorrupta Fides, nudaque Veritas
Quando ullum inveniet parem?

Multis ille bonis flebilis occidit,
Nulli flebilior, quam tibi, Virgili;
Tu frustra pius, heu! non ita creditum

10

Poscis Quinctilium Deos.
Quod si Threicio blandius Orpheo
Auditam moderere arboribus fidem,
Non vanæ redeat sanguis imagini,
Quam virga semel horrida,

15

eo modestior, justior, sanctior, et candidior? Observent tirones in magnifico hujus simplicis sententiæ ornatu poetæ artem. — *Pudor*, de *Pudore*, ut Deo, Cl. *Mitsch.* laudat Euripidis *Fragm. Hippol.* apud *Stob.* t. 31. — *Incorrupta*, corrumpi nescia, sancta, intemerata. — *nudaque Veritas*, quæ nihil adscititii habet quo aliis fucum faciat; quæ aperta, fraudum expers.

9. *Nulli flebilior quam tibi*, Quinctilii enim fuit, ut docet *Servius*, Virgilio amicus et affinis. — *Tu frustra*, etc. Sensus est: jure quidem ac merito flere potes amicum tuum, sed frustra pia vota pro eo reddendo nuncupas, quem non tibi dii restituent, quamvis etiam moderere fidem, etc. — *non ita creditum*, non ita commissum tibi, ut eum perpetuo possideres.

13. Sensus: Quamvis dulcius caneres Orpheo, cui arbores adeo aures præbuere, Quinctilii tamen anima, semel inexorabilis Mercurii virga ad inferos compulsa, nunquam in corpus redibit, h. e. Quinctilium semel mortuum haud in vitam revocabis. Nuperrime prolata in edit. *Vanderburgii*

lectio: « Quid? si Threicio. » — *Num vanæ redeat — gregi?* quam tantopere aliis placere video, mihi quidem parum placet. Immo haud temere sollicitandam esse particulam *non*, cum gravitate positam, satis docent alia loca, huic nostro simillima; *infr.* IV, 7, 23: « Quum semel occideris, et de te splendida Minos Fecerit arbitria, Non, Torquate, genus, non te facundia, non te Restituet pietas »; et II, 14, 8: « Non si trecentis, quotquot eunt dies, Amice, places illacrimabilem Plutona tauris »; et sic passim. — *moder. fid. Fidem moderari*, ut *lyram temperare*, pro: pulsare. — *Auditam arboribus*, cf. *supr.* I, 12, 11. *arboribus* est casus tertius. — *Non van. red. sang. imag.* vana imago, h. e. anima sine corpore, non redeat in corpus, quod vim vitalem a sanguine accipit, h. e. in vitam humanam. — *Animæ mortuorum*, quia externam speciem corporis, quod in vita habuerunt, repræsentare putabantur, dicuntur *imagines* (*simulacra*, ὑδῶλα), sed *vanæ* et *inanes*, sanguine quippe, carne et ossibus, h.

Non lenis precibus fata recludere,

Nigro compulerit Mercurius gregi.

Durum! Sed levius fit patientia,

Quidquid corrigere est nefas.

20

e. vero et solido corpore destitutæ; in sententiam commodæ Cl. Mitsch. laudat Æschyl. Agam. 1026 sequ. τὸ πτόν δ' ἀπαξ ἐπὶ γὰρ Προπάροιθ' ἀνδρὸς θανάσιμον Μῆδαν αἶμα τίς ἀν Πάλλιν ἐγκαλέσται' ἐπασίδων. — *horrida*, horrorem incutiente, ita ut non ad significationis proprietatem de Virga aspera, ramulis nempe sursum erectis, compacta, explicandum sit; *aurea virga* tribuitur Mercurio *ψυχρομυῶ* supr. I, 10, 18, ubi cf. not. — *Non len. prec. fata reclud.* non audiens preces, ut viam, qua, qui ex fato ad Orcum destinati sunt, in vitam redeant, recludat et aperiat; nam (Propert. IV, 11, 2.) « Panditur ad nullas janua nigra preces », Oppian. Halieut.

IV, 304, ἀνέχθαιτος αἰδὸς εὐνή, ubi plura exempla in hanc sententiam congestit Rittersh. — *fata igitur recludere* docta brevitate pro : viam ex Orco in vitam redituris oclusam recludere. — *lenis fata recludere*, græce, ut sæpe apud Nostrum, ut fata recludat, ad fata recludenda. — *Nigr. compul. gregi*, similiter Mercurius animas, ut pastor gregem, virga sua compellens inducitur apud Lucian. Catapl. §. 3 : πλησίον αὐτὸς εὐτεας, (Mercurius) ὡς ὄρεας, πολλοὺς τινὰς ἡμῖν ἄγων, μᾶλλον δὲ, ὥσπερ τι αἰπόλιον, ἀθρόους αὐτοὺς τῇ ῥάβδῳ σοβῶν. — *nefas est*, non licet. Notum ut hi duo extremi versus quasi in proverbium transierint.

ANALYSIS. Virgilium, graviter de morte Quinctilii dolentem, consolaturus, consolandi rationem init longe prudentissimam. Non enim, quæ sapientes de supprimendo dolore jactare solent, præcepta repetit, sed justum piumque de carissimi amici morte dolorem probat, immo mollissimo animi affectu in ejus societatem venit, et, laudatis singulis Quinctilii virtutibus, eum, qui non solum a Virgilio, quamquam ab eo præcipue, sed etiam ab omnibus bonis defeatur, dignissimum esse ait; et sic ad patientiam, qua levius feratur, quicquid mutari nequit, Virgilio commendandam, egregie sibi viam munit. — Scriptum hoc carmen esse ad magnum illum poetam Maronem, quum ex summa quæ inter utrumque poetam viguit, amicitia, tum ex vv. 13, 14, colligi potest. — *Quinctilius* autem idem esse videtur, cujus *judicium acutum et severum* infr. in Epist. ad Pis. 438 laudatur, de quo Hieronymus Chron. Euseb. ad Olymp. CLXXXIX, 1 (U. C. DCCXXXIX), hæc notat : « Quinctilius Cremonensis, Virgillii et Horatii familiaris, moritur. »

CARMEN XXV.

AD LYDIAM.

Lydiam acriter mordet, senectutem jam ei turpissimamque sortem
imminere graviter monendo.

PARCIUS junctas quatiunt fenestras
Ictibus crebris juvenes protervi,
Nec tibi somnos adimunt : amatque

Janua limen,

Quæ prius multum facilis movebat

5

Cardines. Audis minus et minus jam :

1. *Parcius*, rarius, minus frequenter. — *junct. quat. fen. Fenestæ junctæ*, sunt valvæ, *fenestris* (h. e. parietum foraminibus, quibus lux immittebatur) *junctæ*; nam tum temporis fenestæ, nondum ex vitro factæ, valvis inprimis muniri solebant; hinc *fenestæ biformes* apud Ovid. ex Pont. III, 3, 8, et Amor. I, 8, 3 : « Pars ad aperta fuit, pars altera clausa fenestæ »; itaque *fenestæ junctæ* valvis, vel valvæ *junctæ* fenestris, jam sunt *clausæ*. — *protervi* (ᾰσέλγεις) refer ad lascivam petulantiam juvenum, qui iteratis ictibus fenestras quatiendo admitti cupiunt. — *Nec tibi somn. adim.* vim sarcasmi quis non sentit? laudant Propert. II, 16, 8, ad Cynthia rus profectam : « Nulla neque ante tuas orietur rixa fenestras,

Nec tibi clamatæ somnus amarus erit. » — *amatque Jan. lim.* *Quæ pr. m. fac. mov. Card.* et janua, cujus cardines sæpe multumque antea movebantur, nunc quasi amanter limini suo adhæret; suaviter pro vulgari : et nunc raro amatores intrant januam, quam prius celebrabat amatorum frequentia; *janua amat* (φιλᾷ) *limen*, amanter quasi consuescit cum limine, h. e. raro aperitur; cf. infr. II, 3, 10. — *multum facilis*, facillima, paratissima, pro : sæpissime. — *Me tuo*, etc. sunt verba juvenis, noctu ante ædes puellæ porrecti (θυραλωτῶ-τος), et carmen flebile (παράκλαυσί-θρον) quale est infr. III, 10, ut intromittatur, canentis. — *tuo*, qui te perdit amem, qui me totum tibi ad-dixim. — *pereunte*, frigore nempe

Me tuo longas pereunte noctes,

Lydia, dormis!

Invicem mœchos anus arrogantes

Flebis in solo levis angiportu,

10

Thracio bacchante magis sub inter-
lunia vento:

Quum tibi flagrans amor, et libido,

Quæ solet matres furiare equorum,

Sæviet circa jecur ulcerosum;

15

Non sine questu,

et imbribus, ut infr. l. I, 4 — 7. — *longas noctes*, notissimus in hanc rem est versus infr. Epp. I, 1, 28: « Ut nox longa, quibus mentitur amica, diesque Longior. » Comparant Asclepiadis, Ep. XXIII, Anthol. Græc. T. I, p. 148: Νύξ μακρὴ καὶ χεῖμα, μέσση δ' ἐπὶ Ἰδαιάδα δύνει, Κάγω πὰρ προθύρῃς νείσσεμαι βόμενος, Τρωθεὶς τῆς δολίης Ἑλένης πόθῳ.

9. *Invicem*, etc. Sensus: tu vicissim mox anus levis, sub interlunia, ubi multo magis et vehementius furere solet Boreas, in viis solis et angustis copiam tui factura, mœchos adeo arrogantes esse et te contemnere dolebis. — *levis*, mutato animo, quæ quum olim arroganter ac superbe amatores tractasset, se nunc facillimam iisdem præbet; seu simpliciter, quod potius videtur, mobilis, vaga, errans. — *angip. Angiportus* et *angiportum* via angusta et parum ab hominibus frequentata; hinc dicitur *solus*, h. e. desertus; Terent. Eunuch. V, 2, 6: « ubi vidi, ego me in pedes, quantum queo, in *angiportum* quoddam *desertum* »; prostare autem ibi solebant scorta, ut

cum Catullo loquar, *semitaria*. — *Thracio vento*, h. e. Borea; sic infr. Epod. 13, 3, *Threicius aquilo*; Græcis enim ex Thracia, ventorum patria, flabat Boreas. — *bacch. mag.* τὸ *magis* ad *bacchante* referendum esse puto, quum vere venti *sub interlunia*, h. e. eo temporis intervallo, ubi nec vetus, nec nova luna conspicitur, vehementius, ut tradit Veget. IV, 40, sævire soleant. — Cl. Mitsch. sublata post *vento* interpunctione τὸ *magis* ad *sæviet* in v. 15, trahit, et verba ita inter se conciliat: « quum tibi amor et libido circa jecur sæviet magis quam Thracius ventus, qui sub interlunia bacchatur », sed, ut fatear, hæc ratio nimis dura mihi videtur.

13. *Quum tibi flagrans*, etc. quam graviter! pro vulgari: cum libidinis explendæ eris cupidissima; — *matres fur. equor.* Græcorum ἵππομαγνῖν: Scilicet ante omnes furor est insignis equarum, Virgil. Geor. III, 180; « in furias agitantur equæ. » Ovid. A. A. II, 487. — *circa jecur*, ut iræ et cupiditatum, ita et libidinis sedem; cf. supr. I, 13, 4. Apposite Cl. Mitsch.

Læta quod pubes hedera virenti
 Gaudeat pulla magis atque myrto;
 Aridas frondes Hiemis sodali
 Dedicet Hebro.

20

laudat Theocrit. XI, 16 : ἔχων ὀπο-
 κάρδιον Ὀλκος Κύπριδος ἐκ μεγάλας τὸ
 οἱ ἥπατι πᾶξε βέλεμενον; et XIII, 71 :
 χαλεπὸς γὰρ ἔσω θεὸς ἥπαρ ἄμυσσεν.
 Hinc Macedon. Epigr. VIII, Anth.
 Gr. T. III, p. 83 : Ἀἴξον Ἐρως κρα-
 δῖνός τε καὶ ἥπατος; unde Anacreon :
 Ταῦτα καὶ με τύπτει μέσσην ἥπαρ. —
ulcerosum, libidinibus foede lacera-
 tum et vulneribus plenum; nam *ulcus*
 sæpe de *vulnere* usurpatur; et Noster
 sic adhibuit *ulcerare*, Epp. I, 18, 72 :
 « Non ancilla tuum jecur ulceret ulla. »
 Horatius hic declarat senectute non
 extinctam esse Lydiæ inveteratam li-
 bidinem, cujus vulnera nunquam coa-
 luerunt.

16. *Non sine questu*, acriter quæsta.
 — *Læta quod pubes*, etc. quod læta ju-
 ventus magis delectetur virente hedera
 atque pulla myrto, at frondes aridas
 ventis dissipandas tradat; suavissima
 allegoria! pro: quod juvenes magis de-
 lectentur puellæ ætate florentibus, at

vetulas facessere jubeant. — *hedera
 virenti*, cum hedera passim puellæ
 teneræ comparantur; cf. infr. I, 38,
 20, et Epod. 15, 5. *pulla*, nam myrti
 frondes, teneræ inprimis et recens ef-
 florescentes, subnigri et fusi fere co-
 loris sunt; cum *myrto* Manlii sponsam
 Juliam, comparat Catull. LXI, 21 :
 « Floridis velut enitens Myrtus Asia
 ramulis. » — *Aridas frondes*, similiter
 vetulas per *quercus aridas* designat
 Noster infr. IV, 13, 9. Cl. *Mitsch.*
 comparat in hanc rem Æschyl. Agam.
 79, et Macedonii Epigr. XVI, 7, 8.
 Anthol. Græc. T. IV, p. 85. — *Hi-
 emis sodali Dedicet Hebro*, Hebrus
 fluvijs est Thraciæ, qua in regione
 quasi sedem posuisse hiemem arbitra-
 bantur veteres, unde Hebrus *hiemis
 sodalis* recte dici potuit. Alii legere
 voluerunt *Dedicet Euro*; sed quis
 ignorat Eurum, ab Eois regionibus
 flantem nunquam hiemis sodalem dici
 potuisse?

ANALYSIS. Lydiam, jam senescere, et ab amatoribus, quos superbe forma
 adhuc potens tractaverat, deseri incipientem, petulanter hoc carmine exagitat
 Horatius. Auguratur nempe poeta, fore ut Lydia, quæ tanto fastu amatores
 rejecerit, fiat in posterum prostibulum. — Græcum quendam poetam, quem
 Noster expressisse videtur, totum carmen spirat. — Ceterum compara infr.
 III, 18, et IV, 13, ubi Chloridem et Lycen, ut vetulas, similiter fere traducit.

CARMEN XXVI.

DE ÆLIO LAMIA.

Se Musarum commercio unice indulgere, et earum ope Lamiam celebrare velle.

Musis amicus tristitiam et metus
Tradam protervis in mare Creticum
Portare ventis; quis sub Arcto
Rex gelidæ metuatur oræ,

1. *Musis amicus*, ego, qui Musas amo, et ab iisdem vicissim amor, pro vulgari: ego poeta, et hoc jam pro: ego, dum carmen in Lamiam meum meditor; comparant, Virg. Æn. IX. 774: «Amicum Crethea Musis, Crethea Musarum comitem, cui carmina semper, Et citharæ cordi, numerosque intendere nervis.» Similiter φίλος Μοίσαυ; apud Theocr. VI, 98. — *trist. et met. Trad. prot.* etc. omnes curas et sollicitudines ex animo dimittam; nam poetarum animus omni sollicitudine liber et vacuus esse debet; hinc Ovid. Trist. I, 1, 39: «Carmina proveniunt animo deducta sereno»; cf. eundem Trist. V, 12, 3, et Euripid. Suppl. 180 seqq. — *Trad. prot... vent. Ventis aliquid tradere* nota loquendi apud poetas ratio de rebus, quas vel procul a nobis avertere cupimus, vel parum curamus et leviter ex animo dimittimus; sic Græcis ἀνέμοις vel αὔραις διδόναι. Anacr.

Fragm. II, 9, 10: Ἐμῶν φρεσὼν μὲν αὔραις Φέρεν ἰδῶκα λύπας. Plura in hanc rem loca excitavit Cl. Mitsch. ad h. l. et Cerda ad Virg. Æn. IX, 373. — *protervis*, h. e. petulanter insultantibus; similiter Austros *procaces* dixit Virgil. Æn. I, 536, et Euros *petulantes* Lucret. VI, 110. — *Creticum*, epitheton ornans, pro quovis alio; *tradam portare* græce (φέρειν δῶσω) pro: tradam portandos. — *quis s. Arct. R. g. m. or. Qu. Ter. ter. un. Sec.* poeta volebat subjicere. a curis, quibus alii terrentur, alienissimus; quam sententiam poetice exornavit. Nonnulli legunt *quís*, h. e. quibus, cui populo. Non video autem quorsum hæc immutatio. Quid enim facilius ac simplicius quam hunc locum ita explicare: alii multis curis sponte laborent; ego non curo quisnam rex metum injiciat Arctoís oris, neque quale periculum terreat Teridatem? — *Rex gelidæ oræ*, regionis Arctosæ, borealis,

Quid Teridatem terreat, unice

5

Securus. O, quæ fontibus integris

Gaudes, apricos necte flores,

Necte meo Lamiae coronam,

Pimplei dulcis; nil sine te mei

Possunt honores: hunc fidibus novis,

10

Hunc Lesbio sacrare plectro,

Teque tuasque decet sorores.

aut pro quovis alio remotissimæ regionis rege, aut per allusionem alicui eventui quem, in isto tempore notissimum, in nostro dignoscere difficillimum est. — *Teridatem*, Teridates, semel a Phraate e regno Parthorum pulsus, deinde vicissim Phraate ejecto, eidem rursum præfectus, jam nuncio allato regem Scytharum, Phraatis in regnum restituendi causa, magnum contra se ducere exercitum, novis terrebatur periculis. — *unice*, maxime, mirum in modum, prorsus.

6. *O, quæ font.* — *Pimplei dulc.* jam carmen in Lamiam suam exorsurus, repente se convertit ad Musam, quasi ei soli carminibus tantum virum æternitati commendandi datasit facultas. — *fontibus*, sc. poeticis: « sanctos ausus recludere fontes », Virg. Geor. II, 178: « admovent fontibus ora, Unde pater sitiens Ennius ante bibit », Prop. III, 2, 8. — *integris*, a nemine adhuc tactis; *fontes integri*, per quos designatur poesis lyrica, respondent *novis fidibus*, v. 10, et *Lesbio plectro*, v. 11. Horatius nempe primus ex fontibus, quos nemo adhuc Romanorum tetigerat, hausit, h. e. primus

Romanorum poësin lyricam tentavit. — *apric. nect. fl.* *Nect. m. La. cor.* pro vulgari: carmine Lamiam meum celebra; *corona*, quam nectere et capiti alicujus imponere dicuntur poetæ, passim de carmine, quo laudes alicujus celebrant; sic apud Virgil. Eclog. VIII, 12, de carmine Asinio Pollioni sacro: « atque hanc sine tempora circum Inter victrices hederam tibi serpere lauros », et sic apud Pind. Nem. XII, 113, στεφάνους εἶρεν, et Olymp. VI, 147, ὕμνους πλέκω, plura dabit Cl. Mutsch. — *Pimplei*, Πιμπλῆ, Musa, a Pimpla, vel Pimpleæ, Thraciæ fonte, Musis sacro; *dulcis*, a cantus dulcedine, ὠδυαπής; *honores*, carmina, sic τιμαὶ κλυταὶ apud Pindar. Nem. IX, 24, cf. Mutsch. — *fidibus novis*, carmine novo, h. e. lyrico, quale nemo apud Romanos ante Horatium cecinit, vel, ut ipse ait infr. III, 30, 13, quod *princeps ad Italos modos deduxit*. — *Lesbio plect.* cf. supr. I, 1, 34, et notata ad hunc locum. Cf. etiam infr. Od. 32. — *sacrare*, memoriæ hominum consecrare, tradere, h. canere. Stat. Silv. IV, 7, 7: « Si tuas cantu latio sacravi, Pindare, Thebas. »

ANALYSIS. Poeta nimirum in Musarum consortio cæterarum rerum, quæ

animum adfligant ac perturbent, curam a se alienam putare, seque studiis poeticis vacantem nihil nunc antiquius habere profitetur, quam Lamiae laudes celebrare. Quas quidem dum ipse non exsequitur, sed Musis canendas delegat, splendidissimo Lamiam condecorat elogio, dignum, quem Musae ipsae extollant, eum judicando.

Fuit autem poetae nostri amicus Aelius Lamia, tam generis antiquitate (vid. infr. III, 17, 1) quam doctrina et rebus bello Cantabrico clarus ac nobilis.

CARMEN XXVII.

AD SODALES.

Ad moderatum vini usum decentemque lætitiā hortatur convivas.

NATIS in usum lætitiæ scyphis

Pugnare, Thracum est : tollite barbarum

Morem, verecundumque Bacchum

Sanguineis prohibete rixis.

Vino et lucernis Medus acinaces

5

1. *Natis*, h. e. factis, effectis. Martial. XIV, 102 : « Accipe non vili calices de pulvere natos. » — *in usum læt.* in eum finem, ut essent lætitiæ instrumenta. — *scyph.* *Scyphus*, qui proprie ut *cantharus* (cf. supr. I, 20, 2.) Baccho sacer (Macrob. V, 21), jam pro quovis poculo. — *Thracum est*, sc. mos. cf. supr. ad I, 18. 9. Ait enim Thucydides, lib. VII : τὸ γένος τῶν, Θρακίων ὅμοια τοῖς μάλιστα τοῦ βαρβαρικῷ, ἐν ᾧ ἂν θαρσύνῃ, φωνικώτατόν ἐστι. — *barbarum Morem*. Scythicum vocat hunc bibendi morem Anacreon, e Scythis enim Thrace sortierant : Ἄγε δῶτε, μὴδ' οὕτω Πατάγῃ τε κάλλιπτό Σαυθαῖν πόσιν παρ' οἴνῃ

Μελιτώμην. — *ver. Bacch. Sangu. proh. rix.* h. e. et a computatione, ubi modeste et verecunde percipi debent Bacchi munera, procul abesse jubete rixas sanguineas, h. e. ad vim et cædem spectantes. — *verecundus Bacchus* ut supr. I, 18, 7. *Bacchus modicus*, de verecundo et modico, qualis Baccho placet, vini usu. *Bacchum prohibere rixis* pro : rixas remove et arcere a Baccho ; sic apud Liv. XXXI, 28 : « Agros sociorum populationibus prohibere » pro : populationes arcere ab agris sociorum.

3. *Vin. et l. M. ac. Im. qu. discr.* dici enim vix potest, quantum cædes a nocturnis computationibus discrepet.

Immane quantum discrepat! impium

Lenite clamorem, sodales,

Et cubito remanete presso.

Vultis severi me quoque sumere

Partem Falerni? dicat Opuntia

10

Frater Megillae, quo beatus

Vulnere, qua pereat sagitta.

Cessat voluntas? non alia bibam

— *Medus acinaces*, gladius, quem Medi, h. e. Parthi (cf. supr. I, 2, 81), gestare solebant, jam pro quibusque armis, quibus caedes perpetratur. — *Immane quantum* pro vulgari: mirum quantum, h. e. longissime, ad verbum Aristophanis *μᾶνιν δσον*. — *discrep.* discordet, nihil rei sit cum vino. — *impium*, h. e. insanum, quo praeter pietatem et amicitiam sodales contra sodales assurgunt, et Bacchum offendunt. — *et cubito remanete presso*, neque ex lectis vestris ad rixam surgite; *accumbentes* enim apud veteres *se reponabant* (ut infr. Nost. loquitur Sat. II, 4, 39) *in cubitum*, nempe sinistram. — *presso*, h. e. impresso, vel innixo ac pulvillis substratis; hinc pulvillus cœnantium cubito suppositus infr. Sat. II, 3, 255, dicitur *cubital.* Opportune in sententiam comparat Cl. Müsch. Phœyl. (Brunck. Gnom. p. 92), Fr. VII: *Χρή δ' ἐν συμποσίῳ καλίων περι- νισσομένων ἥδε τα κατ' ἰλλοντα καθύμνον οἰνοποταζέιν*.

9. Horum v. cum superioribus hic esse mihi videtur nexus: Thracum est rixis sanguineis inter bibendum indulgere; clamores et motus insanos lenire decet, et potationibus lætos sed placidos sermones potius miscere,

nec ego jam vobiscum bibam, nisi sedatum ineamus colloquium, nisi, v. g. frater Opuntiae nomen puellae, quam amat, significet; et inde amatoriae confabulationi initium dat poeta. Designandae puellae adhortatio ad hunc veterum morem referenda videtur, quo in conviviis, amicam quisque conviva nominabat, et alii tot cyathos hauriebant, quot in nomine literae erant, ut liquet ex his versibus Martialis, lib. I: « Naevia sex cyathis, septem Justina bibatur, quinque Lycas, Lyde quatuor, Ida tribus. Omnis ab infuso numeretur amica Falerno. » — *severi*, austeri, amari; nam grata amaritudo pertinet ad virtutem vini Falerni; hinc Catullus XXVII, 1: « Minister vetuli, puer, Falerni, Inger mi calices amarior. » — *Opun. Meg.* — *Megilla* dicitur *Opuntia*, ab ejus patria, Opunte, Locridis oppido; fuit autem haec puella haud dubie pulcritudine sua tam nobilis, ut omnibus esset notissima; in *beatus*, *vulnere*, et *perire* observent tirones suavem verborum oppositionem; simili suavitate *Amor* Posidippo Epigr. XI, 4. Anthol. Græc. T. II, 49, dicitur *γλυκύπικρος*, et apud Catull. LXIV, 95: « Sancte puer, caris hominum qui gaudia misces. »

Mercede : quæ te cunque domat Venus,

Non erubescendis adurit

15

Ignibus; ingenuoque semper

Amore peccas. Quidquid habes, age,

Depone tutis auribus.... Ah! miser,

Quanta laboras in Charybdi,

Digne puer meliore flamma!

20

Quæ saga, quis te solvere Thessalis

Magus venenis, quis poterit Deus?

13. *Alia Mercede*, h. e. alio pacto, alia conditione. — *Quæ te cunque dom. Ven.* etc. quæcunque te captum tenet puella, non est, quod ejus amoris te podeat, nam tu semper ejusmodi sectaris amores, qui juveni ingenuo haud dedecori sunt. — *Amore peccare simpliciter* pro: amare, ut infr. I, 33, 9, et sic sæpe alibi, præcipue de amore haud legitimo. — *Quidquid habes*, quæcunque demum amas puellam; similiter Catullus VI, 18: « Quare, quicquid habes boni malique, Dic nobis. » — *Depone tutis auribus*, committe mihi, cui tuto, et sine omni metu, ne evulgetur, committere potes. Auribus tutis opponuntur infr. Sat. II, 6, 46, aures rimosæ. — *Ah miser.* Hic poeta, audito puelle nomine, exclamat vivide, dolens juvenis amorem, quem speraverat ingenuum, ipsi non nisi indecorum ac funestum fore. — *Quanta lab. Charyb.* — pro *laboras in Charybdi* vulgo legitur: *laborabas Charybdi*, quod explicant: huc usque laborabas et adhuc laboras; sed *Bentleius*, quum neque hunc imperfecti usum in hoc loco concoquere posset, neque præpositionem *in* ad locutionem *laborare* facile desiderari posse exi-

stimaret (aliud enim esse *laborare morbo, frigore, inopia*, etc. aliud *laborare in itinere, in silva, in mari, in puella*, ut supr. I, 17, 19), egregie pro *laborabas* ad orationis simplicitatem, juvandam dedit: « Quanta laboras in Charybdi, » h. e. quam periculosam tibi puellam amas! Visa igitur mihi est hæc lectio, quam in textum reciperem, dignissima. — Suaviter autem meretrix, rapaciter amatorum bona absorbens, notæ illi inter Italiam et Sicil. voragini, Charybdi comparatur; cf. Cl. *Mitsch.* qui Græcorum in hanc rem exempla suppeditat; hinc Sidon. Ep. IX, 6, meretricem *domesticam Charybdin* vocat.

21. *Thessalis venenis*, herbis potentibus (φαρμάκων) quarum in artis magicæ usum feracissima fuisse dicitur Thessalia. — *quis poterit Deus?* Solenne hoc ac fere proverbialiter in perditis ac desperatis rebus. Lucian. in Lucio, t. II, p. 574: Θεραιεύσαι δὲ οὐδὲις ἄλλος, οὐδὲ θεὸς ἰσχυρός, etc. Plaut. Epid. V, 1, 4: « Si undecim deos præter sese secum adducat Jupiter, ita non omnes ex cruciati poterunt eximere Epidicam. » — *Vix illig. te trif. Peg. exped. Chim.* pro vul-

Vix illigatum te triformi

Pegasus expedit Chimæra.

25

gari : nullus omnino ab amore, quo ista te vinctum tenet, dissolvere poterit. — Meretrix illa, rapacitate sua juvenum bonis infestissima, comparatur cum triformi illo monstro, Chimæra (de quo Hom. II. VI, 181 : Πρόσθε λείων, ὅπῃθεν δὲ δράκων, μέσση δὲ χίμαιρα), quam, Lyciæ regioni infestissimam, Bellerophon, Pegasi, a Minerva in hanc rem ei traditi, ope, occidisse dicitur; Hesiod. Theog. 328: Τὴν μὲν Πήγασος εἴλε καὶ ἰσθλὸς Βελλε-

ροφόντης. — *illigatum Chimæra*, annexum quasi Chimærae, h. e. amoris laqueis ab hac meretrice irretitum. Bene in hanc sententiam attulit Cl. Mitsch. Epigr. XXXII, Ἀδίσκ. in Anth. Græc. Tom. IV, p. 124 : Παῖδισιν, Θρασύβουλε, σαγηνευθεὶς ὑπ' ἔρωτι Ἀσθμαίνεις, δαλφίς ὥς τις ἐπ' αἰγυαλοῦ Κύματος λείρων· δρέπανον δὲ σοι οὐδὲ τὸ Περσέως Ἄρκι ἀποτμήξαι δίκτυον, ᾧ δέδισαι, cf. Lucill. Epigr. LXXXVIII, in Anth. Græc. t. III, p. 46.

ANALYSIS. Conspicimus jam poetam in media computatione versantem, et strenue ibi modimperatoris partes agentem. Vix enim sodales, qui nimium vino incaluerant, rixantes, tumultuantes, et poculis invicem se petentes videt, quum statim non sine indignatione exsurgit, eos graviter increpat, et non solum sublato barbarorum inter vina more se quietos tenere jubet, sed eorum animos quoque re, multo magis computationi conveniente, occupare, et sic a rixa et clamore incondito ad jocum et hilaritatem avertere studet. Appellat igitur rixantium unum, quocum haud alio pacto, nisi is statim puellæ, quam amet, nomen sibi indicaverit, se bibiturum esse ait; ille primum recusare et tergiversari; Horatius eo acrius instare, et tam laudando ejus in amore honestatem, quam fidem et taciturnitatem suam promittendo, ei tandem persuadere, ut clam puellæ nomen sibi in aures insusurret. Tum Horatius, quum nominata puella, quam bene norat, tanta arte et calliditate juvenes amoris laqueis irretire et irretitos tenere didicisset, ut inde expediri non possent, haud lætum de sodalis sui amore canit augurium. — Compara similibus coloris carmen Anacr. LVII, 7 seqq. et Theogn. v. 488 seqq.

CARMEN XXVIII.

ARCHYTAS.

Archytas, cujus cadaver insepultum a nauta quodam deprehensum fuerat, cum ipso loquens inducitur, rogansque ut terram sibi injiciat.

Te maris et terræ numeroque carentis arenæ

Mensorem cohibent, Archyta,

Pulveris exigui prope litus parva Matinum

Munera : nec quidquam tibi prodest

Aerías tentasse domos, animoque rotundum

5

1. Nauta usque ad vers. 7, loquitur. — *maris et terræ Mensorem*, geometram; *numer. car. aren.* *Mens.* arithmeticæ, qua infinitum arenæ numerum subducere didicerat, peritum; exstabat olim de *arenæ numero* Archimedis liber, Ψαμμίτης inscriptus. — *parva numera exigui Pulveris*, orate pro : pulvis exiguus, exigua pulveris pars. — *cohibent*, h. e. capit, retinet, coercet Archytam; nec minus, sine contradictione insepultus dici poterit, quum hic pulvis, quo cohibetur, nimis exiguus sit, nec justum sepulcrum faciat. Qui autem putaverit hanc explicationem cum odæ fine non consentire, nec insepultum dici posse cui pulvis, licet exiguus, inspersus est, ita intelligat : parva munera pulveris, tibi deficientia, tibi negata te coercent in littore Matino, et te arcent ab inferis; Stygem enim non transmittabant qui non sepulti erant. Virg. *Æneid.*

VI, 325. — *litus Matinum*, de ora Calabriæ occidentalis, a Calabriæ promontorio *Matino*. — *Aerías tentasse domos, animoque rot.* *Percurr. pol.* pro vulgari : astronomiæ operam dedisse. Similiter fere in Epigr. II, Ptolemæi Reg. Anthol. Gr. T. II, p. 65 : Οἶδ', ὅτι θνατὸς ἐγὼ καὶ ἐφάμερος· ἀλλ' ὅταν ἄστρων Μαστεύω πυκινὰς ἀμφιδρόμους θύλας, Οὐκ ἔτ' ἐπιψάω ποσὶ γαίης, etc. *tentare aerías domos*, quod adjecta locutio *animo rotundum polum percurrere* magis explicat, jam est : cælum vel cæli sidera explorare, perscrutari, emetiri; sic passim *tentare* simpliciter pro : *explorare* dicitur; Virg. *Æn.* III, 32 : « causas penitus tentare latentes, » et supr. I, 11, 3 : « Babylonios numeros tentare. » Itaque τὸ *tentare* ad impium ausum, quo Archytas, ut philosophus, in naturam deorum inquisiverit, cum Cl. *Mistch.* referre nolim. — *animo per-*

Percurrisset polum, morituro....

Occidit et Pelopis genitor, conviva deorum,

Tithonusque remotus in auras,

Et Jovis arcanis Minos admissus : habentque

currere polum dictum est, ut « mente animoque omne immensum peragraré, » apud Lucret. I, 73. — *Morituro*, sc. quum moriturus esses, morti debitus esses; hic enim, ut in lib. II, 3, 4, illud verbum non merum epithetum, sed pro ratione ac argumento est, et cum maxima vi sub phraseos fine ponitur.

7. *Occidit et Pelopis*, etc. Archytas jam nautæ usque ad carminis finem respondet. — Sensus et nexus hujus paulo impeditioris loci est fere hic: Noli, quæso, o nauta, mirari, quod ego occiderim; occidit quoque Tantalus, quamvis deorum epulis admissus est, et Tithonus, quamvis ab Aurora in cælum raptus est, et Minos, quamvis cum ipso Jove familiariter versatus est; Pythagoras adeo, qui jam semel Trojani belli temporibus sub Euphorbi, Panthoi filii, persona se vixisse refixo scuto testatus est, quamvis tum non plane morte extinctus sit, quia non ipsam animam, sed nervos atque cutem tantum Morti concesserat, h. e. corporis exuvias tantum deposuerat, Pythagoras inquam, qui vel te ipso judice magnus philosophus fuit, iterum ad Orcum demissus est. — De moriendi necessitate Archytas acquiescit in solatio, quod alii quoque viri nobiles a nobiliorum ante se mortuorum exemplo petierunt. Sic Achilles apud Hom. II. XVIII: Οὐδὲ γὰρ οὐδὲ βῆν Ἡρακλῆος φύγῃ Κῆρα, ὅσπερ φύλατος ἴστα Αἰὶ Κρονίωνι ἀνακτι; cf.

eundem lib. XXI, 107; Lucret. III, 1038, et 1055; Virgil. *Æn.* X, 469 seqq. et Noster infr. II, 16, 29, IV, 7, 14. — *Pelopis genitor*, Tantalus, rex Lydiæ, qui, quum esset opulentissimus, ipsos deos ad convivia vocasse, et ab iisdem vicissim eorum mensis adhibitus fuisse dicitur; cf. Euripid. *Orest.* 9; Pind. *Olymp.* I, 86; Ovid. *Met.* VI, 173 seqq. hinc *conviva deorum*. — *Tithonus*, Laomedontis, regis Trojani, vel frater vel filius, ob insignem corporis pulcritudinem ab Aurora in auras quidem *remotus*, h. e. in cælum raptus (ὃν ἀρτίρην, ut Euripid. *Troæd.* 855, loquitur, τέθρηνος διαστὰς κρόκος ἔχος ἀναρπάσας), sed longa senectute (cf. infr. II, 16, 30), quam ab immortalitate, a Jove ei concessa, deprecari Aurora neglexerat, consumtus esse fingitur; cf. Hygin. *Fab.* 270. Verborum sensum torsisse Dacierius videtur, quum *remotus in auras*, ita explicat, *qui in auras evanuit*, quia longa ætate consumtus, quasi evanuisse dici poterat. — *Jov. arc. Min. adm.* Minos, rex ille Cretæ, quia ad leges, quas tulit, sanctiores et augustiores reddendas, se Jovis consortio, familiaritate et consiliis uti callide jactaverat, *Jovis arcanis* (sc. colloquiis, consiliis), *admissus* dicitur. Hinc ille apud Hom. *Od.* XIX, 179: Αἰὶς μεγάλου ἑαρσιότης audit, de quo Pausan. III, 2, 207: βουλευσασθαι ἐπὶ τῶν νόμων οὐκ ἀνευ θεοῦ τὸν Μῖνον. — *habentque Tart. Panth.* Archytas

10

15

15

jam pio gratoque animo in virorum nobilissimorum censum refert quoque magnum suum præceptorem Pythagoram; qui propositam de metempsychosi sive animarum migratione doctrinam, quum non solum se Trojani filium, Euphorbum, fuisse affirmasset, sed id quoque *clypeo*, quem se Euphorbum gestasse aiebat, in templo Junonis haud procul Mycenis, ubi ille inter alia ἀναθήματα affixus esset, *reflexo* (h. e. detracto), et vere Euphorbi nomine, uti prædixerat, inscripto, comprobasset, suo ipsius exemplo stabilivisse dicitur; v. Ovid. Met. XV, 160 seqq. cf. Interpp. ad Ælian. V. H. V, 26, et ad Diog. Laert. VIII, 8. — *iterum Orco Demissum*, h. e. iterum mortuum; nam semel, necatus nempe, quum Euphorbus esset, a Menelao, ad Orcum demissus erat, ubi tamdiu ejus anima latuit, usque dum in novum corpus ei migrare liceret. — *quamvis*, quum hæc particula non ad *testatus* sed ad *concesserat* referenda sit, distinctionis signum post eam posui. — *nihil ultra nerv.* corpore solo veluti mortuus erat, anima que non modo immortalis erat, sed etiam non inferos, terram autem incolebat, et novo corpori juncta, humana vita potiebatur. — *Judice te*, ut

tu ipse judicabis; nam quum in inferiore Italia, haud dabie hujus nautæ, h. e. mercatoris, patria, Pythagoræ nomen celebratissimum esset, sane de judicio, quod ille de Pythagora laturus esset, certus esse potuit Archytas; itaque lectio *Judice me*, quam ex conjectura aliorum in textum recepit *Jani*, neutiquam probanda est, præcipue quum Pythagoræ commune et publicum de eo judicium longe honorificentius sit privato. Erudite et copiose de hoc loco disputat Celeberr. *Wolffius* in Opusculis sive *Vermischte Schriften und Aufsätze* (Hall. 1802), p. 431—452. — *non sordidus*, haud contemnendus per λιτότητα pro: magnus, gravis; *auctor naturæ verique*, doctor eorum, quæ in rerum natura latent, et quæ vera aut falsa sunt; vel, qui in rerum naturam penetrare, et vera a falsis discernere docet, h. e. philosophus. Sic *auctor* pariter de philosophiæ doctore apud Cic. Off. II, 2: « Quamquam in antiquissima philosophia, Cratippo auctore, versaris. — *Sed omn. un. ma. nox*, etc. cf. in hanc sententiam supr. I, 4, 19; infr. II, 3, 21, et 14, 11; Propert. III, 20, 21: « Sed tamen huc omnes, huc primus et ultimus ordo, Est mala, sed cunctis ista terenda via. »

Dant alios Furiae torvo spectacula Marti :

Exitio est avidum mare nautis :

Mixta senum ac juvenum densentur funera ; nullum

Sæva caput Proserpina fugit.

20

Me quoque devexi rapidus comes Orionis

Illyricis Notus obruit undis.

At tu, nauta, vagæ ne parce malignus arenæ

Ossibus et capiti inhumato

17. Diversa mortis genera latius exsequitur, Sat. Silv. II, 1, 210 seqq. et alii, quos ad h. l. laudavit Cl. Mitsch. — Qui in bello pereunt, sublimiore imagine a *Furiis Marti spectacula dari* dicuntur; scilicet *Furiae*, quæ in præliis adsunt (cf. Virgil. *Æn.* VII, 324 seqq.), instigant et in furorem conjiciunt pugnant, quos immitis, qui et ipse adest, Mars sævo cum joco cædi videt. — *avidum*, omnia absorbens et deglutiens. — *densentur*, coaccervantur, a *densere*, verbo Lucretiano. — *null.* *Sæv. cap. Proserp. fugit*, inversa constructio pro: nullum caput fugit sævam Proserpinam; h. e. nullus adhuc capitis crinis sævæ Proserpinæ manibus sese subducere potuit, aut simpliciter: Proserpina fugit, refugit tondere nullum caput, abstinet nullo capite. — Datum nimirum est Proserpinæ id negotii, ut mori destinatis crinem de vertice abscinderet. Virg. *Æn.* V, 698: « Nondum illi flavum Proserpina vertice crinem Abstulerat, Stygioque caput damnaverat Orco. » Scilicet ut victimæ, pilis in fronte evulsis et in ignem conjectis (cf. Virg. *Æn.* VI, 245, quod proprie *κατάρχεσθαι* dicebatur) diis superis, ita morti destinati, crine ab-

scisso, tanquam victimæ, diis inferis consecrabantur. — Eandem sententiam Noster infr. Sat. II, 6, 94, ita variavit: « Neque ulla est, Aut magno, aut parvo leti fuga. »

21. *Me quoque*, etc. ergo ego quoque perii, et quidem naufragio. — *Notus, rapidus comes devexi Orionis*, ornate pro vulgari: tempestas. Nam sub casu Orionis (Virg. *Æn.* VII, 719: « Sævus ubi Orion hibernis conditur undis ») furere et tempestatem ciere solent venti (Hesiod. *Ἔργ.* 621: *Ἀντὸς πάντοτε ἀνέμων θύουσιν ἄστραι*). Hinc *Notus* (« quo non arbiter Hadriæ Major, tollere seu ponere vult freta, » supr. I, 3, 15) dicitur *comes Orionis devexi*, h. e. occidui; similiter Orion ad occasum vergens infr. Od. III, 27, 18, vocatur *pronus*. — *obruit* Virg. *Æn.* VI, 336: « Obruit Auster, aqua involvens navemque virosque. » — *undis Illyricis*, fluctibus maris Illyrici, h. e. Adriatici.

23. *Ne parce malignus ar.* etc. ut *benignus pro largus*, ita *malignus pro avarus* ponebatur. Sic in Virgil. *lux maligna*, in Martial. *ignis malignus*, lucem raram, ignem rarum, avarum significant. Dicit igitur Archytas: velis, quæso, non avare, sed

Particulam dare: sic, quodcunque minabitur Eurus 25

Fluctibus Hesperiiis, Venusinæ

Plectantur silvæ, te sospite; multaue merces,

Unde potest, tibi defluat æquo

Ab Jove, Neptunoque sacri custode Tarenti.

Negligis immeritis nocituram 30

Postmodo te natis fraudem committere? Fors et

Debita jura vicesque superbæ

copiose pulverem inhumato meo corpori, etc. nam quum veteres teneret opinio, animam insepulti corporis non posse quieti dari, sed centum annos circa Stygem, vel circa corpus errare, nihil inhumati corporis sorte cogitari iis potuit atrocius. Hæc cogitatio misere quoque cruciabat Ariadnen, a Theseo in sola insula Naxo derelictam, dum dicit apud Catull. LXIV, 153: « neque injecta tumultabor mortua terra. » Cf. Virg. Æn. VI, 365. Apposite cum Nostro Cl. Müsch. comparavit Juliani Ægypt. Ep. LIV, Anthol. Gr. T. III, p. 207: Πῶς τις ναυηγὸν με λαβὼν, καὶ σῆματι χάσας; Πῶς, Μαλειᾶων ἄκρα φυλασσόμενος. Αἰεὶ δ' εὐπλοῖην μετέποις φίλος· ἦν δέ τι ῥέξῃ ἄλλο τύχη, τοίῳν ἀντιάσαις χαρίτων. — sic, quodcunque, etc. quod si feceris, opto, ut, quæcunque tibi in mari Italo naviganti tempestas imminabit, te sospite, in silvas Venusinas avertatur; de usu particulæ sic cf. supr. ad I, 3, 1. — *Plectantur*, luant, sentiant vim ejus; illud cum dilectu propter damna tempestate iis inflictâ. — *Venusinæ*. Venusium, Appuliæ urbs, Horatii patria. — *Merces*, lucrum, quæstus; unde, h. e. a quo, sc. Jove, potest, sc. defluere, cf. supr. ad I, 12, 17. — *tibi*

defluat, afflatum tibi affluat, largiter in te effundatur (ἐς τὴν καταβῆσαι Theocrit. I, 3). *Neptun. sacr. cust. Tarent.* quum Tarentini Neptunum, ut deum tutelarem (ἐγχώριον), ad cujus filium, Tarantem, urbis suæ primordia adeo referebant, singulari cultu venerarentur, Archytas sane, ut Tarentinus, multo magis sperare poterat, fore, ut deus patrius precibus ejus locum relinquat.

30. *Negligis... committere?* an parum curas scelus committere, nepotibus tuis, qui nihil tale meruerunt, expiandum? — Nam quicumque in corpus mortui inciderat, nec illud sepe liendum curaverat, is secundum antiquissimorum populorum opinionem deos contra se irritasse (Hom. Odyss. XI, 73), et hoc graviore quasi scelere (ἔγχε) non solum se, sed etiam nepotes suos, eorum iræ atque vindictæ obstrinxisse putabatur; de qua re vide, quæ præter Valcken. ad Eurip. Phœniss. 941, et ad Hippol. 826, Cl. Müsch. ad h. l. attulit. — *Postmodo te natis*, nepotibus, τοῖς ἐξοπίσω παυσί. — τὸ *te* aptius in casu sexto pro: ex te, ad *natis*, quam in casu quarto ad *committere* refertur; *natus aliquo* pro: ex aliquo, sexcenties apud poe-

Te maneant ipsum : precibus non linquar inultis ;

Teque piacula nulla resolvent.

Quamquam festinas, non est mora longa, licebit 35

Injecto ter pulvere curras.

tas. — *Debūta jura*, pœna, quam quis debet, cui quis obstrictus est, pœna merita. — *vices superbæ*, h. e. superbis, quam quis vicissim ab aliis experitur, pœna, ἀντίποινα, ἀμοιβή; sic apud Propert. I, 13, 10. — *vices exigere* pro : pœnam vicissim exigere, injuriam remunerari, ulcisci. — *prec. non linq. inultis*, haud inultis et irritis erunt meæ imprecationes, si in-

sepultum me hic reliqueris. — *resolvent*, sc. a pœna, cui scelere tuo te obligasti. — *Injecto ter pulvere*, nam ad justa inhumati corporis persolvenda parva injectæ terræ vel pulveris particula sufficiebat, quod Græci γῆν vel κόκκιν ἐπαμήσασθαι dicebant; vid. *Dorvill.* ad Charit. p. 422 seqq. edit. Lips. — *curras*, naviges.

ANALYSIS. Archytas Tarentinus, Pythagoreus, profunda geometris et astronomis scientia pariter ac morte, qua, naufragio prope Apulix litus facto, periisse traditur, notus, jam in hoc carmine, quod totum sententis : *de communi moriendi necessitate*, tractandæ destinatum est, cum nauta quodam loquens inducitur. Fingitur nempe nauta quidam, quum forte in Archytæ corpus prope litus Matinum fluctibus ejectum, incidisset, mirabundus eum ita fere allocutus esse : Ergo ne tu quidem, Archyta, mortem effugere potuisti, et nunc, qui antea immensa maris, terræ et cæli spatia emensus es, tam exiguum terræ spatium corpore occupas? Cui Archytæ manes inde a v. 7, usque ad carminis finem : Non est, quod me occidiisse mireris; Tantalus quoque, Tithonus, Minos et Pythagoras occiderunt; nec ullus quisquam moriendi necessitate exemptus est; sed diverso modo et diversa ætate moriuntur homines; alius in bello, alius in mari, alius in juventute, alius in senectute morti succumbit; equidem naufragio perii; inhumato igitur mihi particula terræ injecta justa persolve; quod si feceris, secundam et questuosam navigationem tibi apprecor; at si me neglexeris, justa hujus sceleris te tuosque nepotes manebit pœna.... quamvis festinas, hoc tamen pietatis officio, quod brevissimum temporis spatium exigit, antequam ulterius naviges, defungi poteris.

Hoc carmine videtur Horatius Pythagoreorum de animarum transmigratione opinionem irridere, quum philosophum Pythagoreum induxerit sepulturam efflagitantem, et sui magistri dogmata inania quasi suo exemplo docentem.

CARMEN XXIX.

AD ICCIUM.

Irridet poeta Iccium quemdam, e philosopho militem factum.

ICCI, beatis nunc Arabum invides
 Gazis, et acrem militiam paras
 Non ante devictis Sabææ
 Regibus, horribilique Medo
 Nectis catenas! Quæ tibi virginum
 Sponso necato barbara serviet?
 Puer quis ex aula capillis

5

1. *Beat. nunc Arab. invid. Gaz.* quasi compulerit Iccium ad militiam divitiarum in Arabia Felici sibi colligendarum cupiditas. — *nunc*, cum vi, tu, qui ante, ut philosophus, a divitiarum querendarum studio alienissimus fueras. — *beatis*, quibus adeo nunc tribuis, ut te beatum efficere possit istarum possessio. — *et acr. mil. par. Non ante dev. Sab.* quasi summa belli posita sit in manu hujus novi ex philosopho facti militis, qui solus et unus non ante devictos Sabææ reges devincere possit; quam salse! — *Sabææ Reg.* Sabæa, Arabiæ Felicis pars, pro totis ejus finibus; habebat autem unaquæque Arabiæ Felicis pars suum regulum. — *Non ante devict.* nondum enim usque ad Arabiam Felicem, quam philosophus noster nunc perdomiturus erat, Romanorum arma penetraverant. Unde et Propertius, lib. II, 7: « India quin, Augaste, tuo dat colla

triumpho, Et domus intactæ te tremat Arabiæ. » — *horribil. Med.* exercitum enim illum, quem secuturus erat Iccius, ad Parthos Indosque simul debellandos destinatum fuisse, ex locis supr. I, 12, 56, et infr. I, 56, 51, colligi potest. — *horribili*, hosti vel maxime fortitudine sua Romanis timendo, ut supra *graves Persæ*, I, 2, 22. — *Nectis catenas?* scilicet ut iis constringantur captivi ante Iccii victoris currum triumphalem ducendi.

3. *Quæ tibi virginum*, etc. Continua irrisione Iccio prædam poeta adnumerat, fortitudini ejus præmii loco cessuram. — *Quæ virginum barbara*, pro vulgari: quæ virgo barbara, vel: quæ barbararum virginum. — *Sponso necato*, a te, ut eam in servitutem redegeris. — *Puer quis ex aula*, sc. Arabum vel Parthorum regis cujusdam, h. e. puer regius. — *Ad cyath. stat.* sc. ut vinum infundat et minis-

Ad cyathum statuatur unctis,
 Doctus sagittas tendere Sericas
 Arcu paterno? Quis neget arduis
 Pronos relabi posse rivos
 Montibus, et Tiberim reverti,
 Quum tu coemptos undique nobiles
 Libros Panæti, Socraticam et domum
 Mutare loricis Iberis,
 Pollicitus meliora, tendis?

10

15

tret, h. e. pocillatoris munere fungatur; *status* pro: stare. Cl. Mitsch. laudat Auson. Idyll. de Hist. 19: « Stat Jovis ad cyathos, genuit quem Dardanius Tros. » — *capillis unct.* nam ad conviviorum magnificentiam et splendorem pertinebat quoque pincernarum tam formositas quam externus eorum cultus, inter alia in crinibus eleganter comendis et unguendis positus. Unde Juven. IX, 46: « tenerum et puerum te Et pulchrum et dignum cyatho cæloque putabas. » Cicer. de Fin. II, 23: « Adsint etiam formosi pueri, qui ministrent; resplendeat his vestis. » — *Doctus sagittas*, Augetur per irrisiōem Iccii fortitudo, qui puerum, e nobili genere et jam belli peritum, manu ceperit, eoque pro famulo utatur. — *tendere sagittas arcu*, paulo audacius pro: sagittas ex arcu tento jacere; nisi quis *tendere* simpliciter pro: dirigere, dictum putet. Similiter *telum tendere* dixit Virgil. Æn. V, 508: « Post acer Mnæstheus adducto constitit arcu Alta petens, pariterque oculos *telumque tetendit.* » — *Sericas*, ab Orientis populo, Seribus, jaculandi arte nobilissimis; est igitur *Sericus*, nisi forte ipsam gentem, Seres, ab

Iccio domandos, poeta respexerit, epitheton ornans, ut paulo post, v. 15: lorice *Iberæ*, et IV, 9, 17: *Cydonius* arcus; I, 15, 17: *Gnosius* calamus; I, 27, 5: *Medus* acinaces; I, 16, 9: *Noricus* ensis, et ejusmodi generis alia. — *paterno*, a patre, qui eo usus fuerat, accepto.

10. *Ard. Pron. relab. posse riv.* *Mont.* h. e. quis neget fieri posse, ut amnes qui ante proni et præcipites decurrebant e montibus arduis, nunc mutato cursu retro posse labi ad ipsa montium cacumina. Ceterum fluviorum ad fontes recursus sæpe de rebus ἀδυνάτοις, vel de verso rerum ordine; vid. Interpr. ad Ovid. Her. V, 30. — *Panæt.* Panætius, Rhodius, Stoicorum princeps, Antipatri discipulus, Posidonii doctor (Cic. Divin. I, 3), Scipionis, Africani Majoris, familiaris (Vell. Pater. II, 13, 3); multis, quos scripsit, libris, præcipue περὶ τοῦ καθ' ἑαυτὸν, nobilitatem nactus; cf. Cic. de Offic. I, 2, et III, 2. — *Socratic.* *dom.* Intellige libros philosophorum e familia, h. e. secta vel schola Socraticis, v. c. Xenophontis, Platonis, Æschinias, etc. — *Iberis*, ex ferro optimo, Hispano nempe, confectis.

ANALYSIS. Quum Augustus exercitum in Arabiam felicem, ditioni suæ subjiendam missurus esset, Iccius, Horatii familiaris, omisso philosophiæ studio, præter omnium opinionem ad militiam se contulit. De hoc incredibili amici sui consilio certior factus poeta, facete eum, ut novum et timendum regum Sabæorum domitorem deridet atque traducit. De hac adversus Arabiam expeditione vid. Dio LIII, p. 733; Strabo XVI, p. 730, et Plin. VI, 28.

CARMEN XXX.

AD VENEREM.

Venerem precatur, ut in domum Glyceræ, ipsi sacrificium parantis, descendat.

O Venus, regina Gnidi Paphique,
Sperne dilectam Cypron, et vocantis
Ture te multo Glyceræ decoram
Transfer in ædem.

Fervidus tecum Puer, et solutis

5

1. *Regina Gnidi*. Sic vocatur Venus, quia, ut dea tutelaris, Gnido præerat, et imperium suum ibi exercebat. *Gnidos*, urbs Doridis in Caria, simulacro Veneris a Praxitele sculpto nobilissima. Vid. Pausan. Attic. I, 30; Plin. XXXVI, 5. — *Paph.* Paphus, Cypri oppidum, Veneris cultu satis notum; cf. Virg. *Æn.* X, 51, et I, 415. — *Sperne*, pro vulgari: relinque, desere; sic supra I, 19, 9. Venus, quum tota in animum poetæ rueret, *Cyprum deseruisse* dicitur; *spernere* nempe hactenus jam debebat Venus Cyprum, ut, quamdiu in domo Gly-

cæræ ei sacra fierent, tandiu illam propriæ suæ sedi anteponeret. Plures urbes Veneri sacras recenset Catull. XXXVI, 11, seqq. — *vocantis Ture te multo*, h. e. advocantis et invitantis te ad lautiora tibi adolenda sacrificia. — *decoram*, refer ad munditiem et nitorem, quo, ut decebat die festo, domus splenduit.

5. *Fervidus tecum Puer*, etc. Sensus: Et quidem cum dulcissimis, qui assidue tibi adherere solent, comitibus, Amore, Gratiis, Nymphis, Juventute et Mercurio. — *Fervidus*, est enim Amor animosus et fervidioris

Gratiæ zonis, properentque Nymphæ,
Et parum comis sine te Juventas,
Mercuriusque.

ingenii puer. — *Gratiæ*, perpetuæ Veneris comites et ministræ, cf. supr. I, 4, 5, et Hom. Hym. in Ven. v. 61. Claud. de Nupt. Honor. v. 100. — *solutis zonis*, discinctæ, sine zonis; quod ad jucundam Gratiarum negligentiam referendum. — *Juventas*, Ἰότης, quæ pariter in Veneris comitatu apparet apud Hom. Hym. in Apoll. 195. — *par. com. sine te*, minus suavis

sine te. A Venere enim juventas lenocinia sua accipit, h. e. Amor juventam amabilem reddit. — *Mercuriusque*, qui adest Veneri facundia sua (est enim deus λόγιος, cf. supr. I, 10, 3), ut amantes inter se conciliet. Hinc ipsa Venus apud Apul. Met. VI, p. 93 (Plant.): « Scis sororem tuam Venerem sine Mercurii præsentia nil usquam fecisse. »

ANALYSIS. Dum Glycera, haud dubie puella formosior, sacra in domo sua parat Veneri; hanc, ut dextra atque propitia cum toto comitatu suo illi adesse velit, piis precibus poeta implorat. — Similitudinem quandam cum hoccarmine κλητυῶν habet Fragm. XXIX, apud Anacr. edit. Fisch. p. 271.

CARMEN XXXI.

AD APOLLINEM.

Quum rite Apollini templum dedicaretur, sua propria vota nuncupat poeta.

Quid dedicatum poscit Apollinem
Vates? quid orat, de patera novum

1. Finge tibi Horatiam ex media quasi turba precantium, et certatim variis votis Apollinem fatigantium, in hæc, quibus carmen exorditur, verba

erupisse: *Quid dedicatum poscit Apollinem vates?* h. e. at quid ego peto ab Apolline, cui hodie templum consecratum est? Pro ego significanter

Fundens liquorem? Non opimas
 Sardiniae segetes feracis;
 Non æstuosæ grata Calabriae
 Armenta; non aurum, aut ebur Indicum,
 Non rura, quæ Liris quieta
 Mordet aqua taciturnus amnis.
 Premant Calena falce, quibus dedit

5

posuit *vates*, ut ostendat, se pro eo, quod sibi poetæ insit, ingenio longe distare ab humiliore sentiendi ratione populi, rebus vanis atque inanibus felicitatem humanam metientia. — *dedicatum*, nova sede in monte Palatino consecratum. *Dedicari* dicitur qui inter deos recipitur, aut cui jam recepto nova sacra instituuntur, ut hic est. Sic in Ovid. Fast. VI, 637: « Te quoque magnifica, Concordia, dedicat sede Livia. » — *de pat. nov. Fund. liqu.* h. e. novum vinum libans; novum enim vinum adhiberi solebat in libationibus; hinc supr. XIX, 18: *patera bimi meri*. — *opimas segetes*, h. e. pingues agros (πίονας ἀγρούς Hom.); sic *seges* pro agro apud Tibull. I, 3, 61: « Fert casiam non culta seges; » sed recte quoque *opimæ segetes* explicari possunt de ubertate frugum, quæ ex opimis segetibus colliguntur. — *Sard. ferac.* De Sardiniae fertilitate vid. Mel. II, 7; Val. Max. VII, 6. — In sententiam Cl. Müsch. comparat Pind. Nem. VIII, 63.

5. *Grata* sc. dominis, quos suaviter delectat magnorum armentorum possessio, aut etiam grata, jucunda aspectu, utpote pingua et nitida. — *Calabriae*, ob egregia enim hujus regionis pascua alebant ibi beatiores ar-

menta et greges; cf. infr. Epod. I, 27. — *æstuosæ*, calidioris, mitioris. — *ebur Indic.* ad magnificentiam apud veteres pertinebat inprimis suppellex affabre ex ebore facta; in summo autem pretio fuisse *ebur Indicum* docet Virg. Georg. 1, 87: « India mittit ebur, » et Ovid. Medic. fac. 10: « Sec-tile deliciis India præbet ebur. » — *Liris* (nunc *Garigliano*), fluvius Latium et Campaniam dividens, cujus utramque ripam agri fertilissimi ambiunt. — *mordet*, exquisitius pro: alluit; similiter *rodere* apud Lucret. V, 257: « et ripas radentia flumina rodunt; » et sic supr. Od. I, 22, 6, *lambit*, et infr. II, 3, 12, *lavât*. — *taciturnus*, similiter hic leniter et quiete fluens fluvius apud Sil. Ital. IV, 352, *tacitas ripas perstringere* dicitur.

9. *Prem. Calena falc. quib. ded.* Fort. vit. alii in Campania possideant colantque vineas. — *falce premere vitem*, est: inutiles vitis ramos amputare, quod dicebatur *putatio*; unde *falc* ipsa dicta est *putatoria* apud Pallad. I, 43, 1. Cf. Voss. ad Virg. Georg. II, 362. Similiter *falce premere* pro: amputare, dixit Virg. Georg. II, 401. — *Calena*, quod ex vulgari ratione ad *vitem* referri debe-

Fortuna, vitem : dives et aureis

10

Mercator exsiccet culullis

Vina Syra reparata merce,

Dis carus ipsis; quippe ter et quater

Anno revisens æquor Atlanticum

Impune. Me pascunt olivæ,

15

Me cichorea, levesque malvæ.

Frui paratis et valido mihi,

Latoe, dones, et, precor, integra °

bat, doctiore ratione ad *falce* poeta retulit, plane et supra I, 20, 9, *præ-lum Calenum*, et infr. III, 16, 34, *amphora Læstrygonia*. — *exsiccet*, h. e. eibat; sic infr. I, 35, 27, *cadi siccati* pro : epoti. — *culullus*, proprie, ut Acron ad h. l. docet, calix fictilis, quo Pontifices Virginesque Vestales in sacris utebantur; jam de poculo capaciore. — *exsiccare vina culullis* pro : culullos exsiccare vinis. — *reparata*, pro verbo simplice *parata*, h. e. emta. — *Syra merce*, intellige aromata, unguenta, etc. ex India et Arabia in Syriam, et inde Romam deportata; mercator nempe, quum mercatura apud veteres in mercibus præcipue permutandis versaretur, pecuniæ loco mercem pro vino dedit. Fortasse Horatius cum delectu et accommodate ad merces, quæ permutantur, jam posuit *reparare*; nam qui pro data aliqua merce aliam recipit, pretium oblatæ rei accepta alia ejusdem pretii re quodammodo *reparat*. — *Dis carus ipsis*, ipsorum Deorum præsidio atque tutela fruens. — *æquor Atlanticum* ad insanam quæstus faciendi cupiditatem designandam

posuit tanquam remotissimum. — *pascunt*. Nonnulli *pascant* male legere mihi videntur. Nondum enim vota nuncupare Horatius incipit, et hic nexus est sententiarum : Non ego pecudes et aurum, et vinum generosum posco a te, o Apollo, nam oleribus vescor; concedas tantummodo ut fruam, etc. — *leves*, quia alvum adstrictiorem levant; nam *malvæ* (ut infr. Epod. II, 57) *gravi corpori salubres*.

17. *Frui paratis*, h. e. iis, quæ mihi jam parata sunt, quæ ego possideo. — *et valido mihi*, et mihi bene valenti; infr. Epist. I, 13, 3 : « Si validus, si lætus erit; — opportune in hanc sententiam Cl. Müsch. affert locum ex Menandri Κέλαι (apud Athen. XIV, 22, p. 859), εὐχόμεθα Ὀλυμπίοισι πᾶσι, πάσαις... διδόναι σωτηρίαν, ὑγίαιαν, ἀγαθὰ πολλὰ, τῶν ὄντων τε νῦν ἀγαθῶν ὄντων. — *Latoe* (Λατώε) Latonæ filii, Apollo. — *integra* Cl. Müsch. explicat de animo ab omni scelere puro; equidem malim referre ad integrum mentis usum, sive mentis sanitatem, ad illud Juvenal. X, 356 : « Orandum est, ut sit mens sa-

Cum mente; nec turpem senectam
Degere, nec cithara carentem.

20

na in corpore sano. »—*nec turp. senect. Deg.* et degere senectutem non turpem, non tristitia deturpatam, sed cantu hilarem et jucundam: non hic agitur de vitiis quæ dedecorant, neque de honoribus qui ornant; quod sensui carminis repugnaret. Cl. Müsch. in hanc sententiam attulit Euripid. Herc. Fur. 676 seqq. et e Theognideis v. 769 seqq.

ANALYSIS. Quum die solemnī, quo Augustus Apollinis templum in Palatino rite dedicaverat (U. C. DCCXXVI, ut tradit Dio LIII, 1), nemo non, tam publice quam privatim, vota nuncuparet, Horatius secus in his votis a vulgo sentiens, neque opes, neque latifundia, neque alia, quibus vulgo censetur humana felicitas, sed res tantum ad vitam sustentandam necessarias, tum animi corporisque sanitatem, honestam denique et poeseos studio exhibendam senectutem ab Apolline sibi expetit.

Elocutio carminis augusta ac splendida, ut decebat in tali argumento; ornatus in singulis exquisitus et copiosus; doctrina quoque haud vulgaris, maxime in declaranda divitiarum atque lautitiarum, quibus alii se beatos censent, notione.

CARMEN XXXII.

AD LYRAM.

Lyram suam alloquitur, ejusque laudes celebrat.

POSCIMUR: si quid vacui sub umbra

Lusimus tecum, quod et hunc in annum

1. *Poscimur*, h. e. ad canendum nunc ego evocor et impellor; utrum Augustus, an Mæcenas, an amicus quidam poetam impulerit, haud liquet; sed fuisse aliquem, qui Horatio rem quandam, carmine celebrandam, proponeret, ex voce *poscimur* satis pro-

babiliter colligi posse videtur. Nam si Horatius sponte vel ipsius animi impetu ad lyram tractandam impulsus fuisset, vix *poscimur* dixisset. Quemadmodum autem Horatius, *Carmini Sæculari*, Augusti auctoritate composito, singulari carmine (IV, 6),

Vivat, et plures, age, dic Latinum,

Barbite, carmen,

Lesbio primum modulate civi;

5

Qui ferox bello, tamen inter arma,

Sive jactatam religarat udo

Littore navim,

Liberum et Musas, Veneremque, et illi

Semper hærentem Puerum canebat,

10

prælusit, ita hoc quoque alii cuidam gravioris argumenti carmini, v. c. duobus illis carminibus, quibus, Augusto poscente, Drusi et Tiberii victorias celebravit (IV, 4; IV, 14), prælusisse videri potest. — Pro *poscimus* dedit Bentleius: *poscimus*, quæ si tibi lectio probatur, sic explices: hoc a te posco, o barbite, si quid lusi tecum, quod vivat in hunc et plures annos, age, cane aliquid latinum carmen. — *vacui*, h. e. otiosi. — *Vivat*, h. e. duret, permaneat; infr. Epist. I, 19, 2: « Nulla placere diu, nec vivere carmina possunt. » Liv. XXXIX, 40, de M. Porcio Catone: « vivit immo vigetque eloquentia ejus, sacra scriptis omnis generis; » ubi plura exempla de hoc usu verbi *vivere* concessit diligentia Drakenborchii. — *hunc in ann. et plur.* pro tenui: semper, perpetuo. — *Latinum*, nam idem barbiton Alcæo olim dixerat carmina græca; laudant Fragm. Sapph. ἀγλαί, διὰ χόλου, φωνάσσα γένοιο, et Theog. 759.

5. *Modulate*, passive accipiendum; sensum enim passivum obtinent participia verborum istorum quæ vocantur *deponentia*, utin Virgil. Georg. II, 487: « virginibus bacchata Lacænis

Taygeta. » Possis quoque active accipere supplendo: *carmina*; quemadmodum enim vers. anteced. barbiton *carmen dicere* Horatio, ita ille olim *modulatus esse carmina* dicitur *civi Lesbio*, h. e. Alcæo. — *primum*, per Alcæum maxime lyrica poesis exulta fuit, ita ut eam invenisse dici possit. Inventorem barbiti Terpandrum Lesbium tradit Pindarus apud Athen. XIV, 9, p. 635. — *Qui ferox bello*, etc. sensus: qui, quamvis fortis miles, tamen inter ipsum armorum strepitum, vel post superatum in mari tempestatis periculum, navi ad littus appulsus, vel Amorem, vel pulcrum, quem deperibat, puerum Lycum canebat. — *jactatam navem littore religare* est: navem tempestate in mari jactatam ad littus appellere et ibi alligare; sic *pinus in littore religata* pro . alligata apud Ovid. Met. XIV, 248, et passim alibi.

9. *Liberum et Musas* cecinit enim Alcæus ἀσματα παρσένια, quorum fragmenta quædam exstant apud Athenæum X, 8, p. 450. — *Puerum*, παῖδα, filium, Amorem Veneri semper hærentem, assiduam comitem. Mihi videntur errare, qui hæc examina unius et ejusdem carminis ar-

Et Lycum, nigris oculis nigroque
Crine decorum.

O decus Phœbi, et dapibus supremi
Grata testudo Jovis, o laborum
Dulce lenimen, mihi cunque salve
Rite vocanti.

15

gumentum fuisse putant. — *Lycum*, quem, sui delicias, ut Anacreon Bathyllum, carminibus celebravit Alcæus; sc. in Cicer. de Nat. Deor. I, 28: « Nobis, qui adolescentibus delectamur, etiam vitia sæpe jucunda sunt: nævus in articulo pueri delectat Alcæum: at est corporis macula nævus: illi tamen hoc lumen videbatur. » — *nigris oculis nigroque Crine decorum*, hoc enim apud veteres pulcherrimum haberi constat; sic in art. poet. v. 37: « Spectandum nigris oculis, nigroque capillo. »

13. *Decus Phœbi*, insigne et ornamentum Apollinis. — *et dap. sup. Gr. test. Jov.* ipse Jupiter enim inter dap. lyre ab Apolline pulsata cantu deliniri solebat; vid. Hom. Illiad. I, 603. Hinc φέρμεν δ' αὐτὸς ἱταίην. —

o lab. Dulc. len. o lyra, quæ cantus tui dulcedine animum laboribus fessum recreare soles. Doering male admisit *levamen* læso dure metro, pro *lenimen*. — *mihi cunque salve Rite vocanti*, sis mihi propitia, quodcunque, ut mihi adsis, te rite rogavero, h. e. benignam et facilem te mihi præbe, quodcunque te, ut decet, tractare animus est. — *cunque* pro: quodcunque. — *salve*, χαῖρε, vox sollemnis tam in appellandis diis hominibusque, quos nobis propitios atque benevolos esse cupimus, quam in aliis rebus, quas nobis gratissimas jucundissimasque accidere significamus. — *Rite* petitum a sacris, quæ certis apparantur cærimoniis. Hujus odæ exitus ad Hymni rationem proxime accedit.

ANALYSIS. Lyram, qua, ab Alcæo sibi tradita, princeps Romanorum Æolium carmen (ut infr. loquitur, III, 30, 13) ad Italos modos deduxerat Horatius, non sine voluptatis et gloriæ, tam sibi quam Alcæo, per eam partem, sensu alloquitur, ejusque laudes peculiari hoc carmine celebrat. — Videtur autem poeta solemnibus quasi in hoc carmine verbis lyram suam allocutus esse tum, quum ad gravicris argumenti carmen aliquod componendum impelleretur.

CARMEN XXXIII.

AD ALBIUM TIBULLUM.

Ne plus æquo doleat, sibi, ex communi amantium sorte, alium a
Glycera anteponi.

ALBI, ne doleas plus nimio, memor
Immitis Glyceræ, neu miserabiles
Decantes elegos, cur tibi junior
Læsa præniteat fide.
Insignem tenui fronte Lycorida

5

1. *Plus nimio*: alii, *plus nimio doleas*, *plus nimio memor* alii jungunt, indifferenter utrumque. — *mem. Immit.* *Glyc.* h. e. cogitatione de perfidia duri pectoris Glyceræ animum tuum crucians. — *miserabiles*, flebiles et miserationem moventes; sic philomela, de pullis sibi detractis querens, *carmen miserabile integrare* dicitur apud Virg. Georg. IV, 514, et sic *miserabiliter* (h. e. flebiliter) *scriptæ literæ* apud Liv. XXVI, 3. — *cur*, propterea quod, ut infr. Epist. I, 8, 10. — *tibi præniteat*, pro tenui: tibi præferatur, te potior sit apud Glyceram (*læsa fide*), quæ datam tibi in amore fidem læsit. — Ceterum fuerunt, qui, quum non satis assequerentur, quomodo Tibullo poetæ, qui jam ætatis anno XXXI, diem supremum obierit, junior a puella præferri potuerit, vix ad illum hoc carmen scriptum esse,

autumarent. Sed quam sæpe accidere solet, ut puellæ vel viginti quatuor annos nato juveni alium eo juniorem præferant!

8. Nexus et sensus: Non tibi soli, sed aliis idem in amore accidere solet. Lycoris quoque amat Cyrum; at Cyrus sectatur Pholoen, ab ejus amore vel maxime abhorrentem. Scilicet sic res in amore constituta est ex decreto Veneris, quæ ex amantium, neque forma neque animis sibi respondentium, conjunctione voluptatem duro pectore capit! — Comparant in hanc sententiam Mosch. Idyll. VI, 1 seqq. Ἥρα Πάν Ἀχῶς τὰς γείτονας, ἥρατο δ' Ἀχῶ Σειρτῆν Σατύρῳ, Σατύρος δ' ἐπὶ μῆντι Λόδαν, etc. adde Callimach. Epigr. XXXIII, 8. — *tenui front.* in tenui enim et angusta fronte pars venustatis spectari solebat apud veteres; nempe Martial. IV, 41, 9, de formosis pueris:

Cyri torret amor, Cyrus in asperam
Declinat Pholoen : sed prius Appulis
Jungentur capreae lupis,
Quam turpi Pholoe peccet adultero.
Sic visum Veneri : cui placet impares
Formas atque animos sub juga ahenea
Sævo mittere cum joco.

10

Ipsum me melior quum peteret Venus,

frons brevis, et de Circe Petronius : *frons minima*. Hinc puellæ, ut observat ad h. l. *Mitsch.* comam in frontem usque eo demittebant, ut βαχὺ τῷ μετώπῳ μεταίχμιον relinqueretur. Lucian. t. II, p. 441, edit. Reitz. — *declinat* sc. animum a Lycoride aversum. — *asperam* sc. erga Cyrum. — *sed prius Appulis*, etc. laudant Aristoph. Pac. 1076 : Πρὶν καὶ λύκος εἶν ὑμεναῖοι, et Virg. Eclog. VIII, 27 : « Jungentur jam Gryphes equis, » etc. cf. infr. Epod. 16, 30. — *Jungentur* sc. amore vel coitu ; sic « Venerem cum trubicus feris jungere » dixit Tibull. I, 9, 76 ; cf. *Heins.* ad Ovid. Remed. Am. 407. — *adultero*, h. e. amanti. — *turpi*, seu propter vultus, seu propter morum turpitudinem. — *peccet*, amoris ejus succumbat. — *Sic visum Veneri*, formula de rebus, quæ, uti ex voluntate et decreto deorum constitutæ sunt, ita fieri omnino debent. Ovid. Met. I, 366 : « Sic visum superis, » et sæpe alibi. Cf. *Burm.* ad Virg. Æn. II, 427. — *cui placet*, cui volupe est. — *impares Formas*, formosos ac deformes. — *impares animos*. *Impares* in amore dicuntur, quorum alter alterius amoris non respondet, *pares* autem qui se mutuo amant ;

ut dixit Horatius lib. Epod. XV, 14 : « Et quæret iratus parem. » Eadem ratione ait Virgil. Æneid. VI, 474 : « Æquatque Sichæus amorem ». In hoc loco etiam hoc verbum *impares* exquisitiorem sensum et novam vim habere videtur, quum huic v. *juga* respondeat, et metaphoræ, e taurorum conditione sumptæ, mire accommodetur. His scilicet tauris iter operosius est et jugum vere aheneum, qui vel statura, vel celeritate, vel indole impares eadem curru junguntur, eodem jugo coguntur. — *sub juga ahenea mittere*, constringere amoris vinculo firmissimo, pro simplice : copulare, conjungere. — *juga*, notissima translatione de amoris vinculis, quibus conjugantur amantes ; *ahenea*, quæ non facile solvi possunt ; quæ, qui amat, non facile rumpere, vel iis se expedire potest. Infr. III, 19, 18 : « Quid si prisca redit Venus, Diductosque jugo cogit aheneo, » simpliciter de amoris vinculo firmissimo. — *Sæv. cum joc.* Sævum in modum sic jocata, amantes ludibrio habens, misere excrucians, amore injecto, ejus tamen potiundi spe negata.

13. *Melior Venus*, puella mollioris et mitioris ingenii ; nam Myrtale, cui opponitur, fuit vehementior et ira-

Grata detinuit compede Myrtale

Libertina, fretis acrior Hadriæ

15

Curvantis Calabros sinus.

cundior. *Venus* pro : puella, ut supr. I, 27, 14. — *Grat. detin. comp.* h. e. amoris sui dulcedine ita me ceperat, ut ceteras omnes præ ea contemnerem; *compes*, quæ alias est dura et molesta, suavi oxymoro jam dicitur *grata*, quia ipsa servitus apud Myrtalen Horatio fuit grata. Infra quoque IV, 11, 24, dives quædam et lasciva puella Telephum *grata compede vinctum tenere*

dicatur. — *acrior*, iracundior, ferventior. — *fret. Hadr. Curv. Calabr. sin.* h. e. fluctibus maris Hadriatici ad littus Calabriæ in sinum se curvantis; sive, quod ad littus Calabriæ, ut cum Virgil. *Æn.* I, 161 loquar: « Frangitur, inque sinus scindit sese unda reductos; » ubi enim hoc fit, ibi sane mare multo vehementius fervet; cf. infr. III, 9, 23.

ANALYSIS. Albius Tibullus, graviter de juniore amatore prælato sibi ab Glycera dolentem, communem illam fortunam, qua parum sæpe in amore conspirent animi, secum reputare jubet, eique tam aliorum, qui eandem in amore experti fuerint sortem, quam sui ipsius exemplum solatii loco proponit. — Scriptum hoc carmen esse ad nobilissimum poetam Tibullum ne dubita: nam is, si quis alius, decantavit elegos *miserabiles*, h. e. mollissimi animi sensus egregie exprimentes, et querelas passim de perfidia vel Delix, vel Nemesis, vel Næxæ, vel Pholœs (quarum unam sub ficto nomine *Glyceræ* latere magis, ut credam, adducor, quam ut Glyceram in deperditis Tibulli carminibus fortasse celebratam esse existimem), continentes. — Tibullum autem pariter ac Virgilium dignum a Nostro, quem singulari amore complecteretur, habitum fuisse, quis sibi non persuadeat? Ad eundem scripta est infr. Epist. 4, lib. prim. — Vide nost. Editionem Tibulli, pag. LXXXIX et seqq. et præsertim pag. 439 et seqq. 465, 470, ubi vir ingenio et doctrina clarissimus Phil. Amat. de Golbéry de Vita et Carminibus Tibulli nova multa atque rectissima scripsit. ED.

CARMEN XXXIV.

In Epicureorum de Diis errorem.

PARCUS Deorum cultor et infrequens,
Insanientis dum sapientiæ

Consultus erro, nunc retrorsum

Vela dare, atque iterare cursus

Cogor relictos : namque Diespiter

5

Igni corusco nubila dividens

Plerumque, per purum tonantes

1. Sensus : Ego, qui Deorum cultum adhuc neglexeram, falsa scilicet Epicureorum opinione, *Deos nihil curare res humanas*, deceptus, nunc, meliora edoctus, in viam rectam, a qua aberraveram, redire cogor. — *Parcus Deor. cult. et infrequ.* qui raro Deos colit, nec eorum templa frequentat; τὸ *parcus* ad munera, quæ parca manu Diis offerantur, referre nolim. — *Insan. sap. Cons.* imbutus præceptis sapientum, h. e. Epicureorum, in iis, quæ contra divinam providentiam disputant, insanientium; *insanientis sapientiæ* pertinet ad oxymora, de quibus ingentem exemplorum copiam conguessit diligentia *Rittershusii* ad Oppian. p. 29-32. Adde *Jens.* ad Lucian. Merc. Conduct. t. I, p. 693, et quos laudat *Albert.* ad Hesych. t. I, p. 275, n. 4. — *retrorsum Vela dare*, retro navigare. — *iterare cursus relictos*, redire in viam

quam olim tenueram, et a qua aberraveram. — *Diespiter*, Jupiter, diei vel læcis pater, ut Varro de L. L. IV, 10 explicat. — *Plerumque*, more solito, alias, vulgo. Proprie sententia ita fere efforenda erat : Quum tonitru ventorum ac nubium conflictu oriri creditum sit, Jupiter, quo fulmen sibi ereptum vindicaret, sereno cælo tonuit, sicque vim suam ostendit. — *per pur. ton. Egil equ. voluc. curr.* tonuit, sive movit in cælo sereno tonitru, quod currus, quo per aerem invehi putabatur Jupiter Fulgurator, strepitu et equorum χαλκονόδων ei junctorum pulsu moveri finxit sibi prisca antiquitas. — *per purum*, sc. cælum, δι' αἰθέρας; *tonitru* in cælo sereno auditum ad res a naturæ legibus recedentes sive prodigia relatum fuisse, satis constat, cf. *Lambin.* ad h. l. et *Jul. Obsequens* c. 83, 107, 122. — *volucrem*, h. e. alatum, ad sum-

Egit equos volucremque currum,
 Quo bruta tellus, et vaga flumina,
 Quo Styx, et invisi horrida Tænari
 Sedes, Atlanteusque finis
 Concutitur. Valet ima summis
 Mutare, et insignem attenuat Deus,
 Obscura promens: hinc apicem rapax

10

nam ejus celeritatem designandam; laudant Platonis locum ex Phædro, t. IX, p. 321. Bip. ὁ μέγας Ζεὺς, πτηνὸν ἄρμα λαύων. Cf. Mitsch.

9. Quo sc. curru, h. e. moto per currum tonitru. — bruta, h. e. immobilis, iners, ut infr. III, 4, 48 vocatur. Senec. Thyest. 1020: « Im-mota tellus pondus ignavum jaces? » — invisi. horrid. Tæn. Sedes, h. e. squalida loca diis hominibusque abominabilis Tartari. Colores in fœdi Tartari adumbranda imagine duxisse videtur ex Hom. Il. XX, 64, 65: Οἰκία δὲ θνητοῖσι καὶ ἀθανάτοισι φανείη Σμυρδάλῃ, εὐρώοντα, τὰ τε στυγίουςι θεοῖσι περ. Hinc Virg. Æn. VIII, 248: « regna pallida, Dis invisa. » — Tæn. Tænarus, specus in Laconica ad Tænarum, per quem ad Tartarum descendi posse credebatur (Virg. Georg. IV, 467), jam pro ipso Tartaro. — Atlanteus finis, pro locis terræ ultimis vel remotissimis; nam Atlas, mons ille in Africa, antiquitus pro ultimo terræ occidentalis termino habebatur.

12. Valet ima summis, etc. Nexus et sensus: Hoc igitur prodigio monitus non amplius de divina rerum humanarum administratione dubito; imo deus, ut nunc mihi persuasissimum habeo, ex infimo quemque ad sum-

mum locum extollere, et eum qui summum locum tenet ad infimum detrudere valet; nam vis fati potentissima imperium, quod huic eripuit, pro lubitu ad alium transferre solet. — ima summis Mutare, similiter supr. I, 16, 23, mūtibus mutare tristia. — insignem sc. imperio, honoribus. — attenuat, deprimit ad tenuitatem vel obscuritatem. — Deus, Jupiter. — Obscura promens, ex obscuritate protractos gloriæ splendore illustrans; insolentior generum permutatio in ima, insignem, obscura, permovet Bentleium et Cuningamium, ut ille pro insignem legendum esse censeret insigne; hic, insignia; sed quum in hac quoque re, ut erudite ad hunc locum docuit Mitsch. secutus sit Horatius exemplum Græcorum, neutri emendationi locus reliquendus videtur; in sententiam laudant Hesiod. Ærg. 5-7: Ῥαῖα μὲν γὰρ βριαίη, Ῥαῖα δὲ βριαύοντα χαλῆπται, Ῥαῖα δ' ἀρίκλον μινύθει (insignem attenuat) καὶ ἀδὴλον ἀλέξει, Ῥαῖα δὲ τ' ἰθύναι σκολίων καὶ ἀγήνορα κάρφει Ζεὺς ὑπερμετέης. — Hinc apicem, etc. quos designaverit poeta in antecedentibus (reges nempe et principes), in his adjectis magis declarat; apicem, intellige tiaram, sive pileum cum apice eminente, regum

Fortuna cum stridore acuto

15

Sustulit, hic posuisse gaudet.

barbarorum inprimis insigne, jam (ut apud nos fere *corona*) pro ipso imperio. — *Fortuna*, dea, cujus munus versatur in exsequendis et perficiendis iis, quæ ex summi dei consilio cuique homini decreta sunt. — *rapax*, refer ad hujus deæ violentiam. — *cum stridore acuto*, præclara imago deæ cum impetu advolantis, et alarum agitatione gravem stridorem edentis; de *Fortuna, dea alata*, vid. Comment. de *alat. imaginibus* (Gothæ, 1786),

p. 30; et infra, lib. III, od. 29, 53. Quamvis hæc adornatum solum adjecta mihi videantur, tamen non indocte suspicari potueris, hic a Nostro significari turbas ac tumultus, qui subitas imperiorum conversiones comitari solent. Vide Cicer. Orat. in Catil. II, 40; et ad Att. II, 9: Senec. Quæst. Nat. III, præf. Silius Ital. lib. I, 7: et Statius, Silv. IV, 6, 83. — *sustulit* (*ἀποίστωρ*) auferre solet. — *posuisse* pro: imposuisse.

ANALYSIS. Horatius, quum, neglecto deorum cultu, temere eorum, qui nullam deos rerum humanarum curam habere statuerent, sapientiam secutus esset, audito repente in cælo sereno tonitru se adeo perculsum esse narrat, ut divinitus quasi monitus statim ab impia ista animi perversitate ad mentem sanio-rem redire cœperit. In hac nova igitur, deos omnino esse qui omnia gubernent, persuasione, sententias de divina in res humanas potentia subjungit gravissimas. — Jam vero quum Horatius, quamvis in nullius magistri verba (ut ipse fatetur inf. Epist. I, 1, 13) juraverit, h. e. nulli philosophiæ sectæ unice addictus fuerit, Epicureorum tamen placita, ad vitæ jucunditatem et voluptatem spectantia, studiose amplexus sit; equidem illum non tam abjurare Epicuream philosophiam et ad Stoicam se convertere, vel adeo Stoicorum disciplinam traducere (quod nonnulli, ut aliorum argutias taceam, opinati sunt), sed gravem illum Epicureorum errorem, *deos nihil curare homines*, hoc præcipue argumento, quod horrendum in cælo puro auditum sit tonitru, quale in cælo puro audiri posse ipsi quoque Epicurei (Lucret. VI, 245 et 399) negabant, refellere voluisse existimo.

CARMEN XXXV.

AD FORTUNAM.

Eam obtestatur, ut Cæsarem servet in Britannos proficiscentem.

O Diva, gratum quæ regis Antium,
Præsens vel imo tollere de gradu
Mortale corpus, vel superbos
Vertere funeribus triumphos;
Te pauper ambit sollicita prece

5

1. *Gra. quæ reg. Antium*, h. e. quæ imperii tui sedem habes Antii, urbe præ ceteris tibi cara; quemadmodum nempe Venus ob præcipuum, quo in insula Cypro gaudebat, cultum, supr. I, 3, 1, *potens Cyprî*, et I, 30, 1, *regina Gnidi* appellatur, ita *Fortuna*, Antii inprimis religiosissime culta, *Antium regere* dicitur. Fuit autem *Antium* (nunc *Anzo Rovinato*) oppidum Latii maritimum, Fortunæ templo nobilissimum; cf. *Torrent.* ad h. l. et *Phil. a Turre Monumenta vet. Ant.* c. 1. — *Præsens*, quæ statim potes; *dii præsentés* dicuntur, qui præsentia sua statim potentiam suam declarant, potentes; passim quoque, qui præsens, h. e. celerrimum, auxilium ferunt. — *Præsens tollere*, præsens ad tollendum: jam sæpissime notatus hellenismus. — *imo toll. de gr. Mort. corp.* h. e. mortales ex infimo ad summum gradum extollere. — *superb. Vert. funer. triumphos*,

splendidam victoriam mutare in cladem. Cl. *Müsch.* explicat: « pompam triumphalem in funebrem mutare, ut pro triumpho, quem victor acturus erat, funus ejus ducatur; » in quam rem ille laudat exemplum Drusi. Auct. Consol. ad Liv. 27. Sed quanto major et potentior apparet Fortuna victoriam in cladem mutando, quam triumphum triumphantis morte funestando!

5. *Te paup. ambit*, etc. numen tuum omnes homines, et pauperes et divites, et populi barbari, et nos, et tyranni venerantur atque metuunt. — *ambit*, cum delectu pro: adit, habet enim notionem verecundiæ. — *sollicita*, quam sollicito pectore pro agrorum suorum incolumitate fundit ruris colonus. — *domin. æquoris*, in Fortunæ enim potestate positi sunt casus quibus navigantes in mari se exponunt; Cl. *Müsch.* rem bene illustrat loco Pind. Ol. XII, 3 seqq. Respexisse autem poeta videtur in hoc cultu, a

Ruris colonus; te dominam æquoris,

Quicumque Bithyna lacescit

Carpathium pelagus carina.

Te Dacus asper, te profugū Scythæ,

Urbesque, gentesque, et Latium ferox,

10

Regumque matres barbarorum, et

Purpurei metuunt tyranni,

Injurioso ne pede proruas

Stantem columnam, neu populus frequens

Ad arma cessantes ad arma

15

Concitet, imperiumque frangat.

ruris colono et navigantibus Fortunæ exhibito, antiquam hujus domi imaginem, qua illa in vet. monumentis altera manu *cornucopiæ*, altera *gubernaculum* tenens conspicitur; vid. *Reines. Emendati.* II, 24. — *Quicumque Bithyna*, etc. quicumque quæstus causa per mare Carpathium Bithyniam navigat. — *Bithyna*, h. e. mercatoria; nam mercatores Romani e Bithynia imprimis merces suas petebant; similiter supr. I, 1, 13, *trabs Cypria*. — *Carpathium pelagus*, procellosum, et Bithyniam petentibus transcendendum, ab insula *Carpatho* (nunc *Scarpanto*), inter Rhodum et Cretam, ita dictum. — *lancescit*, h. e. tentat; *τὸ lancescere* explicant: remis impellere, movere, ferire.

9. *Dacus asp.* *Daci*, populi trans Istrum, Romanis ob crebras, quas in eorum fines faciebant, incursiones infestissimi; *asper*, Justin. II, 3: «gens laboribus et bello aspera.» — *Scythæ*, ob sedem eorum vagam et instabilem, dicuntur *profugū*; nam erant,

ut infr. Noster, III, 24, 9: «campestres... quorum plaustra vagas rite trahunt domos;» ἀμαξόβοι, ἀμαξόχοι.

— *Latium ferox*, bellicosum. — *Regumque matr. barb.* nam reg.æ matres vel maxime de filiorum regni incolumitate sollicitæ sunt; Cl. *Misch.* comparat *Æschyl. Pers.* 160. — *barbarorum*, intellige reges in Asia minore; cogitavit fortasse poeta de Parthorum rege Phraate. — *purpurei*, purpura induti, purpurati. — *Injur. ne pede pror.* Sensus: ne violenter imperium de eo, quo se nunc extollit, statu dejicias, neve populus ad seditionem concitatus illud evertat. — *injurioso*, h. e. violento; sic venti *injuriiosi*, infr. *Epod.* 17, 24. — *proruas*, active: deturbes, dejicias. — *Stantem columnam*, stans et florens adhuc imperium, quod cum stante columna comparatur; hinc passim rei publicæ status *concuti*, *labefactari*, etc. dicitur. Cl. *Misch.* in hanc sententiam laudat Pind. *Pyth.* IV, 484, et Pausan. III, 7. — *cessantes*, mo-

Te semper anteit sæva Necessitas,

Clavos trabales et cuneos manu

Gestans athena, nec severus

Uncus abest, liquidumque plumbum. 20

Te Spes et albo rara fides colit

Velata panno : nec comitem abnegat,

ras neclentes, nec statim arma arripientes. — *ad arma*, cum vi repetit voces *ad arma*, *ad arma*, quas, qui in repentino tumultu ad arma evocant, identidem repetere solent. Ovid. Met. XII, 241 : « Certatimque omnes uno ore *arma*, *arma* loquuntur; » cf. Virg. Æn. II, 668.

17. Sententiam, « potentie tunc cedere debent omnia, » lyrica sublimitate expressit per adumbratam imaginem *Necessitatis*, quæ *Fortunæ*, ut ejus ministra, cum instrumentis, ad res indissolubili firmitate muniendas validissimis, præcedere fingitur. Quum necessitas *Fortunæ*, ut ita dicam, sit attributum, apte jam illa personam induit. — *sæva*, dira, inexorabilis, δεινὴ, κραιπνὰ. — *Clav. trabal.* quibus ad ædium trabes firmissime copulandas olim utebantur; cum ejusmodi *clavo trabali* sistitur *Fortuna*, ut observat ad h. l. *Jani*, in *Causei Museo Rom.* t. I, p. 72, tab. XXVIII, et apud *Spenc.* tab. XXIII, n. 8, p. 181. Hinc apud Cic. Verr. V, 21 : « ut beneficium, quemadmodum dicitur *trabali clavo* figeret, » h. e. firmissimum efficeret. Petron. c. 75 : « Nosti, quod semel destinavi, *clavo trabali* fixum est, » h. e. immutabile est. *Mitsch.* in hanc rem laudat *Æschyl.* Suppl. 949. — *cuneos manu Gestans*, jam non ad diffindendum,

sed ad compingendum et firmitus coagmentandum. — *Uncus*, hamus ferreus, cujus usus fuit in lapidibus firmitus jungendis, adfuso *liquefacto plumbo*, ne *uncus* inde dissolvi posset. — *severus*, horrendus, sævus; sic *Eumenidum amnis* apud Virg. Æn. VI, 374, *severus* dicitur; cf. Georg. III, 37. His omnibus autem instrumentis, quæ non sine animi quodam horrore *Necessitatem* præ se ferre conspiciamus, nil nisi vim *Fortunæ* indomitam et insuperabilem designari, vix est, quod moneam.

21. Sensus : *Spes* et *Fides* te *adversam* quoque colunt, nec a te recedunt, quando ex *secunda* in *adversam* mutata potentiorum domos relinquis; sed ceteri, qui tibi *secundæ* tantum adhærent, vulgus infidum, meretrices, parasiti, te *adversam* fugiant; h. e. veri amici in fortuna adversa fidem, falsi perfidiam probant. — *Spes*, quæ adest *Fortunæ* adversæ, ut miseros melioris sortis solatio recreet; hinc Ἐλπίδες Τύχης ἑταῖραι apud Macedon, XXXIX, 1, in Anthol. Græc. t. IV, 92. — *rara*, quia raro amici in utraque fortuna fidem præstant; significanter ipsa dea dicitur *rara*, h. e. raros cultores habens. — *albo*, ad candorem animi designandum. — *abnegat* sc. se. — *Uicunque*, quando cunque, tum quoque, quando. —

Utcunque mutata potentes
 Veste domos inimica linquis.
 At volgus infidum et meretrix retro 25
 Perjura cedit : diffugiunt cadis
 Cum fæce siccatis amici
 Ferre jugum pariter dolosi.
 Serves iturum Cæsarem in ultimos
 Orbis Britannos, et juvenum recens 30
 Examen Eois timendum
 Partibus, Oceanoque rubro.
 Eheu cicatricum et sceleris pudet
 Fratrumque ! Quid nos dura refugimus

mutata Veste, finge tibi *Fortunam secundam* splendida, *adversam* sordida veste indutam; mutat igitur vestem splendidam cum sordida, quando ut dea adversa apparet. — *cadis Cum fæce siccatis*, postquam ad fæcem usque vinum ebiberunt, h. e. omnes opes consumserunt et devorarunt. Hæc metaphora ex Horatii indole ducta esse et hujus carminis dignitatem non apprime decere videtur. — *dolosi Ferre, græce*, pro : astutiores, quam ut ferant; sic infr. Sat. I, 4, 19, *piger ferre*, pro : nimis piger, quam ut ferat. — *jugum*, h. e. inopiam, tanquam jugum et onus. Comparant Pind. Nem. X, 147 : παῦροι δ' ἐν πόνῳ πῖσται ἑρετῶν καμάτου μεταλαμβάνειν. — *pariter*, omnes *similiter* dolosi.

29. Jam, captata quasi Fortunæ per hymnum in ejus potentiam decantatum benevolentia, subjungit preces pro Cæsare. — *ultimos Briann*. Sic ex veteri opinione, ultimam oræ occidentalis insulam esse Britanniam,

apud Catullum quoque *Brianni* dicuntur *ultimi*; et *extremi*, Virg. Æn. VIII, 727; Luc. VII, 541. — *Examen*, apposite a nova apum sobole translatus ad exercitum recens ex juvenibus conscriptum. — *Eois Partibus*, terræ orientali, Arabiæ Felicis populis; cf. Argum. supr. ad Carm. XXIX. — *Oceano rubro*, maris Indici, ab ortu solis rubescentis, accolis.

33. *Eheu cicatric. et sceler. etc.* Hæc subita ad bella domestica conversio, et dira malorum, quæ illa protulerunt, execratio, ad votum, ut bellum a patria ad barbarorum vincendorum terras avertatur, egregie ducit. — *sceleris*, cf. supr. I, 2, 29. — *Fratrumque*, copiosius in hanc sententiam Lucan. II, 286 : « domini per viscera ferrum Exegit famulus; nati maduere paterno Sanguine... in fratrum ceciderunt præmia fratres. » — *nos dura Ætas*, nos duri in hac ætate, nullo pudoris sensu inde revocati, impii. Sic infr. Epod. 16, 9 : « Im-

Ætas? quid intactum nefasti

35

Liquimus? unde manum juvenus

Metu Deorum continuit? quibus

Pepercit aris? O utinam nova

Incude diffingas retusum in

Massagetæ Arabasque ferrum.

40

— *quia perdemus devoti sanguinis ætas.* — Egregie bellorum civilium atrocitatem et diuturnitatem poeta declarat per arma *retusa* atque hebetata in civibus, quæ adeo *incudi* reddenda sunt, ut usum in bello iterum præstarent adversus hostes, de quibus supra vv. 31 et 32. Ornatus quam in hujus libri Od. 2, v. 22.

ANALYSIS. Quantum ars et ingenium magni poetæ in simplice aliqua sententia exornanda valeat, id ex hoc et huic similibus Horatii carminibus optime intelligi potest. — Conscripserat Augustus U. C. DCCXXVI duos exercitus eo consilio, ut alterum ipse contra Britannos duceret, alterum duce Ælio Gallo in Arabiam mitteret. Horatius igitur jam preces in hoc carmine pro felicissimo utriusque expeditionis eventu facturus, vulgarem sententiam: « O Fortuna, serva Cæsarem cum exercitu contra Britannos profecturum, et fac ut arma a bellis domesticis ad domandas gentes barbaras convertantur, » Fortunæ potentiam celebrando ita amplificavit, ut carmen exiret splendidissimum. — Si quis cogitaverit quam sæpe felix bellorum exitus a Fortunæ favore et arbitrio pendeat, is, poetam in coacervandis summæ hujus deæ potentie imaginibus tam multum et copiosum fuisse, non adeo mirabitur. — Optime totius hujus carminis finem ita constitui posse puto, si illud dixeris « Hymnum in Fortunam, quem ad hujus deæ favorem, Augusto contra Britannos profecturo conciliandum, pia mente cecinerit. » Sic argutiis, quibus onerarunt hoc carmen nonnulli interpretes, facile supersedere possumus.

CARMEN XXXVI.

AD PLOTIUM NUMIDAM.

Felicem ex Hispania reditum gratulatur.

Et ture et fidibus juvat
 Placare et vituli sanguine debito
 Custodes Numidæ Deos,
 Qui nunc, Hesperia sospes ab ultima,
 Caris multa sodalibus, 5
 Nulli plura tamen, dividit oscula,
 Quam dulci Lamiæ, memor
 Actæ non alio rege puertiæ,

1. *Fidibus*, inter sacrificandum enim ad tibiam et lyram cani solebat; infr. IV, 1 21. « Illic plurima naribus Duces thura, lyræque et Berecynthiæ Delectabere tibiæ Mistis carminibus, non sine fistula. » — *Placare Deos* generali notione accipiendum pro: sacra eis offerre, gratias agere sacrificiis. Sic in Aurel. Victor de Pompeio: « Et quum mari feliciter uteretur, Neptuni se filium confessus est, eumque bobus auratis et equo placavit. » — *vituli sanguine debito*, hostia, quam poeta ex voto, quo diis pro felici Numidæ reditu se obligaverat, nunc debebat. Infr. Epist. I, 3, 36: « Pascitur in vestrum reditum votiva juvenca. » — *Custodes*, tutelares. — *Numidæ*, cognomen nobilis

gentis Plotiæ et Æmilii, quod majorum aliquis ob rem quandam in Numidia præclare gestam accepisse videtur. — *ultima*, remotissima, ut infr. II, 18, 3, *ultima Africa*. — *dividit oscula*. *Oscula dividere*, modo huic, modo alii osculum dare, ut supr. I, 18, 18, *carmina dividere*. — *memor Actæ non alio rege puertiæ*, suaviter recordans, se una cum eo sub unius ejusdemque magistri vel custodis auspiciis pueritiam transegisse, et simul cum eo togam virilem induisse; a teneris igitur Numidæ et Lamiæ amicitia coaluerat. — *rege*, reges enim puerorum vocabant magistros Romani, qui apud Græcos ἀγαστῆς, παιδῶν-αγαστῆς dicebantur. — *mutatæ*, prætextæ nempe in puram.

Mutatæque simul togæ.

Cressa ne careat pulcra dies nota :

10

Neu promptæ modus amphoræ,

Neu morem in Salium sit requies pedum :

Neu multi Damalis meri

Bassum Threicia vincat amystide :

Neu desint epulis rosæ,

15

Neu vivax apium, neu breve lilium.

Omnes in Damalin putres

Deponent oculos; nec Damalis novo

10. *Cressa ne car. pulc. di. not.* Dies, quem hodie celebramus, lætissimus nota alba insigniatur, h. e. in numerum felicissimorum dierum referatur; dies felicior apud Romanos nota alba, vel albo lapillo, infeliciores autem nota nigra vel atro lapillo notatos fuisse, satis notum est; cf. *Bent.* — *Cressa*, h. e. alba a creta, quæ ex insula Creta vel apportata, vel pro Cretica terra habita fuit. — *Neu promptæ mod. amph.* neve modus in promendis ex cella vinaria amphoris servetur, h. e. largius hodie vinum afferatur. — *Salium*, Saliorum, Martis sacerdotum, qui ex Numæ instituto secundum Liv. I, 20, « per urbem ire canentes carmina cum tripudiis solemnique saltatione jussi sunt. » — *multi Damalis meri*, puella, quæ largiter vino se ingurgitare solebat, ut apud Ovid. Met. XIV, 452, « nimii-que Elpenora vini; » fuit Damalis haud dubie libertina vel puella inhonestior, quia honestioribus vel ingenuis virginibus haud interesse licebat potationibus. — *Bassum*, insignem inter sodales potatorem. — *amystide*,

h. e. uno spiritu et haustu poculum exhauriendo; *amystis* est vox græca, Hesychio interprete: συνεχὴ πόσις; hinc apud Anacreonta, XXI, 2, πίνειν ἀμυστί; vocatur hæc avidius uno haustu vinum absorbendi ratio *Thracia*, a nota Thracum vinolentia; laudant Callimach. Fragm. (*Bentl.* CIX, p. 481, edit. *Ernest.*) Καὶ γὰρ ὁ Θρηάκιον μὲν ἀνήγατο χανθὸν ἄμυστον ζωροποταῖν. — *apium vivax*, diu viridem colorem suum servans. — *breve*, breve tempus florens, ut *brevis rosa*, infr. II, 3, 13. — Ceterum florum usus in lætis conviviis notissimus; cf. infr. carm. XXXVIII, et multa in hanc rem congesta a *Fulv. Ursin.* in *Append. ad Ciaccon. de Triclin.* p. 263 seqq.

18. *Deponent*, suaviter amantes, qui obtutum in puella figunt, vel uno obtutu in ea hærent; *deponere in puellam* dicuntur *oculos*, et quidem *putres*, h. e. amore tabescentes, libidine natantes, lascivos; cf. supr. ad I, 19, 8. Comparant Theocrit. I, 90. Καὶ τὸ δ' ἐπὶ κ' ἰσορῆς τὰς παρθένους, οἷα γελῶντι, Τάταιαι ὀφθαλμοῖς. — *nec*

Divelletur adultero,
Lascivis hederis ambitiosior.

20

Dam. novo Divell. adult. Lasc. hed. ambitios. nec Damalis ab novi amatoris, i. e. redditu Numidæ, amplexibus, quibus arctius hederæ se implicabit, per alium se divelli patietur. — *Lasciv. heder.* Similiter Noster arctos complexus cum hederæ ubique se implicante comparat, infr. Epod. 15, 5: « Arctius atque hederæ procera

adstringitur ilex, Lentis adhærens brachiis. » Cf. Catull. LXI, 34, 35; *hedera* autem, ob ejus amplexus cum lasciviorum amplexibus comparata, ipsa suaviter dicitur *lasciva*. — *ambitiosior*, magis brachiis suis ambiens, h. e. arctius et tenacius inhærens atque se implicans. Claudian. Fescen. XIV, 19, non feliciter imitatur.

ANALYSIS. Numida quodam e gente Plotia, Horatii familiari, ex Hispania Romam reverso, confecta a U. DCCXXX Augusti in Cantabros, cui interfuisse videtur, expeditione, poeta cum ipsi, tum ejus amicis, e quibus Lamiam honoris causa nominat, felicem reditum gratulaturus, sodales, mactata pro servato amico hostia, potationi, saltationi, amoribus, et omnibus, quibus jucundissimi dies transigi solent, liberius indulgere jubet voluptatibus. Quam egregie poeta in hoc carmine præ lætitia de recepto amico exultans, mollissimi in amicitia amoris sensus expresserit, quivis ipse sentiet. Compara cum hoc carmine Catull. IX; Juven. Sat. XII; et infra lib. II, Od. 7.

CARMEN XXXVII.

AD SODALES.

Ad indulgendum genio, ob Actiacam victoriam mortemque
Cleopatæ, eos hortatur.

NUNC est bibendum, nunc pede libero
Pulsanda tellus; nunc Saliaribus

1. *Nunc* cum vi ter repetitum; — hoc die, si quo alio, ubi lætissimus de Cleopatæ morte nobis accidit nun-

cius, potationi et saltationi indulgendum est; — imitatus est Noster, ut observant interpretes, similis argu-

Ornare pulvinar Deorum

Tempus erat dapibus, Sodales.

Antehac nefas depromere Cæcubum

5

Cellis avitis, dum Capitolio

Regina dementes ruinas,

Funus et Imperio parabat

Contaminato cum grege turpium

Morbo virorum, quidlibet impotens

10

menti carmen Alcæi, cujus primos versus servavit Athenæus, X, 8: « Νῦν χρὴ μαθύσκειν, καὶ τινα πρὸς εἶαν πίνειν, ἐπειδὴ καὶ θάνα Μῦρσος. — *nunc Saliaribus*, etc. Hic dies, si quis alius, lautas epulas diis in templis apponendas, h. e. lectisternium, sive supplicationem exigebat. In supplicationibus enim, ubi diis vel ob res præclare in bello gestas, vel ob felicem quemdam rerum eventum publice gratiæ agebantur, lautiores epulæ in eorum templis apponi, et circa eas strati lecti, sive pulvinaria, quibus dii ad cibos capiendos discumberent, collocari solebant, quod dicebatur *lectisternium*; itaque *ornare pulvinar deorum Saliaribus dapibus* jam erit: magnificas epulas diis in eorum templis apparare; *pulvinar* pro templo, ubi pulvinar positum est; sic apud Ciceronem in Cat. III, 10: « Quia ad omnia pulvinaria supplicatio decreta est »; et sic Livius, XXIV, 10, s. fin. « Et supplicatio omnibus Deis, quorum pulvinaria Romæ essent, indicta est. » Peculiarem libellum *de sacris pulvinaribus* scripsit J. David Ellrod, *Allorf.* 1726, 4. — *Saliaribus dapibus* de epulis lautis et opiparis, quibus se invitare solebant Martis sacerdotes,

Salii; hinc παρομοιαζῶς apud Cicer. ad Attic. V, 9: « epulari Saliarem in modum »; quod apud nos olim bene proverbiali hac locutione redderetur: *repas de chanoines*. — *tempus erat*, explicant pro: tempus est; quod non opus videtur; cogita poetam jam initio supplicationis facto sodales suos allocutum esse: *nunc tempus erat*, nunquam magis fas fuit, quam nunc, etc.

8. *Cæcubum* pro vino generosiore, supr. I, 20, 9. — *Cellis avitis*, ubi vinum ab avis conditum servantibus; Ovid. Art. Amat. II, 698: « mihi fundat *avitum* Consulibus priscis condita testa merum. » Similiter *testam paternam* dixit Tibull. I, 10, 48. — *dementes*, dementia et insanum furorem ejus, qui eas parat, prodentes. — *Funus*, h. e. interitum; rem Horatius, ut poeta, auget; non proprie enim imperium Romanum ad interitum vocatum, sed imperii Romani tantum sedem Alexandriam translatura erat Cleopatra; Propert. III, 11, 31, 32: « Conjugii obsceni pretium Romana poposcit Mœnia, et addictos in sua regna patres. Cf. Dio L. VII. — *Contam. cum grege turp.* Morbo vir. in comitatu suo habens catervam virorum turpi morbo infamiam; in-

Sperare, fortunaque dulci
 Ebria : sed minuit furorem
 Vix una sospes navis ab ignibus ;
 Mentemque lymphatam Mareotico

tellige spadones, sive eunuchos, cf. inf. Epod. IX, 13. Cum contemptu autem istam catervam vocat *gregem* et quidem *contaminatum*, h. e. impurum vel fœda libidine pollutum; *virorum morbo turpium*, h. e. turpiter eviratorum; nam *morbus* ut νόσος apud Græcos, passim de corporis vitiis, nisi quis *morbum* de eo, quo libidinosi laborant, accipere malit; hinc apud Catull. LVII, Mamurra et Cæsar, patthici, dicuntur *morboſi*. Hoc enim sensu Tacitus, Annal. XV, 37, de Neronis cum libertino Pythagora conjugio: « Uni ex illo contaminatorum grege denupsisset. » Cf. *Bent.* ad h. l. — *quidlibet impotens Sperare*, impotente animo (h. e. præter modum, temere) sperans omnia; *impotens*, animi cupiditati temperandæ impar; Livius, 6, 11: « animi ingenio vehemens et *impotens*. » — *dulci*, refer ad dulcem illam spem, quam de Romano imperio, tanquam amoris mercede, accipiendo ab Antonio (Flor. IV, 11), fovebat Cleopatra. — *Ebria*, quia spes, quam imbiberat, dulcissima, ejus mentem, ut nimius potus, perverterat; similiter Græci: μεθύων, Theocrit. XXII, 98: μεθύων ἔρωτι.

13. *Vix una sospes navis ab ign.* Hoc intelligendum est de classe Antonii, quam totam pæne in pugna Actiaca combustam esse constat; ipsa Cleopatra enim vano timore exsternata sub pugna statim initio cum sexaginta

navibus aufugerat, quam mox navi prætoria (ad quam spectare videtur *una navis sospes ab ignibus*) secutus est Antonius; vid. Dio L. XXXIII, p. 439; Flor. IV, 11, 8. — *Mentemque lymphatam Mareotico*... *Remis adurgens*. Sensus: et Cæsar celeri cursu ab Italia fugientem Cleopatram persecutus, vanum ejus timorem, quo pugnae se subdlexerat, in verum ad Alexandriam mutavit; *vanum timorem*, qui vero opponitur, expressit Noster per *mentem lymphatam Mareotico*. *Lymphatus* (νυμφοληπτός) proprie dicebatur, qui Nympham aquaticam conspicatus aquam timeret; dixit enim Ovid. Her. IV, 47: « quas Dryades Faunique bicornes numine contactas attonuere suo. » Unde deinde de eo, qui vel subito terrore offusus, vel mente alienatus, vel furore correptus esset, vid. *Cuper. Observ.* III, 12. Jam vero quum Cleopatra, vix pugna navali ad Actium commissa, ita alienata esset animo, ut nulla adhuc urgente necessitate statim fugam capesseret, ille terror vanus salse ad ejus vitam luxuriosam simul notandam *mentē lymphatæ Mareotico*, h. e. offusæ et externatæ vino Mareotico, sive ejus ebrietati, tribuitur; cf. *Benul.* Poteris quoque, si malueris, simpliciter dicere quos canis rabiosus morderit, eos lympham fugere et horrere, et inde *lymphatum* pro *furioso* poni. — *Mareoticum*, vinum nobilis-

Redegit in veros timores
 Cæsar, ab Italia volantem
 Remis adurgens; accipiter velut
 Molles columbas, aut leporem citus
 Venator in campis nivalis
 Hæmoniaë; daret ut catenis
 Fatale monstrum: quæ generosius
 Perire quærens, nec muliebrit
 Expavit ensem, nec latentes
 Classe cita reparavit oras.

simum, ad Mareotidem paludem super Alexandriam natum: cf. Athen. I, cap. 60; et Heyn. Virg. Georg. II, 91.

17. *Volantem.... Remis adurgens*, premens, proxime insequens eam volantem ab Italia quo tetenderat; primum nempe Cæsar Liburnas naves fugientem Cleopatram premere jussit, deinde post aliquod temporis intervalum ipse eam ad Alexandriam usque persecutus est. — *accipiter velut*, sc. premere solet. — *Molles*, timidas; primas lineas hujus comparisonis duxit Homerus, Il. XXII, 139: Πηλεΐδης δ' ἐπόρουσε... ἥϊτε χίρκος ὄρεσφιν, εἰσαφρότατος πετεινῶν, ῥηϊδίως εἴμψα μετὰ τρήρωνά πελεια. Cf. Virg. Æn. XI, 721, ubi plura tam Græcorum quam Latinorum poetarum in hanc rem exempla conduxit Cerda. — *nivalis Hæmoniaë*, Thessaliæ, ab antiquo rege *Hæmone*, quæ nunc a tempore, quo lepores in campis venator indagare solet, *nivalis* dicitur. — *daret ut catenis*, eo scilicet consilio, ut ex more solemnī *catenata* ante currum triumphalem duceretur. — *Fatale monstrum*, horrendæ et inau-

ditæ cupiditatis mulierem, fato quodam a diis iratis Romano imperio immissam, quam graviter! Similiter Cicero Catilinam ob dira ejus consilia *monstrum* et *prodigium* vocat in Cat. II, 1. « Dedecus Ægypti, Latii feralis Erynnis » audit Cleopatra apud Luc. X, 59. — *generosius*, nobiliore et honestiore mortis genere, quam quod se captivam maneat. — *Expavit ensem*; arreptum enim telum, quo vim sibi illatura erat Cleopatra, quum Proculeius eam ad Cæsarem abductum venisset, vix vi ex ejus manibus extorqueri potuit, ut narrat Plutarch. in Vit. Anton. p. 982. — *nec latentes Classe cita repar. oras*, h. e. nec, ut mortem effugeret, occultiora, quibus lateret, loca cita classe parare, h. e. assequi studuit. — *reparare* pro simplice *parare*, ut supr. I, 31, 12, *vina reparata* pro: *parata*. In quo quidem verbi *reparare* usu quum essent, qui non acquiescere possent, emendando locutionis insolentiam tollere studuerunt; *Bentleius* quidem ingeniose tentabat *penetravit oras*, ut *Illyricos sinus penetrare* pro: in sinus Illyr.

Ausa et jacentem visere regiam

25

Vultu sereno, fortis et asperas

Tractare serpentes, ut atrum

Corpore combiberet venenum;

Deliberata morte ferocior;

Sævis Liburnis scilicet invidens

30

penetrare apud Virg. *Æn.* I, 143. — *Lambert. Bos in Animadv.* p. 36, *ire paravit oras*, ut *ire Afros* pro : in Afros apud Virg. *Ecl.* I, 68. — Nostra denique ætate satis audacter *Wakefield* : *repedavit oras*.

25. *Jacentem*, periculi imminens metu dejectam, afflictam; sic *jacenter* (h. e. afflictum, miserum) *solari* apud Ovid. *Trist.* I, 8, 13, et *Pont.* III, 3, 77, et sæpe alibi. — *Vultu sereno*, ad lætitiā composito, quo animi magnitudinem et fortitudinem prodebat. Præclara vero oppositio est in *ausa vultu sereno et jacentem regiam*. Ad rem v. Dio, I, 4, 5. — *Tractare* sc. manibus, ut ad morsus lacesseret; *asperas* refer ad asperam serpentum iram et sævitiam; sic *infr.* III, 2, 10, hostis timendus et sævus cum *aspero tactu leone* comparatur. — Serpentes autem sive aspides illas fixisse dentes suos venenatos in Cleopatræ brachio, ex adumbrata cum aspidibus ejus brachio implicitis imagine, quam Augusto, in triumphum invecto, præportatam esse tradunt, intelligi potest; v. *Propert.* III, 9, 53: « Brachia spectavi sacris admorsa colubris », et ibi *Burm.* — Ceterum, mortis per aspidum morsus conacitæ genus apud Ægyptios haud infrequens; sic Demetrium Phalcreum in Ægypti

regno, aspide ad corpus admota, vita privatum esse narrat Cicero in *Orat.* p. C. Rabir. Postum. c. 9.

27. *Atrum*, mortiferum, exitiosum. Sic *atra lues*, *fames*, *cura*, et simil. Virg. *Georg.* II, 130; *Æn.* II, 221. Ut *pallida mors pallentes artus* facit, sic *atrum venenum corpora nigra* reddit. — *corpore combiberet*, inficeret corpus veneno, quod vix admissum prompta lue totum sanguinem occupat. Dum *corpus* in genere nominat, videtur in medio relinquere, cui membro serpentem illa fortiter admoverit; nisi verba (v. 26, *asperas tractare fortis*) ad eorum sententiam traxeris, qui Cleopatræ brachium ab aspide lacessita admorsum statuunt.

29. *Deliberata morte ferocior*. Sic Dido, *Æn.* IV, 475, ubi, « decrevitque mori, tempus secum ipsa modumque exigit, et.... consilium vultu tegit, ac spem fronte serenat. » Sic Amphiarus, *Stat. Theb.* VII, 699, « certus et ipse necis; vires fiducia leti Suggest; inde viro majoraque membra, dicaque lætior. »

30. *Sævis Liburnis scilicet invid.* *Privata deduci superbo Non hum. mulier triumpho*, h. e. invidens scilicet hostibus hanc gloriam, ut *mulier non humilis* (h. e. modo regina) nunc privata in splendorum triumphum de-

Privata deduci superbo

Non humilis mulier triumpho.

duceretur.—*Sævis Liburnis*, navibus illis parvis et velocioribus, qualibus Liburni inprimis piratæ mare olim infestaverant; jam vero quum Augustus, vel potius Agrippa egregia earum opera non solum Antonii classem, ex grandioribus et ob molem suam minus agilibus navibus instructam, vicisset, sed iisdem etiam ad persequendam Cleopatram usus esset, cum dilectu pro: hostibus infestissimis, ponuntur. — *invidens*, indignata, nolens ob superbiam navibus Liburnis hunc honorem tribuere, ut iis Romam duceretur.— *Privata deduci*, ut privata (h. e. perditio regis dignitatis honore) deduceretur; opportune Cl. *Mitsch.* affert locum e Zenob. Cent. V, p. 121, edit.

Schott. ἡ δὲ Κλ. αἰρουμένη μᾶλλον ἐν-
τίμως ἀποθανεῖν, ἢ ἐν ἰδιωτικῇ τά-
ξει ἐπὶ θαλάτρου ἀτιμασθῆναι,
ἀνελθεῖν αὐτὴν ἐμάχησαν. — *Non hu-
milis mulier*, mulier generosæ indolis,
quod regina mori mallet, quam regno
exuta, victoris triumphum ornare. —
triumpho, tertio casu pro: ad trium-
phum, non autem sexto pro: in
triumpho. Quo sensus errore decep-
tus interpret *Galiani*, ratus scilicet
reginam non potuisse in triumpho per
Romæ vias navibus duci, aliquid in
his versibus mutandum et sic jungen-
dum esse censuit: Deliberata morte,
ferocior sævis Liburnis, quam sævi
Liburni; quæ sententia insolentior
nemini assensu innititur.

ANALYSIS. Quo gravius fuit periculum, quod Romano imperio moliebatur Cleopatra, eo lætior Romanis debebat esse nuncius de morte, quam Cleopatra, quum anno post pugnam Actiacam (DCCXXIV) capta esset ab Augusto Alexandria, aspidis ad corpus admotæ morsu, ne in triumphum duceretur, ibi conscivit. — In hujus publicæ igitur lætitiæ societatem dum poeta sodales suos evocat, et quomodo Cleopatra, ad Actium primum ab Augusto victa, deinde usque eo redacta fuerit, ut violenta morte periret, sublimiore spiritu enarrat, alia quasi agens, Augusti, ut statoris Romani imperii, laudes in hoc carmine celebrat.

Eminet hoc carmen vividissima rerum expositione, affectuum vi, elocutionisque ornatu splendido. In exprimendo Cleopatras caractere sensum plane Romanum secutus est poeta; evertendæ enim reip. Romanæ consilium non poterat, quin Romano civi, qui Capitolii arcem æternam caputque imperii orbis terrarum haberet, temerarium, insanum, infandum etiam videretur.

Compara cum hoc carmine infr. Epod. 9; Virg. *Æn.* VIII, 675; et Prop. III, 11, et IV, 6. Vide etiam nost. edit. Livium, t. VIII, p. 379; fragm. Lib. CXXXIII. « Cleopatra, quum ab Augusto capta indulgentius de industria tractaretur, identidem dicere solebat: οὐ θριαμβεύσομαι, non deducar triumpho. » Ed.

CARMEN XXXVIII.

AD PUERUM.

Apparatum convivii sibi minime sumptuosum placere.

PERSICOS odi, puer, adparatus;
Displicent nexæ philyra coronæ;
Mitte sectari, rosa quo locorum

Sera moretur.

Simplici myrto nihil adlabores
Sedulus curæ; neque te ministrum
Decet myrtus, neque me sub arta
Vite bibentem.

5

1. *Persicos odi adpar.* De Persarum luxu et magnificentia in apparandis conviviis vid. Athen. IV, 10 et 12; Val. Max. IX, 1; Ælian. V. H. XIV, 34. — *nexæ phil. coronæ*, coronæ convivales ex variis floribus per philyram connexæ, quæ inde dicebantur *sutiles*; de *philyra* Plin. H. N. XVI, 14, s. 25: « Inter corticem ac lignum tennes tunicæ multiplici membranula, e quibus vincula, tilis vocantur, tenuissimæ earum *philyræ*, coronarum lemniscis celebres, anti- quorum honore. » — *Mitte*, noli. — *Sera moretur*, ubi serioris anni tempore, quo ceteræ defloruerint, adhuc floreat, exquisite!

3. *Simpl. myrto nihil adlab. sed.*

curæ. Sensus: Nolo, ut ex sedulitate et ex ministerii tui bene administrandi cura alios flores simplici myrto adjungas; pro *sedulus curæ* vulgo legitur: *sedulus curo*; sed quum dura loquendi ratio: *curo nihil adlabores*, indigna esse videatur Horatio, dedi, quod Bentleius ex Cod. Bodleiano protulit: *Sedulus curæ* pro: *sedulus* in rebus quæ curæ cordique alicui sunt, sive, pro: *sedula cura*. — *ministrum* sc. vini. — *Decet myrtus*, nam pocillatores quoque sertis coronari solebant. — *sub arta Vite*, sub denso umbraculo e vitibus contexto; sic Virg. Eclog. IX, 42, « lentæ vites umbracula texere » dicuntur. — *bibentem* et *ministrum* suaviter opponit.

ANALYSIS. Ut ostendat poeta, se convivorum simplicitate magis quam splendido eorum apparatu delectari, puerum, cui convivii apparandi curam demandaverat, coronam convivalem haud ex floribus undique studiose conquisitis, sed ex simplice myrto, nectere jubet. Oratio tersa et comta, simplex tamen munditiis, quasi verita, ne, ipsa operosiore cultu, carminis argumento repugnare videretur.



QUINTI
HORATII FLACCI
CARMINUM
LIBER SECUNDUS.

CARMEN I.

AD ASINIUM POLLIONEM.

Monet ut, omissis quas scribit tragœdiis, ad perficiendam belli
civilis historiam totus incumbat.

MOTUM ex Metello consule civicum,
Bellique causas, et vitia, et modos,
Ludumque Fortunæ, gravesque
Principum amicitias, et arma

1. *Mot. ex Met. cons. civ.* Pollio nempe, quum a societate illa, quam U. C. DCXCIV, Q. Cæcilio Metello Celere, Lucio Afranio Coss. tres viri principes, Cæsar, Pompeius et Crassus, contra rempublicam inierunt, primam bellorum civilium originem repeteret; inde quoque eorum historiam detexere exorsus est. — *motus civicus*, seditio, quæ inter cives movetur, jam pro initio belli civilis. — *bellique causas*, simultatem ortam inter Cæsarem et Pompeium, multorum ambitionem, odia, libidines, etc.

Vid. Suet. c. 29 et 30 in Julio Cæsare. — *vitia*, temere, a Pompeianis inprimis, capta consilia. — *modos*, refer ad omnem rationem, qua bellum pro cujusque partis consilio et viribus gestum est. — *Ludumque Fortunæ*, fortuitos rerum eventus; in hoc enim bello præter solitam, vicissitudinibus quasi ludere ac joculari fortuna visa est; quum Pompeius toties terra marique victor, magnus cognomine, tandem fugerit, et miserabiliter occisus vix sepulcro, externa in regione, potius sit; Cæsar vero, Pompeii victor, mox

Nondum expiatis uncta cruoribus,

5

Periculosæ plenum opus aleæ,

Tractas, et incedis per ignes

Suppositos cineri doloso.

Paullum severæ Musa tragoediæ

Desit theatri: mox, ubi publicas

10

Res ordinariæ, grande munus

Cecropio repetes cothurno,

in Curia ipse fuerit interfectus. — *amicitiæ Principum*, initam inter Cæsarem, Pompeium et Crassum societatem. — *gravis* dicitur, scil. reipublicæ. « Tu causæ malorum, facta tribus dominis communis Roma. » Lucan. I, 84. — *uncta*, h. e. polluta, ut infr. Epod. 5, 19, « ova turpis ranæ sanguine uncta. » — *Nond. exp. cruor.* perpetrata enim in bello civili civium cædes ad graviora et piaculis expianda referebatur scelera; hinc supra Noster de bellis civilibus, I, 2, 29: « Cui dabit partes scelus expiandi Jupiter? » — *Peric. plen. opus al.* opus periculosissimum, rem arduam moliris. Omnibus qui motus civiles adhuc recentes narrant, timendum est ne aut rerum veritas lædatur, aut vera enarratione multorum odia moveantur. *Alea* est proprie ludus talorum, qui periculosus et incertus vulgo est; unde ad quamvis rem accipitem significandam vox accipitur. — *incedis*, etc. idem facis ac si incederes per cineres qui tegerent suppositum ignem: quod nempe sine gravi periculo fieri nequit. Similiter Propert. I, 5, 5: « Et miser ignotos vestigia ferre per ignes. »

9. *Paul. sev. Musa trag. Desit*

theatri. Sileat interea Musa tua tragica; cesset et intermittatur paululum, quo tragœdiis scribendis de theatris egregie mereris, studium. — *ubi Res publicas ordinariæ*, ubi res, quæ ad bella civilia spectant, digesseris, et earum nexum ex ordine descripseris; vel ad exquisitius loquendi genus: postquam rempublicam composueris, h. e. postquam historiam tuam ad illa usque tempora produxeris, quibus respublica est composita. Facere enim dicuntur poetæ et historiarum scriptores, quod describunt. Male certe Juvencius et Dacierius hæc verba, *publicas res ordinariæ*, non de rerum enarratione, sed de vera reipublicæ administratione intelligunt; qui sensus universo carminis tenori repugnare omnibus facile videbitur. — *grande munus Cecropio repetes cothurno*, tragici poetæ partes de integro sustinebis; *repetere grande munus*, ad grave tragœdias scribendi studium redire; *Cecropio cothurno*, sublimiore, quem illud exigit, spiritu. *Cecropius*, Atticus; fuerunt autem nobilissimi tragediarum scriptores Attici, sive Athenienses, Thespis, Sophocles, Æschylus, Euripides. — *cothurnus*, calceus altior, quo in tragœdiis ute-

Insigne mæstis præsidium reis,

Et consulenti Pollio curiæ,

Cui laurus æternos honores

15

Dalmatico peperit triumpho.

Jam nunc minaci murmure cornuum

Perstringis aures : jam litui strepunt :

Jam fulgor armorum fugaces

Terret equos equitumque vultus.

20

Audire magnos jam videor duces

Non indecoro pulvere sordidos,

bantur, pro ipsa tragedia, vel sublimiore scribendi genere, uti *soccus*, calceus humilior, pro comœdia, vel humiliore scribendi genere; infr. in Epist. ad Pis. « carmina prope socco digna », et v. 280 de Æschylo, « Et docuit magnumque loqui, nitique cothurno. » Et hinc Virgilius, Pollionem Sophocli æquiparans, ejus « carmina sola Sophocleo cothurno digna » esse ait, Eclog. VIII, 10. — *Insigne mæstis... peperit triumpho*, pro vulgari : o Pollio, vir consultissime, et victoriarum gloria clarissime. — *præsidium reis*, docta structura, pro : præsidium reorum, qui reis præsidio ades, eos egregie defendis. — *consulenti curiæ*, senatui de rebus gravioribus deliberanti. — *Dalmat. triumpho*, Pollio, de Parthenis proprie, populo Illyrico, contra quos missus fuerat ab Antonio, triumphum egit. Dio XLVIII, 41; Appian. de B. C. V. 78, p. 1138. qui quidem triumphus honorificentiore nomine dictus est *Dalmaticus*.

17. Sequitur locus longe pulcherrimus. Jam nunc oculis suis subjecta esse ait poeta, quæ Pollio pro insigni,

qua polleat, dicendi arte adumbraturus sit. Tribuit igitur ei laudem, in qua summa historiarum scriptoris virtus cernitur. — *Perstringis*, feris, impellis. — *Terret equos equitumque vultus*, equi nempe armorum fulgore consternantur, et equitum vultus periculo imminente pallescit. — *Audire magnos jam videor duces*, etc. Sensus : jam auribus percipere mihi videor voces et jussa, quibus magni et egregii duces milites ad pugnam exhortantur, et sic præsens quasi cognosco quomodo præter invictum Cætonis animum totus terrarum orbis subactus sit. — *Aud. mag. jam vid. duc.* explicant fere : Jam audire mihi videor te recitantem de magnis ducibus, etc. sed sic omnis hujus loci vis tollitur; lector enim Pollionis de bellis civilibus historiæ non legere de pugnis, sed in ipsa pugna simul versari sibi videtur; audit cornuum murmur et lituorum strepitum, videt consternatos equos; auribus igitur percipere quoque sibi videtur ipsas ducum militibus imperantium voces. — *Non ind. pulv. sord.* decori enim est viro forti pulvis in pugna collectus; hinc supr.

Et cuncta terrarum subacta

Præter atrocem animum Catonis.

Juno et Deorum quisquis amicior

25

Afris inulta cesserat impotens

Tellure, victorum nepotes

Rettulit inferias Jugurthæ.

Quis non Latino sanguine pinguior

I, 6, 15, « Meriones pulvere Troio niger » dicitur. *Et cuncta*, etc. verbum *audire* jam non in propria significatione repetendum, sed vel pro: *cognoscere, intelligere, videre*, accipiendum, vel ejusmodi verbum ex noto loquendi genere, quod *zeugma* dicitur, supplendum est. — *Præter atroc. anim. Cat.* præter Catonem, virum pervicacissimum, qui, quum mori, quam tyranni vultum adspicere, mallet, manum sibi Uticæ intulit. Vid. Cicer. Offic. I, 31; Vell. II, 49; ac imprimis Senec. de Provid. 2, et Epist. 98, unde optime *atrocis animi* notionem h. l. constituas. *Atrocitas* scilicet omnino in consilii suscepti perseverantia ostenditur, maxime tum, ubi tempora incidunt, quæ ut sententiam mutes, suadere videantur.

25. Catonis sibi necem inferentis memoria, ad horum temporum miserabiles casus revocatur poeta, et tot civium Romanorum internecionem dolet; vulgarem autem hanc sententiam egregie ad veteris religionis doctrinam adumbravit; Junonem enim et ceteros Africæ deos *ἑταίρους*, sive tutelares, qui cedere olim debuerant cladibus, quas Romani in bello Jugurthino et bellis Punicis intulerant Afris, jam auctores facit insignis illius cladis, qua collectus a Q. Scipione

exercitus, ultimum libertatis defendendæ præsidium, ad Thapsum (Byzæcii oppidum) ad internecionem cæsus est; — olim quidem, ait, Juno et ceteri dii Afris propitii, *impotentes* (quia fati necessitati resistere non poterant), *inulta terra* excedere coacti sunt; sed nunc *nepotes* eorum qui vicerunt, tanquam piacula, Jugurthæ manibus obtulerunt, quem indignis opertum catenis Marius in triumphum duxerat. — *cesserat*, loca vastata vel captas urbes dii deserere putabantur; vid. *Cerda* ad Virgil. *Æn.* II, 381. — *Rettulit*, significanter pro: obtulit; *referre* enim notionem vicis reddendæ simul complectitur, uti *gratiam referre* in malam partem pro: vicem reddere, dici solet. — *inferias*, refer ad inhumanum illum priscæ antiquitatis morem, ex quo captorum sanguine placari solebant in bello cæsorum manes; de quo vid. ad Virg. X, 519. Similiter Lucan. IV, 788: « Excitet invisas diræ Carthaginis umbras Inferiis fortuna novis, ferat ista cruentus Hannibal, et Pœni tam dira piacula manes. »

29. *Quis non Lat. sang.* etc. vulgarem sententiam: ubinam est in toto terrarum orbe locus, quem Romani cives non sanguine suo maculaverint? splendide exornavit poeta. — *sang.*

Campus sepulcris impia prælia

30

Testatur, auditumque Medis

Hesperiaë sonitum ruinæ?

Qui gurgēs, aut quæ flumina lugubris

Ignara belli? quod mare Dauniaë

Non decoloravere cædes?

35

Quæ caret ora cruore nostro?

Sed ne, relictis, Musa procax, jocis,

Cææ retractes munera Næniæ:

Mecum Dionæo sub antro

Quære modos levioꝛe plectro.

40

ping. Campus. Similiter apud Virg. Georg. I, 491, de bellis civilibus *campi pinguescere* dicuntur; cf. *Mitsch.* — *audit. Medis Hesp. son. ruinæ.* Et quis non percepit (quod ex verbo *testatur* eliciendum est) fragorem corruentis imperii Romani, Medis adeo (h. e. Parthis, Romano nomini infestissimis) auditum? — *quæ flumina*, fluvii enim passim a poetis præliorum testes adhiberi solent; cf. infr. IV, 4, 38; Catull. LXIV, 358; Tibull. I, 7, 41; Virg. Eclog. V, 21. cogitare autem licet de præliis ad Rhodanum, Padum et Iberum commissis. — *Daun. cæd.* h. e. sanguis cæsorū civium Romanorum; *Daunia*, sive Apulia, pro tota Italia. — Terras, quæ bella civilia senserunt, recenset Florus, IV, 2, § 6: « Si locum et spatium (sc. *inspicias*, quod ex antecedentibus repetendum) ubi commissum est, intra Italiam; inde se in Galliam Hispaniamque deflexit, reversumque ab occasu, totis viribus in Epiro Thessaliaque consedit; hinc in Ægyptum subito transiliit; inde respexit Asiam; inde Africæ incubuit;

postremo in Hispaniam regyavit, et ibi aliquando defecit. »

37. *Ne munera Cææ Næniæ retract.* ne canas nœnias, *ὀπρῖνους*, carmina lugubria et miserationem moventia, qualia olim cecinit Simonides *Ceus* (insula Cea oriundus). *Simonideas lacrimas* flebiles illos et miserabiles Simonidis elegos vocat Catull. XXXVIII, 8. De laudibus quæ Simonidi, ut poetæ, tribuuntur, vid. *Wesseling.* ad Diodor. Sic. t. I, p. 412. — *munera nœniæ*, pro: nœniam vel nœnias; *munus*, ut sæpe, inservit periphrasi. — *Musa procax*, proterva, petulans, jocosā, quæ ideo jocos, ipsi proprios, relinquere non debet. — *Dionæo sub ant.* sub antro Veneri dicato, nota imagine. Vid. Ovid. Amor. III, 18, 3: « Nos, Maec, ignava Veneris cessamus in umbra. » Nymphæ maritimæ, filia dicebatur. — *levioꝛe plectro*, levius ferilyram, leviores cantus mecum modulari, remissioris argumenti carmina mecum meditare. Senec. Agam. 389; et Stat. Silv. IV, 5, 57.

ANALYSIS. C. Asinius Pollio, vir consularis, quem belli pacisque artibus pariter, ac litterarum ingenique, quo præclarum tragiædiarum scriptorem se præstitit, gloria inter Romanos excelluisse satis constat, quum jam eo contulisset studia sua, ut belli civilis historiam scriberet, Horatius eum in hoc carmine ad illud opus strenue perficiendum non sine magna ejus laude adhortatur atque excitat. Sententiarum nexus est fere hic: Bellorum civilium originem, ab eo inde tempore quo Metellus consul fuit, repetendam, et rationem qua illa gesta sunt, enarrare aggressus es, Pollio. Est sane tanti, ut tandiu, donec ultimam manum suscepto operi imposueris, animum paulisper a tragiædiarum scribendarum studio avertas. Quam vivis coloribus omnia in illa bellorum civilium descriptione expressa erunt! Jam nunc ipse pugnæ, quas descripturus es, interesse mihi videor! Jam nunc adumbrata fortissimorum ducum imago animo meo observatur! Jam nunc mente percipio, quomodo totus terrarum orbis præter atrocem animum Catonis subactus, et quanta strages in Africa edita sit! Quis campus enim Romanorum civium sanguine non pollutus est? In quam terram fama de bellorum civilium calamitate non penetravit? Quem gurgitem, quem fluvium, quod mare non commaculavit civium cædes? Sed quo me abripi patior ego, qui non gravioris sed levioris tantum argumenti carmina canere possum! — Ceterum, quum bellorum civilium historię, in XVII libris a Pollione expositę, alii quoque scriptores (e. g. Tacit. Ann. IV, 34; Sueton. Cæs. 30, et de Cl. Gramm. 10; Appian. de B. C. p. 479) tam honorificam mentionem injecerint, profecto eam non ætatem tulisse maxime dolendum est. — Pollionis autem laudes imprimis complectuntur quarta et octava Ecloga Virgilii, qui illi æque atque Horatio amicus et patronus exstitit.

Carminis incessus multum gravitatis habet; in singulis doctrina et ornatus admirabilis; imagines rerum lectissimę, ita ut inter perfectissima Horatii carmina, illud adnumerandum censeam. Quę tamen virtutes prave interpretibus intellectę, plura super poetę consilio pepererunt opinionum monstra, quę, quum justa explicatione profligare studuerimus, ulterius hic exagitare nihil attinet.

CARMEN II.

AD CRISPUM SALLUSTIUM.

Contemptum pecuniæ laudat.

NULLUS argento color est avaris
 Abdito terris, inimice lamnæ,
 Crispe Sallusti, nisi temperato
 Splendeat usu.

Vivet extento Proculeius ævo
 Notus in fratres animi paterni :

5

1. *Sensus* : Nullum pretium habet argentum, quod avaris hominibus abdutum est in terra; hinc invisæ tibi est, Crispe Sallusti, pecunia, quæ non sapienter in usum convertitur. — *Nullus arg. color est*, splendore suo, h. e. pretio, caret argentum. — *τὸ ἀνὰ τὰς γῆρας* omnes quos vidi interpretes ad *terris* trahunt, et *avarum terram* explicant de ea, quæ avari instar argentum conditum custodiat; equidem *avaris* in casu tertio et *terris* in casu sexto positum esse arbitror, ita, ut *avaris argentum abdutum terris* sit, argentum, quod avaris hominibus abdutum est, vel quod avari abdere in terra solent. *Avaris* scilicet opponitur Crispus Sallustius, qui, ut paulo post dicitur, *avidum spiritum domare* didicerat. — *inimicus lamnæ*, qui nihil curat pecuniam; *lamna* pro *lamina*, argentum in laminas procusum, jam

cum contemptu quodam pro : pecunia. — *temperato* sc. ad eum, qui tenendus est, modum, h. e. recto. Commode cum sententia hujus loci contendunt Pind. Nem. I, 44 : Οὐκ ἔραμαι πάλιν ἐν μεγάρῳ πλοῦτον κατακρύψας ἔχειν· Ἄλλ' ἰόντων, εὖ τε παθεῖν καὶ ἀκούσαι, φίλοις ἐλαχέων.

5. Itaque gloria, quam liberalitate in fratres sibi comparavit Proculeius, semper vigeat, et apud posteros celebrabitur. — *Notus... paterni animi*, pro vulgari : notus paterno animo. — *C. Proculeius Varro Muræna*, eques Romanus, et intimus Augusti amicus, tam pio liberalique in fratres (L. Licinium Varronem Murænam et M. Terentium Varronem Murænam, secundum Masson. Vit. Horat. p. 304) bonis suis in bellis civilibus exutus animo fuisse dicitur, ut patrimonii sui partem de integro æquis partibus cum

Illum aget penna metuente solvi

Fama superstes.

Latius regnes avidum domando

Spiritum, quam si Lybiam remotis

10

iis divideret. — *extento ævo*, pro vulgari : apud posteros ; extendit enim ævum , qui gloriam virtute partam ad posteros propagat ; similiter Virg. *Æn.* X, 468, « famam extendere factis, » et *Æn.* VI, 807, « virtutem extendere factis » dixit. — *aget*, extollet, evehet, per populos circumferet. Prop. III, 1, 9 : « Quo me fama levat terris sublimis, » et Claudian. I, 34 : « Illum fama vehit trans æquora. » — *penna metuente solvi Fama*, ad famæ æternitatem designandam tribuuntur Famæ, ut deæ alatæ, *pennæ metuentes solvi*, quæ sibi cavent ne solvantur, h. e. quæ nunquam solvuntur, nunquam languescunt, nunquam volatui desunt ; sic passim *metuere*, ut Græcorum *φύλαττεσθαι*, periphrasi τοῦ *non* vel *nunquam* inservit. Virgil. Georg. I, 246 : Arcios Oceano metuentes æquore tingi. » Nonnulli legere volunt : « penna *haud* metuente solvi, » quod omnem difficultatem tolleret ; hujus autem lectionis fides non tam certa ac confirmata nobis visa est quæ contra omnes fere MSS. acciperetur. — *superstes*, ad Famam refertur, quod proprie ad Procleium referri debebat.

9. Multi interpretes per *spiritum avidum* universæ cupiditates intelligunt et ita explicant : Si animum tuum a cupiditatibus refrænes, si cupiditatibus imperes, latius erit regnum tuum, quam si universum orbem possideas. Hic autem sensus et ab odæ

argumento, quod avaritiæ tantummodo vituperatio est, alienus videtur, et cum sequenti strophe minime concordat, in qua ad crescentem semper habendi cupiditatem alluditur. Quod si vero *avidum spiritum* de cumularum divitiarum cupiditate interpretaris, sententia loci erit : Qui spiritum pecuniæ avidum domat, divitias non per se expetendas censet ; is latius regnat, ditior est, quantulacunque ipsius opes sint, quam si avarus sit et immensas opes possideat ; nam avarus, quantascunque congesserit opes, tantum abest, ut aliquando expleatur, ut ejus sitis (quod per allegoriam in sequenti strophe exprimitur) potius nova usque cum ipsa pecunia incrementa capiat, sicque nunquam ejus fructum iste percipiat. Eandem sententiam variis modis expressam passim reperias. Seneca Hercul. Fur. 166 : « Nullo fine beatus componit opes, gazis inhians, et congesto pauper in auro est. » Claudian. III, 196 : « Teneas utrumque licebit Oceanum, laxet rutilos tibi Lydia fontes, Jungantur solium Cræsi Cyrique tiara ; nunquam dives eris, nunquam satiabere questu. Semper inops, qui plura cupit. » — *Latius regnes. Regnum et regnare* passim de agrorum possessionibus ; Virg. Eclog. I, 70 : « Post aliquot, mea regna vicens, mirabor aristas ? » cf. Georg. III, 476. — *Libyam*, Africam, ubi latifundia sua habebant Romanorum ditissimi. — *remot. Gad.*

Gadibus jungas, et uterque Pœnus

Serviat uni.

Crescit indulgens sibi dirus hydrops,

Nec sitim pellit, nisi causa morbi

Fugerit venis, et aquosus albo

15

Corpore languor.

Redditum Cyri solio Phraaten

Dissidens plebi numero beatorum

Gades, insula prope fretum Gaditanum, pro Hispania vel Hesperia, quæ terra Romanis fuit remotissima; hinc supr. I, 36, 4, *Hesperia ultima*. — *jungas*, simul possideas; eandem sententiam variavit Noster, infr. III, 16, 39 seqq.: «Contracto melius parva cupidine Vectigalia porrigam, Quam si Mygdoniis regnum Alyattei Campis continuem.» — *uterque Pœnus*, Afer et Hispanus, veteris et novæ (in ora Hispaniæ Orientalis maritima) Carthaginis incolæ.

13. Avarus enim, qui semper plura appetit, similis est hydropico, cujus sitis, quamdiu causa morbi in venis sedet, nunquam expleri potest. Similiter crescentem avarorum cupiditatem cum hydrope comparat Ovid. Fast. I, 211: «Creverunt et opes, et opum furiosa cupido; Et, quum possideant plurima, plura volunt. Sic quibus intumuit suffusa venter ab unda, Quo plus sunt potæ, plus sitiuntur aquæ.» Eandem invenias comparisonem avari cum hydropico in Polyb. Hist. L. XIII, 1. — *indulgens sibi*, obsequendo bibendi cupiditati. — *dirus hydrops*: morbus crudelis, lethifer. — *Nec sit. pellit*, sedat, restinguit. Morbo adeo tribuit pota quod ægroti pro-

prium erat. — *aquosus albo Corpore languor*, aqua intercus, qua corpus tam pallore quam languore afficitur.

17. Sapiens longe aliter, ac plebs, de felicitate, quæ virtute paritur, judicat; nec Phraaten ideo, quod in regnum Parthicum restitutus sit, in censum beatorum refert; idemque probans solum recte dici posse regem, et summis virtutis præmiis dignum esse, qui nulla plane divitiarum cupiditate et invidia tangatur, rectius populum de humana felicitate judicare docet. — *Redditum Cyri solio Phraaten*. Phraates, rex Parthorum, quum insolentius et crudelius se gessisset, a suis expulsus, sed idem deinde, Scytharum auxilio, quod imploraverat, sustentatus, U. C. DCCXXX in regnum restitutus est; v. Dio LI, 18. — *Cyri solio*, imperio Persico, pro Parthico, ut sæpe Persæ pro Parthis; supr. I, 2, 22, et 21, 15. — *beatorum*, Senec. Epist. 45: «Beatus non is est, quem vulgus appellat, ad quem magna pecunia confluit; sed ille, cui bonum omne in animo est, erectus, excelsus, et mirabilia calcans.» Nota ultimam hujus verbi syllabam ad versum sequent. elidendam, ut iusta metri sapphici servetur mensura.

Eximit Virtus, populumque falais

Dedocet uti

20

Vocibus; regnum et diadema tutum

Deferens uni propriamque laurum,

Quisquis ingentes oculo irretorto

Spectat acervos.

— *Virtus* personam doctoris, sive sapientis, virtutis præceptis imbuti, induit. Eodem colore Senec. Ep. 94: « Inducenda est in occupatum locum Virtus, quæ mendacia contra verum placentia exstirpet, quæ nos a populo, cui nimis credimus, separet, et sinceris opinionibus reddat. » — *popul. falsis*, etc. et populum deponere jubet falsas, quas de felicitate humana imberit, sententias. Hunc vulgi de vera felicitate errorem notavit hoc versu *Voltaire*, I DISC. EN VERS: « *Être heureux comme un roi*, dit le peuple hébété. » — *diadema*, insigne regii honoris. — *tutum*, sine curis; quod eripi nequit. — *propriam*, perennem, æternam; Cic. post Red. in Senat. 4:

« Si illud... perenne ac *proprium* manere potuisset; » et sic perennes et æternæ deorum voluptates *proprie* dicuntur apud Terent. Andr. V, 8, 4. Infr. Sat. II, 6, 8: « Nil amplius oro, Maia nate, nisi ut propria hæc mihi munera faxis; » ubi plura vid. in not. — *oculo irretorto*, qui cumulos auri atque argenti ita prætereundo aspectat, ut ne oculos quidem flectat ac retorqueat. Rursum irretortus oculus dici potest, non invidus; invidi enim obliquis et limis oculis ea solent aspiciere quibus invident. Irretortum etiam interpreteris, si visum est, rectum, id est, qui auro adeo non commovetur, ut ejus fulgore non perstringatur, nec oculos flectere cogatur.

ANALYSIS. Agit poeta in hoc carmine de vera, quæ ex divitiarum vel contentu vel liberali usu comparetur, gloria, eo consilio, ut eam Crispo Sallustio, sapientius quibus ille abundabat divitiis uso, vindicet. Proculeii igitur, immortale liberalitate sua in fratres nomen nacti, laudato in hanc rem exemplo, tam miseram conditionem eorum, quorum plura habendi cupiditas in dies, ut hydrops, crescat, quam summam felicitatem et potentiam eorum, qui, exstirpata plane ex animo plura habendi cupiditate, sibi imperare et fortuna sua uti didicerint, describit. — Fuit autem Crispus Sallustius, clarissimi historiarum acriptoris ex sorore nepos, non solum a divitiarum augendarum (nam vivebat splendidissime), sed etiam honorum (noluit enim ultra ordinem equestrem assurgere) studio alienissimus. Nobilissimi inprimis sunt *horti Sallustiani*, quos præclara antiquitatis monumentis instructos Imperatores postea obtinuisse constat. — In sententiam hujus carminis comparant Theocrit. XVI, 22 seqq.

CARMEN III.

AD Q. DELLIIUM.

Moderate ferendam esse utramque fortunam, et inprimis hilariter vivendum, quum omnibus impendeat moriendi conditio.

ÆQUAM memento rebus in arduis
 Servare mentem, non secus in bonis
 Ab insolenti temperatam
 Lætitia, moriture Delli,
 Seu mæstus omni tempore vixeris,
 Seu te in remoto gramine per dies
 Festos reclinatum bearis
 Interiore nota Falerni.

5

1. *Æquam memento*, etc. *Mens æqua*, quæ fortuna adversa haud de statu suo deicitur, sed in ea sibi constat, eamque patienter fert. — *rebus in arduis*. *Res arduæ*, quæ difficultatibus haud facile superandis nos impediunt, res dubiæ et periculosæ. — *Ab insol. temper. lætit.* h. e. ita ratione se regi patientem, ne insolentius in re secunda se gerat, nimisque se dedat lætitis. Cl. *Müsch.* comparat Grotii Excerpt. trag. p. 909, ubi Incerthus: Ἀγαθὸς ἀνὴρ λέγειν ὁ φέρων εὖ τ' ἀγαθὰ, Ἀγαθὸς δὲν εἰν X' ὁ φέρων καλῶς κακὰ. — *moriture*, si quidem moriturus es. Nota hujus verbi vim, in quo præcepti a poeta dati causa ac ratio continetur. — *Seu mæst. omni*

temp. etc. Ita jungendum est: O Delli, moriture, qui moriturus es, seu mæstus vixeris, seu, etc. Cf. allatum in hanc sententiam a *Müsch.* epigramma IV, Antiphanis in Anth. Græc. tom. II, p. 188, et Epigr. Incert. DXXVI, Anth. Græc. t. IV, p. 229. — *in remoto gramine*, in prato a conspectu hominum remoto, h. e. secreto. — *bearis Inter. nota Fal.* exhilaraveris optimo Falerno. — *nota*, de cado, notam sive titulum, quale vinum contineat, præ se ferente; qui quidem nunc dicitur *interior*, quia vinum nobilius et præstantius continebat, ideoque in interiore cellæ vinarie parte, ut festis tantum diebus inde promeretur, reconditum atque repositum fuit. Ani-

Qua pinus ingens albaque populus
Umbram hospitalem consociare amant

10

Ramis, et obliquo laborat

Lympha fugax trepidare rivo:

Huc vina, et unguenta, et nimium brevis

Flores amœnos ferre jube rosæ,

Dum res et ætas et Sororum

15

Fila trium patiuntur atra.

Cedes coemtis saltibus et domo,

Villaque, flavus quam Tiberis lavit;

madverte quomodo poeta more suo hic etiam jucundam vitam per computationem in amœna regione significet. V. I, 1, 21 seqq.

9. Sensus: Ubi pinus et populus hospitaliter communem umbram sufficiunt, rivusque intentiore cursu festinat; eo affer vina, unguenta et rosas, ibique, dum fata sinunt, indulge lætitiæ. Alii autem hos versus jungere volunt cum præced. hoc modo: reclinatum bearis, Qua pinus, etc. Quum in utraque lectione sensus vel minime differat, lector viderit. — Fuit autem hic locus, quem tanta arte Noster descripsit, amœnissimus haud dubie in villa Dellii, cujus mentio fit v. 18. — *alba*, populi frondes internæ albæ sunt; ideoque hæc arbor alba dici potest, inprimis ei, qui sub ipsa recubans non nisi internas frondes videt. — *hospitalem*, benigno quasi eos, qui illuc deveniunt, hospitio excipientem; cf. Virg. Georg. IV, 24. — *consociare amant Ramis*, implicitis invicem ramis ex mutui quasi amoris affectione jungunt; similiter fere supr. I, 28, 4, *amat*

janua limen pro: janua amanter quasi cum limine consuescit, amanter limini adhæret. — *umbra hospitalis*, quæ grato suo refrigerio nos invitat. — *laborat trepidare*, cum labore et intentiore nisu per tortuosos rivi sinus flexusque festinat; *trepidare* simpliciter pro: festinare; cf. infr. Epist. I, 10, 21, et sexcenties alibi. — *brevis rosæ*, h. e. breve tempus florescentis, ut supr. I, 36, 16, *breve lilium*. — *res*, præsens rerum conditio. — *Sorum*, Parcarum, quæ simpliciter *sorores* dici solent. — *Fila patiuntur*. « Dum superest Lachesi, quod torqueat, » dixit Juvenal. III, 27. — *atra*, ornat, ut rerum infernarum epitheton; nihil amplius.

17. *Cedes coemtis saltibus*, morte tibi recedendum erit a coemtis saltibus, etc. *saltibus*, h. e. pascuis, in quorum possessione spectabantur antiquitus divitiæ; sic *salus* (h. e. pascua) *depascere* apud Ovid. Fast. V, 233. Cf. infr. Epist. II, 2, 177. — *coemtos* dicit, h. e. plures, continuos. — *Villaque*, intellige cetera ædificia et possessiones, quæ præter

Cedes; et exstructis in altum

Divitiis potietur hæres.

20

Divesne prisco natus ab Inacho,

Nil interest, an pauper et infima

De gente sub divo moreris,

Victima nil miserantis Orci.

Omnes eodem cogimur : omnium

25

Versatur urna serius ocius

Sors exitura, et nos in æternum

Exsilium impositura cymbæ.

domum, ubi habitabat dominus, ad villam pertinebant. — *lavit*, alluit; *lavere* antique, ut infr. III, 4, 61, et 12, 9. — *Cedes*; cujus verbi repetitio monet hanc sortem non posse vitari.

21. *Divesne prisco nat. ab Inacho*, antiquissima stirpe oriundus; *Inachus*, antiquissimus Argivorum rex. — *sub divo moreris*, in terra sub cælo degas, pro simpl. vivas; cum delectu autem posuit *morari*, ad vitæ brevitate designandam, quia breve tantum tempus in hac vita commorantur homines. — *Vict. nil mis. Orci*, es et manes tamen victima immiseri cordis Orci; vel: destinatus tamen es Orco inexorabili; morti enim destinati, tanquam victimæ, crine abscisso, diis inferis consecrabantur; vid. supr. ad I, 23, 20. — Rex Orci, Pluto, apud Homerum quoque Iliad. IX, 158, audit ἀμείλιχος ἢ δ' ἀδάμναστος, unde Virgilius Georg. IV, 470, eidem corda tribuit nescia humanis precibus mansuescere. — Pro *moreris* ingeniose Wakefieldius tentat: *moraris*, quod deleta distinctione cum *Victima* conjungit, ut sit: vivis ta-

men victima certa nil miserantis Orci.

25. Expende ornatum vulgaris sententiæ: moriendum est sine discrimine omnibus. *Omnes eodem cogimur*, aurea nempe virga Mercurii ψυχοπομποῦ; cf. supr. I, 10, 8 et 24, 16 seqq. — *Omnium sors versatur*, quatitur (πᾶλλεται) in urna; cogita de urna illa fatali, quam *Necessitas* (Ἀνάγκη, Μοῖρα) eo consilio in Oroo versare atque concutere fingitur, ut, cujuscunque hominis sors inde exsiliat, ei moriendum sit; vid. Gronov. ad Herc. Fur. 191. Sic infr. III, 1, 14 seqq. « æqua lege Necessitas Sortitur insignes et imos; Omne capax movet urna nomen. » — *serius ocius*, similiter Propert. II, 28, 58, « longius aut propius. » — *exitura... exire* (ἐξορεύειν, ἐκδορεῖν) proprie de sortibus, quæ excidunt, vel exsiliunt. — *impositura cymbæ* sc. Charontis, in ætern. exsilium, ut avehamur illuc, unde (Catull. III, 12) « negant redire quemquam; » vel, ut Virgil. Æn. VI, 425, loquitur, in « ripam irremeabilis undæ. » Æternum; versus hypermeter. — Alii *exitum*; sed pessime.

ANALYSIS. Hujus carminis sensus et idearum nexus fere hic esse videtur : frueri, o Delli, vitæ commodis, quandoquidem mortis conditio omnibus proponatur ; quibus quidem ut recte fruaris, neve tibi ipse fructum vitæ intercipias, animum tuum adversus utramque fortunam firmatum tene atque ita compositum, ut nec secundis rebus nimium offeraris, neve adversis depri-
maris. Docte vero idearum hanc seriem invertit poeta, et ab hac gnome, quæ omnis felicitatis fundamentum haberi debet, exorsus, ad primariam carminis sententiam de sectandis vitæ deliciis transit, quam mortis conditione omnibus proposita confirmat.

De quo quidem ad jucundioris vitæ fructum spectante præcepto, sæpius nova arte a Nostro repetito, compara supr. lib. I, carm. 4 et 9.—Fuit autem Q. Dellius homo varius et inconstans, *bellorumque civilium*, ut vocatur a Messala apud Senec. Suas. I, 6, *desultor*; de quo vid. Vell. Paterc. II, 84; et Dion. XLIX, 39, ibique *Fabricium*.

CARMEN IV.

AD XANTHIAM PHOCEUM.

Non est cur Xanthias erubescat quod ancillam amet, quum multi
magni viri idem fecerint.

NE sit ancillæ tibi amor pudori,
Xanthia Phoceu! Prius insolentem
Serva Briseis niveo colore
Movit Achillem :

1. *Ne sit*, etc. ne erubescas, quod ames ancillam tuam. Dicti enim contemptim isti homines Romanis *ancillarioli*, Senec. de Benef. I, 9; Martialis, 12, 38, 1.—*ancillæ, servæ*, haud dubie in bello captæ, ut suspicari licet ex v. 15. — *Xanth. Phoc.* hominem græcum ejus nomen prodit. — *prius insolentem*, etc. jam olim et antiquitas

ferocem Achillis animum cepit et vicit servæ Briseidis venustas; alii vò *prius ad insolentem* trabentes explicant: invictum et indomitum adhuc amore; sed sic nullus hujus sententiæ cum præcedente est nexus. Horatius voluit dicere: Non est, quod ancillæ amoris te pudeat; haud *novus enim ille est*, immo *antiquissimi* heroes jam ei in-

Movit Ajacem Telamone natum
 Forma captivæ dominum Tecmessæ :
 Arsit Atrides medio in triumpho
 Virgine rapta,
 Barbaræ postquam cecidere turmæ
 Thessalo victore, et ademptus Hector
 Tradidit fessis leviora tolli
 Pergama Graiis.
 Nescias, an te generum beati
 Phyllidis flavæ decorent parentes :

5

10

dulcerunt. *Insolens* bene designat imitem nec facile pervincendum Achillis animum. *Briseis*, quæ capta in prædæ sortitione Achilli contigerat; res notissima, vid. Hom. Iliad. II, 690. — *niveo colore*, pulcra, formosa; *movit*, ita affecit, ut amori resistere non posset. Terent. Eunuch. III, 5, 19, « in hac commotus sum » pro : ejus forma captus sum. — Prorsus ad hujus loci sententiam Ovid. Am. 2, 8, 11 : « Thessalus ancillæ facie Briseidos arsit, Serva Mycenæo Phœbas amata duci.... Quod decuit reges, cur mihi turpe putem? »

8. *Tecmessæ*, Telementis sive Teuthrantis, principis Phrygii, filiae, ab Ajace in expeditione quadam captæ: (vide Ajacem Sophoclis.) — *Arsit*: *ardere aliqua* pro : ardere ob aliquam sæpius; infr. III, 9, 5; IV, 11, 33, et sic supr. I, 4, 19, *calere aliquo*. — *Atrides*, Agamemnon. — *medio in triumpho*. in ipso Trojæ excidio, quum victor urbem ingrederetur; vocem *triumphus* paulo audacius ad gloriosum victoris in urbem expugnatam ingressum transtulit. — *virgine rapta*,

capta Cassandra. — *Barbaræ turmæ*, Phrygiæ sive Trojanæ copiae; *barbarus* et *barbaricus* sæpe apud poetas pro : *Phrygius*; vid. Cerd. ad Virg. Æn. II, 504, et quos ibidem laudat Burmannus. — *Thessalo victore*, intellige Achillem, a cujus fortitudine, qua præter multos alios Hectorem, summum Trojanorum præsidium, morti dedit, pendebat Græcorum victoria. — *ademptus*, e medio sublatus, occisus. — *leviora tolli*, græce pro : ad tollendum, ut leviori opera tolli possent; observatus Nostro videtur Homerus, ubi Iliad. XXIV, 243, Priamus ad Trojanos : Πήριτοι γὰρ μᾶλλον Ἀχαιοῖσιν δὴ λίσσῃ, Κείνου τεινέστερος, ἐναγώνιον. — *fessis* sc. bello, in decem annos extracto, Virg. Æn. II, 13 et 109.

13. *Nescias, an*, pro vulgari : fortasse. — *beati*, potentes, nobiles. — *flavæ*, pulcræ, a parte pulcritudinis in flavis crinibus positæ. — *te gen. decor.* annon parentes habeat quorum filiam non solum amare, sed etiam uxorem decere non te pudeat. — *Regium certe genus*; subaud. *est*; aut potius in

Regium certe genus et penates

15

Mæret iniquos.

Crede non illam tibi de scelesta

Plebe dilectam; neque sic fidelem,

Sic lucro aversam, potuisse nasci

Matre pudenda.

20

Brachia et vultum teretesque suras

Integer laudo: fuge suspicari,

Cujus octavum trepidavit ætas

Claudere lustrum.

accusat. cum verbo *mæret* conjungas; quod idem sensus est. — *iniquos*; alii ita explicant: mæret penates, deos tutelares adeo iniquos, adeo immites, ut Phyllida in servitutem redigi permiserint. Simplicius autem mihi videntur hic *penates* pro domo intelligi, et *iniquos* ad iniquam sortem referri qua nobilioris gentis puella ad servilem conditionem detrusa fuërat, in aliena domo servitutis causa habitare coacta fuerat. — *scelesta*, pravis moribus, servili indole, quæ omnia ad privatam utilitatem refert. Hinc *vulgus mobile, infidum, malignum*, Od. I, 37, 25; II, 16, 40. Vulgo explicant, humilem, abjectam: refragante et loquendi usu et idearum nexu; poeta enim sic argumentatur: Phyllis quæ tam ingenuis moribus, tam generosa indole prædita est, e plebe nata esse nequit, quippe quæ scelesta est. — *dilectam*, sc. illam, quam *diligis*, non de plebe oriundam esse; nonnulli legunt *delectam*, quod eodem reddit, sed

minus placet. — *sic fidelem*, tibi animo vere deditam, meretrices autem perjuræ. Vid. Od. I, 25. — *lucro aversam*, alienam, abhorrentem a lucro, quo solo inductæ meretrices amorem simulant. — *Matre pudenda*, non ad mores, sed ad conditionem referendum; matre ancilla, libertina. Suetonius in Vitell. 2: « Sive ille stirpis antiquæ, sive *pudendis* parentibus et avis, eques certe Romanus. »

21. *Teretesque suras*, earum enim forma apud servas inprimis, brevioribus tunicis usas, in oculos incurrebat. — *Integer*, omnis amoris expertus, ab omni amore liber et vacuus; ut infr. II, 7, 23. — *fuge suspicari*, sc. me tibi in hoc amore esse rivalem. — *Cujus octavum trepid. ætas Claud. lust.* quum ætas mea clausit octavum lustrum, quadraginta annorum spatium exegit, absolvit. — *trepidavit*, eleganter de cursu ætatis, fuga temporis, quod senescentibus præsertim mirum in modum festinare videtur.

ANALYSIS. Turpitudinem, quam ancillarum amore contrahere sibi apud Romanos putabantur homines ingenui, elevare studet Horatius in hoc car-

mine. Tantum enim abest ut amorem, quo Xanthiam Phocæum ancillam suam Phyllidem sectari inaudiverat, turpem et pudendum habeat, ut potius laudatis summorum virorum, qui ancillas amaverint, exemplis Xanthiæ amorem vel maxime probet; præcipue quæm Phyllidem nobili loco natam esse, tam ex iis, quæ ipse profiteatur, quam ex ejus ingenio et moribus, liberalem educationem prodentibus, satis colligi possit. — Denique ne forte laus, quam Phyllidi tribuit, suspicionem aliquam apud Xanthiam moveat, se jam in ea ætate constitutum esse ait, ubi juvenilis ille in amore æstus deferbuerit. — Similiter fere ancilliariorum causam perorat Ovidius Am. II, 8, 9, seqq. — Male Baylius et contra morem reprehendit hoc venustum carmen (Diction. V. Briseis), cujus lepores et gratiam non intellexit.

CARMEN V.

Amicum hortatur, ut Lalages amore abstineat, donec sit matura viro.

NONDUM subacta ferre jugum valet
Cervice; nondum munia comparis
Æquare, nec tauri ruentis
In Venerem tolerare pondus.

1. Puella, nondum libidini exercendæ matura, comparatur cum juvenca, tam jugum, quam libidinem tauri in se ruentis adhuc detrectante. — *ferre jugum*, jugum nempe ferunt boves adultiores, et quia bos vel juvenca, quæ jugum fert, conjugatum sibi socium habet, id translatum est ad amantes, qui amoris vinculo rite conjuncti inde dicti sunt *conjuges* (σύνυγες), et eorum conjunctio sive societas *conjugium*: hinc supr. I, 33, 11, Venus « animos sub juga ahenea mittere, » pro: conjungere, dicitur. — *Cervice subacta*, adacta, ut jugum subeat, h. e. domita; inde puella quoque nullius adhuc amore se vinci

passa, vel nullum adhuc virum experta, dicta est *indomita*, παρθένος ἄδμυς, Hom. Odys. VI, 109 et 228. Hinc apud Catullum LXVIII, 118, Protesilaus cum Laodamia, puella adhuc integra, primum conjugio conjunctus, « indomitam jugum ferre docuisse » dicitur. — *munia comparis æquare*, eadem in opere faciendo præstare, quæ præstat eidem jugo submissus. — *tauri ruentis*; hinc Græcis, quorum sensum et ingenium haud offendeabant hæc a bobus ad amantes translata locutiones, puella conjugii adhuc experta dicta est ἀταύρωτος, Aristoph. Lysistrat. 217; Æschyl. Agam. 254. — *In Venerem*, συνουσίαν.

Circa virentes est animus tuæ
 Campos juvencæ, nunc fluviis gravem
 Solantis æstum, nunc in udo
 Ludere cum vitulis salicto
 Prægestientis. Tolle cupidinem
 Immitis uvæ: jam tibi lividos
 Distinguet Auctumnus racemos
 Purpureo varius colore..

5

10

5. Imago juvencæ, in pascuis lascivientis et cum vitulis ludentis, mores certe teneræ puellæ, unice adhuc lusbis cum æqualibus suis deditæ, suaviter exprimit. — Colorem Nostrum daxisse aiunt ex Anacr. LXI, Πῶλε Θρηϊκίη—Νῦν δὲ λαμψῶνάς τε βόσκειαι. Κοῦφά τε σκιρτῶσα παῖδας. Similiter Theocrit. XI, 21, Galateam μόσχῳ γαυροτέρῃαν vocat. Cf. infr. III, 11, 9. — *juvencæ*, puellarum comparatio cum juvenis sæpe apud Græcos obvia; cf. Euripid. Hec. 526; Androm. 511, 1167 pariter infra II, 8, 21, *juvenci* de adolescentibus. — *solantis* pro: refrigerantis, exstinguentis; Cl. Mitsch. affert locum Claudiani XVII, 196: « Ille vel Æthiopum pluviis solabitur æstus; » scilicet *solari* ponitur pro: levare, quia, quos solamur, levare studemus. — *Prægestientis*.... *prægestire* exprimit lætitiæ sensus, quos jam, ante rei, quam cupide exspectamus et appetimus, fructum, percipimus. Sic apud Catull. XLVI, vs. 7 et 8, prætrepidare: « Jam mens prætrepidans avel vagari; Jam læti studio pedes vigescunt. » Vide not. ibi not. Ed.

9. *Tolle cupidinem*, etc. Sensus: abstine a puella immatura, et cupidinem usque ad ejus maturitatem, quæ

non procul abest, comprime. — Non perstat, ut debebat, poeta in una allegoria, sed ad novam ab immitibus uvis ductam transit; quæ quidem colorum varietas et imaginum in una eademque re adumbranda diversitas displicere debet rem ad normam recti pulcrique æstimantibus. — Ceterum puellarum, viro nondum tempestivarum, vel in amore adhuc crudarum, cum immaturis fructibus comparatio haud infrequens est apud veteres poetas. Theocrit. XI, 21, de Galatea παρατέρα δμοφακος ὠμᾶς; contra puellæ viro maturæ et plenis annis nobiles cum *uvis maturis* comparantur; sic Catellus XVII, 16, puellam adultiorem *uvis nigerrimis* (h. e. maturis) *diligentius adservandam* esse ait, et hinc puellæ *nondum nobiles* Græcis δμοφακος, *nobiles* νέκυροι dictæ sunt; plura in hanc rem collegit diligentia Cl. Mitsch. — *jam tibi lividos distinguet*, etc. pro vulgari: brevi maturabit. — *Auctumnus* dicitur *varius*, quia et ipse variis coloribus distinctus est (representatur ille infr. Epod. II, 17, « capite mitibus pomis decoro »), et variis coloribus fructus distinguit. — *Distinguet lividos racemos purpureo color*. h. e. variabit et imbuet jam

Jam te sequetur ; currit enim ferox

Ætas ; et illi , quos tibi demserit ,

Adponet annos : jam proterva

15

Fronte petet Lalage maritum ,

Dilecta , quantum non Pholoe fugax ;

Non Chloris , albo sic humero nitens ,

nigrescentes racemos purpureo colore ; sive : purpuream colorem vis jam nigrescentibus inducet. — *lividos* , subnigrum enim colorem habent uvæ maturascentes. Sil. Ital. VII, 208, « *liventes* sole racemos ; » Propert. IV, 2, 13, « Prima mihi variet *liventibus* uva racemis. »

13. Ad priorem allegoriam redit ; sensus : Brevi non amplius Lalage te fugiet , sed sponte te sequetur ; nam ætas , ubi illa adhuc ferocem se præbet , celeriter transit , et quos de tuorum annorum serie demserit , eos illius annorum summæ explendæ adjiciet ; brevi amplexus tuos ultro petet , et quidem tantum tibi amata , quantum nunc nec aspera Pholoe , nec pulchra Chloris , nec Gnidiæ Gyges ab aliis amatur. — *currit enim... ætas*. Anacreon IV, 8, τρέχος ἄρματος βίος τρέχει κυλισθείς. Cicer. Tuscul. I, 31 : « veniet tempus , et quidem celeriter ; volat enim ætas. » — *Ætas ferox*. Vulgo explicant : fugit , elabitur ætas ferocis puellæ , ætas qua virgo ferocem et tactus viriles aversantem se præstat , ita ut h. v. *ætas* non generaliter tempus , sed in restricto sensu ætatem puellæ significet. Quomodo autem ætas puellæ alii annos demere potest ? Mihi igitur non omnino probanda videtur illa explicatio et potius epitheton *ferox* ad ipsam ætatem , generaliter

sumptam , tempus scilicet , quam ad virginem referendum putabo ; et ita intelligam ; *ætas ferox* , i. e. quæ ferociter , omnia obstacula superat , quæ fert omnia (Virg. Ecl. 9, 51) , mox auferet puellæ superbiam , eamque ad amorem adducet , dum illi annos quos tibi demserit , adjiciet. — *et illi , quos tibi demserit , apponet annos* , *ætas apponet* , adjiciet , tribuet illi annos quos tibi demserit , quos tibi demi , subtrahi , decedere animadvertes ; h. e. puella ad id ætatis perveniet , in quo anni nulla amplius incrementa capiant , adeoque ad summum pubertatis florem ; scilicet ætas humana annorum incrementa capere , annis eo usque crescere dicitur , donec ad summum vigorem pervenerit. — *jam proterva fronte petet maritum* ; hoc ad juvenem imaginem referendum. Sollicitabit ad amorem maritum , h. e. quemvis amatorem , honesta voce ut passim : ipsa adeo juvenes sectabitur , amatores conquirit. — *Dilecta* , tantum dilecta erit , quantum non , etc. a pluribus amasiis diligitur , quam Pholoe , Chloris et Gyges. — *fugax* , superbe amatores tractans , aspera. Arrogantiam ejus notat supra I, 33, 6. — *albo sic hum. nit. ut pur.* etc. cujus humeri ita candore nitent atque splendent , uti nocte sublustris imago lunæ in mari reperiunda splendere solet.

Ut pura nocturno renidet

Luna mari; Gnidiusve Gyges,

20

Quem si puellarum insereres choro,

Mire sagaces falleret hospites

Discrimen obscurum solutis

Crinibus, ambiguoque vultu.

Exsplendescantis autem pulcritudinis, præcipue in albo colore spectatæ, cum lunæ in aquis percussio fulgore comparatio passim apud veteres poetas obvia.—*Gnidius*, ab ejus patria, Gnido, vel Carizæ, vel Cypri urbe, sic dictus.

21. *Quem si puellarum choro*, etc. Sensus: quem si puellarum turbæ immisceres, ejus a puella discrimen, quod soluti crines et vultus venustas obscurum et ambiguum reddunt, ne sagacissimi quidem (*mire sagaces*), qui eum nondum norunt (*hospites*) animadverterent. — *Discrimen me fallā*, exquisitius pro: ego non animadverto discrimen, *obscurum*, haud facile oculorum acie assequendum; *solut. crin.* crines enim solvere solebant quum pueri tum puellæ delicatio-

res; cf. infr. III, 20, 14; IV, 10, 3; Epod. XI, 28.—*ambiguo*, h. e. dubitationem, utrum puer, an puella sit, movente. Simillime autem, ut jam observavit Cl. *Müsch.* Hermaphroditum describit Lucian. D. D. XXIII, ὁ δὲ θῆλυς, καὶ ἡμίανδρος, καὶ Ἀμφίβολος τὴν ἔψιν οὐκ ἂν διακρίναις, εἴτ' ἀφῆδος ἴσθιν, εἴτ' αὖ καὶ παρθένος. — Horum versuum idea suavis et eleganter expressa. Cf. Anacr. ap. H. Stephanum, Carm. Lyr. p. 530. Ovid. Metam. VII, 322; IX, 711. Juven. XV, 136. Auson. Epigr. 107: «Dum dubitat Natura marem faceretne puellam, Factus es, o pulcher, pæne puella, puer.» Hoc distichon ex Horatianis verbis, *ambiguo vultu*, derivatum videtur.

ANALYSIS. Lalages, puellæ adhuc teneræ, nulloque dum amoris contactu igniculo, potiundæ cupiditate flagrantem amicum quemdam (incertum est, utrum se ipsum, an alium alloquatur), reprimere hoc carmine conatur poeta, hortaturque eum, ut exspectet, donec ad nubilem coetatem perveniat, quæ tum votis ejus ultro satisfactura sit. Quæ per totum fere carmen regnant notiones græcæ, facile eo ducunt, ut illud, nisi plane e græco versum, græcis saltem floribus contextum statuere liceat.

CARMEN VI.

AD SEPTIMIUM.

Amicum invitat, ut secum in Tiburtinam regionem secedat.

SEPTIMI, Gades aditure mecum, et
Cantabrum indoctum juga ferre nostra, et
Barbaras Syrtes, ubi Maura semper

Æstuat unda :

Tibur, Argeo positum colono,

5

Sit meæ sedes utinam senectæ!

Sit modus lasso maris et viarum

Militiæque!

1. *Gades* (nunc *Cadix*); cf. supr. ad II, 2, 11. — *aditure mecum*, qui non dubitares adire mecum, mei causa, loca remotissima et periculosissima. Ad fidem enim in amicitia probandam referebatur paratus amici amicum in remotissimas terræ partes comitandi animus; Catull. XI, 1: « Furi et Aureli, comites Catulli, Sive in extremos penetrabit Indos », etc. Cf. infr. Epod. II, 11 seqq. et laudata in hanc rem a Cl. *Mitsch.* exempla. — *Cantabr. Cantabri*, populus Hispaniæ Tarraconensis bellicosissimus (infr. II, 11, 1: « Quid bellicosus Cantaber », etc.), jam semel ab Augusto U. C. DCCXXIX et iterum DCCXXXI victus, denique ab Agrippa DCCXXXIV perdomitus; vid. Dio LIV,

11. Hinc *Cantabrum* Noster dixit « indoctum juga ferre nostra », non ita se domari patientem, ut juga nostra ferre discat; h. e. ditioni nostræ se subicere nolentem; quapropter infr. III, 8, 22: « Cantaber, sera domitus catena. » — *Barb. Syrt.* cf. supr. ad I, 22, 5; *barbaras* refer ad feros accolarum mores. — *Maura unda*, mare Africum, ab extrema Africa regione, Mauritania (nunc *Maroc*).

5. *Argeo posit. colono*, a Tiburno, Catillo et Cora, fratribus, qui coloniam Argivam eo deduxerunt, conditum; cf. supr. ad I, 18, 2. *Ponere*, pro: condere, fundare, passim; sic « urbs alieno loco posita » apud Liv. IV, 48; cf. Virgil. *Æn.* IV, 212. — *modus*, locus ubi modus ponitur, ter-

Unde si Parcæ prohibent iniquæ,

Dulce pellitis ovibus Galæsi

10

Flumen et regnata petam Laconi

Rura Phalantho.

Ille terrarum mihi præter omnes

Angulus ridet, ubi non Hymetto

Mella decedunt, viridique certat

15

Bacca Venafro :

minus; — *lasso mar. et viar. Milit.* mihi itinerum maritimorum et terrestrium, adeoque ipsius militiæ, peritæso; *lassus alicujus rei græce* pro: aliqua re. — Sane, si verba Horatii spectas, eum in armis consensuisse putas, quamvis breve tantum tempus ea sub Bruto (cf. *carm. sequ.*) secutus est. Sed poetæ, otio et mollioris vitæ generi adueto ac *solibus apto* (Ep. I, 20, 24), brevis quoque militia debebat esse molestissima.

9. *Unde si Parcæ*, etc. Sensus: quodsi autem sors iniquior ab agro Tiburtino me prohibet, in agrum Tarentinum me conferam; *ager Tarentinus* primum designatur per Calabriæ fluvium *Galasum* (nunc *Galaso*), Tarentum præterfluentem, deinde per *Phalanthum*, quem coloniam *Parthoniæ* (h. e. hominum vago concubitu ex inuuptis matribus prognatorum, vel potius, ut erudite docet Cl. *Manso*, *Sparta* Vol. I, Pars I, p. 229, et P. II, p. 270 seqq. ab muliebri ignavia, qua militiam contra Messenios detrectaverant, opprobrii causa sic dictorum) e terra Laconica Tarentum deduxisse, et pulais veteribus incolis ibi regnasse tradunt; Justin. III, 4; Strabo, VI, p. 426. — *flumen*

dulce ovibus, quam propter læta ad utramque fluminis ripam pascua, tum propter umbrarum jucunditatem. — *oves dicuntur pellitæ*, quia oves in his regionibus, ne sentibus et dumetis corrumpereetur earum lana præstantior, pellibus velari solebant; Colum. VII, 2; Varro, R. R. II, 2; Aus. Popma, in libello de instrumento fundi, c. 8. Idem adhuc fieri solet. — Ceterum similiter Tarentum describit Martial. VIII, Epig. 28, 4: «Tibi floruit herba Phalanti, Qua saturat Calabris culta Galæus aquis.»

13. *Ille terrarum Angulus*, illa terra, ubi quis suaviter delitescere potest in otio et securitate. — *mibi ridet*, mihi placet. Infr. Epist. I, 7, 44: «Mibi jam non regia Roma, Sed vacuum Tibur placet, aut imbelles Tarentum.» — *præter omnes*, sc. terras sive terrarum angulos, h. e. loca secretiora et a strepitu hominum remotiora. — *ubi non Hym. Mella deced.* ubi mella non cedunt iis, quæ apes in monte Hymetto colligunt; ubi æque bonum atque in monte Hymetto mel conficitur; de mellis Tarentini bonitate vid. Varro apud Macrob. Sat. II, 12; cf. infr. III, 16, 33. — *decedere*, ut passim *concedere*, pro simplice:

Ver ubi longum tepidasque præbet
Jupiter brumas; et amicus Aulon
Fertili Baccho minimum Falernis

Invidet urvis.

20

Ille te mecum locus et beatæ
Postulant arces: ibi tu calentem
Debita sparges lacrima favillam
Vatis amici.

cedere. Virg. Eclog. VIII, 88: « Per-
dita nec seræ meminit decedere nocti, »
pro: cedere tenebris, h. e. non sera
nocte sub divo manere, sed redire in
stabulum. — *virid. certat Bacca Vena-*
fra, et ubi oliva certat olivis in
Campaniæ urbe, Venafrum, nascenti-
bus. *Certare alicui* pro vulgari: *cer-*
tare cum aliquo passim. — *Venafrum*
pro olivis Venafranis, ut *Hymettus*
pro melle Hymettio; *viridi*, apte ad
terram, ubi olivæ virent, designandam.

17. *Tepidas*, mites; infr. Ep. I,
10, 15: « Est, ubi plus tepeant hie-
mes? » — *Jupiter*, qui, ut supr. I,
12, 15 dicitur, « variis horis mundum
temperat. » *Aulon*, mons agri Taren-
tini, ubi vinum optimum nascebatur;
Mart. XIII, 125: « Nobilis et lanis
et felix vitibus Aulon, Det pretiosa
tibi vellega, vina mihi; hinc dicitur
amicus fertili Baccho, h. e. quem
amat Bacchus feracissimus. Sil. 12,
526: « Allifanus Iaccho Haud inama-
tus ager. » Stat. Silv. III, 5, 107:
« Ceraque non molli juga Surrentina
lyneo. » — *minim. Falern. Inv. urvis*,

uvæ nempe, quas Aulon gignit, quia
nihil a Falernarum uvarum bonitate
recedunt, minime opus habent, ut iis
invideant. Imitatus Horatium est Sta-
tius, Silv. II, 2, 4: « Qua Bromio
dilectus ager, collesque per altos Uri-
tur, et prælis non invidet uva Fa-
lernis. »

21. *Beatæ arces*, colles tam amœ-
nitate quam fertilitate sua beantes;
— *Postulant*, impellere omnino nos
debent, ut eo secedamus; gravius igitur
pro vulgari: vocant, invitant. —
calentem favillam, cineres cremati
corporis adhuc tepidos. — *Debita la-*
crima, non unguentis, ut alias mos
ferebat (vid. Tibull. I, 3, 7), sed piis
amici lacrimis cineres suos spargi ca-
pit. — *Vatis amici*, significantius pro
vulgari: meam. Cl. Müsch. comparat
Inscr. apud Fabrett. p. 64, et Flettew.
p. 320, sed vitiose scriptam. Emen-
datus hoc Epigramma exhibuit Ja-
cobs in Anthol. Græc. DCCXV, 6,
7; t. IV, p. 273, sic: Μίμνα κῆν
ζωὸς ἰμῶθεν, καὶ πολλὰκι τύμβῳ Σπεί-
σον ἀπὸ βλαφάρων δάκρυ ἀποχρῆμένη.

ANALYSIS. Septimium, quem, ut spectatum fidei amicum, remotissima que-
que secum loca aditum esse sibi persuasum habet; rogat poeta, ut nunc in

agrum Tiburtinum vel Tarentinum, ubi reliquam vitæ partem transecturus sit, se comitetur, et, si supremum diem ibi obierit, piis lacrimis cineres spargendo justa sibi persolvat.

Exsplendescit hoc carmen naturali quadam nec longe quæsitâ pulcritudine, imaginum varietate admirabili; mollissimoque sensu, qui per totum carmen regnat, ipsi adflatu videntur numeri,

CARMEN VII.

AD POMPEIUM.

Ob amici reditum in patriam lætatur.

O sæpe mecum tempus in ultimum
Deducte, Bruto militiæ duce,
Quis te redonavit Quiritem
Dis patriis Italoque cælo,
Pompei, meorum prime sodalium?

5

1. *Tempus in ultimum Deducte*, qui sæpe mecum in ultimum tempus deductus es, in extremum vitæ discrimen adductus es. *Tempus ultimum* est, ubi rerum nostrarum tam misera conditio est, ut salutem ac vitam desperemus. Ita *supremum tempus* dicitur Catullo L. XIV, 151; *extremum tempus*, ib. 169; uti *extrema tempora*, Cic. ad Div. X, 12. Nota quam veros ac vividos sensus exprimat hæc exclamatio, et quam bene, in desideratissimi amici reditu nec opinato, communia pericula ante communæ voluptates poeta revocaverit. Nihil enim firmiorem amicitiam constituit,

nihil arctius homines inter se conjungit, quam eorundem periculorum societas; et nostro e pectore elabi potest voluptatum, nunquam autem miseriorum memoria.—*Bruto militiæ duce*, dum uterque sub Bruto militaremus.—*redonavit*, reddidit, restituit, ex quo felici fato redditus es dis patriis; redonantur enim quos jam perditos putabamus.—*Quiritem*, omnis, quo ante civis Romanus gaudebas, juris de integro participem; in jus Quiritium restitutum.—*prime sodalium*, vel amicissime, propter et periculorum et voluptatum societatem, vel antiquissime.

Cum quo morantem sæpe diem mero

Fregi, coronatus nitentes

Malobathro Syrio capillos.

Tecum Philippos et celerem fugam

Sensi, relicta non bene parmula;

10

Quum fracta Virtus, et minaces

Turpe solum tetigere mento.

6. *Diem Fregi*, partem de die gravibus ac seriis rebus destinato demsi, demtamque computationi dedi; decurtavi diei spatium, noctique illud adjeci, quod fit computatione tempestivius constituta. Vide ad I, 1, 20.—*morantem*, qui tardius ire videbatur convivataris.—*Malobathro*, unguento e malobathri foliis expresso; *malobathrum* proprie frutex odoratus, in Indiæ paludibus nascens, ex cujus folio convoluta conficiebatur unguentum nobilissimum, quod et ipsum *malobathrum*, Latinis *foliatum* (Mart. XI, 28) dictum est; vid. Plin. XII, 26; XIII, 1.—*Syrio*, ex India in Syriam, et inde a mercatoribus Romam deportato; fuit igitur, ut supra I, 31, 12, dicebatur, *merx Syra*.

9. *Tecum Philipp. et celer. fug.* *Sensi*, quale fuerit illud summum vitæ discrimen, quod se una cum Pompeio subisse versu primo ait, disertius nunc poeta declarat. — *Expertus sum*, inquit, una tecum infelicem illam pugnam ad Philippos, Macedoniæ urbem, ubi, quum fortiter pugnantes non amplius sustinere possent vim hostium, et vultus in terram prostratorum minas adhuc et iram in victorem exprimerent, mihi, ut salutem in celeri fuga quærerem, parmula parum honorifice abjicienda fuit. *Sentire*

passim de calamitatibus, sive malis, quibus bello graviter afficimur. Liv. IX, 37: « Vastationem sub Ciminii montis radicibus jacens ora *senserat*; » et XLV, 28: « Quæ quisque Persei bello privatim ac publice *sensisset*. » Senec. OEdip. 472: « *Sensere* terræ te Dardm feroces. » Cf. infr. III, 4, 43; IV, 4, 28; IV, 6, 3. — et *celer. fugam*, ad mala nempe, quæ in pugna Philippensi senserit, celeriter inde aufugiendi necessitatem refert; rei igitur magis describendæ hæc adjecta esse puta. — *non bene*, parum decore, turpiter. Omnibus satis notum, quanto dedecori apud veteres esset, scutum in prælio reliquisse. Alcæus quoque et Archilochus arma in prælio se amisisse fatentur. — *fracta Virtus*, fortitudo, quæ vi majore ita deprimitur et contunditur, ut resistere ei non valeat. — *sol. tetig. mento*, pro vulgari: ceciderunt, ad terram prostrati sunt; ducta videtur hæc loquendi ratio ex Hom. II, II, 418: Πρηνείς ἐν κοίτησιν ἰδὲ λαιοῖατο γαῖαν. Unde latinis poetis *mordere humum*, *terram petere ore*, pro cadere, occidi, frequentata. Gallice, *mordre la poussière*. — *Turpe*, sanguine turpiter pollutum. — *minaces* bene adumbrat milites, qui forti animo ceciderunt, et cæsi adeo vultum torrum et minacem præ se fe-

Sed me per hostes Mercurius celer

Denso paventem sustulit aere :

Te rursus in bellum resorbens

15

Unda fretis tulit æstuosus.

Ergo obligatam redde Jovi dapem ,

Longaque fessum militia latus

Depone sub lauru mea , nec

Parce cadis tibi destinatis.

20

Oblivioso levia Massico

runt; Cl. *Müsch.* in h. r. affert locum Flori, I, 18, ubi de Romanis in bello cum Pyrrho occisis : « Omnium in manibus enses, et relictæ in vultibus minæ, et in ipsa morte ira vivebat; » nisi forte *minaces* simpliciter de militibus fortioribus, mortem hosti minitantibus, explicare præstet.

13. *Sensus* : Sed me tum bona fortuna ex medio belli periculo eripuit; te vero in idem vehementior impetus abripuit. — Quod bona fortuna factum est, id tribuit Mercurio, quum propter ejus in vicibus muneris hujus obeundis dexteritatem et celeritatem (hinc dicitur *ωκύπους* apud Euripid. *Hel.* 247), cf. supr. I, 10, 13, tum quia *virorum Mercurialium* (infr. II, 17, 29), h. e. poetarum, custos est. — *paventem*, viribus diffisum, suaviter hoc adjectum. — Poeta autem facetissime se adsimulat heroibus Homericis, qui passim vel a deo, vel a dea quapiam, *denso aere*, h. e. nube circumfusi, et sic præliis erepti esse finguntur. — *resorb.* *Unda fretis æst.* belli impetus comparatur cum impetu undæ marinæ, omnia fluctibus æstuosus secum abripientis; *resorb. fretis æst.* h. e. te iterum maris æstu sor-

bens, quem jam semel sorbuerat; Cl. *Müsch.* cum Nostro contendit Eurip. *Herac.* 428. Infr. *Epist.* II, 2, 47 : « Civilisque rudem belli tulit æstus in arma. »

17. *Ergo*, etc. Sed et hæc nova effugisti pericula; ex his quoque servatus es, ergo, etc. — *obligatam*, h. e. debitam; nam vota, quibus Jovi, si salvus ex hoc bello evaderet, se *obligaverat*, nunc solvere debebat; — *dapem*, antique pro : dapes, h. e. sacras epulas. — *sub lauru mea*, quæ haud dubie in impluvio, vel quod Virgil. *Æn.* II, 512, et VII, 59, de ejusmodi lauru ait, *ædibus in mediis*, ubi seri et nutriri antiquitus solebant arbores, consita fuit. Alii cum Senadone accipiunt singularem numerum *lauru* pro plurali *lauris*, sc. bellicis, intelliguntque hoc ab Horatio facete dictum, post humilem fugæ confessionem; ex his autem quæ sequuntur de cadis et ciboriis, laurum hic potius proprio sensu quam per metaphoram usurpari judicabo.

21. *Levia cibor.* *Ciborium*, genus poculi, speciem fere eorum, quibus Ægyptii usi esse dicuntur, referentis; Ægyptiis nempe calyx fabæ cujusdam

Ciboria exple; funde capacibus

Unguenta de conchis. Quis udo

Deproperare apio coronas,

Curatve myrto? quem Venus arbitrum

25

Dicet bibendi? Non ego sanius

Bacchabor Edonis: recepto

Dulce mihi furere est amico.

(quam *colocasiam* sive *cyamum* fuisse aiunt), poculorum, quæ *ciboria* appellabant, usum præstabat; cf. Schol. ad h. l. Paulo capacius illud poculi genus fuisse, ex usu, cui id poeta nunc destinat, facile apparet. *Levia*, polita, adeoque splendentia. — *exple Massico*, imple vino Massico, cf. sup. ad I, 1, 19. — *Oblivioso*, curas abigente et oblivioni tradente; hinc Alceo apud Ursin. p. 104, vinum dicitur οἶνος λαθικηδής, et λήθη ὀδύνης apud Incert. Auct. Ep. LXXIX, 8, in Anthol. Græc. t. IV, p. 133. — *capacibus*, quæ magnam vim unguentorum contineant, ita ut convivaram capilli sint *perfusi liquidis odoribus*, ut Noster, I, 8, 2. — *conchis*, vasis unguentariis, ad formam conchæ effictis. — *Quis sc.* convivaram. — *Deproperare*, festinanter conficere. — *quam*

Venus arb. Dicet bib.? Per *Venerem* intellige talorum jactum optimum; *jactus optimus* nempe, quum unusquisque quatuor talorum, quibuscum ludebatur, aliud latus ostenderet, *Venerereus*; *pessimus* contra, quum omnes tali idem latus ostenderent, *Canis* dicebatur. Legant tirones, quæ accurate de talorum lusu exposuit *Ernesti* in *Clav. Cic.* scil. voce *talus*. Vide etiam Lucian. Amor. t. II, p. 418. — *arbitr. bibendi*; confer sup. ad I, 4, 17. — *Dicet*, designabit. Similiter Virg. Georg. III, 125: « Quem legere ducem pecori et dixere maritum. » — *Edonis*, Thraciæ populo, pro ipsis Thracibus, effrenata in compotationibus licentia satis notis; cf. sup. ad I, 18, 9. — *Dulce mihi furere est*, expressit notissimum illud Anacreontis XXXI, ἔδω, ἔδω μανῖναι.

ANALYSIS. Quo gravior fuit sollicitudo, qua Horatius de Pompeio sibi amicissimo, qui post prælium Philippense novis belli tempestatibus se exposuerat, perturbatus fuit, eo major fuit lætitia, qua ille de insperato primi sodalium reditu perfusus est. Cui quidem poeta nunc liberius indulturus, diem festam, tam sacris, quas Jovi Pompeius voverat, epulis, quam hilari potatione celebrandum, hoc carmine indicit. — De Pompeio Grospho equite Romano, Pompeii Magni, ut videtur, liberto, copiose egit ad h. l. *Sanadonius*. — Similiter fere lætitiam suam de felici Plotii Numidæ reditu expressit Noster sup. I, 36.

CARMEN VIII.

AD BARINEN.

Se Barinæ juranti nunquam crediturum, quum ipsius perjuria non modo non pœna, sed etiam novi lepores sequantur.

ULLA si juris tibi pejerati
 Pœna, Barine, nocuisset unquam;
 Dente si nigro fieres, vel uno
 Turpior ungui;
 Crederem. Sed tu simul obligasti
 Perfidum votis caput, enitescis

5

1. *Juris pejerati*, h. e. perjurii; quemadmodum enim *jus juratum* apud Ennium pro jurejurando, ita *jus pejeratum* pro perjurio ponitur, scilicet *jus pejeratur* ab eo qui, quod juris vel officii sibi impositum est, se id exsecuturum esse perfide juravit. — *Dente si nigro*, etc. nam secundum religionem, quæ veterum animis insidebat, vitia, quæ quis corpore traxisset, vel morbi, vel alia repentina mala ad mendaciorum, perjuriorum, vel frandis cujusdam commissæ penas referebantur. Unde Ovid. Amor. III, 3: «Ease deos credamne? fidem jurata fefellit, Et facies illi, quæ fuit ante, manet; Quam longos habuit nondum perjura capillos, Tam longos,

postquam numina læsit, habet.» Ad hanc etiam religionem referendum illud Theocrit. Eclog. IX: «Μῆλαρ' ἐπὶ γλώσσας ἀκρας δλοφύγδονα φύσας.» — *Turpior ungui*; quam ingeniose ac delicate poeta, dum Barinen incusare videtur, ejus pulcritudinem laudat, ipsam tam perfectam declarando, ut ne ungui quidem peccet! — *Crederem*, sc. fidei jurejurando interposito mihi datæ.

3. *Simul oblig. Perf. votis cap.* h. e. simul ac jurasti; nam qui jurat, obligat, obstringit, obnoxium facit *caput suum*, h. e. se, *votis*, execrationibus, in se ipsum, si fallat, jactis. — *perfidum*, apposite pro: tuum; *perfidum caput* autem pro: te. —

Pulcrior multo, juvenumque prodis
Publica cura.

Expedit matris cineres opertos
Fallere, et toto taciturna noctis
Signa cum cælo, gelidaque Divos
Morte carentes.

10

Ridet hoc, inquam, Venus ipsa; rident

enitescis, ut versu sequente : *prodis*, significantius pro : es. — *juvenum publica cura prodis*, brevi gravitate pro : tam pulcra et venusta appares, ut, quicunque te incedentem conspiciunt juvenes, statim curam tui, sive amoris flammam animo concipiant; scilicet *puellæ* dicuntur *curæ*, quia curas injiciunt. Sic, ut unum saltem ex multis ponam exemplum, Propert. II, 25, 1, Cynthiam suam « pulcherrimam curam, dolori suo natam, » appellat.

9. *Expedit*; quum non modo non poena, sed nova pulcritudo tuam perfidiam sequatur, non modo non times jurare et pejerare, sed etiam tibi utile esse videtur per sanctissimas res jurare. — *matris ciner. opert. Fallere*, falso jurare per conditos matris cineres; de more per parentum ossa jurandi cf. Propert. II, 16, 15 : « Ossa tibi juro per matris et ossa parentis, » et ibi *Burman*. Pejerantes igitur per rem, quæ maxima pietate et religione ab iis coli debebat, gravioris sceleris culpam sibi contrahebant. — *Signa cum cælo*; simil. Virgil. *Æn.* IX, 429 : « Cælum hoc et conscia sidera testor. » Suaviter signa *taciturna noctis* in jurejurando amatorio memorata; nam illud factum innuunt noctis

tempore, conducta amatori hora, ubi « sidera furtivos hominum vident amores. » Cat. VII, 8. — *gelida morte carentes*, immortales.

13. *Ridet hoc, inquam, Venus*, etc. Nihil, inquam, nocent tibi perjuriam; nam ipsa Venus, Nymphæ et Cupido ea rident. Positam igitur ab initio sententiam, *impune pejerare amantes*, ad quam *tò inquam* referendum est, ulterius exsequitur. — *Ridet hoc* (ejusmodi perjurium) *Venus*; apud Tibull. III, 6, 49, ipse Jupiter : « Perjuria ridet amantum Jupiter, et ventos irrita ferro jubet. » Ceterum in sententiam τὸς ἐν ἑσπερίῳ ὄψεσιν μὴ δύνασθαι εἰς ἀθανάτων (ut apud Callimach. Epigr. XXVI, 3, dicitur), cf. Ovid. Art. I, 631, et plura ad h. l. ab interpretibus allata exempla. — *Simplices*, non ad externum Nympharum cultum, sed ad nativam earum animi simplicitatem retulerim; nymphæ sc. non iracundæ, mites; quo sensu Virg. Eclog. III, 9 : « Et quo, sed faciles nymphæ risere, sacello. » — *ferus, sævus*. — *Semper ard. acuens sagitt.* Cote cruenta; de hac Cupidinis, sagittas acuentis, in gemmis quoque expressa imagine laudant *Lippert. Dactyl.* Mill. I, 798. Adde *Winckelmann* in Opp. t. I,

Simplices Nymphæ, ferus et Cupido,
Semper ardentes acuens sagittas

15

Cote cruenta.

Adde, quod pubes tibi crescit omnis,
Servitus crescit nova; nec priores
Impiæ tectum dominæ relinquunt

Sæpe minati.

20

Te suis matres metuunt juvencis;
Te senes parci; miseræque nuper

p. 74; VII, p. 499. *Sagittæ* dicuntur *ardentes*, quia ignem, quo imbutæ sunt, amantium pectoribus injiciunt. Τέξα ἔμπυρα, πυρίπνοα, πυρπνέοντες ὅιστοί; cf. Cl. Mitsch. — *acuens*, sic apud Philodemum Epigr. XV, 3, in Anthol. Græc. t. II, p. 74 : Ἄλλ' ἦδ' ὅα τέξα νίαι θήγουσιν ἔρωτες. — *Cote cruenta*, cogita Cupidinem sagittas acuere obtusas, et sanguine, in cotem destillante, adhuc madentes; nisi *cruentus*, ut sæpe alibi, jam est ævus, crudelis, atrox.

17. *Adde, quod pubes tibi crescit omnis, Serv. crescit nova.* Adde quod omnis pubes, juvenus, quidquid est juvenum crescit, succrescit, adolescit tibi, in tui gratiam, ut tuo se submittant imperio; hinc ornate adjicitur, *servitus crescit nova*, novorum amatorum, qui tibi serviant, tibi crescit copia, nova servientium cohors paratur. Apposite enim juvenis qui totum se puellæ mancipat, ei servire dicitur, ut apud Græcos δουλεύειν. Eo sensu Tibull. IV, 5, 5 : « Te nascente novum Parcæ cecinere puellis Servitium, et dederunt regna superba tibi. » Intelliges etiam, si malueris, cum iis qui

simplicius explicant : Adde quod plures, quam ante, ex juventute ad te confluent, et ideo augetur numerus eorum qui tibi servant. Prior autem sensus exquisitius aliquid spirat. — *priores*, veteres amatores. — *Impiæ*, perfidæ, perjuræ. — *dominæ*, sic dictæ, quod servitutum imponit.

21. *Juvenis suis*, filiis suis; *juvencus* de adolescente, ut supr. II, 3, 3, *juvenca* de puella, ubi vide notata. — *Te senes parci*, sc. ne formæ tuæ illecebris eorum filios capias, et sic fundos illorum male disperdas. — *miseræ*, h. e. misere et perditæ amantes, δουλοπώται; eodem sensu infr. III, 7, 10, Chloë *miseræ* dicitur. — *tua ne retardet Aura maritæ*, h. e. ne formæ tuæ lenociniis maritos ad libidinem tecum exercendam pellicias. — *Aura* de odore, quem juvencæ, equæ (Virg. Georg. III, 250 : « Nonne vides, ut tota tremor pertentet equorum Corpora, si tantum notas odor attulit auras »), et alia animalia, ad libidinem proclivis, emittunt, et sic mares ad coitum alliciunt. Quemadmodum igitur Horatius paulo ante adolescentes appellavit *juvencos*, ita nunc Ba-

Virgines nuptæ, tua ne retardet

Aura maritos.

rinen comparat cum *juvenca* (cf. sup. inhonestioris rei imaginem, licet ver-
carm. 5, v. 6), et quod *juvenæ* pro- ram, non ex nostræ ætatis ingenio di-
prium est, ei tribuit. Quam quidem judicandam esse admonemus.

ANALYSIS. Haud nescium poeta in hoc carmine se profitetur auræ fallacia, qua varia et mutabilis puella *Barine* in amore nunc sibi adspiret. Quamvis igitur Barine jurejurando tandem firmiorem ei in amore constantiam promiserat, tamen, quum illa jam sæpe pejeraverit, nec ulla usquam adhuc corporis parte perjurii pœnam dederit, immo, quasi per sanctissimas obtestationes fefellisse ei prosit, novis insuper formæ lenociniis aucta, multo plures, quam ante, in amorem suum pelleverit, se nullo modo, ut ejus verbis fidem habeat, adduci posse ait.

Notandum qua arte, quam ingeniosa et exquisita ratione Barinen laudet poeta, qui, dum eam perfidiæ incusat, ejus pulchritudinem mirum in modum extollit, eique omnem juventutem servire declarat.

CARMEN IX.

AD VALGIUM.

Ut mortem Mystæ pueri tandem flere desinat, hortatur.

Non semper imbres nubibus hispidos

Manant in agros; aut mare Caspium

1. *Non semper*, ad vim, quam particula *semper* in hoc carmine habet, præcipue advertendum est; poeta enim ideo tantum carpit Valgii luctam, quod assidue et *semper* ei huc usque indulserat; hinc *non semper*, non usque, non menses per omnes, non omnes annos, et tu *semper*, sibi respondent. — *Non semper man. imbr. nubibus* pro: e nubibus; in eandem sententiam supr. I, 7, 16, Notus « non imbres perpetuos parturire » diceba-

Vexant inæquales procellæ
 Usque; nec Armeniis in oris,
 Amice Valgi, stat glacies iners 5
 Menses per omnes; aut Aquilonibus
 Querceta Gargani laborant,
 Et foliis viduantur orni.
 Tu semper urges flebilibus modis
 Mysten ademtum; nec tibi Vespero 10

tur. — *hispidos*, h. e. squalidos, uti agri sunt tempore pluvioso. — *inæquales*, sive quia procellæ inæqualiter, vario, turbido et inconstante impetu decidunt; sive quod mare inæquale reddunt. — *Vexant*, perturbant, concitant; Ovid. Her. XIX, 196: « An mare, ab invisio privignæ nomine dictum, *Vexat* in æquoream versa no-verca deam? » — *Armeniis in oris*, mari Caspio vicinis. — *Valgi*, Valgius ille, ad quem est hoc carmen, fuit poeta epicus notissimus, de quo loquitur Noster in lib. I, Serm. X; et dixit Tibull. IV, 1, 130: « Est tibi, qui possit magnis se acingere rebus, Valgius; æterno propior non alter Homero. » — *iners*, immobilis, apposite ad glaciei naturam designandam; *iners* enim dicitur quod torpet, sine motu et actu jacet; hinc *bruma* quoque *iners* infr. IV, 7, 19; *terra iners*, III, 4, 46. — *Gargani*, Apuliæ montis (nunc *Monte S. Angelo* in *Capitanata*), qui crebris tempestatibus infestari solet; cf. infr. Epist. II, 1, 202. — *Aquilonibus laborant*, ita Aquilonibus impelluntur, ut vix se tenere possint; *laborare* eleganter dicitur, qui vim, impetum, onus, etc. vix sustinere potest; sic supr. I, 9,

4, *silvæ*, nivis oneri sustinendo impares, *laborantes* dicebantur; ubi cf. not. — *viduantur*, spoliantur.

9. *Urges*, gravius pro vulgari: prosequeris; similiter *lacrimis urgere* dixit Propert. IV, 11, 1: « Desine, Paulle, meum lacrimis urgere sepulcrum. » — *flebilibus modis*, simpliciter, si velis, lamentis, querelis; at accipi etiam possunt flebiles modi de *miserabilibus elegis* qualis supr. I, 33, 2, Tibullus decantasse dicitur; fuit enim Valgius non solum poeta epicus, sed etiam elegiacus, ut patet ex notis Servii et Philargyrii ad Æn. Posteriorem hunc sensum confirmant v. 18 et 19: « et *potius* nova *cantemus* Augusti tropeæ, etc. » — *Mysten*, ex eo nomine, quod græcum esse videtur, nonnulli conjiciunt Mysten non Valgii natum fuisse, sed puerum ab eo adoptatum, sententiamque suam confirmant verbo subsequente *amores*, quod in plurali numero de amore paterno nusquam intelligi posse aiunt, et epitheto *mollium* (infr. v. 17) quod patri filii mortem desenti minime convenire putant. Alii vero ex allatis Nestoris et Priami exemplis colligunt Mysten Valgii natum fuisse, adduntque Nostrum exquisitoris ingenii

Surgente decedunt amores,
 Nec rapidum fugiente Solem.
 At non ter ævo functus amabilem
 Ploravit omnes Antilochum senex
 Annos; nec impubem parentes
 Troilon, aut Phrygiæ sorores
 Flevere semper. Desine mollium
 Tandem querelarum: et potius nova

15

fuisse, quam ut parentum de natorum morte dolorem cum Amasij de amico mortuo desideriis misceret. Viderit lector sagacissimus. — *Vespero surgente... fugiente Sol.* Veneris stella sub vespere surgente, solis ortu occidente, h. e. vespere et mane, noctu dieque; nam *sidus* Veneris, quod vespere *Hesperus*, idem mane mutato nomine *Lucifer* vocatur; vid. *Wernsdorf.* ad Poet. Minor. t. III, Excurs. V, p. 508, 9. — *rapidum*, ad celerem et rapidum solis cursum referendum. — *decedunt amores*, ex animo Mysten tuum, quem in deliciis habebas, dimittis; *amores* passim in honestiore sensu de iis quos pie amamus et in deliciis habemus; Virg. Eclog. VII, 21: « Nymphæ, noster amor, Libethrides, etc. » h. e. quas pie colimus.

13. *Senex ter ævo* (h. e. tribus ævis, τρεῖς αἰῶνες) *functus*, qui tres hominum ætates vixit, nempe Nestor; *ævum*, αἰών, hominum ætas, triginta ferme annorum spatio circumscribi solet; scriptores tamen in constituendo ævorum, quibus τρεῖς absolvatur, numero inter se discrepant; vid. quos laudat *Alberti* ad Hesych. t. I, p. 814, n. 18; *Larcher.* in Nott. ad Herod. lib. II. De *Nestore* vid. Hom. II. I,

250. — *Antilochum*, filium Nestoris, in pugna ad Trojam, dum patrem præsentis vitæ periculo ereptum venerat, occisum; cuius cædem, breviter Homero Odys. III, 111, IV, 187, commemoratam (cf. Pindar. Pyth. VI, 28 seqq.), celebrarunt poetæ, qui plura, ad bellum Trojanum spectantia, latius post Homerum exsecuti sunt, nominatim Quint. Calab. II, 243 seqq. — *amabilem*; filius enim, cui pater vitæ suæ salutem acceptam refert, profecto *amabilis* est. — *parentes*, Priamus et Hecuba. — *Troilon*, in pugnis illis Trojanis, quas in tabulis depictas non sine magna admiratione Carthagine deprehendisse Æneas dicitur apud Virgilium, representata quoque fuit cædes Troili, infelici conatu et imparibus viribus cum Achille congressi; vid. Virgil. Æn. I, 474 seqq. ubi lege quæ Illustriss. *Heyne* in Excurs. XVII erudite de *Troilo* disserit. — *Phrygiæ sorores*, Cassandra, Creusa, Polyxena.

17. *Desine querelarum*, græce (λῆγε γόων, ὀδυρµῶν, vid. Lambin.) pro: desine queri, vel (ut Ovid. Met. VI, 218, dixit), *desine querelas*. — *mollium*, mollioris animi dolorem exprimentium. — *Tandem*, longiores

Cantemus Augusti tropæa
 Cæsaris, et rigidum Niphaten,
 Medumque flumen, gentibus additum
 Victis, minores volvere vortices;
 Intraque præscriptum Gelonos
 Exiguus equitare campis.

20

querelas incusat. — *nova Aug. Cæs. tropæa, et rigid. Niphat.* etc. novas, quas Augustus ab Armeniis, Parthis et Gelonis reportavit, victorias. — Rem, ut poeta, auget. Justo bello enim nullum horum populorum proprie perdomuit Augustus, sed *Armeniis*, qui per *rigidum Niphaten* designantur, U. C. DCCXXXIV misso in eorum terram exercitu, Tiberio duce, regem tantum Tigranem, pulso Artaxia, præposuit; vid. Dio LIV, 9; Sueton. Tib. c. 9; Vellei. II, 94; Tacit. Annal. II, 3. A *Parthorum* (pro quibus *Medum flumen* positum est) rege autem, Phraate, eodem anno, signa, Crassi clade amissa, recepit; vid. Dio LIV, 8. *Gelonos* denique, gentem Sarmaticam, quum in Romanorum fines trans Istrum incursionem fecissent, misso Lentulo, trans flumen repulit; vid. Flor. IV, 12. — *Niphatem*, montem Armeniæ, qui vel a frigore, vel a saxis et rupibus, quibus cinctus est, vel a duro accolarum ingenio (ut supr. II, 6, 3, *barbaræ Syrtis*, infr. IV, 5, 26, *Germania*

horrida), *rigidus* dicitur. — Sed Cl. *Müscherlich*. proclivior est *Niphaten* explicare de fluvio, cujus nomen, licet nulli veterum Geographorum commemoratum, Tigris fortasse in ea Armeniæ parte, ubi mons Niphates situs fuit, gesserit; quæ quidem opinio superiorum certe poetarum, sc. Lucani, Silli et Juvenalis, qui *Niphatis* fluvii mentionem faciunt, testimonio nititur; vid. *Müsch.* — *Medum flumen*, Euphraten puta. — *minores volvere vortices*, minus, ut domitum, se extollere, lenius et moderatius fluere. Notum illud phantasma quo poetæ fluminibus adfectus varios tribuunt. Huc pertinet, quem laudant, locus Virgil. *Æn.* VIII, 726: « Euphrates ibat jam mollior undis, extremique hominum Morini, etc. » — *Parthi* nempe, hujus fluvii accolæ, desinebant hoc anno altiores spiritus trahere. — *Intra præscriptum*, intra præscriptos terminos. — *equitare*, pro vulgari: se tenere, moris, quo Geloni equis vecti circumvagari et incursiones facere solebant, respectu habito.

ANALYSIS. *T. Vagltum Rufum*, immodicas de amatissimi sibi *Mystre* morte querelas dies noctesque repetentem, duabus præcipue rationibus, ut tandem illis modum ponat, permovere studet. Primum enim reputare eum secum jubet, quomodo in rerum natura quoque non semper mala tempestas,

vel hiems, vel venti serviant; deinde ante oculos ei ponit exemplum Nestoris et Priami, qui, quamvis eundem de carissimorum filiorum morte dolorem susceperint, tamen non semper, ut ille, in eo defixi permanserint.—Tum, ut habeat, quo animum suum cummaxime exhilarare possit, novas Augusti victorias, carminibus secum celebrandas, tanquam optimum tristitiae remedium ei proponit; quæ quidem ingeniosa ad Augusti laudes canendas conversio efficacissima sane ad ejus gratiam captandam esse debuit.

CARMEN X.

AD LICINIUM.

Medium vitæ statum laudat.

RECTIUS vives, Licini, neque altum
Semper urgendo, neque, dum procellas
Cautus horrescis, nimium premendo
Litum iniquum.

Auream quisquis mediocritatem
Diligit, tutus caret obsoleti

5

1. *Rectius*, prudentius, adeoque feliciter.—*neque altum Semper urg.* etc. Dum neque in altum semper navis tunc carsum dirigit, neque securitatis causa litore, ipsi non satis fido, nimium adhæres; h. e. demta rei imagine: si neque nimio animi fervore ad altiora abreptus, neque nimio timore ad humiliora depressus, mediam inter utramque viam ingressus fueris. *Semper*, refer ad ferventius, quo quis semper agitur, studium; sc. quo longius procedis, eo longius semper progredi tendis.—*neque, dum pro-*

cellas: dum altum mare procellarum metu vitas.—*premendo*, propius accedendo ad litus.—*iniquum*, asperum sc. saxis, scopulosum, adeoque infestum, periculosum navigantibus.

3. *Auream quisquis mediocritatem*. In hanc sententiam Cl. Mätsch. comparat Loll. Bass. Epigr. VI, 3, in Anthol. Græc. t. II, p. 148: Αἱ μεσότητες ἀρισταὶ, ὅση δὲ γὰρ πράξις ἀνδρῶν. Καὶ μᾶλα μέτρον ἐγὼ τάρχιον ἡσπασάμην. Τοῦτ' ἀγάπα, φίλε Δάμπε, κακίᾳ δ' ἐχθαίρει θυώλας.—*Diligit*, ἀγαπᾷν, eligere, sequi.—*tutus*, sc.

Sordibus tecti caret invidenda

Sobrius aula.

Sævius ventis agitur ingens

Pinus; et celsæ graviore casu 10

Decidunt turres; feriuntque summos

Fulmina montes.

Sperat infestis, metuit secundis

Alteram sortem bene præparatum

Pectus. Informes hiemes reducit 15

Jupiter, idem . .

Submovet. Non, si male nunc, et olim

Sic erit: quondam cithara tacentem

ab egestate.—*caret obsoleti Sordibus tecti*, non opus habet habitare in domo sordida et longioris temporis injuria male adfecta.—*Sobrius*, νήφων, continens, sibi temperans.—*aula*, ædibus splendidis ac regiis, propter quas in hominum invidiam incurrat. Cl. *Müsch.* comparat Sotad. apud Stob. in Floril. Grot. p. 427: ὁ πίνης ἐλαττεῖται, ὁ δὲ πλούσιος φθονεῖται, ὁ μέσος δὲ βίης κεκραμένος δίκαιος ἐστίν. Αὐτάρκεια γὰρ πρὸς πᾶσιν ἡδονὴ δαίαια. Cf. Pallad. Ep. CXXIV in Anthol. Græc. t. III, p. 140.

9. Vulgarem sententiam: « Noli igitur ultra mediocritatem assurgere; nam quo quis in altiore loco est positus, in eo majore periculo versatur, » allegoricis imaginibus pulcre exornavit.—*Sævius*; alii legunt *sæpius*, quam lectionem, licet vulgatam, posthabeo.—*celsæ grav. casu Decid.* Claud. in Ruf. I, 22: « Tolluntur in altum, Ut lapsu graviore ruant. » Cf. *Müsch.* — *summos montes*, summa

montium cacumina, τὰ ὄρη. Ad imitationem Nostri dixit Senec. in Agam. 93: « Feriunt celsos fulmina colles. » — *Fulmina*; sic Rob. Steph. Dac. et alii: sed longe plures *fulgura*.

13. *Sperat infest. metuit sec.* etc. Sensus; animus virtutis præceptis bene munitus et confirmatus neque in rebus infestis desperat, neque in secundis, timens quippe fortunæ inconstantiam, insolentius se gerit; scit enim utriusque fortunæ eandem, ac tristioris et lætioris anni temporis vicissitudinem esse, etc. — *alteram*, contrariam.—*Informes*, quia tristem formam naturæ inducunt.—*Jupiter*, cf. supr. I, 12, 15, et II, 6, 17.—*idem Submovet*. Pellit adeoque serenitatem reducit. Cl. *Müscherl.* affert locum ex Fragm. Comici apud Grot. in Exc. p. 913: Χαμίων μεταβάλλει ῥαδίως εἰς εὐδίαν.

17. *Non, si male nunc, et olim Sic erit.* Notissimi in hanc sententiam sunt versus Theocriti, IV, 41 et 43:

Suscitat Musam, neque semper arcum

Tendit Apollo.

20

Rebus angustis animosus atque

Fortis adpare : sapienter idem

Contrahe vento nimium secundo

Turgida vela.

Θαροσῖν χρῆν, φίλς Βάπτε· τάχ' αἶριον
ἔσσετ' ἄμεινον. Χὼ Ζεὺς ἄλλοκα μὲν
πῆλαι αἰθριος, ἄλλοκα δ' οὐρα. — *quond.*
cithara tacent. Suscitat Musam, etc.
Non semper tendit arcum Apollo, sed
idem citharam quoque interdum pul-
sat, h. e. non semper tristem et ira-
tum, sed serenum quoque placidum-
que nonnunquam vultum præ se fert
Apollo. *Tendere nempe arcum* Apollo
figitur, quando ira commotus sagittis
suis pestem et calamitatem immittit;
Hom. Hym. in Apoll. 3, et Iliad. I,
59. At *arcum suum*, ut in Carmine
Sæculari, 33, dicitur, *condit*, quando
mūtis placidusque apparet. *Tacentem*
Musam suscitare pro vulgari: inter-
missa carmina retractare; de græco
loquendi genere *Musam suscitare*,
ἐγείρειν, ἐπὶθεῖν, etc. vid. *Misch.* —
quondam, nonnunquam, interdum.
Virgil. Æneid. II, 367: « Quondam
etiam victis redit in præcordia virtus. »

21. *Animosus adpare*, bene præ-

paratum pectus, ut v. 14 dicebatur,
ostende; animi robur et constantiam
proba. — *Contrahe vento nimium*
sec. Turgida vela. Carminis exitus
bene ejus initio respondet; vulgarem
sententiam: « Fortuna secunda tibi
arridente compece animum tuum, »
pariter imagine a navigatione ducta
extulit. Nam nautæ quoque si prohi-
bere volunt, ne longius auferatur na-
vis secundi venti afflatu, contrahere
debent vela nimium vento turgentia;
τὸ *nimum* aptius ad *turgida* quam ad
secundo refertur. Infr. Epist. II, 2,
201: « Non agimur tumidis velis
Aquilone secundo; Non tamen adver-
sis ætatem ducimus austris. » Exempla
de locutione nautica: *vela contrahere*,
ad impetum animi cohibendum trans-
lata, ex utriusque linguæ scriptoribus
collegit *Misch.* inter quæ illud Ovid.
Trist. III, 4, 32: « Propositique me-
mor contrahe vela tui. » Vid. Senec.
Ep. XIX; Prop. III, 7, 30, etc.

ANALYSIS Quum Horatius Licinium Varronem Murænam, Proculeii (de
quo vid. supr. ad II, 2, 5) ac Terentiæ fratrem, hominem varium, ambitio-
sum, seditiosum, et, quicquid suaderet vehementioris animi impetus, cupide
appetentem, jam id agere intellexisset, ut non solum meliorem sortem (nam
bonis suis proscriptione exutus fuerat) sibi pararet, sed etiam ad honores
altissimos adscenderet; præceptis saluberrimis ei in hoc carmine consulere,
eumque a temerariis istis ad rectiora consilia avertere studet. Itaque primum

ei auctor est, ut inter altiora et humiliora viam mediam, eamque ad felicioris vitæ fructum tutissimam, ingrediatur; deinde eum ejusmodi animo, qui in rebus adversis meliorem sortem speret, in secundis iniquiorem timeat, adeoque adversam fortunam fortiter ferat, in secunda autem minime se offerat, sapienter se munire jubet. — Sed Licinius, uti ex Dione LIV, 3; Vellei. II, 91, discimus, amicorum consiliis haud se regi passus, detecta, quam cum Fannio Cæpione ad Augustum opprimendum inierat, conjuratione, temeritatis suæ poenas tandem dedit gravissimas.

CARMEN XI.

AD QUINCTIUM HIRPINUM.

Omissis curis inutilibus, genio indulgendum.

Quid bellicosus Cantaber, et Scythes,
Hirpine Quincti, cogitet Hadria
Divisus objecto, remittas
Quærere; nec trepides in usum

1. *Quid bellicosus Cantaber*, vid. supr. ad II, 6, 2. — *cogitet*, molietur, minetur; scriptum igitur hoc carmen est ante annum DCCXXXIV, quo demum Cantabri ab Agrippa, et Scythæ a Lentulo perdomiti sunt. — *Divisus*, sejunctus et interclusus ab Italia. — *objecto*, tanquam obice et propugnaculo; Virg. Æn. X, 377: « Ecce maris magno claudit nos objice pontus; » significantius igitur pro: interjecto. — *remittas* *Quær.* cave quæras, omittis et fuge, ut alibi Noster, quærere; noli ejusmodi caris te cruciare. — *nec trepides in usum* *Posc. ævi pauca*; vulgo jungunt: *nec trepides ævi* (quod explicant: ævi causa) *pauca poscentis in usum*; equidem malim:

nec trepides in usum, nec sis sollicitus, quod attinet ad res, quæ sint in usum, h. e. quod attinet ad res necessarias ævi, vitæ, *pauca poscentis*; et sic *trepidare in usum* eodem modo dictum esse videtur, ut infr. II, 13, 14, « cavere sibi in horas, » ubi vid. — *in usum et ad usum esse*, de rebus, quibus vita sustentatur; infr. Epist. I, 12, 4: « Pauper enim non est, cui rerum suppetit usus. » Liv. VII, 26: « Aqua etiam præter cetera usui (in usum) deficiente. » Idem, XXII, 2: « Nec ubi consistere coactis necessaria ad usus decissent. » Cf. Burm. ad Quinctilian. Decl. 138, p. 281, et Gronov. de Pec. Vet. II, 7, p. 108. — *Poscentis pauca*, ævi

Poscentis ævi pauca. Fugit retro

5

Levis Juventas, et Decor; arida

Pellente lascivos Amores

Canitie facilemque Somnum.

Non semper idem floribus est honor

Vernis; neque uno Luna rubens nitet

10

Vultu: quid æternis minorem

Consiliis animum fatigas?

Cur non sub alta vel platano, vel hac

scilicet, quod exiguo contentum est.

8. *Fugit retro*, pro vulgari: cito elabitur. Nexus idearum est: Quorsum trepidas, sollicitus es de rebus necessariis vitæ, quæ tam paucis indiget, et quæ tam rapide effluet. Juventas enim recedit, venitque senectus. — *Levis*; nonnulli contra versus Alcaici mensuram primam h. v. syllabam corripunt, intelliguntque levioribus jocis et amoribus aptæ, protervæ. Producta autem prima syllaba, *levem* seu *lævem* intelligi malim, teneram, imberbem, quod opponitur senectuti aridæ, rugosæ. Dixit enim Tibul.: « Cui lævia fulgent ora, » h. e. imberbia; et ipse Noster, IV, 6, 28: « levis Agyieus, » quatenus æterna est Phœbo juventas. — *Decor*, juvenilis nitor, honor, vel ut Virgil. *Æn.* IV, 558, loquitur, « membra decora juventæ. » — *arida*, sicca, macilenta, rugosa. — *Pellente lasc. Amor. Can.* Tibul. I, 1, 71: « Jam subrepet iners ætas, nec amare decebit, Dicere nec cano blanditias capite. » — *facilem*, ut infr. III, 21, 4, quem dormiturus facile capit.

9. *Non semper idem floribus est honor Vernis.* Eodem plane colore

Tibul. I, 4, 28: « Transiit ætas Quam cito! nam segnis stat remeatque dies. Quam cito purpureos deperdit terra colores! Quam cito formosas populus alba comas! » Hanc sententiam copiosius, ut ferebat carminis pastoritii indoles, exsecutus est Theocritus Id. XXIII 28 seqq.: Καὶ τὸ ῥόδον καλὸν ἐστὶ, καὶ ὁ χρόνος αὐτὸ μαραίνει. Καὶ τὸ ἴον καλὸν ἐστὶν ἐν εἰαρι, καὶ ταχὺ γηρά. Λευκὸν τὸ κρίνον ἐστὶ, μαραίνεται δ', ἀνίκα πίπτει. — Καὶ κάλλος καλὸν ἐστὶ παιδικόν, ἀλλ' ὀλίγον ἔτι. Cl. Mitscherlich comparat Strat. Epigr. LXXIII, 3, 4, in Anth. Græc. t. III, p. 88: Ἄνθος γὰρ καὶ κάλλος ἴσον χρόνον ἐστὶ λαχόντα. Ταῦτα δ' ἑμοῦ φρονίμων ἐξιμάραν χρόνος. Ubi plura in hanc sententiam suppeditat Jacobs. in *Animadv.* V. II, P. III, p. 114. — *rubens*, lucens; *rubens nitet* ornatus pro simplice: lucet. *Rubere* de lunæ splendore passim; infr. Sat. I, 8, 30; Propert. I, 10, 8. — *æternis min. Cons. anim.* h. e. animum ad brevioris temporis spatium tibi concessum, quam ut ille æquare, vel ad exitum perducere possit consilia æterna, h. e. in remotissima tempora, quasi æternum victurus sis præcepta.

Pinu jacentes sic temere, et rosa

Canos odorati capillos,

15

Dum licet, Assyriaque nardo

Potamus uncti? Dissipat Evius

Curas edaces. Quis puer ocius

Restinguet ardentis Falerni

Pocula prætereunte lympa?

20

Quis devium scortum eliciet domo

14. *Sic temere*, hic, ubi forte fortuna in hanc pinum, sub qua considerare licet, incidimus, nullo alius arboris delectu habito. Similiter apud Virg. *Æn.* IX, 529, tres famuli, quum in loco, qui ante pedes fuerat, forte fortuna procubuissent, « temere inter tela jacuisse » dicuntur, et sic « temere sub armis strati » milites apud Liv. X, 43. — *Canos*, canescere certe incipientes, adeoque de fugientis ætatis usu utrumque eo gravius monentes. Comparant Anacr. XXXVI, 9 : Πολλὰ στεφεύει κάραν. Ἀδὲς ὕδωρ, βάλ' οἶνον, ὃ παῖ. — *odorati*, significanter de iis qui serito, suaves odores spirante, capillos coronant. — *Dum licet*, apprime de iis quibus jam capilli canescere incipiunt. — *nardo*, unguento pretiosissimo veteribus habito. Vid. Plin. XII, 12. — *Assyria*, v. supr. ad I, 31, 12, et ad II, 7, 8. — *Evius*, Bacchus, v. supr. ad I, 18, 9. — *Dissipat Curas*. Cl. *Mitsch.* affert locum ex Athenæo, II, 1, p. 35 (est ille ex Cypriis carminibus) : Οἶνόν ται, Μενέλας, θεοὶ ποίησαν ἄριστον (quam vocem omisit *Mitsch.*) Θνητῶς ἀνθρώποισιν ἀποσκεδάσαι μελιθῶνας. — *edaces*, γυνήκορους μελιθῶνας, quæ, ut Catull. LXVI, 23, loquitur, « penitus medullas exedunt. »

18. *Quis puer*, etc. hic poeta Baccho et Venere instinctus jubet amobus Divis litandum; vocat pueros ad refrigeranda Falerni pocula, et meretricem Lyden adducendam; et tanquam ad verba præsto adessent, dat uni mandatum; *dic, age*, etc. Sic puerum increpat Tibul. III, 6, 57 : « cessas, o lente minister, ... i, nobis prona funde Falerna manu. » — *Restinguet*, refrigerabit. — *ardentis* (αἰθωνός), h. e. fervidioris, ut infr. Epod. XI, 14; nam φλῆξ οἶνου (ut Euripid. Alc. 761 loquitur) θερμαίνει. Huc pertinet locus Meleagr. Ep. CXIII, 3, in Anthol. Græc. t. I, p. 33 : Τόνακα σὺν Νύμφαις Βρόμιος φίλος. Ἢν δὲ νῦν εἰργῆς Μίσγεισθαι, δέξῃ πῦρ ἐτι καίόμενον. — *prætereunte lympa*; nonnulli explicant: admixta aqua e vicino fonte petita; præstat autem, meo quidem iudicio, sic intelligere: immersis in currenti rivo poculis. Non dubitandum enim quin Romani, ut nos etiam recentiores, vinum in rivulis immergerent, donec refrigesceret, præsertim quum temere sub platano vel pinu compotarent, ubi rarissime nix et glacies in promptu sunt.

21. *Devium*, in urbis recessu vel angiportu, ubi meretrices latere solebant, habitans; hinc apud Ovidium

Lyden? eburna, dic age, cum lyra
 Maturet, in comptum Lacænæ
 More comam religata nodum.

quoque Trist. III, 7, 30, « devia femina » de meretrice. — *eliciet domo*, domo evocatam arcesset. Eadem fere, quæ Horatius, jussa dat Anacr. IV, 13 seqq. : Ἐμὲ μᾶλλον, ὥς ἐτι τῷ, Μύριον, πόδους δὲ κῆρα Πύκασον, καὶ δ' ἔταίρην. — *dic, age*, etc. apprime turbatum lætitia poetæ animum decet, quod τῷ quis certam statim personam substituit, puerum alloquendo. — *eburna cum lyra*, leviores enim puellæ sub causa psallendi computationibus interesse solebant. — *in comptum Lacænæ*, etc. De h. l. quot capita, tot fere sententiæ. Alii « in comptam

comam religata nodum; » alii : « in comptum comam religata nodum. » Quomodo autem duos accusativos h. v. *religata* regeret? Nonnulli : « in comptam comam religata nodo, » quod rectius et ad normam magis; non autem pulchra esse videtur coma in comptam nodo religata. Malim igitur cum J. Bond. et Cl. Mitsch. legere : « in comptum nodum religata comam, » h. e. habens comam religatam compto nodo, quod omnem tollit difficultatem. — *More Lacænæ*, more puellarum Lacænarum, quibus, etsi non exquisitus, aliquis tamen cultus fuit.

ANALYSIS. Quintio Hirpino, variis, ut videtur, curis se maceranti, eandem, quam sæpe aliis amicis, consilii sui medicinam poeta affert. Monet enim eum, ut vanas, tam de bellis externis, quam de rebus in futurum usum necessariis, curas ex animo ejiciat, vitæque potius brevitate ante oculos sibi posita una secum, dum licet, hilaritati et potationi indulgeat. Quod quidem ut eo magis fiat, ipse statim consilio, quod dedit, perficiendo instat. Locus amœnus, quo potent, deligitur; vinum Falernum affertur; et psalteria Lyde, facilitate sua in amore satis nota, arcessitur. — Audimus igitur Horatium non solum inter ambulandum cum Quintio in loco amœno canentem, sed eundem inter canendum quoque videmus agentem; quod quidem totius rei scenam ita ante oculos sistit, ut suaviter delusi ei interesse videamur. — Ad eundem Quintium, de quo nihil aliunde constat, scripta quoque est infra Epistola decimasexta libri primi. — Ceterum poetæ quum artem, tum ubertatem in unius ejusdemque sententiæ pertractatione admiraturum comparasse juvabit supr. lib. I, carm. 4, v. 9; v. 11; lib. II, v. 3; infr. lib. IV, v. 7; Epod. v. 13.

CARMEN XII.

AD MÆCENATEM.

Se celebrandis magnis rebus imparem, nihil nisi [Licymniæ pulcritudinem canere posse proficitur.

NOLIS longa feræ bella Numantiæ,
Nec durum Hannibalem, nec Siculum mare
Pœno purpureum sanguine, mollibus
Aptari citharæ modis :

1. Sensus et sententiarum nexus est fere hic : Quemadmodum vix cupias, ut vel bellum Numantinum, vel bella Punica, vel Lapitharum cum Centauris pugnam, vel Gigantomachiam, poeta tenuis canat; ita nec cupere potes, ut ego simillimum argumentum, res gestas nempe Augusti, lyra mea, mollioribus modis tantum apta, celebrem; tu ipse enim multo melius soluta oratione tam prælia Augusti quam ejus triumphos expones. — Expende qua arte simplicem sententiam : « Nolis Augusti victorias a poeta tenui celebrari » exornaverit, allatis aliis argumentis gravioribus, quæ a poeta tenui tractari non possint. — *longa bella Num.* — *Numantia*, Hispaniæ Tarraconensis urbs olim nobilissima, quæ, quum plures annos (in annorum numero scriptores inter se discrepant) fortissime Romanis restitisset, tandem a Scipione Africano

minore deleta est; vid. Flor. II, 18; Vellei. II, 4, 2; Strabo, III, p. 246. — *feræ*, referendum fortasse eo, quod ejus incolæ, ut tradit Florus l. l. « in ultimam rabiem furoremque conversi, duces suos seque patriamque, ferro et veneno subjectoque undique igni, peremerunt. » — *durum*, aut sævum et reformidandum, aut laboris, famis, caloris frigorisque patientissimum; de Hannibalis ingenio est locus classicus apud Liv. XXI, 4; designatur autem per Hannibalem bellum Punicum secundum. — *Sicul. mare Pœno purpur. sang.* intellige tres nobilissimas illas pugnas navales, quibus Carthaginienses in bello Punico primo ad Siciliam victi sunt a Romanis, C. Duillio, Regulo et Luctatio Catulo duceb. — *mollibus Aptari cith. mod.* cani ad citharam, qua molliores modi tantum (carmina amatoria puta) deducuntur, h. e. cani a poeta, res le-

Nec sævos Lapithas, et nimium mero
 Hylæum; domitosve Herculeæ manu
 Telluris juvenes, unde periculum
 Fulgens contremuit domus
 Saturni veteris. Tuque pedestribus
 Dices historiis prælia Cæsaris,
 Mæcenas, melius, ductaque per vias
 Regum colla minantium.
 Me dulces dominæ Musa Licymniæ

5

10

vioris argumenti tractare solito. Infr. Epist. I, 3, 13: « fidibusne Latinis Thebanos aptare modos studet, auspice Musa? »

8. *Nec sæv. Lapith.* argumentis, in insigni Romanæ virtutis gloria versantibus, adeoque recentioribus, subjungit antiquiora, fabulas nempe, non nisi a sublimioris spiritus poetis tam olim pertractatas, quam nunc et in posterum pertractandas. Fabula de Lapitharum cum Centauris pugna vel ex Ovid. Met. XII, 220 seqq. satis nota; cf. Virg. Georg. II, 487; Apoll. II, 5, 4, et ib. Heyne. — *nim. mero Hyl.* Centaurum, qui, quum nimium vino accensus Hippodamiam attraxisset, pugnae auctor fuisse traditur. De quo Virg. Georg. II, 487: « Et magno Hylæum Lapithis cætere minantem. » — *Telluris juvenes* (γῆνεϊς), Gigantes, cælum et Jovem adortos, sed Hercule in partes vocato domitos (Apollod. I, 6, 1; cf. infr. II, 19, 21). — *unde*, a quibus, quorum conatu. — *contremuit*, cum tremore timuit. — *Fulgens domus Saturni*, Olympus, cælum. — *veteris*, προϋπαρχόντος, ut Chronus appellatur ab Orph. Lapid. XVIII, 31. — Bene

cum Nostro Cl. Müschert. comparat Virg. Cul. 26 seqq.: « Tibi namque canit non pagina bellum, Phlegra Giganteo sparsa est quo sanguine tellus; Nec Centaureos Lapithas compellit in enses,.... Mollia sed tenui percurrere carmina versu. »

9. *Tuque*, etc. Cl. Müsch. hæret in subnexa particula *que*, eamque orationis nexum turbare putat; sed bene se res habet; hic enim est nexus idearum: Ego non possum celebrare res Augusti; non hæc lyram jocosam et amatoriam decent. Nihil igitur proficies hortando, ut tantas res canam; et tu, potius tu (gallice: *et d'ailleurs vous-même*), canes prælia Cæsaris. — *historiis pedestribus*, Mæcenatem vere conscribendæ Augusti historie manum imposuisse, fidem facit Plin. VII, 45. Ceterum, quod supra ad Od. I, 1, 29, dixi, Mæcenatem non fuisse poetam, quum ex aliis, tum ex hoc carmine satis apparet. — *ducta Regum colla*; pro vulgari: reges collo (h. e. catenis collo annexis) ductos. — *minantium*, præclare ad rem! de publica ignominia iram et indignationem vultu præ se ferentium.

13. *Me dulces dominæ*, etc. Ordo

Cantus, me voluit dicere lucidum

Fulgentes oculos, et bene mutuis

15

Fidum pectus amoribus :

Quam nec ferre pedem dedecuit choris,

Nec certare joco, nec dare brachia

Ludentem nitidis virginibus, sacro

Dianæ celebris die.

20

Num tu; quæ tenuit dives Achæmenes,

est : Musa voluit me dicere dulces cantus dominæ Licymniæ. Nonnulli volunt Licymniam illam fuisse non Horatii amicam, sed Liciniam Terentiam, inter omnes venustissimam, et amanti jamjam Mæcenati uxorem ducendam. Quibus libenter assentior, quamvis mihi repugnet Horatium, exquisitissimi judicii poetam, de Mæcenatis, viri in imperio potentissimi, amici sui, sponsa, levitia illa ac parum reverentia extremorum versuum dixisse; quos vide et ad eos notata.—*luc.* *Ful.* ὁμματα μαρμαίροντα, in quibus, ut ejusmodi oculos describit Tibull. IV, 2, 6, « Accendit geminas lampadas acer Amor. » — *lucidum* pro: lucide, ut *dulce*, vel *perfidum ridens* (infr. III, 27, 67), et plura ejusmodi.

17. Sequitur pulcherrima puellæ mira cum suavitate et concinnitate saltantis descriptio. — *Quam nec dedecuit*, per λυτότητα pro: quam egregie decuit; de ejusmodi puella suavissime Tibul. IV, 7: « Illam, quicquid agit, quoquo vestigia movit, Componit furtim, subsequiturque decor. » — *ferre pedem*; saltantium enim ars præcipue in scito concinnoque pedum motu vel incessu cernitur. — *certare joco*; varii cogitari possunt lusus, qui-

bus saltantes invicem se excipiunt et jocose inter se certant. — *dare brachia*; quod quoque, quum saltantes brachia inter se neunt, vel manus invicem sibi porrigunt, cum lepore quodam fieri debet. — *Ludentem*, h. e. saltantem; *ludere*, ut παιζειν apud Græcos, sæpe pro: saltare, sive choreas ducere.—*nitidis*, eleganter comitis et ornatis. — *sacro Dianæ celeb. die*, plures quotannis dies, Dianæ sacri, a virginibus, præcipue choreas ducendo (Propert. III, 28, 60), tam in urbe, quam in agris, magna cum lætitia celebrari solebant.

21. *Num tu*, etc. h. l. inducti sunt interpp. in eam opinionem, ut Licymniam Mæcenatis uxorem fuisse arbitrarentur, dicentes: Quo modo Mæcenæ crinem Licymniæ tam pretiosum haberet, ut eum omnibus divitiis anteponeret, si Licymnia non sua, sed Horatii amica foret? Qui vero dissentiant, ita explicant, sed male! Hic scilicet poeta amatorio delirio abreptus aliquem omisit idearum nexum, quem ita restituit: Annon enim, si Licymniam, si omnes ejus illecebras nosceres, ut ego nosco, ipsius crinem omnibus thesauris pluris faceres? etc. — *dives Achæmenes*, primus Persa-

Aut pinguis Phrygiæ Mygdonias opes,
Permutare velis crine Licymniæ,

Plenas aut Arabum domos,
Dum flagrantia detorquet ad oscula
Cervicem; aut facili sævitia negat,
Quæ poscente magis gaudeat eripi,

Interdum rapere occupet?

25

rum rex, in universam pro regum Persarum opulentia.—*Ping. Phryg. Mygdonias opes*, h. e. opes, quas Mygdones in opimis Phrygiæ campis possident. *Mygdones*, antiquus Thraciæ populus, qui Phrygiæ partem occupavit. Ad septemtrionalem Phrygiæ plagam Mygdones collocat Strabo, XII, p. 861. — *Permutare crine opes*, exquisitiore ratione pro vulgari: crinem permutare opibus, vel cum opibus.— Cum Horatio Cl. *Müsch.* comparat Pallad. Epigr. I, v. 1 seqq. in Anth. Græc. t. III, p. 114.—*Plenas Arab. domos*, intellige « beatas, » ut supr. I, 29, 1, Hor. loquitur, « Arabum gazas. » Infr. Epist. I, 7, 36: « nec Otia divitiis Arabum liberrima muto. »

25. *Det. Cerv.* obsequiose inflectit caput ad osculandum te. — *flagr.* hominis amore flagrantis. — *facili*, fa-

cile se vinci patiente, simulata. — *Quæ poscente magis*, etc. Negat oscula, quæ sibi eripi magis gaudeat, quam ille (nempe amans) qui oscula poscit. Alii ita explicant: Quæ magis gaudeat eripi a poscente, quam a se ipsa concedi. Quæ explicatio eodem ferme redit, nec rejicienda mihi videtur. — *Interdum rapere occupet*, prior rapiat oscula, osculetur nec poscentem. Plaut. Stich. I, 2, 32: « ferre adversum hominem occupemus osculum. » Nota quanta colorum veritate, quanta descriptionis felicitate amatoriam artem Horatius expresserit. Ad h. l. imit. Gallicus poeta Bolæus, in Artis Poeticæ lib. II: « Vante un baiser cueilli sur les lèvres d'Iris, Qui mollement résiste, et par un doux caprice, Quelquefois le refuse, afin qu'on le ravisse. »

ANALYSIS. Rogatus a Mæcenate, ut carmine epico Augusti celebraret victorias, se, ut poetam rebus ludicris tantummodo tractandis aptum, has partes sibi demandatas sustinere posse negat. Itaque, non dubitans, quin ipse Mæcenas multo melius res gestas Augusti pedestri oratione enarraturus sit, nunc canit, quas Musa eum canere jubet, laudes Licymniæ. — Compara omnino supr. I, 6, ubi pariter, dum Agrippæ et Augusti laudibus canendis se imparem esse simulat, eas hac ipsa simulatione vel maxime extollit. Eadem arte in celebrandis Augusti laudibus usus est Propertius II, 1.

CARMEN XIII.

IN ARBOREM,

cujus casu pæne oppressus fuerat.

ILLE et nefasto te posuit die,
 Quicunque primum, et sacrilega manu
 Produxit, arbos, in nepotum
 Perniciem, opprobriumque pagi.
 Illum et parentis crediderim sui
 Fregisse cervicem, et penetralia

5

1. *Ille et nefasto*, etc. Junge : *Quicunque te, arbor, primum posuit, ille te posuit et die nefasto, et manu sacrilega produxit*, etc. — *nefasto*; apud Romanos alii dies fasti dicebantur, ii scilicet quibus lites agi fas erat; alii nefasti, quibus forum clausum, nec Prætor, seu Judex Urbanus fari poterat. Nefastus dies sæpe pro infausto accipiebatur. Sic apud Liv. VI, 28 : « Ne quæ terra sit nefasta (infausta, inominata) victoriæ suæ. » Vide autem Virg. Georg. I, 276, de diebus infaustis. — *posuit. Ponere arborem*, pro : serere, plantare, passim apud scriptores rusticos; apud Ovidium quoque, Fast. III, 139, sic posita arbor dicitur; et hic statuere arborem, vers. 10. — *sacril. manu*, impia, scelerata, h. e. sceleratissimus is fuit, qui te posuit et produxit in hunc finem ut posteris exitio esses.

— *Produxit*, pro : educavit, vel, quod idem, eduxit. — *opprob.* dedecus; ut toti pago opprobrio esses, quod casu tuo hominem innocentem, dominum et vatem sacrum oppressura esses.

3. *Illum et parentis*, etc. Imo, qui te male ominatam arborem plantavit, ut in immerentis domini caput aliquando caderes, is vel patrem occidisse, vel nocturna hospitis cæde domum suam polluisse, vel venena miscuisse, vel, quod usquam gentium nefandum scelus concipitur, perperasse videtur, pro simplice : is gravissima quæque commisisse videtur scelera. — *cervicem fregisse*, sc. laqueo; similiter « gulam laqueo frangere » dixit Sallustius, Cat. c. 35. — *nocturno cruore*, sanguine tempore noctis hausto, pro : cæde nocturno tempore insidiose perpetrata; de hospitii, cui tuendo Jupiter ἑνίος præerat,

Sparsisse nocturno cruore
 Hospitis; ille venena Colcha,
 Et quidquid usquam concipitur nefas,
 Tractavit; agro qui statuit meo 10
 Te triste lignum, te caducum
 In domini caput immerentis.
 Quid quisque vitet, nunquam homini satis
 Cautum est in horas. Navita Bosporum
 Pœnus perhorrescit, neque ultra 15
 Cæca timet aliunde fata;
 Miles sagittas et celerem fugam
 Parthi; catenas Parthus et Italum
 Robur: sed improvisa leti
 Vis rapuit rapietque gentes. 20
 Quam pæne furvæ regna Proserpinæ,

sanctitate res nota. — *Colcha* pro: Colchica, Medes Colchicæ inprimis beneficiis, ut longe efficacissima, nobilitata. — *triste*, ob tristes effectus, damnosum, exitiosum. — *lignum*, contemptum. — *caducum* pro: cadens, vel: casurum, ut infr. III, 4, 44, *fulmen caducum*, quod decidit, vel dejectum est; et sic sæpe alibi.

13. Dum periculi, quod incautum eum pæne oppresserat, cogitatione poetæ animus intenditur, facilis erat ad communem de incerto cujusque fato sententiam progressio. — *In horas*, in tempus futurum, h. e. quod attinet ad pericula, quavis hora, quovis temporis momento, nobis imminetia; *in*, ut supr. II, 11, 4, positum fere pro: *quod attinet ad horas*, ad fata quavis hora nobis instantia. — *Navita Pœnus*, mercator Phœnicus.

— *Bosporum*, Thracium nempe, per quem navigantes in Pontum Euxinum deferuntur. — *perhorrescit*, præcipue ob petras Cyaneas, a Bosporo Thracio exeuntibus magna circumspeditione, ne naufragium ibi patiantur, evitandas. — *neque ultra Cæca timet aliunde fata*, neque præterea, quæ in aliis locis (*aliunde*) ei immineant pericula, timet, quia *cæca* sunt, h. e. latent, nec prævideri possunt. Cic. Agr. II, 14: « Cur hoc est tam obscurum et cæcum? »

17. *Celerem fug. Parthi*. Parthus enim in celeri, quam simulabat, fuga, quum telorum in hostem retro post terga jaciendorum esset peritissimus, *militi Romano* maxime timendus fuit. — *Robur*, vires Romanas; non carcerem, ut *Doëring*, et alii.

21. Expende ornatum, quem sim-

Et judicantem vidimus Æacum;
 Sedesque discretas piorum; et
 Æoliis fidibus querentem
 Sappho puellis de popularibus;
 Et te sonantem plenius aureo,
 Alcæe, plectro dura navis,
 Dura fugæ mala, dura belli!
 Utrumque sacro digna silentio

25

plici sententiæ : « Quam pæne ego arboris ictu periissem, » vel : « Quam pæne arboris ictu delatus fuisset ad inferos, » paravit poetæ ingenium. — *furvæ*, ut *luridus*, *niger*, *pallidus*, etc. rerum infernarum epitheton. — *regna Proserpinæ videre*, ut « nigrum Tartarum videre » apud Virgil. *Æn.* VI, 134, et apud Hom. II. XV, 282 : Νέκυας καὶ δῶμ' Ἀΐδαο ὄψεσθαι. — *judic. vidim.* *Æacum.* Cl. *Müscherl.* comparat Antip. Sid. I, 4; Anthol. Græc. t. II, p. 8 : Μῆν' ὁδῶσαν ἐκ-φύεσθαι. — *Sedesque discretas pior.* sedes piis assignatas, campos Elysios.

28. *Sappho quer. puellis de pop.* Sensum amoris, quo puellas populares deperiit, mollioribus carminibus exprimentem, h. e. carmina amatoria; *ἄσματα*, canentem; ad hæc Sapphus carmina spectare videtur Fragm. apud Hephæst. p. 24, et apud Athen. XIII, p. 571. Alii Sappho idæ de puellis popularibus nunc queri volunt, quod hæc Phaonem ab illa misere amatum in amorem suum pellegerint. — *Æoliis*, h. e. Lesbii, nam Lesbos tota fere ad Æoliā pertinet. Similiter infr. IV, 9, 12, Sappho *puella Æolia* dicitur. Ceterum ut Hor. Sappho, ita Simonid. XLIX, 9, 10 (Anth. Græc.

t. I, p. 69), Anacreontem apud inferos canentem inducit. — *Et te son. plen. aur. Alc. plect.* et te, Alcæe, graviore carminis genere cantantem duos labores, quos in navigatione, exilio et bello exantlaveris. — Tangit igitur argumenta ab Alcæo in carminibus suis tractata. — *Sonare plectro mala*, facere, ut sonent vel resonent plectro mala, pro simplice : mala canere. — *plenius*, gravius, fortius. Ipsa Sappho apud Ovid. Heroid. XV, 30, se cum Alcæo, patriæ Lyraeque consorte, comparans, illum *grandius sonare*, at se *blandissima carmina* dicere ait. — *aureo*, epitheton ornans; sic, ut observat Cl. *Müscherl.* Pindar. Pyth. I, 1, χρυσίαν φόρμυγγαν, et Nem. V, 44, χρύσειον πλάκτρον, Apollini tribuit. — *dura navis mala*, intellige tempestates marinas. — *fugæ*, exilii, in quod a civitatis suæ tyrannis, Myrsilo et Pittaco, expulsus fuerat Alcæus. — *dura belli*, bellum Mitylenæis cum Atheniensibus gestum puta, quod Alcæo inprimis, qui ex eo male abjectis armis aufugisse perhibetur (Herodot. V, 98), plenum periculosaæ alex opus fuisse videtur.

29. Abreptus phantasie vi poeta, se plane ad inferos delatum, Alcæum-

Mirantur Umbræ dicere; sed magis

30

Pugnas et exactos tyrannos

Densum humeris bibit aure vulgus.

Quid mirum? ubi illis carminibus stupens

Demittit atras bellua centiceps

Aures, et intorti capillis

35

Eumenidum recreantur angues;

que et Sappho in media umbrarum turba canentes audire se opinatur. — *Mirantur utrumque dicere*, cum admiratione tam Sappho quam Alcæum audiunt canentes, *digna sacro silentio*, carmina tam egregia, ut digna sint quæ summo silentio auscultentur.

— *sacro*, tanquam in re sacra, ubi, quicunque adsunt, linguis favere debent. — *Densum humeris vulgus*, en præclaram rei imaginem! omnes ac singulæ Umbræ (hinc *vulgus* dictæ sunt) undique accurrunt. et tam arcta turba circa Sappho et Alcæum præ cupiditate eorum carmina audiendi condensantur et agglomerantur, ut humeris invicem se premant terantque; cf. Virg. Georg. IV, 473 seqq. — *aure bibi*, cupide audit. Propert.

III, 6, 8: « suspensis auribus ista bibi. » — *magis*, grandioris enim spiritus carmina magis percellunt audientium animos. — *pugnas*, h. e. Alcæum, pugnas, quibus tyranni exacti sunt, canentem; cecinit igitur bella civilia, a Mitylenæis contra tyrannos mota, quorum ipse dux factus est. — *exactos tyrannos*, ad eos præter Pittacum et Myrsilam plures, qui rerum potiri cuperent, pertinuisse ex Strab. XIII, p. 917, intelligi potest.

33. Quid mirum? Umbras delec-

tari carminibus, quibus Cerberus adeo et Furæ delectantur! — *Compara omnino cum Nostro* Virg. Georg. IV, 471 seqq. ubi eadem vi apud inferos canens inducitur Orpheus; nec utriusque poetæ imitatores Ovid. Met. X, 41 seqq. Senec. Herc. OEt. 1068 seqq. et Boeth. Consol. Philos. III, metr. 12, 29 seqq. contulisse pigebit. — *centiceps*, in capitum, quas Cerbero affixit antiquitas, numero discrepant poetæ; vulgo tria tantum ei capita tribuuntur, ut infr. II, 19, 34; sed πεντηκοντακέφαλος ille apparet apud Hesiod. Theog. 312. Hor. Cerberum sistit εκατοντακέφαλον, haud dubie Græci cujusquam poetæ exemplum secutus; Cl. Müsch. opportune in hanc rem affert verba Tzetze ad Lycophr. 678: ὁ κόων τοῦ Αἰδου, ὃς ἔχει εκατὸν κεφαλὰς. Alii etiam τὸ *centiceps* ad anguium, quibus Cerberi cervix horruisse dicitur, capita referunt. — *stupens illis carminib.* cum stupore admirans illa carmina; observa vim in *illis* h. e. tam præclaris, divinis. — *Demittit aures*, uti enim canes minaces et stomachabundi aures arrigere, ita iidem eas, quando suaviter afficiuntur, demittere solent. — *et intorti capillis Eumen. recr. ang.* angues, quos Furæ capillis implexos

Quin et Prometheus et Pelopis parens

Dulci laborum decipitur sono :

Nec curat Orion leones,

Aut timidos agitare lyncas.

40

gestant, graviter pro ipsis Furiis dulci cantu deliniri dicuntur. In ejusdem rei imagine Virgil. l. l. 483, *Eumenides* dixit « cœruleos implexas crinibus angues. » — *Prometheus*, ergo secundum antiquiorem, quam Horat. servitus est, fabulam, Prometheus in Orco quoque æternis laboribus exerceri factus est; vid. Aristot. Poet. c. 17; nam vulgo eum Caucasos affixum, ubi aquila continuo cor ejus renascens exedat, scelera, quo ignem cœlo subduxerit, poenam luere tradunt. — *Pelopis parens*, Tantalus, de quo omnia in vulgus nota. — *Dulci labor. dec. sono*, cantus dulcedine ita se decipi

et abripi patitur, ut laborum suorum immemor sit. — *decipitur laborum*, græce dictum (κλέπτεται τῶν πόνων), pro : deceptus obliviscitur laborum. — *Orion*, is enim venationem, cujus studiosissimus in vita fuerat, apud inferos quoque (quia, ut dicitur apud Virg. *Æn.* VI, 655: « cura... eadem sequitur tellure repositos ») exercebat; *Orionis*, apud inferos venantis, imaginem jam adumbravit Hom. *Odyss.* XI, 571 seqq. Quo magis autem Orion venatione delectabatur, et ei exercitationi indulgebat, eo major carminum, quibus audiendis ab ea se detineri passus est, vis esse debuit.

ANALYSIS. Quid senserit et cogitaverit Horatius, feliciter e præsentis vitæ periculo, quod ei in villa sua forte ambulanti ab inopinato arboris casu immi-
nuerat (cf. infr. II, 17, 27; III, 4, 2; III, 8), servatus, id enarrat in hoc carmine. Primum igitur, quo rapere in ejusmodi casu homines solet affectus vehementior, ei, qui istam arborem tam infausto omine posuisset, tanquam homini omnium scelestissimo diras imprecatur; deinde, quod res ipsa jam suggererat præceptum, neminem ab inproviso mortis genere satis sibi cavere posse, graviter exemplo suo confirmat; denique Orci, ad quem pene delatus fuisset, imaginem, mira arte ad Alcæi et Sapphus inprimis laudes celebrandas adumbratam, animo suo repræsentat. Fingit nempe, Alcæum et Sappho apud inferos quoque ita placere carminibus suis, ut non solum omnes Umræ ad ea audienda catervatim confluant, sed eorum dulcedine Cerberus et Furie suaviter demulceantur, atque ii qui Tartaro inclusi penas scelerum luunt, intermisso labore suo cupidi ab ore cantantium pendeant: quo nihil profecto cum ad utriusque gloriam, tum ad universam poeseos laudem celebrandam fingi a Nostro potuit sublimius.

CARMEN XIV.

AD POSTUMUM.

Vitæ brevisitas; mortis necessitas.

EHEU! fugaces, Postume, Postume,
 Labuntur anni: nec Pietas moram
 Rugis et instanti Senectæ
 Adferet, indomitæque Morti;
 Non, si trecentis, quotquot eunt dies,
 Amice, places inlacrimabilem
 Plutona tauris, qui ter amplum
 Geryonen Tityonque tristi

5

1. *Eheu*; egregie hac interjectione poeta animum brevitatis vitæ cogitatione commotum molliterque affectum initio statim ostendit; nescio quid solemne in hoc nomine repetito *Postume* inest, quo admonemur grave aliquid a poeta jam tractandum esse. — *Labuntur*, celeriter fluminis instar (quod proprie *labi* dicitur) currunt. — *nec Pietas*, etc. nec sacrificiis efficere potæis, ut rugæ et instans senecta atque mors tardius te occupent atque opprimant. — De senecta nos opprimente Cl. *Mitsch.* comparat Mimn. IV, 4; Ahal. Brunck. t. I, p. 61. — *indomitæ*, nullo pietatis genere se mitigari patienti, ævæ, inexorabili; similiter Græcis *Θάνατος*, vel *Αἶδης*; *ἀδάμαστος*, ἀμείδιτος.

3. *Non*, etc. Nunquam hoc efficies

quamvis Plutona places, h. e. placare tentes sacrificiis. — *trecentis tauris*, tribus hecatombis. — *inlacrimabilem*, ad lacrimas, h. e. ad miserationem se permoveri non patientem, *ἀδάκρυτον*; infr. Epist. II, 2, 179: « Si metit Orcus Grandia cum parvis non *exorabilis* auro. » In sententiam hujus loci Cl. *Mitsch.* comparat *Æschyl.* Fr. Niob. p. 642. *Starrl.* — *ter amp. Geryon*. *τρισάματον* vel *τρυάκρον*; nam tria capita sive tria corpora Geryoni, Chrysaoris et Callirrhœs filio, ab Hercule perdomito, ad insignem ejus corporis molem designandam, tributa esse satis notum est. « Forma tricorporis Umbra » dicitur Virgilio, *Æn.* VI, 289. — *Tityonque*, Terræ filium, ob vim, quam Latonæ inferre ausus est, vel Jovis fulmine, vel Apol-

Compescit unda, scilicet omnibus,
 Quicunque terræ munere vescimur, 10
 Enaviganda, sive reges,
 Sive inopes erimus coloni.
 Frustra cruento Marte carebimus,
 Fractisque rauci fluctibus Hadriæ;
 Frustra per auctumnos nocentem 15
 Corporibus metuemus Austrum :
 Visendus ater flumine languido
 Cocytus errans, et Danaï genus
 Infame, damnatusque longi
 Sisyphus Æolides laboris. 20
 Linquenda tellus, et domus, et placens

linis sagittis confixum, et ad Tartara, ubi ei, ut Virgil. *Æn.* VI, 596, canit, « per tota novem jugera corpus porrigitur, » detrusum; posuit autem Geryonem et Tityon, vastissimi corporis homines, tanquam illustria humanæ fragilitatis exempla. — *Comp. unda*, inclusum tenet unda Stygia. Notus Virgil. locus Georg. IV, 478 : « Quos circum limus niger et deformis arundo Cocyti tardaque palus inamabilis unda Alligat, et novies Styx interfusa coercet. » — *omnibus, Quic. terræ mun. vesc.* pro vulgari : mortalibus. Nota est Homerica *mortalium* circumscriptio : Οἱ ἀπούργης καρπὸν ἔδουσι. — Pro *munere Wakefieldus* dedit *munera*; non raro certe casus quartus τῷ *vesci* jungi solet; vid. *Broukhuis.* ad Tibull. II, 5, 64; nec negari potest, pluralem sententiæ accommodatiorem esse singulari. — *reges*, divites, beati, potentes; cf. *supr.* I, 4, 13, et *infr.* II, 18, 32.

13. Mortis fugiendæ causa frustra bello et navigatione abstinebimus; frustra auctumni tempore gravem aërem, morborum causam, evitabimus; pro vulgari : a morte nulla nos tutos præstabit prudentia. — *Marte cruento*, μαιώφονα, αἱματόεντι. — *per auct. noc. Corpor. met. Austr.* hinc *infr.* Sat. II, 6, 19 : « Auctumnusque gravis, Libitinæ quæstus acerbæ; » et eadem de causa *infr.* III, 23, 8, auctumni tempus *grave*, h. e. valetodini perniciosum, dicitur. Huc pertinet Bion. VII, 13 : Οὐκ ἰδὼν φθινόπωρον, ἐπεὶ νόσον ἄρια τίχεται. 3

17. *Flumine lang. errans*, lente circa Tartarum fluens. — *Danaï gen. Infame*, Ἰλιάς Danaï sponсорum cæde infames, res nota. — *Sisyphus Æol.* notissimam Sisyphi, apud inferos ingens saxum in verticem volventis, fabulam enarrat Homer. *Odys.* XI, 592 seqq.

21. *Linquenda tellus*; hic enu-

Uxor : neque harum, quas colis, arborum

Te, præter invisas cupressus,

Ulla brevem dominum sequetur.

Absumet hæres Cæcuba dignior

25

Servata centum clavibus : et mero

Tinget pavimentum superbum

Pontificum potiore cœnis.

merat poeta res omnes propter quas vitam diligere debebat Postumus, quas tamen amittet. Nota cum vi repetitam particulam *et*. — *placens*, sc. morum suavitate, amabilis, dulcis; comparant Lucret. III, 907 seqq. : « At jam non domus accipiet te læta, neque uxor Optima, nec dulces occurrent oscula nati Præripere... omnia ademit Una dies infesta tibi tot præmia vitæ. » — *neque harum*, harum quibus tantopere delectaris; maximam vim habet *harum, quas colis*. — *invisas*, sic dictas quia sepulcris vulgo impendentes, nihil nisi mortem significant. — *brevem*, cujus dominium breve est, *μικροχρόνιον*.

25. *Absumet hæres*, etc. Eandem sententiam expressit Hor. infr. Sat. II, 3, 122 : « Filius aut etiam hæc libertas ut ebibat hæres, Dis inimice senex, custodis? » — *dignior*, sc. vini Cæcubi possessione, quia illud non centum clavibus servaturus, sed bibi-

turnus est. — *centum clavibus*, pro . diligentissime. — *et mero Tinget pav. superb. Pontificum potiore cœnis*, et merum ipso illo, quod in cœnis pontificum bibi solet, præstantius, tam profuse apud eum bibetur; ut pavimentum adeo eo madeat. — *Tinget pavim.* de ejusmodi profuso vini usu similiter Cic. Philipp. II, 41 : « Natabant pavimenta mero, madebant parietes. » — *superbum*, splendidum, magnificum, tessellato quippe opere in beatiorum domibus ex marmore factum. — *potiore Pontific. cœnis*, meliore et nobiliore, quam quod in cœnis Pontificum bibitur; sacræ epulæ enim, quas Pontifices apparabant, tam lautæ et opiparæ fuerunt, ut locum darent proverbio. Mart. XII, 48, 12 : « Non Albana mihi sit commissatio tanti, Nec Capitoline, Pontificumque dapes. » Quod fere ad nostrum illud antiquum et vulgare proverbium reddit : *repas de chanoines*.

ANALYSIS. Vitæ præceptum, ab ejus brevitate ductum, quod ad bona, quæ cuique contigerint, sapienter, dum licet, percipienda iterum iterumque amicis suis commendat Horatius (ut *Dellio* supr. II, 3; *Quinctio* II, 11, ubi cf. argum. et *Torquato* infr. IV, 7), *Postumo* quoque impertit. Itaque eum ad celerem temporis fugam animum advertere, moriendi necessitatem nulli omnino homini neque sacrificiis avertendam, neque prudentia evitandam,

secum reputare, bonisque, quæ hæres profusius absumenturus sit, ipsum perfrui jubet.

Regnat in hoc carmine mollior quidam affectus, quam in cæteris ejusdem argumenti, sedatiorque quædam gravitas, ad sententiarum vim egregie attemperata. Elocutio docta atque ornata, numerique suaves ac concinni; ut omnino inter præstantiora Nostri carmina hoc referendum videatur.

Quis fuerit Postumus, vix certis argumentis evincas; nam neque *Julius Florus*, ad quem infr. duæ epistolæ lib. I, 3, et II, 2, scriptæ sunt, neque ille Postumus, ad quem apud Propertium III, 12, elegia exstat, idem fuisse videtur.

CARMEN XV.

In sui sæculi luxum.

JAM pauca aratro jugera regię

Moles relinquent: undique latius

Extenta visentur Lucrino

Stagna lacu; platanusque cælebs

Evincet ulmos: tum violaria, et

5

1. *Jam*, brevi inde tempore. — *regię Moles*, amplissima, et regio splendore in altum educta ædificia, qualia tum in villis suis exstruere solebant beatiore. Hinc illud, quod in villa sua habebat Mæcenas, similiter quoque infr. III, 29, 10, vocatur « moles propinqua nubibus. » — *undique visentur*, ubique conspiciere licebit. — *Stagna*, intellige piscinas marinas, sive maris particulam, quam ditiores, *jactis in altum molibus* (ut infr. III, 1, 33, dicitur), ideo a mari secluserant, ut quovis anni tempore piscium ibi haberent copiam; locus classicus de hoc luxus Romanorum genere est apud Varr. R. R. III, 17;

cf. Tibull. II, 3, 45; Cic. Attic. I, 16, 17. — *latius extenta Lucrino lacu*, lacus Lucrini ad Baias in Campania magnitudinem superantia; vocantur hæc *stagna* infr. Sat. II, 3, 44, *cetaria*. — *platan. cæl. Evincet ulmos*, platanis, non utilitatis sed voluptatis causa consitis, cedere debuerunt ulmi; scilicet ulmi ei præcipue in Italia inserviebant usui, ut vites cum earum trunco jungerentur, unde vites *ulmis maritari* dicantur; Columell. V, 6. Itaque *platanus*, quæ non commode adhiberi posset jungendis cum ea vitibus (pulchre pro: inutilis), jam dicitur *cælebs*.

5. *Tum... tum*, porro... porro. —

Myrtus, et omnis copia narium,

Spargent olivetis odorem

Fertilibus domino priori :

Tum spissa ramis laurea fervidos

Excludet ictus. Non ita Romuli

10

Præscriptum et intonsi Catonis

Auspiciis, veterumque norma.

Privatus illis census erat brevis

Commune magnum : nulla decempedis

violaria, loca violis consita. — *Myrtus*, in plurali nominativo quartæ declinationis, ut, ad versus mensuram, secunda syllaba longa sit. — *omnis copia narium*, omnis copia quæ nariibus inservit, parata est, h. e. florum suaveolentium multitudo. — *Spargent odorem*, eleganter pro vulgari : florebant, erant, conspiciuntur. — *olivetis*, pro : in olivetis. Nostrum, ut jam observavit Cf. *Mitsch.* ante oculos habuisse videtur Quinct. Instit. Orat. VIII, 3 : « An ego fundum cultiorem putem, in quo mihi quis ostenderit lilia et violas... quam ubi plena messis. aut graves fructu vites erunt? Sterilem platanum, tonsasque myrtos, quam maritam ulmum et uberes oleas præoptaverim? »

9. *Tum spissa ramis laurea ferv.* *Excludet ictus*, porro lauri eo tantum sine ponentur, ut sub spissis suis ramis ambulantes a solis aestu defendant; h. e. lauretis porro delectabuntur homines. — *ictus*, sc. solis; sic *ictus, verbera solis*, Lucret. V, 486, 612; *tela diei*, id. passim.

11. *Non ita Rom. Præscr. et int. Cat. Ausp. veter. norma*; huic qui-

dem insano luxui, secundum vivendi normam, a Romulo, Catone et aliis veteribus præscriptam, nemini olim indulgere licuit. — Commode autem ad priscos mores commendandos Catonis antiquioris, tam morum, quam censuræ severitate satis noti, mentionem facit, qui, quia priscorum morum observantissimus haud ad ætatis suæ morem barbam tonderi passus est, *intonsus* vocatur, ut supr. I, 12, 41, « Curius... incontinens capillis. » — *Auspiciis*, exemplis, præceptis quæ dant illi qui duces et auspices haberi debent.

13. *Priv. illis census erat brevis, comm. magn.* honorum privatorum tum parva, sed communium lata fuit possessio; *census* pro bonis, quæ censu æstimantur; hinc bona tenuia infr. Epist. I, 7, 56, « tenuis census. » — *nulla decempedis*, etc. non ampliores, ut nunc, a privatis hominibus ad decempedarum mensuram exstrui solebant porticus, quæ septemtrionem exciperent, h. e. septemtrionem versus sitæ essent, scilicet ut solis æstus ibi vitarent molliores homines. — *decempedis metata*, passive (ut apud Liv. XLIV, 7, « metarique sub ipso tem-

Metata privatis opacam

15

Porticus excipiebat Arcton :

Nec fortuitum spernere cespitem

Leges sinebant, oppida publico

Sumtu jubentes et Deorum

Templa novo decorare saxo.

20

plo...jussit»), ad mensuram decempedarum facta. — *privatis*, sc. hominibus; *ad privatis* haud cum aliis ad *decempedis*, in casu sexto positum, referendum, sed in casu tertio accipiendum esse existimo. — *opacam*, quia Arctos, sive Septemtrio loca ad se versa opaca reddit.

17. *Nec fortuitū. spern. cesp. leges sineb.* Sensus: nec secundum leges, quæ tum vigeant, hominibus privatis domos in agris exstruere licebat ex magnis lapidibus, quibus oppida tantum et deorum templa publico sumtu decorari jubebantur, sed casas ex cespite fortuito. — *fortuitum*, vulgarem quemque, in quem forte incidimus; ubique forte obvium. — *cespitem* hinc apud Virg. Ecl. I, 69, de ejusmodi casa: « tuguri congestum cespitem culmen. » — *oppida*, intellige publica oppi-

dorum ædificia, muros, et alia, quæ ad externum oppidorum vel splendorem vel amplitudinem pertinent. — *Sumtu publico*, h. e. magno, qui rempublicam deceret. — *novo*, aliunde quæsito et recens excisio; *saxum novum* opponitur *cespiti fortuito*. Nimirum in agris Romanorum, ubi ante casæ humiliores ex cespite constructæ steterant, nunc amplissima ex lapidibus quadratis vel marmore surgebant ædificia. — *novo saxo*; vel cujus non frequens usus erat, quia privatis ædibus non adhibebatur; vel quod ad veterum templorum reparationem educebatur. Cæterum privatas ædes earumque triclinia Deorum templis æquata queritur Manilius, V, 507: « nunc jam luxuriæ pars, et triclinia templis concertant. » adde Lucan. X, 111. et seqq.

ANALYSIS. Ad luxum, qui tum Romam immigraverat, pertinebat ea inprimis magnificentia, quæ ab hominibus privatis in amplissimorum ædificiorum, piscinarum, non ad communem utilitatem, sed ad solam voluptatem spectantium, usu atque possessione ponebatur. In hoc insanum igitur per luxum atque libidinem pereundi perdendique omnia studium nobiliore indignationis affectu Horatius in hoc carmine invehitur, veterumque Romanorum severiore disciplina, frugalitate et continentia ante oculos posita, quantum a majoribus suis nunc degeneraverint Romani, ostendit.

CARMEN XVI.

AD GROSPHUM.

Animi tranquillitatem non opibus aut honoribus, sed eorum contentu comparari.

OTIUM Divos rogat in patenti
Prensus Ægæo, simul atra nubes
Condidit lunam, neque certa fulgent
Sidera nautis;

Otium bello furiosa Thrace;
Otium Medi pharetra decori,
Grosophe, non gemmis, neque purpura venale, neque auro.

5

Non enim gazæ, neque consularis

1. *Otium* in latiore sensu, tam de securitate, pace et quiete, quam de animi tranquillitate positum; itaque notio cuique sententiæ apta inde elici debet. Nota cum vi repetitam vocem illam *otium*, ut intelligatur quam repetitis votis homines otium cupiant. — *patenti*, ubi latissime patet, alto, ubi nec ulla dignoscendæ viæ ratio, nec ullum refugium est; augeat periculi notionem. — *Prensus... prendi et deprendi* proprie de nautis, qui subita tempestate in mari opprimuntur; vid. *Benl.* supr. ad I, 14, 10. — *certa*, ad quæ nautæ navis cursum tuto dirigere possunt; tuta. *Tibull.* I, 9, 10:

non. 1.

«Ducunt instabiles sidera certa rates.» — *bello furiosa*, bellandi cupiditate, tanquam furore quodam, se agitari patiens; bellicosissima; hinc Euripid. *Hecub.* v. 1090, Thraces Ἄψι χάροχον γένο; dixit. — *Medi*, Parthi. *pharetra decori*, sagittiferi. — *non venale*, quod non parari potest; sed nunc intelligit Hor. per *otium* animi tranquillitatem ut satis docent sequentia.

9. *Non enim*, etc. nam neque divitiæ, neque honorum insignia, curas ex animo pellere valent. — *consularis submov. lict.* suaviter lictor consularis, qui Consuli in viis præire, et plebis ibi tumultuantis turbam sub-

Submovet lictor miseros tumultus

10

Mentis, et Curas laqueata circum

Tecta volantes.

Vivitur parvo bene, cui paternum

Splendet in mensa tenui salinum;

Nec leves somnos Timor, aut Cupido

15

Sordidus aufert.

Quid brevi fortes jaculamur ævo

Multa? quid terras alio calentes

movere solebat, jam non *mentis tumultus submovere*, h. e. non ea quæ turbas in animo movent, sive *curas* abigere posse dicitur. Cl. Mitsch. in hanc sententiam comparat Senec. Ep. 94: « Non est, quod tibi tranquillitatis tuæ fastidium faciat ille, sub illis fascibus, purpura cultus: non est, quod feliciorem judices, cui submovetur, quam quem lictor semita dejicit. » — *Curas volantes*; curæ alatae et alibi occurrunt, v. c. in Theognideis, v. 707: « φροντιδὲς ἀνθρώπων ἔλαχον περὰ ποικίλ' ἔχουσαι. » — *circum tecta laqueata*, intellige tricliniorum inprimis tecta, quæ *laqueata* vel *laquearia* et *lacunaria* dicuntur, quod eorum *lacus*, vel *lacunæ* auro, opere cælato et picturis exornatæ atque distinctæ fuerunt; ejusmodi *tecti laqueati*, vel *lacunaris* descriptio est apud Joseph. A. VIII, 3, 2, ubi tabulæ tecti dicuntur fuisse ἐξασμέναι εἰς φανώματα καὶ προσκόλλησιν χρυσοῦ.

13. *Parvo*, remodica. — *paternum*, tanquam pars patrimonii, *splendet salinum*, ad externam enim mundi-
tiem salinorum inprimis bene polito-
rum splendor pertinebat; vid. *Meurs*.

ad Lycophr. v. 135. Comparant Pers. III. 25: « rure paterno Est tibi far modicum, purum et sine labe salinum. » — *in mensa tenui*, hinc infr. Sat. I, 3, 13, « sit mihi mensa tripes et Concha salis puri, etc. » — *leves*, molles, faciles. — *Sordidus*, refertur ad sordidam avaritiam.

17. *Quid brevi fortes jaculamur ævo Multa?* cur *fortes*, tanto cum nisu, tantopere *jaculamur*, appetimus multa, cur magnis consiliis tanta cum intentione imminemus, cur cogitationes nostras extendimus, quasi æternum victuri simus. *brevi ævo*, quum tamen brevissima nostra vita sit, in tam brevi, exiguo vitæ spatio; *jaculari aliquid* pro: omne studium in aliquid dirigere, ut Græcorum τοῦτον τι, dictum est; vid. Mitsch. — *quid terras alio cal. sole mut?* Ex antiqui sermonis simplicitate, quæ cuique regioni celum suum, adeoque et solem et sidera sua adsignat, ducta hæc loquendi forma. Sic Virg. Georg. II, 512: « alio patriam quærunt sub sole jacentem; » hic igitur terræ alio sole calentes pro terris aliis, externis, longinquis accipiendæ sunt. Jam autem

Sole mutamus? patriæ quis exsul

Se quoque fugit?

20

Scandit æratas vitiosa naves

Cura; nec turmas equitum relinquit,

Ocior cervis, et agente nimbos

Ocior Euro.

Lætus in præsens animus quod ultra est

25

mutamus longinquas terras docta brevitate dictum videri potest pro vulgari: mutamus terras nostras terris longe disitis, h. adimus alias terras. Simplicius quoque *mutare terras* accipi poterit pro aliam ex alia adire terram, terras remotas pererrare, animi inquieti æstu continuo circumagente. Sic *urbes mutare* in Senecæ l. c. Lucrec. IV, 460: « cælum, mare, flumina, montes Mutare, et campos pedibus transire videmur. » — *quis exsul patriæ* *Se fugit?* quis patriam fugiens animi simul curas fugit? h. e. quem discedentem e patria non curæ animi comitantur? *se fugere* ut infr. Sat. II, 7, 113, *se vitare*. Ad rem ac verba Seneca Ep. 104: « quid prodest mare trajicere et urbes mutare? si vis ista, quibus urgeris, effugere, non alibi sis oportet, sed alius; » et mox: « nullam tibi opem feret iste discursus: peregrinarius cum affectibus tuis et mala te tua sequuntur. » Atque de Tranquill. II: « aliud ex alio iter suscipitur, et spectacula spectaculis mutantur, ut ait Lucretius: *hoc se quisque modo semper fugit*. Sed quid prodest, si non effugit? sequitur se ipse, et urget gravissimus comes. » — *exsul patriæ*, recte, ut Ovid. Metam. IX, 409: « exsul mentisque domus-

que; » ut Petron. Fragm. V, ciconiam *hiemis exsulem* vocat. Itaque non admitto lectionem, licet ingeniosam, quæ sic locum hunc distinxit: « quid terras alio calentes sole mutamus patriæ? » Nam si nodus ibi latet, non sic solvitur, sed discinditur. Ep.

21. *Scandit æratas*, etc. nemo, cui semel adhæret Cura, eam effugere potest; est enim velocissima, et ubique homines comitatur; si quis aufugere vult navi, navem simul conscendit; si quis equo, sedet illa post equitem. — *æratas*, rostra navium ære inprimis munita fuisse constat. — *vitiosa*, quæ animum vitiat, conficit, vel quia e prava libidine et vitii oritur. — *turm. equit.* explicant vel de militia, vel de itinere terrestri; et navali opponant: equidem per *navem* et *equites* simpliciter celerrime fugiendi modum designari existimo; hinc infr. III, 1, 40, « atra Cura post equitem sedere » dicitur; quod Boetius Noster feliciter imitatur: « Le chagrin monte en croupe, et galope avec lui, » Ep. V. — *agente nimbos* oc. Euro. Cl. Müsch. comparat Hom. Iliad. XII, 156: *νυράδες* — ἅς ἰάνιμος ζαῆς, νέφεα αἰόοντα δονήσας, Ταρφαίως κατέχουσιν ἐπὶ χθονί.

25. *Quod ultra est*, futuram sortem, τὰ ποῖπτα. — *amara lento temp.*

Oderit curare, et amara lento
Temperet risu. Nihil est ab omni
Parte beatum.

Abstulit clarum cita mors Achillem,
Longa Tithonum minuit senectus :
Et mihi forsán, tibi quod negarit,
Porriget Hora.

30

Te greges centum Siculaeque circum
Mugiant vaccae; tibi tollit hinnitum

ris. praeclare pro vulgari: tristitia moderate vel lento aequoque animo ferat; vir constans enim mediis in malis ridet, et dum hoc risu placido animum *lentum*, h. e. qui malis haud afficitur, prodit, suaviter *amara risu lento temperare*, h. e. mitigare, dicitur. Cl. *Misch.* Horatium contendit cum ignoti cujusdam poetæ Epigr. DXXXI, Anth. Græc. t. IV, p. 230: Ὁ τον πολυστίνακτον ἀνθρώπων βίον Γέλῳτι κεράσας Νικαῖος Φιλιστίων.—*Nihil est ab omni parte beat.* laudant Theognid. v. 1159: Οὐδαίς γάρ πάντ' ἐστὶ πανόλβιος, et Euripid. Fr. Sthenob. I: οὐκ ἐστὶν ἑστις πάντ' ἀνὴρ εὐδαιμονεῖ, etc.

29. Jam Achillem et Tithonum exemplo affert neminem esse omnino beatum. — *cita*, maturior, quæ fuit Achilli a fato constituta; unde ille apud Homerum *μυνονθάδιος*, *ὠκύμορος* dicitur. Tithono contra vita multo longior visa est, ita ut neuter sua sorte fuerit omnino contentus. Sic mihi fortasse continget felicitatis genus, quo frui tibi non licebit; respexisse inprimis videtur, ut ex v. 37 seqq. colligas, animum paucis contentum, poeseos facultatem et pectus ultra vulgus sa-

piens.—*Hora*, quæ tempus futurum, et fata futuri temporis subministrat; alias *Hora*, ut deæ, anni vicissitudines dispensare finguntur; cf. IV, 7, 8.

33. *Te greges centum*, etc. Tu es multorum gregum, armentorum et equarum nobilium possessor, vestesque geris bis colore purpureo tinctas; h. e. tu es longe ditissimus; antiquitus enim, ut satis constat, in magnorum gregum armentorumque possessione spectari inprimis solebant magnæ divitiæ, unde homines beatiores dicuntur apud Homerum Iliad. IX, 154, ἀνδρες...πολύβρηνες, πολυβοῦται.

—*Te circum mugiant*, eleganter pro vulgari: tu habes, tu possides, etc. *Sicula vacca*, Grosphus, ut in armentis suis nobilioris stirpis vaccas haberet, haud dubie arceasi jusserat *Siculas*, præstantia sua ob egregia in Sicilia pascua insignes. — *tibi tollit hinnitum* pro vulgari: tibi est. — *Apta quadrigis*, tam generosa, ut quadrigis in certamine curuli aptari s. jungi possit; *equarum* autem præcipuum in certaminibus curulibus usum fuisse, vel ex Virg. Georg. I, 59 constat. — *lanæ bis Afro murice*

Apta quadrigis equa; te bis Afro

35

Murice tinctæ

Vestiunt lanæ: mihi parva rura, et

Spiritum Graiæ tenuem Camenæ

Parca non mendax dedit, et malignum

Spernere vulgus.

40

tinctæ, bis succo muricis infectæ; *murex*, e cujus succo parabatur color purpureus, dicitur *Afer*, quod ille ad Africæ, Phœniciæ, et Laconis litora capi solebat; hinc *murex Gætulus* infr. Epist. II, 2, 181; *Tyrius* Epod. XII, 21; *Sidonium ostrum* Ep. I, 10, 26.—De vestibus his colore purpureo tinctis, sive dibaphis vid. *Rub. de Lat. Clav.* II, 14.

37. *Mihi parva rura*, etc. obversatum Nostro esse Bacchylidæ carmen, cujus *Fragm.* servavit Athen. XI, p. 800 (*Anthol. Græc.* c. XIII, t. I,

p. 88), jam monuit Cl. *Mütsch.* — *parva rura*, intellige 'agellum Sabinum.—*Spiri. Graiæ ten. Camenæ*, tenuem ad modos Græcorum poetarum canendi facultatem.—*Parca non mendax*, sors mihi nascenti a *Parcis*, veridicis illis deabus, assignata; *Parcæ* enim nascentibus non solum sortem prædicere, sed etiam destinare dicuntur. Comparant cum Nostro *Pind. Ol.* VIII, 38; *Nem.* IV, 66.—*Spernere*, sc. dedit, h. e. concessit mihi hoc, ut spernere.—*malignum*, invidiosum.

ANALYSIS. Ne aptus partium nexus in hoc carmine, quod veræ sapientiæ præcepta tradit, desideretur, sententiarum progressionem ita apud animum nostrum informemus: omnes quidem otium, tam corporis quam animi tranquillitatem, vitam adeo curis molestiisque vacuam exoptant, sed non veram viam, qua ad eam pervenitur, ineunt. Honorum divitiarumque, quæ eam efficere somniant, inexplebili cupiditate laborant, nec intelligunt, animum ita curis, corpus autem laboribus continuo fatigari, quibus tamen se levatos quam maxime cupiant. Immo vero tranquillitatis veræ unice capax est animus sorte sua qualicunque contentus, in qua tanto lubentius acquiescit, quum recordetur, nullius hominis conditionem ab omni parte beatam esse posse, et huic bonum aliquod contingere, quo alteri carendum sit; eidemque contra negari, quod alteri contigerit. Illustrat hoc poeta *Tithoni* et *Achillis*, tum etiam suo et *Grosphi* exemplo.

Oratio hujus carminis numerosa et docta; imagines vividæ, sententiarumque in brevitate vis præcipua.

CARMEN XVII.

AD MÆCENATEM.

Mæcenatem, de morborum et senectutis incommodis querentem, consolatur; quo mortuo negat se velle vivere.

CUR me querelis exanimas tuis?
 Nec Dis amicum est, nec mihi, te prius
 Obire, Mæcenas, mearum
 Grande decus columnenque rerum.
 Ah! te meæ si partem animæ rapit
 Maturior vis, quid moror altera?
 Nec carus æque, nec superstes
 Integer. Ille dies utramque

5

1. *Exanimas*, gravius pro: crucias, maceras, ut alias: *enecare*.—*querelis tuis*, sc. de propinqua tibi morte. Constat autem, Mæcenatem sæpe multumque cum adversa valetudine conflictatum esse; Plin. VII, 59: «Quibusdam perpetua febris est, ut Cilnio Mæcenati.»—*Nec Dis amicum, nec mihi, te prius*, etc. nec diis, nec mihi placet, te prius mori; diis nempe displicere debebant Mæcenatis, cui longior vita destinata erat, de propinqua morte querelæ, et Horatio eandem debebant esse tristissimæ, quum tanta pietate eum amaret, ut ne morte quidem ab eo se disjungi passurus esset.—*amicum est*, græce: φίλον ἑστί, placet, vid. Lambin. ad h. l. — *colu-*

men, ut Græcorum βέβηρον, ἱσχυία (vid. Hemsterhus. ad Lucian. Timon. c. 50), de eo, in quo omnis posita est spes et fiducia; cf. Cerda ad Virg. Æn. XII, 59.

5. *Partem animæ*, h. e. *dimidium animæ*, ut supr. Hor. I, 5, 8, vocat Virgilium.—*Maturior vis*, vis leti, mors ante constitutum vitæ terminum accelerata; ipsi enim dii, ut v. 2 dicebatur, Mæcenatem ante diem mori nolebant. Videtur igitur poeta maturioris mortis causam, in nimiam, qua corporis sui vires conficiat Mæcenas, sollicitudinem, non sine reprehensione aliqua transferre.—*moror*, sc. in his terris.—*altera*, ego animæ pars altera.—*Nec carus æque*, si quidem non

Ducet ruinam. Non ego perfidum
Dixi sacramentum : ibimus, ibimus,

10

Utcunque præcedes, supremum

Carpere iter comites parati.

Me nec Chimærae spiritus igneæ,

Nec, si resurgat centimanus Gyges,

Divellet unquam. Sic potenti

15

Justitiæ placitumque Parcis.

æque ac antea, quum tu, pars mei melior, superesses carus mihi futurus sim; vitam non amplius jucundam ducam.—*nec superstes integer*, sublata nempe altera animæ parte.—*utramque* (pro utriusque) *ducat ruinam*, communi casu utrumque detrudet ad inferos, pro vulgari: utrumque ex hac vita auferet, utrique parabit interitum.—*sacramentum*, iuramentum, quod milites, se nunquam formidinis causa signa deserturos esse, dabant, bene jam transferetur ad fidem, quam Horatius Mæcenati, se ipsi ne morienti quidem defuturum esse, dederat.—*perfidum*, quod fallerem.—*ibimus, ibimus*, geminatum, graviter asseverantis est.—*Utcunque*, quando-
cunque, ut supr. I, 38, 23; promissum illud poetæ ad amicam eventus non fefellit; mortuus est enim Mæcenas inclinante anno u. c. 746, post eum autem Horatius, eodem anno V Kal. Dec. Sepultus est Esquiliis juxta Mæcenatis tumulum. Vide Vitam Horatii a Suetonio scriptam et ejusdem vitam per annos digestam, nostræ Edit. t. III, p. 23. — *suprem. carp. iter*, similiter, ut observavit Cl. Misch. loquitur Sophocl. Antig. 818 : Ὁρᾶν με..... τὰν νεᾶταν ὁδὸν στείχουσιν, νεᾶτον δὲ

φέγγος λεύσσευσαν ἀλίου; et Simmias Rhod. IV, 4; Anthol. Græc. t. I, p. 137 : ὅχλο γὰρ πυμάταν εἰς Ἀχέρωντος ὁδόν. — *Carpere*, apprime de iis qui ultro ac libenter iter suscipiunt.

13. *Me nec Chimærae*, etc. nihil omnino, nec Chimæra, igneum spiritum efflans, nec Gyges centimanus (κατόνχις), me in Orcum te comitantem a societate tua divellere poterunt. — Scilicet in Orcum descensuri incidere debebant in duo ista monstra, Chimæram et Gygen, una cum aliis in Orci vestibulo stabulantia; vid. Virg. Æn. VI, 285 seqq. — de *Chimæra* vid. supr. ad I, 27, 24. — *resurgat*, mole sua se levat, et contra me assurgat; prostratus enim jacebat Gyges in Tartaro, quo cum aliis centimanis Jovis fulmine dejectus fuerat. — *Sic potenti Justit. placit. Parcis*, hæc nostra ne morte quidem dirimenda societas deorum voluntate decreta est. — *Parcas* nascentibus fata decernere et assignare, in vulgus notum; cf. carm. antec. v. 39. Præclare autem in *Parcarum consiliis et societate*, ut dea κάριδρος, apparet *Justitia*, Δίκη, quæ a summa, qua res humanas moderatur, potestate *potens* dicitur.

Seu Libra; seu me Scorpius adspicit

Formidolosus, pars violentior

Natalis horæ; seu tyrannus

Hesperiae Capricornus undæ;

20

Utrumque nostrum incredibili modo

Consentit astrum. Te Jovis impio

Tutela Saturno refulgens

Eripuit, volucrisque Fati

Tardavit alas, quum populus frequens

25

Lætum theatris ter crepuit sonum :

17. Sub quibuscumque tandem, tam faustis quam infaustis, sideribus ego natus sum, mirifice certe illa cum iis, sub quibus tu natus es, consentiunt; uterque enim, jam semel ex præsentē vitæ periculo servatus, simillimam sortem expertus est; ergo (nam hæc conclusio inde elici debet) uno eodemque quoque die simul moriemur. — De veterum superstitione vitæ exitum ex ea, quæ sub hora cujusque nascentis esset constellatio, sive ex horoscopo conjiciendi cf. supr. ad I, 11, 2. — Consensus autem siderum, sub quibus Horatius et Mæcenas nati esse dicuntur, ponendus est in singulari stellarum tam faustarum quam infaustarum conjunctione, qua factum est, ut vis salutaris unius vim noxiam alterius infringeret.

17. *Libra*, stella salutaris, at *Scorpius* et *Capricornus* mali omnis sidera. — *me adspicit*, mihi nascenti radiavit et adhuc radiat. — *Formidolosus*, cujus ipse adspectus formidine implet. — *pars viol. nat. horæ*, una infestiorum genituræ mæ stellarum. — *Capricornus* dicitur ty-

rannus Hesperiae undæ, quod tam ortus quam occasus ejus procellas comparare putabatur; similiter supr. I, 3, 18, *Notus* dicitur *arbiter Hadriae*.

22. *Tutela Jovis*, sidus tutelare, *Jupiter, refulgens impio Saturno te eripuit*, contra impii Saturni sidus fulgens, periculo, quod illud tibi portendebat, te eripuit; exitiosum Saturni sidus apposite jam dicitur *impium*, impiæ nempe Saturni in liberos sævitie, adeoque causæ, qua ei adversetur filius, respectu habito. Ceterum totum hunc locum expressit Persius V, 48 seqq. « Non equidem hoc dubites, amborum fœdere certo Consentire dies, et ab uno sidere duci. Nostra vel æquali suspendit tempora *Libra* Parca tenax veri, seu nata fidelibus hora Dividit in Geminos concordia fata duorum : Saturnumve (ut bene *Misch.* pro : *Saturnumque*) gravem nostro Jove frangimus una. » — *volucr. Fati tardavit alas*, ornatē pro : Fatum celerivolatu te petens repressit. — *quum pop. freq. læt. theat. ter crep. son.* publici illius plausus, quo Mæcenas a

Me truncus illapsus cerebro
 Sustulerat, nisi Faunus ictum
 Dextra levasset, Mercurialium
 Custos virorum. Reddere victimas
 Ædemque votivam memento :
 Nos humilem feriemus agnam.

30

gravi morbo recreatus, quum primum in theatrum prodiisset, a frequente populo exceptus est, meminit quoque supr. I, 20, 3.

27. *Truncus*, sc. arboris; cf. supr. II, 13; *sustulerat* pro: sustulisset; sic passim indicativus plusquam perfecti pro conjunctivo in latina lingua poni solet. — *Faunus*, villa enim Sabina, ubi Horatius extinctus pæne fuerat arboris casu (cf. supr. II, 13, 10), in peculiari Fauni tutela fuit; vid. supr. I, 17. — *virorum Mercurialium*, poetarum; Mercurius enim *curvæ lyrae parens* supr. I, 10, 6; ab eodem se servatum profite-

tur in pugna Philippensi, Od. VII hujus libri.

30. *Reddere*, proprium verbum de sacrificiis ac muneribus quæ ex voto diis persolvuntur. Propert. II, 21, 59: « Tu quoniam es, mea lux, magno demissa periclo, Munera Dianæ debita redde choros. » — *Nos humilem feriemus agnam*, nos agna cæsa sacrum faciemus Fauno humile, tenue, pro re tenui nostra; tu vero splendidissimum debes, quum et ditior sis et salus tua majoris pretii. — *humilem*, suaviter *agna* ab humilitate et tenuitate ejus, qui eam offert, ipsa *humilis* dicitur.

ANALYSIS. Quanto amore Mæcenatem complexus fuerit Horatius, tam expressus in hoc carmine ob iteratas ejus de instante sibi morte querelas dolor, quam ratio, qua vanas istas querelas compescere studet, luculenter ostendit. Itaque Mæcenatem de vitæ, nondum secundum deorum voluntatem exactæ, sine eo magis desinere tandem queri jubet, quum ille utrique communis futurus sit; se enim post ejus mortem diutius in hac vita morari nolle, sed pro sacramento, quod illi dederit, indissolubili plane societatis vinculo una cum eo mortis iter ingressurum esse; huc accedere mirum quemdam siderum, sub quibus uterque natus sit, consensum, summamque fortunæ, qua jam semel uterque mortis periculo ereptus sit, similitudinem; non igitur nunc de morte, sed potius de votis, utrique pro vitæ servatæ beneficio reddendis, cogitandum esse.

CARMEN XVIII.

Se parvo contentum esse; insanos illos qui ædificandis domibus et comparandis divitiis finem non faciunt, de morte jam instante non reputare.

Non ebur; neque aureum
 Mea renidet in domo lacunar;
 Non trabes Hymettiae
 Premunt columnas ultima recisas
 Africa; neque Attali
 Ignotus hæres regiam occupavi;

5

1. Vulgarem sententiam: « Equidem non possideo, quibus divites superbiunt, » enumerando quædam, quibus enormem opulentiorum luxum et magnificentiam sugillaret, egregie exornavit. — *Non ebur*, ad externum enim in potentiorum domibus splendorem varia, imprimis ex ebore facta, utensilia pertinebant. — *aureum lacunar*; vid. supr. ad II, 6, 11. — *renidet*, splendet, refulget. Obversatus Horatio videtur Bacchylides XI, 11, 12, Anth. Gr. t. I, p. 84: Χρυσὸν δ' ἄεσπρον τε Μαρμαίρευσιν οἶκοι. — *trabes*, quæ ex transverso columnis imponuntur et tectum ferunt. — *Hymettiae*, h. e. e marmore Hymetti montis in Attica, excisæ; — de *Hymettii* marmoris nobilitate vid. Strab. IX, p. 613; quod primum a L. Crasso

Romam advectum esse narrat Plin. XXXVI, 3. Ceterum quod trabes, quæ alias fuerunt lignæ, nunc e pretioso marmore factas esse memorat, id quoque ad Romanorum luxum, quem carpit, referendum. Laudant de his trabibus, lapideis quoque et marmoreis, Vitruv. III, 2 et 3; Plin. XXXVI, 8; Plin. Paneg. 84. — *Premunt columnas*, superimpositæ sunt columnis. — *ultima recisas Africa*, factas e marmore in remotiore Africæ parte exciso, h. e. Numidico, subnigro et variis maculis distincto.

3. *Regiam Attali*, immensas Attali, regis Pergamenorum, divitias, pro quibusque aliis ingentibus divitiis. — *hæres ignotus*, nemini, ut hæres legitimus, notus; alienus, hæredipeta, vulturius. — *occupavi*, justo hæredi

Nec Laconicas mihi

Trahunt honestæ purpuras clientæ.

At fides et ingeni

Benigna vena est; pauperemque dives

10

Me petit. Nihil supra

Deos lacesso; nec potentem amicum

Largiora flagito,

Satis beatus unicus Sabinis.

Truditur dies die,

15

Novæque pergunt interire Lunæ.

præripui; carpit autem nefandam ætatis suæ hominum, testamentorum subjectionibus aliisque malis artibus aliena bona sibi vindicandi, cupiditatem. — *Nec Lacon. mihi trahunt honestæ purp. clientæ*, nec vestem e lana, purpura tincta, quam mihi clientæ honestiores traxerunt, confectam gero, h. e. non purpura fulgeo, non summorum magistratuum insignibus ornatus incedo; *honestæ clientæ*, intellige matronas ingenuas, quæ lanam patrono suo trahendo, tanquam officiorum quodam genere, ejus gratiam sibi conciliare student; ceterum quod *honestæ* vocantur, quum lanificium servarum alias opus esset, id ad patroni nobilitatem augendam vel maxime facit; *Laconicas*, fuit enim purpura *Laconica*, h. e. e murice, prope oram Laconicæ capto, infecta, ob colorem lucidiorem inprimis nobilis; Plin. IX, 36; XXI, 8; XXXV, 6.

9. *At fides*, apud Bacchylid. l. I: ἄλλ' αὖ θυμὸς εὐμενής, Μοῖσά τε γλυκεῖα; vitæ probitatem et integritatem, quam sibi, ut poetæ, alias quoque tribuit (cf. supr. I, 22; 4), commode nunc

opponit, quam paulo post describit, divitum improbitati: *ingeni benigna vena*, ingenium ex fonte largo affluens, h. e. ingenii vis largior; *vena* passim pro: fonte; similiter infr. Art. Poet. 409, «dives vena.» — *supra*, præterea, ulterius. — *potentem amicum*, intellige Mæcenatem. Scilicet l. V, od. 17: «nec si plura petam, tu dare deneges.» — *beatus unicus Sabinis*, unico agello Sabino; fere ut v. 1, 31, «satis superque me benignitas tua ditavit.» Blande autem admodum hæc ad Mæcenatem est conversio, ejusdemque liberalitatis commemoratio, nec studiose anquisita, nec ambitiose facta.

15. Nexus sententiarum est fere hic: dum enim considero, quomodo dies die truditur, et novæ semper Lunæ intereant; nihil in futuræ vitæ usum molior; sive: reputans enim mecum cursum vitæ humanæ celerimum, parum equidem de vita futura sum sollicitus. — Cl. Mützsch. comparat Ammian. XXVI, 12; Anth. Græc. t. III, p. 98: Ἦὼς ἐξ ἡοῦς παραπίμπεται, εἴτ', ἀμειλόντων ἡμῶν, ἐξαίφνης

Tu secunda marmora

Locas sub ipsum funus, et sepulcri

Immemor, struis domos;

Marisque Baiis obstrepentis urges

20

Submovere litora,

Parum locuples continente ripa.

Quid? quod usque proximos

Revellis agri terminos, et ultra

Limites clientium

25

Salis avarus; pellitur paternos

ἡξεῖ δὲ περιφύρεος, cf. infr. IV, 7, 9 seqq. — *Locas*, sc. redemptoribus. — *sepulcri*, nota quam bene opponuntur sepulcrum quod mox divitem illum compescet, et domus illæ, quas in funere jam proximo deserat, quas ne vivus ipse omnes habitare potest. — *Maris Baiis obstrep. urges Subm. litora*, etc. et quasi tibi non sufficiant possessiones in terra continente, littori adeo maris, Baias alluentis, ulterius promovendo unice intentus es, h. e. in litore sinus Baiani mare adeo summo cum studio ædificiis occupas; *urges submovere*, pro: summo cum studio submoves. — *Parum locuples cont. ripa*, similiter fere infr. III, 1, 36, « dominus terræ fastidiosus; » notat autem, ut passim alibi, insigne illud luxus genus. quo Romanorum ditissimi tam voluptatis, quam possessionum suarum amplificandarum et prolatandarum causa, pretiosissima in ipso maris litore jactis in altum mobilibus exstruerent ædificia, sive prætoria, quorum in ipso sinu Baiano exstructorum mentionem quoque facit Virgil. *Æn.* IX, 710 seqq. ubi cf.

Cerda et Heynius; huc refer eorum piscinas, vel vivaria, de quibus supr. II, 15, 3; infr. III, 1, 33 seqq.

23. Locus sequens mira arte ad indignationem contra improbas divitum cupiditates excitandam adornatus. — *Quid? quod*, pro vulgari: immo. — *proximos revellis agri terminos*, terminos revellendo et ulterius promovendo præter jus et fas vicini agri partem tibi vindicas, quod proprie: *move terminos* dicebatur. — *clientium*, indignum sane facinus, si patronus, quos defendere contra injuriam debebat, ipse fallit; hinc jam in Legg. XII Tabb. « Si patronus clienti fraudem faxit, sacer esto. » — *Salis*, pudendæ audaciæ et insolentiæ notionem habet. — *pellitur paternos*, etc. imago pulsæ divitum vi ab agello suo pauperis familiæ, deos patrios et sordidos natos in sinu gestantis, egregie ad miserationem movendam adumbrata. Horatium ante oculos habuit Quinctilianus Decl. XIII, 2: « Postquam proximos quosque revellendo terminos ager locupletis latius inundavit; æquatæ solo villæ, et excisa patria

In sinu ferens Deos

Et uxor, et vir, sordidosque natos.

Nulla certior tamen

Rapacis Orci fine destinata

30

Aula divitem manet

Herum. Quid ultra tendis? Æqua tellus

Pauperi recluditur

Regumque pueris : nec satelles Orci

Callidum Promethea

35

Reverxit auro captus. Hic superbum

Tantalum, atque Tantalī

Genus coerces; hic levare functum

sacra, et cum conjugibus parvisque liberis, respectantes patrum larem, migraverunt veteres coloni. »—*sordidos*, aqualidos, quales fere sunt, quorum parentes cum inopia conflictantur.

29. *Nulla certior tamen*, etc. Junge: *Nulla tamen aula manet divitem herum certior rapacis Orci fine destinata*, h. e. locorum inferorum destinatis cuique finibus; pro vulgari: mors tamen divites istos et injustos homines manet certissime. Pro *fine* tres Codd. *Cruquiani* et unus apud *Bentl.* *Zulichemianus* offerunt *se-de*. Sed hæc lectio habuit fortasse auctorem, qui frustra de grammatica esset sollicitus. Nam *finis* non raro apud optimos quosque scriptores in genere feminino ponitur.—Ceterum in eandem sententiam exstat Ammiani Epigr. XIV, Anth. Gr. t. III, p. 98, ubi avarus quidam, vicinorum terminos movere ausus, de futura ejus apud

inferos paupertate admonetur: Κἀν μέγρις Ἡρακλίου στυλῶν ὁδὸς παρορίζων (h. e. quod Noster dixit, « proximos agri terminos revellens »), Γῆς μέρος ἀνθρώποις πᾶσιν ἴσον σι μένει.—*Rapacis*, sic apud Callim. Ep. II, 6, Ἀΐδης ἀρπακτῆρ.

32. *Quid ultra tendis?* cur spem vanam ultra vitæ terminum prorogas? cur rebus intentus es, quibus tibi morituro frui non licet?—*Æqua tellus paup. reclud. regumque pueris*, aliter eandem sententiam expressit supr. I, 4, 13.—*recluditur*, sc. sepeliendis.—*satelles Orci*, Charon, qui similiter Leonidæ Tar. LIX, 1, Anth. Gr. t. I, p. 169, Αἰδῶ λυπηρὸς δῖπλονος dicitur.—*Callidum*, πικρὸν, αἰμυλομήτην.—*Reverxit auro captus*, fabulam de hoc callido consilio, quo Prometheus Charontem, ut se reveheret, auro corrumpere tentavit, haud dubie tractavit poeta Græcus, quem Hor. secutus est.—*superbum*,

Pauperem laboribus

Vocatus atque non vocatus audit.

40

divitem. — *Tantali* genus, Pelopem, *catus levare*, h. e. ut levet. — *Vo-*
Atreum, Agamemnonem, Orestem. *catus atque non vocatus*, κακλῆτος,
 — *hic levare*, etc. Junge: *hic vo-* ἀλῆτι.

ANALYSIS. Dum poeta insanum illum luxum, cui labente tum vetere disci-
 plina in magnificis inprimis exstruendis ædificiis indulgebant opulentiores, in
 hoc carmine ridet atque exagitat, se ut hominem, paucis contentum, et ingenii
 sui facultatibus aliis carum atque dilectum, multo divitibus feliciorē prædicat.

Exsplendescit hoc carmen summo imaginum vigore; oratio exquisite comta,
 numerorumque harmonia suavissima; ut illud adeo inter consummatissima
 totius antiquitatis monumenta facile posuerim. Compara supr. II, 15, ubi
 eadem fere indignatione in ætatis suæ luxum invehitur.

CARMEN XIX.

IN BACCHUM.

BACCHUM in remotis carmina rupibus

Vidi docentem, (credite posteri!)

Nymphasque discentes, et aures

Capripedum Satyrorum acutas.

1. Vividissima enthusiasmi vis, quo
 exultat poeta! scilicet Bacchi laudes jam
 celebraturus, se quasi ab ipso Baccho
 ad hoc commotum et impulsum fuisse,
 quo augustior rei sit species, jactitat.
 — *rupibus remotis*, sc. ab hominum
 conspectu et frequentia; solis; *carmina*
na docentem, choragi quasi, carmina

præcipientis, partes sustentem. Sic
 Bacchus canens apparet apud Euripid.
 Bacch. 150 seqq. cf. Orph. H. LII, 5,
 et sic pariter Silenus Satyris et Nym-
 phæ cuidam carmina præcinit apud
 Virgil. Eclog. VI. — *credite posteri!*
 quasi rei tam novæ et inauditæ fidem
 derogaturi sint posteri. — *Nymphas-*

Evøe! recenti mens trepidat metu,
 Plenoque Bacchi pectore turbidum
 Lætatur. Evøe! parce, Liber,
 Parce, gravi metuende thyrsò!
 Fas pervicaces est mihi Thyadas,
 Vinique fontem, lactis et uberes
 Cantare rivos, atque truncis
 Lapsa cavis iterare mella :

5

10

que, de Nymphis, ut Bacchi comitibus, plura Græcorum poetarum loca excitavit Cl. Müsch. hinc Bacchus infr. III, 25, 14, « Naiadum potens » dicitur.—*Capriped.* similiter Græcis Satyri dicuntur αἰγίποδες, τραγόποδες.—*acutus... acuere* enim quasi aures dicuntur, qui cupide et magna cum attentione aliquid auribus imbibunt. Similiter infr. Sat. II, 5, 95, « aures substringere. » Graviter et ad ridiculum fere errasse mihi videntur, qui hoc epith. *acutus* tantum ad formam aurium Satyròrum referunt. Ed.

5. *Evøe!* jam sentiens se Bacchi numine agitari, exclamat, ut Bacchico furore correpti exclamare solebant; qua quidem exclamatione ad furentis speciem præ se ferendam nihil a Nostro nunc adhiberi potuit accommodatius.—*recenti mens trep. metu*, mens horrore recens immisso tremiscit et quatitur.—*Plen. Bacchi pect.* infr. III, 25, 2: « Quo me, Bacche, rapis tui Plenum; » Ovid. Fast. VI, 535: « Fitque sui toto pectore plena dei. »—*turbidum* pro: turbide; mixta nempe lætitia fuit cum timore et animi perturbatione.—*Evøe!* jam, cum vi majore Bacchum in se ruentem sen-

tit, iterum bacchantis more exclamat; deumque, quasi pectus nequeat eum ferre et capere, ut sibi parcat, implorat. Eodem redit illud Virg. Æneid. VI, 78: «...magnum si pectore possit Excussisse deum. »—*gravi metuende thyrsò*, injecto enim thyrsò furem simul injicere putabatur Bacchus; a qua graviore thyrsi vi ipse thyrsus nunc dicitur *gravis*; apposite in hanc rem Cl. Müsch. laudat Ovid. Amor. III, 1, 23: « Tempus erat thyrsò pulsum graviore moveri; » cf. eundem III, 15, 17; Trist. IV, 1, 43.

9. *Fas... est mihi cantare*, pietas in deum, a quo agor, a me exigit, ut cantem, etc.—*Thyadas*, sic dictas a græco θυά, *ruo furentis instar.*—*pervicaces*, pervicaciter in furore perstantes.—*Vinique fontem*, etc. recenset quædam munera, Bacchi beneficio ejus sacra colentibus concessa, ex aureæ ætatis, ad quam illa referebantur, ingenio æstimanda. Scilicet Thyades thyrsis suis e terra aquam, vinum et lac, ex arboribus autem mel elicuisse dicuntur; laudant in hanc rem Euripid. Bacch. 142 seqq. *ῥαὶ δὲ γάλακτι πέδον, ῥαὶ δ' οἶνον, ῥαὶ δὲ μέλισσαν νέκταρι.*—*iterare*,

Fas et beatæ conjugis additum

Stellis honorem, tectaque Penthei

Disjecta non leni ruina,

15

Thracis et exitium Lycurgi.

Tu flectis amnes, tu mare barbarum :

Tu separatis uvidus in jugis

Nodo coerces viperino

Bistonidum sine fraude crines.

20

iterum iterumque laudare; quæ gesta sunt celebrare; nihil amplius.

13. *Honorem*, insigne honoris, nempe coronam; *conjugis*, Ariadnes, *beatæ*, ut deæ; dii enim *beati*, μάταιες; quamvis enim a Theseo fuisset relicta, deinde Baccho juncta est conubio; de Ariadne inter deos relata vide Propert. lib. III, 18, 8, et ibi Broukh.—*additum stellis*, de Ariadnes corona stellis inserta vid. Ovid. Fast. III, 489 seqq. Met. VIII, 180; Manil. Astron. I, 323; V, 282, et Hygin. II, 5.—*tectaque Penthei*, etc. ad Bacchi potentiam, quam cantaturus est poeta, declarandam, divinas illas pœnas refert, quas ille a sacrorum suorum contemtoribus, Pentheo et Lycurgo, expetiisse, et Penthei quidem (Echionis et Agaves filii, regis Thebarum) domum, ruptis vinculis, quibus ibi constrictus tenebatur, disjecisse (cf. inprimis Euripid. Bacch. 633); Lycurgum vero, regem Edo-
norum, Thraciæ gentis, quod Baccho infestissimus omnes vites per totum regnum excindi jusserat, in tantum furorem immisiisse dicitur, ut filium suum Dryantem interficeret, et ipse sibi falce crura amputaret; vid. Heyn.

ad Apollodor. III, 8, p. 576.—*Non leni*, gravi.

17. *Tu flectis amnes*, tu fluviorum cursum pro lubitu moderaris et cohibes; respicit autem Orontem et Hydaspem, quos Bacchus thyrsu percussos retro flexisse, et sicco pede transiisse traditur; vid. Nonni Dionys. XIII, 123 seqq.—*tu mare barbarum*, sc. flectis, quod jam pro: domas.—*barbarum*, h. e. Indicum, victoriarum ex India reportatarum respectu habito; hinc, ut jam observavit Cl. Müsch. Bacchus apud Senec. Herc. Fur. 409, « domitor rubri maris » dicitur.—*uvidus*, sc. vino: ut *madidus*, sæpius (βεβρεγμένος, ὑγρός); sic infr. IV, 8, 39: « dicimus integro Sicci mane die, dicimus uvidi. »—*separatis*, secretis, remotis.—*Tu nodo coerces viper. Biston. sine fraude crines*, tu vyperas *sine fraude* (h. e. quas potentia tua reddit innoxias) mulierum bacchantium crinibus implicas; sive: tua potentia fit, ut bacchantes sine noxa tractent serpentes, eosque crinibus suis innectant; *Bistonidum*, mulierum Thraciarum, sive Baccharum; *Bistones* enim populus Thraciæ, ubi præcipue orgia celebrata esse satis

Tu, quum parentis regna per arduum

Cohors Gigantum scanderet impia,

Rhætum retorsisti, leonis

Unguibus horribilique mala :

Quamquam, choreis aptior et jocis

25

Ludoque dictus, non sat idoneus

Pugnæ ferebaris; sed idem

Pacis eras mediusque belli.

Te vidit insons Cerberus aureo

constat. Ceterum de more, quo bacchantes tam comam quam corpus serpentibus incinxerint, vid. *Voss.* et *Muret.* ad Catall. LXIV, 259, ubi de bacchantibus : « Pars sese tortis serpentibus incingebant. »

21. Sensus : Te quoque insignem fecit virtus bellica, cujus quidem, quum in pugna illa, qua Gigantes Jovis regnum affectabant, leonis forma indutus unum eorum Rhætum de cælo deturbares, egregium documentum edidisti; quamvis enim choreis, jocis et ludo aptior, quam pugnis esse videbaris, idem tamen in pugna illa pacis bellique arbiter extitisti. — *per arduum*, per aerem, δι' αἰθέρος. — *impia*, mortalis enim contra deum assurgens impium scelus committit. — *Rhætum*, unam e Gigantibus. — *leonis unguib.* *horrib.* *mala*, sequitur Noster eos, qui Bacchum in leonem conversum contra Gigantes pugnare tradunt. Similiter Bacchus contra latrones pugnans apud Hom. Hym. in Bacch. v. 44, leonis speciem induisse fingitur.

25. *Choreis apt. et jocis lud.* designatur, ut bene observat *Mitsch.* Bacchus χορευτής, ἐγερσίγυλος et φιλοπαίγμων. — *sed* pro : tamen, ut

passim post, *quamvis*. — *Pacis eras med. belli*, tam pacis et mollioris otii amans, quam bello strenuus; vel : utrique tempori aptus, æque idoneus mollibus deliciis pacis ac tumultibus belli. — Sin autem huic explicationi τὸ *eras* ob stare videtur, et *pacis eras medius* necessario quoque ad ea, quæ Bacchus in illa pugna præstitit, referendum putes; Bacchum ideo *medium pacis bellique* dictum esse intelligere poteris, quod arbitrium pacis bellique, h. e. pugnæ illius tam componendæ quam continuandæ, a solo ejus auxilio et interventu pendebat; nisi Bacchus intervenisset, vult dicere, diutius illa pugna durasset; quo quidem nihil ad ejus virtutem bellicam declarandam dici potuit gravius. *Medius* igitur, ut apud Græcos μέσος, est arbiter, vel, ut hac voce utar, mediator; eodem sensu Virgil. *Æneid.* VII, 536 : « paci medium se offert. »

29. Vulgarem sententiam : « Tibi, ut insigni deo, apud inferos adeo magnus honor statuitur, » egregie exornavit. — Fingit nempe Cerberum, belluam alias sævissimam, Bacchi ad inferos venientis adpectu adeo percussam esse, ut caudam movendo co-

Cornu decorum, leniter atterens
Caudam; et recedentis trilingui
Ore pedes tetigitque crura.

miter ei adblandiretur, et quum ille jam inde recederet, pedes et crura ejus lambendo summæ reverentiæ amoris-que signum ederet.—*Te vidit*, nimirum tum, quum Bacchus Semeles repetendæ causa ad inferos descendisset; v. Apollod. III, 8, 3; Hygin. Fab. 251.—*insons*, jam innoxius et mitis, qui alias esset immitissimus.—*aureo cornu decorum*, de Bacchi cornibus, antiquo illo roboris insigni, præter *Spanhem. de Us. et Præst. Num.*

Diss. VII, t. I, p. 392, et *Burm. Sicul.* t. II, t. 12, copiose disputavit *Broukh.* ad Tibull. II, 1, 3.—*aureo*, hinc Bacchus χρυσόκεραυτος.—*trilingui*, jam Cerberus est triceps, τρίκεραυτος, qui supr. II, 13, 34, dicebatur *centiceps*; ubi cf. not.—*recedentis ore pedes tetigit. crura*; imago suavissima! Cerberus, qui alias ex Orco recessuros devorasse fingitur (Hesiod. Theog. 771), nunc Bacchum inde recedentem lambit, et triplici lingua mulcet. Ed.

ANALYSIS. Bacchi laudes carmine sublimiore celebraturus fingit rem ad altiore spiritum animo concipiendum aptissimam. In ipsum Bacchum poeta incidit; videt et audit eum in rupe remota Nymphis et Satyris carmina præcipientem; stupet attonitus, sentit dei præsentiam, ejus numine impletur, furit, et ipsius dei, qui in ejus pectus descenderat, ut fas erat, laudes canit. Canit igitur primum tam summa, quibus ille pios sacrorum suorum cultores mactet, beneficia, quam graves poenas, quibus idem sacrorum suorum contemtores, ut Pentheum et Lycurgum, afficiat; deinde maximam, qua æviissima quæque domet, potentiam; tum insignem virtutem, qua Jovi in ancipiti contra Gigantes prælio adfuerit; denique divinum a Cerbero ei apud inferos præstitum honorem.—Si varios hujus carminis colores et sublimitatem, ad quam poeta in hoc hymno in Bacchum eniti studet, spectaveris, ei Græci cujusdam poetæ carmen ex genere dithyrambico, ut infr. III, 25, observatum esse, vix dubites; huc pertinere videtur Pratinæ ὑπόρχημα apud Athen. XIV, 2, p. 617, quod jam per partes cum Hor. comparavit Cl. *Mitscherlichius*.

CARMEN XX.

AD MÆCENATEM.

Sibi ipse immortalitatem promittit poeta.

Non usitata, non tenui ferar
 Penna biformis per liquidum æthera
 Vates : neque in terris morabor
 Longius : invidiaque major
 Urbes relinquam. Non ego pauperum
 Sanguis parentum, non ego, quem vocas

5

1. *Non usitata penna*, h. e. penna paucissimis concessa, volatu quo pauci mecum certaturi sunt. — *non tenui*, valida, quæ adeo alte enititur, et satis virium habet ad se sustentandum. Omnino ad gloriæ magnitudinem ac perennitatem refer, quam poeta sibi anguratur. — De commento alarum usu gloriam per loca remotissima dissipandi commodè afferunt locum Theognid. 231, Σοὶ μὲν ἐγὼ πτέρ' ἰδῶκα, οὐν οἷς ἐπ' ἀπείρονα πόντον Πρωτόης, κατὰ γῆν πάσαι ἀερόμενος Πνιδίως, πολλῶν χείμενος ἐν στόμασι. — *biformis vates*, ego, cui ut poetæ, binæ formæ, tam hominis, quam cyni, concessæ sunt. — *invidiaque major*, et maiore gloria elatus, quam ut invideri mihi amplius possit; ultra invidiam elatus.

5. *Non ego paup. sang. parent.* omnes fere explicant: non ego sum

parentum pauperum sanguis; mihi autem τὸ *non ego* in hoc versu, haud secus ac in sequenti, τὸ *obibo* referendum potius videtur et cum *Mischelichio* intelligere malim: ego, etsi sanguis pauperum parentum, ego, qui nunc vix in ullo honore sum, quippe paupertate atque humiligenere depressus, tamen non obibo. Nota cum vi repetitum *non ego*. De *pauperibus parentibus*, vid. lib. I, Epist. 20, 20: « me libertino natum patre et in tenui re, etc. » — *Sanguis*, de prole et propagine passim. Virg. Æn. VI, 836: « Projice tela manu, sanguis meus, » ubi vid. *Cerda*. Cf. infr. III, 27, 63. — *Non ego, quem voc. Dilecte, Mæcenas, obibo*, non ego, quem tu, Mæcenas, appellare soles: O dilecte Horati, quem dilecti nomine dignaris, morti ero obnoxius. Alii male ita

Dilecte, Mæcnas, obibo,
Nec Stygia cohibebor unda.

Jam jam residunt cruribus asperæ
Pelles; et album mutor in alitem 10
Superne; nascunturque leves
Per digitos humerosque plumæ.

Jam Dædaleo ocior Icaro
Visam gementis litora Bospori,
Syrtesque Gætulas. canorus 15

Ales Hyperboreosque campos.
Me Colchus, et qui dissimulat metum
Marsæ cohortis Dacus, et ultimi

jungunt : dilecte Mæcnas, ut *quem* *vocas* nihil jam significet.—*Nec Stygia cohīb. unda*, non me Styx novies interfusa coercebit, includet.

9. *Jam jam resid. crur. asperæ pelles*; jam incipit corporis mei in cycnum mutatio; jam pellis aspera. h. e. squammosa vel rugosa, ut cæterarum avium aquaticarum, residit, adhærescit cruribus, crura vestit.—*album alitem*, cycnum.—*Superne*, quod ad superna corporis membra, ad superiorem corporis partem attinet, nonnulli legunt *superna*. Ita ut neutrum plurale sit; sub. secundum: sed minus commode ob asperiorem pronunciationem quæ oritur ex prima syllaba sequentis vocis; tum quod ultima syllaba in *superne* sit brevis, teste Lucret. lib. VI, 543: « terra superne tremit... » et 696: « tecta superne timent... »—*leves* refer ad splendidum pennarum cycnearum nitorem, et candidum levorem.

13. Sensus: jam summa velocitate in terras longissime a nobis distantes

volabo.—*Jam Dædaleo ocior Icaro*; Horatius hic se cum Icaro jam comparat non in eo quod ad infelicem ejus casum attinet, sed ideo quod primus mortalium Icarus pennas induerit et per aera volaverit; ipse autem Horatius alter post eum sit volaturus quo tamen se ociozem futurum profitetur, quia non factitias, sed nativas alas sit habiturus.—Hanc lectionem *ocior* retinuimus, quæ omnibus fere recepta est editionibus; servato autem hoc verbo per necessariam elisionem versus mensura offenditur; quidam cum *Bentleio* legunt *tutior*, quod et difficultatem mensuræ tollit, et feliciorem sensum præstare nobis videtur.—*gementis*, refer ad sonitum, quo fluctus ibi franguntur.—*Bospori*, intellige Bospori Thracii accolæ; *Gætulas*, Libycas; *Gætulia* enim pars interioris Libyæ.—*Hyperb. campos*, extremas Septentrionem versus terras; cf. Plin. IV, 12.

17. *Marsæ cohortis*, Marsi enim, quam fortissimis Romani exercitus mi-

Noscent Geloni : me peritus

Discet Iber, Rhodanique potor.

20

Absint inani funere nœniæ,

Luctusque turpes et querimonîæ :

Compesce clamorem, ac sepulcri

Mitte supervacuos honores.

litibus adnumerarentur, vel maxime hosti timendi fuerunt. — *dissimulat metum*, dum revera timet, fingit tamen non timere, quia in rebellando pervicax, iterum contra Romanos arma sumit, quamvis ab iis sæpe victus, et in fines suos repulsus fuerit. Ed. — *Dacus*, cf. supr. ad I, 35, 9, ubi *asperdicitur*. — *Geloni*, cf. supr. ad II, 9, 23. — *Iber*, Hispanus, a fluvio Ibero. — *peritus*, sc. literarum, in quarum studio Romanos imitabantur Hispani; testes Seneca, Lucanus, Martialis, etc. ex hac regione oriundi. — *Discet*, cantibus meis attentas aures præbebit. — *Rhodani potor*, Gallus; nam fluviorum accolæ ita a poetis designari solent, ut ex iis bibere dicantur; cf. infr. IV, 18, 21.

21. *Absint inani fun. nœn. etc.*

ad illud Ennii apud Cic. Tusc. I, 18, « Nemo me lacrimis decoret, neque funera fletu Faxit : cur? volito vivu' per ora virum. » — *funere inani*, ubi corpus in cynum mutatum non sepeliri potest. — *turpes*, vultum deturpantes. Ovid. Art. Am. I, 535, 4, « Clamabat, flebatque simul, sed utrumque decebat; Nec facta est lacrimis turpior illa suis. » — *querimonîæ*; ad pompam exequialem pertinent etiam *querimonîæ* et *clamor*, lamenta et ejulatus in funeribus vulgaribus instituti. Ed. — *sepulcri mitte supervacuos honores*, noli cogitare de tumulto in honorem meum exstruendo, quum ille, qui corpus meum tegere non potest, nec nomini decus addere, supervacuum sit.

ANALYSIS. Immortalem nominis sui gloriam (ut alii poetæ, v. c. Ovidius Amor. I, 18) vaticinatur in hoc carmine Horatius. Ornatum autem ad vulgarem sententiam: « Nominis mei gloria per totum terrarum orbem semper celebrabitur » efferendam ab egregie in hanc rem ficta imagine petit. Non amplius, canit, in his terris morabor; nec, ut ceteri mortales, obibo, sed transformatus in alitem enitar ad æthera; jam sentio me fieri cynum, jam totum terrarum orbem, ut remotissimi quique populi me noscant, pervolitabo; nolite igitur me, ut fato suo perfunctum, vel luctu persequi, vel vano sepulcri honore decorare. — Quum cynus Apollini sacer sit, et ob ejus cantum suavissimum (ut arbitrabantur veteres) ipsi poetæ passim *cyni* appellentur (cf. supr. ad I, 6, 2), sane, cur præ ceteris alitibus in cynum potissimum mutari voluerit poeta, nemo non intelligit.

QUINTI
HORATII FLACCI
CARMINUM
LIBER TERTIUS.

CARMEN I.

Non opibus aut honoribus, sed animi tranquillitate vita beata
efficitur.

ODI profanum volgus et arceo;
Favete linguis: carmina non prius

1. Verbis solemnibus ad audientiam sibi faciendam exorditur poeta; argumenti nempe, quod in hoc carmine tractaturus est, gravitatem cum re sacra comparans utitur illis formulis, quibus alias sub sacrorum initiis uti solebant sacerdotes, profanis quidem, ut eos inde arcerent, ἔκας, βέσσηλοι! vel ἔκας, ἔκας, ὅστις ἀλιτρός (Callim. H. Ap. 2), « Procul, o procul este; profani » (Virgil. Æn. VI, 258), pro quo Noster dixit: « Odi profanum volgus et arceo; » initiatis vero, ut sacro silentio iis interessent, σύφημισι, « Favete linguis! » (linguas cohibendo, h. e. tacendo) acclamantes; apposite igitur ad has formulas jam se non vatem vel poetam, sed Musarum sacerdotem profitetur. — Favete lin-

guis: apud veteres in religione erat quasdam voces infaustas et mali ominis esse, ita ut, in sacrificiis, aut aliis solemnibus rebus, qui adessent, non nisi faustas voces fari monerentur, quod dicebatur: *favere linguis*, unde Ovid. « Postera lux oritur, linguis animisque favete: Nunc dicenda bono sunt bona verba die », et Cicer. Divin. III: « omnibus rebus agendis, quod bonum, faustum, felix, fortunatumque esset, præfabatur: rebusque divinis, quæ publice fierent, ut faverent linguis imperabatur. » Quum autem propter hoc jussum: *favete linguis*, populus, ne quæ vox infausta excideret, omnino sileret, verba: *favere linguis* pro *silere* usurpata sunt. — *carmina non prius audita*, h. e. nova, quasi

Audita Musarum sacerdos

Virginibus puerisque canto.

Regum timendorum in proprios greges,

5

Reges in ipsos imperium est Jovis,

Clari giganteo triumpho,

Cuncta supercilio moventis.

Est, ut viro vir latius ordinet

Arbusta sulcis; hic generosior

10

nemo ante eum praecepta tam salubria cecinerit; primus enim poetarum Latinorum Horatius de philosophia morali carmina cecinit. Nisi forte haec quoque verba ad formulam quandam solemnem referenda sint, ubi *nova* a mystis promittebantur praecepta, qualia nunquam fando audivissent.—*Virginibus puerisque canto*, vel ab eorum choro in cantibus solemnibus recitanda, vel ab iis audienda diligentius, quibus esse possunt utiliora, et quorum aetas facile ad virtutem fingi et erudiri potest.

8. Reges quidem in his terris super alios elati sunt, et timentur ab iis, quibus imperant; sed iisdem timendus est Jupiter, qui eorum pariter, ut olim Gigantum, frangere potest superbiam; errant igitur (nam hoc ad sententiam supplendum est), qui reges inter feliciores homines referunt, praecipue ob ea, quae v. 14 seqq. dicuntur.—*in proprios greges*, h. e. populum eorum potestati subjectum; *grex* antiquae pro populo; hinc *reges ποιμένες λαόν*; in sententiam laudant Pind. Ol. I, 181, τὸ λαόν κορυφούται βασιλεύει.—*Reges in ipsos*, comparant Call. H. in Jov. 78 et 79 80; Philisc. in Thebanis apud Stob. Florileg.

Grot. p. 233.—*giganteo triumpho*, domitis enim Gigantibus triumphans quasi Ζεὺς Γίγαντολέτωρ curru suo invectus dicitur; cf. Mitsch.—*Cuncta superc. moventis*, primas lineas hujus sublimioris ad summam Jovis potentiam designandam imaginis duxit Homerus Il. I, 528–30: « Ἢ καὶ κτανέσιν ἐπ' ἑφρύσι νεῦσι Κρονίων... μέγαν δ' ἐλάλειν θωμπεύον. » In eadem exprimenda multos imitatores nactus; vid. ad Catull. LXIV, 304–6.

9. Sunt porro alii, qui vel divitiis, vel gloria, vel gratia apud populum super alios se extollunt, sed omnes illi pariter, ut infimi, ad mortem destinati sunt.—*Est, ut, ἵστιν ὥς, ἵστιν ὅπως*, fieri solet ut, etc. est sane haec humanae sortis diversitas, ut, etc.—*Viro vir lat. ordinet arbusta sulcis*, alias ampliora alio possideat latifundia; *arbusta sulcis ordinare* est: arbores, oleas, vites, etc. ejusmodi intervallo inserere sulcis (δῆμος, vid. Hermann. in Comment. Soc. Phil. t. II, p. 289), sive scrobibus, ut congruo ordine invicem se excipiant; serebantur autem arbores fere in *quincuncem*, cujus adumbratam figuram vid. in Gesn. Thesaur. s. v. *quincunx*, et apud Voss. ad Virg. Georg. II, 277. —

Descendat in Campum petitor;
 Moribus hic meliorque fama
 Contendat; illi turba clientium
 Sit major: æqua lege Necessitas
 Sortitur insignes et imos;
 Omne capax movet urna nomen.
 Destructus ensis cui super impia
 Cervice pendet, non Siculæ dapes

15

latius, per latiore[m] terræ tractum, per latissimum fundum ordinet. Alii dictum volunt pro sulcis per latiora intervalla factis, quod et longius quæsitum esse et minorem vim habere mihi videtur. — *generosior*, generis nobilitate clarior. — *in Campum*, sc. Martium in quo populus dabat suffragia. *Descendere* e situ regionis dictum: campus enim Martius erat depressior. — *petitor*, sc. honorum. — *illi turba clientium*, etc. Tertius candidatus multis clientibus nititur. — *Moribus hic mel. fama*, alius vitæ honestate et meritorum gloria insignior; intellige hominem *novum*, qui *generoso* opponitur. — *Contendat*, explicant: certet cum reliquis de obtinendo magistratu; equidem *contendat* simpliciter pro: petat (sc. magistratum) positum puto. Sic Cicero Verr. II, 13: « Magistratus ille summa ambitione contenditur. »

14. *Æqua*, quæ est eadem omnibus. — *Necessitas*, dea (Ἀνάγκη, Μοῖρα), quæ apud inferos urnam capacior[em], in quam uniuscujusque hominis sors conjecta fuisse dicitur, eo consilio versare flagitur, ut cujus sors inter versandum exsiliat, ei statim moriendum sit; vid. Plato de Republ. X,

t. VII, p. 336, edit. Bipont. — *insignes*, nobiles, qui in sede excelsa vivunt. — *imos*, ignobiles, obscuro et humili loco natos. — *urna movet*, omnium nomina, dum ipsa concutitur, versatur. — *capax*, nota miram vim hujus epitheti quo ostenditur omnium mortalium nomina in urna contineri. In hanc sententiam cf. sup. I, 4, 13; II, 3, 26; II, 18, 32.

17. Huc accedit, quod homines potentiores ob assiduas, quibus anguntur, curas parum suavitatis et vitæ suæ deliciis percipiunt, immo ne quietum quidem somnum capiunt. — *Destructus ensis cui super impia Cervice pend.* Vulgarem sententiam: « Qui semper de imminente sibi periculo trepidat, ei, etc. » expressit imagine nudi ensis, cervici alicujus impendentis; de qua re nota est historia Damoclis, quam narrat Cicero Qu. Tuscul. V, 21. — *Destructus ensis*, ensis nudatus. Legunt alii *districtus*, quod minus placeat, quia *destringere* est: aliquid ex aliquo loco stringere vel trahere; *destringere* autem: huc, illuc, vel in diversas partes trahere. — *impia Cervice*, h. e. super cervice hominis, cui mens recti non est conscia. — *Siculæ dapes*, exquisitissimæ, quolibet se

Dulcem elaborabunt saporem,
 Non avium citharæque cantus 20
 Somnum reducent. Somnus agrestium
 Lenis virorum non humiles domos
 Fastidit, umbrosamve ripam,
 Non Zephyris agitata Tempe.
 Desiderantem, quod satis est, neque 25
 Tumultuosum sollicitat mare,
 Nec sævus Arcturi cadentis
 Impetus, aut orientis Hædi:
 Non verberatæ grandine vineæ,

invitare solebant tyranni Siculi; hinc epulæ lautissimæ proverbiali locutione dictæ sunt *Siculæ*, seu *Syracusanae*; hoc epithetum etiam simpliciter ideo positum videri poterit, quo ad Damoclem Syracusanum alludatur. — *Dulc. elaborab. sapor.* ita ejus palatum afficere valebunt, ut earum suavitatem sapiat; quam pulcre et significanter *elaborabunt* pro: parabunt, excitabunt, positum sit, suos quemque sensus docebit. — *Somnum reducent*, efficere poterunt, ut Somnus in domos potentiorum, unde recesserit, redeat, vel in eas se reduci patiat. Cogitandum enim est de deo Somno.

21. Quanto beatiore contra tenuioris sortis homines, qui nihil nec metuunt, neccupiunt! Quantam animi tranquillitatem sua ipsis præstat innocentia! — *Somnus agrestium*, etc. junge: *Lenis Somnus humiles domos virorum agrestium* (h. e. casas rusticas) *non fastidit*, non transit, sed intrat. — *umbrosamve ripam* leniter strepentis aquæ. Eadem de re Virgil.

Georg. II, 470: « Mollesque sub arbore somni Non absunt. » — *Tempe*, pro quavis valle amœna. In sententiam Cl. *Müscherl.* comparat Senec. Herc. OEt. 644 – 47, Epist. 90, et Menand. apud Stob. Florileg. Grot. p. 391.

25. Qui non plura, quam quibus ad vitam sustentandam opus est, desiderat, is omnibus illis curis, quibus divites, exempli gratia mercator, ob tempestatum in mari pericula, et arbustorum dominus, ob iniquam aeris temperiem, sollicitantur, liber atque vacuus est. — *Nec sæv. Arcturi cad. Impetus, aut*, etc. nec impetus, h. e. vis vehementior sævæ tempestatis, quæ occasum Arcturi, aut ortum Hædi (pro: Hædorum) sequi solet. *Arcturus*, stella in cauda Bootæ, quæ secundum vulgares rationes astronomicas, IV, Cal. Nov. occidit. — *Hædi*, duæ stellæ in lævo brachio Erichthonii, cujus ortus in prid. Non. Octob. incidit.

29. *Non verber. grand. vineæ*, vineæ grandine pulsatæ, fructu de-

Fundusve mendax, arbore nunc aquas

30

Culpante, nunc torrentia agros

Sidera, nunc hiemes iniquas.

Contracta pisces æquora sentiunt

Jactis in altum molibus; huc frequens

Cæmenta demittit redemptor

35

Cum famulis, dominusque terræ

Fastidiosus: sed Timor et Minæ

cusso. — *Fundus mendax*, fidem fallens, non reddens quod ei creditum est; similiter infr. Epist. I, 7, 87, « spem mentita seges »; cui opponitur « segetis certa fides » infr. III, 16, 30. De quo loquendi genere e re pecuniaria ad agriculturam translato vid. *Stat. et Broukh.* ad Tibull. II, 6, 21, et *Heins.* ad Val. Flacc. I, 69. — *arbore nunc aquas culpante*, etc. Dum arbor (intellige inprimis oleam, cf. infr. Epist. I, 8, 5), quæ lepide jam insimulatæ perfidiæ causam apud dominum perorare fingitur, sterilitatis culpam modo in nimias pluvias, modo in nimium æstum, modo in verni frigoris iniquitatem confert. — *torrentia Sidera*, intellige Sirii inprimis sidus, sub cujus ortu arbores nimio solis æstu torreri solent; hinc vitium, quod inde trahunt arbores, *sideratio* (ἀστροβολία) dicitur. Plin. XVII, 24: « Proprium siderationis est, sub ortu canis siccitatum vapor, quum insitæ ac novellæ arbores moriuntur. » Comparant cum Nostro Philemon. apud Stob. Floril. Grot. p. 403: Πάνυ μόλις, ὥσπερ τὸ κατὰ χρέος κεφάλαιον, ἐκτίαι (sc. ἡ γῆ) τὸ σπέρμα, τοὺς τόχους, ἀνευρίσκουσ' αἰὲν πρόφασιν τιν' αὐγμὸν ἢ πᾶχνην, ἢν ἀποστρεφῇ.

33. Divites quidem, ut habeant

quo se recreent, magnifica in maris littore, dum vastis in altum demissis molibus fundamenta jaciunt, ædificia moliantur, et piscinas marinas cum iis jungunt, etc. — Has piscinas egregie designat sic: *Contracta pisces æquora sentiunt*, h. e. pisces sentiunt se in angustiore maris spatio inclusos esse; de quo luxus genere, in quod graviter invehitur Sen. Epist. 89, cf. supr. ad II, 18, 20, ubi divites « domos struendo maris littora submovere » dicuntur. — *sentiunt*, infr. Epist. I, 1, 84: « lacus et mare sentit amorem Festinantis heri, » etc. — *redemptor*, manceps (*entrepreneur*), infr. II, 2, 72: « Festinat calidus mulis gerulique redemptor. » — *Frequens cum famulis* pro vulgari: cum frequente famulorum, h. e. operariorum, turba; per *cæmenta* (dicta quasi pro: *cædimenta*, a cædendo, ut *ramenta* pro: *radimenta*, a radendo) intellige lapides cæsos, sed rudes et informes. — *dominus*, qui simul adest, ut operi strenue perficiendo instet. — *terræ fastidiosus*, ita dicitur, quod possessionibus suis in continente non contentus est; ut supr. II, 18, 22: « parum locuples continente ripa. »

37. *Minæ*, quasi deæ, quæ periculorum minis, vel malorum instantium

Scandunt eodem, quo dominus : neque

Decedit ærata triremi, et

Post equitem sedet atra Cura.

40

Quod si dolentem nec Phrygius lapis,

Nec purpurarum sidere clarior

Delenit usus, nec Falerna

Vitis, Achæmeniumve costum :

Cur invidendis postibus et novo

45

Sublime ritu moliar atrium?

terrore homines exagitant.—*Decedit triremi*; Boettig. bene cum Nostro comparat Menandrum apud Plutarchum de Tranquill. p. 466.—*ærata*, epitheton ornans, ut supr. I, 16, 21.—*Post equitem*, quando dives, aiunt, corporis animique recreandi causa equo circumvehitur; sed cf. supr. ad II, 16, 22, ubi *Cura* « turmas equitum non relinquere » dicitur.—*atra*, infr. de *cura* Sat. II, 7, 114: « Nam comes atra premit, sequiturque fugacem. » Omnibus notum ad h. l. imitationem dixisse Bolæum, epist. V: « Un fou.... en vain monte à cheval pour tromper son ennui, Le chagrin monte en croupe, et galope avec lui. »

41. *Dolentem*, de divitiis nihil dominum, vel ægotantem vel curis se excruciantem, juvantibus infr. Epist. I, 2, 47: « Non domus et fundus, non æris acervus et auri Ægroto domini deduxit corpore febres, Non animo curas. » — *Phrygius lapis*, marmor Synnadicum, ad Phrygiæ oppidum, Synnada, excisum, de cujus præstantia et colore vid. Plin. XXXV, 4; Strabo, IX, p. 437, et XII, p. 865.—*purpurarum sidere clarior usus*,

doctiore ratione pro vulgari : usus purpurarum clariorum sidere, h. e. lucido colore siderum splendorem superantium; comparant Lucret. II, 47-51.—*Falerna vitis*, vinum Faletum; similiter supr. I, 10, 10, *vites Falernæ* pro vino Falerno.—*costum* et *costus* eximii odoris unguentum, quod exprimebatur ab ejusdem nominis frutice, qui in Indiæ insula Patiale nascitur; vid. Plin. XII, 12.—*Achæmenium*, Parthicum vel Persicum (a Parthorum rege, *Achæmene*) ideo ita dictum, quod *costum* a mercatoribus ex India in terram Parthiam, et inde, ut merx Parthica, Romanam advehebatur; similiter supr. I, 31, 12, unguenta Indica merx Syra dicta sunt : ea semper vino apponuntur in conviviis. En.

45. *Invidendis*, tam superbis et magnificis, ut invidiam aliorum moveant; similiter fere *aula invidenda* supr. II, 10, 7.—*novo ritu*, ad novas architectonicas regulas descriptum.—Atrium primus erat locus ædium, et quasi aditus ad reliquam domum : pro tota domo hic sumitur.—*operosiores*, tantum curarum mo-

Cur valle permutem Sabina
Divitias operosiores?

lestiarumque creantes; vel : cum tanta
laborum curarumque molestia con-
junctas. In sententiam commode Cl.
Misch. comparat Menand. apud Stob.

Flor. Grot. p. 389 : Κρεῖττον γὰρ
δοῦναι... μὴ πολλὰ ἀκηδῶς, διότι δ' ἡδέως
ἔχουσιν, πέναν δ' ἄλυστον μάλλον, ἢ πλοῦ-
τον πικρόν.

ANALYSIS. Præceptum illud e philosophia Stoica depromptum : « veram hominum felicitatem, neque in potentia et honorum splendore, neque in magnarum divitiarum possessione, sed in animo tranquillo, et in eo, quod satis est, acquiescente, ponendam metiendamque esse; » jam nova in hoc carmine sententiarum gravitate, novaque, quam sibi ut sacerdoti Musarum tribuit, auctoritate, proponit atque commendat. Nexus sententiarum est fere hic : Gravioris argumenti carmen, quod ego cantaturus sum, attento animo percipite : Reges, divites, nobiliores, et alii vel gloria, vel gratia populi eminentes, male vulgo in censum feliciorum hominum referuntur; manet enim eos non solum æqua moriendi necessitas, sed iidem quoque, dum vivunt, miseris curis agitantur. Hinc fit, ut medias inter curas nec lautissimarum epularum suavitate delectentur, nec avium citharæque cantu ad somnum invitentur. Quanto major igitur est, nil, nisi quod satis est, desiderantis felicitas; is nec marinis tempestatibus, nec ortu casuve siderum minacium, nec grandine, nec nimia pluvia nimiove solis aestu, sterilitatis causis, perturbatur. Videmus nunc quidem divites immensis sumtibus magnifica in maris litore, ut ibi se recreent, extruere ædificia; sed timor et tristes curæ ibi quoque ab iis haud recedunt; immo eos, sive navi, sive equo vectos, ubique sequuntur atque premunt. Quod si igitur nec præstantissimi marmoris, nec nobilissimæ purpuræ, nec vini optimi, nec unguentorum pretiosissimorum usus quicquam ad curas avertendas valet, cur ego tam stultus sim, ut villulam Sabinam cum ædificiis magnificis, vitæ jucunditatem autem et tranquillitatem cum divitiarum molestiis curisque permutem?—Sic ea, quæ super hujus carminis sententiis, ut parum inter se cohærentibus, a pluribus disputata sunt, vana et nihili esse facile apparet.

Eximias hujus carminis virtutes, quum admirabili tractationis artificio, tum elocutionis vi, ornatuque splendidissimo proditas, facillimo unusquisque observabit negotio.

CARMEN II.

Pueros a teneris annis ad militarem civilemque virtutem et pietatem
informandos esse docet.

ANGUSTAM, amici, pauperiem pati

Robustus acri militia puer

Condiscat; et Parthos feroces

Vexet eques metuendus hasta :

Vitamque sub divo et trepidis agat

5

In rebus. Illum ex mœnibus hosticis

Matrona bellantis tyranni

Prospiciens, et adulta virgo,

1. *Robustus*, h. e. firmi robustique corporis, durus; opponitur puero molliter educato et ferendis laboribus impari; possis quoque jungere: *robustus acri militia*, h. e. factus per acrem et strenuam militiam robustior. — *Angustam pauperiem*, duriores illam sortem, qua rebus in angustam contractis contentus esse debet miles. — *amice pati*, græce: ἀγαντῶς πέπαι, h. e. lubenter sive prompto paratoque animo ferre; quod enim fit *amice*, id quoque prompto paratoque animo fieri solet. Tamen legendum *amici*; quamvis plures manuscripti habeant *amice*. — *Vexet*, premat et fortiter invadat. — *eques*, sc. adversus Parthos equitatu pugnandum erat. — *metuendus hasta*, ornatus quam hastatus. — *sub divo*, sub aere, in cas-

tris, ut soli ac frigori corpus assuescat. — *trepidis in rebus*, vitam agat in rebus trepidis, periculosis, in summo discrimine, ne animus ad subita belli expavescat. *Res trepidæ* adeo in bello sunt, ubi res in summum discrimen adductæ sunt, maxime quæ nec opinantes opprimunt ac percellunt. Ita Livius, Silius et alii. Hoc loco particulam *et* tollere vult Doëring; non video autem qua de causa. Hæc enim particula quamdam vim habere mihi videtur; vitam enim agere oportet non solum sub divo, quod fieri possit sine magno discrimine, sed *et*, sed etiam in rebus trepidis, periculosis, quod multo gravius est.

6. Junge: *Matrona* (honestius pro: uxor) *et adulta virgo* (pro: filia nubile) *bellantis tyranni prospiciens*

Suspiret : eheu ! ne rudis agminum

Sponsus lacessat regius asperum

10

Tactu leonem , quem cruenta

Per medias rapit ira cædes.

Dulce et decorum est pro patria mori :

Mors et fugacem persequitur virum ,

Nec parcit inbellis juventæ

15

Poplitibus timidove tergo.

Virtus , repulsæ nescia sordidæ ,

Intaminatis fulget honoribus ;

illum (h. e. tam egregiæ fortitudinis militem) *suspiret* : (suspirando in hæc verba erumpat) : *eheu ! ne*, etc.

— *Prospiciens*, ut Antigone e mœnibus Thebanis apud Eurip. Phœnis. 90 ; cf. Hom. Iliad. III, 184 ; Hes. Scut. Herc. 241. — *rudis agminum*, pugnandi inter agmina, sive artis bellicæ imperitus. — *asperum tactu leonem*, Romanum leoni accessu difficili in pugna simillimum ; viri fortis autem cum leone comparatio frequentissima ; sic apud Diotimum Ep. IX in Anthol. Gr. t. I, p. 186 : Οὐδὲ λέων ὥς δεινός ἐν οὐρεσιν, ὥς δὲ Μίλωνος, etc. Cl. *Müsch.* laudat Sil. Ital. VII, 401, ubi de Hannibale : « Jam cernes Libycum hunc vallo adsultare leonem. » — *cruenta ira*, sævus impetus ; *ira* de rabie, qua furunt leones, passim ; cf. supr. I, 16, 18, et Lucret. III, 297.

13. Necte sententias fere sic : sapienter autem faciunt, qui forti animo vitæ periculum pro patria subeunt ; dulce enim et decorum est pro patria fortiter dimicando mortem oppetere, a qua nec ignavi ac fugientes e prælio

immunes sint. — Comparant notissimum illud Tyrtaei : Τεινόμεναι γὰρ καλὸν ἐπὶ προμάχοισι πεισόντα Ἄνδρ' ἀγαθὸν περὶ ἧ πατρίδι μαρτυμένον. — *Mors et fugacem persequitur virum*, ad illud Simonidis : Ὁ δ' αὖ θάνατος ἐκίχη καὶ τὸν φυγόμαχον. — *Nec parcit Poplitibus*, hostis enim, fugientem hostem persecutus, ejus poplitibus inprimis cædendis intentus fuit ; hinc Numidæ apud Livium, XXII, 43, « terga ferientes et poplites cædentes stragem ingentem fecisse » dicuntur ; Virgil. *Æn.* IX, 762 : « Principio Phalarim, et, succiso poplite, Gygen Excipit. » Cf. *Æn.* X, 699.

17. Præter virtutem bellicam est alia, qua imbuendi sunt pueri, ea nempe, quæ *repulsæ nescia sordidæ*, *Intaminatis fulget honoribus* ; ad hanc virtutem, quam *civilem* dixeris, refer vitæ honestatem, integritatem, prudentiam, sapientiam et rerum civilium administrandarum scientiam ; in quibus omnibus si quis factus est conspectior, is nunquam in petendis honoribus contumeliosam repulsam fert ; in iis fungiendis autem semper

Nec sumit, aut ponit secures

Arbitrio popularis auræ.

20

Virtus, recludens immeritis mori

Cælum, negata tentat iter via;

Coetusque vulgares et udam

Spernit humum fugiente penna.

Est et fideli tuta silentio

25

Merces : vetabo, qui Cereris sacrum

dignitatem suam tuetur.—*Intaminatis fulget honoribus*, quia neutiquam auræ popularis arbitrio, sed virtutis suæ præsidio nixus tam suscipit quam deponit magistratus. Sic mihi quidem hic locus, in cujus sensu explanando adeo laboratum est, satis expeditus videtur. — *sordida*; ad vim hujus epitheti maxime adverti debet; potest enim in petendis honoribus vir bonus quoque repulsam ferre, sed non *sordidam* et contumeliösam, quam ii tantum ferunt, qui malis artibus ad summos honores enituntur; *sordida* igitur exempli causa fuit repulsa, quam in consulatus ambitu tulit vir pessimi ingenii Catilina; *non sordida*, quam Cato, vir justissimus, tam in præturæ quam consulatus petitione expertus est. — *secures* pro *fasces*, et hoc pro summo magistratu. *Sumere* et *ponere fasces* proprie de iis dicebatur qui consulatum aut præturam inibant aut relinquebant, sicut in lege Julia: « Prior fasces sumit. » — *arbitrio popularis auræ*; is enim qui, non sua virtute, sed aura populi magistratum assecutus est, eum ex metu populi amittit. De ejusmodi homine Noster lib. I, epist. 16: « Qui dedit hoc hodie, cras, si volet, aufe-

ret: ut, si Detulerit fasces indigno, detrahet idem. Pone, meum est, inquit; pono tristisque recedo. »

21. Est hæc illa virtus, quæ cultores suos a terra in cælum evectos immortalitatis præmio afficit. — *negata tentat iter via*, plenius pro: negatam viam, vel negatum iter tentat, h. e. via, ceteris vulgaris conditionis hominibus haud patente, ad cælum enititur. Cf. Virg. Æn. VI, 130. — *Coetusque vulgar.* ignobilioris vulgi turbam. Cic. de Senect. 23: « O præclarum diem, quum ad illud divinum animorum concilium cœtumque proficiscar, quumque ex hac turba et coluvione discedam. » — *udam*, humoribus squallentem, vel udis nebulis obductam; hinc apud Val. Flacc. I, 10: « Eripe me populis et habenti nubila terræ. » — *fugiente penna*, dum celeri volatu ad cælum tendit.

25. Hæc pars odæ ad religionem pertinet, cujus officia informandæ juventuti non minus utilia sunt, quam bellica et civilis virtus quam antea laudavit poeta. Notat autem unam pietatis partem, maxime apud Græcos insignem, nempe silentium de sacris mysteriis. — *vetabo, qui Cereris*, etc. cavebo mihi, ne perfidus vel impius

Vulgarit arcanaë, sub isdem
 Sit trabibus, fragilemve mecum
 Solvat phaselon. Sæpe Diespiter
 Neglectus incesto addidit integrum :
 Raro antecedentem scelestum
 Deseruit pede Pœna claudio.

30

istius in rebus arcanis enuntiandis levitatis homo, exempli causa, qui Cereris mysteria evulgarit, una mecum vel habitet, vel naviget; h. e. in perfidi vel perjuri hominis societate equidem esse nolo. — *Cereris arcanaë sacrum*, sacra Eleusinia; in quibus cum summa religione reticenda essent arcana: hominem temere res arcanas effutientem comparat poeta cum isto scelesto, qui aliquid ex illis sacris vulgaverit. — *sub iisdem trabibus*, ὑμωρόφικος, ὑμώτοιχος; apposite in hanc rem Cl. Mitsch. laudat Callim. H. in Cer. 118: Δάματ'ρ, μὴ τῆνος ἑμὸι φίλος, ὃς τοι ἀπεχθὲς εἶν, μὴδ' ὑμώτοιχος. — *fragil. mecum Solvat phas.* *phaselus*, navicula qua Ægyptii inprimis utebantur, longior et angustior, a *phaselo* (gallice: fève) cujus formam fere referebat; jam pro quovis navigii genere; epitheton *fragilis* phaselo inprimis, ex terra tosta quippe confecto, bene convenit; hinc *phaseli fictiles* dicuntur Juvenali XV, 127. In sententiam Cl. Mitsch. comparat Eurip. Electr. 1334.

29. Sæpe Diesp. Negl. inc. add.

integ. Jupiter enim *neglectus*, h. e. hominum impietate læsus, sæpe innocentem scelesto addere, h. e. innocentem, si in societate scelesti est, una cum eo punire solet. Valuit hæc de poenis divinis jam apud antiquissimos populos opinio, ideo inprimis, ut homines ob detestabile, quod scelesti apud alios sibi contrahunt, odium a sceleribus committendis detererentur, propagata; locus classicus de communi illa veterum opinione est apud Euripid. Sept. c. Thebas, 606 seqq. — *Diespiter*, Jupiter; cf. supr. I, 34, 5. — *Raro antec. scel. Deseruit pede Pœna claudio.* Vulgarem sententiam: « scelestus enim justam poenam effugere non potest » aptissima imagine expressit; Pœna nempe, ut Dea (Nemesis, Δίκη) tamdiu scelestum claudio vel tardo pede subsequi fingitur, usque dum eum assecuta est. Notissimum est illud Tibulli, I, 9, 4: « Sera tamen tacitis Pœna venit pedibus; » « lentoque irreput agmine poenæ. » Stat. Theb. V, 60. Multa in hanc sententiam exempla e Græcis inprimis poetis congestit Cl. Mitsch.

ANALYSIS. Quum Romani a priscæ disciplinæ severitate paulatim in mollietatem, luxum et alia vitia degenerassent; poeta, primam hujus mali labem a perversa educandi ratione repetendam esse censens, graviter populares suos monet, ut antiquas gentis Romanæ virtutes recolendo pueros suos inprimis

fortitudini, sapientiæ et religioni per silentium de sacris arcanis servandum designatæ, mature assuefaciant. Jam vero quum sententiæ laxiore, ut carminis lyrici ferebat indoles, in hoc quoque carmine inter se nexæ sint vinculo, id adeo nonnullis fraudi fuit, ut, quum ratio, qua eas inter se conciliarent, non suppeteret, hoc carmen ex tribus diversis aliis conflatum esse statuerent. Sed bene se res habet. Sententiæ ita fere se excipiunt: Si antiquam gentis nostræ gloriam amplius tueri volumus, relictis rebus omnibus, pueros nostros mature in perferendis belli laboribus exercere, ad mortis pro patria susceptæ decus inflammare, ab ignaviæ autem dedecore detertere, et sic eos metuendos hostibus nostris reddere debemus. Sed præter fortitudinem est alia virtus, ad cujus studium mature adducendi sunt pueri, quæ, quum minime ad auræ popularis arbitrium se accommodet, sed semet ipsam suo ipsius tueatur præsidio, neque in petendis honoribus ignominiosam repulsam fert, neque in iis fungendis contumeliæ cujusdam nota contaminatur, immo immortalitatis præmio afficitur. Ad hanc accedat Deorum observantia, quæ maxime apparet in servando de sacris mysteriis silentio. In quarum virtutum commendatione quis non sentit generosiorem spiritum, quo suos amicos vere Romanus accendere cupit?

CARMEN III.

Justitiæ et constantiæ laus; Romuli apotheosis.

JUSTUM ac tenacem propositi virum,
Non civium ardor prava jubentium,
Non vultus instantis tyranni
Mente quatit solida, neque Auster,

1. *Just. ac ten. propositi virum*, virum probum, et in iis, quæ semel bona et honesta esse intellexit, inconcusso animo persistentem; laudat igitur eam tantum constantiam, quam vir justus in rebus justis probat. — *ardor*, furor. — *prava*, intellige res novas, seditiones, et quicquid pravi cives contra civitatis salutem et incoluntatem moliantur. — *juben-*

tium, imperantium, imperiose postulantium. — *vultus*, minax nempe et torvus. — *Mente quatit solida*, ita impellere et concutere valet, ut mens ejus *solida*, h. e. immobilis, de statu suo dejiciatur. Bene ad rem comparant illud Juvenal. VIII, 79: « Phalaris licet imperet ut sis Falsus, et admoto dictet perjuriam tauro. »

4. *Neque Auster, Dux inquieti*

Dux inquieti turbidus Hadriæ,
 Nec fulminantis magna Jovis manus :
 Si fractus illabatur orbis,
 Inpavidum ferient ruinæ.
 Hac arte Pollux et vagus Hercules
 Enisus, arces attigit igneas :
 Quos inter Augustus recumbens
 Purpureo bibit ore nectar.

5

10

turbidus Hadr. etc. Nec rerum physisarum violentia, sævæ tempestates, et fulminum jactus. — *turbidus*, sc. ira; h. e. truculentus. Sic Turnus apud Virg. *Æn.* IX, 75 : « Huc *turbidus* atque huc Lustrat equo muros », et *Æn.* X, 763, Mezentius : « At vero ingentem quatiens Mezentius hastam, *Turbidus* ingreditur campo. » Similiter Claudiano de Rapt. Proserp. II, 308, *Auster* dicitur *truculentior*, — nisi quis, *turbidus* pro : turbulentus, turbas concitans, explicare malit. — *Auster dux Hadriæ*; cf. supr. I, 3, 15; et sic *Capricornus*, supr. II, 17, 19, « tyrannus Hesperis undæ » dicitur. — *magna manus*, h. e. valida, potens. Similiter de Jove Ovid. *Met.* I, 595 : « Sed qui cælestia *magna* Sceptra manu teneo; » et Sil. Ital. VII, 371, de ipso Jove fulminante : « Cælone exciderint, et *magna* fulmina dextra Torserit omnipotens; » plura vide apud *Burm.* ad Ovid. *Eleg.* in Drus. 224. — *Si fractus ill.* etc. nec, si cælum ruat, ejus ruina perterrebitur. Comparant Theogn. v. 849, et Strab. VII, p. 462. Ceterum hunc locum, ut observat *Müsch.* in suam rem vertit Senec. *Quæst.* Nat. VI, 32, et Thyest. 358.

9. *Hac arte*, hac inexpugnabili animi in proposito susceptoque consilio perseverantia. — *Pollux*, sc. cum fratre *Castore*. — *vagus*, refer ad errores quibus totum pæne terrarum orbem pervagatus esse Hercules dicitur. Euripid. *Herc. Fur.* 1196 : Οὐκ ἂν γ' εἰδέντες... Πολυπλάγκτότερον θνατῶν. — *enisus*; *eniti* proprie de iis qui cum nisu ad altiora tendunt. Male in multis codicibus legitur *in-nixus*. — *arces attigit igneas*, divini honoris in cælo particeps factus est; de Herculis divinitate vid. *Müsch.* ad h. l. — *Quos inter Aug. recumb.* etc. h. e. inter quos Augustus, eadem arte ad cælum evectus, jam Deus et Deorum mensæ consors, nectarque bibens, divino honore exsplendescit. Ex Dione LI, 20, satis enim constat a senatu Augusto vivo divinos honores decretos fuisse; unde Noster *infr.* Od. III, 5, 2 : « Præsens divus habebitur Augustus, » et *Epist.* II, 1, 15 : « Præsenti tibi maturos largimur honores, Jurandasque tuum per nomen ponimus aras. » — *Cum diis epulari*, vel *deorum mensæ et epulis adhiberi*, priacum loquendi genus pro : *inter deos ut deum versari*, vel *deorum socium esse*; sic *Hercules*,

Hac te merentem, Bacche pater, tuæ
Vexere tigres, indocili jugum

Collo trahentes. Hac Quirinus

15

Martis equis Acheronta fugit,
Gratum eloquuta consiliantibus
Junone Divis : « Ilion, Ilion

ut deus, infr. IV, 8, 30, « Jovis epulis interesse » dicitur; cf. Hom. Odyss. XI, 603; Virgil. Eclog. extr. Æn. I, 79. Scite autem poeta, ut Augusto divinitatem virtute partam adserat, eum inter eos deos epulari fingit, quæ, ut prisce sermone apud Cicer. de Legg. II, 8, dicitur : « Endo cælo merita locaverunt; » ad hos autem inprimis Hercules, Dioscuri, Bacchus et Quirinus referri solent; cf. infr. IV, 8, 30 seqq. Cicero l. l. et Sil. Ital. XV, 77 seqq. — *purpureo ore*, refer ad insignem, quem ut deus nunc vultu præ se ferebat, splendorem; sic Venus apud Virgil. Æneid. I, 590, Æneæ, ut eum deo similem redderet, « *purpureum* juventæ lumen adflasse » dicitur. Scilicet *purpureus* passim additur rebus vel personis insigni pulchritudine vel splendore conspicuis. Cl. Mitsch. os *purpureum* de eo, cui nectaris purpurei color inter bibendum adfundatur, argute magis quam vere explicat.

13. *Te merentem*, dignum, qui in cælum eveharis, te præbentem; Ovid. Trist. V, 3, 19, de Baccho : « Ipse quoque æthereas meritis invehctus es arces, Qua non exiguo facta labore via est. » — *tuæ tigres vexere*, Bacchus enim post Indiam perdomitam (cf. supr. II, 19, 17) ut victor triumphans curru tigribus juncto ductus

(Sil. Ital. XV, 79-81 : « Quid, cui, post Seras et Indos Captivo Liber quum signa referret ab Euro, Caucasæ currum duxere per oppida tigres? ») et hac triumphali specie ad cælum quoque evectus esse fingitur. Similiter Ariadne apud Propert. III, 17, 8, Bacchi « lyncibus in cælum vecta » traditur. — *indocili*, bene ad tigris, quas Bacchus condocescebat, feritatem designandam. — *Martis equis*, Ovid. Fast. II, 498, de *Romulo* in cælum vecto : « Hinc tonat, hinc missis abruptitur ignibus æther; Fit fuga : Rex patriis astra petebat equis. » Cf. Met. XIV, 805-28. — *Acheronta fugit*, observent tirones poetæ artem et copiam, qua vulgare illud : *in cælum evehi et deum fieri*, variaverit. Boettig. comparat Theoc. XVII, 47 : Ἀχέρωντα πολύστονον εὐχέπρασιν.

17. Nexus : Romulus autem deus factus est tum, postquam Juno in consilio deorum hæc ceteris diis grata verba pronunciaverat : *Ilion, Ilion*, etc. Junge : *Fatalis incestusque iudex et mulier peregrina Ilion, Ilion, cum populo et duce fraudulento, mihi castæque Minervæ, ex quo Laomedon deos mercede pacta destituit, damnatum, vertit in pulverem*; h. e. Troja, quæ mihi et Minervæ ad perfidiæ a Laomedonte commissæ pœ-

Fatalis incestusque iudex

Et mulier peregrina vertit

20

In pulverem, ex quo destituit Deos

Mercede pacta Laomedon, mihi

Castæque damnatum Minervæ

Cum populo et duce fraudulentō.

Jam nec Lacænæ splendet adulteræ

25

Famosus hospes; nec Priami domus,

nam a populo Trojano et ejus rege expetendam tradita et devota fuerat, nunc eversa et deleta est bello, quod Paris per raptum Helenæ concitaverat. — *gratum*, ceteris diis qui non amplius sua de Romulo in cælum recipiendo consilia Junonem moraturam videbant. — *consiliantibus*, qui consilium habebant, ut deliberarent. Sic Tacitus, Hist. II, 53: « Rediere omnes Bononiam consiliaturi. » — *Ilion, Ilion*, cum magna vi repetitum hoc nomen. — *Fatalis*, *δύσπαρις, αἰνόςπαρις*, in fatum (h. e. perniciem) patriæ electus. — *incestus*, ob turpe, quo Helenæ raptu tam hospitii quam conjugii sanctitatem polluit, flagitium. — *iudex*, invidiosus pro: Paris, nunquam enim ex Junonis animo excidit, ut canit Virgil. *Æn.* I, 27, « Judicium Paridis, spreteque injuria formæ. » — *mulier peregrina*, contemptum pro: Helena, quia male audire solebant mulieres peregrinæ, *ξέναι*. — *ex quo destituit Deos Merc. pacta Laom.* de perfidia, qua Laomedon Neptunum et Apollinem mercede, quam iis de commodata sibi in reficiendis Trojæ muris opera promiserat, defraudasse dicitur, res nota; vid. Homer. *Iliad.* XXI, 443

seqq. hinc Virgil. *Æneid.* IV, 542. « Laomedontæ perjuria gentis. » — *destituit. Destituere* eleganter de iis, qui fidem in re promissa fallunt, vel qui non dant quod se daturus esse promiserunt; Cic. p. Rosc. Amer. 40: « Roscius socios suos induxit, decepit, *destituit*. » — *damnatum*, devotum, destinatum, sc. ad pœnas, quibus se obligarant hac fraude Trojani, exigendas. Virg. *Æn.* IV, 699: « Stygiumque caput *damnaverat* Orco. » — *Cum pop. et duce fraudulent.* fraus enim aliqua commissa *immeritis* quoque *nepotibus* (ut supr. I, 28, 30, dicitur) *nocere* putabatur. — *duce fraudulentō*, rege Priamo, qui, quasi fraus, a patre admissa, ad filium quoque pertineat, *fraudentus* dicitur.

25. Hic aliquandiu in ultionis memoria cum voluptate morari Juno videtur. — *splendet*, sc. forma et externo cultu; Paris enim fuit admodum formosus, *θεοειδής* (Hom. II. III, 16), *αἰδός ἀπαιτός* (Hom. I. I. v. 39), et externi nitoris studiosior; hinc supr. I, 13, 14, curam inprimis in *cæsarie pectenda* posuisse dicitur; cf. Hom. I. I. 54, 55. — *Lacænæ adulteræ*, in casu tertio accipiendum: Helena haud amplius cultum Paridis et for-

Perjura pugnaces Achivos
 Hectoreis opibus refringit :
 Nostrisque ductum seditionibus
 Bellum resedit. Protinus et graves 30
 Iras, et invisum nepotem,
 Troia quem peperit sacerdos,
 Marti redonabo : illum ego lucidas
 Inire sedes ; ducere nectaris
 Succos, et adscribi quietis 35
 Ordinibus patiar Deorum ;
 Dum longus inter sæviat Ilion
 Romamque pontus : qualibet exsules
 In parte regnanto beati,

mam miratur, pulcritudinis ejus splendore capitur.—*Famosus* malam in partem hic sumitur ; sic Sueton. Claud. 16 : « Corruptelis adulteriisque famosam. »—*Hect. opib.* Hectoris virtute ; *Boettig.* comparat Senec. Troad. 124-129. Quam ornate pro : Hector e familia Priami perfida ob Laomedontem, jam non reprimat, retundit aciem Achivorum fortiter pugnantium ; jam non defendit Ilium.

29. *Nostrisque ductum sedition.* *Bellum resedit.* Bellum adversus Trojanos ductum, productum in decem annos, nostris seditionibus, dissidiis, dum alii nostrum pro Trojanis, alii pro Achivis staremus (cf. Iliad. Hom. passim ; Virgil. *Æn.* X, 7 et seqq. Ovid. *Trist.* I, 2, 8), tandem *resedit*, compositum, finitum est : imagine a subsidentibus maris procellis desumpta. — *Protinus*, jam nunc, jam hinc in posterum. — *invisum nepotem*, Romulum Junonis ex Marte nepotem,

ipsi autem Junoni invisum quia ex sacerdote Trojana, sc. Ilia, natus erat. — *Marti redon.* donabo et concedam Marti, h. e. ab ira et odio invisum mihi nepotis in Martis gratiam absistam.

33. *Lucid. sedes*, Olympum, δέματα αἰθέρας. — *ducere* ; cf. supr. ad I, 17, 22. — *quietis Ordin. Deor.* pro vulgari : *ordinibus deorum quietorum* ; nam in quiete et tranquillo otio pars divinæ felicitatis spectari solebat ; hinc apud Sil. Ital. XV, 57 : « Atque idem (*Deus*) exemplar lenis mortalibus ævi, Imperturbata placidus tenet otia mente. »

37. *Dum*, modo, dummodo. — *longus*, epitheton ornans. — *inter sæv. Ilion Rom. pontus*, gravius pro vulgari : Romam ab Illo dividat, disjungat. — *exsules*, posterius Trojanorum a terra patria exclusi. — *regnanto* ; hæc imperativi forma in legibus ac judiciis tantummodo usurpabatur ; qua utentem Junonem inducit poeta

40

Dum Priami Paridisque busto
 Insultet armentum, et catulos feræ
 Celent inultæ: stet Capitolium
 Fulgens, triumphatisque possit
 Roma ferox dare jura Medis;
 Horrenda late nomen in ultimas
 Extendat oras, qua medius liquor
 Secernit Europen ab Afro,
 Qua tumidus rigat arva Nilus;
 Aurum irreperitum, et sic melius situm,
 Quum terra celat, spernere fortior,

45
50

quasi supremam fati Romani arbi-
 tram. — *Dum Priami Parid. busto*
Insultet arment. etc. Vulgarem sen-
 tentiam: « Dummodo loca illa, ubi
 Troja stetit, sola et vasta maneant;
 vel: dummodo nemo ibi, ubi Troja
 stetit, novam urbem molitur, » egre-
 gia regionis incultus et desertæ descrip-
 tione exornavit; qui enim in agris,
 ubi alta mœnia et tecta antea surge-
 bant, armenta errare conspiciunt, et
 in locis, hominum frequentia antea
 celebribus, ferarum latibula anim-
 advertunt, eorum oculis viva sane pe-
 nitus eversæ urbis imago obversatur;
 cf. infr. Epod. XVI, 10 seqq. et
Mitsch. ad h. l. Jam vero, quum
 maxima contumelia affici putarentur
 sepulti, si quis petulantius eorum se-
 pulcris insultaret, facile apparet,
 quanto odio Juno, optans, ut *Priami*
Paridisque busto insultet armentum,
 quum in omnes veteres Trojanos, tum
 in Priamum Paridemque inprimis fla-
 graverit. — Sic apud Euripid. Electr.
 327, Ægisthus contumeliose Aga-
 memnonis busto insultat (ἐνδράματι

τάφῳ); cf. Hom. Iliad. IV, 177. —
celent, sc. ibi *inultæ*, nullis hominum
 insidiis ibi expositæ. — *possit dare*
jura, tam potens fiat, ut jura det. —
triumphatis, de quibus triumpharunt.

45. *Horrenda*, fortitudine sua ti-
 menda; ut supr. I, 28, 4, « *horribilis*
Medus », et infr. Sat. II, 8, 62, « *hor-*
rendus Parthis juvenis. » — *medius*
liquor, intellige fretum Gaditanum,
 Africam Europamque interfuens.
 Laudant illud veteris poetæ apud Cic.
 de Nat. D. III, 10: « Europam Li-
 byamque rapax ubi dividit unda. » —
tumidus, apte de fluvio nimia aqua-
 ram copia intumescente, et super ri-
 pas in agros se effundente. Designat
 autem poeta terras, ad quas usque
 tum temporis victricia Romanorum
 arma pervenerant, remotissimas; vic-
 toriarum inprimis, quas ex Hispania
 et Ægypto reportaverat Augustus, in
 ejus laudem et gloriam respectu ha-
 bito: quod vel tirones sentient.

49. *Aurum irreperit.* quod terra
 celat, quod non reperitur nisi quæra-
 tur. — *spernere fortior*, quæ majorem

Quam cogere, humanos in usus
 Omne sacrum rapiente dextra.
 Quicunque mundo terminus obstitit,
 Hunc tangat armis, visere gestiens,
 Qua parte debacchentur ignes,
 Qua nebulæ pluviiue rores.
 Sed bellicosus fata Quiritibus
 Hac lege dico, ne nimium pii,
 Rebusque fidentes, avitæ
 Tecta velint reparare Trojæ.
 Trojæ renascens alite lugubri
 Fortuna tristi clade iterabitur,
 Ducente victrices catervas
 Conjuge me Jovis et sorore.

55

60

fortitudinem ostendit in spernendo auro, quam in eo cogendo, etc. — *cogere*, exquisitissime dictum. Vim enim naturæ inferre videtur qui metallum visceribus terræ reconditum effodit. — *Omne sacrum rap. dext.* dextra quæ rapit sanctissima quæque; quippe quum auri cupiditas et sacra famas impellat hominum manus ad rapienda et spolianda omnia sacra, ad res sanctissimas violandas. Teles quoque apud Stobæum XCI p. 510, 54, ad mala, quæ divitiarum cupiditate proferuntur, sacrilegia refert, *δὴ κέρδος, αἰεὶς, ἰσὰ σὺλᾶται.* — *humanos*, profanos, ex opposit. τοῦ *sacrum*.

53. *Quicunque mundo terminus obstitit*, quicunque terminus orbi terrarum objectus est, h. e. quæcunque in extremo terrarum termino posita est regio; alii legunt: *mundi*, non ad veterum codicum fidem. — *tangat*, attingat. — *Qua parte debacchentur*

ignes, *Qua*, etc. regionem, ubi aut solis æstus, aut nebularum pluviarumque vis sæviat, h. e. regionem, aut zonæ torridæ aut zonæ frigidæ subjectam; de zona torrida et frigida cf. supr. I, 22, 17 seqq. ubi similiter fere de zona frigida: « Quod latus mundi nebulæ malusque Jupiter urget. » Vid. Virg. Georg. I, 235.

58. *Nimium pii*, nimio pietatis in metropolin studio ducti; ad reparandas enim urbes eversas earum veteres incolæ *pietatis* officio teneri putabantur. — *Rebusque fidentes*, potentia freti opibus confisi, rerum successu nimis elati.

61. *Trojæ renascens fortuna*, exquisitius pro: Fortuna Trojæ renascentis; sensus: Quam sortem jam semel a Græciæ experta est Troja, eandem illa infausto omine de integro exstructa iterum tristi clade experietur; renascens, ut Pergama recidiva

Ter si resurgat murus aheneus,
Auctore Phœbo; ter pereat meis

65

Excisus Argivis; ter uxor

Capta virum puerosque ploret. »

Non hæc jocosæ conveniunt lyræ :

Quo Musa tendis? Desine pervicax

70

Referre sermones Deorum; et

Magna modis tenuare parvis.

apud Virg. *Æn.* IV, 344. — *alite lugubri*, vid. supr. *Od.* I, 48, 5: « Mala ducis avi domum. » — *Ducente catervas*, similiter Juno « ferro accincta agmen vocare » fingitur apud Virgil. *Æn.* II, 813. — *Conjuge me Jovis et sorore*, nota cum quanta vi his verbis strophe finiatur, et quanta inde gravitas deæ minis addatur. Laudant notissimum illud Virgilii, *Æn.* I, 47: « Ast ego, quæ divum incedo regina, Jovisque Et soror et conjux. » Ibid. VIII, 308. Cf. Hom. *Iliad.* XVI, 432.

65. *Ter si resurgat*: mira δεινότης in triplici repetitione h. v. *ter*. — *murus aheneus*, murus, non jam ex lapidibus, ut antea, sed ex ære constans. Hinc infr. *Epist.* I, 1, 60: « Hic murus aheneus esto, Nil conscire sibi, nulla pallescere culpa. » Firmissima quæque enim poetæ *ferrea* vel *ahenea*

faciunt; similiter « mœnia Cyclopum educta caminis » de regia Plutonis apud Virg. VI, 680. — *auctore*, h. e. conditore; Virgil. *Georg.* III, 36: « Trojæ Cynthius auctor; » cf. supr. ad v. 22. — *uxor capta... ploret*. Cf. Hom. *Iliad.* IX, 589 seqq.

69. Subita poetæ ad se, vel Musam suam conversio, et repente compressus impetus, quo se temere ut poetam tenuem ad rem graviolem enarrandam abripi passus sit, mirifice totius carminis sublimitatem auget. Similiter a gravioris rei tractatione Musam suam revocat supr. II, 1 extr. — *pervicax*, ut supr. l. l. *procax* de Musa, quæ temere et audacius aliquid molitur, et pervicaciter in proposito persistit. *Magna modis tenuare parvis*, sublimia carmine tenui ad humilitatem deprimere.

ANALYSIS. Nonnulli sunt clarissimi interpretes, inter quos *Dacierius*, *Vanderbourg*, etc. qui hanc oden ideo secreto Mæcenatis jussu scriptam fuisse putent, ut Augustus deterreretur a consilio quod olim Jul. Cæsar inierat, quodque successor Cæsaribus et filius adoptivus credebatur repetisse, migrandi Alexandriam vel Ilium, translatis simul opibus imperii, exhaustaque delectibus Italia, quam rem narrat Suetonius in Vita Cæsaribus cap. 79. Hanc sententiam confirmant Junonis apud Divos concione, præsertim v. 37 sqq. et 58 et

seq. contenduntque, resecta illa interpretatione non nisi splendidibus pannis contextum carmen videri. Alii vero inter quos, *Juvenicius, Wetzelius, Müs-cherlichius, Doeringius*, silentio freti scriptorum qui Vitam Augusti tradiderunt, hanc opinionem, ut mere hypotheticam, rejiciunt, voluntque hoc carmen non nisi ad ethicam spectare. Hæc mihi magis placet sententia; quam qui cum probaverint, sic contextam idearum seriem videbunt: Justitiam et constantiam, quæ nulla omnino vi et potentia concuti et a proposito abduci potest, ut eas virtutes, quibus jam olim summis priscæ ætatis heroibus, Dioecuriis, Herculi, Baccho et Romulo divinus in cælo honor partus sit, popularibus suis exercendas commendat. In qua quidem harum virtutum commendatione quamvis totius carminis summa ponenda est, poeta tamen, ut carmini suo majorem quum dignitatem tum sublimitatem pararet, digressioni, quam Romuli suppeditabat exemplum, multo longius, quam ipsi argumento, immoratus est. Fingit nempe Junonem, expiato tandem, quo illa gentem Trojanam adhuc ejusque posteros persecuta fuerat, odio, quum Dii in solemni consilio de Romulo in cœtum Deorum recipiendo deliberarent, in hanc fere sententiam ceteris Diis gratissima verba fecisse: «Troja, cujus perfidiam ulciscendi mihi atque Minervæ partes datæ sunt, versa est per Paridem et Helenam in pulverem, nec perjura domus Priami amplius Græcis resistit; ipsum bellum denique, tam diu dissensu nostro extractum, compositum est; jam non amplius graves iras in Trojanorum nepotes exercebo; jam in Martis gratiam concedam, ut Romulus, quem ille e Trojanæ originis sacerdote, Ilia, procreavit, deorum ordinibus adscribatur; immo concedam, ut Romani, dummodo eorum imperium per longum mare a terra Trojana sejunctum maneat, et loca illa circa Priami et Paridis bustum vasta et inculta jaceant, in quacunque alia regione beati regnent, floreat, de victis populis triumphent, et nominis sui gloriam ad remotissimas terras extendant. Multo fortiores tamen illi se præbunt, dum spretis divitiis paupertati et parcimoniæ apud eos honor fuerit. Ne multa! totus terrarum orbis Romanorum subjiciatur imperio, modo illi in æternum veterem Trojam reparandi abjiciant consilium! Trojam enim recidivam vel denuo surgentem iterum bello petam, eamque vel munitissimam funditus iterum evertam.» Hac Junonis oratione exposita, poeta, percussus quasi audaciæ, qua deorum sermones retulerit, cogitatione, repente carmen finit. — Quod ad longiorem poetæ digressionem, male a nonnullis reprehensam, attinet, in ea ipsa, qui sensum pulcri habet, hujus carminis excellentiam ponendam esse facile sentiet. Scilicet poetæ, ut lectores suos in re sterili quoque delectent, studiose ea, in quibus adumbrandis et exornandis ingenii sui vim artemque ostentare possunt, arripere carminibusque suis inserere, inprimis vero, quo nihil ad lectorum animos detinendos efficacius est, personas tam agentes quam loquentes inducere solent. Felicissime igitur poetam artificio illo in hoc carmine usum esse dixerim. Quis est enim, quem in eo non capiat gravissima Junonis oratio? et quis in aliis poetæ nostri digressionibus longioribus, v. c.

infr. III, 5 et 27, ea, quas Regulus et Europa loquuntur, sine summa delectatione et admiratione legere potest? Dicebam ab initio, hoc carmen in laudem justitiæ et constantiæ scriptum esse. Quid? si totum hoc carmen poetam eo imprimis consilio, ut *Augustum Deorum ordinibus tanquam Deum insereret*, scripsisse dicamus? Est enim hæc poetarum lyricorum ars, ut sæpius rem ipsam, quam carmine celebraturi sunt, breviter tantum et obiter quasi tangant, eam vero cum ceteris carminis sententiis tam sollerter conjungant, ut eo magnificentius illa exsplendescat. Jam vero quid in Augusti laudem brevis simulque gravior et splendidius dici potuit, quam quod v. 11, 12, « Quos inter Augustus recumbens Purpureo bibit ore nectar, » de ejus divinitate dictum est? Ampliores certe Augusti laudes ne amplissimum quidem carmen complecti poterat!

CARMEN IV.

AD CALLIOPEN.

Commemorat magna Musarum in se beneficia; eas quoque Augusti animo vim temperatam injecisse ait, qua reipublicæ hostes vicerit.

DESCENDE cælo, et dic age tibia
Regina longum Calliope melos,
Seu voce nunc mavis acuta,
Seu fidibus citharaque Phœbi.

1. *Descende cælo*; comparant Alcmanis Fragm. apud Hephæst. p. 22: Μῶς' ἄγε Καλλιόπη θύγατερ Διός, Ἄρχ' ἱερῶν ἐπίων, ἐπὶ δ' ἡμερον ὄμινοι καὶ χάρις τῶσι χορὸν. — *cælo*, Musæ enim in cælo quoque inter ceteros deos versari finguntur, hinc Ὀλυμπιάδης dicantur Hom. Iliad. II, 491, et Ennio: « Musæ, quas pedibus magnum pulsatis Olympum. » — *Regina*, ut

dea, vel quia est, ut illa Hesiodo Theog. 79 dicitur, προφασιστὴν ἀπαστῶν. — *longum*, explicant: longe duraturum, æternum; et sic fere *longus somnus* infr. III, 14, 38; sed nihil impedit, quo minus *longum melos* de carmine ampliore et copiosiore explicetur; quo longius enim et uberius Musa canebat carmen, eo major poetæ illud audientis debebat

Auditis?... an me ludit amabilis

5

Insania?... Audire, et videor pios

Errare per lucos, amœnæ

Quos et aquæ subeunt et auræ.

Me fabulosæ, Vulture in Appulo,

Altricis extra limen Apuliæ,

10

esse delectatio. — *acuta*, acutos et claros sonos edente, h. e. *clarisona*, ut ejusmodi vocem appellat Catullus LXIV, 321.

8. *Auditis*? Poeta, quasi vocata e cælo jam ad eum descenderit Calliope, videt et audit, quæ divino numine pleni audire et videre sibi videntur; querit igitur e circumstantibus: *auditis*? scilicet canentem Calliopen. — *amabilis Insania*, dulcis furor; timet tamen poeta, ne græto errore decipiat. — *pios*, novem doctis sororibus sacros, nec nisi piis earum alumnia adeundos. — *amœnæ quos et aquæ sub. et aur.* ad locorum enim amœnitatem pertinent transeuntes aquæ et auræ mitioris flatus.

9. Ad nectendas inter se sententias supple fere hæc: Scilicet a prima pueritia singulari ego fruor Musarum tutela et benevolentia; nam *fabulosæ palumbes texere nova fronde me puerum ludo somnoque fatigatum in Vulture Appulo*, quum evagatus essem extra limen altricis Apuliæ. — Rem narrat, quæ sibi admodum puero acciderit. Quum lusisset nempe aliquando extra domum patriam, in regione adjacente, cum æqualibus; in monte Vulture, ubi præ lassitudine somno oppressus fuerat, inter medias sævas bestias salvus et incolumis inventus est. — Quam statim alia, qui-

bus vere Horatium expositum fuisse constat, subjungantur, vitæ pericula, non totam rem, ut *Boettigerus* autumat, ad simile quoddam Pindari de pueritia sua commentum finxisse, sed ea tantum, e quibus se tum a Musis servatum esse appareat, affinxisse videtur. Rem veram igitur re ficta de palumbibus, quæ Horatium, ut futurum poetam, lauro et mirto Musarum jussu contra sævas bestias texisse dicuntur, egregie in Musarum laudem exornat.

— *palumbes fabulosæ*, de quarum ministerio sæpe in fabulis fit mentio; sic *columbæ* Jovi ambrosiam attulisse finguntur apud Hom. Odyss. XII, 62. — *Vult. in App. Altr. extr. lim. Ap. lud. fat. som.* h. e. quum extra Venu- siam, quæ alma in Apulia mihi est patria, me ita fatigasset ludus puerilis, ut somno opprimerer in Vulture, monte Appulo. — *Vultur*, seu *Vultur- nus* mons Apuliæ in Lucaniam pro- currens; adjecisse autem poeta ideo videtur *Appulo*, ut eam montis partem designaret, quæ ad Apuliam referebat. — *Altricis Apuliæ*, terræ patriæ, *Venusiæ*, inter Apuliam et Lucaniam sitæ. — *limen*, intellige eos natalis soli terminos, ultra quos, ut teneræ adhuc ætatis puer, non evagari debue- rat. — *Ludo somnoque fatig.* proprie quidem non somno fatigamur, sed la- bore aliquo defatigati eo opprimimur;

Ludo fatigatumque somno
 Fronde nova puerum palumbes
 Texere: mirum quod foret omnibus,
 Quicunque celsæ nidum Acherontiae,
 Saltusque Bantinos, et arvum
 Pingue tenent humilis Forenti;
 Ut tuto ab atris corpore viperis
 Dormirem et ursis; ut premerer sacra
 Lauroque collataque myrto,
 Non sine Dis animosus infans.
 Vester, Camenæ, vester in arduos
 Tollor Sabinos; seu mihi frigidum

15

20

itaque τὸ *oppressum*, quod simul in voce *fatigatum* latet, inde elici debet, ut apud Homerum II. XII, 98, καμάτω δδδχότος ἡδὲ καὶ ὑπνῶ.—*Fronde* sc. lauri et myrti, ut ex v. 19, apparet.—*nova*, recens nata, viridi; sic *novæ frondes* apud Ovid. Art. Am. I, 299: Fast. III, 138; et sic passim *novi flores*, *nova herba*, *rosa*, etc.

13. *Mirum quod foret omnibus*, etc. quod omnes Vulturii accolae in stuporem dedit, quum viderent, *ut*, h. e. quomodo, *dormirem*, etc. testes autem hujus rei facit incolae trium oppidorum, in montis Vulturii vicinitate sitorum, *Acherontiae*, *Bantiae* et *Forenti*.—*Acherontia*, quod in loco arduo, nidi instar in celsa arbore, exstructa fuit, *nidus celsæ Acherontiae* vocatur; ad quam rei similitudinem Cicero quoque (Orat. I, 44). Ithacam « Nidulum in asperrimis saxis affixum » appellat.—*Sal. Bantin*. Bantiam, saltibus cinctam. — *Forenti* (nunc *Forenza*) oppidi in valle siti,

unde illud *humile* dictum est. — *ut premerer* eleganter pro: uti contegerer. — *collata*, congesta; finge tibi palumbes iaurum et myrtum e locis remotioribus attulisse. — *Non sine Dis*, (ὅν δδδσ) sub Musarum tutela.—*animosus*, impavidus, qui in loco ursis et viperis infestato dormire non time-rem.

21. Quocunque me confero, mihi adestis comites, et me ut vestrum alumnus et cultorem vestro fovetis et tegitis praesidio.—Ad quam quidem sententiam exornandam sponte Horatio nunc ea inprimis agrorum loca occurrere debebant, in quæ sæpius ex urbe animi recreandi causa secedere solebat. — *in arduos tollor Sabinos*, ubi villam suam habebat Horatius; cf. supr. II, 18, 14. *tollor* significanter pro: proficiscor, quia in loca ardua proficiscentes per acclivia tolli debent. — *frigidum Praeneste*, hoc quoque Latii oppidum (nunc *Palestrina*) in loco edito situm fuit, unde illud *altum*

Præneste, seu Tibur supinum,
 Seu liquidæ placuere Baiæ.
 Vestris amicum fontibus et choris, 25
 Non me Philippis versa acies retro,
 Devota non exstinxit arbor,
 Nec Sicula Palinurus unda.
 Utcunque mecum vos eritis, libens
 Insanientem navita Bosporum 30
 Tentabo, et arentes arenas
 Litoris Assyrii viator.

dicatur Virgil. *Æn.* VII, 682, cf. Strab. V, p. 348, et ob id ipsum Nostro: *frigidum*. — *Tibur supinum* (nunc *Tivoli*) in colle leniter assurgente positum, vel, (quod Livius I, 3, de Alba-Longa dixit) in montis dorso porrectum; de voce *supinus* in hac significatione vid. *Bentl.* infr. ad Epod. I, 29. — *liquidæ* refer ad naturam aquarum, quarum salubritatis causa Baiis, oppido in Campania amœnissimo, Romani, ut satis constat, frequenter commorari solebant.

25 *Vestris amic. font. et choris*, pro vulgari: me poetam; ut supr. I, 26, 1: « Musis amicus, etc. » — *Philipp. versa acies retro*, clades illa fusi ad Philippos exercitus; servatam autem in pugna illa funesta vitam, quam supr. II, 7, 13, Mercurii tribuit custodiæ, jam causæ suæ inserviens Musarum tutelæ se debere ait. — *Devota*, exsecrabilis, « nefasto scilicet die (ut supr. II, 13, 1-3, dicitur), posita et sacrilega manu producta ». — *Palinurus*, tempestas, qua olim ad promontorium Palinurum oppressus et ad summum vitæ discrimen adductus fui.

— *Palinurus*, notum in ora Lucaniæ prope Veliæ promontorium, naufragiis inprimis, quæ crebro ibi ad latentes scopulos fieri solebant, infame, ab Æneæ gubernatore, *Palinuro*, ita dictum. Virg. *Æn.* VI, 581. — *Sicula unda*, latiore sensu pro: mari Tyrreno, cujus pars certe Siciliam præterlabitur. Ceterum hujus periculi, cui poeta in mari expositus fuerit, nulla alibi fit mentio.

29. In vestro comitatu periculosissima quæque loca tam mari quam terra securo animo adibo, nec ullius barbaræ gentis sævitiam timebo. — *Utcunque*, quodcumque, dum; *insanientem*, ob ventorum furorem, quo mare ibi concitari solet. — *Bosporum*, de Bosporo Thracio, navigantibus infestissimo, cf. supr. ad II, 13, 15. — *Tentabo*, eleganter pro: audacter adibo; *tentare*, enim eleganter dicuntur, qui res periculosas cum audacia et fiducia quadam suscipiunt. — *arentes arenas*, arenosa deserta. — *Lit. Assyrii viator*, h. e. iter pedestre faciens per arenarum acervos in Syria; *litus* enim jam, ut Græcorum θίς, de arenarum cumu-

Visam Britannos hospitibus feros,
Et lætum equino sanguine Concanum;

Visam pharetratos Gelonos

35

Et Scythicum inviolatus amnem.

Vos Cæsarem altum, militia simul

Fessas cohortes abdidit oppidis,

Finire quærentem labores,

Pierio recreatis antro:

40

lis, sive coacervata arenæ copia; vid. *Bœtt.* et *Müsch.* ad h. l. *Assyrii* pro: *Syrii*, ut sæpe. Designari autem a poeta putant *Syriæ Palmyrenæ solitudines*, de quibus vid. *Plin.* V, 24, 25.

35. *Britan. hospit. feros*, nam si verum est, quod *Acron* ad h. l. observat, *Britanni* immolare solebant hospites. — *lætum equino sang. Concan.* de hoc barbaro more, quo *Concani*, *Cantabrie* in *Hispania Tarraconensi* populus, sanguinis equini potu delectati esse dicuntur, nihil quidem aliunde constat; sed quum *Scythæ*, quibuscum multa teste *Strabone* III, p. 165, communia habuere *Cantabri*, secundum *Virg. Georg.* III, 464, « Lac concretum cum sanguine equino » potaverint, vel inde, quod *Hor.* de *Concanis* memorat, admodum fit probabile. — *Gelonos*, gentem *Sarmaticam*, amnem *Borysthenem* accolentes, *pharetratos*, similiter ad eorum feritatem designandam *Virgilio*, *Æn.* VIII, 725, dicantur *sagittiferi*. — *Scythicum amnem*, h. e. *Tanaim*, pro *Scythiis*, ejus accolis.

37. In vestro, o *Musæ*, consortio *Augusti* quoque animus ex finiti belli laboribus reficitur; h. e. *Augustus*, perfunctus belli laboribus, animi recreandi causa, *litterarum studia* tractat. Delica-

tissima prorsus ingenii ratione, vates *Musæ* ideo erga se beneficentissimas declarat ac profitetur, quod *Augustum* recreaverint. De opera in *litterarum studiis* ab *Augusto* posita testis est *Suetonius Oct.* c. 84, 85. — *altum*, longe super alios elatum, excelsum; *Ovid.* ex *Pont.* II, 3, 63. — *Simul*, postquam. — *oppidis*, sc. *coloniarum*, quæ præmii loco post bellum assignari solebant militibus; *elegantem* autem emeriti milites *oppidis abdi* dicuntur, quod ibi militiæ officiis liberi adeoque a publica quasi luce remoti in otio delitescerant; similiter *infr. Epist.* I, 4, 8, *gladiator rudedonatus agro abditus latere* dicitur; nec dissimili ratione apud *Ciceronem Arch.* 6: « *Litteris se abdere* » dicuntur, qui, fugientes quasi lucem publicam, in umbra et otio *litteris* tantum sibi que vivunt. — *Pierio antro*, quem *Musæ* amant, et artibus suis erudiunt, is una cum iis in amoenis recessibus (qualis inter alios *Musis* fuit in antro quodam *Pieris*, montis in *Macedonia*) versari et earum cantibus delectari fingitur. — *lene consilium*, spectat ad clementiam qua post bella civilia inprimis prudenter *Augustum* potentiam suam temperasse constat; respicitque præsertim ad se

Vos lene consilium et datis, et dato
 Gaudetis almæ. Scimus ut impios
 Titanas immanemque turmam
 Fulmine sustulerit caduco,
 Qui terram inertem, qui mare temperat
 Ventosum, et urbes, regnaque tristia,
 Divosque, mortalesque turbas
 Imperio regit unus æquo.
 Magnum illa terrorem intulerat Jovi

45

poeta, qui Bruti et Cassii partes secutus, ab Augusto ingratiam receptus est. In hac porro voce *consilium* duæ ultimæ syllabæ in unam coalescunt, et legendum est, *consiljum*, ut constet versus. — *Gaudetis*, dum Augustum studiose, quæ datis ei consilia, exsequi videtis.

42. Sententiarum nexus fere hic est: injecta est a Musis ea Cæsari prudentia, ea vis bene temperata, qua sola res bene geri possunt; scimus enim ut hostes facile armatus vicerit. Hic scilicet poeta, sub imagine Jovis Gigantes debellantis, Augustum adumbrat hostes suos profligantem; nonnulli etiam volunt sub Gigantum nominibus, Brutum et Cassium significari, hancque sententiam non repudiaverim; qua tamen admissa non possum non Horatium turpissimæ adulationis arguere, qui has partes quas secutus erat, hos viros quibus ducibus pugnaverat, ipse damnare et contumeliis persequi non dubitet; victoris sibi gratiam conciliaturus, et suam cum Bruto et Cassio societatem quasi expiaturus, coevictos mortuosque suis quoque ictibus percutiendo. — Comparant cum h. l. Pind. Pyth. VIII, de poenis, quas temeritatem et insolentiam mancant, pariter Gigantum exemplo usum; in-

primis autem hac pertinet Pind. Pyth. I, 25. Ceterum, quod Illustrissimus Heynius in Not. ad Apollod. p. 67, observat, geminam de Titanum et Gigantum pugna fabulam seriores inprimis poetæ ob magnam, quæ inter utramque intercedit, similitudinem ita inter se confudisse, ut pæne in unam conflueret, id in permixtis Titanum Gigantumque nominibus hic quoque tenendum est. — *impios*, impio ausu contra deos adeo assurgentes. — *immanem*, immani corporum mole se jactantem. — *caduco*, decidente, dejecto, ut supr. II, 13, 11, *lignum caducum*: pro *caduco* præter omnem quidem necessitatem et Vett. Libb. auctoritatem, sed admodum ingeniose et præclare ad rei imaginem tentabat Benuleius: *corusco*. — *inertem*, h. e. immobilem; similiter Noster terram *brutam* dixit supr. I, 34, 9, ubi confer not. — *regna tristia*, Tartara. — *æquo*, miti et justo. — *unus*, solus Jupiter, rex unicus. Hoc verbo mihi videtur vates imperium unius commendare; Augustum unum reipublicæ imperare debere innuens, hand secus ac Jupiter unus orbi imperat.

49. *Terror, intul.* Supra II, 12, 7:

Fidens juvenus horrida brachiis,

50

Fratresque tendentes opaco

Pelion imposuisse Olympo.

Sed quid Typhoeus, et validus Mimas,

Aut quid minaci Porphyryon statu,

Quid Rhoetus, evolsisque truncis

55

Enceladus jaculator audax,

« unde periculum Fulgens contremuit domus Saturni veteris. » — *horrida*, refer ad externam Gigantum speciem, sive ad prodigiosa eorum corpora, multis brachiis horrentia; tribuuntur enim iis vel centum, vel mille adeo manus (Ovid. Fast. V, 37), unde dicti sunt πολυπῆχες, ἑκατόγχιρες. — *Fidens brachiis*, ut apud Homerum II. XII, 135, χείρσσι πεποιότας. — *Fratresque*, Otus et Ephialtes, Aloidae, qui, ut Virgilius quoque Georg. I, 281 seq. de his *conjuratis fratribus* canit: « Ter sunt conati imponere Pelio Ossam Scilicet, atque Ossæ frondosum involvere Olympum ». Cf. Æn. VI, 580. Adnumerantur autem nunc Otus et Ephialtes Gigantibus, quod his similia moliti sunt. Inter Gigantes Ephialtes quoque apparet apud Apollodor. I, 6, 2.

53. *Sed quid Typhoeus, et, etc.* Sed ne Gigantum quidem ferocissimi Typhoeus, Mimas, Porphyryon, Rhoetus et Enceladus vim et potentiam Minervæ, Vulcani, Junonis et Apollinis sustinere potuerunt. — *Typhoeus*, gr. Τυφώεις, (horrendæ figuræ monstrum, vid. Hesiod. Theog. 821, Apollodor. I, 6, 3.) quem alii post Gigantomachiam demum a Jove, quem stolidè petierat, dejectum, et, Sicilia ei imposita, perdomitum esse narrant, jam uti,

apud Pindarum Pyth. VIII, 20, inter Gigantes apparet. — *Mimas* inter Centauros quidem commemoratur apud Hesiod. Scut. Herc. v. 186; sed idem inter Gigantes quoque occurrit apud Euripid. Jon. 215. Cf. Claud. Rapt. Proserp. III, 347. — *Porphyryon*, Gigas, terribili forma et sævitia inter ceteros princeps, unde Pindaro l. l. v. 22. βασιλεὺς Ἰγαντων appellatur. — *minaci statu*, terribili, quo ad pugnam procedebat, gradu; *status* in re gladiatoria de gradu, vel eo pedes sistendi modo, quo quis in pugna se adversario opponit; *minaci* refer ad terribilem vastissimi, quo Porphyryon imminabat, corporis adspectum. — *Rhoetus*, cf. supr. ad II, 19, 23. — *Enceladus*, diversus quidem a Typhoeo, sed cui pariter, ut illi, in pugna contra Deos Sicilia, sive Ætna superinjecta esse fingitur; Virg. Æn. III, 578. Quint. Calab. XIV, 582. Laus vero de hoc monstro devicto tribuitur Minervæ; vid. Apollod. I, 6, 2, Euripid. Herc. Fur. 908. — *evolsiq. truncis jacul. audax*, docte pro, truncos arborum radicitus evulsos ad cælum audacter jaculans. Ἀρὺς ἑμμένας adversus Deos jactas memorat Apollod. l. l. — *sonantem ægida*, h. e. clypeum, cujus ipso sonitu terrorem incutiebat Minerva. Per Minervam hic significatur

Contra sonantem Palladis ægida
 Possent ruentes? Hinc avidus stetit
 Volcanus, hinc matrona Juno, et
 Nunquam humeris positurus arcum, 60
 Qui rore puro Castaliæ lavit
 Crines solutos, qui Lyciæ tenet
 Dumeta natalemque silvam,
 Delius et Patareus Apollo.
 Vis consilii expers mole ruit sua: 65
 Vim temperatam Dî quoque provehunt
 In majus; idem odere vires
 Omne nefas animo moventes.

prudencia ac *vis temperata* quam leni consilio Musæ Augusto iniecerant. — *Possent*, efficerent, valerent.

58. *Hinc*, ex parte Minervæ. — *avidus*, vel perpetuo Vulcani epitheto, ex natura ignis; vel *avidus* pugnae; *Aeneas* quoque apud Virg. *Æn.* XII, 430, pugnandi cupiditate flagrans *avidus pugnae* dicitur. — *matrona*, ad Junonis dignitatem refer. « Si torus in pretio est, dicor matrona tonantis. » Ovid. *Fast.* VI, 33. — *Nunquam humeris*, qui semper arcum gestat. — *Qui rore puro*, etc. Jam Apollinem, ut ejus laudem, sicut Jovis v. 45-48, amplifcet, a locis, quibus ille præerat, vel ubi præsens numen suum declarabat, uberius ut solent poetas, designat. — *Castal.* — *Castaliæ*, fons in Parnassi jugo, Apollini sacer; fit autem hujus fontis, ubi ut pulcher juvenis promissos crines lavisse dicitur, ideo inprimis mentio, ut simul eum Musarum præsidem celebret; simili-

ter Apollo infr. IV, 6, 26: « amne Xantho crines lavisse » fingitur. — *Lyciæ dumeta*, intellige Pataram, oppidum Lyciæ, (unde statim ille *Patareus*) ubi Apollo, ut observat Servius ad Virgil. *Æn.* IV 144, sex hiemalibus mensibus commorari solebat, uti sex mensibus æstivis in insula Delo, quæ per *silvam natalem* designatur, unde *Delius*. — Per *dumeta* autem intellige regionem dumetis, vepribus, et virgultis obsitam. Ceterum cum h. l. opportune comparant Pind. *Pyth.* I, 74.

65. *Vis consil. exp. mole ruit sua*. Comparant in hanc sententiam Eurip. ap. Stob. *Floril. Grot.* p. 407: « ῥώμῃ ἀμαθὲς πολλοῦς τίττει βλάβην », et Pindar. *Pyth.* VIII, 19: « Βία δὲ καὶ μεγαλαυχὸν ἰσφάλεν ἐν χρόνῳ. » — *temperatam* sc. consilio. — *Idem odere vires*, Cl. *Mitsch.* comparat Euripid. *Hel.* 909: « μισαὶ γὰρ ὁ θεὸς τὴν βίαν. » cf. eundem *Orest.* 705. — *vir. Omne nefas animo moventes*, h. e. eos, qui

Testis mearum centimanus Gyges

Sententiarum, notus et integræ

70

Tentator Orion Dianæ,

Virginea domitus sagitta.

Injecta monstris Terra dolet suis,

Mæretque partus fulmine luridum

Missos ad Orcum : nec peredit

75

Impositam celer ignis Ætnam;

Incontinentis nec Tityi jecur

Relinquit ales, nequitiae additus

vires haud consilio temperant, sed temere iis confisi nefanda quævis moliantur.

69. Sensus : Vera esse, quæ dixi, probant exempla eorum, qui jam olim stolidæ temeritatis et impiorum auctorum pœnas dederunt, ut Gyges, Orion, Tityus et Pirithous. — *meorum sententiarum* pro vulgari : eorum, quæ dixi et monui. — *Gyges*, centimanus, Cæli et Terræ filius, qui cum fratribus suis *Cotto* et *Briareo* a patre in Tartara detrusus, et inde a Jove reductus ei in perdomandis Titanibus auxilio adfuisse perhibetur, (vid. Hesiod. Theog. 617, seqq.) jam, ut Briareus apud Virg. Æn. X, 565, seqq. cum Gigantibus permiscetur; cf. supr. ad 43 seqq. — *Orion*, notus venator, (vid. supr. II, 13, 39) qui, cum libidinose sollicitasset Dianæ pudicitiam, ab ea sagittis confossus esse dicitur; vid. *Hygin.* Fab. 195 et *Heyn.* Not. ad Apollod. p. 53. — *notus*, famosus. — *Tentator*, ut *tentare*, (Græcis *πυρρῶν*, vid. *Hemsterhus.* ad Lucian. Dial. D. 6, T. I, p. 217) de eo,

qui pudicitiam puellis eripere tentat. — *integræ*, intactæ.

73. In duabus ultimis strophis validissima significatur Augusti potentia, qua factiones omnes in æternum opprimuntur. — *Injecta monstris suis*, superinjecta monstrosiis suis filiis. — *partus*, eos, quos peperit; quod voces antecedentes *monstris suis* magis explicat. — *luridum*, pallidum, perpetuum rerum infernarum epitheton. — *nec pered. imposuit. ignis Ætnam*, h. e. nec ignis, (quem vel Typhoeus vel Enceladus ex Ætnæ cavernis evomere credebatur) consumere valet Ætnam ei impositam, pro vulgari : nec unquam e locis, ad quæ detrusi scelerum suorum pœnas luunt, se expedire vel liberari possunt.

77. *Tityi*, cf. supr. ad II, 14, 8; *incontinentis*, a turpi libidine haud se temperantis. — *ales, nequit. addit.* *Custos* vultur, cui id datum est negotii, ut tanquam appositus custos, aditus adit Tityo, et ejus jecur exedendo perpetratis nequitiae pœnas ab eo exigat. — *Pirithous*, Ixionis filium,

Custos : amatorem trecentæ

Pirithoum cohibent catenæ.

80

quem una cum Theseo ad inferos Proserpinæ inde rapiendæ causa, descendisse, et ibi, ut temeritatis suæ poenam exsolveret, a Platone saxis alligatum esse narrant; vid. Apollodor. II, 5, 12, et ibi Heyn. cf. Diod. Sic. IV, 63. De Pyrrhoi supplicio vid. etiam Æneid. VI, 621.

ANALYSIS. Quod in Analysis carminis antecedentis monitum est de arte et sollertia, qua poetæ lyrici sententiam, in qua totius carminis finis ponendus est, breviter tantum tangere, in ceteris vero ad eam accommodandis et referendis liberius exsultare soleat, id in hoc quoque carmine recte dijudicando teneri debet. Nam, si quid video, totius hujus carminis, ut ita dicam, cardo vertitur in *laude*, quam poeta *Augusti ingenio litterarum studiis exculto* tribuit. Jam vero quum poetæ Musas doctrinæ magistras faciant, adeoque earum laus cum laude doctrinæ arcto vinculo conjuncta sit; Horatius, Augusti doctrinam et sapientiam laudaturus, hanc opportunam in laudes Musarum excurrendi occasionem cupide amplexus est. Exordiens igitur hoc carmen incalcescit statim Musarum cogitatione; advocat Calliopem, ut sibi carmen canat; sentit appropinquantis Musæ præsentiam, audit dulcissimos ejus modos, et hac dulci insania plenus in ipsis Musarum lucis sibi errare videtur; dum stupet attonitus, reputare secum incipit, quæ sibi a prima pueritia Musæ præstiterint; narrat igitur, quomodo non solum puer olim in monte Vulture dormiens defensus ab iis contra sævas bestias, sed ex tribus aliis quoque vitæ periculis peculiari earundem tutela servatus fuerit. Quibus narratis animo adurgit, et ubique vel apud quoque populos feros et barbaros se tutum ab omni periculo sub Musarum præsidio fore prædicat. Tum ad ea, quæ Augustus Musarum favori debeat, transiens, quomodo ille militiæ laboribus fessus non solum in earum consortio recreetur, sed ab iis quoque sapientiore consilio regatur et sustentetur, breviter exponit. Ut eo magis autem appareat, quantum præstet potentia consilii et prudentia temperata stultitiæ et temeritati eorum, qui nimium viribus suis confisi præ se contemnunt omnia, Gigantum et aliorum, qui graves audaciæ suæ pœnas dederunt, exempla proponit, sub quorum imagine hostes ab Augusto debellatos adumbrare velle videtur.

Sic in hoc quoque carmine, super cujus consilio tam multa disputata sunt, amice omnia conspirare existimo.

CARMEN V.

Augustum laudat quod a Parthis Romanorum vexilla receperit.
 Invehitur in Romanos milites qui se olim Parthis dederant;
 hinc sumit occasionem Regulum celebrandi.

CÆLO tonantem credidimus Jovem
 Regnare : præsens divus habebitur
 Augustus, adjectis Britannis
 Imperio, gravibusque Persis.
 Milesne Crassi conjuge barbara

5

1. *Cælo tonantem*, etc. Sensus : Quemadmodum credere solemus , Jovem regnare in cælo , quod ibi movet tonitrua ; ita nunc Augustus, quod potentia sua Britannos et Persas Romanorum imperio adjecit, tanquam præsens deus regnum suum in terris habere credetur.—De eo, quod. Hor. ad Augusti majestatem et potentiam magnifice extollendam bipartitum quasi ei cum Jove regnum, huic quidem in cælo, illi in terris assignat, cf. supr. I, 12, 57, 8, et ibi not.—*credidimus*, ἀπίστωτες, pro: credere solemus.—*tonantem*, per tonitrua enim regnum suum declarare putabatur Jupiter; hinc supr. Hor. l. I: « Tu gravi curru quaties Olympum, » pro vulgari: tu regnabis in cælo.—*præsens Divus*, qui se conspiciendum præbet in terris, qui præsentia sua in terris numen suum declarat; opponitur enim *Jovi in cælo regnanti*. — *adject. Britann. imper.*

gravibusq. Pers. Rem auget, ut poeta; nam neque Britanni, neque graves Persæ (h. e. Parthi, Romano nomini infestissimi, cf. supr. I, 2, 22), tum vere et plane in Romanorum potestatem redacti fuerant.

8. Vix rem de remissis nunc a Phraate signis Romanorum militari-bus et captivis tangere poterat poeta, quin ejus animam simul de ignominia ista Romanæ gloriæ inusta subiret indignatio. Huic igitur primum morem gerit, et postquam gravius in eos, quorum ignavia tam turpiter contaminata sit vetus Romanorum gloria, invectus est, opportune in rem suam illustre Reguli exemplum tractat.—Hæc omnia quo magis ad antiquæ virtutis studium excitandum spectant, eo suavius Augustum, cujus gratiam satis aperte poeta in hoc carmine capiat, delectare debebant.—*Milesne Crassi conjuge barb.* Turpis mar. vixit?

Turpis maritus vixit? et hostium,
 Pró Curia, inversique mores!
 Consenuit socerorum in armis,
 Sub rege Medo, Marsus et Appulus
 Anciliorum, et nominis, et togæ
 Oblitus, æternæque Vestæ,
 Incolumi Jove, et urbe Roma?
 Hoc caverat mens provida Reguli,

10

Hocine a se impetrare potuerunt milites Crassi, ut in captivitate apud Parthos patriæ suæ plane obliti ignominiosum cum feminis barbaris inirent conjugium? Interpretes jungunt; *maritus barbara conjuge*, et explicant: maritus barbaræ conjugis, vel ad *barbara conjuge* supplent: ducta; neutrum fert latinitas; junge: *turpis conjuge barbara* h. e. infamis et ignominia affectus barbaræ conjuge; sic supr. I, 37, 40, viri foedo morbo infames dicuntur: «viri morbo *turpes*.» *vixit*, observa hujus verbi vim pro: vivere potuit, nec mortem potius ejus modi vitæ ignominiosæ prætulit? — *Pró Curia inversiq. mor.* Ah! quam turpiter antiqua Senatus Romani auctoritas, et antiquus Romanæ virtutis honor pollutus est! Cui non in mentem venit illud Ciceronis: «o tempora, o mores!» — *Socerorum in armis*; alii legunt *in arvis*; prior autem lectio majorem vim habere mihi videtur. — *Medo*, Parthico. — *Marsus et Appulus*, ergo ii adeo milites, quorum fortitudinis laus apud exercitum Romanum alias fuit maxima; hoc nomine supr. II, 30, 18, laudatur *Marsa cohors*; et Virgil. Georg. II, 167. *Marcos genus acre virum* vocat. — *Anci-*

liorum, h. e. imperii, quod *ancilia* æternitatis suæ pignora haberet; e duodecim autem illis scutis, quæ a græca voce ἀγκύλος ob incurvatam et sinuatam eorum formam dicta sunt *ancilia*, unum imprimis, quod Numa ab Egeria sibi missum esse finxerat, ideo a Romanis religiosissime cultum esse constat, quod, ubi illud esset, ibi summa imperii fore putabatur. — *togæ*, quam antea ut Romanus, tanquam Romanæ dignitatis et libertatis insigne, gesserat. — *Incolumi Jove et urbe Roma* præcipue quum sub Jovis tutela Capitolium et urbs incolumitate sua adhuc gauderet; — per *Jovem* designatur Jupiter Capitolinus, et is pro ipso *Capitolio* dictus est.

13. *Hoc caverat mens prov. Reguli*, etc. Sensus et nexus: Ejusmodi dedecus (*hoc*), quod nempe reductis in patriam ignavis militibus admittitur, prudenter olim averterat Regulus, dum captivos neutiquam in patriæ damnum redimendos, sed sine omni miseratione hosti relinquendos esse censuit. — Rem notam de Regulo Cic. Offic. I 13, breviter narrat sic: «Regulus primo bello Punico captus a Pœnis quum de captivis commutandis Romam missus esset, jurassetque se

Dissentientis conditionibus

Fœdis, et exemplo trahenti

15

Perniciem veniens in ævum,

Si non periret immiserabilis

Captiva pubes. « Signa ego Punicis

Adfixa delubris, et arma

Militibus sine cæde, dixit,

20

rediturum; primum ut venit, captivos reddendos in senatu non censuit: deinde quum retineretur a propinquis et amicis, ad supplicium redire maluit, quam fidem hosti datam fallere. — Quod ad comparisonem captivorum nunc sponte a Phraate remissorum cum iis, quorum vel commutandorum vel redimendorum causa Romam a Carthaginiensibus missus fuerat Regulus, attinet, fuit quidem non una eademque utrorumque conditio, sed una eademque causa, qua justam utrique contra se moverant indignationem. Neutri enim ut homines ignavi turpem captivitatem honestæ morti, sed ut viri fortes honestam mortem turpi captivitati præferre debuerant. — *Hoc*, ne hoc fleret, scilicet ne unquam spe redemptionis pudendam captivitatem morti decoræ Romani milites præferrent. — *mens provida Reguli*, prudens consilium Reguli, providentis nempe, quam pernicioosa futura sit reipublicæ ignavorum militum redemptio. — *Dissent. condition. Fœd. et exemplo*, etc. dum fœdas de redimendis captivis conditiones dissuaderet, easque, tanquam exemplum, vim perniciosam apud posteros habiturum, rejiciendas esse censebat. — *Fœdis*, æquiores quoque illas conditiones, quas de captivis vel commutan-

dis, vel redimendis Carthaginiensium nomine nunc ferebat Regulus, ideo vocat, *fœdas*, quod omnes, qui non mortem captivitati prætulerint, fœdæ ignaviæ milites habet, et proinde quasque de his redimendis latas conditiones, ut rem fœdam et pessimi exempli, damnat. Sed ne forte Regulum fœdæ istius captivitatis, de qua sermo est, consortem ita loqui et suadere mireris, imperatoris fortunam non a sola ipsius, sed a communi militum virtute pendere, cogita. Nam si fortissimum ducem Regulum secuti fuissent milites, quis eum non una cum illis in media hostium agmina irrupturum, et honestam pro patria mortem longe fœdæ captivitati antepositurum fuisse sibi non persuadeat? — *Si non periret*, si redimeretur, nec potius periret, h. e. repudiata eorum redemptione hostium arbitrio relinqueretur. — *immiserabilis*, absque miseratione, indigna cujus quisquam miseretur.

18. Singulare prorsus poetæ artificium est, quo obliqua oratio subito erigitur ad rectamque convertitur; quo sane ad commovendos animos vix efficacius quidquam cogitari poterat. — *Signa et arma adfixa delubris*, veteres enim, ut satis constat, spolia hostium ut *ἀνθήματα* in templorum fastigiis suspendere solebant. — *sine*

Derepta vidi : vidi ego civium

Retortá tergo brachia libero ;

Portasque non clansas, et arva

Marte coli populata nostro.

Auro repensus scilicet acrior

25

Miles redibit ! Flagitio additis

Damnum : neque amissos colores

Lana refert medicata fuco ;

cæde, graviter de militibus ignavis, qui nec hostem cædunt, nec ab eo cæduntur, sed sine cæde statim hosti se dedunt. — *civium tergo libero*, pro vulgari : tergo liberorum civium; quod autem Regulus se liberos cives Romanos manibus in tergum revinctis vidisse ait, id quum contumeliosissimum haberetur, ad Romanorum animos exacerbandos egregie accommodatum est. Nota cum magna vi repetitum *vidi, vidi ego*. — *Portasq. non claus. et arva coli* vulgarem sententiam : « et Carthaginenses, nihil Romanos curantes, in summa securitate vivere, » apta securitatis imagine adumbravit; ubi enim urbis alicujus incolæ hostem non timent, ibi apertis portis libere et secure agris colendis operam dare solent. Infr. in Epist. ad Pis. 199 : « apertis otia portis ». — *populata Marte nostro*, Regulus enim ante ignominiosam illam cladem, quam militum suorum ignavia accepit, splendide Carthaginenses vicerat, et eorum agros usque ad Carthaginis fere muros depopulatus fuerat.

25. *scilicet*, eleganter hac particula utuntur, qui, quod ita esse, vel futurum esse, vel fieri omanino posse negant, cum sarcasmo quodam adfir-

mant. — *Auro repensus*, exquisitius pro : auro appenso redemptus. — *Flagitio additis damnum* h. e. flagitium ab ignavis militibus in patriam commissum augebitis damno, si eos redimitis. — *Damnum*, autem tam in redemptionis pretio, quod perdatur, quam in timenda ab hoc pravo exemplo antiquæ virtutis corruptela ponendum est. — *Nequs amiss. col. Lana ref. med. fuco*, Nec, etc. Vulgarem sententiam : « Quemadmodum læne tinctæ non restitui potest pristinus color vel candor, ita nec virtus in animum semel corruptum redit; » vel brevius : « non elui potest ex animo vitium, quo semel ille imbutus, vel infectus est, » egregie poeta exornavit. — *medicata. Medicare*, ut *φαρμάσσειν* apud Græcos, passim pro : tingere, inficere; sic *medicatum vellus ahenis* apud Ovid. Rem. Am. 707. — *fuco. Fucus* (φῦκος) herba marina, cujus succo lana, purpura tingenda, primum imbuti solebat, ut sic tam accipiendo quam firmiter tenendo colori purpureo præpararetur; vid. *Bœttig.* ad h. l. et quos laudat *Gesn.* ad Quint. p. 634, et *Beckmanni Beitræge zur Geschichte der Erfind. T. I.* p. 336 seqq. Eodem sensu *vene-*

Nec vera virtus, quum semel excidit,
Curat reponi deterioribus.

30

Si pugnat extricata densis
Cerva plagis, erit ille fortis,
Qui perfidis se credidit hostibus;
Et Marte Pœnos proteret altero,

Qui lora restrictis lacertis

35

Sensit iners, timuitque mortem.

Hic, unde vitam sumeret, inscius,
Pacem duello miscuit. O pudor!

O magna Carthago, probrosis

Altior Italiæ ruinis! »

40

Fertur pudicæ conjugis osculum,
Parvosque natos, ut capitis minor,

num infr. Epist. II, 1, 307 : « Lana Tarentino violas imitata *veneno*. » — *refert*, denuo, ostendit, recipit. — *amissos colores*, candorem puta. — *Curat reponi. deterior.* redire capit in pectora eorum, qui deteriores facti sunt; sententia: Qui semel a veræ virtutis studio recesserunt, et ignavia se corrumpi passi sunt, ii nunquam ad bonam frugem se recipient, sed pro perditis habendi sunt. — *Curat reponi*, pro vulgari: se reponi patitur.

31. *Si pugnat extricata*, etc. *Sensus*: Si fieri potest, ut cerva retibus expedita timiditatem suam deponat, et forte animal evadat; tum fieri quoque posse crediderim, ut milites nostri ignavi, qui se capi et vinciri passi sunt ab hostibus, evadant viri fortes, et novo prælio Carthaginienses vincant. — *se credid. hostibus* sc. dedicatione. — *Marte altero, altero prælio*. — *restrictis*, retortis. (cf. v. 22.) et in ter-

gum victis. — *iners*, de homine lenti animi, qui contumelia non afficitur.

37. *Hic, unde vit. sum. inscius*, ignavus iste, qui omnem salutis spem in sola virtute et armis ponendam esse haud didicerat. — Romanus enim miles sentire debebat, ut Æneas apud Virg. *Æn.* II, 353, 4 : « Moriamur, et in media arma ruamus : Una salus victis, nullam sperare salutem. » — *Pacem duello miscuit*, dum iste, ubi pugnare debebat, de vita sibi condonanda cum hoste egit. — *probrosis Altior Italiæ ruinis*. Carthago, dum imperium Romanum probrosa militum ignavia destruitur, eo altius caput suum extollit.

41. *ut capitis minor*, ut homo, qui captivitate non solum liberi civis jura amisit, sed servus adeo factus est; dicebantur ejusmodi homines *demnuti capite*, (vid. Liv. XXII, 60, ubi Manlius captivos, ut redimerentur, ab

Ab se removisse, et virilem
 Torvus humi posuisse vultum ;
 Donec labantes consilio patres 45
 Firmaret auctor numquam alias dato,
 Interque mærentes amicos
 Egregius properaret exsul.
 Atqui sciebat, quæ sibi barbarus
 Tortor pararet : non aliter tamen 50
 Dimovit obstantes propinquos,
 Et populum redivit morantem,
 Quam si clientum longa negotia

Hannibale missos, ut « deminutos capitis, abalienatos jure civium et servos Carthaginiensium, » haud redimendos esse censet) et ipsa eorum conditio *capitis deminutio*, quæ fuit triplex; *maxima* quidem, ut Reguli nostri *capitis deminutio*, quum cives captivitate vel alio modo non solum civitatem et libertatem perderent, sed adeo servi fierent; *minor* vel *media*, quum civium tantum jus amitterent; *minima*, quum, pristinae familiae jure amisso, adoptione in aliam transirent. — *Ab se removisse*, ne ut servilis conditionis homo eos quasi contaminaret osculando, vel contingendo. — *viril. Torv. humi pas. vult.* en præclaram magni Romani imaginem! Regulus, ipse captivus, ne captivi redimantur, Senatui Romano auctor, quum senatores de capiendi consilio fluctuare et cunctari videt, generosius indignatur, et hanc indignationem jam non verbis, sed vultu humi dejecto viriliter prodit!

46. *nunquam alias dato*, quale nullus unquam in suam ipsius perniciem tam generoso animo dedit. —

Egregius, h. e. egregii et singularis exempli.

49. *Atqui scieb. quæ sibi barb. Tort. par.* Cic. Offic. III, 27: « Nec vero ignorabat, se ad crudelissimum hostem, et ad exquisita supplicia proficisci. » Respicit scilicet Noster crudelissima illa supplicia et tormenta, quibus Regulus, quum Carthaginem reversus esset, affectus et necatus esse traditur; quorum descriptionem lege apud Sil. Ital. VI, 539, seqq. — Extiteret autem post *Palmerium* in *Exercit. ad App.* (cf. edit. *Schweigh.* Vol. III, p. 392.) plures, qui vulgarem de Reguli supplicii narrationem in dubitationem vocarent, et totam rem ad invidiam contra Carthaginienses augendam confictam esse contenderent; vide inprimis, quæ docte et copiose de hac re disputavit Cl. *Ruperti* ad *Silium Italicum* l. l. p. 395 seqq. — *non aliter*, eadem vultus serenitate. — *Quam si client.* etc. quam si, ut causarum aliquis patronus, causa tandem, quam non sine magna molestia pro clientibus suis defendendam sus-

Dijudicata lite relinqueret,

Tendens Venafranos in agros,

55

Aut Lacedæmonium Tarentum.

ceperat, dijudicata, animi sui reficiendi causa in amenissimam quandam regionem rusticatam iret. — jore cum tædio conjuncta. — *Venafr. in agros*, in Campania sitos, pro qua- que alia ameniore regione. — *Lacedæmon. Tarent.* cf. supr. II, 6, 11, 12.

ANALYSIS. Laus Augusti, in qua extollenda hoc quoque carmen versatur, jam ea inprimis, quæ U. C. DCCXXXIV, sub ejus imperio facta sunt, complectitur. Illo anno scilicet Phraates, rex Parthorum, solo rumore, se bello ab Augusto petatum iri, ita perterritus esse traditur, ut ad gratiam apud Augustum ineundam captivos et signa militaria (quæ Crasso et Antonio ducibus perdiderant Romani), jam sæpius frustra repetita, nunc sponte remitteret. Quod quum Augusto esset gloriosissimum, et pro insigni de Parthis victoria tam ab ipso, quam ab omnibus Romanis haberetur, vid. Dio LIV, 8. *Horatius Augustum, tanquam præsentem Romanæ gentis deum*, qui jam tum graves Persas imperio adjecerit, in hoc carmine celebrat. Jam vero quum simul *Britannorum imperio adjectorum* mentionem faciat, in eundem annum incidere videtur, quod de Britannia, jam tum maximam partem per dynastarum quorundam studia Romanorum imperio adjecta, scribit Strabo IV, p. 138, οἰκίαν σχεδὸν παρεκτέτασσαν τοῖς Ῥωμαίοις ὅλην τὴν νῆσον. Totam enim insulam sub Claudio demum in Romanæ provinciæ formam redactam esse satis constat. — Unde ornatum et gravitatem carmini suo peteret, non longe circumspicendum fuit poetæ. Graviter enim, quod ipsius rei ferebat narratio, pudendam istam militum Romanorum ignaviam et impietatem in patriam, qua non eripi sibi solum passi essent signa militaria, sed conjugio adeo in captivitate apud Parthos se junxissent cum mulieribus barbaris carpenti et abominanti sponte ea, quæ Regulus olim de captivis judicaverat, succurrere debebant. Itaque ut Reguli de captivis judicium eo attentius ex ipsius quasi ore audiat, sistit eum in consilio senatus Romani præsentem, et ea ipsa, quæ missus a Carthaginensibus contra eos suasisse dicitur, verbis gravissimis pronunciantem; quo nihil ad animos priscæ virtutis et patriæ amore inflammandos fingi et adhiberi a Nostro potuit efficacius.

CARMEN VI.

AD ROMANOS.

In corruptos sui sæculi mores invehitur.

DELICTA majorum immeritus lues,
Romane, donec templa refeceris,
Ædesque labentes Deorum, et
Fœda nigro simulacra fumo.

Dīs te minorem quod geris, imperas : 5
Hinc omne principium, huc refer exitum.

1. *Delicta majorum*, ab impiis patribus, in bellis civilibus inprimis, contra Deos et patriam perpetrata.—*immeritus*, h. e. innocens, integer; nam *Diespiēr neglectus*, ut supr. 2, 30, dicitur: « sæpe incesto addidit integrum.» ubi cf. not. et supr. I, 22, 30.—*templa refeceris*, infr. Sat. II, 2, 104-5: « quare Templā ruunt antiqua Deūm? cur, improbe, caræ Non aliquid patris tanto emetiris acervo?» *Ædes Deorum*, intellige delubra, quæ passim cum templis conjungi solent.—*labentes*, præ vetustate desidentes et ruinam minantes, quoniam earum reficiendarum nulla adhuc habita fuerat ratio.—*Fœda nigro fumo*, fœde inquinata et decolorata fumo, sc. quem flamma thuris, quod in templis adolebatur, sursum mittebat; ritus igitur ille, quo Deorum simulacra

stato quotannis die lavari solebant, intermissus fuerat; de quo *Spanheimius* ad Callimachi Hymn. in Lavacr. Pall. erudite more suo disputat.

5. *Dīs te min. quod ger. imp.* nam tum demum, quum Deorum potentia te submittis, h. e. deos pie colis, firmum, quod tenes, erit imperium, sententia gravissima! in quam Cic. de Harusp. Resp. 9: « Pietate ac religione, atque hac una sapientia, qua Deorum immortalium numine omnia regi gubernarique perspeximus, omnes gentes nationesque superavimus.» et Camillus apud Liv. V, 51: « Intue mini horum deinceps annorum vel secundas res, vel adversas: invenietis omnia prospere evenisse sequentibus Deos, adversa spernentibus.»—*Hinc omne princip. huc refer exit.* in omnibus rebus tam suscipiendis quam

Dī multa neglecti dederunt
 Hesperiae mala luctuosæ.
 Jam bis Monæses et Pacori manus
 Non auspicatos contudit impetus 10
 Nostros, et adjecisse prædam
 Torquibus exiguis renidet.
 Pæne occupatam seditionibus
 Delevit urbem Dacus et Æthiops :
 Hic classe formidatus, ille 15
 Missilibus melior sagittis.

perficiendis Deorum habenda est ratio. — *refer* per zeugma proximo nomini *exitum* accommodatum est, ad *principium* supple: repete. — *neglecti* cf. *supr.* 2, 30, *Hesperiae luctuosæ*, infelici Italiæ.

9. *Jam bis Monæses et Pacori man.* etc., bis nempe Romani a Parthis fusi sunt; primum quidem duce Crasso, quem majore exercitus Romani parte interemta (vid. Vell. Pat. II, 46), vicit dux Orodís, *Monæses*, qui vulgo ab historiarum scriptoribus *Surena* appellatur; fuit scilicet *Surena*, ut recte hanc difficultatem historicam jam expedierunt Interpp., titulus, quo summus dux apud Parthos insigniri solebat; deinde duce Antonio, cujus exercitus, postquam ejus legatus Didius Saxa a Pacoro, regis Orodís filio fortissimo, antea victus fuerat, vid. Dio XLVIII, 24, seqq. sub ipsius deinceps imperio pæne deletus est; vid. Dio XLIX, 24, seqq. — *Non auspic. cont. impet.* temeritatem nostram, qua inauspicato et præter Deorum voluntatem Parthos aggredi ausi sumus, graviter ultæ est

Pacori manus. — *inauspicatos* Crasso certe multa prodigia, quæ funestas hujus belli clades portenderent, oblata esse dicuntur; vid. Val. Max. I, 8, 11; Flor. III, 11. — *et adjec. prædam torquib. exig. renidet*, et Parthus animi sui voluptatem, quod prædam Romanis detractam exiguis torquibus suis adjecit, læto risu declarat; per *prædam* intellige torques ampliores et pretiosiores, quales Romanos, equites inprimis, gestasse constat; cf. Sil. Ital. XV, 256. — *renid.* verbum *renidere* hominis suaviter ridendo os diducantis speciem bene pingit; cf. ad Catull. XXXIX, 2.

13. *seditionibus*, bellis domesticis. — *Dacus*, refer ad bellum, quod Romano imperio, ad se et Cleopatram transferendo, paravit Antonius; in ejus exercitu enim fuerunt, quos sibi adjunxerat (vid. Dio LI, 22), *Daci*, gens bellicosissima et Romanis infestissima; cf. *supr.* I, 35, 9. — *Æthiops*, per Æthiopes (licet ad *Æthiopiæ* quoque proprie sic dictæ terminos potestatem suam prorogavit Antonius, vid. Plutarch. in vit. Anton. p. 945.)

Fecunda culpæ sæcula nuptias

Primum inquinavere, et genus, et domos :

Hoc fonte derivata clades

In patriam populumque fluxit.

20

Motus doceri gaudet Ionicos

Matura virgo, et fingitur artibus :

Jam nunc et incestos amores

De tenero meditatur ungui.

jam designantur *Ægyptii*, quod satis docent verba sequentia : *Hic classe formidatus* h. e. timendus horrendæ magnitudinis classe illa, quam contra Romanos Cleopatram instruxisse constat; cf. Virg. *Æn.* VIII 688, seqq. — *melior*, exercitior, præstantior.

17. Notat et perstringit nunc poeta libidinosam Romanorum vitam, ad quam perstringendam periculi, a flagitiosa Antonii et Cleopatras consuetudine Romano imperio imminuentis, commemoratione commode sibi viam muniverat. — *Fecunda culpæ sæc.* ætas nostra, tanquam fecunda flagitiorum mater, h. e. flagitia, ætate nostra increbrescentia; similiter « sæculum bonis artibus ferax » dixit Plinius Ep. IV, 15, 8. — *nuptias*, matrimoniorum jura et sanctitatem. — *genus* h. e. liberos, qui, quod parentes vitia sua iis inserunt, *inquinari* dicuntur; in sententiam, vitia parentum in liberos propagari, veterum scriptorum exempla congesti ad h. l. *Misch.* — *domos*, familiarum propaginem, nepotes. Sic *domus Assaraci* apud Virgil. *Æn.* I, 284, de ejus propagine, Romanis. — *in patriam populumque*, provulgari: in salutem quam publicam

tum privatam; sic *Bentleii*, de otiosa ejusdem notionis repetitione solliciti, correctio, *Inque patres populumque* haud necessaria est. — *derivata fluxit*, elegantius pro vulgari: derivata est. Ceterum de insigniter aucto apud Romanos moechorum numero queritur quoque Catullus Carm. CXIII.

21. *Motus Ionicos* h. e. lascivos. Iones enim quum ad vitam molliorem et libidinem procliviores essent, eorum protervi et ad libidinem excitandam compositi mores in proverbium abierunt; hinc ἰωνικὴ δῆξις h. e. lasciva saltatio, apud Athen. I, 19, p. 22, et διακινῶν ἰωνικῶς apud Aristoph. Concion. 913, et Thesmoph. 170, ubi Scholiast. τὸ ἰωνικῶς explicat ἄεργος, τρυφερός. — *Motus* pro saltatione, ut *moveri* pro saltare, cf. infr. ad Epist. ad Pis. 214. *doceri* sc. a pantomimis, histrionibus, vel *lateris artificibus*, ut ejusmodi nequitie magistros appellat Ovid. Art. Am. III, 351, ubi vid. *Burm.* — *gaudet*, vi libidinis nempe a parentibus insite stimulante. — *matura virgo*, nubilis, adulta, quæ ad eam ætatem pervenit, in qua saltatio non jam puerilis lusus est, sed pe-

Mox juniores quærit adulteros

25

Inter mariti vina; neque eligit,

Cui donet impermissa raptim

Gaudia, luminibus remotis;

Sed jussa coram non sine conscio

Surgit marito, seu vocat institor,

30

Seu navis Hispanæ magister,

Dedecorum pretiosus emtor.

riculosa quædam voluptas qua virginis sensus inflammantur. — *fingitur artubus*, fingit pedes ad istos motus et componit. Quidam legunt: *fingitur artibus*, h. e. se componit ad eas artes, quibus libidinosos ad libidinis fructus apud se capiendos pelliciat. — *artibus* est casus tertius. — *de tenero ungui*, ἐξ ἀπαλῶν ὀνύχων. Egregie ad rem Cl. Mitsch. cum Nostro comparat Epigramma Automedontis Anth. Græc. t. II, carm. 5, p. 191, (edit. Jacobo.) ubi Asiatica saltatrix sic describitur: « Τὴν ἀπὸ τῆς Ἀσίας ὀρχηστρίδα, τὴν κακοτίχους Σχῆμασιν ἐξ ἀπαλῶν κινυμένην ὀνύχων, Αἰνέω, οὐχ ὅτι πάντα πεθαίνεται, οὐδ' ὅτι βάλλει τὰς ἀπαλὰς ἀπαλῶς ὥδε καὶ ὥδε χέρας. » cf. Anim. Jac. Vol. II, P. II, p. 129.

25. *Mox*, conjux nempe facta. — *juniores*, juniores et robustiores suo marito. — *quærit*, ne exspectat quidem, sed petit ipsa, quod summum depravationis in femina est. — *Inter mariti vina*, in computatione, cui maritus interest. — *neque eligit*, neque curat quem adulteram sumat; hoc ad augendam infamiae notionem. — *Cui donet imperm.* Gaud. cui furtim sui copiam faciat. — *Gaudia*, de libidi-

nis fructu passim. — *raptim*, raptim, ne maritus forte interveniat, commodo temporis momento utens. — *luminibus remotis*, tenebræ enim alias fortivos amores celare solent.

29. *Coram non sine conscio mar.* coram convivis nec inscio marito; ejusmodi maritus apud Juven. I, 55: « ad calicem vigilanti stertere naso » dicitur. — *institor*, cui a mercatore id datur negotii, ut merces ostiatim venales circumferat, mercatoris administrator; jam vero quum temporibus liberæ reipublicæ ipsa mercatura honesto cive Romano indigna haberetur, nec nisi a facie plebis libertinisque exercebatur; mulier sane, institoris adeo libidini morem gerens, turpissimæ flagitii culpam contrahere debebat; hinc Noster in fr. Epod. XVII, 20, contumeliose de Canidia: « Amata multum nautis et institoribus. » — *Seu navis Hispan. magister*, seu ipso mercator; ideoque sine omni discrimine, sive famulus, sive dominus se ei offerat adulterum. — *magister navis*, alias est navarchus, sed quum h. l. *institori* opponatur, ipse dominus navis, naviculator vel mercator intelligendus est. — *Hispanæ*, pro quavis navi mer-

Non his juvenus orta parentibus
 Infecit æquor sanguine Punico,
 Pyrrhumque, et ingentem cecidit 35
 Antiochum, Hannibalemque dirum :
 Sed rusticorum mascula militum
 Proles, Sabellis docta ligonibus
 Versare glebas, et severæ
 Matris ad arbitrium recisos 40
 Portare fustes, sol ubi montium
 Mutaret umbras, et juga demeret
 Bobus fatigatis, amicum
 Tempus agens abeunte curru.

catoria; mercatores enim Romani in Hispania imprimis quæstum facere solebant. — *Ded. pret. emtor*, pretium magnum pro turpi libidine solvens.

33. Ejusmodi flagitiosis parentibus haud orta est olim illa pubes, quæ in bello Punico primo mare Siculum Carthaginiensium sanguine infecit, et Pyrrhum, Antiochum, Hannibalemque vicit, sed prognata est ruri a robustis parentibus, qui eam mature duos in agris labores sustinere docuerunt, etc. — *Infecit æquor sanguine Punico*, tres nobilissimas illas pugnas navales respicit, quibus Carthaginienses in bello Punico primo a Romanis ad Ægates ducibus Duilio et Lutatius Catulo splendide victi sunt; cf. supr. II, 12, 3. — *Pyrrhum*, Epirotarum regem, et Tarentinorum socium, a Curio et Fabricio perdomitum. Flor. I, 18. — *Antiochum*, regem Syriæ, a Romanis, quos ab Hannibale sollicitatus bello petierat, primum mari duce Æmilio Regillo, deinde terra ab

Acilio Glabrione et Corn. Scipione debellatum. — *ingentem*, ad ejus nominis et potentis magnitudinem designandam. — *Hannibalem dirum*, similiter infr. IV, 4, 42, Hannibal ob diras iras, quas contra Romanos conceperat, *dirus Afer* vocatur.

37. *Mascula*, robusta, valida. — *Versare glebas ligonibus*, ornatè pro vulgari: fodere, quod Virgilius in loco illo de veteri Italiæ disciplina suavissimo Æn. IX, 608, simili ornatu dixit *terram rastro domare*. — Opportune Cl. Misch. in *Analect.* ad Horat. p. 708, cum Nostro comparat Columell. de Re R. L. I, Præf. § 17. — *Sabellis* h. e. Sabinis; apud Sabinos enim *severa* illa disciplina, de qua sermo est, vel maxime viguit; cf. Virgil. Georg. II, 167 seqq. *fustes*, sarmenta ad alendum domestici foci ignem. — *severæ Matris ad arbitrium*, en egregium severæ disciplinæ exemplum, ubi ad matris adeo nutum ita exercentur filii! — *sol ubi mutaret*

Damnosa quid non imminuit dies?

45

Ætas parentum, pejor avis, tulit

Nos nequiores, mox daturos

Progeniem vitiosiore.

umbras, etc. tempore vespertino, nocte appetente; quod vulgare, ut decebat magnum poetam, suavissimis et dulcissimos vitæ rusticæ sensus excitantibus adumbravit imaginibus; — *Mutaret umbras*, sole enim decedente umbræ, ut Virgilius loquitur, crescant, majoresque de montibus cadunt. — *juga dem. bobus fatigatis*, hinc Græcis tempus vespertinum dictum est βούλυσσις, βουλυνός; Theocrit. VII, 56; Hom. II. XVI, 779, cf. *Müsch.* — *amicum tempus agens abeunte curru*, h. e. jucundum, quando sol decedit curru suo, h. e. occidit, tempus adducens, sc. rusticis, a peracto opere diurno tum requiescentibus. — *agens*, similiter apud Virgilium, Ecl. VIII, 17: « Lucifer alnum diem

agere » pro: adducere, ἐπάγειν, dicitur.

45. *Damnosa quid non imminuit dies?* sed quid temporis processu non corrumpitur? — *Damnosa dies?* tempus injuriosum, damno afficiens et attenuans omnia. — *pejor avis*, multo deterior quam ætas illa, qua parentes nostri vixerunt. — *nequiores*, antiquissimam illam opinionem, hominum tam corporis robur, quam animi integritatem, magis magisque unaquaque ætate corrumpi, in sua tempora poeta accommodavit. Laudant in hanc sententiam Arat. Phænom. 123; et Hom. Odys. II, 276. ceterum miram poetæ virtutem in concinna, qua hanc sententiam elocutus est, brevitate facile observabunt humanitatis studiosi.

ANALYSIS. Ad licentiores, quibus tum temporis præcipites in perniciem agi cœperant Romani, mores, pertinebat in primis deorum contemptus et vita libidinosior. Ab hac igitur perniciosissima morum corruptela dum populares suos advocare studet in hoc carmine poeta, primum deos, quorum cultum adhuc neglexerint, non solum variarum, quas jam experti sint, calamitatum auctores fuisse, sed eosdem multo graviora mala, nisi reffectis eorum templis ad pristinum pietatis exercitium redierint, iis immissuros esse ostendit: deinde, ut flagitiorum, quibus libere nunc polluantur, turpitudinem iis ante oculos ponat, tam inhonestas, quibus puellæ a tenera inde ætate ad libidinem juvenes pellicere soleant, artes, quam infamia, quæ licentius nunc a nuptis admittantur, describit adulteria; denique, ut cum pudore intelligant, quantum a majorum suorum indole et virtutibus degeneraverint, breviter, quales illi nati et educati fuerint, commemorat. — Augusti quidem in toto hoc car-

mine nulla facta est mentio, sed quum illud eo ipso tempore scriptum esse videatur, quo Augustus ad Deorum cultum, qui tum frigebat, in civium animis refovendum « sedes sacras, ut scribit Sueton. Aug. c. 30, vetustate collapsas, aut incendio absumtas refecit, » et, ad comescendam liberæ Veneris licentiam, legem *Italiam de adulteriis* et legem *Papiam Poppæam de mariandis ordinibus*, etc. dedit; Horatium, ut in aliis carminibus Augusti virtutem *bellicam*, ita in hoc virtutem ejus *civilem* celebrare voluisse, haud improbabile est.

CARMEN VII.

AD ASTERIEN.

De amatoris absentia mærentem consolatur.

QUID fles, Asterie, quem tibi candidi
Primo restituent vere Favonii,
Thyna merce beatum,
Constantis juvenem fide,

1. *Quid fles*, etc. junge, *quid fles* *Gygen*. — *quem*, etc. Sensus: Cur dolori adeo indulges, Asterie, ob Gygis tui absentiam, qui, simul ac sub veris initio serenitatem reducentes spirabant Zephyri, usus in mercaturæ suæ negotiis successu prosperrimo, ut spectatæ fidei amator in amplexus tuos redibit! — *candidi*, cælum candidum h. e. serenum reddentes; sic *Notus albus* supr. I, 7, 15, ubi vid. not. *Iapyx albus* infr. III, 27, 19. — *Thyna*, e Bithynia advecta. — *Thyni* et *Bithyni* antiquitus quidem ita inter se differebant, ut per illos, qui oram Ponto proximam, per hos autem, qui inferiorem Ponti regionem incolerent, designarentur: vid. Herodot. I, 28;

sed deinde universi illi populi simpliciter *Bithyni* vocati sunt; unde Claudian. in Eutrop. II, 246: « Thyni Thraces arant, quæ nunc Bithynia fertur. » — *Bithynia* autem, quum et ipsa variarum rerum copia abundaret, et complures aliæ merces ex tota Asia eo conveherentur, mercatura, quæ ibi a multis populis exercebatur, maxime fait nobilis: vid. Voss. ad Catullum, XXIII, 7, et, quem laudat Cl. *Misch*. Eustath. ad Dionys. Perieg. 793. — *beatum*, divitem, locupletatum. — *fide*, antique pro: *fidei*. — Sic Ovid. Met. III, 341: « Prima fide vocisque ratæ tentamina sumpsit, » et Virgil. Georg. I, 208: « Libra die somnique pares ubi fecerit horas ».

Gygen? Ille Notis actus ad Oricum

5

Post insana Capræ sidera, frigidas

Noctes non sine multis

Insomnis lacrimis agit.

Atqui sollicitæ nuntius hospitæ,

Suspirare Chloen, et miseram tuis

10

Dicens ignibus uri,

Tentat mille vafer modis.

Ut Prætum mulier perfida credulum

Falsis impulerit criminibus, nimis

8. *Notis*, tempestate. — *Oricum*, oppidum Epiri ad sinum Ionicum, portu instructum. — *Post sidera Capræ*, post ortum vel occasum sideris Capræ. Est autem *Capra* sidus in sinistro humero Erichthonii, sive Aurigæ, cujus tam ortus (IV Cal. Octobr.), quam occasus (Cal. Jan.), tempestatem concitare putabatur; hinc illud sidus dicitur *insanum*, h. e. tempestatum furorem portendens; similiter supr. III, 1, 27: « sævus Arcturi cadentis Impetus, aut orientis Hædi. » — *frigidas*, solas et viduas, ubi deest tori socia, quæ membra frigida tepesciat. In Ovid. Her. I, 7: « Non ego deserto jacuissem frigida lecto » et A. A. III, 70: « Frigida deserto nocte jacebis anus. » — *multis lacrimis*, desiderio tui prorumpentibus.

9. *Atqui sollicitæ*, etc. nexus: Et tamen, si vellet, non frigidas noctes ageret, nec desunt quæ eum, a te remotum solarentur; nam hospes Chloë eum sollicitat per nuntium, etc. — *hospitæ*, apud quem diverterat. — *sollicitæ*, perditæ amanti, amore ægræ. Sollicitudo omnino amoris propria, maxime ubi haud mutuus est, vel ab alio

interceptus. Ita Galli amores dicit *sollicitos* Virg. Ecl. X, 6, et Ciris æstus *sollicitos*, Cir. 340. Notum est illud Ovidii: « Res est solliciti plena timoris amor. » — *nuntius*, rei cujusdam administrator, internuntius. — *Suspirare*, vehementius et suspiranda desiderare, sc. Gygen. cf. Illustr. Heynii Observ. ad Tibull. I, 6, 35. — *miseram*, efflictam amantem; *utis ignibus*, Gyge tuo, cujus amore tu teneris, veteres enim poetæ amantem ignem amatæ vocabant; sic Virgilius, Ecl. III, 66: « At mihi sese offert ultro meus ignis Amyntas. » — *mille modis*, quavis arte et quibusque machinis *tentat* sc. Gygis fidem.

13. Quum internuntius ille Gygen ad furtivos Chloës amores non permoveere posset pelliciendo, mutata ratione id efficere studet terrendo. Ut igitur eum doceat, quam graviter spreto amoris injuriam ulcisci soleant mulieres, inter alia Antæ, sive Sthenobæ Hippolytesque ei ante oculos ponit exemplum, quarum illa Bellephontem, hæc Peleum pæne ob spreto amores persumdederit. — *mulier perfida*, uxor in maritum suum per-

Casto Bellerophonti

15

Maturare necem, refert.

Narrat pæne datum Pelea Tartaro,

Magnessam Hippolyten dum fugit abstinens;

Et peccare docentes

Fallax historias movet;

20

Frustra: nam scopulis surdior Icari

Voces audit adhuc integer. At, tibi

Ne vicinus Enipeus

Plus justo placeat, cave:

Quamvis non alius flectere equum sciens

25

Æque conspicitur gramine Martio,

Nec quisquam citus æque

Tusco denatat alveo.

ſida; fabulam narrat Hom. Iliad. VI, 155 ſeqq. cui illa *Antea*, aliis *Sthenobæa*, appellatur. — *impulerit maturare necem*, græce pro: ut maturaret necem. — *nimis casto*, cui caſtitaſ ſua pæne exitioſa fuiſſet.

18. *Hippolyten*, Acaſti, Magnesia regis (unde *Magnessa*) conjugem, de cuius ira, qua Peleum, quod oblatam inceſti amoris conditionem repudiaverat, perditumivit; Pind. Nem. IV, 92 ſeqq. — *abſtinens*, caſtuſ. — *historias movet*, eleganter pro: excitat, laudat, proferit; ſic apud Ovid. Art. Am. II, 275: « Sol mala exempla movere, » pro: in lucem proferre, dicitur. Alii; *pellax*, monet. — *peccare docentes*, quæ doceant, ne quiſ oblatum a muliere adulterium repudiet.

21. *Scopulis ſurdior Icari* ſc. maris. Cl. Miſch. comparat Senec. Hippol. 520: « Ut dura cauteſ undique

intractabilis Reſiſtit undiſ, et laceſſentem aquaſ Longe remittit, verba ſic ſpernit mea. » Laudant quoque Euripid. Med. 28: « ὡς δὲ πῆρες, ἡ θαλάσσιος Κλύδων, ἀκούει νεοθετομένη φίλων. » Appoſite inprimis Philodem. XX, 8, 6; Anthol. Græc. t. II, p. 78: « Τεῦρ' ἰδόντων αἰεὶ, καὶ προέχοντων ἄλλ' ἰσαπόντων ἰονίῳ μύθῳ ἐκλυεὶ ἡμετέρων. » Similia vide apud Valckenar. ad Euripid. Hippol. p. 196. C. — *integer* ſc. caſtitate ſua; ſupr. II, 4, 22: « Brachia, et vultum, tereteſque ſuraſ Integer laudo. »

26. *Æque ſciens equum flectere*, qui æque ſciat equum flectere; ad gymnasticas exercitationeſ, quibuſ pueri ingenui operam dabant in Campo Martio, pertinebat inprimiſ ſtudioſ in equitandi natandique arte atque ſcientia poſitum; cf. ſupr. I, 8, 6, ſeqq. Eadem in eadem re habet

Prima nocte domum claude; neque in vias
Sub cantu querulæ despice tibiæ:

30

Et te sæpe vocanti
Duram, difficilis mane.

Tibull. I, 4, 71: « Hic placet angustis quod equum compescit habenis; Hic placidam niveo pectore pellit aquam. » — *Tusco alveo*, Tiberi ab Etruria delabente.

29. *Prima noct. domum claude*, idem præceptum ad aditum amatori-

bus intercludendum inculcat Ovidius Amor. II, 19, 38: « Incipe jam prima claudere nocte domum. » — *Sub cantu querulæ tib.* quando ad querulos tibiæ sonos Enipeus παραλαυσίδιον canit. — *difficilis*, χαλεπή, aspera. — *mane*, te semper præbeas, etc.

ANALYSIS. Asterien, de longiore amatoris sui, Gygis, quæstus faciendi causa in Asia peregrinantis, absentia, ejusque in amore perfidia misere se excruciantem, bono animo esse jubet in hoc carmine Horatius, dum ei non solum oppidum, ubi nunc ille detineatur, indicat, sed etiam summæ ejus in amore constantiæ, quod ibi ab alia puella petitus ediderit, specimen refert. Monet igitur eam, ut ipsa potius Gygi suo se in amore constantem præbeat, nec fenestram ad nequitiam Enipeo cuidam, qui nunc eam sectetur, aperiat.

CARMEN VIII.

AD MÆCENATEM.

Mæcenatem ad epulas data occasione invitat.

MARTIIS cælebs quid agam Calendis,
Quid velint flores, et acerra turis

1. *Martii calend.* — *Martie Calendæ* sacræ erant conjugiorum præsidii, Junoni, quam pie hoc die matronæ venerari, et pro conjugii felicitate sacra ei instituere solebant; unde hic

dies sub *Matronalium* nomine celebrabatur. Locus classicus de *Matronalibus*, est apud Ovid. Fast. III, 170, seqq. cf. Tibull. III, 1, 1. — *Quid agam cælebs*, quid mihi conjugii ex-

Plena, miraris, positusque carbo in

Cespitem vivo,

Docte sermones utriusque linguæ.

5

Voveram dulces epulas et album

Libero caprum, prope funeratus

Arboris ictu.

Hic dies anno redeunte festus

Corticem adstrictum pice demovebit

10

Amphoræ, fumum bibere institutæ

Consule Tullo.

perti in mentem venërit, diem festum celebrare velle, quem non nisi conjugii consortes celebrare solent.—*Quid velint flores*, etc. res singulas, quibus sacra solemnia apparabantur, enumerando vulgarem sententiam : « cure ego tam operose sacra parem, » egregie exornat. — *flores*, florum in sacris usus notissimus; in *Matronalibus* quoque matronæ flores Junoni ferre, ejusque caput floribus cingere debebant; Ovid. Fast. I. l. 253.—*acerra*, arcula, in qua tus adolendum condebatur.—*cespite vivo*, in ara graminea, qualis pro foco ignem recipiente a privatis exstrui solebat.—*Docte sermon. utriusque linguæ*, litterarum tam græcarum quam latinarum cognitione instructe, pro vulgari: Vir Eruditissime; nihil amplius; simpliciter Mæcenatem *doctum* appellat infr. Epist. I, 19, 1; placendi nempe studio sæpius Hor. doctrinæ laudem Mæcenati vindicat; cf. supr. II, 12, 10.—*sermones* (λόγους, μῦθους) scripta, litteras.—*Libero*, vitam e præsentis mortis periculo servatam, quam supr. III, 4, 27; *Musarum* et II, 17, 28

Fauni tutelæ tribuerat, nunc tribuit Baccho, ipsi quoque tam poetarum patrono (cf. I, 1, 29) quam agresti et hortorum pomorumque deo; vid. quem laudat Cl. Misch. in Anal. ad Horat. Carm. p. 705, Pindari locum apud Plutarch. Sympos. Qu. IX, 14, p. 745, A. (Fr. Heyn. p. 96.) — *Arbor*, cf. supr. II, 13.

9. *Hic dies anno redeunte*, etc. Sensus: Hoc die festo quotannis vini Consule Tullo conditi aperietur amphora, h. e. hic dies festus quotannis inter vetusti vini pocula hilariter transigetur. — *Cort. adstr. pice demou.* — *Corticem adstrictum pice demovere amphoræ* est: corticem amphoræ orificio immissum et pice obturatum solvere; cf. supr. I, 20, 3. Laudant Theocrit. VII, 147: «Τετράνας δ' ἂν πίθων ἀπείλωτο κρατὸς ἀλκυον.» Cf. Archiloch. V, 2, Anthol. Græc. T. I, p. 41. — *amphora* sive *cadus*, vas figlinum, ore angusto.—*institutæ* quæ, in vini apotheca reposita, edocta est, vel didicit; paulo sublimius pro vulgari: quæ cœpit.—*fumum bibere*, fumum imbibendo maturitatem et

Sume, Mæcenas, cyathos amici
 Sospitis centum, et vigiles lucernas
 Perfer in lucem : procul omnis esto
 Clamor et ira.

15

Mitte civiles super Urbe curas :
 Occidit Daci Cotisonis agmen ;

amaritudinem trahere, vel vetustescere ; veteres enim, meliorem vini tractandi rationem ignorantes, fumi oper maturitatem et vetustatem ei contrahere studebant ; itaque, ut satis notum, vini apothecas habebant in superiore ædium parte, fumo pervia ; vid. Columell. de R. R. I, 6, § 20. Accuratissime autem apothecarum vinariorum usum et situm descripsit Galenus de Andit. I, 3, cujus de hac re verba ad Columellæ l. l. apposuit Cl. Schneiderus in Comment. p. 44, 45. — *Consule Tullo*, annus enim, quo vinum condebatur, ut satis constat, notari solebat in cado, inscriptis consulum ejus anni nominibus ; per *Tullum* autem intelligendus videtur L. Volcatius Tullus, qui U. C. DCLXXXVIII, cum M. Emilio Lepido consul fuit ; vinum igitur illud, si hoc carmen, ut in *Analysi* monebimus, ad A. U. DCCXXXIV, referendum est, vetustatem XLVII annorum traxerat ; nec hæc vini vetustas nimia et insolita fuit : cf. infr. III, 14, 8 ; III, 21, 1 ; Epod. XIII, 6 ; ut visum est iis, qui ætatem hujus vini ad ejus L. Volcatii Tulli consulatum referant, qui in annum DCCXXI, incidit.

13. *Sume, Mæcenas, cyath. amic. sospitis, cent.* veni et sume centum cyathos sospiti amico sacros, h. e. in

salutem sospitis amici exhauriendos. — *cyathos amici*, poculum enim, quod in alicujus salutem vel honorem exhauritur, ejus poculum dici solet. — *Cyathus* fuit vasculum, sextarii partem duodecimam capiens, quo, in cochleari fere formam efficto, vinum in grandiora pocula infundebatur, vel aqua per id adfusa vinum temperabatur. — *vigiles lucernas*, eleganter pro nocturnam computationem. — *Perfer*, protrahè, produc. — *in lucem*, « dum rediens (ut Hor. infr. III, 21, 24, loquitur,) fug. astra Phœbus. » — *esto*, quasi in media computatione jam versetur, loquitur, ut bibendi magistri, leges convivis præscribentes, loqui solent. — *ira*, altercatio, jurgia.

17. *Mitte civil. super Urbe cur.* omitte curas quas sumis pro civium incolumitate. Hoc ipso anno enim (DCCXXXIV) dum Augustus, in bellum, ad Orientis populos debellandos profectus, ab urbe aberat, Mæcenas Urbi Præfectus fuit ; Tacit. Annal. VI, 11 ; Dio. XLIX, 16. — *Occidit Daci Cotis. agmen*, Dacorum copias, quas contra nos duxit eorum rex Cotison, fusæ fugatæque sunt (nempe a Lentulo, vid. Sueton. Octav. 21 ; Flor. IV, 12) ; de *Dacis* cf. supr. ad I, 38, 9. — *Medus infestus sibi luctuosis Dissid. armis*. Medi, sibi ipsi infestis, exitiales, dissident inter se, distra-

Medus infestus sibi luctuosus

Dissidet armis :

20

Servit Hispanæ vetus hostis oræ ,

Cantaber, sera domitus catena :

Jam Scythæ laxo meditantur arcu

Cedere campis.

Negligens, ne qua populus laboret,

25

Parce privatus nimium cavere :

Dona præsentis cape lætus horæ, et

Linque severa.

huntur armis *luctuosus*, quæ luctum movent, bellis civilibus, respicit autem poeta crebras seditiones a Teridatis amicis contra Phraatem *solio restitutum* (vid. ad II, 2, 11) motas. — *Servit*, paret Romanorum imperio. — *Cantaber*, Hispaniæ septentrionalis gens ferocissima, post multas clades et pugnas ab Agrippa demum perdomita, vid. Dio. LIII, 25; hinc *sera domitus catena* h. e. sero Romanorum ditioni subjectus: cf. supr. ad II, 6, 2. — *Scythæ*, intellige Istri accolæ, qui supr. II, 9, 22, *Gelonii* vocantur. — *meditantur cedere campis*, nunc id agunt, ut e nostris finibus in suos recedant. — *laxo arcu*, significanter pro: impetu eorum hostiliter nos infestandi represso, nempe a Lentulo; nam qui hostem telorum jactu petere desinunt, arcum *laxant* vel remittunt. Cl. Mitsch. comparat τὴν χαλασμένην apud Antip. Thesal. XX, 3; Anthol. Græc. T. II, p. 100. — Idem commodè laudat Senec. OEdip. 469: « Laxavit victos arcus Geticasque sagittas, Lactea Massages qui pocula sanguine miscet. » Cf.

Ovid. Fast. V, 593; Trist. II, 227.

25. *Negligens* — *parce* — *nimium cavere*, junde: *privatus parvus* (noli *nimium cavere*, ne qua *populus laboret*, (ne qua forte re in discrimen vocetur populi salus) *negligens*, securo nec tale quid nunc curante animo. — *privatus*, in hac nocte, in hoc festo tempore te magistratum deponere, te privatum fieri, privati instar vivere sinens, quasi esses privatus; graviter errasse mihi videntur Mitscherlich. et Doëring qui Mæcenatem hic privatum vocari quia principum respectu magistratus ipsi non nisi privati esse videntur. Bentleius omnes interpretes censet ad hunc locum, velut ad scopulum, naufragium fecisse; et sic explicat. Horatius hortatur amicum, ut veniat animo hilari, et a curis *publicis privatisque* expedito: namque rem suam familiarem *privatus* curat ipse Magistratus, etiamsi *præfectus urbis* fuerit. Ed. — *Dona præsentis cape lætus horæ*, læto animo frui bonis, quæ præsens tempus vel hodiernus dies tibi percipienda offert; sive, ut eandem sententiam brevius

Noster supr. I, 11, 8, extulit : *carpe læto et tranquillo donata sunt : rapiamus*, si fas est, negata aut fugientia ; sed capiamus et cum gustu teneamus, quæ nobis propria traduntur. Ed. — *Severa*, res seriores.

ANALYSIS. Mæcenatem ad diem festum Calendis Martiis secum celebrandum invitat Horatius. Sententiarum nexus est fere hic : Invitatus ad diem festum Calendis Martiis apud me celebrandum miraris fortasse, Doctissime Mæcenas, quid sit, quod ego homo cælebs solemniter diem celebraturus sim, quo matronæ tantum maritique pro conjugii felicitate sacra instituerent solent. Sed audi causam ! Hoc ipso die ego olim in villa mea arboris ictu pene extinctus fui. In memoriam igitur hujus diei, quo singulari Deorum cura servatus sum, quotannis ego ex voto suscepto sacram hostiam Baccho mactare, suaves epulas apparare, et interioris notæ vino deprompto liberius lætitiæ indulgere soles. Itaque veni, et in læta computatione, ad lucem usque producta, multos cyathos in salutem servati amici bibe. Graviore autem de rebus civilibus curas seponere, idque eo magis, quum domitis externis hostibus nihil amplius ab iis reipublicæ timendum sit; immo abjectis curis omnibus, etiam privatis, totum te lætitiæ et voluptati trade, et hanc horam præsentem lucro appone; mecum Genio securus indulge. — Equidem hoc carmen eo tantum consilio a Nostro scriptum et missum ad Mæcenatem esse puto, ut eum non vulgari modo, sed honorificentius et insignitius ad se vocaret, vel ut luderet, uti poetæ, oblata ejusmodi rei opportunitate, ludere solent. Sed longe aliter de eo statuunt Interpretes. Eos quidem, qui Horatium hoc carmen Mæcenati, illius domum intranti et convivii apparatus stupenti, decantasse autumant, jam refutavit Cl. *Mitscherlichius*; cujus tamen, quam ipse de hoc carmine affert, non magis mihi probatur sententia. Putat nempe ille, Horatium ad hoc carmen scribendum impulsus esse eo, quod a Mæcenate, ne celebrandis Calendis Martiis se deridendum propinaret, monitus, et de causis, ex quibus illæ celebrari soleant, magno doctrinæ apparatu (quem vers. quintus innuat) edoctus fuerit; Horatium igitur ei hoc carmine respondere, et veram, ex qua Calendæ Martiæ sibi sacræ sint, causam exponere. — Ceterum hoc carmen U. C. DCCXXXIV, scriptum esse e vv. 17 seqq. colligi potest.

CARMEN IX.

CARMEN AMOEBÆUM.

De præteritis amoribus, eisdemque renovandis.

HORATIUS.

DONEC gratus eram tibi,
 Nec quisquam potior brachia candidæ
 Cervici juvenis dabat;
 Persarum vigui rege beatior.

LYDIA.

Donec non alia magis
 Arsisti, neque erat Lydia post Chloen;

5

1. *Gratus eram tibi*, suavi simplicitate pro: a te amabar. — *potior*, mihi prælatius; eleganter enim, qui potiores vel priores partes apud puellam aliquam habet, *potior esse* dicitur; infr. Epod. XV, 13: « Nam si quid in Flaccoviri est, Non feret assiduas *potiori* te dare noctes. » Cf. infr. Sat. II, 5, 76; vid. Brouckhus. ad Tibull. I, 5, 5, 68. Sic *ἁπλως* apud Callim. Epigr. XXVI, 2. — *vigui*, significanter pro tenui: fui, vixi. — *brachia dabat cervici*, circumdabat cervicem tuam, amplectebatur te. — *Persarum rege*, jam veteres summam felicitatem cum regum sorte comparare solebant. Cum delectu autem posuit Persarum reges, quod Persarum reges opulentissimi, et omnium rerum, in quarum

possessione vulgo censi solet humana felicitas, copia instructissimi fuere.

5. *Non alia magis arsisti*, non aliam puellam ardentius amabas; de hac locutione; *ardere aliqua* pro: ardere ob aliquam, cf. supr. ad II, 4, 7; alii legunt *aliam*. Ceterum observa, quomodo Lydia cum Horatio in eadem sententia gravius efferenda certet: Horatius dixerat: « Donec gratus eram, nec quisquam potior, etc. » at Lydia multo fortius: *Donec non alia magis arsisti*. — *neque erat Lydia post Chloen*, neque ego postponebar Chloæ; Horatius simpliciter dixerat: *Nec quisquam potior*; at Lydia ipso nomine adpellat puellam in amore sibi prælatam. — *Multi Lydia nominis* ego puella nobilissima; a nobilissimo

Multi Lydia nominis
Romana vigui clarior Ilia.

HORATIUS.

Me nunc Thressa Chloe regit,
Dulces docta modos, et citharæ sciens : 10
Pro qua non metuam mori,
Si parcent animæ fata superstiti.

LYDIA.

Me torret face mutua
Thurini Calais filius Ornyti : 15
Pro quo bis patiar mori,
Si parcent puero fata superstiti.

HORATIUS.

Quid? si prisca redit Venus,
Diductosque jugo cogit aheneo?

scilicet poeta amata, et ab eodem carminibus celebrata; Lydia autem bis nomen suum pro : ego, repetens, venuste et acerbe monere videtur Horatium, ut illius temporis, quo sæpe Lydiæ nomen in ore habuerit, et amatorum more itentidem repetierit, memoriam recolat. — *Romana Ilia*, in comparatione quoque Horatium vincit Lydia, quæ cum Romæ conditoris matre, Ilia, sese conferens longe Horatio cum rege Persarum comparato adparet augustior.

9. *Regit*; suaviter regi dicuntur amatores, qui ad nutum dominæ suæ se componant; *citharæ sciens*, græce: *κίθαρα; σίδωια*. — *animæ*, Chloë, *animæ meæ* (ut supra I, 3, 8. Noster loquitur) *dimidio*; cf. supr. II, 17, 8. Eodem blandimento Cicero Ep. ad

Div. XIV, 14. Terentiam et Tulliolam *animas suas* vocat.

15. *Me torret face mutua*. — *torreri*, de gravi amoris æstu : cf. supra I, 33, 5; infr. III, 19, 20; multo major igitur Lydiæ verbis vis inest, quam Horatii : « Me nunc Thressa Chloe regit. » — *Thurini*, Thurio, Lacaniæ oppido, oriundi. — *bis mori*; Horatius simpliciter *mori* semel dixerat.

17. *Prisca Venus*, pristinus amor. — *Diductosq. jugo cogit aheneo*, pro vulgari : disjunctos firmissimo vinculo conjungat. — *jugo cogit aheneo*? supra quoque I, 33, 10, Venus *animos sub juga ahenea mittere* dicitur, ubi cf. not. et ad III, 5, 1. — *flava*, pulcra, ut sexcenties. — *excutitur*, si jugum, quo nunc Chloe me tenet, excutio, si ejus imperium abjicio. Ea-

Si flava excutitur Chloe ,
Rejectæque patet janua Lydiæ?

20

LYDIA.

Quamquam sidere pulcrior
Ille est ; tu levior cortice, et improbo
Iracundior Hadria ;
Tecum vivere amem, tecum obeam libens.

dem ratione Virg. *Æn.* VI: « magnum
si pectore possit, Excussisse deum. »
— *patet janua Lydiæ*, et janua Ly-
diæ, quam rejeceram, neglexeram,
iterum mihi patet, si me iterum ad-
mittere velis. Malim intelligere de
janua Horatii, quæ, nunc male re-
jectam, iterum Lydiam admittat. Ed.

21. *Sidere pulcrior* h. e. sideris
alicujus splendorem formæ suæ nitore
superat; apud Hom. *Iliad.* VI, 404,
Astyanax ἀλγυρός δόρυτι καλῶ dici-

tur; cogitandum inprimis de Luna,
cujus splendori passim pulcrarum for-
marum nitor æquiparatur; sic supr.
II, 8, 18, de Chloride: « albo sic hu-
mero nitens, Ut pura nocturno renidet
Luna mari. » — *cortice*, subere (gal-
lice: *du liège*). — *improbo Iracund.*
Hadria, supr. quoque I, 33, 18, Myr-
tales iracundia cum maris Hadriatici
æstu comparatur. — *Tecum*, suaviter,
et cum affectu amoris ad mortem
usque perseverantis repetitum! Ed.

ANALYSIS. Zelotypia sive obtreectatio inter Horatium et Lydiam gliscere
coeperat. Ambo conveniunt. Horatius primum summam, quam, nullo alio
adhuc sibi in amore a Lydia prælato, perciperit felicitatem, mollissimi
amoris affectu laudare incipit. Respondet Lydia, nec minorem suam, dum
sola ab Horatio amata fuerit, felicitatem fuisse, graviter et luculenter ostendit.
Tum Horatius, ut urat pungatque Lydiam, novi amoris, cui se nunc deditum
esse simulat, mentionem facit. Par pari refert Lydia. Jam mutat rationem
Horatius, et pacis conditiones fert. Lydia statim eas accipit; et sic fit molli-
simi firmissimique amoris redintegratio. — Quum scena, qua in gratiam cum
Lydia redit Horatius, fere sit dramatica, suaviter colloquium inter se et Ly-
diam ortum ad carminis amœbæi formam et leges composuit; et sic, quod in
hoc carmine dulcissimum est, iis, quæ amanter respondet Lydia, se supe-
rari passus est. — Ceterum lectores ipsi, non amoris rudes, percipient hujus
mellitissimi carminis dulcedinem, quam certatim propinare studuerunt in-
terpretes.

Hanc odam fere ad verbum in scenam transtulit Molierius, *Amant.* Ma-
gnific. act. II, intermed. III, scen. VII, et amborum amantium totiusque
chori conclusionem felici eleganter absolvit. Ed.

CARMEN X.

AD LYCEN.

Lycen orat, ut posita duritiæ sibi supplicii parcat.

EXTREMUM Tanain si biberes, Lyce,
 Sævo nupta viro, me tamen asperas
 Porrectum ante fores objicere incolis
 Plorares Aquilonibus.

Audis, quo strepitu janua, quo nemus
 Inter pulcra satum tecta remugiat

5

1. *Extremum Tanain si biberes, Lyce*, etc. Sensus: Quamvis, o Lyce, ut mulier fera et barbara viveres in Scythia, et timendæ sævitæ marito ibi juncta esses; tamen animum tuum mei, ante fores tuas prostrati, et ventorum violentiæ expositi, subiret miseratio. — *Tanain*, notum flumen in Scythia. — *Extremum*, extremæ, h. e. remotissimæ regionis. Sic infr. Epist. I, 1, 45: *extremi Indi*; Epist. I, 6, 6: *extremi Arabes*, et Od. III, 44, 47: *extremi Numidarum agri*; ut passim apud Nostrum *ultimus*, v. c. supr. I, 36, 4: *ultima Hesperia*; II, 18, 4: *ultima Africa*; I, 35, 29: *ultima Britannia*. — *biberes*, populi enim a fluviis, quos accolunt, ita designantur, ut eos bibere dicantur; hinc supr. I, 20, 20: *Rhodani potor*; et infr. IV, 15, 21: « qui profundum Danubium bibunt. » — *Sævo*, cujus

atrox tibi in furtivo amore forte deprensæ extimescendum esset ingenium. — *asperas*, h. e. duras, significanter pro: tuas. — *Plorares me objicere*, exquisitus pro: non sine miseratione et dolore me objiceret, h. e. me, cujus miseretur, intromitteret. — *incolis*, perpetuo, tanquam in domicilio suo, in Scythia dominantibus.

5. *Nemus inter pulcra tecta satum*, intellige viridarium in tecti impluvio consitum, quale Noster describit infr. Epist. I, 10, 22: « Nempe inter varias nutritur silva columnas. » Cf. Tibull. III, 3, 15, et ibi Heyn. Lauro-rum inprimis in impluvio consitarum passim fit mentio. Virg. *Æn.* II, 512, et VII, 59. — *pulcra*, splendida; unde Lycen honestam matronam, et in re lauta constitutam fuisse probabile fit. — *Ventis*, ventorum, hunc strepitum excitantium, impetu. — *et ut glaci- et*,

Ventis? et positas ut glaciēt nives

Puro numine Jupiter?

Ingratam Veneri pone superbiam,

Ne currente rota funis eat retro.

10

Non te Penelopen difficilem procis

Tyrrhenus genuit parens.

et vides, vel sentis, ut glaciēt, etc. nam verbum *audis* non in propria significatione repetendum, sed ex noto loquendi genere, zeugmate, aliud verbum rei accommodatum inde eliciendum et supplendum est. Apponam in hanc rem locum huic simillimum Nostr. supr. II, 1, 21-4: « Audire magnos jam videor duces Non indecoro pulvere sordidos, Et cuncta terrarum subacta, Præter atrocem animum Catonis, » ubi pariter ad *et non audire* in propria significatione, sed simile, v. c. *percipere, cognoscere*, suppleri debet. Nihilominus *Bentleius* sibi temperare non potuit, quin facta post *remugiat* interpunctione corrigeret: « *Sentis* et positas ut glaciēt, etc. » ut nihil de aliorum super hoc loco argutiis dicam. — *positas*, pro vulgari: *jacentes*. — *Puro numine Jupiter*, ornatus pro: purus Jupiter, h. e. purus aër; puro enim aëre vis frigoris est acrior et vehementior.

9. *Ingrat. Veneri pone superb.* de Veneri, superbis ultrice, vid. *Lambin.* ad h. l. Cl. *Misch.* laudat XIX, 7, Anthol. Græc. T. IV, p. 10. — *Ne currente rota fun. eat retro*, vulgarem sententiam: ne e summo loco retro veharis, vel præceps agaris ad infimum, (h. e. ne superbis tue pœnas des,) funis, qui nimia ejus intentione ruptus revolvitur, adumbra-

vit imagine. Intelligendus autem funis ejusmodi, quo per machinam rota instructam, cui ille circumvolvitur, moles quædam in altum attrahitur. Cum ejusmodi igitur fune, rupto nempe nimio rotæ cursu et retro voluto, comparatur sors eorum, qui nimio nisu ad altiora tendentes subito casu ad inferiora retro feruntur. Hinc *funis rumpitur* vel *retro it* proverbiali locutione dictum est in homines superbos, quorum altiores, quos trahunt, spiritus subita fortunæ conversione franguntur. — *Livius* XLV, 41: « quum ex summo retro revolvi fortuna consuesset. » *Horatius* infr. Epist. I, 18, 87, 88, in eandem sententiam imagine a navigatione translata: « Tu, dum tua navis in alto est, Hoc age, ne mutata retrorsum te ferat 'aura. » — Huc faciunt duo apprime loca, a Cl. *Misch.* laudata, *Lucian.* Dial. Mo-retr. p. 286, edit. Gean. « οὐ δὲ πάνυ χαλεπὴ δαὶ τῷ ἀνθρώπῳ γιγνέσθαι καὶ ὄρα, μὴ κατὰ τὴν παροιμίαν ἀπορρήξωμεν πάνυ τείνουσαι τὸ καλώδιον, » et *Aristænet.* Epp. II, 1, p. 72. Abr. « πείθου μοι καὶ τῆς ἀμετρίας ἀπόσχου, ὄρα, μὴ κατὰ τὴν παροιμίαν ἀπορρήξωμεν πάνυ τείναντες τὸ καλώδιον, μηδὲ λάθῃς λοιπὸν εἰς ἀγερῶχίαν μεταβαλεῖσθαι τὸ φρόνημα. οἶσθα δὲ, ὅσον ἔρωκ ἀντιστρατεύειν τοῖς ὑπερηφανοῦσι φιλοῖ. » — *Non te Penel. diffic. proc.*

O, quamvis neque te munera, nec preces,
Nec tinctus viola pallor amantium,
Nec vir Pieria pellice saucius

15

Curvat; supplicibus tuis
Parcas, nec rigida mollior æsculo,
Nec Mauris animum mitior anguibus.
Non hoc semper erit liminis, aut aquæ

Cælestis patiens latus.

20

Tyrrhen. gen. parens, quam Etruscæ puellæ alias leviores et a castitatis illius, quam Penelope marito suo Ulyssi probavit, studio alienæ essent (Cl. *Misch.* in hanc rem laudat Athen. XII, 3, p. 347); Horatius non sine causa Lycen Etruscæ originis esse commemorat. — *Penelopen difficil. procis*, tam castam, qualis fuit Penelope.

13. *Tinctus viola pallor amant.* pallor, quo præ amore contabescantium os obducitur, cum violarum colore comparatur, luteo illo nempe (unde infr. Epod. X, 16, *pallor luteus*) vel albo; nam violarum, ut Plin. XXI, 6, ait: « plurima genera: purpureæ, luteæ, albæ; » hinc *pallentes violæ* apud Virg. Ecl. II, 47. Cl. *Misch.* comparat Calpurn. IX, 41: « Pallidior buxo violæque simillimus erro. » — *vir pellic. saucius*, maritus pelli-
cis amore percussus; scilicet *saucii*

dicuntur amantes, sagittarum, quibus pectora amantium a Cupidine sauciari dicuntur, respectu habito; similiter supr. I, 27, 12, felix in amore *beatus vulnere*, et infelix in amore *perire sagitta* dicitur. — *Pieria*, Thessala, a Pieria, Thessaliæ regione. — *curvat*, flectit, pervincere potest, sc. ut amoris eorum, qui te sectantur, morem geras. — *supplicibus tuis parcas*, noli tamen committere, ut ego supplex amator ante fores tuas prostratus peream. — *nec rigida mollior æsc.* etc. o tu, quæ nunc es nec mollior rigida æsculo, nec mitior animum Mauris anguibus, h. e. o tu, quæ adhuc durissimo animo amorem meum adspersa es. — *Mauris*, sævioribus enim anguibus scatebat inprimis Mauritania. — *latus*, delecte de se ante januam porrecto. — *patiens erit liminis*, patiens erit accumbere limini operto. — *aquæ Cælestis*, imbrium.

ANALYSIS. A Lyce, quam amabat, non admissus hoc carmen querulum ante ejus januam canit. Primum igitur, ut miseratione sui durum Lyces animum frangat et emolliat, sævæ tempestatis, ante illius fores sibi porrecto perferenda, exponit injuriam; deinde, ut ab invisa Veneri superbia eam deterreat, subitas Fortunæ vices ei ante oculos ponit; denique, iterum ei exprobrata

summa animi duritie, se laboribus, quos ejus causa subeat, tandem victum non amplius illam curaturum esse minatur. — Est totum hoc carmen παρακλασίδιον, h. e. carmen, ante puellæ januam ab amatore non intromisso flebilibus modis decantatum, cujusmodi carminis particulam jam supr. Noster libri primi carmini vigesimo quinto (v. 8, 9) intexit; similia παρακλασίδιον exempla jam laudarunt alii, Plaut. Curc. I, 2, 60 seqq. Ovid. Am. I, 6; Propert. I, 16, 17 seqq. in Græcis Theocrit. III et XXIII, et Aristoph. Eccles. 945-67; cf. Caspar. Sagitt. de Jan. Vett. c. 37.

CARMEN XI.

AD LYDEN.

Lyden monet, proposito Danaïdum supplicio, ut amatori immitis esse desinat.

MERCURI, nam te docilis magistro

Movit Amphion lapides canendo;

Tuque, Testudo, resonare septem

Callida nervis,

Nec loquax olim, neque grata, nunc et

5

Divitum mensis et amica templis:

1. — *Nam te docil. magist. movit Amph. lapid. canendo*, pro vulgari: namque potes, (sc. modos dicere, quibus durissimi animi Lyde moveatur,) posuit exemplum Amphionis, quem Mercurius, *curvæ lyræ* (supr. I, 10, 6.) *parens*, et lyra donasse, et ejus cantu lapides adeo movere, docuisse traditur; hinc, quum ille in exstruendis muris Thebanis lyra caneret, lapides ejus cantu moti sponte in ordinem suum se composuisse finguntur; vid. Apollod. III, 5, 5; Pausan. IX,

5, p. 924; cf. infr. Art. Poet. 394, seqq. — *te docilis magistro*, edoctus a te magistro. — *Testudo*, apposite pro: lyra, quippe quam ita invenisse dicitur Mercurius, ut primum super testudine (h. e. testa, in quam testudo se recipit, concava) nervos intenderet; locus classicus in hanc rem est in Hom. Hym. in Mercur. v. 47, seqq. — *Callida*, quas calles; *res. sept. nerv.* hinc λύρα επτάχορδης, επτάτενος, επτάπλογγος. — *Nec loquax olim, neque grata*, quæ, quum olim a ndum nervos inten-

Dic modos, Lyde quibus obstinatas

Adplicet aures;

Quæ, velut latis equa trima campis,

Ludit exsultim metuitque tangi,

10

Nuptiarum expers, et adhuc protervo

Cruda marito.

tos haberes, nec garrulos sonos edebas, nec cuiquam voluptatem creabas; — *Divit. mensis et amica templi* hinc illa δαιτὸς ἐταίρη et χοροῖτρος Hom. H. in Merc. v. 31. De lyræ usu in sacrificiis Boettig. laudat Dionys. Halic. Ant. Rom. 7, p. 1487, 11. — *obstinatas aures*, auribus jam tribuitur, quod ad Lydes animum referendum est.

9. *Velut equa trima*, similiter Hor. supr. II, 5, 6. Lalagen, puellam nondum amorum, sed teneræ ætatis adhuc lusibus, et juvenili petulantia deditam, cum « juvenca, in udo salicto cum vitulis ludere prægestiente, » comparat, ubi in not. Anacreontis locum LXI, 9, 10, poetæ in hac comparatione obversatum, jam attulimus. — *trima*, trium annorum. — *Ludit exsultim*, οὐκ ἐπὶ ὄσῃ παῖσι apud Anacr. l. l. *metuitque tangi*, et cavet sibi, ne quis eam attrectet, h. e. nec se attrectari patitur. — *metuit tangi*, ut supr. II, 2, 7: « penna solvi metuens, » ubi cf. not. — *tangere*, de tactu libidinoso in re Venerea, ut passim; similiter *attrectare mulieres* apud Cic. pro M. Coel. 8. et Suet. Neron. 26, hinc supr. *Pallas intacta* pro: integra, casta. — *Nuptiar. expers, et adhuc proterv. crud. mar.* Nonnulli interpretes hæc verba ad equam referunt, et rem inhonestam vocabulis honestioribus expres-

sam esse putant, ita ut *expers nuptiarum* sit equa, quæ nondum equum admiserit; per *protervum maritum* autem equus in Venerem ruens designetur; sed quidni jungere quoque liceat: *Quæ*, — *nuptiarum expers* (nondum ad libidinem proclivis) et *adhuc protervo cruda marito* (repugnans adhuc libidinosi amatoris deliciis) *ludit exsultim metuitque tangi, velut equa trima latis campis*, sc. ludere et tangi metuere solet? — *Nuptiæ et nuptias facere* passim de fructu amoris haud legitimi; vid. *Interpr.* ad Petron. c. XXV, ut γάμος et γαμήν apud Græcos; vid. *Hemsterhus.* ad Aristoph. Plut. p. 401, 2, et *Schrader.* ad Musæum p. 123, *maritus*, ut passim *conjux*, de quo vis amatore vel amica, et *conjugium* de amore haud legitimo. — *adhuc cruda marito*, nondum matura, nondum mollem mitemque se præbens amatori, aspera; translatum a pomis *crudis* h. e. immitibus adhuc et acerbis; hinc supr. II, 5, 10. Lalage, ferocius adhuc amatores rejiciens, cum *immiti uva* comparatur; et Theocrito XI, 21, Galathea eadem de causa παρτίπα θυφάκος ὀμᾶς dicitur. Nostrium expressit Stat. Theb. VII, 298: « expertem thalami, crudumque maritis Ignibus, ante diem cupido violabit amore improba connubii. »

Tu potes tigres comitesque silvas

Ducere, et rivos celeres morari.

Cessit immanis tibi blandienti

15

Janitor aulae,

Cerberus; quamvis Furiale centum

Muniant angues caput *ejus*, atque

Spiritus teter saniesque manet

Ore trilingui.

20

13. *Tu potes tigres* sc. cantus tui dulcedine flectere, vel mitiores reddere; ejusmodi enim aliquid supplendum est, quum *τὸ ducere* ex noto loquendi genere nomini tantum proximo *τὸ silvas* accommodatum sit; de cantus vi similiter Cicero pro Archia, 8: « bestiae saepe immanes cantu flectuntur atque consistunt. » Respicit autem poeta, ut quisvis ipse videt, ea, quae Orpheus lyrae cantu effecisse traditur; hinc quod lyra *silvas comites ducere*, (h. e. arbores adducere, ut lyra canentem tanquam comites sequantur,) et *morari celeres rivos* dicitur, egregie respondet iis quae supr. I, 12, 9—12, de Orpheo narrantur.

14. *Cessit imman. tibi Janit. aulae* Cerb. horrendum illum Orci janitorem, Cerberum, vicerunt blanda tua carmina, h. e. ita ceperunt et deliniverunt, ut Orpheo libere Orcum adeundi faceret copiam. — De Orphei in Orcum ad Eurydicen suam inde reducendam descensu et admirabili, quam ejus carmina ibi habuere, vi locus classicus est apud Virg. Georg. IV, 467 seqq. — *immanis* Cl. Mitsch. cum *Lambino* ad *aulae* referendum esse putant; sed ut nihil dicam, *Cerberi* jam magis, quam *aulae*, immani-

tatem favere rei, de qua sermo est, Virgilius quoque VI, 418, de Cerbero: « Cerberus haec ingens latratu regna trifuca Personat, adverso recubans immanis in antro. » — *Furiale*, Furiarum more angues pro crinibus habens; sic *Furialis incessus* de tali, quali Furiae se inferre solent, apud Liv. VII, 17. Sic Florus cap. XII, lib. 4: « Fidenae, quia pares non erant ferro, ad terrorem movendum facibus armatae, et discoloribus serpentum in modum vittis, furiali more processerant. » et cap. XII, lib. 3: « atqui haec Caesarem atque Pompeium furialibus in exitium reipublicae facibus armavit. » — *caput ejus*; *τὸ ejus*, ut nimis tenue et languidum in hac sublimioris carminis oratione, jure meritoque jam *Benileius* et *Cuningamius* et alii emendatum iverunt; scilicet verbum quoddam cum sequentibus jungendum in hac voce latere videtur, unde *Benileius* pro *ejus* atque tentabat; *exeatque*: et *Cuningamius*, *aestuetque*; et *Gesnerus*, *effluatque*; e quibus, si optio detur, *τὸ aestuetque*, ut Horatio dignissimum, equidem praetulerim: certum est hanc vocem *ejus* ab heroico carmine semper exulare; neque semel in toto

Quin et Ixion Tityosque vultu
Risit invito; stetit urna paullum
Sicca, dum grato Danaï puellas

Carmine mulces.

Audiat Lyde scelus, atque notas
Virginum pœnas, et inane lymphæ
Dolium fundo pereuntis imo,

Seraque fata,

Quæ manent culpas etiam sub Orco.

Impiæ, nam quid potuere majus?

25

30

Virgilio occurrere. Ed. Sed vide, quæ de hoc loco disputat V. Cl. *Nækius* in peculiari libello *Bonn.* 1821, quocum tamen ob unam vocem corruptam versus elegantissimos et Horatio dignissimos damnare nolim.—*Ore trilingui*, est igitur jam Cerberus *triceps*, ut supr. II, 19, 31; sed *centiceps*, supr. II, 13, 34, ubi vid. not.

21. *Ixion*; de Ixione, quod Junonis pudicitiam tentare ausus fuerat, ad Tartara detruso a Jove, ibique ad scelera pœnam luendam rotæ implicito, cf. Virgil. Georg. l. l. v. 484. *Tityosque*, cf. supr. ad II, 14, 8.—*vultu risit invito*, en vim carminum, eos quoque, qui alias a voluptatis sensu alienissimi sunt, suaviter adficiendum | Ixion enim et Tityus, auditis Orphei carminibus, non poterant non frontem sollicitam exporrigere, et excitatam voluptatis sensum vultu præferre.—*urna*, non dolium, ut putat *Jani*, cujus v. 27, sit mentio, sed vas, quo aqua hausta in dolium infunditur; itaque hæc ipsa *urna Danaïdum* apud Propert. IV, 11, 28 « humeros premere » dicitur.—*Danaï*

puellas, fabula de quinquaginta Danaï filiabus, quæ præter Hypermnestram sponso suos nocte nuptiali patris jussu occidisse feruntur, in vulgus nota; vid. Apollodor. II, 1.

25. *Audiat*, cum vi; in animum suum penitus admittat, perpendat: Danaïdum exemplo admonita Lyde superbiam aliquando exuat.—*scelus*, necatorum sponso, eisque inflictas pœnas, aquæ in pertusum dolium infundendæ.—*notas*, famosas, infames, ut supr. III, 4, 7, *notus Orion*.—*et*, particula explicativa: nempe, scilicet.—*inane lymphæ Dol. fundo pereunt. imo*, elegantissima dolii perforati circumscriptio; tale enim semper inane est aquæ, quod illa infusa non in eo continetur, sed imo fundo perit, h. e. transfluit. Ad hoc pertusum Danaïdum dolium spectat proverbium: εἰς τερψικλέην (vel τερψικλέην Lucian. Dial. Mort. XI, 4), κίθον ἀντλεῖν.—*fata*, pœnas; *sera*, ipse explicat: *quæ manent culpas sub Orco*.—*etiam* sc. post mortem.

30. *Impiæ*, detestandæ, execrabilis. Magna vis in repetito *impiæ*.—

Impiæ sponso potuere duro

Perdere ferro.

Una de multis, face nuptiali

Digna, perjurum fuit in parentem

Splendide mendax, et in omne virgo

35

Nobilis ævum.

Surge, quæ dixit juveni marito,

Surge, ne longus tibi somnus, unde

Non times, detur : socerum et scelestas

Falle sorores,

40

Quæ, velut nactæ vitulos lænæ,

quid majus? nam equod gravius scelus admittere potuere? ita appellare istas scelestas consentaneum est. — *potuere*, cum emphasi, sustinere, haud reformidarunt, ut in Prop. II, 25, 9 : « Lynceus, tunc meam potuisti tangere curam? » — *duro*, immiti, ad scelus adhibito; ut enses impii, horrendi, sic Tibull. I, 10, 4, *artem* cudi ferri *immitem* vocat.

33. *Una, Hypermnestra.* — *perjurum patrum*, quod fidei et pietatis, quam ut socer generis suis debebat, sanctitatem contaminavit. — *Splendide*, cum insigni honestioris animi gloria; causa enim, ex qua fidem perjurum patri datam, se sponsum occisuram esse; fefellerat Hypermnestra, fuit honestissima, sponsi nempe innocentis salus. Hinc Pindarus quoque Nem. X, 10, hanc Hypermnestræ fraudem probat. Cl. *Mitsch.* in hanc rem profert, quod de mendacii, in bonæ rei finem adhibiti, honestate præcipit Sophocl. Philoct. 110. Cum suavi loquendi genere autem *splendide mendax*, (ubi adjectum rei re-

pugnat, oxymoron appellant) comparant huic simillimum : *gloriose mentiri* apud Cicer. p. Mil. 27, et *gloriosum scelus* apud Senec. Ep. 98. Sic in Hierosol. liber. Torq. Tass. cant. II, st. 22, de Sophronia sacrum quoddam mahumetanorum simulacrum a se subreptum, ut cæteros christianos incusatos salvaret, simulante : « Magnanima menzogna, or quando è il vero Si bello che si possa a te preporre? » — *Surge, quæ dixit*, etc. vide quantam gravitatem toti huic carmini conciliat Hypermnestræ oratio! de qua quidem poetæ nostri lectores suos in mediam rem abripiendi arte cf. supr. Anal. III, 3. — *juveni marito*, Lynceo. *longus somnus*, quo, ut Virgil. Æn. X, 746, canit, in æternam clauduntur lumina noctem, pro : morte, ut supr. I, 24, 8, *perpetuus sopor*. Eadem ratione Ovid. Heroid. XIV, 73 : « Surge, age, Belide, de tot modo fratribus unus; Nox tibi, si properas, ista perennis erit. » — *unde*, a quibus.

41. *Vitulos*, apposite ad compara-

Singulos, eheu! lacerant : ego illis
Mollior, nec te feriam, neque intra
Claustra tenebo.

Me pater sævis oneret catenis,
Quod viro clemens misero peperi;
Me vel extremos Numidarum in agros
Classe releget.

45

I, pedes quo te rapiunt et auræ,
Dum favet nox et Venus : i secundo
Omne ; et nostri memorem sepulcro
Scalpe querelam.

50

tionem juvenum, quos ipse Venusinus Noster *juvencorum* nomine et imagine supr. II, 8, 21, designat. In rei comparisonem passim apud Homer. et alios obviam inter alia laudant Eur. Iphig. in Taur. 297. Senec. Thyest. 735. — *Singulos*, suum quæque. — *lacerant*, non modo occidunt, sed etiam cum voluptate jugulant. — *intra claustra tenebo*, intra thalamum retinebo. Nam mox tibi mortem sorores inferrent.

45. *Me pater sævis*, oneret cat. et vere Danaus, uti narrat Apollodor.

II, 1, 4: « καθεύξας αὐτὴν ἑπρόκειτο. » — *clemens*, humanitatis sensu tacta. — *I, pedes quo te rapiunt et auræ*, similiter infr. Epod. XVI, 21 : « Ire, pedes quocunque ferent, quocunque per undas Notus vocabit, aut protervus Africanus. » — *rapiunt*, celeriter hinc te auferunt; gravius est igitur quam : ferunt. — *Venus*, amantium patrona. — *et nostri memor. sepulcro scalpe querelam*, quam eleganter! pro vulgari : et sepulcri mei monumento tristem in memoriam nostri amoris inculpe titulum.

ANALYSIS. Ut in carmine antecedente Lycen, ita in hoc poeta Lyden, puellam pariter adhuc asperam et ferocius amatorum blanditias respicientem, mitiorem et sibi procliviorē reddere studet. In partes igitur vocat tam lyrae inventorem, Mercurium, quam ipsam lyram, enarransque, quomodo dulcissimo ejus cantu Orpheus non solum sævas bestias mitigaverit, arbores acciverit, et fluviorum cursum inhibuerit, sed apud inferos quoque Cerberum adeo suaviter demulserit, et Ixionem Tityumque recreaverit, mira arte ad fabulam Danaidum in hoc carmine sibi tractandam delabitur, utpote consilio suo Lyden ab animi duritie deterrendi et mollioris animi sensu imbuendi accommodatissimam. Cardo enim totius carminis vertitur fere in his : « O

testudo.... Dic modos, Lyde quibus obstinatas applicet aures.... Audiat Lyde scelus atque notas Virginum poenas, etc. » Quod si tenemus, neutiquam de nexu hujus carminis cum *Homio* et aliis laborabimus, immo poetæ in adornandis et scite inter se nectendis iis, quæ primariæ carminis sententiæ egregie respondent, artem et ingenium admirabimur. — Tractatio hujus fabulæ admodum lyrica, elocutionisque ornatus ac dignitas admirabilis.

CARMEN XII.

AD NEOBULEN.

Miseram Neobules sortem dolet, patruï objurgationibus propter
cujusdam adolescentis amorem vexatæ.

MISERARUM est, neque Amori dare ludum, neque dulci
Mala vino lavere; aut exanimari metuentes

1. *Miserarum est*, sc., puellarum conditio. — *Amori ludum dare*, significantius pro vulgari: amare; nam qui amant, ludo jocoque sæpe sunt Amori, vel ludibrium ei debent; hinc supr. I, 33, 44, 42. Venus: « impares Formas atque animos sub juga ahenæ Sævo mittere cum joco » dicitur. — Simplicius quoque accipi poterit *dare ludum* pro: indulgere, ut in illo Plaut. Bacch. Act. V, sc. 10: « Ego dare me ludum meo gnato institui, ut animo obsequium Sumere possit. Equum, esse puto, sed nimis nolo desidie Ei dare ludum. » — *Mala vino lavere*, (antique pro *lavare*, ut supr. III, 4, 61) curas vino diluere; « Siccis omnia nam (ut Noster supr. I, 18, 3, 4, loquitur) dura Deus proposuit; neque Mordaces aliter diffugiunt sollicitudines. » Ceterum quum per vini po-

tum a poetis sæpe nil nisi hilarioris et jucundioris vitæ fructus designari soleat, jam non de computationibus, (quamvis leviores inprimis puellas iis interfuisse constat, cf. supr. II, 44, 24, infra III, 14, 24.) sed in universum de vitæ hilaritate cogitandum est. — *aut exanim.... Patruæ verbera linguæ*, h. e. aut ex altera parte eas, quæ amori et vitæ hilaritati indulgent, dum patruï objurgationes iis metuentæ sunt, angere et sollicitari. — *Patruæ verb. ling.* convicia et opprobria patruï. Similiter Cicer. ad Div. XV, 16, *convicio verberare* dixit. Patruorum autem, ut hominum querulorum, et fratrum liberos inprimis assiduis objurgationibus increpantium et castigantium, passim fit mentio; cf. *Torrent.* ad h. l. et quos laudat *Ernestius* in Clav. Cic. s. v. *patruus*; hinc pro-

Patruæ verbera linguæ. Tibi qualum Cythæreæ
 Puer ales, tibi telas, operosæque Minervæ
 Studium aufert, Neobule, Liparæi nitor Hebri, 5
 Simul unctos Tiberinis humeros lavit in undis,
 Eques ipso melior Bellerophonte, neque pugno,
 Neque segni pede victus; catus idem per apertum
 Fugientes agitato grege cervos jaculari, et
 Celer alto latitantem fruticeto excipere aprum. 10

verbalis locutione severus morum censor et castigator *patruus* dictus est; infr. Sat. II, 3, 88: « Ne sis patruus mihi. »

3. *Tibi qualum Cyther.* etc. vide, quam egregie poeta vulgarem sententiam: « *tu amas Hebrum* » exornat, dum Neobulen, quæ, Hebro conspecto, opus statim, quod tractat, intermittere, et oculis animoque in eo solo morari fingitur, viva imagine, ut perditæ amantem, nobis repræsentat! Comparant dulcissimos in hanc rem versus Sapphus (*Anaï. Brunck.* I, p. 56.) « Γλυκεία μάτηρ, οὗτοι δύναιται κρέαν τὸν ἱστὸν, Πόθω δαμῖσαι παῖδες Πάριον δι' Ἀφροδίταν, » et Incerti Epigr. LIX, 3, 4. Anth. Græc. T. IV, p. 129. — *qualum*, calathum, sive canistrum vimineum, in quo mulieres pensa sua reponere solent. — *ales* pro: alatus; ut infr. IV, 11, 26, *Pegasus ales*. — *Minervæ studium*, artes muliebres, quibus præest earum inventrix et magistra, Minerva, unde illa *operosa*, h. e. gnava, industria, Græcis

ἔργον dicitur. — *nitor Hebri*, pulcher Hebrus, ut supr. I, 19, 3, *Glyceræ nitor*; scilicet Hebri nitor eam maxime percellit, simul ac, quotiescunque e Tiberinis undis emergit. — *Liparæi*, e Lipara, Æoliarum insula una, oriundi. — *unctos*, sc. oleo, quo quidem in natationis quoque exercitatione inungi solebant juvenes; hinc infr. Sat. II, 1, 7: « ter uncti Transanto Tiberim, somno quibus est opus alto. » — Ceterum de gymnasticis juvenum Romanorum exercitationibus cf. supr. I, 3, 8, seqq. et ibi not. — *Bellerophonte*, Pegasi domitore. — *neque pugno*, qui pugilatu et cursu excellit. — *catus*, doctus, sciens, ut supr. I, 10, 3. — *agitato*, a canibus puta. — *grege*; similiter Virg. Æn. I, 188, congregatorum cervorum agmen *armenta* vocat. — *excipere*, verbum venatorum ut Græcorum ἐκδίξασθαι, de venatoribus, qui in insidiis collocati feras inopinatas opprimunt; vid. *Burm.* ad Phædr. Fab. I, 11, 6, et ad Val. Flacc. VI, 422.

ANALYSIS. Neobules, cui patruī minæ et objurgationes, quod formosum quemdam juvenem amabat, extimescendæ erant, miseram sortem dolet. Sententiarum nexus hujus brevioris carminis, super cujus consilio mira com-

menti sunt interpretes, est fero hic: Miserae profecto sunt puellae, quae nec amant, nec vino curas abigunt; at miserae quoque sunt illae, quae quidem amant, sed metu et sollicitudine, qua patris severitatem et jurgia expavescant, cruciantur. Ejusmodi puella misera tu quoque es, Neobule, dam Hebrum, tam pulchritudine quam juvenilibus artibus insignem, perditis amas.—Nam quum in verbis: « aut exanimari metuentes patris verbera linguae, » non quasque alias puellas, sed peculiarem Neobules sortem respexisse videatur poeta, ad ea quoque, tanquam causam, quae miserum ejus amorem redderet, continentia, in constituendo hujus carminis consilio adverti debet.—Ceterum Horatius in hoc carmine non tam Anacreontis (XLVI) sententiam: Χαλεπὸν τὸ μὴ φιλοῦσαι; χαλεπὸν δὲ καὶ φιλοῦσαι, quam alium quemdam poetam graecum, quem tota hujus carminis indoles et oratio satis aperte prodit, expressisse videtur.—De singulari hujus carminis metro, et diversa, qua illud in Vett. Codd. et Editt. exhibitum et descriptum sit, ratione copiose egit Jani in Excurs. I, ad h. l. Sed siluit nova methodus, vulgo dicta *Port-Royal*; Dacrius et Mitscherlichius, qui tantum *difficile* et *ludicrum* vocat. Ed.

CARMEN XIII.

AD FONTEM BANDUSIUM.

O fons Bandusiae, splendidior vitro,
Dulci digne mero, non sine floribus;

1. *Bandus*. — *Bandusia*, ut Acron ad h. l. observat, « est agri Sabiniensis regio, in qua Horatii ager fuit. » Fons igitur, quem noster celebrat, ibi scatus, vocatus est *Bandusius*, e quo, ut infr. Epist. I, 16, 12–14, discimus, originem suam traxit rivus *Digentia*. — *splendidior vitro*, limpidissimus. Ovid. Heroid. XV, 157: « Est nitidus vitreoque magis perlucidus amni; » ubi plura in hanc rem dedit N. Heinsius; passim autem, quae perlucida sunt, cum vitro comparantur; unde *vitreus*, (Graecis βάλανος, βάλανος) pro: splendidus, perlucidus; cf. supr.

I, 17, 20.—*Dulci digne mero*, digne, cui dulce vinum libetur; *non sine floribus*, flores aequae, ac vinum libatum, ut rem sacram, fontis aquae inspersos esse puta. Cl. Müsch. in hanc rem laudat Varronis locum de L. L. V, 3: « Fontinalia feriae erant fontibus dicatae, quibus et coronae infontes conjici et putei coronari solebant. » Haud ipsi quidem fontis aquae, sed Nymphae, quae domum suam in hoc fonte habere putabatur, hos divinos honores factos esse, vix monere attinet; hinc supr. I, 7, 12, fons Albunea domus Albunearum, sc. Nympharum, voca-

Cras donaberis hædo,
 Cui frons turgida cornibus
 Primis et Venerem et prælia destinat 5
 Frustra; nam gelidos inficiet tibi
 Rubro sanguine rivos
 Lascivi suboles gregis.
 Te flagrantis atrox hora Caniculæ
 Nescit tangere: tu frigus amabile 10
 Fessis vomere tauris
 Præbes, et pecori vago.
 Fies nobilium tu quoque fontium,

tur. Nymphæ igitur fontis Bandusii jam munera spondet, quæ alias diis agrestibus offerri solebant; de vino Cl. Müsch. laudat Leonid. Tar. Carm. XXXV, Anth. Gr. T. I, p. 163, et de floribus eundem Carm. XXX, l. I, p. 161. — *Cras donaberis, sacrum tibi fiet.* — *Cui frons turgida corn. primis et Vener. et prælia destinat,* suavissima hædi annui vel anniculi circumscriptio; id ætatis enim hædus, quum prima cornua in ejus fronte turgescere incipiunt, ad prælia et Venerem proclivis fit; pro vulgari autem: *Quem fr. turg. corn. prim. et Veneri et præliis destinat*, h. e. ad Venerem et prælia proclivem reddit, inversa loquendi ratione dixit: *Cui f. t. c. p. Venerem et prælia destinat.* — Ceterum simili suavitate Hor. infr. III, 32, 7, *annuum verrem*, et IV, 2, 57, *vitulum* describit. — *Frustra* sc. ætas eum Veneri et præliis destinat. — *nam gelidos inficiet tibi rubro sang.* etc. expende ornatum vulgaris sententiæ: nam in tui honorem ille immolabitur. — *Aram* igitur

prope fontem exstructurus erat poeta. De ejusmodi aræ inscriptionibus, v. c. *Fontis Genio*, vel: *Fonti Divino. Aram. Posuit.* vide quos laudat Boettig. Gruter. p. XCIV, 3, 6. *Fabretti* c. VI, p. 432, 4, 8, 7. — *inficiet*, h. e. imbuet; hostiæ sanguinem fonti immissum esse puta. — *tibi*, in tui honorem.

9. *Atror hora flagrantis Caniculæ*, ætas sub Caniculæ ortu sæviens. — *Canicula* tam de Sirio, quam de Procyone, Antecane, intelligi potest; vid. *Salmas.* ad Solin. p. 303, cf. infr. III, 29, 18. — *hora* de quovis anni tempore: *horæ Septembres* infr. Epist. I, 16, 17, *horæ brumales* apud Ovid. Met. IV, 299; cf. supr. I, 12, 16. — *atrox*, vehementissimus, ferventissimus. — *ne scit tangere* pro: non tangit; *nescire* sæpius apud poetas inseruit periphrasi rei non. — *frigus amabile*, gratam umbram, refrigerium. — *vago*, erranti, pascenti.

13. *Fies nobilium fontium* græce pro: unus nobilium fontium; exempla de hoc loquendi genere dedit *Jani*

Me dicente cavis impositam ilicem

Saxis, unde loquaces

15

Lymphæ desiliunt tuæ.

in Art. Poet. p. 187. — Per *nobiles fontes* intellige v. c. Hippocrenen, Dircen, Arethusam, etc. — *me dicente cavis impos. ilic.* etc. dum ego carminibus meis te celebros; pro tenui te suaviter poeta ipsius fontis e saxis cavis, quæ superimpendens ilex inumbrat, prosilientis situm et speciem adumbrat; comparant Theocrit. VII, 137: « τὸ δ' ἐγγύθεν ἰερὸν ὕδωρ Νυμφῶν ἐξ ἄντροιο καταβόμενον καλα-

ρῶδες α. » — *loquaces lymphæ desiliunt* similiter Noster infr. Epod. XVI, 48: « montibus altis Levis crepante lymphæ desilit pede. » Nota quam concinne ac exquisite descriptum paucissimis verbis hujus fontis caput; ita ut cuius hos versus legenti non statim ob oculos obversari non possit lymphæ illa cum strepitu desiliens e cavo saxo, cui ilex rambea super impendet umbramque sufficit.

ANALYSIS. Ut fontem limpidum et umbrosis arboribus consitum, Bandusis, non procul ab ejus villa in Sabinis, scaturientem, æternitati consecret; solemne, quod vinum libando, flores spargendo, et hædum mactando in ejus honorem crastino die instituturus est, indicit sacrificium. — Poetas græcos exemplo suo in celebrandis et consecrandis fontibus amœnis Nostro prævisse, vel e versu 13: « Fies nobilium tu quoque fontium » manifestum est.

CARMEN XIV.

IN AUGUSTI EX HISPANIA REDITUM.

HERCULIS ritu, modo dictus, o Plebs,

Morte venalem petiisse laurum,

1. *Herculis ritus*, etc. Sensus: Augustus, o plebs, qui modo ad Herculis exemplum forti animo pro victoria ab hostibus reportanda vitæ discrimen adiisse dicebatur, jam victor ex Hi-

spania in urbem redit. — *Herculis ritus*, Augustus, ut remotissimorum populorum victor, apposite cum Hercule, tam victoriis quam erroribus suis per totum terrarum orbem insi-

Caesar Hispana repetit Penates

Victor ab ora.

Unico gaudens mulier marito

5

Prodeat, justis operata Divis,

Et soror clari ducis, et decoræ

Supplice vitta

Virginum matres, juvenumque nuper

Sospitum. Vos, o pueri, et puellæ

10

gni, comparatur; hinc Virgilius quoque in Anchisæ de futuris Augusti victoriis super populis remotissimis vaticinio *Æn.* VI, 802: « Nec vero Alcides tantum telluris obivit. » Hæc Augusti autem cum Hercule comparatio jam multo magis quadrat, quod Hercules quoque, Geryone in Hispania occiso, iter suum in Italiam flectebat. — *modo*, paulo ante; refer ad expeditionis celeritatem; vix Augustus bellum incepisse putabatur, quum jam inde victor rediret. — *Morte venal. petiisse laurum*, quam præclare pro vulgari: hostium vincendorum causa vitæ periculum subiisse. *laurus morte venalis*, victoria, quæ vita emi debet, h. e. victoria, cujus impetrandæ causa vitam aliquis contemnere debet; simili elegantia *honorem vitæ emere* dixit Virgilius *Æn.* IX, 206.

8. *Mulier*, Livia. — *unico*, præstantissimo, egregio; qui in re nota exempla desiderat, adeat *Heins.* ad Ovid. *Met.* III, 454. — *Prodeat*, solemnī pompa nempe, de qua *prodire* proprie. — *operata Divis*, ut Diis operetur, h. e. vota pro salute mariti suscepta nunc sacro faciendo exsolvat. — *operata* passim pro præsentē *operans* a poetis ponitur; Tibull. II, 1. 9, *Omnia*

sint operata Deo pro: operentur; et sic apud Virgil. *Georg.* I, 338; Ovid. *Art. Am.* III, 414, et 635; *Am.* II, 7, 23, et sæpe alibi. — *justis*, qui se justos præbuerunt, quum imperatorem victorem ab Hispania reduxere. — *soror clari ducis*, Octavia. — *matres supplice vitta decoræ*, h. e. vitta, ut decet supplicatum euntes, redimitæ; sic infr. *Epod.* II, 17: « quam decorum (h. e. pulcre redimitum) mitibus pomis caput Auctumnus arvis extulit; » et apud Ovid. *Fast.* II, 503: « Romulus trabea decorus, » h. e. ornatus. — *Supplice*, ad personam, quæ vittam gerit, referendum. — *Virginum*, nuptiarum nempe, quarum mariti salvi ex bello redierant; sic supr. II, 8, 23, novæ conjugēs *virgines nuper nuptæ*, et apud Virg. *Eclog.* II, 6, 47, Pasiphaë Minoi nupta *virgo infelix* dicitur. — *nuper*, ex bello recentissimo Cantabrico.

10. *Vos, o pueri, et puellæ jam virum expertæ, male ominat. parca. verbis*, Sensus: Vos ipsi, o juvenes mariti, et nuptæ puellæ, ne amplius jacite male ominata ista verba, quibus raptum iri tristi bello vestrum conjugium augurabamini; immo (hoc enim inde elici debet) in pristinam

Jam virum expertæ, male ominatis

Parcite verbis.

Hic dies vere mihi festus atrâs

Eximet curas: ego nec tumultum,

Nec mori per vim metuam, tenente

15

Cæsare terras.

I, pete unguentum, puer, et coronas,

Et cadum Marsi memorem duelli,

amoris mutai felicitatem nunc restituti bona verba facite. — Hæc quidem ratio, qua hunc locum vexatissimum expedire studui, facillima, et tam rei, quam verbis accommodatissima mihi visa est. Recepi autem antiquam lectionem: *et puellæ Jam virum expertæ*, h. e. nuptæ. Poeta scilicet, ut eo magis appareret, jam de puellis nuptis sermonem esse, consulto addidit: *Jam virum expertæ*, quamvis alias ipse nuptæ vel conjuges simpliciter *puellas* appellari solent; sic v. c. Penelope in Epistola ad maritum suum Ulyssem apud Ovid. Her. I, 118, *se puellam* vocat, et infr. III, 22, 2, *puellæ utero laborantes*. — At longe aliter de hoc loco sentiunt interpretes recentiores, qui, lectione: *Vos, o pueri, et puellæ Jam virum expertes*, quæ Cuningamii debetur ingenio, in textum recepta, de pueris, qui patribus, et de puellis, qui maritis suis in bello privati sint, agi autmant. Sed, ut nihil dicam, quod recte jam monuit Gesnerus, importuno plane locosic rei tristissimæ jam mentionem fieri, ipse usus loquendi huic explicationi repugnat. *Puella* enim *vir expertæ* ea demum recte ita dici-

tur, quæ cum viro non consuecit, vel, ut cum Virgilio Æn. IV, 550 loquar, *vitam thalami expertem* degit, non ea, quæ viro orbata est. Et quis *pueros expertes*, ne voce quidem *patrum* adjecta, de pueris, qui patribus suis in bello privati sint, recte accipiat? Nec melius procedit ratio eorum, qui *puellas jam virum expertes* de innuptis interpretantur, ita ut *et jam* pro: nunc adhuc, positum sit. Profecto si Horatius *jam virum expertes* scripsisset, haud dubie nuptas, quæ consuetudinis cum marito huc usque exsortes vixerint, intellexisset. Donec igitur non meliora afferentur, antiquam lectionem servandam esse existimo. — *male ominatis*, alii, ut hiatum vitent, *male nominatis* legunt, quod ad sensum idem est non tam simplici ratione.

14. *Tumulum*, civiles dissensiones. — *mori per vim*, nec metum mortem violentam obire vel per hos civiles tumultus, vel per bellum externum. Vide Lib. IV, Od. XV: « Custode rerum Cæsare, non furor Civilis, non vis eximet otium. » — *I, pete*, etc. Jam festi hujus diei lætitiâ præcipit poeta effusiori hilaritati intentus.

Spartacum si qua potuit vagantem

Fallere testa.

20

Dic et argutæ properet Næaræ

Myrrheum nodo cohibere crinem;

Si per invisum mora janitorem

Fiet, abito.

Lenit albescens auimos capillus

25

Litium et rixæ cupidos protervæ.

quo artificio rerum descriptio mire animatur. — *Et cadum Marsi mem. duelli*, exquisite pro: vinum anno, quo bellum Marsicum æviit, conditum adeoque vetustissimum; de bello *Marsico*, a Marsis, præcipuis ejus auctoribus, ita appellato, vel, uti idem vocari solet, *Italico* seu *Sociali*, quod U.C.DCLX, usque ad ann. DCLXII; insigni atrocitate de civitatis jure gestum est, vid. Flor. III, 48. Videtur autem vinum bello Sociali natum præstantia sua inprimis nobile fuisse, quum Juvenalis quoque V. 34: «*uvæ bellis Socialibus calcatæ*» cum laude mentionem fecerit; cf. ibi Cl. *Rupert.* in *Comment.* ad h. l. — *memorem*, qui suo titulo memoriam hujus belli revocet; mos enim Romanis erat in amphoræ operculo inscribere nomina consulum sub quibus in amphoram vinum fuerat infusum. — *Spartacum si qua potuit vagant. fall. testa*, si qua ratione fieri potuit, ut circumvagantem Spartacum lateret vino illo impleta amphora; de *Spartaco*, perniciosissimi illius in Italia belli, (U. C. DCLXXIX.) quod *Servile* appellari solet, concitatore, res nota; vid. Vell. II, 20; Flor. III, 20. — *qua*

sc. ratione, pro: forte. Sic in Virg. *Æn.* VI: «... si qua fata aspera rumpas.» — *vagantem*, per Italiam, atque diripientem omnia.

21. *Dic et argutæ properet*, etc. plane uti supr. II, 11, 21, seqq. ubi pariter ad hilare convivium arcessi jubetur psalteria, Lyde, quæ ad psalteriarum levitatem et causam simul, ex qua illæ advocari solebant, indicandam *scortum* ibi vocatur. — *argutæ* h. e. canoræ; notissimum est illud Virgilii: «argutos interstrepit anser olores;» similiter apud Græcos in laudem passim dicitur *λαμυρὸς* et *ἀλλιος*; vid. *Ruhnken.* ad *Hermesian.* Eleg. v. 78. — *properet nodo cohibere*, festinantius in nodum colligat; cf. supr. l. l. v. 24. — *Myrrheum*, h. e. *myrrha*, ut Virg. *Æn.* XII, 100, de coma dixit, *madentem*; minus bene alii a myrrhæ colore ad fuscum crinis colorem referunt. — *invisum*, difficilem nempe. Hac prævisione satis docet poeta se bene hunc janitorem novisse, repulsamque ab eo non semel expertum esse.

23. *Lenit albescens*, etc. quam præclare! in hanc fere sententiam: juvenilis enim ille calor quo ejusmodi

Non ego hoc ferrem calidus juvena,
 Consule Planco.

moras non tulissem, deferbuit, et fuit igitur Horatius sub Planci consu-
 etate mitigatus est. — *ferrem* pro: latu juvenis annorum ferme XXIII;
 tulissem. — *Consule Planco* U. C. quæ prorsus ætas capidinis ignibus
 DCCXII, collega M. Emilio Lepido; ardere solet.

ANALYSIS. Quum Augustus, Cantabris perdomitis, ex Hispania victor in urbem rediret (U. C. DCCXXX, vid. Djo LIII, 26), diem festum poeta tam publice Augusti conjugii, sorori et aliis matronis nuptisque puellis, quam sibi privatim celebrandum, hoc carmine indicit. Lætitiâ autem suam de felici Augusti reditu expressurus est ita, ut, dum illæ solemnî pompa ad supplicationem prodeant, ipse privatim inter vini vetastioris pocula, et inter amoris lusus (ad quos arceasi jubetur Næra, psalteria), summa hilaritate hunc diem transigat.

Animatur totum hoc carmen effrenioris gaudii entusiasmo, omninoque illud exemplo esse potest, qua arte argumentum per se admodum vulgare tractari nobilitarique possit. Exordium grave, utpote publicos familiæ Augusti, totiusque populi lætitiæ sensus manifestans; levior contra exitus, suos privatos exponens.

CARMEN XV.

AD CHLORIN.

Ut jam vetula petulantix et libidini modum constituat.

Uxor pauperis Ibyci,
 Tandem nequitix fige modum tuæ,

1. *Pauperis*, tam ad sortem Chlo- inexhaustæ libidini. — *Famosis la-*
 ridis humiliorem, quam ad causam, *loribus*, infami, quo quæstum cor-
 quæ illam ad quæstum meretricium pore adhuc fecisti, libidinis exercitio.
 adegerit, indicandam. — *nequitix*, — *Maturo propior funeri*, morti, cui

Famosisque laboribus :

Maturo propior desine funeri

Inter ludere virgines,

5

Et stellis nebulam spargere candidis.

Non, si quid Pholoen satis,

Et te, Chlori, decet; filia rectius

Expugnat juvenum domos,

Pulso Thyas uti concita tympano.

10

Illam cogit amor Nothi

Lascivæ similem ludere capreæ :

pro ætate tua matura es, vicinior; hinc infr. in Epist. ad Pis. v. 118, *maturus senex*. Cl. *Mitsch.* opportune in hanc sententiam comparat Nicarch. Epigr. XII, 4; Anth. Græc. t. III, p. 61 : « Ἄλλ' ὅτι ταύτην οὐκ ἄνδρα ζητεῖν νῦν ἴδαι, ἀλλὰ τάρον. » Idem laudat Aristoph. Vesp. 1355. — *ludere*, delicias facere, amantium more joci. Eodem sensu infra IV, 13, 4, de Lyce vetula : « Fis anus, et tamen... ludisque et bibis impudens. » — *Et stellis nebulam spargere*; cœtui puellarum te immiscendo, tanquam nebula apparet inter stellas candidas, lucidas, puellas formosas; docte adhibita venustarum virginum cum stellis comparatione.

7. *Si quid Pholoen satis*, sc. ut puellam in ætatis flore constitutam. — *Expug. juv. dom. Pulso Thyas uti concita tympano*; Chloris igitur lasciviorum puellarum more adhuc comissari, et furore Bacchico quasi percita juvenum domos effringere solebat; unde apud Plaut. Mil. glor. act. IV, sc. 6, acortum Acrolonteium : « Durare nequeo, Quin eam intro. —

MIL. Occlusæ sunt fores. — Ac. Effringam »; et Senec. Nat. Quæst. IV, præf. « Adulationi nos opponere, non claudere ostium, et quidem sic quemadmodum opponi amicæ solet, quæ si impulit, grata est; gratior, si effregit. » Cum Bacchis autem haud raro comparari solent furibundæ mulieres, vetulæ inprimis, libidinis furore agitate; vid. *Mitsch.* — *tympano*, ejusmodi *tympani* figuram ex marmore profert *Sponsius Miscell. Erud. Antiqu.* Sec. I, Art. 6. Fusc de ejus in sacris usu disputat *Perizon.* ad *Æl.* IX, 8.

11. *Amor Nothi*, amor quem in Nothum experitur. — *Lascivæ similem ludere capræ*, capreæ more se lasciviorum et proterviorum gerere. Comparant Dionys. Per. 843 : « Παρθενικαί, νεοθάλεις οἳά τε νεβροί, Σκαίρουσι. » — *Te lanæ prope nob. Tons. Lucer.* Multum sane fellis et acerbitalis habet hæc lanificii, ad quod, tanquam ad proprium vetularum opus, Chloridem amandat, commendatio. Similiter vetulæ pristinae levitatis poenam lanificio luere jubentur apud Tibull. I,

Te lanæ prope nobilem

Tonsæ Luceriam, non citharæ, decent,

Nec flos purpureus rosæ,

15

Nec poti vetulam fæce tenuis cadi.

6, 77 : « Ast, quæ fida fuit nulli, post victa senecta, Ducit inops tremula stamina torta manu. » Illo scilicet vilî opere vitam sustentare vulgo cogebantur meretrices, amissis per ætatem illecebris. Inprimis huc spectat a Cl. Müsch. laudatum Epig. Incert. Auct. LXXXII, Anth. Græc. t. IV, p. 134 : « Ἡ τὸ πρὶν αἰχήσασα πολυχρόσις ἐν ἱρασταῖς, ἢ Νήμισιν δεινὴν οὐχὶ κύσασα θεὸν, Μίσθια νῦν σπαθίους πενυροῖς πένισματα κρούει. Ὅψι γ' Ἀθηναίη Κύναν ἀπείσατο. » — *Luceriam*, oppidum Apuliæ, lanæ præstantia ob egregia,

quæ ibi erant, pascua nobile. — *flos purpur. rosæ*, coronæ convivales, e rosis nexæ, quæ Chloridis canos parum deceant. — *poti fæce tenuis cadi*, psaltrias inprimis, quæ interesse solebant comissionibus (cf. carm. antec. v. 21), mulieres vinolentas fuisse, operose ad h. l. docet Müsch. — *fæce tenuis*, ἰς τρύγα, cf. supr. I, 25, 27. Pessime nonnulli codices, *sed poti vetula*; quasi ad *fæce* pertineret, et quasi Chloridem ab amore ad amphoram ablegando amarior et vetulæ aptior foret irrisio. Ed.

ANALYSIS. Quum Chloris, licet jam annus facta, ambitiose tamen et proterve inter puellas adhuc nitere, et juvenes, ut olim, amoris sui illecebris irretire studeret; poeta ei in hoc carmine, ut modo tandem nequitie posito, et partibus, quas olim egerit, filie suæ Pholæ traditis, in lanificio potius, quod magis deceat vetulam, operam suam et studium ponat, non sine amaro risu dat consilium. — Similiter Noster supr. I, 25, *Lyden*, et infr. IV, 13, *Lycen*, ut vetulas, inepte amoribus adhuc deditas, contumeliose traducit. — Ceterum in hoc tractato argumento græci cujusdam poetæ vestigiis Nostrum instituisse, ex totius hujus carminis indole satis certo colligi potest.

CARMEN XVI.

AD MÆCENATEM.

INCLUSAM Danaen turris ahenea,
Robustæque fores, et vigilum canum
Tristes excubiæ munierant satis

Nocturnis ab adulteris :

Si non Acrisium, virginis abditæ

5

1. Ad vulgarem sententiam exorandam : « Nihil tam munitum esse, quod non auro expugnari possit, » primum utitur exemplo Danaes, quam ne firmisajmis quidem munimentis satis tutam ab adulterorum auro præstare potuit Acrisius. Suaviter autem Venerem et Jovem risisse fingit, quum Acrisium vana contra auri potentiam moliri viderent. — Acrisius scilicet, rex Argivorum (ut narrat hanc fabulam Apollod. II, 1 seqq.), de vitæ periculo a nepote aliquando sibi timendo divinitus monitus, filiam suam Danaen in æreum thalamum inclusisse, et sic sortis eventum eludere voluisse dicitur. Sed Joviter, quum in aureum imbrem conversus per *tecta* (*διὰ τῆς ὀροφῆς*) sive per *tegulam* (Terent. Eun. III, 3, 35) in Danaes sinum descendisset, ex illa procreavit Perseum, qui postea avum suum Acrisium inconsulto et temere disci jactu occidisse traditur ; cf. Hygin. Fab. LXIII. — *turris ahenea*, intellige cubiculum vel thalamum, ubi a potioris sexus aditu secludi apud Græcos virginis solebant,

munitissimum, e quo poetæ posteriores fecerunt *turrim aheneam* vel *æratam*, Claud. in Eutrop. I, 32. Apollod. l. l. dixit : « Ἀκρίσιος ὑπὸ γῆν θαλάμῳ κατασκευάσας χάλκιον, τὴν Δανάην ἐφρούρει. » Paul. Silent. Epigr. XVI, 2, appellat illum carcerem *χαλκιδάτους θαλάμου*. Cf. Mitsch. et Boettig. — *robustæ*, e trabibus roboreis contextæ, h. e. firmæ ; hinc *robur* de loco bene munito in carceribus ; cf. supr. ad II, 13, 19. — *vigilum can.* de canum gynæceis additorum custodia laudant Aristoph. Theamoph. 423. — *tristes* sc. amatoribus ; similiter Ovidio Art. Am. III, 601, « *tristis custodia servi* » dicitur. — *munierant satis*, muniissent satis, tutam præstitura fuissent, nisi, etc. Hac orationis forma usus quoque est Virgil. Æn. VIII, 222, 23 : « Multaque dura suo tristi cum corde putabant », et diutius multa dura secum reputaturi fuissent, « Ni signum cælo Cytherea dedisset aperto. »

3. *Si non Acrisium*, etc. Hic ingeniosissimum carminis hujus initium

Custodem pavidum, Jupiter et Venus
Risissent : fore enim tutum iter et patens
Converso in pretium Deo.

Aurum per medios ire satellites,
Et perrumpere amat saxa potentius
Ictu fulmineo : concidit auguris

10

Argivi domus, ob lucrum

expende, in quo poeta curiosos illos custodiam apparatus describit, adhibitosque in auxilium canes, fores, aes, excubias memorat, quibus majus nihil ab hominibus in custodiam excogitari potest; quorum tamen omnium inutilitatem brevi illa admodumque concinna loquendi ratione declarat : *Si non Jupiter et Venus*, etc. Nota etiam venustissimam rei imaginem : Jupiter et Venus, de caelo terras despectantes, in echinnos solvuntur, dum operosa Acrisii in filiis pudore custodiendo adspiciunt molimina, quippe quae nihil profutura scirent, si auro sibi aditum pararent. Unde suavissima oritur figurarum complexio; hinc Acrisii metu et pavore exanimati; illinc Jovis et Veneris trepidantem Acrisium deridentium. — *fore enim* sc. bene norant, vel : probe gnari. — *tutum*, haud interclusum a custodibus; liberum; securum. — *pretium* apposite pro : aurum. Hoc vocabulo enim res, quae in fabula latet, adulterum nempe viam sibi ad Danaen, custodibus auro vel pretio corruptis, aperuisse, simul innuitur. Ovid. Am. III, 8, 30 : « Jupiter admonitus, nihil esse potentius auro, Corrupta pretium virginis ipse fuit; » et hinc apud eundem Met. IV, 610, Danae Perseum « pluvio auro »

concepisse dicitur. Euripides ita in Dan. 30; et Asclepiad. XXVI, 6. Ed.

9. Loca similia de *auri potentia* vid. apud Interpp. Huc pertinet imprimis sententia, quam de auri, munitissima quaeque penetrantis, vi eidem Danae fabulae subnectit Paul. Silent. l. c. 4: *Χάλια νυξ ταίρεα και διαμολος χρυσος ο πανδαμεινωρ*. — *per medios satellites*, eos scilicet corrumpeudo. — *amat, φιλει*, non simpliciter pro : solet, ut explicant, sed habet simul adjunctam notionem voluptatis, qua aurum in vi sua ostendenda, tanquam in proprio sibi que jucundissimo negotio, versatur. — *saxa*, munitissima quaeque. — *auguris Argivi*, Amphiarai, cujus interitus, et omnis, quae eum secuta est, familiae suae clades, ab aureo monili, quo se corrumpti passa fuerat ejus uxor et Adrasti soror, Eriphyle, repetenda fuit. Nam quum ille fati, quod, ut vates, sibi in bellum Thebanum profecturo instare animo praeceperat, evitandi causa se occultasset; ab ipsius uxore, aureo monili, quod per Polynicem ei oblatum fuerat, sollicitata, proditus et ad illud bellum protractus est. Quo ubi terrae haustu periisset, ejus filius Alcmaeon matris fraudem caede ultus est; ipse autem ob idem monile aureum,

Demersa exitio : diffidit urbium

Portas vir Macedo, et subruit æmulos

Reges muneribus : munera navium

15

Sævos illaqueant duces.

Crescentem sequitur cura pecuniam,

Majorumque fames. Jure perhorru

Late conspicuum tollere verticem,

Mæcenas, equitum decus.

20

quum illud ab uxore, quam repudiaverat, Alpheisibora repeteret, ab ejus fratribus occisus est; vid. Apollod. III 6, 2; Hygin. Fab. LXXIII. — *Concidit Demersa exitio* exquisitius pro : demersa est exitio, h. e. corrui et extirpata est.

13. *Diffidit urb. Portas vir Mac.* Fabulis adjungit res historica fide et experientia confirmatas. — *vir Mac.* Alexandri M. pater, Philippus, qui, ut Cicero ait ad Attic. I, 16 : « Omnia castella expugnari posse dicebat, in quæ modo asellus auro onustus ascendere posset. » Hinc idem apud Val. Max. VII, 2, ext. 10 : « Majore ex parte mercator Græciæ, quam victor, » dicitur; cf. Diodor. Sic. XVI, 84. — *diffidit*, gravius pro : perripit, expugnavit. — *subruit*, significantius pro tenui : vicit; *subruere* enim, quod proprie de eo, qui machinis vel operibus muros destruit, dicitur, apposite transfertur ad eum, qui auro et muneribus, tanquam machinis, alterius potestatem subvertit. — *Munera nav. Sævos illaq. duces.* Refertur ad Menodorum vel Menam, qui muneribus corruptus a Pompeio, cujus classi præfectus fuerat, ad Augustum, et ab eo vicissim ad illum defecisse

traditur; vid. Dio XLVIII, 48, et XLIX, 1. — *Sævos*, h. e. fortes.

17. *Nexus* : Quantacumque autem sit divitiarum vis, neutiquam tamen eæ, propter innumera mala quibus possessorem suum affligunt, expetendæ sunt. Etenim tantum abest, ut possidentem sui felicem præstent, ut eum potius gravissimis curis continuo premant ac obruant. Miseria ista cernitur in cura, studio, cupiditate augendarum opum quæ sequitur, comitatur crescentem pecuniam. — *Crescentem seq. cura pec.* cf. in hanc sententiam supr. II, 2, 13. Notissimum est illud Juvenal. XIV, 139 : « Crescit amor nummi, quantum ipsa pecunia crescit. » Cl. *Mistch.* laudat Paul. Sil. LXXV, 3; Anth. Gr. t. IV, p. 74 : « Πλοῦτον ἔχειν ἰδίῳ τὸν ἐπάρκιον, ἡ δὲ περισσὴ θυμὸν ἀεὶ κατὰ δει χρυσομανίης μελέτη. » — *Majorum* sc. bonorum; *majora*, τὰ μεῖζονα, πλεονα; ut *ἡμερος πλεόνων* apud Theocrit. XVI, 68. — *Jure*, non immerito propter causas supra dictas. — *perhorru*, gravius pro : nolui. — *Late conspic. tollere verticem.* divitiarum gloria explendescere; *verticem tollere* (ὀψαρχεῖν) dicuntur, qui vana gloria super alios se efferant, eoque præ se contemnunt;

**Quanto quisque sibi plura negaverit,
Ab Dīs plura feret. Nil cupientium
Nudus castra peto, et transfuga divitum**

Partes linquere gestio,
Contemtæ dominus splendidior rei, 25
Quam si, quidquid arat impiger Appulus,
Occultare meis dicêrer horreis,

Magnas inter opes inops.

Puræ rivus aquæ, silvaque jugerum

cf. supr. I, 18, 15.—*equium decus*, similiter supr. I, 20, 3; Mæcenatem *clarum equitem* appellat.

21. *Quanto quisq. sibi plura neg.*
Ab Dīs plura feret. Quo minor alicujus est divitiarum cupiditas, eo major a diis ei concedetur felicitas; h. e. qui sorte sua contentus vivit, multo divite avaro est ditior. Nam, ut Cicero ait Paradox. VI, 3: « Non esse cupidum, pecunia est.... contentum vero suis rebus esse, maximæ sunt certissimæque divitiæ;.... rebus suis contenti satis esse putant, quod est; nihil appetunt, nulla re egent, nihil sibi deesse sentiunt, nihil requirunt. » — *Nil cupient. Nudus castra peto,* ego, qui nullas divitias possideo, (*nudus*) faciam cum iis, qui pariter a divitiarum possessione abhorrent. — *et transfuga div. Partes linq. gestio,* et lubens volensque me a divitum partibus sejungo. Usus est Noster locationibus, quæ similiter alias a militia ad philosophorum sectas vel disciplinas transferri solent. — Senec. Epist. 2: « Soleo et in aliena castra transire, nec tanquam *transfuga*, sed tanquam explorator. » — *Cont. dom. splend. rei, Quam si, quidquid arat,* etc. Sententiam in antecedentibus po-

sitam amplificat et exornat magis; **sensus** : Multo majori mihi cedit honori, quod rem tenuem et ab aliis contemptam meo imperio subjicere didici, quam si res ampla me suo subiceret imperio; h. e. tenuitate mea contentus longe beator sum divite, qui magnas inter opes multa adhuc desiderat. — Alii verba : *Contemptus dominus splendidior rei*, explicant : « divitias contemnendo locupletior sum dominus, quam si, » etc. Sed quum *contenta res* opposita sit amplissimorum latifundiorum messibus, nec Horatius divitiarum, quas contemserit, dominus fuerit, *rem contemptam* de ea, quæ ab aliis contemnitur, h. e. parva, tenui, explicare præstat; *splendidior*, quod is, qui paucis contentus est, sapientiæ gloria magis effulget; *quidquid arat*, quidquid frumentorum ex cultis agris colligit. — *Magnas inter opes frons*; similiter Senec. Herc. Fur. 166, avarum divitem « pauperem congesto in auro » dixit; cf. *Misch.* infr. Epist. I, 2, 56 : « semper avarus eget. » Unde Quint. Inst. Or. VIII, 5 : « Nam deest avaro, tam quod habet, quam quod non habet. »

29. Ecce me Sabino meo agello

Paucorum, et segetis certa fides meæ,

30

Fulgentem imperio fertilis Africæ

Fallit sorte beator.

Quamquam nec Calabræ mella ferunt apes,

Nec Læstrygonia Bacchus in amphora

Languescit mihi, nec pinguia Gallicis

35

Crescunt vellera pascuis;

opulentiorum altero, latissimas in Africa possessiones habente! Egregie poeta suum felicitatis ex mediocritate sensum subjunxit, quo dilucidius propositæ sententiæ veritatem ostenderet. Jam in agri Sabini descriptione mirifice placet amenitatis ejus habita ratio, qua divites, soli lucro intentos, minime tangi videas. Eadem fere de isto prædicat Serm. II, 6, 1: « Modus agri non ita magnus, Hortus ubi et tecto vicinus jugis aquæ fons, Et paulum silvæ. » — *Puræ rivus aquæ*, breviter describit villam suam in Sabiniis, ubi fluebat rivus *Digentia*, e fonte Bandusio (cf. supr. III, 13, 1) desiliens. — *silvæque juger. Pauc.* infra quoque Hor. Sat. II, 6, 2, 3, præter « vicinum aquæ fontem... paulum silvæ » sibi contigisse ait. — *segetis certa fides meæ*, ager fertilis, qui certa fide, quod ei creditum est, cum fœnore reddit; de loquendi genere e re pecuniaria ad agriculturam translato vid. supr. ad III, 1, 30. — *Fulgent. imp. fert. Afr.* eum, qui divitiarum splendore conspicuus latifundiis suis in fertili Africa imperat; *imperium*, ut regna apud Virg. Eclog. I, 70, de agrorum possessionibus; cf. supr. ad II, 2, 9. — *Fallit sorte beator*, possessorem latifundiorum agellus meus sorte beator *ὅν* latet, h. e.

homo ditissimus ignorat agellum meum beatiorem esse, beatiorem domino sortem præstare quam fertilis Africæ imperium. Illa per notissimum hellenismum explicatio omnem de hoc loco tollere difficultatem mihi videtur, novamque interpunctionem inutilem efficere, qua Wakefieldius et Doëring ad sequentem strophem volunt referre hæc verba, *sorte beator*. Ed.

33. *Quamquam nec Cal. mella ferunt apes*, quamvis non agros in Calabria possideo, ubi apum mihi quæstuosum esse possit mellificium; notum inprimis præstantia sua fuit mel Tarentinum; cf. supr. ad II, 6, 14. — *Læstrygonia amphora*, in qua vinum Formianum conditum est, ut supr. I, 9, 7, *diota Sabina*; designatur autem vinum Formianum a *Læstrygonibus*, regionem ad oppidum *Formias* in Campania incolentibus; vid. Hom. Odyss. X, 82. — *Languescit*, vêtérascit, ut « molle merum, » I, 7, 10, et « vina languidiora » III, 21, 6. — *pinguia*, qualia oves *pingues* (ut infr. IV, 12, 9, vocantur) gerunt, crassiora et melioris notæ lana obsita puta. — *Gallicis pasc.* Columell. VII, 2, 4: « Gallicæ oves pretiosiores habentur, earumque præcipue Altinates. » Mart. libr. XIV, Epig. 185, lanas Cisalpinas Altini, post

Importuna tamen Pauperies abest;
 Nec, si plura velim, tu dare deneges.
 Contracto melius parva cupidine
 Vectigalia porrigam,
 Quam si Mygdoniis regnum Alyattei
 Campis continuem. Multa petentibus
 Desunt multa. Bene est, cui Deus obtulit
 Parca, quod satis est, manu.

40

Apulicas et Parmenses laudat. En.

37. *Importuna tamen Paup.* molestis et importunis curis hominum animos de rebus, unde vivant, crucians (χαλεπή). — *parva vect.* *Vectigal* jam, ut passim, de privatorum hominum redditibus; sic infr. Sat. II, 2, 100; et sic « tenue vectigal » de modicis redditibus apud Cic. Paradox. VI, 3: « Non intelligunt homines quam magnum vectigal sit parcimonia... Capit ille ex suis prædiis sexcenta sestertia, ego centena ex meis; illi aurata tecta etc. infinite concupiscenti, non modo ad fructum ille est sumptus, sed etiam ad fœnus exiguus; ex meo tenui vectigali, detractis sumptibus cupiditatis aliquid etiam redundabit. Uter igitur est ditior? cui deest, an cui superat? qui eget, an qui abundat?» Per *parva vectigalia* igitur designat modicum suum in Sabinis agellum. — *melius porrigam*, sapientius extendam; nam qui sorte sua contentus

est, ditissimo est ditior; *porrigere* pro: propagare, dilatare, extendere; ut infr. IV, 15, 15: quod præclare opponitur *contracto*. — *Alyattei*, regis Lydiæ, Croesi patris. — *Mygdoniis*, Phrygiis; cf. supr. ad II, 12, 22. — *continuem*, continuo vel perpetuo tractu possideam; *continuare agros* dicuntur, qui totum tractum ita agris suis occupant, ut omnia eorum rura inter se juncta sint, et uno tenore procurrant; Cic. Agr. III, 4; Liv. XXXIV, 4. — *Desunt multa*, qui concupiscunt, egere se profitentur. Cicer. Parad. VI, 1: « Qui innumera-biles cupiditates habet, hunc quomodo ego appellabo divitem, quum ipse etiam egere se sentiat? » Cum totius loci sententia *Boetigerus* comparat Alph. Mityl. Epigr. IV, Anth. Gr. t. II, p. 116, ad quod cf. *Jacobs. Animadv.* Vol. II, P. I, p. 348. — *Bene est* sc. ei; felix est is, cui Deus obtulit, etc.

ANALYSIS. Quod sæpius Horatius probatum ivit, vitæ humanæ felicitatem non in magnarum opum possessione, sed in animo, non plura, quam quibus ad vitam honeste transigendam opus est, appetente, positam esse; id semetipsum exemplo proponens novis sententiarum luminibus in hoc quoque carmine probat. Sententiarum nexus est hic: Auro nihil esse potentius, satis

quidem constat. Auro enim in turrin aheneam, quæ Banaca contra adulteros munire debebat, penetravit Jupiter; auro in perniciem mariti sui se corrumpi passa est Eriphyle; auro urbes expugnavit et vicinos reges de gloria et potestate secum emulantes suppressit Macedonum rex, Philippus; auro denique navium duces ad perfidiam adducti sunt. Verumenimvero quo quis est opulentior, eo majore plura habendi cupiditate agitur. Jure meritoque igitur a divitiarum splendore abhorruī, et tranquillo animo in re modica et contempta acquiescere, quam caris gravioribus in re lauta macerari, malui. Ignorat enim latifundiorum possessor dulcissimam illam voluptatem, quam equidem ex puro rivo, paucorum jugerum silvis, et agelli mei fertilitate percipio; immo multo illo sum beator: quamvis enim neque ex melle in Calabria quæstum facio, neque in Campania vinum Formianum condo, neque greges in præclaris Gallis Cisalpinæ pascuis alo; rerum necessariorum tamen haud ego laboro inopia. Contracta autem plura habendi cupiditate intra exiguos agrorum meorum fines latius mihi regnare videbor, quam si continuos in Asia tractus possideam. Qui multa petant, nunquam exsatiari possunt. Multo felicius igitur et tranquillius vivunt in re modica constituti.

Omanino hoc carmen perfectissimis Horatiani ingenii monumentis, quum propter nobilissimarum sententiarum vim, tum propter lyricam earundem tractationem accensendum esse, facile quisque, rei intelligens, largietur.

CARMEN XVII.

AD ÆLIUM LAMIAM.

De procella posterum diem contristatura Lamiā monet, invitaturque ad genio indulgendum.

ÆLI, vetusto nobilis ab Lamo,
Quando et priores hinc Lamias ferunt
Denominatos, et nepotum
Per memores genus omne fastos:

1. *Vetusto ab Lamo*, Neptuni filio, antiquissimo Læstrygonum, populi in Campania, rege; Hom. Odyss. X, 81. — *Quando*, siquidem, quandoquidem, ut sæpe apud Nostrum. — *priores*, gentis tuæ majores. — *hinc*

Lamias Denominatos, a Lamo Lamias appellatos; fuit enim apud Romanos hoc nobilitatis studium, ut a nominis, quo quis antiquitas, præcipuè in bello Trojano, insignem gloriam consecutus fuisset, similitudine gentis suæ origi-

Auctore ab illo ducis originem,

5

Qui Formiarum mœnia dicitur

Princeps, et innantem Maricæ

Litoribus tenuisse Lirim,

Late tyrannus : cras foliis nemus

Multis et alga litus inutili

10

Demissa tempestas ab Euro

Sternet, aquæ nisi fallit augur

nem repeterent; vid. Virg. *Æn.* V, 117-123. — *et nepotum per memores*, etc. Sic construe : Si quidem ferunt *genus omne nepotum* sic appellatum fuisse *per fastos*. Alii, subblata omni post hoc verbum *fastos* interpunctione, *ducit* pro *ducis* legere volunt, et *genus* non in accusativo casu, sed in nominativo accipientes, ita explicant : Quando *genus nepotum per fastos* memoratum ducit originem ab illo auctore, etc. Quæ lectio, licet ingeniosa, *ms. cod.* satis confirmata non mihi videtur. Ed. — *Per mem. fastus*, per tabulas, in quibus gentis Lamiæ stemma memoriæ est proditum; de utraque forma *fastus* et *fasti* vid. *Drakenb.* ad *Sil. Ital.* II, 10. — *memores*, rerum memoriam renovantes et propagantes, ut *infr.* IV, 14, 4; et sic « *memor fama* » apud *Ovid. Fast.* II, 380, et « *memores tabellæ* » apud eundem *Met.* VIII, 744; cf. *supr.* I, 13, 12. — *ab illo* h. e. tam claro; sæpius enim aliquis, cuius laus et gloria notissima est, simpliciter *ille* vocari solet. — *Formiarum mœnia*, *Hom. l. I* : « *Ἀλφειὸν αἰπὸν πτολίεθρον, Τηλεπύλον, Δαϊστρυγόνην.* » Nomen postea demum a Lacedæmoniiis huic urbi (quam *Plin. H. N.* III, 8, « antiquam

Læstrygonum sedem » vocat) inditum esse *Hormiarum*, vel *Formiarum*, διὰ τὸ εὐρύμαον, propter portus commoditatem, docet *Strabo*, IV, p. 161; cf. *Torrent.* — *inn. Mar. Lit. ten. Lir.* h. e. et præter *Formias* agrum *Minturnensem* sub ditione sua habuisse; *ager Minturnensis* designatur per fluvium *Lirim* (cf. *supr.* ad I, 31, 7), qui illum transit, et per paludes *Minturnenses* in mare effunditur. Jam vero quum *Marica*, nympha, Fauni uxor et Latini mater (*Virg. Æn.* VII, 47), ut dea tutelaris a *Minturnensibus* magna religione in luco, ad ipsum flumen *Lirin* ei consecrato, coleretur, *Liris Maricæ litoribus* doctius pro : agro *Minturnensi*, *innare* dicitur. Similiter *Minturnensium* regio describitur apud *Lucan.* II, 424, et *Mart. XIII*, 83. — *Late tyrannus*, εὐρυκρίων, ut « *populus late rex* » apud *Virg. Æn.* I, 31.

9. *Cras foliis nemus*, etc. *Cras*, si fides habenda est cornicis augurio, tam in silvis quam in mari tempestas sæviet. — *Demissa*, in æthere nempe concitata et inde demissa. — *sternet*, consternet, sparget, operiet. — *alga*, apud *Homerum* quoque *Iliad.* IX, 7, tempestatis descriptione *Boreæ* et

Annosa cornix. Dum potis, aridum
 Componere lignum : cras Genium mero
 Curabis et porco bimestri,
 Cum famulis operum solutis.

15

Zephyri impetu alga e mari in litus ejecta esse dicitur. — *inutili*, hinc apud Virgil. Eclog. VII, 42 : « projecta vilior alga. » — *cornix augur aqua* ; Cl. *Mitscherl.* laudat Arat. Diosem. 1092 : « Χαίμωνος μέγα σήμα καὶ ἐννεάχροα κορέννα νότραρον ἀσίδουσα. » Ovid. Am. II, 6, 34 : « pluviae graculus augur aquae. » Virg. Georg. I, 386 : « Tum cornix plena pluviam vocat improba voce » ; et Plin. l. XVIII, c. 38 : « Et quum terrestres volucres contra aquas clangores dabunt perfundentes sese, sed maxime cornix. » — *Annosa*, plures enim hominum aetates cornicem vivere tradunt tam veteres quam recentiores historiae naturalis scriptores.

13. *Dum potis, aridum Componere*

Lignum, para igitur lignum aridum, dum illud aridum adhuc parare licet. — *Genium mero Cur. et porco bim.* merum libando et hostiam, bimestrem porcum, mactando, honorem facies Genio, h. e. laetum institues convivium ; hilaritati enim indulgentes se facere putabant, quod Genio, h. e. peculiari cujusque vitae addito custodi, gratum esset ; unde *Genio litare, Genium placare*, etc. *Curare* igitur *Genium* pro : Genio operari, vel sacra facere ; et hoc pro : hilaritati indulgere. Cf. infr. ad Pis. v. 210. — *bimestri*, duos menses nato. — *Cum famulis operum sol.* « Luce sacra » enim, ut canit Tibull. II, 1, 5, « arator requiescere, et suspensio vomere grave opus cessare » solet.

ANALYSIS. Horatius, cornicis augurio de procellosa tempestate posterum diem contristatura monitus, Lamiae suo, ut illum diem epulis transigat, auctor existit. Subito et sine omni artis studio hoc carmen a nostro exaratum esse tam res, quam ejus brevitatis satis docet. In eo autem amoenum Horatii ingenium cum amicis facete jocantis reperias. Summam enim Lamiae expectationem, quam exordio fecerat, stemmate ejus ab antiquissimo usque Lamo ducendo, rei quae veritatem partim levibus, partim gravioribus argumentis asserendo, aliquantisper suspensam, ita demum extremis vv. explicat, ut crastinum diem Genio convivalique hilaritati dandum pronuntiet.

Fuere nonnulli interpretes, qui hujus Odae exordium graviter reprehenderent, et quatuor versus, 2-5, ut Horatio indignos censerent ejiciendos esse ; sed boni illi, si cogitassent poetam ea tantum scripsisse, ut vetustam Lamiae gentem celebraret, et se convivam offerret, non ita severam censoris personam induissent. En.

CARMEN XVIII.

AD FAUNUM.

FAUNE, Nympharum fugientum amator,
Per meos fines et aprica rura
Lenis incedas, abeasque parvis

Æquus alumnis :

Si tener pleno cadit hædus anno,
Larga nec desunt Veneris sodali
Vina crateræ, vetus ara multo
Fumat odore.

5

Ludit herboso pecus omne campo,

1. *Nympharum fugient. amator*; nota est Fauni, ut ceterorum deorum agrestium, salacitas. Fugere nymphæ dicuntur, propter deformitatem deorum illorum agrestium, quos cornibus frontem armatos, villis turpibus horrentes, et pedibus hircinis incedentes poetæ simulant : sed malim intelligere de grata protervitate et *facili* nympharum *sœvitia*, quæ, ut Galatea Virgiliana, lacesunt amatorem, *fugiunt ad salices, et se cupiunt ante videri*. Ed.—*Aprica*, solis exposita; a frigore defensa. Ed.—*Lenis*, mitis, placidus. — *Æquus parvis alumnis*, propitius tenero gregis fœtui, agnis nempe et hædulcis; sic « dulces alumni » pariter de tenera gregis subole infr. III, 23, 7. Qui *parvos alumnos* de ruris vernulis explicant, rem, cujus nullibi alias fit mentio, Fauno tribuunt. Imo, qui Faunalia celebrabant,

Faunum, ut gregis servatorem, venerari solebant.

5. *Si tener pleno cadit hæd.* etc. addit ex solemnī precantium formula conditionem, sub qua deum preces suas exauditorum esse sperat.—*anno pleno*, integri anni exacto tempore, pro vulgari : quotannis. — *Veneris sodali erat.* suaviter cratera, e qua vinum libatur, *Veneris sodalis* vocatur; Bacchus enim et Venus conjunctim vires suas exserere solent. Cf. Cl. Mûsch. qui inter alia laudat Lucian. Amor. 12, t. II, p. 410 (edit. Gean.): « Τερπνοτέρα γὰρ Ἀφροδίτη μετὰ Διονύσου, καὶ τὸ παρ' ἀμφοῖν ἡδὺ σύγχετον. » — *vetus*, bene ad aram, tanquam pietatis, jam longis inde annis Fauno exsolutæ, monumentum, designandam.

9. *Ludit*, præ lætitia exsultat, καί-ζατ. — *Festus*, diem festum in hono-

Quum tibi Nonæ redeunt Decembres : 10

Festus in pratis vacat otioso

Cum hove pagus :

Inter audaces lupus errat agnos :

Spargit agrestes tibi silva frondes :

Gaudet invisam pepulisse fossor 15

Ter pede terram.

rem tuum celebrans. — *vacat*, solutus est operum, ut sub fine carminis antecedentis dicitur. — *Inter audac.* *lupus errat agnos*, hinc supr. I, 17, 9, « hædules » sub Fauni præsidio « Martiales lupos haud metuere » dicuntur; ducta rei imago est ab aurea ætate, qua greges, omni a sævis bestiis metu vacui, libere et secure circumerrasse finguntur; cf. infr. V, 16, 54. Plura in hanc rem collecta loca dabit *Cerda* ad Virgil. Eclog. IV, 22. — *Spargit tibi silva frondes*, silva in adventus tui honorem spargit folia. Quod sub initio mensis Decembris pro

anni tempore sponte faciebat silva, id suaviter in Fauni honorem data opera fecisse fingitur. *Folia* enim in vias *spargendi mos* (φυλλοβάλλω) antiquitus ad externi honoris, diis præstandi, significationem pertinebat; vid. *Cerda*. ad Virg. Eclog. V, 40. — *agrestes*, quales nempe in agris, quos Faunus transit, arbores gerunt. — *Ter pede terram pepul.* refer ad tripudia et saltationes in agris. — *invisam*, cum delectu ad ingenium fossoris, cui terra ob graves, quos ei inter fodiendum parit, labores sæpe *invisa* fit; jucunda voluptatis post labores oppositio.

ANALYSIS. Hunc hymnum in Faunum ipso Faunalium die inter sacrificandum poeta cecinisse putandus est; in cujus prima quidem parte pie precatur Faunum, ut porro, si sacra ejus rite instituat, placidus agris suis adesse, et tenero pecudis sortui tutela sua præesse velit; in altera vero summam, cui homines pecudesque Nonis Decembribus in toto pago vacent, describit lætitiā. — Ceterum his sacra quotannis Fauno, ut deo, in cujus peculiari tutela esset pecus, Romanos fecisse, primum quidem Idibus Februariis (Ovid. Fast. II, 193, « Idibus agrestis fumant altaria Fauni »), deinde Nonis Decembribus, ut ex hoc carmine v. 10, discimus, apud eos, qui de festis Romanorum exposuerunt, cognoscere licet. — De Fauno gregibus incolumitatem præstante cf. supr. I, 17.

CARMEN XIX.

AD TELEPHUM.

Eum jocose hortatur, omissa nimia de veteribus historiis cura, ad ea potius intendat animum, quæ ad jucunde vivendum pertinent.

QUANTUM DISTET AB INACHO

Codrus, pro patria non timidus mori,
Narras, et genus Æaci,
Et pugnata sacro bella sub Ilio :

4. *Quantum distet ab Inacho Codrus*, quot annorum numerum tempus illud inde ab antiquissimo Argivorum rege Inacho usque ad Codrum, ultimum Atheniensium regem, præterlapsum efficiat, et quid rerum intra hoc temporis spatium gestum sit. Inachi regnum incidit ferme in ann. a. Christ. MDCCCLVI, Codrus vero vitam pro patria deposuit MLXVIII; cf. *Meurs. de Regn. Attic.* III, 16; effluxerunt igitur ab Inacho usque ad Codrum circiter DCCC. — *pro patria non timid. mori*, græce μή δειλὸς θανόν vel μή ἀνών θανόν, pro vulgari: non timens, sed sponte suscipiens pro patria mortem; de nobilissimo mortis genere, quo civitati suæ victoriam de hostibus paratum ivit Codrus, res in vulgus nota; vid. Justin. II, 6; Vell. Pat. I, 2; Cic. Tusc. I, 48; Val. Max. V, 6. — *Narras*, enarras, ex-

ponis; non quidem, ut Cl. *Mitsch.* censet, confabulando cum amicis jam de convivio deliberaturis, sed domi potius historiam græcam diligentius secundum temporis rationes digerendo et litteris consignando; quis enim Telephum tam ineptum hominem fuisse statuat, ut doctrinæ suæ copias importuno tempore exponendo aliis molestiam crearet? aut quis Horatium hoc carmen vel temere inter loquendum effudisse, vel re transacta demum illud composuisse sibi persuadeat? Immo poeta, qua Telephum appellavit, ratione, id tantum, ut ejus animum a severo historiarum studio ad hilare convivium revocaret, spectasse videtur. — *genus Æaci*, gentem ex Æaco, OEnopie rege, prognatam, Peleum, Telamonem, Achillem, Teucrum et Ajacem, etc. — *sacro*, ad Homerum, cui ἱερός, quum plurimum

Quo Chium pretio cadum

5

Mercemur, quis aquam temperet ignibus,

Quo præbente domum et quota

Pelignis caream frigoribus, taces.

Da Lunæ propere novæ,

Da noctis mediæ, da, puer, auguris

10

Murenæ: tribus aut novem

Miscentur cyathis pocula commodis.

deorum cultus ibi vigeret, passim (p) dicitur; et hinc apud Virgil. *Æn.* II, 241, *Ilium Divûm domus* vocatur.

8. *Chium cadum*, ad præstantiora enim vina *Chium* quoque a Romanis referebatur; vid. *Athen.* I, p. 28. — *Mercemur*, communi igitur sumtu, sive de symbolis convivari volebant. — *temperet ignibus*, calefaciat; ante cœnam enim, ut satis constat, lavatum ire solebant Romani. — *Quo præbente domum*, etc. quis domum convivio nostro suppeditet; et quota hora ad focum, ubi nihil mihi curandum sit acre frigus, conveniam, de hac re ne verbum quidem facis, h. e. id præ historiæ, in quo defixus es, studio nihil moraris; *Sat.* I, 5, 38: «*Murenæ præbent domum, Capitone culinam.*» — *Pelignis*, qualia in montosa Pelignorum regione sæviunt.

9. *Da Lunæ propere*, etc. porrigere, o puer, festinantius poculum, quod in novæ Lunæ, mediæ Noctis et auguris Murenæ honorem ebibatur. Genitivi *Lunæ*, *Noctis* et *Murenæ* pendent ab omisso nomine *poculum*, quod dici solet *ejus*, in cuius honorem illud exhauritur; cf. *supr.* ad III, 8, 13. Poeta scilicet lætitiæ, quam præcipit, sensu abreptus jam sibi versari vide-

tur in hoc convivio, et in *mediam* jam noctem producto, ibi sane *Luna* et *Nox*, sponte ut deas convivis venerandas se offerre debebant. — *Miscentur*, dant omnes codd. *Doëring* cum paucis; *miscentor*, tanquam symposiarchi more imperet. Sed hic notat, non jubet Hor. tantum vini aqua temperati in pocula majora infundi, quantum novem vel tres cyathi capiunt: *novem* quidem cyathos decernit iis, qui largius vino se invitare solent, poetis scilicet, in quibus ipse fuit: *tres* vero iis, quos Gratiæ, quarum cultores sunt, modestiæ et temperantiæ in bibendo fines transilire vetant. Quid autem jam significat *pocula misceri Cyathis*? an poculum ac cyathus idem est, et intelligendum, pocula poculis miscentur? At illud sensu caret. Explicationem igitur *Turnebii* et *Torrentii* admittere non recussem, qua omnis difficultas tollitur. Pocula scilicet vasa ipsa fuere quæ ori exhaurienda admovebantur; cyathus autem vasculum minus capax, quod utebantur, quasi mensura, ad implenda pocula. Hic igitur notat Horatius tres aut novem cyathos in poculum infundi, ut uno haustu bibantur. *Ep.* — *commodis*, modicis, nec nimis parvis, nec nimis magnis. — *adonitius*, furore poetico

Qui Musas amat impares,
Ternos ter cyathos adtonitus petet

Vates: tres prohibet supra 15

Rixarum metuens tangere Gratia,
Nudis juncta sororibus.

Insanire juvat, cur Berecynthiæ
Cessant flamina tibiæ?

Cur pendet tacita fistula cum lyra? 20
Parcentes ego dexteras

Odi: sparge rosas: audiat invidus
Dementem strepitum Lycus,

Et vicina seni non habilis Lyco.
Spissa te nitidum coma, 25
Puro te similem, Telephe, Vespero,

corruptus, ἐμφορόντης, μουσολήπτης. — *tres supra*, ultra tres. — *Rixarum metuens*, verens, ne rixarum causa fiat immodicus vini usus. — *Gratia, juncta sororibus*, Gratiæ sororio vinculo inter se junctæ. — *Nudis: nudus* quidem, ut Græcorum γυμνός, passim de eo, qui leviter amictus est, dicitur, sed *Gratiæ* in antiquis monumentis vere nudæ apparent.

18. *Insanire juvat*, cf. supr. II, 7, 28: « dulce mihi est furere. » Notissimum est illud Anacreontis XXXI, ὁλῶ, ὁλῶ μανῖναι. — *Berecynthiæ*, Phrygiæ, a monte Berecyntho in Phrygia, ubi præcipue in Cybeles sacris tibiæ usus fuit; uti autem tibia gravio- rem, (vid. *Hemsterhus.* ad Lucian. de D. XII, T. I, p. p. 233,) ita fistula, cujus statim mentio fit, leniorem et acutiorẽ sonum edidit. Quid discriminis inter tibiam et fistulam fuerit, docuerunt *Bulengerus* de

Theatro, II, 23, et *Laurentius* in *Thesaur. Græv.* T. VIII, p. 1466. — *Parcentes ego dext.* Odi, non ferre possum, qui cunctantur et moras nectunt; suaviter autem iis, qui operæ rei cuidam impendendæ parant, *parcentes dextere* tribuuntur. — *sparge rosas*, cf. supr. ad I, 36, 18. — *audiat strepit.* Comparant Cic. p. Rosc. Am. 46: « cantu vocum et nervorum et tibiarum nocturnisque conviviis tota vicinitas perstrepat. » — *Dementem*, qualem convivarum excitat lascivia et dementia. — *non habilis*, haud apta et congruens; ætate enim adhuc florens cum juvenibus potius quàm cum sene marito consuescere cupiebat; quo magis igitur Lycus de juvenili conjugis suæ levitate erat sollicitus, eo molestior convivarum in vicinia lascivientium strepitus ejus auribus accidere debebat, et movere invidiam.

25. Nexus: At te, o Telephe, ut

Tempestiva petit Rhodē :

Me lentus Glyceræ torret amor meæ.

juvenem formosum, amat Rhodē, pariter in flore ætatis constitua. — *nātūm*, exsplendescentem, conspicuum. — *similem Vespero*, pulcri juvenis cum Vesperī vel Luciferi splendore comparatio passim apud poetas obvia; exemplorum copiam vid. apud *Cerd.* ad Virg. VIII, 589, cf. supr. II, 8, 19, et III, 9, 21. — *Tempestiva*, ἀπαία, πέρσις. « Jāta matura viro,

(ut Virgil. Æn. VII, 53, loquitur) jam plenis nubiflis annis; » et sic *matura arbo* supr. III, 6, 22. — *lentus Glyceræ amor*, h. e. Glycera se duram et lentam in amore mihi præbens; similiter supr. I, 13, 8, *lentis ignibus macerari* dicitur; ubi cf. not. Tibull. I, 4, 81 : « Heu! heu! quam lento Marathus me torquet (rectius : *torret*) amore. »

ANALYSIS. Instat poeta maturando, quod in novi auguris Murenæ honorem cum sodalibus suis instituturus est, convivio. Pars hujus sodalitii est Telephus, doctrinæ inprimis, ut videtur, laude conspicuus, et eo ipso forte tempore in ordinanda et enarranda historia græca occupatus. Hunc igitur poeta jam mittere rerum doctarum et abstrusarum disquisitionem, et id potius, quod ad convivium apparandum spectet, agere jubet. Mox, quasi in medio convivio jam versetur, et in eo symposiarchi partes agat, leges bibendi proponit, et quot quisque pocula in Lunæ, Noctis, et auguris Murenæ honorem sumat, edicit. Tum moræ impatiens, ut tibia statim, fistula et lyra canatur, rosæ spargantur, et strepitus, quem non sine invidia morosus quidam senex Lycus cum conjugē suā adhuc adolescentula in vicinia audiat, ab insanientibus convivis excitetur, vehementius imperat. Denique ut amorum quoque in hilari convivio celebrando fiat mentio, Telephi felicitatem, quod ille sponte a Rhodē petatur, prædicat; de suo autem infortunio, quod Glyceræ sibi in amore paret asperitas, queritur. — Quum sine dubio felicior rei cujuscūdam eventus in causa fuerit, ex qua Horatius lætiora cum amicis suis celebraret convivia, ut supr. I, 36, *Numidæ*, et II, 7, *Pompeii Vari* faustus in patriam reditus, et I, 37, lætus de *Cleopatæ* morte nuncius; vix dubitari potest, quin poeta convivii, ad quod *Telephum* in hoc carmine evocat, celebratione lætitiā suā Murenæ de auguratu nuperrime ei delato declarare voluerit. Quo concitatore autem affectu ille hoc convivium accelerat, eo magis, quanta ejus de novis Murenæ honoribus fuerit lætitia, cognoscitur. De Telepho cf. supr. I, 13, 1. Ceterum Cl. *Müscherlichius* colores suos Horatium in hoc carmine ex Ionis Chii Epigr. II, Anth. Gr. t. I, p. 94, duxisse existimat; sed similitudo illa, quam Ionis Chii carmen cum hoc carmine habet, in simili tantum ad bibendum, saltandum et canendum exhortatione cernitur, nec, quid inde Horat. expresserit, adparet.

CARMEN XX.

AD PYRRHUM.

Ne puerum Nearchum suæ amasiæ eripere tentet.

Non vides, quanto moveas periculo,

Pyrrhe, Gætulæ catulos lænæ?

Dura post paullo fugies inaudax

Prælia raptor :

Quum per obstantes juvenum catervas

5

Ibit insignem repetens Nearchum,

Grande certamen, tibi præda cedat

Major, an illi.

1. *Moveas* h. e. amoveas; ut supr. I, 10, 10 : « boves per dolum amovere. » — *lænæ*, Ovid. Met. III, 547 : « Utque furit catulo lactente orbata læna. » — *Gætulæ*, ut supr. I, 23. 10. *Gætulus* leo, ubi cf. not. — *post paullo*, mox, statim ubi raptos sibi cubiculo catulos læna animadvertet. — *inaudax* nove pro : timidus, haud dubie quod apud græcum poetam, quem Noster expressit, erat ἀτολμος. — *per obstantes juvenum catervas*, volunt esse amatores puellæ, quos ea spernat, ut quæ Nearchum solum sequatur, atque in hoc solo votorum summam desigat; hosque lænæ persequenti obstare aiunt, quod eorum intersit Nearchum ab ea abstrahi. Mihi potius videntur juvenes, continuata allegoria venatorum tarmæ com-

parari qui Pyrrhum comitantur, eique ita auxiliantur ut, dum catulos amoveat, lænam ipsi arceant. — *insignem* sc. forma; *ibit repetens* pro : ibit, ut repetat; vel : repetitum; ut supr. III, 14, 6 : « Prodeat justis operata Divis » pro : ut operetur. — *Grande certamen*, per appositionem hæc verba accipienda in accusativo; sc. qui grandis certaminis causa futura est. Sic apud Sil. Ital. IV, 391 : « *Ultima* restabat fuis jam *palma* duobus Virbius; » *ultima palma* Virbius dicitur, qui jam unus devincendus supererat, ut palma pararetur. — *tibi præda cedat Major, an illi*; omnes fere intpp. Hanc vocem *major* pro adverbio *magis*, *potius* usurpari volunt; quum autem hæc explicatio cuivis sermoni latini perito absona non videri non

Interim, dum tu celeres sagittas
Promis, hæc dentes acuit timendos,

10

Arbiter pugnae posuisse nudo

Sub pede palmam

Fertur, et leni recreare vento

Sparsum odoratis humerum capillis:

Qualis aut Nireus fuit, aut aquosa

15

Raptus ab Ida.

possit, aliam et simplicissimam et latinæ linguae mire accommodatam proponere non dubitem. Scilicet hic *major* non nisi pro positivo, vel potius pro superlativo sumitur, usitatissima loquendi ratione; exempli gratia, Cels. III, 23: « inter notissimos morbos est etiam qui Comitialis, vel *major* nominatur; » intellige igitur Nearchum hic maximam prædam dici.

9. *Interim, dum tu celeres sagittas.*

Prom. Atqui v. 3, ut *inaudax raptor dura læonæ prælia* fugiturus esse dicebatur? scilicet non statim ab initio, sed, ut ibi additur, *post paullo*. — *Arbiter pugnae*, Nearchus, βραβευτής, a cujus arbitrio stetit victoria. — *palmam sub pede posuisse*, nihil curasse, utri palmam daret, h. e. utrum puellam Pyrrho, an Pyrrhum puellæ præferret; plane ut illa mulier in cyathocaprarii apud Theocrit. I, 33, seqq. « πᾶρ δὲ οἱ ἄνδρες Καλὸν θειράζοντες ἀμοιβὰς δῖον ἀλλοθεν ἄλλος Νευαίουσ' ἐπίσσει· τὰ δ' οὐφρανεὶς ἀπτεται αὐτὰς. » — *sub pede poni* vel *pedibus subjici* (Virg. Georg. II, 492), dicitur, quod contemnimus, nihil curamus, susque deque habemus. — *nudo*, ad morem, quo pueri delicatio-

res non calceati, sed soleati incedebant, referunt; mihi quidem in epitheto *nudo*, quod ad ornatum pertinet, haud urgenda videtur significationis proprietas. — *sparsum odoratis humerum capillis*, h. e. humerum, super quo capilli unguentis delibuti defluebant. Horat. imitatur Ovid. Fast. II, 509: « Ibat odoratis humeros perfusa capillis Mæonis. » — *leni recreare vento*, flabello vel tabella adhibita; *flabellum* enim vel *tabella* (vid. N. Heins. ad Ovid. Art. A. I, 161), ad instrumenta pertinebat, quæ mollioribus ad corpus curandum inservirent; exempla in hanc rem vid. apud Müsch. Jam vero quod Nearchus certamini, ipse causa inter Pyrrhum et puellam exorto, ita adesse dicitur, ut corpus suum interea vento per flabellum facto refrigeret, id incuriosum ejus de utriusque amore animum egregie declarat. — *Nireus* Hom. Iliad. II, 673: « Νῆρεος, ὃς κάλλιστος ἀνὴρ ὑπὸ Λίον ἦλθε. » — *Raptus ab Ida*, Ganymedes, de cujus historia in vulgus notum. — *aquosa*, quod multi fontes in monte Ida scatebant. Ovid. Met. II, 218: « celeberrima fontibus Ida. » Ἰδὴ πολυπίδαξ, πίδασσα.

ANALYSIS. Pyrrho, jam id agenti, ut puerum, quem amabat, formosissimum, Nearchum, puellæ cuidam, simul ejus amore flagranti, præreptum eat, periculum, quod hoc temerario ausu subeat, accommodata rei imagine ante oculos ponit. Puellam enim illam, si Pyrrhus Nearchum ab ea abstraxerit, læsæ instar, cui quis catulos eripere tentet, in raptorem sævituram, et amatum sibi puerum feroci animo per obstantes juvenum catervas ab eo repetituram esse ait; victoriam autem hujus certaminis eo magis fore ambiguum, quum ipse puer, pugne arbiter, Pyrrhusne an puella superior evadat, in nullo plane ponat discrimine. — Ad græci cujusdam poetæ exemplum hoc carmen ab Horatio concinnatum esse, unusquisque facile sentiet. Lineas quasdam adumbratæ in hoc carmine imaginis animadvertisse sibi visus est in Platonis Charmide t. V, p. 444; Bipont. *Schneiderus* in *Animadvv. in Anacr.* p. 107, a *Mitscherlichio* laudatus.

CARMEN XXI.

AD AMPHORAM.

Jocose eam admonet, ut vinum vetustum in Corvini gratiam effundat, unde occasione oblata, vini laudes commemorat.

O nata mecum consule Manlio,
Seu tu querelas, sive geris jocos,

1. *O nata mecum consule Manli.* pia testa, h. e. o testa, quæ vinum continens natum eodem, quo ego natus sum, anno, *L. Manlio Torquato*, et *L. Aurelio Cotta* Coss. (U. C. DCLXXXIX.) — nata non ad testam, sed ad vinum, quod testa continet, referendum. Cum Cruquio et Granero, Dacierius graviter errasse mihi videtur, qui testam natam proprie intelligit, formatam scilicet e terra figlina eodem anno quo natus est Horatius, notatumque fuisse in am-

phoris contendat annum, quo factæ sint. Quorsum enim hic Horatius amphoræ ipsius vetustatem memoraret, quum contra præcipua laus vini sit vetustas? Ed. — *Seu tu querelas*, etc. sive vino, quod capis, hæc vis insita est, ut potiores reddat querulos; sive ea, ut illos ad jocos et hilaritatem proclives faciat; sive ut apud alios rixarum, apud alios insani amoris incitamentum fiat; sive ea denique, ut facili somno opprimat. Virtutes et effecta vini pro bibentium ingeniiis,

Seu rixam et insanos amores,
 Seu facilem, pia testa, somnum,
 Quocunque lectum nomine Massicum
 Servas, moveri digna bono die;
 Descende, Corvino jubente
 Promere languidiora vina.
 Non ille, quamquam Socraticis madet

5

modoque in bibendo servato varia ac multiplicia suaviter ita declarat poeta, ut ea ipsa vino ingesta amphoraque contenta dicat, quasi illa rixas, jocos, amores utero inclusos habeat. Oppor-
 tune Cl. *Misch.* cum hoc loco comparat Eveni Parii Carm. XV; Anth. Græc. T. I, p. 99: « Βάσκου μέτρον ἄριστον, ὃ μὴ πολὺ, μὴδ' ἐλάχιστον· ἔστι γὰρ ἡ λύπης αἴτιος, ἡ μανίας. — Εἰ δὲ πολὺς πνεύσκειν, ἀπίστραπται μὲν ἔρωτας, βαπτίζεται δ' ὑπὲρ γαστρονὶ τῷ θανάτῳ. » — *pia testa*; *piam* testam hic vocari volunt alii, utpote quæ eodem anno quo poeta nata, quodam pietatis vinculo cum eo teneatur, quod multo longius quæsitum mihi videtur. Alii *piam* testam explicant benignam, munificam, qui sensus simplicior est. *Piam* tamen intelligere malim, quæ jam pietatem meam erga Messalam testatura es. En.

8. *Quocunque lectum nom. Massicum serv. moveri digna bono die*, digna es, quæ læto et festo die protraharis, in quemcumque denique finem et usum tu vinum ex uvis, in Companiæ monte Massico lectis, expressum servas. Hæere in hoc loco interpretes: nonnulli explicant, cujuscumque consulis nomen, seu Manlii, seu alterius inscriptum geras, cujuscumque

ætatis sis; insulsa post memoratum versu primo Manlii consulatum dubitatione ac sententia. Mihi autem videtur simplicius ita intelligere: quocunque de causa, in quemcumque usum servas vinum lectum, electum, eximium, etc.

7. *Descende*, cella enim vinaria in superiore ædium parte fuit; vid. supr. ad III, 8, 11. — *languidiora*, vetustiora, leniora, mitiora; hinc vinum, quod veterascit, supr. III, 16, 38, *languescere* dicitur. — *Corvino jubente promere* sc. me. Jucose nempe Corvinus Horatium vino languidiora promere jussisse videtur, tum, quum ille, ut suspicati sumus in *Analy.* se apud Horatium cœnare velle promitteret. Sed fortasse Horatius toto hoc carmine nihil aliud, nisi se die quodam bono sive læto in Corvini honorem de prompto vino optimo una cum illo hilaritati indulgere velle, declarare voluit. Et sic *Corvino jubente* eritidum summus erga Corvinum amor jubet, etc. alii virgulam post h. v. *jubente* posita, ita jungant: *descende promere*, etc.

9. *Quamquam Socraticis madet sermonibus*, quamquam Socratica philosophia, cui deditus est, imbutum habet animum; philosophiam Socraticam per sermones Socraticos desi-

Sermonibus, te negliget horridus :

10

Narratur et prisci Catonis

Sæpe mero caluisse virtus.

Tu lene tormentum ingenio admoves

Plerumque duro : tu sapientium

Curas et arcanum jocosu

15

Consilium retegis Lyæo :

gnat, quia Socrates sermones inprimis cum discipulis suis serendo philosophiam docere solebat. — *madet*, cum delectu pro : imbutus est, vini nempe, quo quis *madere* dicitur, respectu habito ; *madere* enim et *madidus* de rerum scientia quoque, qua quis largiter instructus est, dici solet. Laudant Martial. I, 40, 3 : « Si quis Cæcropiæ madidus Latineque Minervæ Artibus, » et VII, 69, 2 : « Cujus Cæcropia pectora dote madent. » — *te negliget horridus*, tetrico philosophorum vultu aspernabitur. — *horridus*, difficilis, asper, morosus. — *prisci Catonis virtus*, nonnulli volunt hic Catonem Uticensem intelligi, quem vino plus justo indulsisse multi perhibent ac præcipue Martial. II, 89, 1. Quisquis autem hoc epitheton *prisci*, omissis argutiis, intelligere voluerit, Catonem Censorium hic ab Horatio designari sentiet, qui licet magnam morum severitatem præ se ferret, a vino non abhorruisse insimulatus est ab adversariis. Nota h. v. *caluisse*, ex præcipuo vini effectum, qui calorem corpori simul et animo addit. Ep.

13. *Tu lene torment. ingenio admoves plerumque duro*, tu haud raro tanquam lene durioribus ingeniis emolliendis adhiberis remedium, h.

e. tu facis, ut duriora ingenia mitescant. — *lene tormentum admovere duro ingenio* h. e. leni ratione vim admovere duro ingenio, sc. ut fiat mitius et mollius; quod gallice dicimus : *faire une douce violence*. Hinc infr. in Epist. ad Pis. v. 435 de vino : « Reges dicuntur multis urgere cululis, Et torquere mero, quem perspexisse laborant, » et Epist. I, 18, 38 : « Commissumque *teges*, et vino *tortus* et ira. » Amiciss. *Jacobs* in *Animadv. ad Anthol. Græc.* T. II, p. 29, hunc locum comparat cum *Asclepiad. Carm. X, 1, T. I, p. 146*. Similiter infr. III, 28, 4 : « munitæ sapientiæ vim adhibere » pro : vino indulgere; et sic apud *Sil. Ital. XI, 287*. *Bacchi munera duram mentem laxare* dicuntur. Ceterum comparant quoque *Bacchylid. X, 1*; *Anth. Gr. T. I, p. 84* : « Γλυκὴν ἀνάγκη στυμνὰ κολίχων θάλπειν θυμὸν. » — *tu sapient. curas et arcan. jocosu cons. retegis Lyæo*, explicant de philosophis, quos vinum disertos faciat, et *curas* de eorum meditationibus, *consilium* vero de eorum placitis et decretis interpretantur. Sed ut prætermittam, usum loquendi repugnare plane huic explicandi rationi, quis unquam tandem philosophos, ut patefaciant,

Tu spem reducis mentibus anxii
Viresque; et addis cornua pauperi,

Post te neque iratos trementi

Regum apices, neque militum arma.

20

Te Liber, et, si læta aderit, Venus,

Segnesque nodum solvere Gratiae,

quæ commentati sint, quæve statuunt, vini demum haustu impelli dixit? Imo per *sapientes* poeta mihi designare videtur eos, qui alias, quibus curis agitentur, quæve secum volvant, prudenter et caute animo premunt et tegunt, inter vina vero animum aperiant, et (ut Hor. infr. Epist. I, 8, 16, de ebriis loquitur) *operta recludunt*. — *jocosus*, efficiente, ut quis jocosus et hilaris fiat.

17. *Tu spem reducis mentibus anxii*, hinc infr. IV, 12, 19, vinum *spes novas donare*, et Epist. I, 18, 19: « cum spe divite in venas animumque manare, » et Epist. I, 8, 17: « spes ratas esse jubere » dicitur. Cl. Mitsch. in Anal. p. 708, comparat Pindari fragm. quoddam, in Excerpto L. XI. Athenæi apud Casaubon. Animadv. XI, c. 4, p. 782, legitur. — *Viresque*, cf. Homer. Iliad. VI, 261; et IX, 702. — *addis cornua pauperi*. — *cornua* pro robore, in quo quis fiducia ponit; hinc *cornua sumere* proverbiali locutione dicuntur, qui nimia in viribus suis fiducia posita ferociores fiunt. Passim in sacris Hebræorum libris eadem usurpatur loquendi ratio: « cornua peccatorum confringam, » Psalm. LXXIV, 11, et « cornu ejus exaltabitur in gloria, » id. CXI, 9. Horatium imitatus est Ovid. Art. Amat. 1, 238: « Tum

veniunt risus; tum pauper cornua sumit; Tum dolor et curæ, rugaque frontis abit. » et Amor. III, 11, 5: « domitum pedibus calcamus amorem, venerunt capiti cornua sera meo. » Ad sententiam facit Macedon. XXI, 1, 2, in Anthol. Græc. T. IV, p. 86: « Ἀνδρες, οἷσι μέμνην ἀπήμονος ὄργια Βάχου, ἑλπίσιν ἡμερίδων βίψατε τὴν πενίην. » — *Post te*, sc. post te haustam, munere tuo recreatus; similiter supra I, 18, 8, *post vina*. — *iratos regum apices*, iratorum regum potentiam. *Apex*, qui alias est insigne sacerdotum, jam pro diademate vel insigni regie dignitatis ponitur. — *iratos*, quod ad *regum* referri debet, exquisitiore ratione ad *apices* poeta retulit; ut Ovid. Amor. III, 6, 36: « Cornua si tua nunc ubi sunt, Acheloe, requiras, Herculis irata (pro vulgari *iratis*) fracta querere manu. »

21. *Te — producent*, paulo audacius pro: convivium, quod tuo munere celebrabitur, in multam noctem protrahent. — *Liber*, tanquam *lætitiae dator*, ut Bacchus vocatur apud Virg. Æn. I, 734. — *læta*, propitia. — *Gratiae*, tanquam decoris et honestatis in conviviis magistræ et custodes. — *Segnes nodum solvere* græce pro: ad nodum solvendum; h. e. quæ non facile, quo invicem inter se nexæ sunt, solvunt vinculum; hinc junctis

Vivæque producent lucernæ,
Dum rediens fugat astra Phoebus.

manibus inter se nexæ apparent Græ- *Phoebus*, comparant Propert. IV, 7,
tiae in vett. monumentis. — *Vivæ*, 85 : « Sic noctem patera, sic ducam
lucentes, *vigiles* dicuntur, supr. III, carmine, donec lajiciat radios in mea
8, 14. — *Dum rediens fugat astra* vina dies. »

ANALYSIS. M. Valerio Messala Corvino, qui Horatio se die quodam apud eum cenaturum esse promissæ videtur, quale vinum in ejus honorem hoc die sibi lætissimo suppeditaturus sit, hoc carmine indicat. Testam. nempe, quæ vinum Massicum uno anno secum natum servet, deprompturus, et sic, quanti Messalam suum faciat, probaturus est. Quo quidem vino satis commendato in universam vini laudem (cf. supr. I, 18), digreditur, et ipsius Messalæ laudes acutissime cum illa conjungit. — De Messala, viro tam rerum gestarum gloria, quam doctrinæ laude nobilissimo, copiose disputat illustr. *Heynius in Observ.* ad Tibull. I, 3, 1.

Magnas hoc carmen virtutes et colorem vere lyricum habet, sive sententiarum conversionem, ad finem usque servatam, copiosamque varietatem, sive elocutionis ornatum, numerorumque species venustatem.

CARMEN XXII.

AD DIANAM,

Cui pinum villæ suæ imminuentem consecrat.

MONTIUM custos nemorumque, Virgo,
Quæ laborantes utero puellas

1. *Montium cust. nemorumque*, Precata enim Diana fuerat a Jove patre : « Δὸς δέ μοι ὄψρα πάντα, » Callimach. Hym. in Dian. v. 18, unde dicta illa est ὄψρᾱ; vid. *Spanhem.* ad

Callim. l. l. Supr. I, 21, 8 : « læta nemorum coma » dicitur. Catull. XXXIV, 10 : « Montium domina ut fores, Silvarumque virentium. » — *Virgo* honorifice pro : Diana, ut supr. I, 12,

Ter vocata audis, adimisque leto,

Diva triformis :

Imminens villæ tua pinus esto,

5

Quam per exactos ego lætus annos

Verris obliquum meditantis ictum

Sanguine donem.

22, perpetuæ enim virginitatis honore gaudebat Diana. — *labor. utero*, h. e. uteri, dum partum edituræ sunt, doloribus laborantes. — *puellas*, juvenes uxores, cf. supr. III, 14, 10. Horatium imitatus est Ovidius Amor. II, 13, 18: « Tuque laborantes utero miserata puellas; » ad munera Dianæ autem pertinet quoque obstetricis munus, unde illa: *Diana Lucifera, Lucina*, (cf. infr. V, 3, 3), *Juno Lucina* (Catull. carm. laud. v. 13: « Tu Lucina dolentibus Juno dicta puerperis. » Græcis: φωσφόρος, εὐλόχος, λοχεία, ὠκυτόκος, μογαστόκος, Εὐλαΐθυια, dicta est. — *adimis leto*, mortis periculo eripis. — *triformis*, (τρίμορφος, τρι-

πρόσωπος) in cælo nempe *Luna*, in terris *Diana*, apud inferos *Hecate*; hinc Virg. Æn. IV, 511: « tria Virginis ora Dianæ, » ubi vid. *Cerd.*

3. *tua*, tibi sacra, ut *tua quercus* apud Virg. Æn. X, 423. — *Quam verris sanguine donem*, ad quam verrem immolem. — *per exactos annos* pro vulgari: quotannis, ut supr. III, 18, 3: *pleno anno*. — *obliquum meditantis ictum*, oblique et a latere, ut solent apri, dum transcurrunt, ictum inferre meditantis; apud Homerum quoque Iliad. XII, 148, ἀπὲρ δοχμὸς ἀΐσσειν dicitur; simili arte Noster supr. III, 13, 14, *hocdum annuum*, et IV. 2, 52, *vitulum* circumscribit.

ANALYSIS. Laudatis breviter Dianæ virtutibus, pinum poeta, ad quam verrem ei quotannis immolaturus est, solemnī more ejus cultui consecrat. — Flosculos illos, quos e Græciæ hortulis decerpit Horatius, hoc carmen redolere, facile, qui nares suavissimo illorum odori aduetas habent, sentient.

CARMEN XXIII.

AD PHIDYLEN.

Dii puris manibus et conscientia vitæ bene actæ sunt colendi.

CÆLO supinas si tuleris manus
 Nascente Luna, rustica Phidyle,
 Si ture placaris et horna
 Fruge Lares, avidaque porca;
 Nec pestilentem sentiet Africum
 Fecunda vitis, nec sterilem seges
 Rubiginem, aut dulces alumni
 Pomifero grave tempus anno.
 Nam, quæ nivali pascitur Algido

1. *Supinas*, manibus enim sursum expansis antiquitus precari solebant; hinc ἐπιτάσσειν χερσὶν apud Æschyl. Prometh. 1004, cf. Interpretes. — *Nascente Luna*, novilunio, vel Calendis cujusque mensis; cogitandum scilicet de temporibus antiquioribus, ubi annus ad lunæ cursum in duodecim adhuc menses descriptus fuit; laudant Caton. de R. R. c. 143. — *horna*, hornotina, (ὥραια) hujus ipsius anni primitiis. — *Lares*, Tibull. I, 3, 34: «Redditaque antiquo menstrua tura Iari.» — *avida*, refer ad vorandi aviditatem.

8. *Pestilentum Africum*, vitibus enim inprimis pestifer vel noxius habebatur Africi vel Austri flatus, v.

Pallad. II, 13; cf. *Bœttig*. — *Rubiginem*, vitium, quod segeti nimio solis æstu contrahitur; gallice: *la nielle*; — at *uredo* de eo vitio dicitur, quo seges frigore usta corrumpitur. cf. *Bœttig*. — *sterilem*, sterilitatis causam. — *dulces alumni*, hædi, agni; supr. III, 18, 3, dicuntur *parvi alumni*. — *Pomifero anno*, autumno. — *grave*, valetudini ob aëris gravitatem perniciosum. Liv. III, 6: «Grave tempus et forte annus pestilens;» et cap. 8: «seu graviore tempore anni jam circumacto;» et XXV, 26: «tempore autumnus, et locis natura *gravis* autumnus;» et hinc infr. Sat. II, 6, 19: «*gravis* autumnus.»

9. Sensus: Lautiores enim, vel

Devota quercus inter et ilices,
 Aut crescit Albanis in herbis,
 Victima, pontificum secures
 Cervice tinget. Te nihil attinet
 Tentare multa cæde bidentium
 Paryos coronantem marino
 Rore Deos fragilique myrto.
 Immunis aram si tetigit manus,
 Non sumtuosa blandior hostia,

10

15

porcos, vel boves, pontificibus pro publica salute convenit mactare victimas; tu vero non opus habes multis victimis deorum tibi conciliare gratiam, dummodo corollam e rore marino et myrto nexam exiguis Larium simulacris imposueris. — *Algido*, cf. supr. ad I, 21, 6. — *Devota*, sc. ad sacrificium; *devoti* autem ad sacrificium porci, ut docet Cato de R. R. II, 1, 20, *sacres*, boves autem *opimi* appellabantur. — *Albanis in herbis* h. e. pascuis circa Albani Longani. — *Cervice*, sanguine ex icta cervicis prorumpente. — *tinget*, maculabit, inficiet; Propert. IV, 1, 111: «Idem Agamemnoniæ ferrum cervicis puellæ tinxit.» Virgil. Georg. III, 492: «Ac vix suppositi tinguntur sanguine cultri.» Ovid. Trist. IV, 6: «Quam cui tela suo sanguine tincta rubent.»

15. Observa doctam duarum sententiarum complexionem ita disjungendam: nihil necesse est, minime consentaneum est te istos pontifices imitari; satis erit, abunde deos venerata eris, corona ipsis oblata. Eb. — *nihil attinet*, non opus est, non convenit, te tentare, h. e. lacessere, sollicitare, sc. ut tibi faveant. — *Parvos deos*,

deorum Larium enim simulacra exigua forma effingi solebant; cf. Tibull. I, 10, 17. Colorem, ut observat Mitsch. e Nostro duxit Juvenal. IX, 137: «O parvi nostrique Lares, quos ture miauto, Aut farre, et tenui soleo exorare corona.»

17. *Immunis aram si tetigit manus*, etc. jünge: *Si manus immunis* (sc. sceleris, h. e. pura) *tetigit aram*, ea jam sæpius *mollivit* (placavit) *aversos Penates Farre pio et saliente mica*, (mola salsa) *non blandior sumtuosa hostia*, æque blanda, ac si pro farre pio et saliente mica obtulisset sumtuosas hostiam. Sensus igitur: Qui pura et integra mente ad aram accedit, is farre pio et saliente mica æque ac sumtuosa hostia (parvo munere æque ac magno) iratos deos placat. — *Immunis*, purus, innoxius, integer sceleris; Ovid. Heriod. XIV, 18: «Non piget immunes cædis habere manus;» Vell. Pat. II: «*immunis* delictorum paternorum.» Sic apud Plin. I. XXVI, chap. 2: «*oculis immunibus*» subaud. *mali* vel *malo*. — Ceterum eandem sententiam Ovid. ex Pont. IV, 8, 39, 40, sic extulit: «Nec, quæ de parva Dis pauper libat acerra, Tura minus,

Mollivit aversos Penates

Farre pio et saliente mica.

20

grandi quam data lance, valent. » — *Mollivit*, non *Mollibit*, (vetuste pro *Molliet*;) quamvis hoc multi ferant: unus *Molliri*: primum prætuli, quia *præteritum* ponitur in significatione *præsentis*, mollire solet; et ea poetis usitatur enallage. Ed. — *far pium*, pio animo oblatum. — *saliente mica*, qui in igne subsilit accrepat. Tibull. III, 4, 10: « farre pio placant et saliente sale. » Virg. *Æn.* V, 745: « farre pio. » Ed.

ANALYSIS. Phidylon, rusticam, de victimarum suarum tenuitate, ut videtur, sollicitam, bono animo esse, eamque, modo parva diis, pietatem ejus et innocentiam potius quam sacrificiorum splendorem et amplitudinem respicientibus, obtulerit munera, tam agrorum incolumitatem, quam pecudis salubritatem, sperare jubet. — En præclaram de deorum mente sententiam! in cujus quidem tractatione poetam quemdam græcum Nostro prævisse, vel nomen *Phidyle* docere potest.

CARMEN XXIV.

Sæculi sui vitia insectatur, et quomodo corrigantur, edocet.

INTACTIS opulentior

Thesauris Arabum et divitis Indiæ,

Cæmentis licet occupes

Tyrrhenum omne tuis et mare Apulicum,

1. *Intactis opulent.* etc. Ornatum vulgaris sententiæ: « Licet sis ditissimus, mortem tamen effugere non potes; » tirones expendant. Mortis autem commemoratione sæpius Horatius divitiarum cupidos a stultitia sua detertere studuit; cf. supr. I, 4, 13; II, 18, 17 seqq. III, 1, 9 seqq. — *Intactis*, nondum attractatis, integris adhuc; frustra enim ipse Romani jam sæpius Arabiæ Felicis thesauris et re-

rum pretiosarum copiis manus injicere tentaverant; cf. supr. I, 29. Propertio quoque II, 8, 20, *intacta* dicitur Arabia. — *cæmentis*, jactis villarum marinarum per cæmenta fundamenti; cf. supr. III, 1, 35. — *Tyrrhenum*, mare inferum; *Apulicum*, mare superum. — *Si figit adamantinos*, etc. vulgarem sententiam: si violentia sua te invadit dira Necessitas, haud ei te subducere poteris, h.

Si figit adamantinos

Summis verticibus dira Necessitas

Clavos, non animum metu,

Non mortis laqueis expedit caput.

Campestris melius Scythæ,

Quorum plaustra vagas rite trahunt domos, 10

Vivunt, et rigidi Getæ;

Immetata quibus jugera liberas

Fruges et Cererem ferunt,

Nec cultura placet longior annua :

e. si annos a Fato tibi destinatos expleveris, moriendum tibi erit; splendide exornavit poeta. Dea *Necessitas*, h. e. *Fatum*, Ἀνάγκη, Μοῖρα, *clavos adamantinos* h. e. firmissimos validissimosque, vel *trabales* (ut supr. I, 38, 18, vocantur) manu gestare, cosque rebus vel personis, quas domare vel potestati suæ subicere vult, infingere fingitur. Cum his clavis igitur *Necessitas* apparet apud divites morti destinatos, fixisque illis in summis eorum verticibus mori eos adigit. — *adamantinos*, res dicuntur *adamantinae*, quæ sunt inexpugnabilis firmitatis, ut supr. I, 6, 13, *tunica adamantina*. — *Summis verticibus*. — *summus* est epitheton ornans, nihil amplius. — *metu* sc. mortis. — *Mortis laqueis*; retibus mors implicat homines, satis antiqua notione. Stat. Silv. V, 1, 188 : « Furvæ miseram circum undique leti Vallavere plagæ. » Ed.

9. Multo feliciorum in campis vitam vivunt Scythæ et Getæ, dum communi agrorum cultu contenti, haud curis illis et cupiditatibus, quibus divites, agitantur. — *Campestris*, qui

in aperto campo vivunt, errantes, vagi ab urbium et villarum domicilio abhorrentes. — *melius* h. e. sapientius, ut supr. I, 10, 1 : « rectius vivere. » — *Quorum plaustra vagas rite trah. domos*; Justin. II, 1, de Scythis : « Uxores liberosque secum in plaustis vehunt, quibus, coriis imbrum hiemisque causa tectis, pro domibus utuntur; » unde illi Græcis dicti sunt ἀμαλῶτοι, ἀμαλῶτοι. — *rite*, ut fert eorum mos et vitæ ratio. — *rigidi*, duriori vitæ adsueta, ut infr. Epist. II, 1, 28 : « *rigidi Sabini*. » Ceterum Getarum vitæ simplicitatem et frugalitatem laudat Strab. VII, p. 302. — *Immetata jugera*, vivebant igitur Scythæ et Getæ ut homines aureæ ætatis, qua ut Tibull. I, 3, 43, loquitur, nullus adhuc lapis in agris fixus fuit, qui certis finibus arva regeret. Cf. Virgil. Georg. I, 126, et ibi Interpretes. — *liberas fruges*, fruges quibus omnes libere, promiscue utuntur. — *Nec cultura plac. long. annua*, agro enim, quem per unum annum coluerant, relicto, vagas domos suas in alium transferebant. — *Defunctumq.*

Defunctumque laboribus

15

Æquali recreat sorte vicarius.

Illic matre carentibus

Privignis mulier temperat innocens :

Nec dotata regit virum

Conjux, nec nitido fudit adultero :

20

Dos est magna parentum

Virtus, et metuens alterius viri

Certo fœdere castitas,

laborib. Æquali recr. sorte vicarius, et ut is, qui annuis laboribus perfunctus est, se recreare possit, ejus vices sequo jure alius suscipit. — *Vicarius æquali sorte*, vices alterius, ut sors æqualis postulat, suscipiens. Cum hoc Scytharum Getarumque vivendi more egregie conveniunt, quæ Cæsar B. G. IV, 4, de Suevis narrat: « Centum pagos habere dicuntur, e quibus quotannis singula millia armatorum bellandi causa educunt. Reliqui, qui domi manserint, se atque illos alunt. Hi rursus anno post in armis sunt: illi domi remanent. Sic neque agricultura, nec ratio atque usus belli intermittitur: sed privati ac separati agri apud eos nihil est, neque longius anno remanere uno in loco incolendi causa licet. »

17. Morum sanctitatem et vitæ integritatem, quam apud Scythas et Getas vigere ait, jam consulto perversis, quibus Romani se corrumpi passi fuerant, opponit moribus. — *Illic matre carent. Privign. mulier temper. innocens*, explicant: apud eas gentes noverca privignis pocula miscet sine noxa, h. e. non veneno inficit pocula; sed *temperare alicui simpliciter pro:*

pocula alicui miscere, vix usus loquendi fert, nec quisquam ita locutus est; ut nihil de voce *innocens* pro: sine noxa vel damno, dicam. Itaque non dubito, quin *temperare privignis* jam sit: temperanter et leniter tractare privignos, mitem se præbere privignis, iis parcere; et sic fere Cicero pro Balbo 27, *temperare amicis*; Verr. II, 2, *hostibus*; Verr. I, 59, *sociis* dixit. — *Nec dotata regit virum*, laudant in hanc sententiam Plaut. Men. V, 2, 16: « Ita istæ solent, quæ viros subservire sibi postulant, dote frætæ; » et in Asinaria: « Argentum accepi, dote imperium vendidi. — Nam quæ indotata est, in potestate est viri; Dotatæ mactant et malo et damno viros. » Cf. eundem Aul. III, 5, 60. Notum est in hanc sententiam illud Juv. S. VI, 460: « Intolerabilius nihil est, quam femina dives. » — *nitido* h. e. pulcro, nihil amplius, sic *nitidæ virgines* supr. Od. II, 12, 19. — *fidit*, fidenter et temere se committit. — *Virtus*, ad quam filios suos a teneris conformare student parentes; alii de parentum in liberos propagata virtute accipiunt; ad sententiam plura veterum scriptorum loca comparavit Cl.

Et peccare nefas, aut pretium emori.
 O quisquis volet impias 25
 Cædes et rabiem tollere civicam,
 Si quæret Pater Urbium
 Subscribi statuis, indomitam audeat
 Refrenare licentiam,
 Clarus postgenitis, quatenus, heu nefas, 30
 Virtutem incolumem odimus,
 Sublatam ex oculis quærimus invidi.
 Quid tristes querimoniae,
 Si non supplicio culpa reciditur?

Mitsch. — *castitas certo fœdere* pro: certi fœderis h. e. conjugii, quod semper certa fide constat. — *Et pecc. nef. aut pretium emori*, et dos est, vel dotis loco apud eas gentes habendum est, quod earum filiae τὸ *peccare* (adulterari, ἀναπράσσειν) *nefas* esse ducunt, aut, si ad adulterium committendum sollicitantur, h. e. *emori* (mortem) pro pretio habent, h. e. mori, quam adulterium committere malunt.

25. Jam cum nobili indignatione ad indomitam ætatis suæ licentiam se convertit, et quomodo ista a viro, æternam sibi apud posteros de servata patria gloriam paraturo, refrenanda sit, ostendit. — Quod suspicatur *Bœttigerus*, Horatium hac severioris disciplinæ commendatione velificatum esse gratiæ Augusti, qui tum forte condendis illis legibus, quas postea tulit, v. c. legi *Juliae de adulteriis*, legi *Papiae Poppææ de mariandis ordinibus*, operam dederit, admodum probabile est. — *rabiem civicam*, de bellis civilibus, ut passim *furor ci-*

vium. — *Si quæret Pater Urbium*, etc. si hujus gloriæ appetens erit, ut nomen suum aliquando sub titulo: *Pater Urbium* statuis incidatur. — *Urbium*, pro: urbis, ut *statuis* pro: pro: statuas. — Nondum quidem tam Augustus, quem Hor. innuisse putant, ex publico Senatus consulto *Patris Patriæ* nomine insignitus fuit, sed populus, ut docent numismata quædam, de quibus egit *Raschius* in *Lexic. Numism.* T. III, P. II, p. 621, 22, jam plures annos ante hunc titulum honorificum ei tribuerat. — *post-genitis*, posteris, τοῖς ἐψήγροναι. — *quatenus*, quandoquidem, quoniam; infr. Sat. I, 1, 64: «libenter *Quatenus* id facit.» — *Virtutem incolumem*, viros egregios, dum vivunt. — *invidi* tam ad *odimus*, quam ad *quærimus* referendum. Ad sententiam laudant Vell. II, 22: «Præsentia invidia, præterita veneratione persequimur; his nos obrui, illis instrui credimus.» cf. infr. Epist. II, 1, 14.

33. Vanæ sunt nostræ de morum

Quid leges, sine moribus

35

Vanæ, proficiunt, si neque fervidis
Pars inclusa caloribus

Mundi, nec Boreæ finitimum latus,
Duratæque solo nives,

Mercatorem abigunt? horrida callidi
Vincunt æquora navitæ? 40

Magnum pauperies opprobrium jubet
Quidvis et facere et pati,

Virtutisque viam deserit arduæ?
Vel nos in Capitolium, 45

Quo clamor vocat et turba faventium,

corruptela querelæ, si non pœnis gravissimis huic malo resistitur; vanæ quoque sunt leges, si ad illas non vivitur, si divitiæ et luxur instrumenta e remotissimis terræ partibus summa cupiditate conquiruntur, paupertati vero nullus honor tribuitur. — *culpa*, morum perversitas. — *sine moribus vanæ*, inutiles, nisi vita ad eas exigitur. — *fervidis Pars incl. calorib. mundi*, zona torrida; cf. supr. I, 22; 21; III, 3, 58. *Bor. finit. lat.* zona frigida. — *Duratæ solo nives*, circumscriptio glaci; e nive enim, quam frigas in solo jacentem durat, fit glacies. — *Mercatorem abigunt*, arcent a se, absterrent mercatorem. — *callidi*, refer ad artem navigandi, quam ad pericula in mari superanda bene nautæ callent; alii ad lucri faciendi calliditatem referunt. — *Magnum pauperies opprobrium*, etc. Quid leges proficiunt, si ii, qui nullas divitias possident, vehementer a divitibus despicuntur, et sic ad quævis turpia

tam facienda quam patienda adacti a virtutis studio deducuntur? — *pauperies*, facultates modicæ, fortunæ mediocritas ea, unde parce ac sobrie vivitur, quæ in maximo antiquitus honore constitutâ fuerat. — Comparant Lucian. pro merced. Cond. p. 717: « Πενία πάντα νομισὶν καὶ πάρος ἀναστρέφουσα, ὥς ἐκτότοις τις αὐτῇν. » — *arduæ*, in arce nempe secundum Hesiodum Ἔργ. 287, æqq. collocatæ, ad quam ejus cultor eniti debet.

45. Quod si igitur ad frugem et antiquam morum simplicitatem redire volumus, divitiarum, tanquam unicæ corruptorum morum causæ, extirpanda omnino est cupiditas. Extirpari autem istam posse existimat, si aurum et res pretiosæ quæque vel Jovi Capitolino tanquam ἀνὰθύματα solemni more offerantur, vel in mare abjiciantur. — *In Capitolium*, ad exemplum Augusti, qui, ut narrat Suetonius Aug. 30, « in cellam Capitolini Jovis sedecim millia pondo

Vel nos in mare proximum

Gemmas, et lapides, aurum et inutile,
Summi materiem mali,

Mittamus, scelerum si bene pœnitet.

50

Eradenda cupidinis

Pravi sunt elementa : et teneræ nimis
Mentes asperioribus

Formandæ studiis. Nescit equo rudis

Hærerere ingenuus puer,

55

Venarique timet; ludere doctior,

Seu Græco jubeas trocho,

Seu malis vetita legibus alea :

auri, gemmasque et margaritas quingentis HS. una donatione contulerit. —

— *Quo clamor vocat et turba favent.*

inter faustam populi præeuntis acclamationem. — *in mare proximum*, Tyrrhenum puta; valuit autem jam antiquitus proverbialis illa locutio, qua, qui res quasdam contemnunt et nihil curant, eas se in aquam abjicere velle aiunt. Opportune in hanc rem *Bættigerus* laudat *Lucian. Tim.* § 56, p. 173 : « Σεῦ δὲ αὐτοῦ χάριν ἰσχυλῆν, ὡς μὴ διαφθεῖρη σὲ τὸ κακίστον τοῦτο καὶ ἐκπευλότατον κτῆμα ὁ πλείστος, ὁ πολλὰς πολλὰς αἰτίας ἀνγκίστων συμφορῶν γεγενημένος· εἰ γὰρ μοι παῖδις, μάλιστα θλῖν εἰς τὴν θάλατταν φέρων ἐμβαλεῖς. » — *lapides*, uniones; cf. *Catull. LXIX*, 4. H. l. imitatus est *J. B. Russæus Od. II*, 8 : « Réservons pour nos tabernacles Cet or, ces rubis, ces métaux; Ou dans le sein des mers avides Jetons ces richesses perfides, L'unique aliment de nos maux. » — *Eradenda cupidinis*, etc. radicitus

extirpanda sunt avaritiæ semina. — *mentes nimis teneræ*, quæ nunc nimis molli et effeminata ratione tractantur.

54. *Nescit equo rudis*, etc. puer Romanus pro molliore, quæ nunc educatur, ratione equitandi artis imperitus est. — *rudis*, imperitus. — *Hærerere*, insidere. Ad studia autem, quibus pueri Romani in Campo Martio exercebantur, pertinuisse quoque hoc, ut equos adhuc indomitos domarent, satis notum est. Hinc *Noster* *supr. I*, 8, 7, de effeminato Sybari : « Gallica nec lupatis Temperat ora frenis. » — *Venari timet*, venationem refugit; ut *supr. I*, 8, 8 : « timet Tiberium tangere. » — *Græco trocho*, — *trochus* (τρόχος), circulus æneus, rotæ similis, quem pueri ludentes virga ferrea circumagebant, dum valde delectabantur ejus strepitu, quem annexi annulli inter agendum edebant; vid. *Mercurial. de Art. Gymn. III*, 8. — *Græco*, e Græcia enim in Italiam translatum fuerat hoc instrumentum

Quum perjura patris fides

Consortem socium fallat et hospitem,

60

Indignoque pecuniam

Hæredi properet. Scilicet improbæ

Crescunt divitiæ: tamen

Curtæ nescio quid semper abest rei.

lusorium; *græcabantur* igitur, ut infr. Sat. II, 2, 11, dicitur, pueri Romani. — *vetiâ legib. alea*, hinc *de alea* (h. e. lusu, cujus eventus, jactatis nempe talis vel tesseris, in fortunæ positus fuit arbitrio), *condemnatorum* mentionem facit Cicero Phil. II, 23. Videas etiam lib. XI, Pandectarum titulum *de aleatoribus*. Lusus alæ puniebatur legibus Cornelia, Publicia et Tatia. Ed.

89. *Quum perjura patris fides*, etc. dum turpi fraude pater corradit pecuniam, quam filius profusus dilapidet. — *soc.* socius dicitur, quocum quis in lucro faciendo societatem iniit. — *fallat*, commode laudant Cic. p. Rosc. Amor. 40: « In rebus minoribus socium fallere turpissimum est... Recte igitur majores eum, qui socium fefellisset, in honorum virorum numero non putarunt haberi oportere.

— *Consort.* — Socius dicitur *consors*, qui, quod *sortem* (summam pecuniæ, nos: *Capital*) in medium contulit, jure suo æquam lucri partem postulare potest. — *Indigno*, prodigo nempe. — *pecun. properet.* — *properare pecuniam* eleganter dicuntur, qui diurna nocturnaque opera faciunt tentantque omnia, quibus pecuniam concervent; hinc *avarus* Juveneri XIV, 117, *properans* dicitur. — *improbæ*, quæ improbo inhonestoque studio colliguntur; hinc infr. Epist. I, 10, 40, *avarus* dicitur *improbus*; vel simpliciter: magnæ, ingentes. — *rei curtæ*, ejusmodi divitiis, quæ, utat amplæ, *curtæ* tamen et parvæ insatiabilibus earum videntur possessoribus; nam, ut Noster supr. III, 16, 42, « Multa petentibus, desunt multa. » — *Bœttigerus* comparat Euripid. Electr. 943.

ANALYSIS. In effrenatam ditiorum licentiam et luxum, tanquam causam omnis morum corruptelæ, quæ tum Romanos occupaverat, graviter invehitur. Postquam igitur communem moriendi necessitatem opulentioribus ante oculos posuit, et Scythas Getasque, tam libero ubique agrorum cultu, quam morum, qui apud eos vigeant, sanctitate multo felicius vivere docuit, unumquemque, qui æternam de patria ab interitu servata apud posteros sibi parare velit gloriam, indomitæ divitiarum cupiditati inprimis modum ponere jubet. Qua quidem funditus extirpata, popularibus suis auctor existit, ut

pueros suos, ignavia et animi mollitie nunc diffuentes, severioribus studiis adsuefaciant.

Excellit hoc carmen sententiarum sublimium ubertate, elocutionis dignitate ac vi, numerorumque delecta gravitate. Ediscant illud juvenes, quibus est incoctum generoso pectus honesto, ut ait Persius, Sat. II, 74. Ed.

CARMEN XXV.

AD BACCHUM.

Se, Bacchi numine afflatum, Augusti laudes non humili modo cantaturum.

Quo me, Bacche, rapis tui

Plenum? Quæ nemora, aut quos agor in specus,
Velox mente nova? Quibus

Antris egregii Cæsaris audiar

Æternum meditans decus

5

Stellis inserere et consilio Jovis?

1. Cogita, poetam, carmen audacius in Augusti laudes molientem, Bacchum, qui numine suo ejus pectus impleret, invocasse; audivit poetæ preces Bacchus, adest et ejus pectus intrat, cujus vim sentiens: *Quo me, Bacche, rapis tui plenum?* exclamat. — *tui plenum*, tuo numine, tua vi, perculsum atque attonitum: « Plenum Bacchi pectus » similiter dixit supra II, 19, 6. — *Velox mente nova*, novâ quasi mente donatur, qua velocissime auferri sibi videtur; scilicet ob novas animo ejus objectas rerum species, novos ac sublimiores sensus a deo immisos. — *Quibus antris egregii*

Cæsaris, etc. pro vulgari: in quibus antris æternam Augusti inter deos relati gloriam canam? — *audiar meditans* pro: meditabor, et hoc pro: carmen meditando tentabo. — *egregii Cæsaris æternum decus*, egregium (cf. supr. I, 6, 11), et æternæ gloriæ decore insignem Cæsarem. — *meditans inserere*, jam pro meditans canere insertum, deum inter deos consiliantes repræsentare. — *consilio Jovis*, h. e. inter deos majores qui a Jove in consilium vocantur. Apud nonnullos legas *concilio*, quam lectionem plurimi interpp. rejiciendam esse multis argumentis demon-

Dicam insigne, recens, adhuc

Indictum ore alio. Non secus in jugis

Exsomnia stupet Evias,

Hebrum prospiciens, et nive candidam

10

Thracen, ac pede barbaro

Lustratam Rhodopen. Ut mihi devio

Ripas et vacuum nemus

strare voluerunt. Ad sensum autem parum refert; licet enim non semper aliud horum verborum pro alio recte sumatur, hic tamen duo ista idem significare mihi videntur; *concilium* scilicet Jovis sane est cætus Deorum quos Jupiter in *consilium*, in deliberationem vocat. Sic Æneid. X, 2: « conciliumque vocat divum pater atque hominum rex. » Ed.

7. Poeta, tam rei canendæ gravitate, quam Bacchi numine plenus, jam animum sumit, et de insigni carminis, quod cantaturus est, sublimitate cum nobili fiducia loquitur. — *recens*, res recenter ab Augusto gestas. — *Indictum*, quod nullus hactenus poeta celebravit. — *Non secus in jugis*, etc. non aliter enim, non minus vivide moveor, quam Baccha quæ e somno, cui furibunda tandem succubuerat. experrecta et a furore suo per eum recreata oculos circumflectere, et loca, quæ lastraverit, contemplari incipit. — *Evias*, Baccha, ab orgiorum voce *Evoe*. — *Exsomnia*, h.e. somno experrecta, *ἔκπνοα*. Quod Cl. *Mitsch.* putat, per Baccham exsomnia intelligendam esse eam, quæ somno, audito tympani sono, experrecta, istoque ad novos furores recreata iterum furere incipiat, parum rei accommodatum est. Baccha enim

novo furore correpta profecto non loca *prospicit*, nec ea, ut poeta *miratur*. — *stupet*, cum stupore contemplatur loca, in quæ se delatam videt; *Abit enim in quiete molli ravidus furor animi*, ut Catullus loquitur in Galliambo v. 38. — *Hebrum*, Thraciæ fluvium, nunc *Mariza*. — *pede barbaro* h. e. pede barbararum, nempe Baccharum Thraciarum; *Thracen* enim, ut *Phryges*, apud poetas Græcos *πάφσαροι* audiunt. — *Rhodopen*, montem Thraciæ, nunc *Dervent*.

12. *Ut mihi*, etc. quam volupe est posse mirari, etc. verba poetæ præ admiratione exclamantis, et se jam in gratissima loca translatum credentis. — *devio*, in locis absconditis circumvaganti. — *Ripas*, Bacchæ Hebrum prospicientis respectu habito; *ripas* exhibent omnes MSS. et editiones ante Muræum qui primus dedit *rupes*; et quem secuti sunt Heinsius, Dacernius, Sanado, et multi alii: *ripas* rejecerunt, quia nusquam simpliciter et absolute ponitur, nisi mentio fluminis aut aquarum habeatur. *Rivos* scribebat Bentl. scil. *lactis*, *mellis* et *vini*; quia mox Horat. invocat Naiadum potentem Deum! Sed MSS. servanda lectio *ripas*, quæ multo magis poetica videtur, quam *rupes* et præsertim *rivos*. Ed. — *vacuum*, solum, vastum.

Mirari libet! O Naiadum potens,
 Baccharumque valentium 15
 Proceras manibus vertere fraxinos:
 Nil parvum aut humili modo,
 Nil mortale loquar. Dulce periculum est,
 O Lenæe! sequi Deum
 Cingentem viridi tempora pampino. 20

14. *O Naiadum potens*, etc. causa, cur huc actus fuerit poeta, de integro ejus subit animus; iterum igitur appellat Bacchum, et in sublimioris, de quo dixit, carminis nisu persistit. *O Naiadum potens, Bacch.* o deus, in cujus potestate Naiades et Bacchæ sunt; ut supr. I, 3, 1: «Venus Cypri potens,» et infr. Carin. Sæc. 1: «Diana silvarum potens.» Cl. *Mitsch.* comparat Orph. H. LIII, 6: «Ναΐαι καὶ Βάκχαις ἡγεμόνισσι κισσοφόροις.» — *valent. Procer. manib. vertere frax.* Dicitur enim Pentheum, insequente Agave et Mænadibus, in fraxinum,

seu abietem ascendisse; eamque arbo-rem statim a Bacchis eradicatam, et dejectam cum Pentheo fuisse. Unde Euripides in Bacchis: «εἰ δὲ μὲν ἔρα Προσέθεν Ὀλέτη, καὶ ἀνέπασαν χθονός.»

16. *Dulce peric. est sequi*; periculosum quidem tam grandia tentare; hoc autem periculum experiri non renuam, immo dulce est, duce Baccho, cui frons semper viridi pampino cingitur, quasi in sequentium solatium et incitamentum. Similiter infr. IV, 8, 33, Bacchus «Ornatus viridi tempora pampino» sistitur.

ANALYSIS. Augusti divinos honores sive ἀποθέων carmine quam maxime sublimi celebraturus, furorem, quem Bacchus poetis dithyrambicis immittere putabatur, pectore concipit Horatius. Bacchi igitur furore plenus, uti Mænas aliqua, in nemora et specus aufertur, ubi in antro quodam sublime et inauditum ante in Augusti, inter Deos relati, laudes carmen dicturus est. Mox paululum ex animi sui tumultu ad se rediens circumspicit, et loca, ad quæ furore percitus delatus sit, miratur. Tum Bacchum appellat, et, quale carmen cantaturus sit, iterum profitetur. Sensu autem dulcis illius furoris, quo, qui Bacchum sequuntur, perfundantur; delinitus subito carmen finit. — Quid assequi poeta hoc carmine dithyrambico (quale fere est supr. II, 19) voluerit, facile apparet. Ostendere nempe voluit, quo ore Augusti laudes celebraturus ruere debeat. Non canens autem illas laudes novo et sublimiore, quod se meditari ait, carmine, tacite iis canendis et uberius enarrandis se imparem profitetur. Quo quidem nihil ad tentatæ rei amplitudinem designandam aptius graviusque a poeta fingi potuit.

CARMEN XXVI.

AD VENEREM.

Rebus amatoriis vale dicit.

Vixi puellis nuper idoneus,
 Et militavi non sine gloria :
 Nunc arma defunctumque bello
 Barbiton hic paries habebit,
 Lævum marinæ qui Veneris latus
 Custodit. Hic, hic ponite lucida
 Funalia, et vectes, et arcus
 Oppositis foribus minaces.

5

1. Cogita poetam ante templum Veneris stare, et inter ipsam armorum suorum dedicationem hoc carmen pronunciare. — *nuper*, adhuc scilicet, antequam Chloes fastidium expertus essem. Ex extremis enim versibus apparet Horatium indignantem potius contra Chloes arrogantiam, quam sponte sua ut pote jam non idoneum militem amoris castra deserere volentem hoc carmen scripsisse. — *militavi*, nam qui amant, Veneris vel Cupidinis castra sequi dicuntur; in vulgus notum est illud Ovidii Amor. I, 8, 1: « Militat omnis amans, et habet sua castra Cupido. » — *non sine gloria*, nota illam rerum præclare in amore gestarum memoriam, quam confirmant et Horatii vita et tot carmina ad res amatorias spectantia. — *arma*, qualia illa fuerint, ipse docet v. 7. — *defunctum bello barbiton* h. e. mu-

nere suo, dum mihi militanti h. e. amanti sonabat, perfunctum; deduxerat pempe ad lyram modos leviores, sive carmina amatoria. — *Lævum mar. qui Vener. latus Custodit* h. e. claudit, ambit, munit; pro vulgari: qui est, vel stat a læva parte templi, in quo Venus *marina* (ἀναδομήν, cf. Musæ. v. 284) colitur. — *Lævum lat. Veneris* nempe simulacro hic paries, quo arma sua positurus erat, a læva; templum vero intrantibus a dextra fuisse videtur.

6. *Hic, hic ponite*, etc. alloquitur administros, quos arma jam dedicanda adportare jusserat. — *ponite*, proprie de rebus, quæ dedicantur. Sic Ovid. Amor. I, 11, 26, tabellam verbis, quibus optabat, a Corinna scriptam, se media in Veneris æde *ponere* velle ait. — *Funalia*, funes ceratos, faces, quas juvenes comissabundi præ se fe-

O quæ beatam, Diva, tenes Cyprum, et
Memphin carentem Sithonia nive,
Regina, sublimi flagello
Tange Chloen semel arrogantem.

10

rebant, vel quibus minabantur fores ac tectum incendere, si vi grassandum puellarum asperitas moneret, unde Ovid. A. A. III, 370 : « nec franget postes, nec sævis ignibus uret. » — *vecies*, quibus puellarum fores effringere solebant amatores. — *arcus oppositis foribus minaces*, quamvis *arcum* ad clausas puellarum fores diffringendas ab amatoribus adhibitum fuisse aliunde non constat, fieri tamen potuisse, ut amatores, summa vi in puellarum ædes irrupturi, sagittarum adeo factu clausas fores diffinderent, negari nequit. Frustra igitur hic locus sollicitatus esse videtur a *Cunigamo* et *Bentleio*, quorum hic pro *et arcus* paulo audacius : *securesque*; ille *harpas*, pro : *arcus* tentabat. Jan. emendabat *artes* vel *uncos*, non magis feliciter. Sed explicanda potius quam mutanda lectio : malim igitur suspicari *arcus* hic esse instrumenta nobis ignota, quibus portæ frangi, vel aperiri possent; nempe vectium aliud genus aduncum, instar *arcus* curvatum; nam poetice vocari potest *arcus*, quælibet machina arcuata; et ea fortasse quam nostri dicunt, *rossignol de serurier*; *croissant de jardinier*. Ed.

9. O quæ beat. Diva, tenes Cypr. similiter supr. I, 3, 1. Venus Diva

potens Cyprî dicitur. — *beatam*, divitiis e mercatura, quæ vel maxime in hac insula exercebatur, affluentem; hinc infr. III, 29, 60, *merces Cypræ*. Eustathius, notante *Mitscherlich*. ad Dionys. Perieg. 808 : « ὀλβιώταται δὲ νῆσιωτῶν δὲ Κύπριοι διὰ τὸ θαλαττοπρατῆσαι »; qua de causa *Cyprus* antiquitus vocata fuit *Macaria*, Plin. H. N. V. 31. — *Memphin*, in hac urbe *Ægypti* nobilissima *Venus Hospita* templum habuisse traditur; vid. Herodot. II, 112; Strab. XVII, p. 1161, 2. — *carent. Sithon. nive*, in regione non frigida, sed calida sitam. — *Sithonia*, epitheton ornans, ut apud Ovid. Amor. III, 7, 8 : « Brachia *Sithonia* candidiora *nive*, » — *Sublimi flagello tange*, pro vulgari : contunde et frange Chloes superbiam. — *Flagello*, quod nunc Veneri tribuitur, sæpius dii irati sontibus imminere finguntur. Locis a Cl. *Mitsch.* in hanc rem allatis adde Oppian. Hal. II, 14, ubi sapiens diis obtemperare dicitur, Πρὶν χελεπῇ μάστιγι καὶ οὐκ ἐθελῶν δάπτει. — *sublimi*, in altum elato; quo gravius enim aliquis flagello cedere alium cupit, eo altius illud ad cædendum extollere solet. — *Semel* tantum ait, quia non omnis amor abiit et adhuc amatæ parcat. Ed.

ANALYSIS. Poeta se amorum, quibus adhuc indulserit, lusibus nunc defunctum esse profitetur. Comparat autem se cum milite emerito; et quemadmodum miles arma post partam sibi per ea in bello gloriam Marti consecrare

solet, ita instrumenta illa, quibus aditum ad puellas sibi aperire tentaverat, tanquam *ἀναδίστατα* solemniter Veneri dedicat. — Videtur autem hujus capti consilii causa inprimis fuisse Chloe, cujus extremo amorum suorum tempore superbiam expertus fuerat; hinc precibus ad illius arrogantiam ulciscendam spectantibus armorum suorum dedicationem peragit. — Ceterum hoc totum carmen ex græco quodam factum esse latinum, nemini facile, græcorum poetarum lectione imbuto, dubium erit.

CARMEN XXVII.

AD GALATEAM.

Galateam a maritimo itinere deterrere conatur, proposito Europæ exemplo.

IMPIOS parvæ recinentis omen

Ducat, et prægnans canis, aut ab agro

Rava decurrens lupa Lanuvino

Fetaque vulpes;

Rumpat et serpens iter institutum,

Si per obliquum similis sagittæ

5

1. Sensus: Omnia illa, quæ infau-
sta esse solent iter aliquod institutu-
ria, impiis eveniant; at faustis, quæ a
Diis expetam, omnibus proficiascetur
ea, de cujus vita ego sum sollicitus. —
parvæ, qualis avis per *parram* intel-
ligenda sit, non satis liquet. Relatam
illam ad eas aves fuisse, quæ voce sua
tempestatem portenderent, ex hoc ipso
loco intelligitur. — *recinentis*, vo-
cem inauspicatam iterum iterumque
repetentis. — *Rava*, ad luporum co-
lorem, qui inter cæsius et flavum me-
dius fere est, referendum; gallice:
roux. Similiter *lupus* apud Ovidius
Met. VI, 528, *canus*; et Met. XI,

772, *fulvus* dicitur. Minus bene alii
ad oculorum colorem referunt, ut sit
pro: truculenta. — *Lanuvino*, Latii
oppido, prope viam Appiam sito in
loco acclivi; hinc *lupa* inde *decurrere*
dicitur, cujus per viam Appiam tran-
scursus Campaniam et Brundisium
versus profecturis male auspicatus
fuit. — *Feta*, recens enixa.

2. *Rumpat iter institutum*, malo
omine suo ab instituto itinere deter-
reat. — *per obliquum*, oblique viam
trajiciendo. — *similis sagittæ*, de
quodam serpentum specie loqui vide-
tur Horatius quos Græci *Acontias*,
Latini autem *Jaculos* vocabant, quia

Terruit mannos. Ego cui timebo,

Providus auspex,

Antequam stantes repetat paludes

Imbrium divina avis imminens,

10

Oscinem corvum prece suscitabo

Solis ab ortu.

Sis licet felix, ubicunque mavis,

Et memor nostri, Galatea, vivas :

Teque nec lævus vetet ire picus,

15

Nec vaga cornix.

Sed vides, quanto trepidet tumultu

Pronus Orion. Ego, quid sit ater

vulgo in arboribus stabant, e quibus in transeuntes, sagittæ instar, insilliebant. De his Plin. lib. VIII, cap. 23 : « Jaculum ex arborum ramis vibrari, nec pedibus tantum cavendos serpentes, sed et missili volare tormento. » Ed. — *mannos*, equos parvulos, velocitate sua inprimis insignes. — *Ego cui timebo*, etc. Junge : ego, providus auspex, prece suscitabo illi cui timebo, corvum, etc. — *providus auspex*, dum prudenter læta auguria præcipio. — *Oscin. corv. prece suscit.* *Solis ab ortu*, Deos precabor, ut oscinem corvum ab oriente suscitatum, lætum omen canere jubeant. — *Oscines*, ut satis notum, cantu vel clamore; *præpetes* volatu tantum auguria dabant. — *Solis ab ortu*, ab oriente enim lætioris ominis aves advolare debebant; cf. Sueton. in Vespas. 8, sub fine. — *Anteq. stantes rep. pal. Imbr. div. avis immin.* antequam avis, imminentes imbres divinitus prædicens, stantes paludes repetat, h. e. tempestas

nondum per cornicem prædicta; lavando enim et aqua se in paludibus perfundendo cornices inprimis pluviosum tempus prædicere putabantur; vid. Arat. Dios. 217 seqq. Plin. XVIII, 35; Virg. Ge. I, 387. Ed.

13. *Sis licet felix*, etc. Sensus et nexu : Per me igitur, vel per auguria, quæ ego pro te capio, *licet* sane, ut, ubicunque tibi, Galatea, placet, felicem et innoxiæ meæ vitam agas, lætiæque inde profisciscaris ominibus, etc. — *Sed*, etc. Quamvis autem secunda sint auspicia, non tam ipsi quam mari et ventis credas; vides autem, etc. Ed. — *quanto... tam. Pron. Orion*, quanto tumultu ad occasum ruat Orion, h. e. quanta post Orionis occasum, qui instat, exortura sit tempestas. — *trepidet*, h. e. festinet; cf. supr. II, 4, 23. — *Pronus*, ad occasum vergens, ut supr. I, 28, 21, *Orion devexus*, ubi cf. not. — *Ego, quid sit ater Hadr. novi, sinas*, ipse ego expertus sum, quam periculosum sit

Hadriæ, novi, sinus; et quid albus

Peccet Iapix.

20

Hostium uxores puerique cæcos

Sentiant motus orientis Austri, et

Æquoris nigri fremitum, et trementes

Verbere ripas.

Sic et Europe niveum doloso

25

Credidit tauro latus, et scatentem

Belluis pontum, mediasque fraudes

Palluit audax.

Nuper in pratis studiosa florum, et

Debitæ Nymphis opifex coronæ,

30

Nocte sublustri nihil astra præter

Vidit et undas.

navigare in mari Hadriatico, quando atri ejus fluctus æstuant; mare enim Hadriaticum tantummodo sinus est. Nisi forte poeta certum quemdam maris Hadriatici in *sinum* exeuntem locum respexerit, qui navigantibus inprimis atræ tempestatis tempore infestus esset. — *Iapix*, vid. ad I, 3, 4. — *albus*, cælum album, sive serenum reddens; ut supr. I, 7, 15, « albus Notus; » et III, 7, 4, « candidi Favonii. » — *quid Peccet*, in quantam fraudem inducat, quid fraudis fallaci serenitate committat.

21. Oratio ita continuanda erat: Novi etiam motus orientis Austri, etc. Pro hoc poeta, quo periculi magnitudo mirifice augetur, adhibita imprecationis formula: Sentiant, experiantur cum malo suo motus, maris fluctus ab Austro oriente, surgente, excitatos. Usitatum apud Romanos fuit ea hostibus imprecari, quæ a se

ipsis avertere volebant. Unde Virgil. Georg. III, 513: « Di meliora piis, erroremque hostibus illum! » Ed. — *Host. uxor. puer.* quod molliores eorum animi impensius in ejusmodi discrimine consternari solent. — *cæcos*, h. e. atros, turbidos, vel potius subito ingruentes, haud prævisos. — *Æquoris fremit.* sic apud Ennium: « Rati- busque fremebat Imber Neptuni. » Ed. — *trementes Verbere*, contremiscentes fluctuum allisu; apud Virg. Æn. III, 423, Charybdis « unda sidera verberare » dicitur.

25. Sic, pari temeritate et inconsiderantia. — *scatent. Belluis ponti.* *μαχαίρεα πόντον*, Hom. Odyss. III, 158. — *medias*, in medio demum mari vel periculo cognitæ. — *audax*, refer ad Europæ temeritatem et inconsiderantiam. — *Nuper*, paulo ante. — *Debitæ Nymphis coronæ*, quam ex voto suscepto Nymphis offerre debe-

Quæ simul centum tetigit potentem

Oppidis Creten : Pater o, relictum

Filiæ nomen, pietasque, dixit,

35

Victa furore!

Unde? quo veni? Levis una mors est

Virginum culpæ. Vigilansne ploro

Turpe commissum? an vitiis carentem

Ludit imago

40

Vana, quæ porta fugiens eburna

Somnium ducit? Meliusne fluctus

bat. — *sublustrî*, paululum obscura, quippe qua non luna, sed stellæ tantum micant. — *nihil astra præter* *Vidit et undas*. Comparant Mosch. Europ. v. 129. — *centum pot. opp. Creten*, *ἑκατόμπολιν*; infr. V, 9, 39: «centum nobilem Creten urbibus.» Ovid. Her. X, 67: «Crete, centum digesta per urbes.» Vid. *Meurs. de Creta*, I, 5, et *Schoen. de Geograph.* Hom. p. 91. — *Pater o*; vividiora jam Europæ desideria exprimit poeta, eam ipsam loquentem inducendo. — *o relict. Fil. nomen*. Quam turpiter mihi filiæ nomen patris relictum est! h. e. patris nomen quam turpiter neglexi et parum curavi ego filia! Sic Ovid. Her. X, Ariadne: «Nam pater, et tellus justo regnata tonanti, prodita sunt facto nomina tanta meo.» Comparant Euripid. Med. 166: «Ὁ πάτερ, ὦ πόλις, ὧν ἀπενάσθη.» — *pietasque* *Victa fur*. quam turpiter furibundo ausu, quo tauro me credebam, suppressa est, quam patri debebam, pietas! Acron male jungit, *victa dixit*. Ed.

37. Europa, magis magisque nunc fraudem, in quam temeritate sua se

induci passa sit, sentiens, querelas et minas jacit, quales suppeditare solet dolor et adfectus vehementior; egregie igitur ad ingenium humanum composita est Europæ oratio. — *Unde?* patrem respicit. — *levis*, nimis levis pœna. — *culpæ*, casus tertius, ad ejusmodi virginum culpam expiandam, quasi ejusmodi virginum flagitium plures mortes, vel graviores, quam unius mortis pœnam, meruerit. Comparant Propert. IV, 4, 17, de Tarpeia: «Et satis una malæ potuit mors esse puellæ, Quæ voluit flammæ fallere, Vesta, tuas?» — *vigilansne*, ita culpam suam detestatur, ut dubitet, an re vera eam commiserit. — *vitiis carentem*, innocentem. Ed. — *imago vana*, falsa species (*εἰδωλον*); sic Venus apud Virgil. Æn. I, 408, quæ falsa specie Æneæ se obtulerat, «falsis imaginibus eum lusisse» dicitur. — *quæ porta fug. eburna* *Somnium ducit?* Somnia scilicet, ut finxit antiquitas, per duas portas, *falsa* quidem per *eburneam*, *vera* autem per portam *corneam* ex locis inferis emittuntur; vid. Hom. Odys. XIX, 562,

Ire per longos fuit, an recentes

Carpere flores?

Si quis infamem mihi nunc juvenum

45

Dedat iratæ, lacerare ferro, et

Frangere enitar modo multum amati

Cornua monstri!

Impudens liqui patrios Penates :

Impudens Orcum moror! o Deorum

50

Si quis hæc audis, utinam inter errem

Nuda leones!

Antequam turpis macies decentes

Occupet malas, teneræque succus

Defluat prædæ, speciosa quæro

55

Pascere tigres.

et Heyn. Excurs. XV, ad Virg. *Æn.* VI, 894. — *fugiens*, evolans. — *Meliusne fluctus*, etc. Fierine potuit, ut, quid melius esset, utrum tauro, qui me per longum mare veheret, me committere, an recentes in prato flores carpere, ego non intelligerem?

45. *Infamem*, detestandum; paulo mollius infr. v. 74, Venus, ubi suaviter Europæ iram ridet, eundem *invisum* vocat. — *mult. amati monstri*, hujus execrandi, quem paulo ante in prato blande et amanter attratabam (Mosch. 93 seqq. Ovid. *Fast.* 861 seqq.), juveni. Scilicet uti homines, quos ob nova et inaudita scelera abominamur, *monstra* appellari solent, v. c. *Cleopatra* supr. I, 37, 31; et *Catilina* apud Cic. *Cat.* II, 1; ita nunc *taurus*, ob scelestissimum, quo ille Europam violenter per mare abtulerat, facinus *monstrum* vocatur.

50. *Orcum moror*, diutius in vita morans non statim ad Orcum descendendo; sic *vitam*, annos, mortem, *fata morari* vel *demorari* pro: diutius in vita morari, passim dicitur; exempla de hoc loquendi genere collegit *Burmamn.* ad Virgil. *Æn.* II, 648. — *Nuda* potest quidem pro: destituta, derelicta ab omni auxilio, accipi, nisi significationis proprietati magis favere videantur sequentia. Europa nempe, si vestibis denudata conspecta fuisset a leonibus, eos multo avidius illius corpus, tenerum adhuc et succis plenum, devoraturus esse existimabat. — *teneræ prædæ*, significantius pro tenui: mihi. — *speciosa*, ego, juvenili corpore adhuc conspicua, pulchra, pinguis, carnea; *speciosa* opponitur *turpi maciei*. Infr. *Epist.* I, 16, 45: « Introrsus turpem, *speciosum pelle decorâ.* »

Vilis Europe, pater urget absens,
 Quid mori cessas? Potes hac ab orno
 Pendulum zona bene te sequuta

Lædere collum.

60

Sive te rupes et acuta leto
 Saxa delectant, age, te procellæ
 Crede veloci; nisi herile mavis

Carpere pensum,

Regius sanguis, dominæque tradi

65

Barbaræ pellex. Aderat querenti

Pérfidum ridens Venus, et remisso

Filius arcu.

57. *Vilis*, pudendo flagitio contaminata.—*Pater urget absens*, his maledictis pater, quem reliqui, me insecutatur; hæc audire mihi videor maledicta, quibus pater, quem reliqui, mihi instat. — *urget absens*, suave oxymoren observa; pater absens tantum præsens perturbato Europæ observatur animo. — *bene*, nisi in proprium, *bene* certe in hunc usum; de *zonarum* virginalium in suspendium usu vid. *Mitsch.* et *Stanl.* ad *Æschyl.* Suppl. 456.—*Lædere*, lito-tes pro: frangere, elidere. — *Sive te rupes et acuta leto Saxa delectant*, aut si præferendum tibi videtur illud mortis genus, quo quis per rupes et saxa se præcipitem dat. — *saxa acuta leto*, h. e. saxa, quorum culmina acuta, eminentia, celerrime mortem afferent. — *te proc.* *Crede veloci*, h. e. præceps indè rue, et te ventis auferendam committe: ideo *procellæ veloci se credere* significanter pro vulgari: ex loco alto se præcipitem

dare. — *nisi her. mavis Carp. pens. Regius sang.* nihil enim feminæ nobiliori tristius accidere poterat, quam servilis conditio; hinc Ariadne apud Ovid. *Heroid.* X, 89 seqq.: « Tan- tum ne religer dura captiva catena, Neve traham serva grandia pensa manu. » — *domin. tradi Barb. pellex*, serva enim, quæ simul pellex est domini, multo magis extimescere debet sævitiam dominæ.

66. En solatium inter sævissimos affectuum tumultus subito adductum, tantoque blandius animos feriens ac permulcens! Postquam puellæ affectus in summam *ἄγρυπν* excreverat, adeoquidem, ut res ad exsequendum parandæ necis consilium spectaret; hoc demum momento Venus, diu misero isto spectâculo malighe lætata, e hube prodit, ac miseram solatur. — *Pérfidum ridens Venus*, Venus, cui res in Jovis gratiam suscepta bene cesserat, nunc ridet, et quidem *perfidum* (pro: perfide), h. e. uti illi, qui

Mox, ubi lusit satis : Abstineto,
Dixit, irarum calidæque rixæ,
Quum tibi invisus laceranda reddet

70

Cornua taurus.

Uxor invicti Jovis esse nescis :
Mitte singultus : bene ferre magnam
Disce fortunam : tua sectus orbis

75

Nomina ducet.

per dolum et fratrem votorum suorum compotes facti sunt, ridere solent. In risu autem *perfito* egregie expressum est ingenium Veneris, quæ, ut dea *χαρίτατος*, e doloribus, quos parat, voluptatem capere solet. Hinc sup. I, 36, 12, *jocus*, qui Veneri placet, *sævus* dicitur. — *remisso Fil. arcu*, suaviter Cupido, qui simul adest, nunc arcum laxatum gestare fingitur; nam, quod ille per arcum adductum et intentum efficere solet, jam effecerat. O suavam picturam! Ed.

69. *Ubi lusit satis*, ubi satis de-

lectata fuerat ludo illo, quem spectandum ei Jovis amor dederat. — *calidæ*, quæ calidum animum, commotum indicat. — *Quum tibi inv.* etc. Quum taurus ille tibi nunc invisus suppeditabit cornua, quæ tum dilaceres, si adhuc placet; jocosè pro: quum deus, qui sub tauro latet, se tibi conspiciendum et amplectendum præbebit. — *Uxor*, h. e. pellex, ut passim *conjux*. — *sectus orbis*, separata orbis terrarum pars a tuo nomine Europa appellabitur; quod etiam in solatium esse poterat. Ed.

ANALYSIS. Galatæam ab itinere, quod navi in exteras terras susceptura erat, non malorum quidem omnium, sed manifesti, cui iniquiore nunc navigationi anni tempore se exponat, periculi commemoratione detertere studet. Sententiarum nexus est fere hic: Non malis equidem omnibus te ab itinere, quod meditaris, deterrebo, immo deos venerabor, ut bonis avibus te proficisci jubeant; sed licet aves itineri tuo addicant, cogita, quæso, quam graves hoc ipso, quod instat, anni tempore tempestates in mari oriri soleant. Cave igitur, ne tibi fraudi sit, quam nunc cælum ostendit, serenitas. Sic Europa quoque olim per externam bovis ipsi adblandientis speciem in fraudem inducta est. — Quod supra ad hujus libri carmen tertium de longiore illa, qua Juno loquens inducitur, digressionem monuimus, id quoque de Europæ fabula, scite hujus carminis argumento accommodata, valet. Scilicet poeta in Europæ fabula nunc unice temeritatem, qua illa tauro se credidisse fertur, spectavit, quam

cum Galatæ, hiemali tempore navi se commissuræ, temeritate comparat. Quantam suavitatem autem, sublimitatem et dignitatem Horatius huic carmini conciliaverit eo, quod Europam tam agentem quam loquentem induxerit, lectores ipsi sentiant. — Cum argumento hujus carminis comparant Propert. I, 8.

CARMEN XXVIII.

AD LYDEN.

De die festo Neptuni in potu et cantu hilariter transigendo.

FESTO quid potius die
 Neptuni faciam? prome reconditum,
 Lyde strenua, Cæcubum,
 Munitæque adhibe vim sapientiæ.
 Inclinare meridiem
 Sentis: ac veluti stet volucris dies,

5

1. *Festo die Neptuni*, Neptunalia mense Julio, et quidem, ut veteres Fasti et Varro L. L. V, 3, docent, a. d. V Calend. Aug. a Romanis celebrabantur. — *strenua*, græce pro: strenue, h. e. prompto paratoque animo, *πρόθυμος*. — *Cæcubum*, vid. supr. ad I, 20, 9. — *reconditum*, vinum enim generosius, quale fuit Cæcubum, in interiore quadam cellæ vinarie parte seponi atque reponi, nec nisi diebus festis et lætioribus inde depromi solebat; hinc idem *Cæcubum*, infr. V, 9, 1, « repostum ad festas dapes, » et *Falernum*, supr. II, 3, 8, « interioris notæ » vinum appellatur. — *Mun. adhibe vim sap.* et sapientiam illam, qua tu munita alias vini potu abstines, hodie vinci

patere; pro vulgari: et mecum vino indulge. Facete poeta de Lyde, tanquam de Catone, loquitur, qui vere nonnunquam per vinum sapientis suæ vim adhibuisse, h. e. vino indulgisse dicitur; hinc Noster supr. III, 21, 11 et 12, de eo: « Narratur et prisci Catonis Sæpe mero incaluisse virtus; » ubi statim accommodate ad nostrum locum additur: « Tu lene tormentum ingenio admoves Plerumque duro. » In eandem sententiam apud Plin. XXIII, 1 s. 23, quem laudavit Boetig. proverbiali locutione « sapientia vino obumbrari » dicitur. *Porphyrio* autem ad h. l. observat: « Græci aiunt vim sapientiæ adhiberi per vinum. »

5. *Inclinare* sc. in vesperam. —

Parcis deripere horreo

Cessantem Bibuli Consulis amphoram.

Nos cantabimus invicem

Neptunum, et virides Nereïdum comas : 10

Tu curva recines lyra

Latonam, et celeris spicula Cynthiæ ;

Summo carmine, quæ Gnidon

Fulgentesque tenet Cycladas, et Paphon

Junctis visit oloribus : 15

Dicetur merita Nox quoque nœnia.

stat, quasi dies, cujus fuga velocissima est, non properet, ad finem decurrat. Laudant Tibull. I, 4, 28 : « Haud segnis *stat* remeisque dies. » — *Parcis deripere*, cunctis deripere, non deripis; sic passim τὸ *parcere*, ut Græcorum *quidiotai*, eleganter pro : non, vel nolle ponitur; ut supr. III, 8, 26, « *parce* nimium cavere » pro : ne nimium caveas, vel : noli nimium cavere. Ovid. Art. Am. III, 457 : « *parcite* credere, » nolite credere. — *horreo*, de apotheca vinaria, sive vini veterario, quod in superiore ædium parte fuit; vid. supr. ad III, 8, 11. — *Cessantem*, suaviter τὸ *parce* respondet; cessante enim Lyde, amphora simul, quæ festinantius ab illa adferri debebat, cessabat. — *Bibuli Consulis amphoram*, vinum, quod Bibulo Consule natum et in ea conditum fuit, continentem; fuit autem M. Calpurnius Bibulus consul U. C. DCXCIV.

9. *Invicem*, carmine amœbæo. — *virides*, h. e. cæruleas; a maris colore, qui diis marinis tribuitur; *cæruleos crines* gerit quoque apud Ovid.

Met. V, 432, Nympha Cyane. — *celeris spicula Cynth.* Diana enim cum ejus matre Latona a puellis inprimis coli et hymnis celebrari solebat; cf. supr. I, 21, 11, et Euripid. Hec. 462. — *Summo carmine*, quo carmine a te decantato vicissim nos ambo cantabimus, *quæ Gnidon*, etc. Venerem. De *Venere Gnidia* vid. supr. ad I, 30, 1. — *Fulgentes*, ut supr. I, 14, 19, *nitentes*, ubi vid. not. — *Paphon*, cf. supr. ad I, 30, 1. — *Junctis oloribus*, Venus enim, ut in vulgus notum, ab oloribus, ejus currui junctis, vehitur. Ovid. Met. X, 717. — *Nox*; Nocti, ut deo, in nocturnis conviviis inprimis et comessionibus divini honores fiebant; cf. supr. III, 19, 10, ubi *medie Nocti* vinum libatur. — *nœnia*, equidem de carmine molliore explicaverim, quale esse solet, in quo quis animi sui dolorem exprimit; de carmine, quod somni adducendi causa canitur, explicat Boett. quem vide. *Nœnia* de carmine lætiore infr. Epist. I, 1, 63 : « ...nœnia, quæ regnum recte facientibus offert. »

ANALYSIS. Diem Neptuno sacrum poeta se hilariter apud amicam suam, Lyden, bibendo canendoque ad multam usque noctem transigere velle declarat. Ut igitur lectorem in mediam rem statim abripiat, Lyden, in cujus domo se jam adesse fingit, festinantius vinum Cæcubum depromere, alterno carmine Neptunum et Nereides secum celebrare, ipsam solam Latonæ et Dianæ laudes ad lyram dicere, et postremo mutuo iterum carmine Venerem et Noctem secum canere jubet. — Per Lyden haud dubie est intelligenda eadem, cujus supra quoque II, 11, 22, ut fidicinæ et meretricis mentio fit. — Argumentum hujus carminis debetur fortasse poetæ cuidam græco, quem Noster imitatus est.

CARMEN XXIX.

AD MÆCENATEM.

Ad hilarem cœnam invitat, suadetque, ut severiores curas Fortunæ Superisque permittat.

TYRRHENA regum progenies, tibi

Non ante verso lenæ merum cado

Cum flore, Mæcenas, rosarum, et

Pressa tuis balanus capillis

Jam dudum apud me est. Eripe te moræ :

5

Ne semper udum Tibur, et Æsulæ

1. *Thyrrena reg. prog.* cf. supr. ad I, l. 1. — *tibi*, in tuum honorem, h. e. ad te honorificentius in villa mea excipiendum. — *lenæ*, ut supr. I, 7, 19, *molle*, quale est vinum vestustius. — *Non ante verso cad.* quod condidi in cado, qui nunquam antea ad vinum inde effundendum *versus* h. e. inclinatus, et deinde, ut fieri solebat, *inversus* fuit (cf. infra Sat. II, 8, 39); vult igitur significare, cadum illum, quem nunc primum ad

vinum inde hauriendum *vertere*, h. e. inclinare, velit, ad singularem usum repositum fuisse. — *balanus*, e glande enim *balano*, sive *myrobalano*, in Arabia inprimis ad avellanæ nucis fere magnitudinem nata, suavissimi odoris unguentum exprimebatur.

2. *Moræ*, omnibus iis, in urbe te morantibus; festina; cogitandum autem non tantum de iis, quibus Mæcenas in urbe delectabatur, sed etiam de curis civilibus, quibus ille nunc

Declive contempleris arvum, et
 Telegoni juga parricidæ.
 Fastidiosam desere copiam, et
 Molem propinquam nubibus arduis :
 Omitte mirari beatæ
 Fumum et opes strepitumque Romæ.
 Plerumque gratæ divitibus vices,
 Mundæque parvo sub lare pauperum

10

quum maxime, ut infr. v. 26 dicitur, « Urbi sollicitus timebat. » — *Ne semper udum Tibur*, etc. ne in eadem semper terras adjacentes e domo tua prospicias. Fuit nempe domus, quam Mæcenas habuit in Esquilis, tam alte extracta (unde illa v. 10, « moles propinqua nubibus arduis » vocatur), ut ei inde prospicienti non solum tota urbs, sed vicina quoque oppida, *Tibur, Æsula et Tusculum*, observarentur; juncti ei fuere horti splendidissimi, *hortorum Esquilinorum* nomine celebrati. — *udum*, ob rivorum, quibus rigabatur Tiburtina regio, copiam; cf. supr. Od. I, 7, 14. — *Æsulæ declivæ arvum*, Æsulam, in colle deorsum vergente sitam. — *contempleris*, ne semper e domo tua prospicias, ne usque delecteris, detinearis jucundissimo in amœnas regiones prospectu. — *Teleg. juga parr.* Tusculum, nunc *Frascati*, cujus conditorem faciunt Telegonum, Ulyssis ex Circe filium, qui, quod patrem, cujus ipsius quærendi causa in Ithacam venerat, se inscio, trygonis, piscis marini, radio, sagittæ præfixo, occidisse dicitur, *parricida* audit; vid. *Boettig. et Schott. Obs. Hist. III, c. 17.*

9. *Fastidiosam*, egregie ad ingenium hominum, quos rerum, quibus abundant, sæpe capere solet fastidium et satiety. — *Molem propinq. nub. ard.* infr. Horat. Mæcenatis domum simpliciter *altam* vocat, et Sueton. Ner. c. 38 : « Mæcenatianam turrim; » alta scilicet palatia, qualia reges vel beatiores incolant, *turres* appellari solent; cf. *Ernest.* ad locum Sueton. et supr. I, 4, 14. — *beatæ*, omni rerum copia adfluentis. — *Fumum*. Nonnulli proprie hoc verbum sumi et vaporem significare e caminisurgentem, Mæcenatique ex alto intuenti necessario videndum, putavere. Hanc autem vocem figurative intelligendam potius putem, ad significandam vanitatem rerum omnium, quas in magnis urbibus videre est. Sic J.-J. Rousseau, Emil. lib. IV, in fine : « Adieu, Paris, ville de bruit, de fumée et de boue. » Ed.

13. *Plerumque gratæ divit. vices*, etc. Lubenter sæpe divites vitæ vicissitudinis causa ex urbe in agrum secedere, ibique in humili pauperum domo ad cenam simplicem, non in triclinio quodam magnifice adornato, sed in munda mensa appositam, omnes animi curas deponere solent. —

Coenæ, sine aulæis et ostro,

15

Sollicitam explicuere frontem.

Jam clarus occultum Andromedæ pater

Ostendit ignem; jam Procyon furit,

Et stella vesani Leonis,

Sole dies referente siccos.

20

Jam pastor umbras cum grege languido

Rivumque fessus quærit, et horridi

Dumeta Silvani: caretque

Ripa vagis taciturna ventis.

Plurumque, haud raro, ut infr. Sat. I, 10, 16; in Epist. ad Pis. v. 14 et 05. — *sine aulæis et ostro*, refer ad externam tricliniorum magnificentiam; per *aulæa*, ut docet Scholiast. infra ad Sat. II, 8, 34, intelligenda sunt pretiosa vela, quæ sub cameras in triclinio tendebantur, ut, si quid pulveris decideret, ab iis exciperetur (gallico: *dais, baldaquin*); per *ostrum* autem, purpuræ vel conchyliata peristromata, sive peripetasmata, quibus lecti tricliniales insternebantur; Virg. Æn. I, 700: « Stratoque super discumbitur ostro. » — *Sollicitam*, rugis contractam ob sollicitudinem. — *explicuere* pro: explicare solent; ut sepe.

17. *Jam clarus occult.* etc. Jam illud anni tempus agitur, quo solis ardor est vehementissimus; pro vulgari: Jam est æstas, quam rure transigere solent beatiores; — æstatem autem, et nominatim mensem Julium a siderum, quæ hoc mense oriuntur, cursu designat. — *Androm. pater*, Cepheus, sidus sub cauda Ursæ mino-

ris, cujus ortus in a. d. VII Id. Jul. incidit. — *occultum ignem Ostendit*, exquisite pro vulgari: oritur. Catull. LXII, 7: « Nimirum OETæos ostendit Noctifer ignes. » — *Procyon*, Antecanis, Id. Jul. exoriens. — *furit*, æstu sævit. — *stella vesani Leonis*, in pectore Leonis; *tuber Leonis* vocata, quæ postquam Sol a. d. XIII Cal. Aug. in sidus Leonis transiit, a. d. IX Cal. Aug. oritur. — *vesani*, eodem sensu infr. Epist. I, 10, 17, *Leo* dicitur *furibundus*.

24. *Jam pastor umbras*, etc. Virg. Eclog. II, 8. « Nunc etiam pecudes umbras et frigora captant. » Cl. *Müscherlichius* comparat Epigr. Ἀδισπ. CCLX, 5, 6; Anth. Græc. t. IV, p. 171: « Χώ ποιμᾶν ἐν ὄρεσσι μεσαμβρινὸν ἀγγέει παγᾶς θυρίδων, λαΐας θάμνη ὑπο πλατάνου Καύματ' ὀππρινεῖο φυγῶν κυνός. » — *horridi Dum. Silvani*, virgulta et dumeta, quibus præest Silvanus; *horridi* refer ad incultam et horridiorem *Silvani*, ut dei agrestis, formam. — *caretque Ripa vagis taciturna ventis*, nec ad ripam,

Tu, civitatem quis deceat status,

25

Curas, et Urbi sollicitus times,

Quid Seres, et regnata Cyro

Bactra parent, Tanaisque discors.

Prudens futuri temporis exitum

Caliginosa nocte premit Deus;

30

Ridetque, si mortalis ultra

Fas trepidat. Quod adest, memento

Componere æquus : cetera fluminis

Ritu feruntur, nunc medio alveo

ubi omnia tacent, auræ spirant, scilicet, ut fessum solis æstu pastorem recreent.

25. *Tu, civit. quis deceat status*, etc. At tu, Mæcenas, ad civitatem prudenter regendam in urbe manes, dum animum tuum de iis, quæ exteri hostes agitent, nequicquam crucias. Mæcenati quidem, qui hoc anno Urbi prefectus fuit, curæ cordique esse debebat reipublicæ salus et incolumitas; sed nimium ille de exterorum hostium minis sollicitus fuisse videtur; unde Hor. supr. III, 8, 17, eundem monet: « Mitte civiles super urbe curas, etc. » ubi cf. not. — *Seres*, gens Indica, pro Indis universis. — *Bactra*, urbs primaria in Bactriana Persarum provincia, pro universo Parthorum imperio. — *regnata Cyro*, cf. supr. II, 8, 17. — *Tanais*, fluvius (nunc *Don*), Europam et Asiam dividens, pro ejus accolis Scythia, Parthorum sociis. — *discors*, hic populus igitur, qui ipse inter se dissidebat, multo minus timendus fuit Mæcenati; jam supra Hor. ut vanum Mæcenatis timorem esse ostenderet, de Parthis,

III, 8, 19: « Medus infestus sibi lucuos Dissidet armis. »

29. *Prudens*, sapiente consilio. Quid enim miserius humano genere, si ventura mala certo prævideri possint, quam ipse prorsus incertæ calamitatis metus mentem nostram mire excruciet. — *exitum fut. temp.* fata futura. — *Calig. nocte premit Deus*, in sententiam vel gnomen comparant Theogn. 1037 æqq. Pind. Ol. XII, 13; Eurip. Iphig. Taur. 476; Incert. apud Stob. Flor. p. 409; Juven. VI, 556. — *Ridet*, hominum scilicet istorum stultitiam irridet, ultra quam convenit trepidantium, rerumque futurarum, metu præsentium, fructum abjicientium. — *ultra Fas*, de rebus futuris, quas scire velle nefas est.

32. *Quod adest, memento Comp.* immo, quæ adsunt, recte adhibere et in usum convertere decet; Cicero de Senect. c. 9: « Quod adest, eo decet uti; » ad præceptum Græcorum τὸ παρὶν ὃ θίβοιαι, ὃ ποιεῖν. De quo vid. Hemsterhus. ad Lucian. t. I, p. 544. — *æquus*, quicquid illud sit, eo contentus; æquo placidoque animo in eo

Cum pace delabentis Etruscum
 In mare, nunc lapides adesos,
 Stirpesque raptas, et pecus, et domos
 Volventis una, non sine montium
 Clamore vicinæque silvæ,
 Quum fera diluvies quietos
 Irritat amnes. Ille potens sui,
 Lætusque deget, cui licet in diem
 Dixisse, Vixi : cras vel atra
 Nube polum Pater occupato,

acquiescens. — *Cetera flum. Riuu ferunt.* etc. Quod ad cetera, quæ nos manent, fata attinet, ea, sive lætiora, sive tristiora futura sint, non magis curis nostris mutari possunt, quam cursus fluvii, qui modo placide et leniter delabitur, modo graviter intumescens et omnia secum rapiens magno cum tumultu devolvitur. — De imagine, qua sortis humanæ vicissitudo cum mirabili fluminis cursu comparatur, vide quæ attulit Cl. Mitsch. Exempla autem in rapidi et omnia inundantis fluminis descriptione versantia, plena manu ex utraque lingua dabit *Cerda* ad Virg. *Æn.* II, 308. — *fluminis*, Tiberis nempe, Romanorum oculis observantis. — *Cum pace*, quiete, placide. — *Clamore*, sublimius pro vulgari : sonitu, fragore. — *amnes*, intellige flumina illa minora, Anienem, Clanium, Nar, etc. quæ Tiberi se immiscent. Commode in hanc rem laudant Plin. Ep. VIII, 17 : « Tiberis alveum excessit.... Inde, quæ solet flumina accipere, et permixta devehere, velut obviis sistere cogit, atque ita alienis aquis ope-

rit agros, quos ipse non tangit. » — *quietos Irritat*, brevi elegantia pro : facit, ut intumescant æstuentque, qui modo quiete fluebant.

41. *Ille potens sui*, ille demum *potens sui* (ἐνερπὴς, ἑαυτοῦ) habebitur, h. e. cupiditatibus suis, ut virum sapientem decet, imperabit. — *Læt. deget*, et omnium de sorte futura curarum expert vitam lætam et jucundam aget. — *in diem*, in quemque, qui ei contigit, diem ; de quoque transacto die. — *Vixi*, percepi oblata mihi hoc die vitæ munera ; sic passim vivere, ut Græcorum ζῆν, pro : vita frui, dicitur ; cf. *Interpret.* Apposite inprimis ad Horat. Seneca, Epist. 18 : « Ille beatissimus et securus sui possessor, qui crastinum sine sollicitudine exspectat ; quicquid dixit : *vixi*, quotidie ad lucrum surgit. » et Epist. 104 : « Propere vivere, et singulos dies singulas vitas puta. Qui hoc modo se aptabit, cui vita sua quotidie fuit tota, securus est. » Cf. de Benef. V, 17. — *cras vel atra Nube pol. Pat. occup. Vel sole puro.* De crastino die haud equidem laboro, sive enim illum

Vel sole puro : non tamen irritum,
Quodcunque retrò est, efficiet; neque

45

Diffinget, infectumque reddet,

Quod fugiens semel hora vexit.

Fortuna sævo læta negotio, et

Ludum insolentem ludere pertinax,

50

Transmutat incertos honores,

Nunc mihi, nunc alii benigna.

Laudo manentem : si celerès quatit

tristem, sive lætum mihi induxerit Jupiter, haud tamen immutare vel infecta reddere valebit ea, quæ semel percepi. — In sententiam : ne ipsum deum quidem mutare posse præterita, vel, quod Plinius II, 7, s. 8, ait : « Deum nullum in præteritum jus habere, » comparant Agathon. Fragm. apud Aristot. Ethic. VI, 2; Pind. Ol. II, 29; Lucian. de Conscrib. Hist. 38; Senec. de Vit. Brev. 10. — *Quodcunque retrò est*; præteritum. — *Quod fug. sem. hora vexit*; imitatus est Nostrum, observante Mitscherlichio, incertus Poeta in Anthol. Lat. III, 62, 7 (*Burmah*) : « Per-vixi, neque enim Fortuna malignior unquam Eripiet nobis, quod prior hora dedit. »

49. *Fortuna sævo læta neg.* etc. Sensus : Equidem, potens mei, Fortunæ nuncupium esse nolo. Fortuna enim, voluptatem adeo capiens e sævo illo, quo homines ludit, negotio, nunc alios extollere, nunc alios deprimere solet. Mihi quidem uti grata atque accepta illa erit, si ei apud me manere placuerit, ita ego eidem terga mihi forte vertenti prompto paratoque animo, quod dedit, reddam, virtutis meæ

atque probitatis præsidio in paupertate quoque securus. — *læta*, gaudens, χαίρουσα; sic supr. I, 21, 8, Diana « læta fluviis et nemorum comæ » dicitur. De Fortunæ autem χαίρουσας Cl. Müsch. laudat Menand. apud Stob. Flor. p. 443, et Agath. LXVI, 4; Anth. Græc. t. IV, p. 26. — *sævo negotio*. Claudian. XVIII, 24 : « Hoc regni, Fortuna, tenes? Quænam ista jocandi Sævitia? Humanis quantum bacchabere rebus? » — *ludere pertinax* pro vulgari : pertinaciter ludens. Pertinacia autem ista, qua in negotio suo persistere dicitur Fortuna, bene eam, ut deam, quæ nulla hominum miseratione tangatur, designat. In sententiam : Fortunam ludum ludere cum hominibus, vel, homines Fortunæ esse ludibrio, præter Müsch. ad h. l. et ad F, 34, 12, vid. imprimis Mur. Var. Lect. XVI, 15. — *Transm. incert. hon. Nunc mihi, nunc alii benigna*; ut supr. I, 54, 14 : « Hinc apicem rapax Fortuna cum stridore acuto Sustulit; hic possidisse gaudet. »

53. *Laudo manentem*, venerabor quidem eam, dum illa mihi propitia adest; h. e. grata mihi quidem erunt

Pennas, resigno quæ dedit, et mea

Virtute me involvo, probamque

55

Pauperiem sine dote quæro.

Non est meum, si mugiat Africis

Malus procellis, ad miseræ preces

Decurrere; et votis pacisci,

Ne Cypriæ Tyriæque merces

60

Addant avaro divitias mari.

Tunc me, biremis præsidio scaphæ

ejus munera. — In eandem sententiam vetus poeta apud Plutarch. de Tranquill. t. VII, p. 355, edit. Reisk. : « Ἐδὲ μὲν, ἂν τι φόρος, δλίγον δ' ἄχρε, ἂν ἀπολείπη. » Cl. Müsch. comparat Senec. de Vit. B. X, 20 et 21. — *si celeres quatiù Pennas*, si avolat (qua-tiunt enim pennas volantes), h. e. si a me recedit. — De Fortuna, dea alata, vid. *Comment. de alat. imagg.* (Gothæ, 1786) p. 30. — *resigno*, reddo; infr. Epist. I, 7, 34, « cuncta resigno. » *Resignare* translatum e re pecuniaria, ubi est pro : solvere, nempe per attributionem vel perscriptionem, quod ad mensas argentariorum in tabernis fieri solebat. Ad sententiam comparant Senec. de Tranq. 11. — *mea Virtute me involvo*, suaviter de viro sapiente, qui pro pallio, quo philosophi se involvere solebant, virtute sua se involvit. — *probamque Paup. sine dote quæro*, vulgarem sententiam : « Paupertati me adjungo, Paupertatem sector, » suavissima imagine expressit. Fingit nempe, se petere et ambire velle Pauperiem, tanquam puellam, cujus dos (uti supr. III, 24, 21, apud Scytharum campes-trium puellas) sola virtus et probitas

sit. — Cum toto hoc loco comparat Boettig. Lucian. Tim. 36.

57. *Non est meum*, divitiarum autem ego expers non opus habeo. — *ad miser. prec. Decurrere*, ad preces perfugere, quibus deorum moveatur miseratio. — *si mug. Africis Malus proc.* si tempestatis ab Africo concitata tempore malus stridorem edat, pro : imminente naufragii periculo; supr. I, 14, 4 : « Et malus celeri saucius Africo, Antennæque gemant. » — *votis pacisci*, sub ea conditione vota suscipere et promittere, *ne*, etc. hinc « preces emaces » apud Pers. II, 3. — *Addant avaro divitias mari*, h. e. divitiis, quas mare insatiabile devorare solet, novum additamentum accedant; pro vulgari : in mari pereant. — *avaro*, insatiabili, ut supr. I, 28, 18, « mare avidum. »

62. Tum ego potius, quando alii deprehenso tempestate, de servandis opibus miserrime laborant, in tali periculo constitutus, æquissimo rerum mearum jacturam animo ferens, nave relicta, in scapham ei adnexam confugiam, per mare turbatum securus navigabo. — *biremis scaphæ*, cymbæ minoris, quæ duobus remis ab uno

Tutum, per Ægæos tumultus
 Aura feret, geminusque Pollux.

regitur. Ejusmodi autem cymbæ, ut naufragis essent præsidio, navibus onerariis, ut adhuc fieri solet, annexæ fuere. — *per Æg. tumult.* h. e. per motos in mari Ægeo fluctus; erat autem mare Ægeum, per quod Romam advehi debebant merces Tyriæ et Cypræ, navigantibus ob crebras tem-

pestates infestissimum. *Boettigero* Horatius eundem in hoc loco poetam Græcum, e quo apud Lucian. *Hermot.* c. 28, proverbium, « ἐπὶ ῥηδὸς τὸ Ἀιγαῖον διαπλευσαι » haustum sit, ante oculos habuisse videtur. — *geminus Pollux*, Castor et Pollux, navigantibus propitii; cf. *supr.* I, 3, 2.

ANALYSIS. Mæcenatem, ut ad animum ab urbis strepitu et curis gravioribus reficiendum, ad se in villam suam venire, lætoque ibi, quod ei apparaverit, convivio interesse velit, blandis pariter ac gravibus permovere studet rationibus. — Ipsis divitibus ait jucundam sæpe vitæ urbanæ cum rustica commutationem esse, nec raro eos ibi in parva domo animum suum exhalare; — anni autem, quod nunc adsit, tempus, ubi sol vehementius sæviat, rusticationi inprimis opportunum esse; Mæcenatem igitur semetipsum lætioris vitæ fructu defraudare, quod in urbe, cui nunc præfectus sit, maneat; et, de ejus salute nimium sollicitus, frustra, quæ exteri hostes contra rempublicam moliantur, extimescat; de futuri enim temporis exitu, quem prudenter deus occultet, stulte sæpe trepidare homines, quos in recto potius usu ejus, quod adest, acquiescere deceat; quum rerum humanarum vicissitudo similis fere sit fluminis, modo leniter et placide profluentis, modo magno cum impetu exsurgentis et quæque sibi obvia violenter secum abripientis, cursui; illum solum, cui, libero ab omni cupiditate, se iis, quæ quisque dies tulit, fructum esse, dicere liceat, vere felicem esse; nec ipsum Jovem semel percepta ei eripere posse; Fortunam quidem mutabilem esse, et modo huic, modo alii se benignam præbere; sed, si forte illa sibi appareat iniquior, virtutem tutum sibi contra eam præstare præsidium, nec pertinere ad se illum timorem, quo naufragii tempore de bonorum suorum jactura mercator expallescere soleat. — Quum argumentum hujus carminis, quod in honestissimi vitæ fructus commendatione versatur, jam per se ita comparatum sit, ut facile cujusque lectoris animum delectet et suaviter deliniat, quid mirum, si tantum illud ab omnibus plausum tulerit, ut in præstantissimis quum Horatii, tum omnis antiquitatis haberetur carminibus! Ceterum observa, quam acite Horatius tam Stoicæ quam Epicuræ philosophiæ vitæ præcepta inter se conjunxerit; et sic neutri utriusque disciplinæ se unice addictum esse in hoc quoque carmine ostenderit.

N. B. Non aliter de hoc carmine sentiebat peritissimus ille poeseos, phi-

Iosophiæ ac bellorum æstimator et artifex, quem sive in solio regnantem, sive militantem in castris nihil unquam a cultu Musarum deterruit. *Fredericum* dico, qui, quum septembri mense, anno 1787, per Lipsiam transiret, undique victoribus quatuor exercitibus hostiliter prementibus ad summas rerum angustias redactus, atque jam regno spoliandus, et, nisi fortunæ regressum haberet, de morte sibi conscienda certus, a celeberrimo professore (*Gottsched*) petivit, ut sibi præsentem supremam quasi æniam hanc oden in publicâ schola interpretaretur.... O quales audientium fremitus, lacrimæ, plausus et admiratio, quum de fortuna nunc *manente*, nunc *avolante*, sed *ludum insolentem ludere æmper pertinaci* carmina solemniter recitata personuerunt! Jam non poeta, neque disertus poætæ interpres, sed solus Rex, vere Rex, utraque fortuna major, mirabundas omnium mentes oculosque in se converterat. Neminem scilicet latebant Gallica carmina quæ ex hoc Horatii fonte deprompta, et suis parti speciatim accommodata, tunc amantissimæ sorori et clarissimis Europæ viris ipse constanti animo invictaque manu scripserat. Neque ita multo post sublimes hos ingenii fœtus *animæque magnæ prodigum* consilium incredibiles exceperunt victoriæ, quibus non defuerunt, qui cum eodem Horatio canerent, *Io triumphæ!*... Ed.

CARMEN XXX.

Sibi ipse immortalitatem vaticinatur.

EXEGI monumentum ære perennius,
Regalique situ pyramidum altius;
Quod non imber edax, non Aquilo impotens
Possit diruere, aut innumerabilis

1. *Exegi*, h. e. erexi, in altum eduxi; minus bene alii explicasse mihi videntur: finivi, complevi, ut apparet ex seqq. in quibus carminum suorum monumentum cum veris monumentis comparat. Sic Ovid. Metam. XV, 871: « Jamque opus exegi, quod nec Jovis ira, nec ignes, nec poterit ferum, nec edax abolere vetustas. » —

Regal. situ pyram. pro: pyramidibus regio sumtu exstructis; vox *situs* (h. e. structura, positus) rerum exstructarum et in loco aliquo collocatarum periphrasi inservit. — *imber edax*, nam, ut Tibul. I, 4, 18, canit, « Longa dies molli saxa peredit aqua, » et sic carm. præced. v. 36, « lapides adesi. » — *impotens*, præter modum furens

Annorum series, et fuga temporum.

5

Non omnis moriar; multaque pars mei

Vitabit Libitinam. Usque ego postera

Crescam laude recens, dum Capitolium

Scandet cum tacita Virgine pontifex.

Dicar, qua violens obstrepit Aufidus,

• 10

Et qua pauper aquæ Daunus agrestium

Regnavit populorum, ex humili potens,

Princeps Æolium carmen ad Italos

atque sæviens; sic apud Catull. IV, 18, « freta impotentia, » procellosa et ventorum furore concitata.

6. *Non omnis moriar.* Supr. II, 20, 6: « Non ego, quem vocas, Dilecte, Mæcenas, obibo, Nec Stygia cohibebor unda. » — *Vitabit Libitin.* haud sepeliatur, haud obnoxia erit morti; — habuit nempe *Venus Libitina*, quæ præerat funeribus, templum, in quo tam vendebantur quam locabantur, quæ ad sepulturam, vel funerum apparatus pertinebant. Hinc infr. Sat. II, 6, 19, autumnus gravis « quæstus Libitinæ » vocatur. — *multa pars mei.* Ovid. l. I, 875: « Parte tamen meliore mei super alta perennis Astra ferar. » — *Usque ego post. Crescam laude,* nova semper apud posteros laude vigebo atque celebrabor. — *Usque recens,* recenter quoque die vicens. — *dum Capit. Scandet cum tac. virg. pont.* donec stabit Capitolium, h. e. in æternum; Capitolii enim æternitatem cuncta portenderant; cf. Liv. I, 55. Pro vulgari: *stabit*, posuit rem, quæ in Capitolio, dum illud stabat, fieri solebat; unoquoque nempe mense (vid. Varr. L. L. IV, p. 15, edit. Bipont.) sacra publica ibi admi-

nistrabat Pontifex Maximus, solemnî pompa a virginibus Vestalibus eo deductus. — *tacita*, refer ad religiosam verecundiam, qua linguis inter sacra favere debebant piæ virgines.

10. *Dicar, qua violens,* etc. Sic junge et explica: Ego, ex humili factus potens, dicar deduxisse primus Æolium carmen ad Italos modos, qua violens obstrepit Aufidus, h. e. Græca carmina intulisse primus in eas regiones per quas Aufidus, etc. h. e. in Italiam; pro Italia enim ponitur hic Apulia, unde oriundus fuit Horatius. — *Aufidus*, Apuliæ fluvius, nunc *Ofanto*; cf. infr. IV, 14, 25. — *obstrepit*, significanter de sonoro violentioris fluvii cursu; hinc Aufidus « longe sonans » dicitur infr. IV, 9, 2. — *Daunus*, antiquus rex Apuliæ, qui a terra, cujus imperium tenebat, *aquæ paupere*, h. e. arida, sicca, *siticulosa* (ut infr. V, 3, 16, Apulia dicitur), lyrica audacia ipse *pauper aquæ* dicitur. — *regnâvit populorum agrest.* Græca structura (ἄρξῃ λαόν) pro: regnum agrestium populorum tenuit. — *ex humili potens*, ex ignobili factus nobilis: libertino quippe patre natus fuit Horatius, ut ipse pro-

Deduxisse modos. Sume superbiam
 Quæsitam meritis, et mihi Delphica
 Lauro cinge volens, Melpomene, comam.

15

fitetur infr. Sat. I, 6, 6; cf. supr. II, 20, 5. — *Æolium carmen*, proprie quidem de iis carminibus, quæ Sappho et Alcæus, ex insula Lesbo, præcipua gentis *Æoliæ* sede, oriundi cecinerunt; sed jam in universum de Græcorum poetarum carminibus lyricis; vid. simil. loc. apud Virg. Ge. II, 476. — *Delphica Lauro*, idem poeta-

rum præmium et insigne, *lauream* scilicet *Apollinarem* Pindaro vindicat infr. IV, 2, 9. — *volens* (*θέλω*) propitia; hinc sæpe « volens propitia » in precationum formulis jungi solent. Liv. I, 16, de Romulo: « Pacem precibus exposcant, uti volens propitius suam semper sospitet progeniem »; cf. Liv. XXIV, 21 et 38.

ANALYSIS. Quod ante Horatium jam alii magni nominis poetæ de gloriæ suæ immortalitate senserunt et professi sunt, id Horatius quoque sentit et proficitur in hoc Epilogo, iis carminibus, quæ tum primum evulgavit, addito, « partam sibi lyricorum poetarum inter Romanos principi gloriam æternam fore, » vaticinans. — Qui Horatium in iis, quæ de nominis sui immortalitate in hoc carmine gloriatur, modestiæ leges migrasse autumant, ii sane magnum antiquitatis poetam ad nostræ ætatis ingenium et mores dijudicant; nec eum, alias modestissimum (ut vel carmen sextum libri primi, et carmen secundum libri quarti satis docent), in hoc vaticinio quoque Græcorum poetarum vestigia pressisse secum reputant. Nobilissimam autem, quam Horatius sumit, superbiam excitasse inprimis videtur exemplum Pindari, similiter fere de carminum suorum æternitate gloriantis in Pyth. VI, 7 seqq. — Ceterum quum Horat. idem fere de nominis sui immortalitate vaticinium jam in ultimo carmine libri secundi ediderit, illudque pariter atque hoc pro epilogo haberi possit; non temere aliquis, Horatium primum duos odarum libros priores, et deinde hunc librum tertium separatim publicasse, inde colligat. — Comparant Propert. III, 2; et, qui Nostrum imitatus est, Ovid. sub fine Metam. lib. XV, 871 et seqq. Addam libenter Nostratem *Le Brun*, qui sextum librum odarum conclusit hoc Horatii carmen feliciter imitando; tom. I, p. 415. Ed.

QUINTI
HORATII FLACCI
CARMINUM
LIBER QUARTUS.

CARMEN I.

AD VENEREM.

INTERMISSA, Venus, diu

Rursus bella moves. Parce, precor, precor!

Non sum, qualis eram bonæ

Sub regno Cinaræ. Desine, dulcium

1. *Intermissa, Venus, diu Rursus bella moves*, rursus, o Venus, amore, quo diu animus meus vacuus fuit, me exagitas. Qui amant, suaviter militiam Veneris, *bella moventis*, sequi finguntur; de qua quidem a re militari ad rem amatoriam translata imagine vid. supr. ad III, 26, 2; cf. infr. v. 16. — *Parce, precor, precor!* quasi jam vim numinis in pectus se immittentis sentiat, ut supr. II, 19, 7, de Baccho: « Parce, Liber, parce, gravi metuende thyrsi. » — *Non sum, qualis eram*, non jam amplius vigor ætatis superest, amoribus aptissimus. Florem ætatis suæ pulchre poeta a Cinaræ amoribus designat, quos ejus primos jucundissimosque fuisse recte inde colligas. Infr. Epist. I, 1, 4:

« Non eadem est mens, non ætas. » Ed. — *Sub regno Cinaræ*, quum me regeret Cinaræ (ut supr. III, 9, 9: « Me nunc Thressa Chloë regit ») pro vulgari: quum amarem Cinaræ; de nota loquendi ratione, qua *regno* puellarum subjecti esse dicuntur earum amatores, vid. *Burm.* ad Propert. III, 18, 8. — *bonæ*, observa vim hujus epitheti; mollissimo enim animi sensu simpliciter *bonam* vocat, cui olim *immunis* placuerat; cf. infr. Epist. I, 14, 33. Sic Tibull. II, 4, 45: « At bona quæ nec avara fuit, etc. » Cinaræ immatura morte obiisse docet. Noster infr. IV, 13, 21: « Breves annos fata dederunt. »

4. Pulchre exornatur amplificaturque præcedentium vv. sententia. Pra

Mater sæva Cupidinum,

5

Circa lustra decem flectere mollibus

Jam durum imperiis. Abi,

Quo blandæ juvenum te revocant preces.

Tempestivius in domum

Paulli, purpureis ales oloribus,

10

vulgari : ne me nimis ætate provectum amare cogas, doctius erat : ne me tuo imperio iterum subicias ; juxta pervulgatam Græcis loquendi rationem *ἐπιθυμία ὑπ' ἔρωτος*, et sim. speciali hanc exornavit idea, a domandis fingendisque equis petita. Quæ eadem jam adhibita est ab Hermesian. El. v. 85. — *Mater Cupidinum*, Venus sic dicta, ut I, 19, 1. — *sæva*, quæ senem amare cogat, vel simpliciter ad significandam amoris vehementiam. — *dulcium*, vel solemnem amoris attributo, *ἔρως γλυκύς, ἀγανός* ; vel pro : tenerorum, perpetuo juventutis epitheto, fere ut eadem Ovid. Amor. III, 15, 1, « tenerorum mater amorum » audit. In priore sensu acceptum vides opponi τῷ *sæva*. — *flectere mollibus Jam durum imperiis*, novis amoribus me emollire velle jam duriorum contra eos factum. — *flectere*, ab equis durioris oris, qui flectendo (supr. III, 7, 25, « flectere equum sciens ») domantur, translatum. — *durum*, utpote annos jam quinquaginta excedentem, *circa decem lustra*, isti imperio minus tractabilem, docilem. — *mollibus imperiis*, imperiis quæ blanda vi animum impellunt, quibus lubenter se submitunt homines, dum amor per ætatem sunt habiles. Similiter est *γλυκεία ἀνάγκη*, *lene tormentum* ; III, 21, 13. — *revocant* ; alii pro

simplice : vocant ; ut apud Liv. V 35, « in partem revocare » pro : vocare ; sed potius, ut mihi videtur, non sine delectu adhibita reduplicativa, quum scilicet Venus, quæ juvenes reliquerit, ut Horatium *flectere* tentet, *revocari* ad priorem sedem debeat.

9. *Tempestivius*, opportunus ; *tempestive* enim, h. e. justo tempore vel opportune veniunt, qui desiderati veniunt ; sic *tempestivus* passim de rebus, quæ opportuno vel suo tempore sunt ; infr. Epist. II, 2, 142 : « Tempestivum pueris concedere ludum. » — *Paulli*, intelligendus fortasse est, ut nonnulli suspicantur, *Paullus Fabius Maximus*, quem quidem, quamvis postea demum U. C. DCCXLIII cum Q. Ælio Tuberone consul fuit, variis tamen nominibus jam tum inter nobiliores juvenes conspicuum fuisse, e laudibus, quas breviter et *παροδωκῶς* quasi, sed admodum dextre huic carmini Hor. intexuit, luculenter apparet. — *purpur. ales olor.* quæ, tanquam ales, curru nitidis oloribus juncto per aerem veheris ; cf. supr. ad III, 28, 15, *purpureis* passim de coloribus fulgidis et pulchre nitentibus. — *Comissabere in domum*. *Comissari* pro : se transferre, ut Græcorum *σίσωμαστῖν* ; de quo multa exempla collegit Jacobs. in Animadv. ad Anthol. vol. II, t. II, p. 205. *Comissa-*

Commissabere Maximi,

Si torrere jecur quæris idoneum.

Namque et nobilis, et decens,

Et pro sollicitis non tacitus reis,

Et centum puer artium,

15

Late signa feret militiæ tuæ:

Et quandoque potentior

Largis muneribus riserit æmuli,

Albanos prope te lacus

Ponet marmoream sub trabe citrea.

20

tiones autem et læta convivia inprimis Veneri et ejus comitibus grata et jucunda sunt; cf. Anacr. VI, 12. — *jecur*, ut aliarum cupiditatum, ita amoris quoque sedem; vid. *Toup.* ad Longin. p. 302, et cf. supr. ad I, 13, 4. — *idoneum*, sc. quod sit idoneum tuis imperiis; quod torreatur amoribus; amando aptius. Ed.

15. *Nobilis*, quum nobili gente ortus sit, h. e. ex illustri Fabia gente. — *decens*, pulcher, amabilis, ut supr. I, 12, 6, « Venus decena, » et passim alibi. — *non tacitus*, litotis pro: disertus. — *pro sollicitis reis*, quoties de reorum salute agitur, ipsis operam impendere altro gaudens. — *Sollicitis*, ut mæstis, supr. II, 4, 13, perpetuo reorum epitheto. — *cent. puer artium*, conspirium artium scientia imbutus, pluribus artibus simul excellens; nihil amplius. — *Late signa feret*, turus miles factus, late tua signa circumferet, ubique victoria potietur, omnia expugnabit. Solemne istud de victore exercitu. — *Et quand. pot. Largis muner. ris. æmuli*, et quando se a puella sua iis rivalibus, qui largis

muneribus viam ad eam affectaverant, non sine jucunda animi voluptate prælatum esse intellexerit; *quandoque* pro simplice: quando, ut carmine sequente, v. 34. — *riserit*, sc. cum risa viderit, lætatus fuerit ac potentiorum esse muneribus, etc. — *Alb. prope lac.* lacus Albanus (nunc: *Lago di Castel Gandolfo*) fuit in nemore sive lago Albano, de quo vid. Strab. V, p. 240; Liv. V, 15; Virg. *Æn.* IX, 387. In qua quidem regione æneiasima Paullos villam suam, ut bene observat Scholiastes, habuisse videtur. — *te Ponet marmor.* simulacrum tuum in templo, quod tibi consecraturus est, e marmore exsculptum collocabit. Idem orationis color in Epig. *Æneidi* præfigi solito (Catal. VI, 9): « Marmoreusque tibi, dea, versicoloribus alis In morem picta stabit Amor pharetra. » Ita passim Demosthenes χαλκῶν τινα ἱερῶναι, pro statuas æneam alicui erigere. — *sub trabe*, contignatione, thoło: cf. supr. ad II, 12, 3. Docte autem ita declaratur templum Veneri una cum statua ejus consecrandum, cujus magnificen-

Illic plurima naribus

Duces tura, lyræque et Berecynthiæ

Delectabere tibiæ

Mixtis carminibus, non sine fistula;

Illic bis pueri die

25

Numen cum teneris virginibus tuum

Laudantes, pede candido

In morem Salium ter quatient humum.

Me nec femina, nec puer

Jam, nec spes animi credula mutui,

30

Nec certare juvat mero,

Nec vincere novis tempora floribus.

tiam ab una ejus parte descriptam exhibet.—*cæreæ*, lignum *cæreum*, quod ex Africa advehebatur, in magno apud Romanos pretio fuisse constat; vid. Plin. XIII, 18, et quos laudat *Müschertichius*, *Salmas.* ad *Tertull. de Pall.* p. 433; *Ciacon. de Triclin.* p. 20.

21. *Illic*, etc. in illo templo, quæcunque te delectant, in honorem tuum instaurabit Maximus. — *plur. nar.* *Duces tura*, significantius pro vulgari: plurima tura tibi adolebit. — *lyræque et Berecynth.* gratus inprimis Veneri in ejus templo permixtus lyræ, tibiæ et fistulæ cantus esse debebat, quum idem in lætioribus conviviis, quibus et ipsa delectabatur, audiri solet; cf. supr. III, 19, 18 seqq. Ceterum tam *lyræ* (quæ inde supr. III, 11, 6, « amica templis » dicitur), quam *tibiæ* et *fistulæ*, in sacris usus fuit; de *tibiæ* et *fistulæ* discrepantia vid. supr. ad III, 19, 20. — *Berecynthiæ*, h. e. Phrygiæ. — *Mixtis*

carminibus, h. e. concentu, quem mixti inter se lyræ, tibiæ et fistulæ modi efficiunt; infr. V, 9, 5: « Sonante mixtum tibiis carmen lyra. » — *Illic bis pueri die numen*, etc. in templo illo puerorum puellarumque chorus hymnos vel alterna carmina in laudes tuas inter saltandum cantabit.

— *bis die*, matutino et vespertino tempore, ut in sacris Isiacis apud Tibull. I, 3, 31. — *pede candido*, palchro, nihil amplius. — *In morem Salium*, cf. supr. I, 36, 12. — *quatient humum*, cf. supr. I, 4, 10. — *Me nec*, etc. Me vero amoris jam pertæsum est; notat inter se et Maximum differentiam. — *nec fem. nec puer*; ita jungenda hæc verba cum seqq.: Nec femina nec puer me juvat, nec me juvat certare, etc. — *nec femina nec puer*, nec amasia, nec amasius. — *spes animi credula mutui*, nec sum adeo credulus, ut jam propecta ætate amorem mutuum sperem. — *mutui animi*, animi eodem amoris affectu

Sed cur, heu! Ligurine, cur

Manat rara meas lacrima per genas?

Cur facunda parum decoro

35

Inter verba cadit lingua silentio?

Nocturnis ego somniis

Jam captum teneo, jam volucrem sequor

perciti, ut supr. II, 12: « Bene mutis Fidum pectus amoribus. » — *certare mero*, ubi in computationibus alter alterum largiore vini haustu vincere studet, ut infr. Epist. I, 19, 11. — *novis floribus*, corollis convivalibus e recentibus floribus nexis.

33. Dum alienum nunc animum ab amoris lusibus se habere ait, subito signa, vim novi amoris declarantia, in se animadvertit; nec, Ligurinum, mollem puerum, esse, qui veteres flammās resuscitaverit, dissimulat. — Similis fere locus est apud Tibull. I, 4, 81, ubi poeta medela illa, qua modo aliis in amore succurrere studuerat, se ipsum, novo vulnere saucium, indigere sentit. — *Sed cur, heu! Ligurine, cur*, etc. Nota ter repetitam vocem illam *cur*, qua significatur dubitatio et admiratio poetæ nunc amorem, quem jam in se suppressum crediderat, renasci videntis. — *rara lacrima*, dolor enim aut lætitia large fluentibus lacrimis exprimitur; amoris autem vividior affectus per rarissimas lacrimas, guttatim manantes; sic ipse Nost. supr. I, 13, 7: « Humor et in genas furtim labitur, arguens Quam lentis penitus macerer ignibus. » — *facunda*, quæ mihi dicere volenti nunquam antea defuerat. Cl. Müsch. comparat Meleag. LIII, 1; Anth. Græc. t. I, p. 17: « Αἰεὶ μοι

δύναι μὲν ἐν οὐασιν ἦχος ἔρωτος, ὄμμα δὲ σῖγα πόθοις τὸ γλυκὺ δάκρυ φέρει. » Apud Dioecorid. Epigr. XXIV, 4; Anth. Græc. t. I, p. 250; ejusmodi lacrima, quam mollior amor exprimit, *χλωρὸν δάκρυ* vocatur. — *cadit*, h. e. cessat, torpet, deficit; vel, ut Plaut. Mil. Glor. IV, 6, 56, de lingua obmutescente loquitur, *præcidiūur*. — *Inter verba*, notum illud in amore, sæpissime amanti verba deficere. Sic Dido, Æneæ amore perversa: « Incipit effari, mediaque in voce resistit; » et sic in veteris carminis fragmento Æditui, quod servavit Gellius Noct. Attic. XIX, 9, « verba labris abire » dicuntur. Sic etiam apud Racin. Phædra, act. II, sc. 5, de Hippolyto: « *J'oublie, en le voyant, ce que je viens lui dire.* » — *silentio*; nam, ut infr. Noster, V, 11, 9, « amantem et languor et *silentium* arguit. » — *parum decoro*, parum decenter, sc. jam seniori.

37. Variatis imaginibus vides orationem quoque docte variari a poeta. Ille scilicet, quum interdiu semper Ligurinum præsentem animo habuerit, ipsum quoque in somniis videt, in somniis tenet et sequitur. — *teneo*, sc. amplector. Sic ad Lesbiam Catullus: « ... nec præ me velle tenere Jovem. » — *volucrem*, volentem, celerissimum. — *per gram, Campi Martii*,

Te per gramina Martii

Campi, te per aquas, dure, volubiles.

40

per aquas, etc. sc. inter cursum et natationem, quibus in exercitationibus pulcherrima membra Ligurius explicabat. — *volubiles*, aquarum natantis corpore dimotarum fluctus pulchre hoc epitheton exprimit. —

se, eam vi repetitum facile in memoriam revocabit illud. Virg. Geor. IV, 468 : « Te, dulcis conjux, te solo in littore secum, Te veniente die, te decedente canebat. » — *dure*, qui meo amore non moveris.

ANALYSIS. Quemadmodum ultimum libri tertii carmen pro *epilogo* eorum carminum, quæ primum poeta in dias luminis auras emiserat; ita hoc primum libri quarti recte pro ejus haberi potest *prologo*. Valedixerat quidem Horatius jam poesi lyricæ, et barbiton suum, *bello*, ut ipse supr. III, 26, 3, dicit, *defunctum*, in Veneris templo suspenderat; sed bona fortuna, ut de novo illi temperando tractandoque manus imponeret, quum amicorum suorum, tum Augusti inprimis rogatu atque auctoritate, permotus fuit. Quum igitur tam ea, quæ in Augusti gratiam, ut carm. II, IV, V, XIV, XV, seriore ætate cecinerat, quam alia, quæ vel tum, vel jam olim composuerat carmina, nunc in unum fasciculum collecta hoc libro quarto, « ex longo intervallo, » ut Suetonius in poetæ nostri vita testatur, « tribus carminum libris Augusti jussu addito, » publici juris faceret; iis facere hoc carmine prælusit, et qualem se semper poetam leviores et amoribus tantum aptum (cf. supr. I, 6, 10; II, 12, 4). Talem hic quoque se professus est. Itaque lyram, quæ diu tacita penderat, nunc increpans, ingeniosè se pristinis amoribus incalescere fingit. Hinc se convertit ad Venerem, eamque, ut in juniores potius, quam in se jam quinquaginta ferme annos natum potentiam suam exerceat, obnixè rogat atque obtestatur. Inter juniores autem Deæ inprimis adeundum commendat *Paullum Maximum*, juvenem nobilem, formosum, eruditum et divitem, qui non solum magna cum gloria ejus militiam secuturus, sed eandem etiam quovis honorum munerumque genere ornaturus atque cumulaturus sit. Verum enim vero, dum Veneris vim et potentiam deprecatur, ecce jam novo Ligurini amore se percussus sentit, nec injecto illi furori resistere valet. Quod quidem in dubium revocari nequit, quamvis CC. VV. Mitsch. Doëring. et Lessing. invenustos et iniquos homines vocaverint, qui nobiscum hanc morum Græcorum ac Romanorum labem, turpemque nostri poetæ libidinem agnoscunt atque detestantur; ut Cicero, in orat. pro Milone, IV, de milite qui tribunum pudicitie insidiantem interfecit: « facere probus adolescens periculose, quam perpeti turpiter maluit. Ed.

CARMEN II.

AD JULUM ANTONIUM.

Respondet Antonio, a quo rogatus fuerat, ut, Pindarum imitatus,
Augusti victoriam caneret.

PINDARUM quisquis studet æmulari,
Jule, ceratis opæ Dædalea
Nititur pennis, vitreo daturus
Nomina ponto.

1. *Pindarum*; fuit Pindarus poeta Thebanus, Lyricorum apud Græcos princeps; floruit olympiade septuagesima quinta, ante Christum anno circiter 470. — *quisquis studet*, etc. Quicumque ad Pindari exemplum se carmen aliquod componere posse temere sibi persuadet, is temeritatis suæ, ut olim Icarus, poenas dabit; h. e. is ob rem tam temere et inconsideranter tentatam se deridendum propinebit; hinc ipse Noster de Titio, Epist. I, 3: « Pindarici fontis qui non expalluit haustus. » Hanc locum spectat Quintil. Inst. Orat. X, 1, 61: « Novem Lyricorum longe Pindarus princeps, spiritus magnificentia, sententiis, figuris, beatissima rerum verborumque copia, et velut quodam eloquentiæ flumine; propter quæ Horatius eum merito credidit nemini imitabilem. » — *Jule*, Julius Antonius, filius Marci Antonii et Fulvia, post necem patris, veniam ab Augusto

et eximios honores adeptus, quum deinde nihilominus in eam conspirasset, ejusdem jussu est interfectus. — *cer. opæ Dæd. pennis*, alis per artem Dædaleam, non ex cera factis, ut quidam intelligunt, sed cera inter se connexis, ut patet ex Ovid. Metam. Liv. VIII; in quo fuso describitur Dædalarum alarum dispositio. Vide etiam Art. Amandi, II, 48: « Remigium volucres disponit in ordine pennas, Et leve per lini vincula nectit opus; Imaque pars ceris adstringitur igne solutis. » — *opæ Dædalea*, auxilio non magis firmo ac tutior, quam quod Icaro filio Dædalus præstitit. Ed. — *pennis nati* significanter pro vulgari: volare, ut apud Virgil. Æn. IV, 222. — *vitreo, cæruleo, viridi, balneo*; cf. supr. ad I, 17, 20. — *daturus Nom. pont.* notissimum illud Ovidii: « Icarus Icaris nomina fecit aquis, » vel: « Icarus immensas nomine signat aquas. » — *Icari* autem ille cerata-

Monte decurrens velut amnis, imbres

5

Quem super notas aluere ripas,

Fervet, immensusque ruit profundo

Pindarus ore :

rum pennarum ope in altum se attolendi conatus proverbiali locatione jam pro *quovis temerario ausu* ponitur ; quodai enim cum plurimis Interpretibus rei imagini insistimus, et Pindarum tanquam alitem vel cycinum, in alto volantem, nobis fingimus, quem frustra aliquis ceratis Icaripennis assequi conetur, offendere sane nos debet mutata statim Pindari cum rapido torrente comparatio ; hinc consulto poeta in versu primo dixit *Pindarum æmulari* ; non : ad Pindarum in alto volantem eniti, quod fere, si ad Pindari volatum accommodare voluisset exemplum Icaripennis, exprimere in versu primo poeta debuerat.

8. Pindarum Lyricorum longe principem, neminique adeo imitabilem dum ostendere vult poeta, ecce magnitudine ejus percussus transversimque raptus in laudes ejus, tanquam eolam hanc exornandam carmine sumpsisset materiam, copiosius exundat, hocque ipso felicissimum sese Pindari imitatore probat. — *monte decurr. velut amnis* ; præclare Pindaricas virtutes, spiritus ejus magnificentiam, beatissimamque et rerum et verborum copiam una imagine poetica, et ipsa Pindarica, et masculo vigore expressa repræsentat poeta. Scilicet solenne Pindaro aliisque poetis phantasmatum ubertatem, copiosum verborum ornatum, sonoram numerosamque orationis volubilitatem flumini comparare. Ita « ποῖς Μουσῶν » habes, Nem. VII,

17, et « ἐνὶ ὄρεϊ ποῖς » Isthm. VII, 26 ; sic ipse Demosthenes pro Ctesiphonte de Pythone : « τὸς τῷ Πύθωνι τῷ ῥήτορι πότι καὶ ὕμῳ, » etc. Ed. Sed Horatius hand acquiescens in hac vulgari comparatione impetum illum, quo Pindarus ruit, vel verborum illorum ex profundo ejus ore prorumpentium vim et copiam *rapido torrenti* equiparat. — Junge *Pindarus fervet, immensusque ore profundo ruit, velut amnis, monte decurrens, quem*, etc. — *Fervet*, h. e. fervore illo et æstu, quo poetæ corripit et agitari solent, concitatur ; accommodate ad *amnem*, qui vehementius commotus proprie *fervere* vel *æstare* dicitur ; hinc infr. Sat. I, 10, 62 : « *rapido ferventius amni Ingenium.* » — *immens. prof. ore ruit*, Pindarus, cui *os profundum*, στόμα βαθύ, h. e. os, e quo, tanquam e fonte uberrimo, *immensa* verborum sententiarumque profuit copia, tribuitur, ipse exquisitiore ratione, *immensus profundo ore ruere* dicitur. — *ruit*, exuberat, prorumpit. — Cum Pindari *ore profundo* Cl. Mitsch. comparat Cratini Fragn. apud Suid. v. Δωδεκάχρονον στόμα. Cf. Callimach. H. Apoll. 106. — *imbres Quem super notas aluere ripas*, elegante brevitate pro : qui, non capiens, quibus per imbres auctus est, aquas, super alveum vel justas ripas effunditur ; sic supr. I, od. 2, 10 : « *nota quæ sedes fuerat columbis ;* » *nota* pro *consuetæ*. Ed.

Laurea donandus Apollinari,
 Seu per audaces nova dithyrambos
 Verba devolvit, numerisque fertur
 Lege solutis :

10

9. *Laurea donandus Apollinari*, etc. Pindarus, poeta in quovis carminum genere summus. — Ex ipso autem hoc loco, quæ fuerint illa carminum genera, in quorum quoque Pindarus excellerit, cognoscere licet; scripsisse nempe illum refert, 1° *Dithyrambos*; 2° *Pæanas*, s. Hymnos et Encomia; 3° *Epicinia*, s. laudes Hieronicarum; 4° *Epicedia*, s. θρήνοϋς, e quibus omnibus *Epicinia* tantum ætatem tulisse sæpe jam doluerunt semperque dolebunt veterum literarum æstimatores. — *Laurea Apollinari* (pro : *Apollinea*); ipse Noster supr. III, 30, 14, « Delphica lauro » a Melpomene cingi cupit. — *per audaces dithyr.* *Dithyrambos* in sacris Bacchicis primum ab hominibus, furore percitis, fero quodam cantu jactatos, et deinde a Laso, Pindari præceptore, cultiore, ut videtur, forma, in scenam introductos esse, satis quidem constat; sed quum perfecta dithyramborum exempla tempus nobis inviderit, de peculiari eorum natura et forma nihil certi statui potest. Regnasse in hoc carminum genere eam inprimis licentiam et audaciam, ut eorum auctores, liberius furori suo indulgentes, haud ad præcepta illa, quæ alias poetarum impetum coercent, se componerent, sed numeros pro lubitu mutarent (hinc « muneris fertur lege solutis »), et ab uno ad aliud versuum genus transilirent; id ex hoc ipso loco Horatiano colligere licet.

Ipsæ Hor. in duobus illis carminibus ad *Bacchum* supr. II, 19; III, 28, concipere quidem dithyrambici poetæ spiritum tentat; sed ambo illa carmina ab externa dithyrambici carminis forma longe recedere videntur. — Quoad nomen *dithyrambi*, alii volunt ex duabus compositum vocibus Syriacis *dithere abhan*, h. e. bipatrem, bisgenitum, quia Bacchus primo ex Semele, deinde ex Jovis femore natus est. Alii vero ex græcis vocibus δις θρίαμβος, bis triumphus, quia Bacchus de duabus orbis partibus triumphaverat. — *audaces*, h. e. rejecta omni lege, vel etiam grandia omnia ac sublimia affectantes; scilicet dithyrambicos poetas multum de nubibus ac meteoris loqui, « περὶ μετεώρων καὶ τῶν νεφελῶν λέγουσι πολλά »; dixit quoque Aristophanes nubibus ali poetas dithyrambicos; unde proverbiale illud : « Οὐκ ἔστι διθύραμβος ἐς ὕδωρ πίσι. » Ed. — *nova Verba*, intellige novæ sententiarum lumina, vel, ut supr. III, 28, 7, Hor. loquitur : « recentia, indicta adhuc ore alio; » vel jam notas voces inter se connexas et compositas ita ut novæ grandisonorum verborum formulæ viderentur; scripsit enim Demetrius Phalereus : « Ἐκ συνθέτου ὀνόματος καὶ διθύραμβικοῦ (γίνονται χάριτις); Δίσποτα Ἰδούτων μελανοπετῶν ὀνείρων. » — *devolvit*, apposite ad torrentia, cum impetu fluctus suos *devolvētis*, imaginem. — *numerisque fertur Lege solutis*, præcipitur,

Seu Deos, regesve canit, Deorum
Sanguinem, per quos cecidere justa
Morte Centauri, cecidit tremendæ

15

Flamma Chimæaræ :

Sive, quos Elea domum reducit
Palma cælestes, pugilemve equumve
Dicit, et centum potiore signis

Munere donat :

20

exundat numeris, allegoria iterum a fluvio deducta. Is enim *legem* servat, aquis intra alveum defluentibus; qua *solvitur*, dum exundat. *Ed.*

12. *Seu Deos regesve canit*, h. e. *Pæanas*. Hinc Serv. ad Virgil. *Æn.* X, 732 : « Pindarus opus suum, quod et hominum et deorum laudes continet, *Pæanas* vocavit. » Sub *Pæanum* igitur titulo tam *hymnos* quam *encomia* complexus esse videtur Pindarus. — *reges, Deorum Sanguinem*, heroes. — *per quos*, etc. *Theseum, Pirithoum* et *Bellerophontem* puta, quorum priores cum cæteris Lapithis Eurytum et alios Centauros, ob vim libidinosam, *Pirithoi* sponsæ, *Hippodamiæ*, in pœna nuptiali intentatam (cf. supr. ad I, 18, 8); *Bellerophon* vero *Chimæram* (cf. supr. ad II, 17, 13) occidisse feruntur. — *tremendæ Flamma Chimæaræ*, Chimæram ignivomam (*πυρίπνοον*); simillime supr. l. I. « *Chimæaræ spiritus ignæ*. »

17. *Sive, quos Elea dom. reducit Palma cæl.* etc. sive *Epinicia*, quibus eos, qui victoriam e ludis Olympicis reportant, eternitati commendavit. *Elea*, ab urbe Elide, in Peloponneso, ubi agebantur ludi Olympici. Hos pro universis Græciæ ludis me-

morat poeta tanquam illustriores cæteris, quod vel e splendido Pind. Ol. I, 1, exordio intelligitur. — *cælestes*, ad deos quasi hoc insigni honore evectos; cf. supr. I, 1, 6. Commode laudant Vitr. IX, Præfat. : « Græcorum majores *hieronicis* ita magnos honores constituerunt, uti non modo in conventu stantes cum palma et corona ferant laudes, sed etiam, quum revertantur in suas civitates cum victoria, triumphantes quadrigis in mœnia et in patrias invehantur, e reque publica perpetua vita constitutis vectigalibus fruuntur. — *pugilemve equumve*, aut virum, cui in pugilatu, aut *equum* (*ἔκλυτα*), cui in certamine equestri victoria contigit; *equus* enim, cum quo quis in certamine equestri victor evaserat, pariter cum victore publicis laudibus celebrari (Theocrit. XVI, 46), et statuis adeo, inscriptionibus, etc. (cf. Boettig. ad h. l.) nobilitari solebat; jam vero quum *equi* laus cum ejus moderatoris laude fere conjuncta fuerit, *equus* nunc in universum pro : *victore in certamine equestri* positus est. — *Munere potiore centum signis*, carmine centum statuis præferendo; carmen enim, ut Hor. supr. III, 30, 1, ait, « ære pe-

Flebili sponsæ juvenemve raptum
Plorat, et vires animumque moresque
Aureos educit in astra, nigroque

Invidet Orco.

Multa Dircaeum levat aura cycnum,
Tendit, Antoni, quoties in altos

25

rennius est. » Hic ad narrationem quamdam alludere videtur Horatius, a scholiaste de Pindaro allatam. Scilicet Pythæ in Nemeis victoris amicos adiisse Pindarum, ut victoriam carmine celebraret; poscenti autem in pretium poetæ tres μνᾶς, respondisse hoc pretio æream effigiem comparari posse; mox vero culpam suam agnovisse, vatique quod petierat dedisse; Pindarum autem odæ exordium sic composuisse: « Οὐκ ἀνδριαντοποιός εἰμ' ὥστ' ἐλινύσονται ἐργάζεσθαι ἀγῶματ' ἐπ' αὐτὰς βαθυΐδος ἰσταότ', ἀλλ' ἐπὶ πάσας ἀλκᾶδος ἐν τ' ἀκάτῳ γλυκεῖ' ἀοιδὰ σταῖχ' ἀπ' Αἰγίνας, διαγυῖλοις' ἔτι Λάμπωνος υἱὸς Πυθίας, ἑρυσθενὴς νικῇ Νημείους πανκρατίου στέφανόν. » Nem. V. Ed.

21. *Flebili sponsæ juven. rapt.* etc. sive sortem miseræ puellæ, cui amabilis sponsus præmatura morte ereptus est, carmine miserabili deplorat, h. e. sive *Nænias*, vel *Epicedia*, θρήνοις, canit. Posuit autem ex ejus θρήνοις, quibus tristem nobilium ætatis suæ hominum mortem deflesse videtur, unum tantum exemplum insignitius. Cæterum de Pindari θρήνοις vid. Dionys. Hal. t. II, p. 128, et *Schneider.* ad Pindar. Fragm. p. 30 seqq. — *vires animumque*, virtutes masculas, tam in corporis robore, quam in forti animo positas, ἀνδρείαν.

— *mores Aureos*, amabiles, decentes, honestos; cf. supr. ad I, 5, 9. — *educit in astra*, immortalitate donat, ut supr. III, 25, 6, « stellis inserere. » Sic Catull. VI, 16: « Volo te ac tuos amores ad cælum lepidò vocare versu. » Ed. — *nigr. Invidet Orco*, pro vulgari: oblivioni eripit; ut infr. IV, 8, 25: « fluctibus Stygiis eripere. » Cf. Pind. Ol. VIII, 96; Theocrit. XVI, 42 seqq.

25. Ut eo magis se longe Pindaro poetam inferiorem ostendat, aptissima imagine Pindari sublimitatem cum cycno, in altos nubium tractus se levante, suam vero, quam humiliori tantum carminum generi det, operam cum sedulo et operoso apis, succi flores per humum delibantis, studio comparat. — *Multa levat aura*, vulgo explicant: multum levat; sed hoc latet jam in: *Tendit quoties in altos tractus nubium*; immo tam apis, cui levis et exigua tantum ad volandum aura opus est, quam poetæ sublimioris, qui *multo* spiritu agitari debet, respectu habito, *aura* illa, per quam volitando se agitat cycni corpus grandius, proprie et egregie ad rem *multa* dicitur. — *Dircaeum cycnum*, Pindarum Thebanum, a notissimo in Bæotia fonte *Dirce*. Sic Anacr. apud Antip. Sidon. Carm. LXXVI, Anth. Græc. t. II, p. 27, κύωνος Τῆρος ap-

Nubium tractus: ego, apis Matinæ

More modoque,

Grata carpentis thyma per laborem

Plurimum, circa nemus uvidique

30

Tiburis ripas, operosa parvus

Carmina fingo.

Concines majore poeta plectro

pellatur. — Poetarum autem cum *cycnis canoris* (qui a *mutis* distinguendi sunt) comparatio notissima; vid. supr. ad II, 20, ubi ipse Horatius in *album alitem*, h. e. *cycnum*, se mutari fingit. — *apis Matinæ*, a monte *Matino*, Horatii patriæ, Venuisæ, vicino; apposite igitur apem, in ejus vicinia volantem, designat. — *More modoque*, gnava, qua illa solet, industria. — *Grata carp. thyma per lab. Plur.* infr. Hor. Epist. I, 8, 21, de Julio Floro, ut poeta: « Ipse quid audes? Quæ circumvolitas *agilis* thyma? » De poetis cum apum, flores decerpentium, sedulitate comparatis opportune *Boettig.* laudat locum Platonis in *Ione*, t. IV, p. 187, Bip.: « Δέγουσι γὰρ πρὸς ἡμᾶς οἱ ποιηταί, ὅτι ἀπὸ κρηνῶν μελιρρύτων, ἐκ Μουσῶν κήπων τινῶν καὶ ναπῶν δραπετόμενοι τὰ μέλη ἡμῖν φέρουσιν, ὥσπερ αἱ μέλιτται, καὶ αὐτοὶ οὕτω πετόμενοι, καὶ ἀληθῆ λέγουσι, κοῦφον γὰρ χρῆμα ποιητῆς ἴσθι καὶ πτηνὸν καὶ ἱερὸν. » Ed. Plura in hanc rem dabant *Muretus* in Varr. Lect. VIII, 1, et *Müsch.* ad h. l. — *Grata*; gratissima apibus herba thymus, ex qua mel optimum conficiunt. *Columell.* IX, 4: « Saporis præcipui mella reddit thymus; » et *Pallad.* I, 27: « Primi saporis mella thymi suc-

cus effundit. » — *per plurimum lab.* apum instar, quæ indesinenter laborant. Se multo labore deficienti ingenio supplere innuere videtur poeta; sic opposito illo *per plurimum laborem*, multæ auræ qua Pindarus auferitur, et in altos nubium tractus evolat, nullo quasi nisu. Ed. — *circa nem. uvidique Tiburis ripas*; ibi enim Musis operari solebat Horatius; hinc carmine sequente v. 10, « aquas, quæ fertile Tibur præfluunt, et spissas nemorum comas, » se nobilem Æolio carmine poetam facturas esse canit. — *uvidi*; cf. supr. ad III, 29, 6, *ripas, Anienis* nempe, *Albulæ*, etc. — *operosa parvus*, accommodate ad apis, quacum se comparat, ingenium et naturam; *parvus*, hoc imaginem ab ape petitam suaviter continuat, et se tenui facultate poetica præditum profitetur modestus poeta. Ed. — *fingo*, uti apis, quæ proprie *mel fingere* (πλάττειν) dicitur. Unde Virg. Georg. IV, 57: « Excudunt ceras et mella tenacia fingunt. » Observent tirones insigne poetæ in verborum, scite ad rei imaginem accommodatorum, deductu studium.

33. *Concines* pro simplice: canes, ut passim. — *poeta*; *Antonius* enim, ut ad h. l. testatur Acron, poetam se

Cæsarem, quandoque trahet feroces

Per sacrum clivum, merita decorus

35

Fronde, Sicambros :

Quo nihil majus meliusve terris

Fata donavere, bonique Divi,

Nec dabunt, quamvis redeant in aurum

Tempora priscum.

40

Concines lætosque dies, et Urbis

Publicum ludum, super impetrato

Fortis Augusti reditu, forumque

Litibus orbum.

nobilitavit carmine epico, XII libris composito, et ad exemplum Virgilianæ *Æneidos*, *Diomedei* inscripto. — *maiore plectro*, grandioris spiritus carmine. — *quandoque* pro: quando, ut carm. anteced. v. 17. — *trahet*; captivi enim vincti trahebantur ante triumphantis curram; sic reges in triumpho « retortis manibus trahi » dicuntur, infr. Epist. II, 1, 191. Cf. supr. II, 12, 11. — *Per sacr. cliv.* qui ducebat in Capitolium; sacrum dicitur propter Capitolium, deorum sedem. Ed. — *Fronde*, lauro. — *Sicambros*, gentem Germaniæ, eas fere trans Rhenum inter Lupiam et Sigam (*Lippe* et *Siege*) tum incolentem terras, quas nunc Ducatus Montensis, Comitatus Marchiæ et pars Cliviæ obtinent. — *feroces*, bellicosos, barbaros; infr. IV, 14, 81, « cæde gaudentes » dicuntur.

37. Hic de Cæsare agitur, maximo et optimo principe. Ed. — *Quo nihil majus mel. terris Fata donav.* idem fere Noster de Augusto infr. Epist. II, 1, 17, prædicat: « Nil ori-

tum alias, nil ortum tale fatentes; » et Ovid. ex Pont. I, 2, 100: « Alma nihil majus Cæsare terra ferat. » — Pro « exstitit » delecte poeta *fata et Divi donavere terris*, gigni voluere, concessere mortalibus, propter adjunctam summi boni, quo universus orbis recreatur, notionem. — *boni Divi*, θεοὶ ἀγαθοί, ut etiam in num. occurrunt, benevoli; sic infr. IV, 8, 1: « Divis.orte bonis. » Ed. — *in aurum priscum*, in priscam aureæ ætatis felicitatem.

41. Præclarum poetæ artificium est, quo Augusti triumphum, dum Antonio canendum injungit, ipse vere celebrat, præformando ei suggerendoque ad illud carmen materiam, quæ ab eo digeratur. Ed. — *Urbis Public. ludum*, vere editos esse illos ludos publicos, quos inter alia pro felici Augusti reditu Senatus populusque Romanus voverat, testatur Dio LIV, 27, nimirum, postquam Augustus, qui *nimum diu*, ut Hor. infr. IV, 5, 2, ait, *abfuerat*, U. C. DCCL Romanam rediit. — *forum Litib. orbum*,

Tum meæ (si quid loquar audiendum)

45

Vocis accedet bona pars: et, o sol

Pulcher, o laudande, canam, recepto

Cæsare felix.

Tuque dum procedis, Io triumphe,

Non semel dicemus, Io triumphe,

50

ergo non in rebus trepidis tantum et tumultu causarum actiones in foro cessabant (quod dicebatur *justitium*), sed in publica etiam, uti ex hoc loco apparet, lætitia.

45. Varias ab intpp. rationes iniri videas ad vv. 45-52 sententiam explicandam ejusque cum antecedentibus nexum expediendum. Hic autem simplicitas mihi videtur et vv. sensus et idearum nexos: Tu, Antoni; concines lætos dies, festa omnia in urbe, splendidum carmen de Augusti reditu iustaurabis; hæ partes enim ad te magnum poetam, non vero ad ine-humilem pertinent. Attamen, ne videar in tanto omnium gaudio per malevolentiam silere, quum Augustus pompam triumphalem ducet, vocis meæ bona pars accedet ad cæterorum voces; et, si quid loquar quod audiri possit, exclamabo: O sol pulcher! etc. Ed.—*Tum*, sc. quando Augustus feroces Sicambros per sacrum clivum trahet, h. e. quando triumphans Urbem ingreditur. — *si quid loquar audiendum*, si quid, quod accidat omnino ad aures populi, proferre potero. — *bona* h. e. magna; ut infr. Art. Poet. v. 297, et Sat. I, 1, 64. — *o sol Pulcher*, etc. acclamationum formulæ: — *canam*, accinam, acclamabo. — *felix*, sc. ob receptum, redditum Cæsarem. Quoties enim Augustus in ur-

bem, vel post minimam absentiam, revertebat, festa celebrabantur, acclamabatur, canebantur hymni; Sueton. de August. 57: «Revertentem ex provincia, non solum faustis omnibus, sed et modulatis carminibus prosequabantur.» Ed.

49. *Tuque dum procedis*; plurimum in expediendo hoc loco desudaverunt intpp. quorum fere quisque propriam habuit sententiam. Alii enim h. v. *tu* ad solem referunt, isto modo: dumque tu, o sol, procedis, dum cursum diurnum perages, nos clamabimus, etc. Quæ ad solem allocutio et longius quesita nec ad continuam idearum seriem composita videbitur. Dacierius vero et Juvencius triumphum, tanquam si esset persona, a poetâ his verbis compellari putant; nonnulli etiam, rejecta hac lectione *tu*, vel *Dum* cum Heinsio, vel *Is* cum Bentleio supplent, et ad Augustum referunt. Videat lector de iis sententiis, quibus etiam hanc adjiciam, meo quidem judicio, utpote simplicissimam et ad veterum codd. lectionem, anteponendam; scilicet: Dum tu, Antoni, cum Augusto, pro tua dignitate, inter pompam triumphalem procedes, nos humiles, nos turba spectatrix, clamabimus, etc. Nota enim quam sedulo inter se et Antonium differentiam signet Hora-

Civitas omnis, dabimusque Divis

Tura benignis.

Te decem tauri, totidemque vaccæ;

Me tener solvet vitulus, relicta

Matre, qui largis juvenescit herbis

55

In mea vota,

Fronte curvatos imitatus ignes

Tertium lunæ referentis ortum,

tius, quum præced. stroph. ad Antonium quidem splendidum carmen, ad se vero inter cæteros acclamationes pertinere, in sequenti autem ab Antonio magnificum sacrificium, a se vero humilem victimam debere dicat; sic, in hac strophe, Antonium in pompa triumphali ad Capitolium cum Augusto processurum, se vero intervulgus humiliter spectaturum declarat. *En. — procedis*, sc. in pompa triumphali; necessitudine autem per uxorem suam Marcellam Augusto junctus proxime ejus currum triumphalem sequi debebat; de quo more vide Ovid. ex Pont. II, 2, 83. *Procedere*, ut supr. III, 14, 6, *prodire*, proprie de iis, qui cum dignitate quadam in pompa solemniter incedunt. — *Io triumph. Non semel dic. Io triumphe*, hinc milites apud Livium XLV, 38, « triumphum nomine ciere, » h. e. iterum iterumque *Io triumphe* clamare, dicuntur. — *Civitas omnis*, ego et omnis civitas. — *dabim. Divis Tura benignis*, in aris nempe, hinc illinc per vias die triumphali extractis.

53. Ab incendio ture naturali ordine deferitur poëta ad describenda sacrificia, publice privatimque eo die Diis offerenda; sed revocat iterum

generalem sententiam ad se et Antonium, et utriusque sacrum cujusque facultatibus accommodat. — *Te*; tu dives decem tauros totidemque vaccas Diis debes. — *Me*; ego pauper et humilis tenuem hostiam mactabo. Similimus est exitus, II, 17. *En. — solvet*, sc. voto, cui solvendo, si Augustus felix faustusque rediisset in urbem, Antonius et Horatius Diis se *obstrinxerant*, vel *obligaverant*, pro vulgari: tu decem tauros et totidem vaccas, ego vitulum immolabo. — *rel. Matre*, a lacte depulsus. — *juvenescit*, adolescit. — *In mea vota*, sc. solvenda. — *Fronte curv. imit. ignes Tertium lunæ refer. ort.* etc. ostendens in fronte prima cornuum germina, lunæ fere die tertio a novilunio orientis formam falcatam imitantia; comparant *Mosch.* II, 88, et *Claud. de Rapt. Proserp.* I, 128, de vitula: « pedibus quæ nondum proterit arva, Nec nova lunatæ curvavit germina frontis. » — *Qua notam duxit*, ea corporis parte (haud dubie *fronte*), qua diversi coloris macula notatus est. — *niveus videri*, λευκὸς ἰδίσθαι vel ὀρᾶσθαι; τὸ *videri* græco more abundat, ut supr. I, 19, 6, « lubricus adipici, » ubi cf. not. Sic apud Virgil.

Qua notam duxit, niveus videri,
Cætera fulvus.

60

Æn. VI, 49, « majorque videri. » — *Cætera* (τὰ δ' ἄλλα), quod ad reliquum corporis colorem attinet. Similis fere tauri *Alus*, cujus formam *Jupiter* *Europæ* causa induisse fingitur, descriptio apud *Mosch.* II, 85 : « Τῷ δ'

ἦτοι τὸ μὲν ἄλλο δέμας ξανθόχρουν ἴσας, Κύκλος δ' ἀργύριος μέσση μάρις μετώπῳ. » Cæterum victimarum tam formam quam naturam singulari studio *Hor.* adumbrare solet; cf. *sup.* III, 13, 4 seqq. et III, 22, 7.

ANALYSIS. Poeta, ab *Julio Antonio* rogatus, ut gloriosum et felicem Augusti e bello Germanico in Urbem reditum, qui magno desiderio et communi omnium lætitia tum Romæ expectabatur, carmine quodam Pindarico celebraret, recusat quidem in hoc carmine, quod sibi ab illo demandatum fuerat; sed hac ipsa recusatione, quod se explorare posse negat, egregie, ut *supr.* I, 6; II, 12; et *infr.* IV, 15 explet. Quid enim paucis illis, quibus a versu 35, usque ad v. 40, omnes Augusti laudes breviter complexus est, gravius, sublimius et magnificentius de illo dici potuit? Totius autem hujus carminis splendor in hac fere pulcherrime collustrata et amplificata conspicitur sententia: « Si hoc mihi sumam, ut, te auctore, Antoni, Pindaricum quoddam carmen in felicem Augusti reditum componam, æque temere agam, ac si ceratis alis, uti *Icarus*, in altum eniti tentem; *Pindarus* enim in quovis carminum genere est poeta princeps et summus, nec ulli imitabilis; at ego sum tenuis tantum et humilis poeta. Tu igitur ipse, Antoni, quando *Augustus*, in cujus præsidio summa Romanorum salus atque felicitas nititur, triumphans in Urbem ingreditur, grandiore spiritu ejus laudes celebrabis, et tum, si vox mea die illo lætissimo inter publicas acclamationes auribus percipi poterit, cum tota civitate iterum iterumque *Io triumphe!* canam; ex voto autem pro *Augusto* suscepto, uti tu decem tauros et totidem vaccas, ita ego pro rerum mearum modulo vitulum immolabo. » Scriptum fortasse est hoc carmen eo ipso anno, quo *Augustus* U. C. DCCXXXVIII, inter alios trans *Rhenum* Germaniæ populos, nomini Romano infestos, *Sicambros* inprimis, quorum mentio in hoc carmine fit, perdomuisse traditur; *vid.* *Dio* LIV, 19 seqq. Quamvis enim *Augustus* non statim post *Sicambros* victos, sed U. C. DCCLI, demum Romam redierit, curis quippe ad res in *Gallia* et *Hispania* componendas retentus; ejus reditus tamen jam longe ante tam publicis quam privatis votis expectatus fuerat, *vid.* *Dio* l. l. — De *Julio Antonio*, *Marci* Triumviri et *Fulvia* filio, præter *Dionem* LIV, 26, et *Vell.* II, 100, vide *Gentis Octavianæ Stemma* diligenter a *Cl. Wetzelio* contextum in *Vit. Horat.* III, p. 87.

CARMEN III.

AD MELPOMENEM.

Gratias agit Melpomenæ, pro beneficio lyricæ poeseos ab ea
concesso; immortalem inde gloriam sibi comparari.

QUEM tu, Melpomene, semel
Nascentem placido lumine videris,
Illum non labor Isthmius
Clarabit pugilem, non equus impiger
Curru ducet Achaico
Victorem, neque res bellica Deliis

5

1. *Quem tu, Melpom. semel, etc.*
Sensus: Quicumque, uti ego, dextris
Musis natus fuerit, h. e. cuicumque,
ut mihi, nascenti largioris ingenii
concessa fuerit facultas; is in ameno
quodam secessu, uti ego in agro Ti-
burtino, poetæ nobilitatem consecutus
facile victorum, vel e sacris ludis, vel
e bello redeuntium, supersedebit gla-
ria. Minus autem arrogantiae atque
invidiæ habet sententia generatim
proposita, quam si initio statim hac
se felicitate poeta extulisset. Ed. —
Nascent. plac. lum. vider. dignum,
in quem nascentem dona tua confer-
res, habueris. Prævit in hac suavis-
sima imagine Hesiod. Theog. 82 :
« Ὅντινα τιμήσουσι Διὸς κοῦραι μεγά-
λοιο, Γαινόμενόν τ' ἐσιδῶσι... Τῷ μὲν
ἐπὶ γλώσση γλυκερὴν χαιουσιν ἀοιδίην, »
etc. Cf. Callimach. Epigr. II, 4; et

Theocrit. IX, 35. — *placido*, beni-
gno; omnino enim Dii bona sua cum
hominibus communicare solo adspectu
suaviter finguntur. Ed.

3. *Labor Isthm.* (πόνος, ἀσθλος), cer-
tamen in ludis Isthmicis, quos ad Isth-
mum Corinthium in Neptuni et Meli-
certæ honorem institutos esse satis
constat. Similiter *Elei labores* apud
Stat. Silv. IV, 4, 31, de certaminibus
in ludis Olympicis. — *Clarabit pugil.*
clarum victorem in pugilatu faciet;
clarare jam in prima et propria si-
gnificatione; vulgo alias pro : decla-
rare, ostendere, poni solet. — *non
equus imp. Curru ducet Ach. Vict.*
non in certamine curuli victoriæ lau-
dem ei parabit equorum virtus et ve-
locitas. — *Achaico*, Græco, adeoque
de eo, quo certatur in ludis Olympi-
cis. — *res bellica*, rerum præclare in

Ornatum foliis ducem,
 Quod regum tumidas contuderit minas,
 Ostendet Capitolio :
 Sed quæ Tibur aquæ fertile præfluunt, 10
 Et spissæ nemorum comæ,
 Fingent Æolio carmine nobilem.
 Romæ principis urbium
 Dignatur soboles inter amabiles
 Vatum ponere me choros ; 15
 Et jam dente minus mordeor invido.

bello gestarum gloria. — *Orn. Delius foliis*, h. e. ut carm. anteced. v. 35, dicitur, « merita fronde (lauro nempe) decorum. » — *regum tum. min.* regum superbiam; cum delectu autem regum pro hostium posuit, quia nihil rege vel regis nomine Romanis fuit infestius. — *Ostendet*, sc. triumphum agentem. — *Capitolio*, eo enim per æorum olivum (cf. carm. anteced. v. 35) cum pompa solemani pergebat triumphans.

10. Poeta Musis unice vacabit, et inde nomen quæret. Poeticum studium venuste declaratur accessu poetarum etque otio in amœnissima regione, cujus ad aspectu sensus ipsorum excitati inflammatique ingenium inspirationem reddunt. — *quæ Tibur aquæ*, etc. jam pro amœnissima regione in genere Tiburtinam memorat, ut carmen Æolium lyricum pro universa poesi v. 12 ponitur; vel potius dum Horatius cuius poetæ quasi accommodat eas res quæ ipsi propriæ sunt, et generali notione quam in exordio de poetis instituit, ad semetipsum transire velle videtur. Scilicet

in od. præced. de se ipso : « Circa nemus uvidique Tiburis ripas, operosa parvus carmina fingo; » et III, 30, 13 : « Princeps Æolium carmen ad Italos Deduxisse modos. » En. — *spissæ nem. comæ*, nemora spissis frondibus umbram et frigus suppeditantia. Sic Od. I, 4, 30 : « Me gelidum nemus... Secernunt populo, » etc. En. — *præfl.* pro : præterfluunt, ut infr. IV, 14, 16. Sic *præfluere* pro : præterfluere, apud Liv. XLIV, 31. — *Fing. Æol. carm. nob.* venusta brevitate in hanc fere sententiam : tam suave et iurandum mihi suppeditabunt otium, ut in poesi lyrica ibi me exerceans, poeta evadam nobilissimus. — *Æolio*, lyrico; cf. ad III, 30, 13.

13. Jam apertius loquitur poeta, sibi que hanc ingenii poetici laudem ac famam Musarum beneficio inter populares suos contigisse profitetur. En. — *soboles Romæ princip.* gens Romana urbem nobilissimam in toto terrarum orbe incolens, pro vulgari : Romani, vel populus Romanus. — *princeps urbium*; similiter infr. IV, 14, 44, « Roma domina; » et Epist.

O, testudinis aureæ

Dulcem quæ strepitum, Pieri, temperas :

O, mutis quoque piscibus

Donatura cycni, si libeat, sonum !

20

Totum muneris hoc tui est,

Quod monstror digito prætereuntium

I, 7, 44, « regia Roma. » Cl. *Mitsch.* laudat Mart. XII, 8, 1 : « Terrarum Dea gentiumque, Roma, Cui par est nihil, et nihil secundum. » — *dente minus mord. inv.* malevolorum istorum hominum, qui, primum carminibus moeis obrectabant, jam pæne vicini invidiam; *major* nunc pæne sum (ut supr. II, 20, 4, dicit) *invidia*. Hominibus invidis, vel *Livori* (ut Ovid. Am. I, 18, 1, eum appellat) *edaci*, notissima imagine *dens*, quo infestos sibi petat et mordeat, tribuitur; cf. infr. V, 6, 18; Epist. I, 18, 82. Ovid. Trist. IV, 10, 123 : « Nec, qui detrectat præsentia, Livor iniquo Ullum de nostris *dente* momordit opus. »

17. *Pieri*, o Musa, Melpomene. Musæ scilicet *Pierides* dicuntur a Pierio, monte Macedoniæ ipsis sacro. — *quæ strep. dulc. testud. aureæ temperas*, h. e. quæ ex aurea testudine pro arte, qua illam moderaris et tractas, dulcem sonorum concentum elicis; de elegante usu verbi : *temperare*, apposite Cl. *Mitsch.* laudat Propert. II, 34, 80 : « Tale facis carmen docta testudine, quale Cynthius impositis *temperat* articulis. » — *mutis quoque pisc.* *Donat. cycni sonum.* Aptissimæ ad Musæ potentiam designandam imagines! De proverbiali locutione, qua quis, qui nihil in me-

dium proferre potest, apud Græcos *ἔχθραν ἀφώνετος*; dulcissime canens autem, *Κύκνου δαυδέτης* vel *ἠδυσίτης*, dicitur, vid. Interpretes, ad h. l. — *Donatura*, quæ donare vales. — *cycni*, nota correptam h. v. priorem syllabam propter liquidam *n*, ut in *Progne* apud Ovidium; in *Daphne* apud Petronium; et alibi. Ed.

21. *Totum muneris hoc tui est*, totum hoc tibi debeo scilicet quod, etc. — *monstror digito*; publicam famam et admirationem pulchre ita designat poeta, ut se jam a populo prætereunte digitis demonstrari dicat. Vulgaris demonstrationis formula erat *hic est, οὗτος ἐστίνος*. Nota Persii, I, 28 : « Pulchrum est digito monstrari, et dici : hic est. » Martial. V, 13, 3 : « Toto legor orbe frequens, et dicitur : hic est. » Idem IX, 98, 3 : « Quod turba semper in omni Monstramur digito, rumpitur invidia. » Ed. — *Rom. fidicen lyrae*, ut nobilis ille Romanorum poeta, qui princeps Æolium carmen ad modos Italos deduxerim. — *Quod spiro*, ut alii volunt, quodcumque poetici spiritus mihi est, quæ sententia paulo durior forte videbitur. Alii autem cum Dacierio intelligunt, *quod vivo*, quod sum adhuc incolumis ex his, lib. III, 4 : « Vestris amicis fontibus et choris, Non me Philippis versa acies retro, Devota

Romanæ fidicen lyræ :

Quod spiro et placeo, si placeo, tuum est.

non exstinxit arbos, nec Sicula Palinurus unda. » Explicabis etiam, si velis, cum Sanadone : « Quod spiro et placeo, quod spirans placeo, quod vivus adhuc, tamen placeo. » Omnibus scilicet notum et ex historię exemplis

et ex natura humani animi, quam raro accidat, ut præcellentis ingenii viri meritis honoribus et debita laude vivi fruantur. — *si placeo*, nota poetæ modestiam his verbis præcedentia corrigentis.

ANALYSIS. Poetæ gloriam, quæ nulla hominibus contingere possit major et insignior, in hoc carmine pariter, ac supr. III, 30; II, 20; et I, 1, sibi vindicat Horatius, sed ita, ut generosus ille, quo verticem extollit, animus a stolidâ superbia sit alienissimus. Omnem enim illum honorem, quo poetarum choro insertus multo majore a populo Romano veneratione suspiciatur, quam si victoriam vel e ludis sacris, vel e bello, retulerit, non sibi, sed Musarum, quæ sibi nascenti arriserint, acceptum refert beneficio. Melpomenen igitur ex illis, ut lyricæ poeseos præsidem, in hoc carmine appellat; eique, dum, « quod spiro, et placeat, si placeat, id totum ejus muneris esse » profitetur, gratissimum animi sensum declarat. — Si quæras, quid illud sit, quod tantam laudem et admirationem huic carmini apud omnes conciliaverit, id a generoso, qui in toto hoc carmine regnat, spiritu et amabili poetæ modestia in primis repetendum esse, ipse facile senties. Demto enim sententiæ involucri, naturæ, cujus benignitati ingenii sui facultatem adeoque omnem suam felicitatem debeat, poeta in hoc carmine gratias agit. Facile etiam quisque sentiet exquisitæ ac doctæ argumenti tractationi doctam accedere ac nitidam elocutionem, numerorumque admirabilem suavitatem; ut omnino hoc carmen in consummatissimis antiquitatis operibus habere fas sit. Unde Julius Scaliger, severissimus Horatii judex, illud invenisse malle aiebat, quam solum Aragoniæ obtinere. Ed.

CARMEN IV.

DRUSI LAUDES.

QUALEM ministrum fulminis alitem,
Cui rex Deorum regnum in aves vagas

1. *Qualem ministrum*, etc. Nexus et sensus hujus loci, quo Drusi, admodum adhuc juvenis, contra Rhætos pugnantis vigor atque impetus cum juvenis aquilæ et leonis vigore et impetu comparatur, est fere hic: Vindelici Drusum, ut juvenem, tali impetu et vigore contra Rhætos purgentem viderunt, quali juvenis aquila, cum nido relicto in altum evolavit, mox in ovilia inde et dracones ruit atque demittitur, vel quali timendus juvenis leo capræ in pascuis conspicitur.— Uti in plurimis comparationibus ea tantum rei comparatæ pars, quam solum respexit quisque poeta, spectanda et ab iis, quæ ad ornatum pertinent, diligenter discernenda est, ita in his duabus comparationibus unice *juvenilis aquilæ et leonis vigor atque impetus* spectari, et cætera omnia ad ornatum referri debent. Dum in notis ad hunc locum, queritur Dacierius impeditum esse carminis hujus exordium, æmetipsum fere omnino poetici sensus expertem arguere mihi videtur vir doctissimus, qui non sentiat quantam exordio dignitatem suppetet magnifica illa periodus, quam bene effusa illa ac nobili bellicosorum

animalium descriptione animus legentis suspensus teneatur expectetque arrectus quem virum cum rege avium et rege ferarum poeta sit comparaturus; ita ut quæ carminis initium legerit ad mira omnia de Druso audienda sit paratus. Ed.— *Qual. min. fulm. alit. ol. juvent. et patr. vig. nid. lab. popul. insc.* pro vulgari: Qualis esse solet juvenilis et patrius vigor aquilæ, quam (*olim*) forte aliquando primum volatum in aere tentare vidimus.— *ministr. fulm. alit.* causam, ex qua aquila fulmina Jovi ministrare ficta sit, inter alia inde repetunt, quod nulla unquam aquila fulmine tacta fuerit; vid. Plin. X, 3, s. 4, sed rectius fortasse in altissimo, quo ad nubila tendit aquila, volatu hujus commentum causam quæras.— *Cu rex Deor. regn. in aves vagas permis.* Jupiter enim, ut tradunt, regnum aquilæ inter aves datum honorem operæ illius, quam Jovi in Ganymedis raptu præstitisse fertur aquila, præmium esse voluit. Sequitur nempe Hor. eos, qui Jovem in Ganymede rapiendo aquilæ ministerio usum esse narrant; vid. Apollod. III, 12, 2, et ibi *Heyn.* Secundum alios ipse Jupiter in aquilam

Permisit, expertus fidelem
 Jupiter in Ganymede flavo,
 Olim juvenas et patrius vigor 5
 Nido laborum propulit inscium;
 Vernique, jam nimbis remotis,
 Insolitos docuere nisus
 Venti paventem; mox in ovilia
 Demisit hostem vividus impetus; 10
 Nunc in reluctantes dracones
 Egit amor dapis atque pugnæ:

mutatus est; vide, quem laudat *Boettig. Hemsterhus.* ad Lucian. t. I, p. 210-15. — *flavo*, pulchro, ut supr. II, 4, 14; et III, 9, 19, et sexcenties alibi.

8. *Olim*, primum, quum vix ex ovo exiit, ut *jam* pro, brevi: *mox* pro, deinde: *nunc* pro, denique. Nota mire descripta gradatim his verbis varia aquilæ ætatis incrementa. — *patrius*, quem a patre acceptus est. *Ed.* — *inscium laborum*, adhuc rudem volandi, ignorantem quo labore avis adhuc implumis, ut est aquila admodum juvenis, in altum se extollat; facile vides opponi *laborum* inscium rei; *insolitos docuere* nisus, unde mirum prorsus plurimos intpp. *labores* accipere potuisse de aquilæ certaminibus cum aliis animalibus; quæ sententia ab h. l. plane aliena est, tum multo magis poeticam illustrandæque rei quæ depingitur multo accommodatius alterum. *Ed.* — *insolitos docuere nisus venti*, h. e. in altum enititur. Graphice et ornate hæc expressit poeta. Aura tollitur, levatur, eaque sustinetur avis, altum petens; hinc præclare venti docent aquilam *nisus*

insolitos, prima volandi conamina, dum ope ventorum, iis sustentatas, in altum primum enititur, volatum experitur. *Nisus*, ut paulo ante *labor*, operosa aquilæ molimina innuit. *Ed.* — *Venti*, nam aquilarum æque ac milviorum et accipitrum pulli sub veris certe fine nidum relinquere solent; non audienda igitur sunt, quæ vano studio contra h. l. disputat *Jul. Scalig.* Poet. VI, c. 7. — *paventem*, observa artem poetæ, qua, pro tenui, eum; egregie alitis, non sine pavore primum volatum in aere molientis, naturam designat. — *nimbis remotis*, exoriant veris notionem, vel etiam ad hujus avis nobilitatem apprimè accommodantur, quæ claro et aperto cælo primos nisus tentat. *Ed.*

9. *Mox*, volandi periculo facto, ubi nidum reliquerit. Nota etiam atque etiam poetæ artem in prodendis aquilæ incrementis subitis, ad majora in dies audenda eam exstimulantibus. — *ovilia*, vel simpliciter oves pascentes, vel septis eas inclusas intellige. *Ed.* — *dracones*, de aquilis, hostiliter serpentes potentibus; et cum iis confi-

Qualemve lætis caprea pascuis
 Intenta, fulvæ matris ab ubere
 Jam lacte depulsum leonem,
 Dente novo peritura, vidit:
 Videre Rhætis bella sub Alpibus
 Drusum gerentem Vindelici: quibus

15

ctantibus, res nota; vid. Plin. X, 4, § 5, et quæ in hanc rem congecit Cerda ad Virg. XI, 751.—*reluctantes* (ut *luctans draco* apud Virg. l. l.), dum serpentes scilicet (ut Cic. de Div. I, 47, locum Homeri Iliad. XII, 304, de « aquilæ cum serpente pugna » imitatione exprimens loquitur) « se intorquent, » vel, ut Plin. l. l. ait, « multiplici nexu alas aquilæ ligant, et ita implicant, ut simul decidat.—*Egit*; hic annotandum qua verborum proprietate hic usus fuerit poeta: *propulit, demisit, egit*, quorum primum cum *patrio vigore*, alteram cum *vivido impetu*, tertium cum *amore dapis et pugna* jungitur. Ed.

15. *Qualemve*, etc. Suavissima illa imagine capream secare pascentis et mox a leone oppressæ, mire designantur Vindelici nec opinanter a Druso oppressi.—*lætis*, ad augendam securitatis et felicitatis notionem.—*Intenta*, sc. dum nihil aliud cogitat, nisi ut pascuis fruatur. Ed.—*matris ab ubere Jam lacte depuls. leon.* h. e. ab ubere matris, adeoque jam lacte, quo adhuc nutritus fuerat, depulsum; *et lacte* ea inprimis vi addidisse videtur poeta, ut juvenem illum leonem nunc famelicam esse significaret; quam quidem qui non ferre possent hujus poetice loquendi rationis abundantiam, cum variis, quas proposue-

runt, emendationibus tollere studuerunt. Sed sic corrigi etiam debebat locus Tibull. I, 3, 46, « ukroque ferebant Obvia securis ubera lactis oves, » ubi pariter *et lactis*, quod pro: lactea, explicant, abundat; et sic apud Euripid. Orest. v. 1544, γδλατος παρὰ μαστοῖσιν.—*novo dente*, significanter de juvene leone, qui primum dentes suos sanguine imbuat.

17. *Rhætis* pro: Rhæticiis.—*Videre Vindelici*, ab initio enim, cum solos Rhætos aggrederetur Drusus, qualis ille dux esset, Vindelici *viderunt*, sed deinde ejus virtutem quoque *senserunt*; vid. Anal.—*quibus mos unde deduct.*—*Nec scire fas est omnia*, h. e. qui cur ad Amazonum exemplum secures semper in bello gestare soleant, nec perscrutari placuit, nec scire omnia licet.—Turbat sane et deprimit hæc historica quasi observatio poetæ sublimioris spiritum et impetum; sed haud dubie, cur eam adaspergeret, graviore causas poeta habuit; sive quod disputari tum multum solebat Romæ de prima moris illius, quo Vindelici securibus in bello uterentur, origine; sive quod Vindellicorum, qui vulgo *securigeri* appellati esse videntur, addere et circumscribere omnino debebat cognomen; sive quod ab Augusto hujus rei in hoc carmine mentionem facere jussus fue-

Mos unde deductus per omne
 Tempus Amazonia securi 20
 Dextras obarmet, quærere distuli;
 Nec scire fas est omnia: sed diu
 Lateque victrices catervæ,
 Consiliis juvenis revictæ,
 Sensere, quid mens rite, quid indoles, 25
 Nutrita faustis sub penetralibus,
 Posset, quid Augusti paternus
 In pueros animus Neronēs.
 Fortes creantur fortibus et bonis:

rat; sive quod ex alia, quam nunc ignoramus, causa, hujus rei commemorationem non facile prætermittere poterat. Ne multa! vix dubitari potest, quin hi versus, quos Cl. Jani in peculiari ad h. l. Excursu ut spurios et e margine temere in textum importatos damnat, ab ipso Horatio profecti sint. Exstitisse enim aliquem, qui ingenii sui ostentandi causa ejusmodi sententiam numeris adstrictam textus Horatiani margini allineret, Judæus Apella, non ego, credat.—*sed*, h. e. ut missa igitur faciam, quæ hic commemorare nihil attinet, vel: ne igitur extra oleas vagor, *sed* ad propositum redeam; hac enim fere vi particula *sed* eleganter adhibetur ab iis, qui a digressionem aliquam ad propositum se revocant.—*victrices catervæ*, impare certe primum Italiæ, et deinde Galliæ fines, late et satis diu depopulatæ fuerant.—*revictæ*, in vicem vel vicissim victæ, nisi pro simplice: *victæ*.—*Sensere*, gravissima cladi accepta, cum malo suo intellexerunt quanta vis esset bonæ indolis, si bona institutio

accesserit. Exquisitam artem poetæ vide, qua magnam Drusi laudum partem haud ambiciose quesita ratione cum Augusto communicat! Ed.—*quid posset*, quantum efficere valeret.—*mens...indoles*, ingenita animo virtus, animi generosa indoles.—*rite exculta*, splendide pro: bona institutione exculta.—*sub faustis penetralibus*, in Augusti domo, tanquam Dei domicilio formata, propitium Augusti numen experta; nam *rite* ad religionem pertinet. «Innutritum cælestium præceptorum disciplinis» Tiberium in domo Augusti educatum similiter fert Vellei. II, 94, 2.—*animus paternus*, affectu paterno, institutione atque præceptis ostenso.—*pueros Neronēs*, Drusum et Tiberium, privignos Augusti, filios Neronis et Livie: quorum tutor Augustus ipso ab infantia in domo sua habuit et educavit. Ed.

29. *Fortes creantur fortibus*, etc. Hæret poeta in amplificanda proximorum vv. sententia, quo magis intelligatur, Neronēs, quanquam ingenii dotibus instructissimos (id quod ab

Est in juvencis, est in equis, patrum

30

Virtus : neque imbellem feroces

Progenerant aquilæ columbam.

Doctrina sed vim promovet insitam,

Rectique cultus pectora roborant :

Ut cunque defecere mores,

35

Dedecorant bene nata culpæ.

Quid debeas, o Roma, Neronibus,

ipsorum generis nobilitate facile expectari poterat), Augusto potissimum debere, quod tales evaserint. Hoc generatim, Pindarico more, poeta extulit : adesse quidem in generosæ stirpis hominibus virtutis materiam, sed doctrina atque institutione opus esse quibus illa fingatur et ad summum perducatur ; aliter enim corrumpi atque degenerare. Hoc, quod omnem contactum poeticum refugere videtur, vide quibus poeta illuminaverit coloribus ! Ed.— In sententiam, patrum indolem ingenerari filiis, laudat Cl. Mitsch. Euripid. in Alcmeæ. apud Stob. Grot. p. 363 : « Ὡς ἀληθὲς.... Ἐσθλῶν ἀπ' ἀνδρῶν ἐσθλὰ γίγνισθαι τέκνα, κακῶν δ' ὁμοία τῇ φύσει τῇ τοῦ πατρὸς. »

30. *Est in juvencis*, etc. animalia quoque indolis suæ generositatem propagant. Martial. VI, 38, 7 : « Acris equi soboles magno sic pulvere gaudet ; Sic vitulus molli praelia fronte cupit. »

35. *Doctrina sed vim promovet insitam*, sed insitas animi vires (τὸ ἐγγενές) elicit et exercere docet institutio. Commode in hanc sententiam laudat Boettig. Cic. pro Arch. Poet. 7 : « Atque idem ego contendo, quum ad naturam eximiam atque illustrem accesserit ratio quedam conformatioque

ποικ. 1.

doctrinæ, tum illud nescio quid præclarum ac singulare solere existere. » — Est etiam illud Quint. inst. Or. XII, 2 : « virtus, etiamsi quosdam impetus a natura sumit, tamen perficienda doctrina est. » Vid. etiam Eurip. Hec. 600. — *Rectique cultus*, recta disciplina ; quatenus animus ea excolitur, ad secta et honesta perducitur. — *roborant*. confirmant, perficiunt naturalem indolem. Cic. Quæst. Tusc. II, 4 : « fortes... multo magis adjuvat ratio, quæ quibusdam quasi præceptis confirmat vim fortitudinis. » Et paulo post : « ut ager, quamvis fertilis, sine cultura fructuosus esse non potest ; sic sine doctrina animus. Ita est utraque res sine altera debilis. » Ed.— *Ut cunque*, quandocunque ; *mores defecerunt*, ubi insitæ animo vires (*bene nata*, ut statim Horatius ipse explicat,) non exercentur, ubi studium animi excolendi friget. — *Dedecor. bene nata culpæ*, bona indoles (τὸ εὖφύικ) vitiis corrumpitur.

37. Celebrata Neronum generosa indole, a majoribus accepta, satis proclivis poetæ ad celebrandas horum virtutes via erat, unde ampla satis de futura juvenum illorum magnitudine judicandi daretur copia. Ed.— *Quid*

Testis Metaurum flumen, et Hasdrubal

Devictus, et pulcher fugatis

Ille dies Latio tenebris,

40

Qui primus alma risit adorea,

Dirus per urbes Afer ut Italas,

Ceu flamma per tædas, vel Eurur

Per Siculas equitavit undas.

deb. o Roma, Neron. Testis Metaur. flumen, etc. Quomodo salus vestra, o Romani, in antiquæ Neronum gentis virtute reposita fuerit, nobilissima illa pugna, quæ Hasdrubal ad flumen Metaurum a C. Claudio Nerone devictus est, testatur; a cujus eventu, uti omnis, quæ Romania deinceps contigit, secunda; ita omnis, quam Pœni post illam expeti sunt, adversa fortuna repetenda fuit. — Rem illam improvisam et inopinatam, quam C. Claudius Nero, Consul, in bello Punico secundo A. U. DCLVI, felicissimo eventu ausus est, narrat Liv. XXVII, 43 seqq. Clam nempe castris, in quibus ille, Hannibali oppositus, se adhuc tenebat, cum delecta manu relictis, quum e Lucania in Umbriam celeriter itinere delatus esset, tanta fortuna ibi ad flumen *Metaurum* (nunc: *Metauro*, vel: *Metro*) adortus est exercitum, quem Hasdrubal fratri suo Hannibali auxilium ducturus erat, ut occidione eum cum ipsius duce occideret; quæ quidem victoria splendidissima quam sola futurarum victoriarum Romanis causa existisset, *ille pulcher dies, qui primus fugatis tenebris* (propulso, quod imminabat Romanis, periculo) *alma adorea risit* (*alma victoriæ luce exsplenduit*),

eorum, quæ *Roma debeat Neronibus*, testis laudatur. — *Testis*, similiter Catull. LXIV, 358: « testis erit magnis virtutibus unda Scamandri. Ed. » — *adorea*; Plin. XVIII, 3: « gloriam a farris honore *adoream* appellabant; » *adorea* scilicet, *ador* vel *far adorem* post partem victoriam præmii loco militibus distribui solebat; unde *adorea* pro ipsa victoria ponitur. — *tenebris*, offusa scilicet Italiæ densissima caliginæ, dam calamitatibus conflictaretur. Cic. pro Roscio Am. 32, de bello civili: « tanquam si offusa reipublicæ sempiterna nox esset, ita ruebant in tenebris, omniaque miscebant. » Valer. Max. V, 2: « funus et tenebras imperio minitari. » Ed. — *ut*, postquam; ab eo inde tempore, quo. — *Afer*, Hannibal: *dirus*, Livius quoque XXI, 4, ad Hannibalis vitia *inhumanam ejus crudelitatem* refert. Cf. supr. ad III, 6, 36. — *Ceu flamma per tædas*, ac. furere solet, quod ad notam æugmatis figuram ex *equitavit* eliciendum est. — *Per Siculas equit. undas*, per mare Siculum concitatisimo impetu ferri solet. — *Eurus* jam *equitare*, ut Zephyrus apud Euripidem Phœniss. 220, τρᾶνισεν, ad celerem ejus impetum designandum dicitur. Eadem de causa Zephyrus

Post hoc secundis usque laboribus

45

Romana pubes crevit, et impio

Vastata Poenorum tumultu

Fana Deos habuere rectos :

Dixitque tandem perfidus Hannibal :

« Cervi, luporum præda rapacium,

50

apud Catull. LXVI, 54, « Chloridis ales equus » vocatur. Nec alio consilio Euro *equi Eoi* apud Virg. *Æn.* II, 417, et Aquiloni *equi Thraces* apud Val. Flacc. I, 610, tribuuntur. Hinc accedit, quod *ἵπποι* apud Græcos passim de omnibus, qui concitatie impetu ruunt, dicitur; exempla ad h. l. dedit *Mitsch.* uti fore supr. III, 1, 40, *eques* de quovis, qui celeri cursu auferitur. Jam vero quom apud Græcos *καταπύσαι*, *καταπύσαι* *ἵππων*, de eo quoque hoste dici soleat (vide, quem *Bœtig.* laudat, *Wesseling.* ad Diodor. Sic. t. I, p. 631), qui feroces impetu popalabundus terram aliquam pervagatur, facile apparet, quam apte id *equitare* Hannibali simul, ferociter per Italas urbes ruenti, accommedatum sit; et sic infr. V, 16, 19; et 17, 74, is, qui insolentius hosti insultat, *equitis* imagine adumbratur.

48. *Post hoc*, *ἐπὶ τοῦτε*, post hanc Claudii victoriam. — *secundis labor.* significanter de victoriis, in prospero laborum, quos milites in bello sustinent, successu positis. — *et impio*, etc. et Italia respiravit aliquando, Hannibalis furorem non amplius pertimescens. Quo quidem sensu Romanos statim post Hasdrubalis cladem animatos fuisse, adeo quidem, ut Hannibalem perinde haberent, ac si excessisset

Italia, diserte tradit Polyb. XI, 3. Jam restitutam securitatem publicam docte poeta ab effectu, idque ab instauratis per Italiam religionibus designat; in quo augusta admodum species est, aucta insuper apposita Poenorum, istas calcantium, impietate. *En.* — *tumultu*, de eo graviore bello, quo salus publica subito hostium adventu et impetu in sanum discrimen adducitur. — *rectos*, erectos, ἀνυποκλίτους, in prietinum honorem restitutos.

49. *Perfidus Hannibal*: in Hannibale enim, ut severus ejus vitiorum censor Livius XXI, 4 ait, animadvertetur « perfidia plus quam Punica, nihil veri, nihil sancti, nullus deum metus; nullum jusjurandum, nulla religio. » Poeta autem jam primas potissimum belli Punici secundi causas, nempe *perfidie* ruptum ab Hannibale Sagunti oppugnatione fœdus respexisse videtur. Hinc apud Livium quoque XXI, 40, Hannibal *dur fœderum ruptor* appellatur. — *tandem dixit*: Hannibalis, quæ sequitur, oratione nihil profecto ad hec carmen tam in Neronum, quam in totius gentis Romanæ laudem et gloriam aptius, gravior et sublimius accedere potuit. Eo magis autem Hannibalem sic loquentem inducere poterat poeta, quom vero ille, accepto de funesta Hasdrubalis clade nuncio, « agnoscere se for-

Sectamur ultro, quos opinus
 Fallere et effugere est triumphus.
 Gens, quæ, cremato fortis ab Illo
 Jactata Tuscis æquoribus sacra,
 Natosque maturosque patres,
 Pertulit Ausonias ad urbes,
 Duris ut ilex tonsa bipennibus
 Nigræ feraci frondis in Algido,

55

tunam Carthaginiæ, » dixisse feratur; vid. Liv. XXVII, 51. Ceterum in hac oratione, quæ vim suam præcipue eo accipit, quod is ipse, qui Romano nomini infestissimus erat, Romanarum virtutum nunc laudator existit, acriter pro se quisque intendat animum ad summum illum verborum ornatum, et splendidissima sententiarum lumina, quibus simplex sententia: « Vana et irrita est omnis opera nostra, quam in bello contra Romanos, fugiendos nobis potius, quam persequendos, ponimus; quo gravius enim eos impugnamus, eo magis eorum efflorescit gloria; immo Romanos, quos ab omni periculo tutos semper præstabit Neronum virtus, a nobis vinci posse, omnis plane, Hasdrubale interempto, spes evanuit! » egregie expressa et amplificata est. — *Cervi, lup. præda rapac.* Sectam. ultro, nos stulti ultro sectamur Romanos, ut sicut cervi fere istis tanquam lupis rapacibus prædæ simus. Cf. Epigr. Posidipp. XIV; Anth. Gr. t. II, p. 80. — *opinus est triumphus*, in gloriosi triumphi loco ponendum est; pro tenui: præstat; *triumphum* jam insignivit epitheto, quo proprie *gloriosa* illa *spolia*, a duce creto duci derepta, insigniri solent.

55. Plane insitam Romanæ genti esse invictam vim atque fortitudinem, adeo quidem, ut ab ipsis cladibus calamitatibusque nova incrementa capiat, poeta dum ostendit, ad ipsa populi sui primordia recurrere necesse habet, luculente istud comprobantia. Ed.—*crem. fort. ab Illo, Jact. Tuscis æquor. sacra.* Opportune comparant Virgil. *Æn.* I, 71: « Gens inimica mihi Tyrrhenum navigat æquor, Ilium in Italiam portans victosque Penates. » — *sacra*, Penates, vid. Heyn. Excurs. IX, ad Virg. *Æn.* II, v. 293 seqq. p. 304. — *maturos*, sc. funeri, ut infr. Art. Poet. v. 118, *maturus senex*, et supr. III, 15, 4, *Chloris maturo propior faneri*. — *Ausonias*, Italas, ab Ausonibus, antiquis Italiæ incolis; vid. Heyn. Excurs. IV, ad *Æn.* VII, 37, p. 129. — *Duris ut ilex tonsa bipenn.* etc. Quemadmodum ilex, cujus frondes vel rami per bipennem detondentur, lætius deinde efflorescere solet; ita gens Romana, dum cladibus in bello afficitur, ab ipso ferro, quo cæditur, novum vigorem et animum accipit. — *Algido*, vid. supr. ad I, 21, 6. — *feraci frondis nigræ*, qui profert multas arbores, iliceas nempe, quarum frondes subnigri fere

Per damna, per cædes, ab ipso
 Ducit opes animumque ferro.
 Non Hydra secto corpore firmior
 Vinci dolentem crevit in Herculem :
 Monstrumve submittere Colchi
 Majus, Echioniæve Thebæ.

60

coloris sunt.— *Per damna, per cæd. ab ipso Ducit opes anim. ferro*, observa delectum verborum, tam genti Romanæ, quam tonsæ illici cum illa comparatæ; egregie simul accommodatorum.

61. *Non Hydra secto corpore firm. etc.* Sensus: Gens Romana, quotiescunque ab hoste victa est, toties nova contra eum firmitate surgit, veluti olim Hydra Lernæa, quæ, quotiescunque ab ejus corpore unum caput desecnerat Hercules, toties eo firmior, subnatis statim duobus aliis (vel pluribus) capitibus, contra eum, non sine dolore, se ab ea vinci sentientem, exsurrexit; vel uti olim ex satis dentibus draconis illius, quem Cadmus occiderat, nova monstra in Colchide et Bœotia edita sunt. — Fabulam de *Hydra Lernæa* tractat Ovid. Met. IX, 69 seqq. cf. Apollodor. II, 5, 2. Cum Hydra Lernæa Romanos quoque comparat Pyrrhus apud Flor. I 18. — *secto corpore*, hinc proverbiali locutione ὑδρὰν τέμνειν dicuntur, quibus ex uno, quod vicerunt, malo plura et majora subnascuntur; vid. *Torrent.* ad h. l. — *Vinci dolentem*, nam, ut satis constat, Iolai demum ope victa est ista Hydra ab Hercule. — *crevit*, significante brevitate et elegantia pro: fuit, quum nova ei crevisset capita. Sic Ovid. Met. IX 193: « nec profuit

Hydræ Crescere per damnum, geminasque resumere vires. » — *Monstr. subm. Colchi Majus Echion. Thebæ*, nec terra Colchica et Thebana e satis draconis dentibus majus monstrum emisit. Fabulam de dracone, quem Cadmus in Bœotia, postquam ille hujus socios aquatum ad fontem missos necaverat, interfecisse perhibetur, suaviter enarrat Ovidius Met. III, 25 seqq. E dentibus hujus serpentia, quorum partem Minerva subito e cælo allapsa Cadmum serere jusserat, viri armati, *sparti*, γῆρας, vid. *Heyn.* ad Apollod. p. 454 (quos apposite Noster *monstra* appellat), prognati esse, sed mox, quum hostiliter statim invicem se petissent, mutuis vulneribus, quinque tantum superstitionibus, e quibus fuit *Echion* (unde *Echioniæ Thebæ*), periisse traduntur. Similia monstra terra Colchica *submittere* fertur, et quidem per Jasonem, quem donatam sibi a Minerva alteram serpentis illius a Cadmo occisi dentium partem serere jusserat *Æetes*; vid. Apollon. Rhod. III, 1175, et Ovid. Met. VII, 129 seqq. — *submit...* *submittere*, quod eleganter apud Lucret. I, 8, et alibi (uti apud Græcos ἀνατίπτειν), de floribus dicitur, quos terra sensim sensimque sursum mittit, apposite ad illos viros armatos, qui non subito e terra prosi-

Merses profundo, pulchrior evenit:

65

Luctere, multa proruēt integrum

Cum laude victorem, geretque

Prælia conjugibus loquenda.

Carthagini jam non ego nuntios

Mittam superbos: occidit, occidit,

70

Spes omnis et fortuna nostri

Nominis, Hasdrubale interemto. »

luerint, sed, ut Ovidius l. l. narrat, sensim sensimque e terra succreverint, transtulit. Eadem ratione Virgil. Ed. X, 174: « quantum vere novo viridis se subjicit alnus. » Ed.

68. *Merses profundo, pulchrior evenit*, nota imago, qua quis, malis, quibus laborabat, feliciter superatis, comparatur cum eo, qui e profundo mari, ad quod demersus fuerat, bona fortuna emergit; *pulchrior*, virtutis honore insignior. Horatium imitatus est Rutilius Itiner. I, 420: « Flevit successus Hannibal ipse suos. Quæ mergi nequeunt, nisu majore resurgunt, Exsiliuntque imis altius icta vadis. » — *Luctere, multa proruēt integrum Cum laude victi*. finge tibi par gladiatorum, quorum alter jam pæne victus alterum jam pæne victorem et integris adhuc viribus, magna cum laude prosternit. Similiter his verbis loquitur Hannibal apud Liv. XXII, 14 init: « cum eo nimirum hoste res est, qui nec bonam nec malam ferre fortunam potest; seu vicit, ferociter instat victis; seu victus est, instaurat cum victoribus certamen. » Idem apud Justin. XXXI, 8: « aliis bellis plurimum momenti habere, priorem aliquam cepisse occa-

sionem loci temporisque, agros diripuisse, urbes expugnasse; cum Romano seu occupaveris prior aliqua, seu viceris, tum etiam cum victo et jacente luctandum esse. » Ed. — *Prælia conjugibus loquenda*, h. e. cæsorum maritorum conjugibus cum luctu memoranda; vel victoria servatorum maritorum conjugibus cum gaudio prædicanda et forte utrisque simul loquenda, cuique ob alterutram causam. Ed.

69. Pulchre subjicitur Romanis post cladem animosioribus Hannibal, eadem accepta, de summis rebus desperans, a quo victoriæ istius magnitudinem mirifice extolli, facile videre est. — *Superbos*, superbe Romanos victos esse referentes. Quam acerba autem hæc pristinae felicitatis et superbiæ cum præsentē fortuna collatæ recordatio! notum autem post cladem Cannensem missum fuisse ad Carthaginem, Hannibalis fratrem, Magonem qui non solum magnificis ac superbis verbis Romanorum cladem senatoribus enarraverit, sed etiam plenos equitibus Romanis detractorum annulorum modis media in curia effuderit. Liv. XXIII, 11. — *occidit, occidit*, magna δεινότης in hac repetitione. — *fortuna nostri Nominis*, rerum nostra-

Nil Claudiae non perficient manus :

Quas et benigno numine Jupiter

Defendit, et curæ sagaces

75

Expediunt per acuta belli.

rum, gentis nostræ. Ita acceptum convenit fere iis quæ idem aspecto fratris sui capite quod in Carthaginiensium castra Romani iniecerant : « agnosco fortunam Carthaginis. » Liv. XXVII, 51. Etiam Liv. XXVIII, 12 : « post Hasdrubalis exercitum cum duce, in quibus spes omnis reposita victoriæ fuerat, deletum, cedendoque in angulum Bruttium cætera Italia concessum, etc. » Vid. etiam Flor. II, 6, 83. Ed.

75. Mitscherlich. et Doëring. usque ad extremum v. continuari Hannibalis orationem, exquisitissimumque poetæ artificium prædicant, quo ipse Hannibal futuram gentis Claudie magnitudinem vaticinans inducitur; nec difficitur in hac strophe nullum verbum huic sententiæ repugnare. Ego autem

cum omnibus fere intpp. orationem a poeta hic resumì potius putaverim, ut rectius ad privignos Augusti revertatur sermo, et toti carmini quasi clausula imponatur. — Nil Claudie non perficient manus, h. e. a C. Claudii Neronis gente sperari possunt omnia; per manus Claudias intelligit simul C. Claudii Neronis posterios. Ed. — curæ sagac. ingenii in capiendis consiliis sagacitas. — Expediunt per acuta belli, per ea, quæ in bello periculum intendunt. Sic fere pugna aniceps et dubia Græcis δῆς δ' ὧν dicitur. Cl. Müsch. ad hanc loquendi rationem refert δ' ἑταίρα, δ' ἀγαθὴν, ἐπὶ τῶν διακινδυνώσεων, quod proverbium est apud Zenob. Cent. III, 15, et ἐπὶ ὑποῶ σῖλαι, apud Theocritum, XXII, 8.

ANALYSIS. Insigni illi juvenilis fortitudinis documento, quod Drusum Neronem, Augusti privignum, vix XXIII annos natum, in bello contra Rhætos et Vindelicos edidisse narrant, æque insigne Horatius in hoc carmine monumentum posuit. Res scilicet fuit hæc : Rhæti et Vindelici (quorum illi terras ad Alpium radices, ab oriente meridiem versus, a monte Adula ad Julias usque Alpes, vel ad Veronæ et Comi usque fines, eas igitur terras, quas nunc Grisones et Tirolenses, tenent, vid. Strab. IV, p. 315, C; hi vero, proximi Rhætorum accolæ, ea sub Alpibus septemtrionem versus loca, quæ a lacu Bodamico per meridionalem Baviaræ et septemtrionalem comitatus Tirolensis partem ad fluvium Oenum usque porriguntur, incolebant, vid. Strab. VII, 449, A; et Mannerti German. p. 610), quum crebras in Galliæ Italiæque agros incursiores facerent, et populationibus suis in dies Romanis infestiores fierent; Augustus, modum tandem eorum ferociæ et insolentiæ ponen-

dum esse ratus, U. C. DCCXXXIX, exercitum contra eos mittendi eique privignum suum *Drusum Neronem* præficiendi cepit consilium. Cui quidem consilio eventus respondebat optatissimus. Drusus enim non solum Rhætos in primo statim prælio, ad Alpes Tridentinas cum iis commisso, fudit fugavitque, (vid. Dio LIV, 22), sed pari quoque fortuna Vindelicos deinde conjunctim cum fratre suo Tiberio, quem adiutorem ei Augustus addiderat, perdomuit; (vid. Vell. II, 98.) Hujus geminæ igitur Neronum de Rhætis et Vindelicis victoriæ gloriam Horatius, uti ab ipso Augusto, Suetonio in Vit. Horat. teste, jussus fuerat, duobus carminibus, celebravit, altero, de quo nunc agimus, in *Drusi*, altero (infra IV, 14) in *Tiberii* laudem composito.—Tria autem potissimum hoc carmen, in quorum tractatione omnis ejus ars et splendor cernitur, continet: 1° egregiæ illius fortitudinis et juvenilis vigoris, quo Drusus in pugna contra Rhætos se conspiciendum præbuerat, descriptionem, sive, in qua omnis hæc descriptio versatur, Drusi cum juvene aquila et leone comparisonem; 2° Augusti, tanquam unici earum virtutum, quibus Drusus nunc exsplendescbat, auctoris laudationem; laudat nempe vere paternum Augusti animum, quem ille in privignis suis Neronibus rite educandis probaverat, simulque, quantam vim in omnem animi cultum educatio habeat, breviter ostendit; 3° veteris C. Claudii Neronis, unde originem suam repetebant Neronæ, memoriam; quem quidem, quum ex eo inde tempore, quo Hasdrubal, Hannibalis frater, in bello Punico secundo ab eo devictus fuerat, sereno semper vultu Fortuna Romanis affulgere cœperit, et ipse Hannibal (cujus sub fine hujus carminis de Romanorum virtute, vinci omnino nescia, oratione nihil sublimius et Romanis honorificentius cogitari potest), spem omnem, Romanos vinci posse, abjecerit, ut virum egregie de republica meritum multis extollit laudibus. — Consummatissimum sui generis hoc carmen atque omnibus plane numeris absolutum cui non, vel leviter boni pulchrique sensu contacto, admirationem sui injectit atque expressit? Quis quesitissimis laudibus lyricas ejus virtutes nunquam adsecutus est? et sane quantum ubique sanguinis atque nervorum! Qui nisus! quæ spiritus magnificentia! quæ rerum verborumque majestas! quam divinum tractationis artificium! ut jure mihi contendere posse videar, in illud fastigium hocce eximio opere adductam conspici poesin lyricam, ultra quod evehere eam difficillimum sit, utque adeo locupletissime inde ostendi possit, quam validus ingenio Horatius fuerit et quam mascole maximis bellis et clarissimis canendis ducibus, epici carminis onera, nullis fere Græcorum poetarum adminiculis allevatus, lyra sustinuerit. Ed.

CARMEN V.

AD AUGUSTUM.

Ut tandem in Urbem redeat hortatur, publicamque eo præsente
felicitem celebrat.

Divis orte bonis, optime Romulæ
Custos gentis, abes jam nimium diu :
Maturum reditum pollicitus Patrum
Sancto concilio, redi.
Lucem redde tuæ, Dux bone, patriæ :

5

1. *Divis orte bonis*, sunt, qui explicant: « o tu, qui propitiis diis, vel secundis deorum auspiciis natus es, » allatis in hanc explicationem iis, quæ supr. IV, 2, 37, de Augusto dicuntur: « Quo nihil majus meliusve terris Fata donavere, *bonique Divi*. » Sed quum *ortus aliquo* dicatur is, qui vel natus est *ex* aliquo, vel originem suam *ab* aliquo repetit, ut *carm. seq. v. 32*, « pueri claris parentibus orti, » et *supr. II, 12, 50*, « Jupiter Saturno ortus; » *Ovid. Heroid. XX, 224*, « nec... despectis argnor ortus aris; » vix dubitari potest, quin « *Divis orte bonis* » jam sit: o tu, qui originem ducis a Diis genti Romanæ propitiis. Jam vero quum Augustus per adoptionem in gentem Juliam transiisset, recte ejus genus a Divis repeti poterat. — *Custos*, Deus tutelar, ut *supr. I, 28, 29*, Neptunus: *custos Tarenti*.

— *Romulæ*, pro: Romulem, ut *infra Carm. Sæcul. 47*, et *Virg. Æn. VI, 877*. — *jam nimium diu*, Augustus enim quum, Sicambri debellatis, rebus quoque in Hispania et Gallia componendis operam daret, tres ferme integros annos jam Roma abfuit; *vid. supr. Argum. ad IV, 2*. — *pollicitus Patrum sancto conc.* in senatu igitur, antequam ab urbe proficisceretur, convocato spem maturioris reditus fecisse videtur; *sancto* refer ad venerabilem senatorum dignitatem. Similiter « sanctissimum gravissimumque orbis terræ consilium » senatum appellat *Cic. Catil. I, 9*, et *Virg. Æn. I, 426*: « sanctumque senatum. » *Ed. — redi*, in una hac voce cardo quasi totius hujus carminis vertitur.

5. *Lucem redde tuæ patriæ*, h. e. civium tuorum de absentia tua tristitiam reditus tuus, velut sol tenebras,

Instar Veris enim vultus ubi tuus
 Affulsit, populo gravior it dies,
 Et soles melius nitent.
 Ut mater juvenem, quem Notus invido
 Flatu Carpathii trans maris æquora
 Cunctantem spatio longius annuo
 Dulci distinet a domo,
 Votis omnibusque et precibus vocat,

10

dispellat, pro vulgari: veni, et cives tuos, de absentia tua tristes, exhilara; *lucis* imagine de statu tristi in lætiorē mutato nihil frequentius. Notissimus Lucretii locus de Venere, I, 6 sqq. «Te, Dea, te fugiant venti, te nubila celi, Adventumque tuum;... tibi rident æquora ponti, Placatumque nitet diffuso lumine cælum.»—*Instar Veris enim vultus ubi tuus Affulsit*, nam ubi vultus tui splendor, qui veris instar serenat omnia, conspicitur, etc. — *veris* imaginem referre dicuntur, qui omnia, ubi apparent, exhilarant atque serena reddant; *Boettig.* laudat Theocrit. VIII, 41, «πάρὰ λαί,... ἔσθ' ἃ καλὰ καὶ ἐπώσεται.» Cf. *Mitsch.* ad h. l. et *Jacobs Animadv.* ad Anth. Gr. vol. I, p. 340. Augusti igitur vultus talem fere jam splendorem prae se ferre dicitur, quali dii presentiam suam manifestare solent; cf. Hom. H. in Cer. v. 277 seqq. — *soles melius* (h. e. pulchrius) *nitent*; in hanc sententiam *Boettig.* comparat Æschyl. Pers. 298.

9. *Ut mater juvenem*, etc. en imaginem dulcissimam! Romani Augusti redditum eodem desiderio et eadem animi sollicitudine expectant, quæ pia mater filii sui, jam anno longius in

itinere maritimo morantis, expectare solet. Comparationem per se suavissimam et ad movendos animos aptissimam vide quam ἐναγών; exposuerit animaveritque poeta. Augetur desiderii affectus itineris suscepti difficultate atque periculo, vivideque ad cælum expansis in litore matris, vota metu duplicantis, manibus ostenditur. Ed. In eadem adumbranda imagine operam posuit Oppian. Hal. IV, 338 seqq. quem tirones cum Nostro comparent. — *Notus*, adversus enim ille fiat nautis, e Bithynia per mare Carpathiam in Italiam redeuntibus; quamvis alias *Notus* pro quovis vento procelloso ponitur. — *invido*, vel filii redditum matri invidente, vel in viso, adverso; sic res, quæ votis aliorum obstant, passim *invidæ* dicuntur, ut *paries invidus* apud Ovid. Met. IV, 73, *invida vestis* apud eundem Amor. III, 2, 27. — *Dulci domo*, ex longo itinere enim redeunti nihil domo sua dulcius; hinc Catull. XXXI, 7 seqq. «O quid solutis est beatius curis? Quam mens onus reponit, ac peregrino Labore fessi venimus Larem ad nostrum, Desiderateque acquiescimus lecto.»—*Votis*, quæ mater pro filii redditu nuncupat et suscipit.—*omnibus*,

Curvo nec faciem litore demovet :

Sic desideris icta fidelibus

15

Quærit patria Cæsarem.

Tutus hos etenim rura perambulat ;

Nutrit rura Ceres, almaque Faustitas ;

Pacatum volitant per mare navitæ ;

Culpari metuit Fides ;

20

cuncta scilicet præagia arripiens ex quibus optatum reditum sibi polliceri queat. — *precibus* ; præclare omnia cumulat poeta quibus sollicitudinem matris, salvum filii reditum a diis implorantis, ob oculos ponat. — *Curvo nec fac.* omnino ad expectantium naturam, rei expectatæ adventum oculis præcipere studentium ; hic apprime de parente, tota in filii reditum pendente, nec aliud jam cogitante. Ed. — *icta* ad vehementiorem desiderii affectum designandum. De locutione, qua quis graviore quodam animi affectu, *dolore*, *malis*, *furore*, etc. *ictus* dicitur, vid. *N. Heins.* ad Ovid. Trist. II, 818, et *Burm. Sec.* ad Anthol. Lat. t. II, p. 66. — *fidelibus*, retulit hoc epitheton poeta ad *desideriis*, quod ex vulgari ratione ad *patria* referendum erat. — *Quærit*, adesse cupit, reddi sibi optat. cf. supr. III, 24, 32.

17. *Tutus hos etenim*, etc. Nexus et sensus : Nec mirum, patriam tanto tui teneri desiderio ; nam sub tuo imperio rediit in illam securitas, fertilitas, faustitas, opulencia, fides, castitas, conjugiorum sanctitas, et legum auctoritas. — In eandem fere de Romanorum sub Augusti imperio felicitate sententiam jam ab aliis laudatus Vellei. II, 89 : « Nihil deinde optare a Diis homines, nihil Dii hominibus

præstare possunt... quod non Augustus... populo Romano repræsentaverit. Finita bella civilia, sepulta externa, revocata pax ; restituta vis legibus, judiciis auctoritas.... rediit cultus agris, sacris honos, securitas hominibus, certa cuique rerum suarum possessio ; leges emendatæ utiliter, latæ salubriter, etc. » — *Tutus hos rura peramb.* pacis, quæ per Augustum nobis contigit, beneficio secure in pascuis boves circumvagantur, h. e. non amplius expositi sumus hostium incursionibus ; parta nobis per Augustum est securitas ; cf. Theocr. XVI, 90 seqq. Minus bene alii de bove arationis opus perficiente cogitant ; quum ad arantis bovis incessum accommodari posse hæc vox *perambulat* minime videatur ; prior autem explicatio felicitati temporum, in *præscum aurum* fere sub Augusto *redauntium*, magis convenit. — *nutrit*, sc. per fecundas pluvias, secundam aeris temperiem, etc. — *Faustitas*, infr. Carm. Sæc. v. 89, « beata pleno Copia cornu » — *Pacatum volit. per mare navitæ*, non amplius, ut olim, mare infestant piratæ, viget mercatura ; *volitant*, non cum Cl. *Mitsch.* ad lasciviam et audaciam nautarum trahendum, sed ad cursus, quem illi nunc tuti ab omnibus insidiis in mari

Nullis polluitur casta domus stupris;
 Mos et lex maculosum edomuit nefas;
 Laudantur simili prole puerperæ;
 Culpam poena premit comes.

Quis Parthum paveat? quis gelidum Scythen? 25
 Quis, Germania quos horrida parturit

facere possunt, celeritatem; hinc naves quoque celeriter currentes *volare* (ut Græcis *πύραυλοι*) dicuntur; Virg. *Æn.* III, 124; Catull. IV, 8, de Phaselo: « sive palmulis Opus foret *volare*, sive linteo. » — *Pacat. per mare*, hinc Augusto sinum Puteolanum præterfecto nautæ, ut tradit Sueton. Aug. 98, « per illum se vivere, per illum navigare, libertate atque fortune per illum frui, » acclamasse dicuntur. — *Culpari metuit*, h. e. non culpatur, de quo elegante *τοῦ metuere* usu vid. supr. ad II, 2, 7. — *Fides*, cf. infr. Carm. Sæc. 57.

21. *Nullis polluitur casta domus stupris.* Romani enim, in quorum corruptos mores Noster supr. III, 6, graviter invehitur, libidinis licentia et adulteriis *inquinaverant* hucusque, ut ibi v. 18, ait, *et genus et domos.* Itaque Augustus, « quum hoc fonte, » ut Hor. ibi addit, « derivata clades in patriam populumque fluxerit, » pristinum virtutis Romanæ honorem revocasse dicitur eo, quod per *morem* (veterem disciplinam), et *legem* (legem Juliam de adulteriis), *maculosum nefas* (fœda, quibus conjugiorum contaminabatur sanctitas, adulteria), *edomuit* (exstirpare studuit). Similiter Horatius de Augusto infr. Epist. II, 1, ab initio: « Quum tot sustineas et tanta negotia solus, Res Italas armis

tuteris, moribus ornes, *Legibus emendes,* » etc. — *Laudantur simili prole puerp.* matres pariunt liberos patri suo similes; prolis enim cum patre similitudo matris castitatem probare putabatur; vid. *Interpret.* ad h. l. Hesiod. *Æpy.* 233 sqq. Theocr. XVII, 44; Catull. LVIII, 228; Martial. VI, 27, 3. Hinc apud quas gentes feminæ communes erant, pueros iis patribus addicare, quorum similes erant, mos fuit. Ed. — *Culpam poena premit com.* qui in flagitio deprehenduntur, ab iis statim poena in legibus constituta expetitur.

25. *Quis Parth. pav.* etc. Parthis, Scythis, Germanis et Cantabris ab Augusto perdomitis nulla amplius foras nobis timenda sunt pericula, h. e. pace, otio et securitate per Augustum fruimur. — *Quis Parth. pav.* de victis ab Augusto Parthis vid. supr. III, 3; hinc infr. Carm. Sæc. 53, « Jam mari terraque manus potentes Medus, Albanasque timet secures. » — *quis gelid. Scythen?* Cf. supr. III, 8, 23, ubi: « Jam Scythæ laxo meditantur arcu Cedere campis; » et Carm. Sæc. 55, « Jam Scythæ responsa petunt. » — *Quis, Germ. quos horrida parturit Fetus*, pro vulgari: quis paveat horridos Germanos? De victis per Drusum Germanis vid. Carm. anteced. — *Germania* (ut supr. II, 6, 3, *Syrtes*

Fetus, incolumi Cæsare? quis feræ

Bellum curet Iberiæ?

Condit quisque diem collibus in suis,

Et vitem viduas ducit ad arbores :

30

Hinc ad vina redit lætus, et alteris

Te mensis adhibet Deum :

barbaræ; et II, 9, 20, *Niphates rigidus*), ab ejus incolarum natura et externo corporum habitu dicitur *horrida*; Tacit. M. Germ. IV: « Habitibus corporum... idem omnibus; truces et cærulei oculi, rutilæ comæ, magna corpora; » hinc infr. V, 16, 17, « Nec fera cærulea domuit Germania pube. » Qui rō *horrida* ad ipsam terrarum in Germania naturam referunt, laudant Tacit. Mor. Germ. c. II, « informem terris, asperam cælo, tristem cultu adspectuque; » c. V: « silvis horridam, paludibus fœdam. » — *quos parturit fetus*, contemtim pro iis, qui ibi nascuntur, quasi horum quoque prodigiœ formæ hominum terra mater sit. — *Bellum Iberiæ*, h. e. bellum Cantabricum; vid. supr. ad II, 6, 2.

29. Succedunt suavissima tranquillæ atque inter jucundissimos labores actæ vitæ lineamenta, quibus animum post horridarum gentium enumerationem mirifice deliniri sentias. Ex opere autem rustico gratam tantum ejus speciem repræsentat, vini culturam, et ex hac ipsa, genus quoddam, quod nec tædii nec defatigationis offensionem habet. Per culturam autem vini, pro omni agriculturæ genere, hic positam, proditur, ut in multis aliis locis, Horatii indoles, ad bibendum et vitam genialiter agendam mirum in modum preclivis. Ed. —

Condit diem, pro vulgari: finit vel exigit diem; similiter Menalcas apud Virg. Eclog. IX, 52, « Soles cantando condidisse, » h. e. exegisse, dicitur; laudant quoque de hac loquendi ratione exemplum Callimachi Epigr. II, 5: « Ἡλιον ἐν λίσσῃ καταδύσασιν. » Scilicet *diem condit*, qui eum condit et occidere videt; nam proprie dies conditur, vel sol, qui, dum *in undas se condit* (ut Virgil. Georg. I, 437 loquitur), diem simul inductis tenebris condit; uti fere apud Virg. Æn. I, 437, Vesper « diem componere, » h. e. absolvere diem, et finem ei imponere, dicitur. — *collibus*, in quibus, utpote apricis, vites vulgo ponuntur. — *vitem ducit ad arbores*, h. e. vitem arboris trunco applicat et annectit. — *viduas*, ut supr. II, 18, 4, « platanus cælebs; » hinc vitis arbores, nominatim *ulmos*, Columell. V, 6), et *populos* (infr. V, 2, 10), quibus adjungi præcipue solebant vites, *mariare*, dicitur. — *ad vina*, ad computationem. — *et alt. te mensis adhibet deum*: *te mulas*, etc. Sensus: et tibi, ut Deo Tutelari, cultum divinum præstat, dum inter precandum vina tibi libat, et, sicut Græci Dioscuros et Herculem, ita te patriis suis numinibus accenset. — Scilicet Romani Augustum, cui, ut tradit Dio LI, 19, jam U. C. DCCXXIV, a senatu tam publicæ quam privatæ li-

Te multa prece, te prosequitur mero
 Defuso pateris; et Laribus tuum
 Miscet numen, uti Græcia Castoris
 Et magni memor Herculæ.
 Longas o utinam, Dux bone, ferias
 Præstes Hesperia! dicimus integro
 Sicci mane die, dicimus uvidi,
 Cum Sol Oceano subeat.

35

40

bationes decreta fuerant, ad exemplum Græcorum (qui vel bono Genio, vel Jovi Salutifero, *Aut Ζεῦσι*, vid. *Boetig.* ad h. l. et *Jacobs.* ad *Anthol.* vol. I, p. 314, vel Herculi, vel aliis Diis Tutelaribus, pocula post cenam miscere solebant), mensa secunda pariter ut Deum Tutelarem, dum *merum inter preces pateris defundebant*, divino honore prosequerentur. — *alteris, secundis*; Romani enim in convivii duobus mensis utebantur. Prior scilicet ferculis majoribus onerabatur; quibus comesis, prior mensa tollebatur, ponebaturque altera pomis, uvis ac præsertim vinis generosioribus instructa. In ea convivii parte, quum ea mensa convivantibus oblata fuerat (apud nos: *au dessert*) diis libabatur et canebantur hymni. *Ed.* — *mensis adhibere Deum*, ut apud *Virg. Æn. V, 69*, « penates epulis adhibere. » — *Te multa prece*, apposite in hanc ipsam rem *Ovid. Fast. II, 638* seqq. « Jamque ubi suadebit placidos nox ultima somnos, Parca precaturæ sumite vina manus, Et, bene

nos, Patriæ, bene te, Pater, Optime Cæsar, Dicite, suffuso per sacra verba mero. » — *mero Defuso pateris*, similiter *supr. I, 31, 2*, « liquorem de patera fundere, » de libatione dicitur. — *Laribus*, jam pro: Penatibus, diis patriis. — *uti Græcia*, etc. uti Græcia Dioscuros et Herculem in virtutum, quas illi designarunt, memoriam inter Deos suos patrios refert.

37. *Longas o utinam, Dux bone, ferias Præstes Hesp.* etc. utinam diu Romanis hac vite securitate atque tranquillitate sub faustis tui imperii, Auguste, auspiciis frui liceat! hæ sunt preces, quas mane et vespere fundimus. — *integro mane die*, mane enim dies adhuc est *integer* et solidus, quum nulla adhuc pars ipsius veluti decisa fuit. — *Sicci*, adhuc sobrii, quum nondum ora vino proluimus. *Infr. Sat. II, 3, 281*: « Libertinus erat, qui circum compita *siccus* Laotis mane senex manibus currebat, » etc. — *uvidi*, vino madidi, *βεβρυσμένοι*. — *Cum Sol Oc. sub.* nocturnis comotationibus.

ANALYSIS. Quum Augusti reditus post longam ejus absentiam (vid. *supr. Argum.* ad hujus libri carm. secund.) cupidissime ab omnibus Romæ expecta-

retur, Horatius in hoc carmine pium illud, quo Augustum suum efflagitaret populus Romanus, tam molli animi affectu expressit desiderium, ut haud sciam, an ullum carmen Noster cecinerit, quod Augusto suavius, dulcius et exoptatius accidere posset. Non enim in desiderii, suavisimis imaginibus adumbrati, descriptione acquievit, sed ejus causas quoque honestissimas acite aperuit. Romanos nempe bene sentire ait, Augustum esse, cui summam, qua nunc fruuntur, felicitatem debeant, adeoque tanta erga illum pietate impletos esse, ut eum tanquam Deum Tutelarem divino honore prosequantur, et in ejus incolumitate felicitatis suae incolumitatem ponant. — Est autem hoc carmen ita comparatum, ut neminem facile reperias, qui molliissimis ejus sententiis et numeris, placidi rivi instar dulcissimo sono decurrentibus, sensu non perfundatur atque deliniatur suavissimo!

CARMEN VI.

AD APOLLINEM.

Quid Apollini debeant Romani memorat; eum precatur ut carmen in ipsius laudem compositum probet ac tueatur; virgines ac pueros ut recte illud recitent, monet.

Dive, quem proles Niobeae magnae
Vindicem linguae, Tityosque raptor

1. *Dive*, ab hac voce ad vigesimum sextum versum eundem est; quidquid medium, in parenthesi positum puta. — *quem proles Niobeae magnae Vind. linguae sensit*; Niobe, Tantalii filia, et Amphionis conjux, quum se ut septem filiorum et totidem filiarum matrem paulo insolentius de prolis suae numero et pulchritudine jactasset, iuxta Latonam, geminarum tantum matrem, praese contemneret; hujus magniloquantia (*magnae linguae*) Apello ultor existisse, et *prolem Niobeam* sagittis suis confixisse traditur; res vel ex

Homero Iliad. XXIV, 602; Ovid. Met. VI, 146 seqq. satis nota. — *magnae linguae*, linguae superbae. Sic apud Graecos, Sophoc. Antig. 123: «Ζῶς μεγάλης γλώσσης χόμπους υπερ-εχθαίρει.» Tibull. II, 6, 11: «Magna loquor, sed magnifice mihi magna locuto Excitant clausae fortia verba fores.» De Niobe Stat. Theb. III, 192: «magniloquos luit impia flatus Tantalidis, innumeris quum circumfusa ruinis Corpora tot raperet terra, tot quaereret ignes.» Ed. — *Tityos raptor*, sc. pudicitiae, quam Latonae eripere

Sensit, et Trojæ prope victor altæ

Phthius Achilles,

Ceteris major, tibi miles impar :

5

Filius quamquam Thetidos marinæ

Dardanas turres quateret tremenda

Cuspide pugnax.

Ille, mordaci velut icta ferro

tentaverat ; vid. supr. ad II, 14, 9.

— *Sensit*, significantius pro vulgari : expertus est ; vid. supr. ad II, 7, 10.

— *Trojæ prope victor altæ Phthius Achilles*, sc. sensit te ut Divum, fortissimum quemque sagittis suis domare valentem. Achilles enim, uti Hector apud Hom. Iliad. XXII, 389, prædixerat, Phœbi sagittis interemptus esse dicitur, sive Phœbus ipse sagittas jecerit, vid. Quint. Smyrn. Paralip. III, 61 seqq. sive, ut alii volunt, tela Paridis direxerit ; vid. *Interpret.* ad Hygin. Fab. 107.

— *Trojæ prope victor*, sublato scilicet, qui Trojæ excidium morabatur, Hectore. De eodem II, 4, 10 : « Tradidit fessis leviora tolli Pergama Graiis. » ED. — *Phthius*, Myrmidones enim, quos in bellum Trojanum duxit Achilles, *Phthiotidis*, regionis in Thessalia, incolæ fuere.

8. In Achille jam per viginti versus hæret poeta. Quam digressionem, licet terribili et effusa illa Achillis pictura extolli Apollinis, qui eum occiderit, erga Trojanos beneficium dicant, licet plurima ex Pindaro et aliis hujusce generis exempla afferant, nimis longam non arbitrari non possum, utpote quæ nimiam inter primam odæ vocem et verbum ad quos vocativus *Dive* referatur, dilationem interponat.

— *Ceteris major*, ceteris quidem Græcis fortior, ἀριστερος Ἀχαιῶν. Achillis virtutem insigniter extollit poeta, quæ major inde Apollini gloria accedat. —

— *Filius quamq. Thet.* etc. Quamvis Achilles ipse, Dea oriundus, omni ope matris suæ defenderetur. Unde major Apollinis gloria, quum non merum mortalem, sed deæ filium interfecerit. — *turres*, murorum scilicet, pinnas et propugnacula, πύργους, στεφάνας, κρούσας. — *turres quateret Cuspide*, turres cuspide quaterere dicitur, qui tam graviter hastæ ictu eas impellit, ut de sede sua moveri incipiant ; cogita, sermonem esse de temporibus heroicis, ubi non machinis et operibus muri oppugnabantur, sed hastarum ictibus, magnorum lapidum jactu et manibus adeo convellebantur. — *tremenda*, Homer. Iliad. XIX, 388, Achilli tribuit « ἔγχος Βριθῶ, μέγα, στιβαρόν » τὸ μὲν οὖ δῖνα· ἄλλος Ἀχαιῶν Πάλλεν. »

9. Sequens comparatio, qua Achilles in pugna cadens celsæ cujusdam arboris casui equiparatur, ab Homero inde sæpe a poetis frequentata est ; exempla collegit *Cerda* ad Virgil. Æn. V, 448. Respondet nempe ea vastæ illi corporis moli, quam heroicis suis affinxit prisca antiquitas. — *mordaci ferro*, intellige securim, quæ

Pinus, aut impulsa cupressus Euro,
Procidit late, posuitque collum in
Pulvere Teucro.

10

Ille, non inclusus equo, Minervæ
Sacra mentito, male feriatos
Troas, et lætam Priami choreis

15

Falleret aulam :
Sed palam captis gravis, heu nefas ! heu !
Nescios fari pueros Achivis
Ureret flammis, etiam latentes

Matris in alvo :

20

paulo audacius ab ejus effectū jam dicitur *mordax*, quasi vulnera per aciem suam arboribus infligit. — *Procidit late*, expressisse videtur Hom. Odyss. XXIV, 39, ubi Agamemnon ad Achillis animam: οὐ δ' ἐν στροφάλλῃ κενὴς Κεῖσο μέγας μεγαλοστί. — *posuitque collum in pulv.* pro tenui: procubuit; Homericum: κάππεσον ἐν κονίῃσι.

13. *Ille, non*, etc. Sensus: Achilles, nisi eum Jupiter, tuis et Veneris precibus gratificatus, occidendū, Æneam vero ad novos muros melioribus auspiciis exstruendos servandum esse constituisset, neutiquam, ut deinde factum est, per dolum et fraudem, sed aperte Trojam expugnaturus et totam gentem Trojanam radicibus extirpaturus fuisset. — *inclusus equo*, *Minervæ Sacra mentito*. De equo illo ligneo, quem viris armatis gravidam Græci, quum reditum in patriam simulassent, dolose tanquam donum vel ἀνάθημα Minervæ reliquisse dicuntur, nota sunt omnia ex Virg. Æn. II; cf.

Quint. Cal. XII, 66 seqq. — *male feriatos*, stulte et inauspicato dies festos de Græcorum discessu celebrantes; cf. Virg. Æn. II, 248 seqq. — *lætam choreis*, indulgentem choreis. Suavior hæc ad animum imago, quam si Priami aulam somno vinoque sepultam exhibuisset poeta. Ed. — *Falleret... ureret* pro: fefellisset, nasisset; ut supr. III, 14, 27, *ferrem* pro: tulissem; ut sæpe alibi.

17. *Sed palam*, sed aperte urbem expugnasset, per oppositionem *equo sacra mentito*. Pro *captis* Cl. Buttmannus in Miscell. vol. II, lib. I, p. 48, tentat: *captor*; sed quum sensus nostræ lectionis eodem redeat, equidem vocem idonea auctoritate destitutam Horatio obtrudere nolim. — *grav.* atrox, timendus, βαρὺς. — *Nesc. fari puer.* infantes, τέκνα νήπια. — *etiam lat. Matris in alvo*, ejusmodi minas jactat Agamemnon apud Hom. Iliad. VI, 37: « τῶν μὴ τις ὑπευφύγοι αἰπὴν ὀλοῦν, Χεῖρας δ' ἡμετέρας μηδ' ὄντινα γαστέρι μήτηρ Κεῖρον ἰόντα φέροι. »

Ni, tuis victus Venerisque gratæ
Vocibus, Divum Pater adnuisset
Rebus Æneæ potiore ductos
Alite muros.

Doctor argutæ fidicen Thalīæ,
Phœbe, qui Xantho lavis amne crines,
Dauniæ defende decus Camenæ,
Levis Agyieū.

25

24. *Ni, tuis victus*, etc. nisi Achilles occisus fuisset. Pro hoc, suavissima ad Romani imperii origines, quæ Achillem ante Trojæ eversionem tollendum suaderent, conversione facta: nisi Divum Pater non omnino delendos Teucros statuisset; novam iis in Latio urbem condendam concessisset; quæ caput orbis terrarum futura esset. Condendæ autem Romæ gratia Achillis letum a Jove postulassee Venerem et Apollinem, consensisse eadem de causa Jovem, hoc augendæ Romani imperii dignitati summopere accommodatum. Ed.—*gratæ*, amabilis, dulcis. — *Rebus Æneæ*, pro simplice: Æneæ; vox res, ubi singulorum hominum periphrasi inservit, notionem sortis et status, in quo vel sunt, vel qui eos manet, simul complectitur. — *potiore ductos Alite muros*, urbem melioribus auspiciis exstruendam; *muros ducere*, ut apud Virg. I, 423, pro: exstruere, educere.

25. Jam ipsas preces, quas ad Apollinem in hoc carmine facturus est poeta, subjicit. Iterum igitur Apollinem appellat, sed nunc magis in rem suam, ut talem, qualem jam experiri volebat, h. e. ut poetarum patronum

et Musarum præsidem. — *Doctor argutæ*, etc. Tu, qui docuisti Thaliā h. e. poeseos lyricæ Musam, vel generaliter omnem Musam; *argutæ*, apprime et canora voce canentis. Sic supr. III, 24, 21: « Dic et argutæ properet Nææræ. » Nonnulli volunt *argivæ Thalīæ*, per oppositionem *Dauniæ* camenæ. Ed.—*qui Xantho lavis amne crines*, qui sedem tuam habes in Lycia, et ibi in fluvio Xantho crines lavare soles. Designatur *Apollo Patareus*, de quo vid. supr. ad III, 4, 64, ubi paulo ante v. 61, pariter de Apolline: « Qui rore puro Castaliæ Crines solutos. » — *Dauniæ defende decus Camenæ*, fac, ut ego in carmine Sæculari canendo lyrici poetæ gloriam et honorem inter Romanos quoque tuear. — *Levis*, imberbis, ad æternam Phœbi juventam designandam. Callimach. Hymn. Apoll. v. 36, 37, « Καὶ κεν αἰὶ καλὸς καὶ αἰὶ νέος; ὅπως Φοῖβου Θηλείας, εὐδ' ἔσσον, ἐπὶ χνός ἤλθῃ παρειαῖς. » — *Agyieū*, sic appellabatur Apollo a cultu, quem Athenienses ei, ut deo patrio, sacellis per vias, ἀγυιάς, et ante ædium fores positos, præstabant; vide, quem *Boetigerus* laudavit, *Stanleium* ad *Æs-*

Spiritum Phœbus mihi, Phœbus artem

Carminis, nomenque dedit poetæ.

30

Virginum primæ, puerique claris

Patribus orti,

Deliaæ tutela Deæ, fugaces

Lyncas et cervos cohibentis arcu,

Lesbium servate pedem, meique

35

Pollicis ictum;

Rite Latonæ puerum capentes,

Rite crescentem face Noctilucam,

chyl. Agam. 1090. Cumulat autem poeta Apollinis cognomina, ut fieri in Hymnis solet.

30. *Spiritum Phœbus mihi*, etc. sequentia poeta, jam preces suas a Deo exauditas esse sentiens, pronuntiat; hic enim quasi immisum jam a Phœbo spiritum accipit hymnumque incepturus est. Nota cum vi bis repetitum h. v. *Phœbus*. Ed.—*Spiritum*, canendi facultatem et impetum.—*artem Carminis*, carminis ad lyrae modos concinnandi scientiam et rationem.—*nomen*, famam poetæ, quæ poetico spiritu et arte carminis paratur. Ed.—*Virg. primæ, puer. etc.* Asserta jam carminum suorum divinitate, poeta ad chorum puellarum puerorumque se convertit, quos, ut modos carminis, ad quod publice in ludis Sæcularibus decantandum e nobilissimis gentibus electi fuerant, se præcinentem audiant, jam præsto adesse fingit; χορὸν διδασκαλῶν igitur nunc partes agit, et, quæ choro præcipue observanda sint, præcipit.

33. *Deliaæ tutela Deæ*, vos, qui estis pueri puellæque, quos Diana

Sospita tutela sua fovet atque custodit.

Ad rem Catull. XXXIV, init. « Dianæ sumus in fide Puellæ, et pueri integri. » Nota h. v. *tutela* passive acceptum; alias plerumque in activo sensu: « O tutela præsens Italiæ dominæque Romæ. » Infr. Od. XIV, 43. Ed.—*cohibentis*, facientis ne amplius fugiant, h. e. figentis et prosternentis. Eodem plane modo apud Livium I, 4, « feras subsistere, » h. e. facere ut subsistant, pro: figere dicitur.—*Lesbium servate pedem*, ad carminis Sapphici numeros bene exprimendos attendite; est enim carmen Sæculare Sapphiciis numeris compositum.—*meique pollicis ictum*, et ad modos, quos ego vobis ad lyram pollice meo pulsaam præeo.

37. *Rite Latonæ puer. can. Rite crescent. face Noctiluc.* in Apollinis enim et Dianæ laudibus versatur maxime carminis Sæcularis argumentum.—*Rite*, religiose.—*crescentem face*, h. e. lumine; hinc *Diana Lucifera* facem in manu tenens exhibetur in vet. monumentis; hoc ad auctus lunæ referendum.—*Noctilucam*, hoc proprium *Dianæ Palatinæ* cognomen

Prosperam frugum, celeremque pronos

Volvere menses.

40

Nupta jam dices : ego Dīs amicum,

Sæculo festas referente luces,

Reddidi carmen, docilis modorum

Vatis Horatī.

Tuisse videtur; laudant in hanc rem Varron. L. L. IV, 90: « Luna dicta Noctiluca in Palatio; nam illi noctu lucet templum. » Græcis quoque *Luna* sive *Diana Lucifera* dicitur: Νυκτιφαις, Νυκτιδαμπίς. — *Prosperam frugum*, quod attinet ad fruges, h. e. agros frugum fertilitate prosperantem, φερτάραρον. Vide Catullum, carmen XXXIV, 19, de Diana loquentem: « Rustica agricolæ bonis Tecta frugibus explēs. » — *celeremque pronos Volvere menses*, græce, pro: celerem in volvendis mensibus; ut supr. I, 16, 18, « et celerem sequi Ajacem; » III, 12, 12, « celer excipere aprum. » —

pronos, pronō adeoque præcipiti cursu labentes.

41. *Nupta jam dices*, etc. Quod addit Horatius, puellas, si quando conjuges et matres futuræ sint, de honore illo, quo olim in ludis Sæcularibus carmen Horatianum publice decantaverint, jucundissima animi recordatione narraturas esse; id iisdem, ut partes suas nunc bene explerent, haud exiguum incitamentum esse debuit. — *Reddidi carmen*, apposite pro: decantavi; χοροῦ διδάσκαλος enim choro carmen, dum illud docet, tradit, chorus autem carmen, dum illud canit, reddit.

ANALYSIS. Carmini Sæculari, quod ludis Sæcularibus instantibus Augusti auctoritate canere jussus fuerat Horatius, suaviter hoc carmine præfedit. Ostensurus nempe, se canendo illi gravioris argumenti carmini imparem plane esse, nisi divino Apollinis agitetur numine, hoc Hymno præmisso Dei illius favorem sibi conciliare studet. Ad Hymnorum igitur morem et indolem versatur in celebrandis Apollinis laudibus, ab ea præcipue potentia, cui Achilles, Græcorum fortissimus, succumbere debuerit, petit; ita quidem, ut ab hac ipsa Phœbi potentia fundati imperii Romani causam, adeoque hanc ipsam, qua nunc Romanis ludos Sæculares celebrare liceat, fortunam repetat. Nisi enim Achilles, vult dicere, Apollinis sagittis confossus fuisset, totam ille gentem Trojanam extirpaturus, nec Æneas, qui novum imperium in Italia conderet, superstes futurus fuisset. His Dei laudibus et de gente Romana meritis opportune ad ejus benevolentiam captandam expositis, precibusque, ut ille dexter atque propitius sibi carmen Sæculare cantaturo adspirare velit, adjectis, ecce poeta jam quati sua pectora divino numine sentit, ad canen-

dum se parat, lyram capit, et, Chorodidascali persona indutus, puerorum puellarumque adstantium chorum diligenter ad Sapphici carminis modos, tam voce quam gestu scite exprimendos, animum advertere jubet. — Tum religioso, ut ita dicam incessu gravitateque concinna ubique sententias procedere videas, masculo orationis vigore probe corroboratas. Ed.

CARMEN VII.

AD TORQUATUM.

Admonet eum de vitæ brevitate; hortaturque, ut eam hilariter transigat.

DIFFUGERE nives: redeunt jam gramina campis,

Arboribusque comæ:

Mutat terra vices: et decrescentia ripas

Flumina prætereunt:

Gratia cum Nymphis geminisque Sororibus audet

; Ducere nuda choros.

6

1. *Mutat terra vices*, pro vulgari: terra mutatur anni vicissitudine, h. e. terra, dum ver pro anni vicissitudine redit, formam hiemalem cum verna mutat. Supr. carm. lib. I, 4, 1: « Solvitur acris hiems grata vice veris. » — *decrescentia ripas Flumina præter*. flumina, quæ nivibus liquefactis in tantam altitudinem excreverant, ut supra ripas effunderentur, jam decrescant, et intra justas, ut ante, ripas fluunt. Flumen intra alveum suum se continens *ripas præterire*, pro: ripas præterlabi, vel inter utramque ripam quiete labi, dicitur. — De adultiore vere hæc intelligenda res ipsa clamat; veris

enim initio, quum primum nives solvi incipiunt, magnopere flumina turgescunt, nedum decrescant. Miro autem omnia in h. l. adultum jam ver indicant, scilicet *diffugere nives, redeunt gramina*, etc. Alii de veris ingressu cogitantes totius loci faciem pervertunt, dum exponunt flumina, exigua antea, nunc nivibus aucta, ripas præterire, evagari; quem sensum omnino repellit epith. *decrescentia*. Ed. — *Gratia cum Nymphis* etc. supr. c. l. v. 6: « Junctæque Nymphis Gratia decentes Alternò terram quatiant pede. » Verni temporis amenitatem suavisimo Gratiarum cum Nymphis saltan-

Immortalia ne speres, monet Annus, et alium

Quæ rapit Hora diem.

Frigora mitescunt Zephyris: Ver proterit Ætas

Interitura, simul

10

Pomifer Auctumnus fruges effuderit: et mox

Bruma recurrit iners.

Damna tamen celeres reparant cælestia lunæ;

Nos, ubi decidimus,

tium phantasmate explicat poeta, quo mirifice veris descriptio animatur. Ed. — *nuda*, supr. III, 19; 17, « Gratia, nudis juncta sororibus, » ubi vid. not.

7. *Immortalia ne speres, monet Annus*, etc. Sensus: Veris igitur redditus, sive nova anni vicissitudo, et Hora, quæ, quam tulit anni vicissitudinem, eandem celeriter aufert, de celeri vitæ cursu, adeoque de morte tua te ita monere debent, ut prudenter fruaris, quibus nunc tibi frui licet. —

Immortalia ne speres. Cl. Mitsch. inter alia comparat Incerti Epigr. DCLV, in Anth. Græc. t. IV, p. 256.

— *Hora*, Dea, cui anni vicissitudines moderandi partes datæ sunt. — *rapit*, nota h. v. cum summa vi velocitatem temporis omnia auferentis designans. Ed. — *Frigora mitesc. Zephyris*, etc. quatuor anni vicissitudines celeriter invicem se excipiunt; annus celeriter circumagitur, pro tenui: vitæ nostræ cursus est celerrimus; expendant tirones verborum ornatum, et delectissimam in *succedendi* exprimenda notione varietatem. — *Frigora mitesc.* frigus hiemale solvitur flatu Zephyri. Sic supr. I, 4, 4: « solvitur acris hiems, grata vice Veris et Favoni. » Ed. — *proterit*, graviter, et quo caloris vehe-

mentia egregie adumbratur pro: pellit, excipit; *proterere aliquem* significanter dicitur is, cui cedere omnino alter debet. Salei. Bass. ad Pis. 138: « ver fugit Æstates; Æstatum terga lacescit Pomifer Auctumnus, nebulis cessurus et undis. » Ovid. Met. X, 164: « repellit Ver hiemem, Piscique Arias succedit aquoso. » Ed. — *Interit. simul*, etc. quæ ipsa quoque e terris statim excessura est, simul ac Auctumnus *fruges effuderit*, vel, ut infr. Epod. 2, 17, dicitur: « decorum mitibus pomis caput arvis extulerit, » pro vulgari: venerit, redierit; *effuderit*, sc. e cornu pleno, quod Auctumno pariter ac Copiæ supr. I, 17, 16, et infr. Carm. Sæc. 60, tribuitur. — *Bruma iners*, ubi et terra quiescit, et opus rusticum friget. Ovid. Pont. I, 2, 26: « Et quod *iners* hiemi continuatur hiems; » hinc χεῖρα ὄσπρον apud Bion. VI, 3. In sententiam hujus loci Boettig. laudat Senec. Epist. 24, sub fin. « In orbem nexa sunt universa. Fugiant ac sequuntur... Ætas in Autumnum desinit. Autumno hiems instat, quæ vere compescitur. Omnia transeunt, et revertuntur. »

13. *Damna tamen celeres*, etc. anni quidem tempora, quæ nunc inte-

Quo pius Æneas, quo dives Tullus et Ancus,
Pulvis et umbra sumus.

15

Quis scit, an adjiciant hodiernæ crastina summæ
Tempora Dî superi?

rire videmus, exactis certis mensibus redeunt; at nos, ubi semel ad Orcum descendimus, nunquam in vitam restitui-
mur. Simillime Catull. V, 5: « Soles occidere et redire possunt: Nobis, quum semel occidit brevis lux, Nox est perpetua una dormienda. » — *Damna tamen reparant*, etc. Multi doctissimi interp. cum Lambino ita explicant: celer mensiam decursus restituit *damna cælestia*, anni tempora, quæ secundum siderum in cælo cursum decesserant. Quum autem hæc explicatio et longe quæsitæ esse et nimis indigere commentariis mihi videatur, alium sensum cum Juvencio præstulerim, minori quidem interp. auctoritate fretum, sed qui et simplicior et cuilibet h. l. remota omni subtilitate, legenti ultro ac perspicue obvi- sit, scilicet: tamen luna, quæ celeriter menses evolvit, cito reparat damnum luminis sui cælestis, quod patitur, quum decre-
scit; brevi enim fit plena, et sic novos menses semper perficiendo novas tempestates reducit. Cui sententiæ sensus apprimè accommodari hujus loci verba docent et nostrum sensum confirmant nonnulli post Horatium poetæ. Ovid. Met. I, 44: « nec nova crescendo reparabat cornua Phœbe. » Manil. Astron. II, 98: « et quum *damna* tuas imitantur, Delia, vires. » Sidon. XV, 41: « quid menstrua lunæ Incrementa parent, totidem cur *damna* sequantur. » Ed. — *ubi decid.* quo, etc. ubi semel delati sumus eo,

quo, etc. pro vulgari: ubi semel mortui sumus. — *pius Æneas, div. Tull. et Ancus*, infr. Epist. I, 6, 27: « Ire tamen restat, Numa quo devenit et Ancus; » scilicet ut ostendat, nullum omnino a fatali moriendi necessitate liberum esse, nomina quædam apud Romanos celebratissima ponit, docetque Æneæ et regum exemplo nec pietatem nec divitias adversus mortem prodesse; uti fere supr. I, 28, 7, *Archytas* in hanc rem *Tantalum*, *Tithonum*, *Minoa*, et *Pythagoram* laudat. — *Tullus et Ancus* dicuntur *divites*, ut reges, quorum felicitas in divitiarum possessione simul poni solet. De his autem regibus Liv. I, 31: « in magna gloria magnisque opibus regnum Tulli ac totam rem Romanam fuisse; » et c. 33: « non urbem tantum rege Ancus crevisse, sed etiam agrum finesque. » Obversatus autem Horatio haud dubie est Lucretius III, 1038: « Lumina sic oculis etiam bonus Ancus reliquit, Qui melior multis quam tu, fuit, improbe, rebus: Inde alii multi reges, rerumque potentes Occiderunt, magnis qui gentibus imperitarunt. » — *Pulvis et umbra sumus*, notissimum est illud Anacreontis (IV, 9) ὀλέγη κόνις καὶ σῆμα. Ovid. Met. VIII, 496: « Vos cinis exiguus gelidæque jacebitis umbræ. » Plura in hanc sententiam vid. apud *Mitsch*.

17. *Quis scit*, etc. Jam multo vividius ad hilariter vivendum Torquatum hortatur poeta, et quasi acris

Cuncta manus avidas fugient hæredis, amico

Quæ dederis animo.

20

Quum semel occideris, et de te splendida Minos

Fecerit arbitria;

Non, Torquate, genus, non te facundia, non te

Restituet pietas:

Infernis neque enim tenebris Diana pudicum

25

Liberat Hippolytum;

urget, ut præsentī tempore fruatur, quum non solum mortem ineluctabilem esse, sed et nos citissime, hodie forsitan oppressuram esse doceat. Ep.—*crastina tempora*, diem crastinum, *hodiernæ, summæ*, dierum, quos hodie exegimus, numero; *vitiæ summa brevis* supr. I, 4, 18; Anas. XV, 9 seqq. «Τὸ σήμερον μέλαι μοι, τὸ δ' αὔριον τίς οἶδεν;» Cl. Mûsch. in hanc sententiam laudat Pallad. XXIX, 1; Anthol. Græc. t. III, p. 121; Theocr. XVI, 24; Callimach. Ep. XV, 1.—*Cuncta manus avidas fug. hæredis, amico Quæ ded. animo*. Hodie igitur vita tua frui; hæredi enim tolles ea omnia, in quibus percipiendis ipse animo tuo morem gesseris; cf. supr. II, 3, 20; II, 14, 28.—*amico Quæ dederis animo. Animo aliquid dare* (ψυχῇ τι δῶναι, χαρίζεσθαι) in rei cuiusdam fructu sibi indulgere, destinare sibi aliquid percipiendum; *amico*, græce, φίλῳ, pro vulgari: tuo. Senec. Ep. 68: «Sibi et suo genio præstare» ubi notat Ganeones ita loqui. In sententiam totius loci facit inprimis Epigramma Incerti LXXXI, in Anth. Græc. t. IV, p. 134, quod totum in tironum gratiam apponere juvat: «Πῶς καὶ εὐφραίνω. Τί γὰρ αὔριον, ἢ τί τὸ μέλλον; Οὐδεὶς γινώσκει. Μὴ τρέχει,

μὴ κοπία. ὣς δύνασαι, χάρισαι, μεταδός, φάγε, θνητὰ λογίζου. Τὸ ζῆν τοῦ μὴ ζῆν οὐδὲν διακρίνει. Πᾶς ὁ βίος τοιόσδε, ῥοπή μόνον· ἂν προλάβῃς, σοῦ· ἂν δὲ θάνῃς, ἐτέρου πάντα, σὺ δ' οὐδὲν ἔχεις.

21. *Quum semel occideris, etc.* Te semel mortuum nihil omnino, ne divina quidem numinis cuiusdam potentia, in vitam revocare potest. — *et de te splend. Minos Fecerit arbitria*, et Minos in splendido iudicium consessu et tribunali suo jus de te dixerit; *arbitria facere*, pro: sententiam in iudicio pronunciare; *splendida* refer ad externum splendorem, quo Minos in tribunali suo sedens iudicium habere fingitur; uti apud Propert. IV, 11, 19 seqq. cf. Virgil. Æn. VI, 452; Hom. Odys. XI, 568.—*genus*, hinc Hor. supr. II, 3, 21: «Divesne, prisco natus ab Inacho, Nil interest.» Cf. II, 14, 11, et II, 18, 34. Repetebat nempe *Torquatus* originem suam a *Mantio Torquato*, viro in historia Romana celebratissimo; vid. Liv. VII, 10.—*pietas*: «Non, ut supr. Nost. II, 14, 5, dicit, si trecentis, quotquot eunt dies, Amice, places illacrimabilem Plutona tauris.»

25. *Infernis neque enim tenebris Diana pudicum Liberat Hippolytum;*

Nec Lethæa valet Theseus abrumpere caro
Vincula Pirithoo.

nam ne ipsa Diana quidem pudicum Hippolytum in vitam revocare potuit. De *Hippolyto*, Thesei, Atheniensium regis, filio, frustra a noverca Phædra ad incestum amorem plectto, vid. Hygin. Fab. XLVII, et ibi *Interpret.* Devotus nempe Hippolytus a patre, apud quem falso a Phædra intentati stupri insimulatus fuerat, quum ad litus maris currum ageret, equis subito marini monstri incursu consternatis, raptatus ac discerptus esse dicitur. Sequitur autem Horatius vetustiorum narrationem eorum, qui Dianam dilecti sibi pueri mortem luxisse quidem, sed nequiquam, quod recentiorum commentum est, ex inferis eum reduxisse, vel ab Æsculapio resuscitatum sub Virbii nomine in nemore Aricino abscondidisse tradunt.—*pudicum*, hinc apud Propert. IV, 8, 8, de Iena aliqua: « Docta vel Hippolytum Veneri mollire negantem. »—*Nec*

Lethæa valet These. etc. Nec Theseus amicum suum Pirithoom a vinculis, quibus a Plutone saxis alligatus in Orco cohibetur, liberare valet. De *Pirithoo* cf. supr. ad III, 4, 80. Vulgo quidem Theseus una cum Pirithoo, quocum ad Proserpinam rapiendam descenderit in Orcum, a Plutone ibi retentus esse traditur; sed fuerunt quoque haud dubie, quos Hor. secutus est, alii, qui Theseum non statim cum Pirithoo, sed serius ad illum ex Orco liberandum eo descendisse, et tum demum a Plutone ibi vinculis constrictum esse fingerent. Nam quod alii putant, cogitandum nunc de eo tempore esse, quo jam Theseus ab Hercule ex Orco reductus fuerit, id rei, de qua sermo est, parum accommodatum est. Poeta enim, nullum omnino ex Orco reduci posse, nunc probare vult.—Vid. Hom. Od. A, 650; et Virgil. Æn. VI, 601 et 617. Ed.

ANALYSIS. Est hoc carmen carmini quarto libri primi simillimum. In utroque enim carmine poeta amicos suos, in hoc quidem *Torquatum*, in illo *Sextium*, dum veris redditum iis ante oculos ponit, ad vitæ brevitatem et moriendi necessitatem animum advertere, et hinc sapienter, dum licet, vitæ bonis et jucunditate perfrui jubet.—Qui diligentem hujus carminis cum Nostri I, 4 comparisonem instituere volet, facillimo ipsi constabit negotio, proprias utrique, quamquam in eodem argumento occupato, inesse dotes lyricas, fecundumque ac sententiarum variatarum exornatarumque copia instructissimum jure habebit, quod in poeta suspiciat ingenium. Alterius enim quum incessus paulo lætior sit atque hilarior, phantasmatum vigore mire adjutus, huic quidem poeta gravitatem quamdam admiscuit, quo penitus sensuum, quos illud explicat, vis ac veritas in legentium animos descenderet. Ed.—Ceterum in sententiam hujus carminis vid. supr. *Anal.* ad II, 9 et 14, cf. quoque de

veris descriptione infra carmen duodecimum. — Per *Torquatum* haud dubie intelligendus est idem, ad quem infra Epistola quinta libri primi scripta est, nempe *L. Manlius Torquatus*, Consulis, sub quo Horatius natus est, nepos.

CARMEN VIII.

AD CENSORINUM

Se nihil habere quod in munus amico mittat, nisi carmina; cujus muneris pretium declarat.

DONAREM pateras, grataque commodus,
 Censorine, meis æra sodalibus;
 Donarem tripodas, præmia fortium
 Graiorum; neque tu pessima munerum

1. *Pateras, æra, tripodas*, quum Romani tam temporis reriorum et antiquiorum vasorum et artis operum essent appetentissimi, et in eorum possessione magnificentiae partem ponerent; *pateræ* autem, *æra* et *tripodes* disertis verbis *præmia fortium Graiorum* a Nostro appellantur; non dubitari potest, quin ea ipsa, quæ olim in Græcorum ludis gymnics victoribus data fuerunt, aut etiam magnis ducibus, intelligenda sint; sic Plaut. Amph. I, 1, 104: « post ob virtutem hero Amphitruoni patera donata aurea 'st, qui Pterela potitare rex solitus 'st. » Per *pateras* igitur intelligo capaciora pocula, vel phialas, quas ad victorum præmia sive *βραβεία* pertinuisse vel ex Homero disci potest, Iliad. XXIII,

270; cf. Pind. Od. IX, 137; Nem. X, 81. — Per *æra* lebetes, vid. Hom. libr. laud. v. 259, et infr. Sat. III, lib. II: « quo vaser ille pedes lavisset Sisyphus *ære*. » — *grata*, aut jucunda et expetita, vel potius gratum animum testantia. — *tripodas*, varia supellectilis et vasorum tribus pedibus innitentium genera, quæ athletic in victoriæ præmium data fuisse testatur Hom. Iliad. XIX, 264, et Virgil. Æneid. V, 410: « in medio sacri tripodes, viridesque coronæ, Et palmæ, pretium victoribus. » — *commodus*, alii jungunt cum seqq. *meis sodalibus*, sc. benevolus et officiosus erga sodales; jungere autem cum v. *donarem* maluerim, sc. libenter donarem, eodem fere sensu, exquisitiore tamen,

Ferres, divite me scilicet artium, 5
 Quas aut Parrhasius protulit, aut Scopas,
 Hic saxo, liquidis ille coloribus
 Sollers nunc hominem ponere, nunc Deum.
 Sed non hæc mihi vis : nec tibi talium
 Res est aut animus deliciarum egeus. 10
 Gaudes carminibus ; carmina possumus .
 Donare, et pretium dicere muneri.
 Non incisa notis marmora publicis,

ut mihi videtur, loquendi ratione. Ex.
 — *neque ta pessima ferres*, neque ta
 ultima, sed optima et rarissima acci-
 peres. — *divite me scilicet artium*,
 h. e. si mihi suppetere artis opera,
 celeberrimorum nempe artificum pi-
 ctæ tabulæ et status ; *artes pro artis*
operibus passim, ut infr. Epist. I, 6,
 17 ; Virgil. *Æn.* V, 389. — *Parrha-*
sius, Ephesius, Zeuxis in arte picto-
 ria æmulus. — *protulit*, ejus ingenium
 extodit ; exquisitissimum verbum tan-
 quam inventor artis, quam perfecisset.
 Eodem sensus apud Tibull. I, 10, 1 :
 « quis fuit horrendos qui primas protu-
 lit enses ? » Ex. — *Scopas*, nobilis sta-
 tuarius ; de utroque vid. *Junii Catal.*
de Parrhasio quidem p. 141, de *Scopa*
 p. 198. — *Sollers ponere hominem*,
 græce pro in ponendo homine, vel
 hominem ponendi ; *ponere* (ut Græcis
τορῶναι) passim de pictoribus ; Ovid.
Art. Am. III, 401 : « Si Venerem
 Cous nunquam *posuisset* Apelles ; » et
 infr. *Art. Poet.* 34 : « infelix operis
 summa, quia ponere totum Nesciet. »
 Cf. *Burmamn.* ad Ovid. *Met.* X, 816.

9. *Sed non hæc mihi vis*, sed penes
 me ejusmodi rariorum artis operum

non est copia, sive : at ego in eandem
 beatiorum illorum, qui illa possident,
 non venio. — *nec res tibi est egeus*
talium deliciarum, nec pro beatiore,
 qua gaudes, teram conditione cares
 ejusmodi deliciis. — *aut animus egeus*
tal. delic. nec appetens es ejusmodi
 deliciarum ; *delicias*, de rebus pre-
 tiosis et raris, in quarum possessione
 mirifice aliquis sibi placet. — *Gaudes*
carminibus, ad animi tui delicias re-
 fers potius carmina. — *pretium dicere*
muneri, muneri, nempe carmini pre-
 tium, quod habeat, constituere, h. e.
 carmen, quod tibi mitto, de pretio suo
 commendare. Quantum pretii autem
 tribuendum sit carminibus, sequen-
 tibus declarat.

13. Carminibus scilicet æterna ma-
 gnerum virorum virtutibus apud po-
 steros paratur gloria ; sola scilicet
 immortalitatem nominis præstant et
 perenniora sunt rerum gestarum mo-
 numenta, quam reliqua, quibus vir-
 tutis famam ad posteros propagare
 homines annitantur, utpote quæ tem-
 poris injuriis obnoxia sint et angusta
 terrarum parte contineantur. Rem
 statim Africani majoris exemplo illa-

Per quæ spiritus et vita redit bonis
 Post mortem ducibus; non celeres fugæ
 Rejectæque retrorsum Hannibalis minæ,
 Non incendia Carthaginis impiæ,

15

stratam subicit, quo clarius ejus veritas elucesceret. En.—Scipionis enim gloriam non signa marmorea, quibus rerum ab eo gestarum summa incisa sit, (quippe quæ externam tantum defunctorum ducum speciem referunt), non incisis titulus: « Hannibalem per Scipionem celerrime ex Italia fugere coactum esse, » non incisa laus: « Perfidam Carthaginem per Publium Scipionem ferro et igne vastatam esse, » magis, quam Ennii carmina celebrant! — *incisa notis*, pro vulgari: quibus notæ (h. e. tituli), incisæ sunt. Ad eandem loquendi formam Livius VI, 29, « tabulam literis incisam » dixit. — *publicis*, refer ad statuas publice, h. e. in publico loco, extractas. Destatuis Scipioni post ejus mortem positis, v. Liv. XXXVIII, 56. — *Per quæ spiritus et vita redit bonis* *Post mort. ducibus*, nam per signa externa tantum mortuorum species et vultus exprimitur; hinc infr. Epist. II, 1, 248: « Nec magis expressi vultus per athenæa signa, Quam per vatis opus mores animique viro- rum Clarorum apparent. » Hinc Cicero quoque in Catil. III, cap. 11 de statuis: « nihil mutum me potest delectare, nihil tacitum, nihil denique hujusmodi, quod etiam minus digni assequi possunt. » — *non celeres fugæ* *Reject. retrors. Hannib. minæ*, non laus egregii illius facti, quo Scipio, exercitu in Africam trajecto, Hanni-

balem ad celerem ex Italia in patriam reditum compulsi; vid. Liv. XXX, 20; Flor. II, 6, 57. — *Reject. retrors. Hannib. minæ*, post celerem nempe Hannibalis ex Italia fugam ejus minæ, quas de Romæ excidio jecerat, retrorsum in ipsius caput rejectæ sunt; non solum enim a Scipione ad Zamam victus est, sed Carthago adeo post illam victoriam Romanis stipendiaria facta est. — *Non incendia*, etc. plurimum hic laboraverunt interpretes. Quum enim non Africanus major, sed P. Scipio Africanus minor diu post prioris mortem Carthaginem demum deleverit, ut constat, nec in re tam nota errasse potuisse Horatius videretur, quam nunc etiam pueri deceanes sciunt, *Bentleius* hunc versum ab aliena manu importatum et omnino ejiciendum credidit; recentiores vero interpretes ut suspectam, vel uncis includere, vel asterisco notare. Denique doctissimus Horatii commentator *Doeringius* pro *incendia*, *stipendia* legi voluit, quum re vera Africanus major vectigal Carthagini imposuerit; vid. Liv. XXXVIII, 53. Quam emendationem satis ingeniosam et latinæ linguæ rationi non repugnantem dixerim. Stipendium enim, licet plerumque illud quod militibus pendebatur significet, sæpe etiam de vectigali, quod victor victis imponit, dicitur. Jul. Cæs. I, 36: « *Æduos* sibi... stipendiarios esse factos... si in eo ma-

Ejus, qui domita nomen ab Africa
 Lucratus rediit, clarius indicant
 Laudes, quam Calabræ Pierides : neque, 20
 Si Chartæ sileant, quod bene feceris,
 Mercedem tuleris. Quid foret Iliæ
 Mavortisque puer, si taciturnitas
 Obstaret meritis invida Romuli?
 Ereptum Stygiis fluctibus Æacum 25

nerent quod convenisset, stipendium-que quotannis penderent; » et c. 44 : « stipendium capere jure belli, quod victores victis imponere consuerint. » Ennius etiam apud Varr. de L.L. IV, sub fine : « Pœni stipendia pendunt. » Qui autem hanc emendationem duriorē, et retinendum tamen verbum 47 judicabunt; per h. v. *incendia* non Carthaginis universæ incendium et exitum fatalem intelligent, sed tantummodo magnas illas Carthaginis opes flammis suppressas, inter quæ bina castra Syphacis et Hasdrubalis a Scipione incensa (Liv. XXX, 5) crematasque Carthaginensium quingentas naves (Liv. XXX, 43). H. voc. enim *incendia* pro plurium rerum conflagratione usurpatum fuisse testantur hæc Virg. *Æn.* lib. II : « Sinon incendia miscet... dant clara incendia lucem.... propiusque æstus incendia volvunt » in quibus separatim, non de universo excidio agitur. Ed. — *qui domita ab Africa*, qui ab Africa perdomita honorifico *Africani* nomine ornatus rediit; *domita Afric.* hinc apud Liv. XXXVIII, 53, « domitor Africæ » vocatur. — *Calabræ Pierides*, carmina Ennii, Rudiis in Calabria nati; ob id ipsam autem, quod

ille tam egregius Scipionis laudum præco exstitit, ejus statua juxta duas Scipionum statuas Romæ extra portam Capenam posita esse dicitur; Liv. LVIII, 56. Hinc Ovidius *Art. Am.* III, 409 : « Ennius emeruit, Calabris in montibus ortus, Contiguus poni, Scipio magne, tibi. » — *Si chartæ sileant*, Cic. pro Arch. P. 10 : « Nisi Iliæ illa exstisset, idem tumultus, qui corpus ejus (Achillis) contexerat, nomen etiam obruisset. » Cui non etiam in mentem hic veniunt illa Lucani IX, 980 : « O sacer, et magnus vatum labor! omnia fato Eripis, et populis donas mortalibus ævum. » Ed. — *quod bene fec. Merced. tul.* imitatus est Noster, ut observat Cl. *Müsch.* Pindar. *Od.* X, 109; *Boettig.* comparat Pind. *Nem.* VII, 20.

22. *Quid foret Iliæ Mavortisque puer*, etc. Quæ, quæso, Romuli esset gloria, nisi divinam ejus originem carminibus suis ab oblivione vindicasset Ennius? Ennium enim in *Annalium* libro primo furta Martis cum Rhea Silvia, sive Iliæ, Romuli et Remi matre, enarrasse, quum ex Ennii *Fragm. Annal.* lib. I, p. 123, 124, edit. *Hessel.* tum ex loco *Ovid. Trist.* II, 259, satis apparet. Horatio observatum esse

Virtus, et favor, et lingua potentium
 Vatum divitibus consecrat insulis.
 Dignum laude virum Musa vetat mori :
 Cælo Musa beat. Sic Jovis interest
 Optatis epulis impiger Hercules :
 Clarum Tyndaridæ sidus ab infimis
 Quassas eripiunt æquoribus rates :
 Ornatus viridi tempora pampino
 Liber vota bonos ducit ad exitus.

30

Pindar. Pyth. III, 198, notavit *Müsch.* — *Ereptum Stygiis fluct. Æac.* etc. quod Æacus non solum *Stygiis fluctibus* (h. e. oblivioni vel morti, cf. supr. IV, 2, 24, et III, 3, 16) ereptus est, sed etiam in campis Elysiis collocatus iudicis honore ibi fruitur, id magnorum poetarum ingenio, favori et eorum carminibus debet; breviter: per poetas quoque immortalitatem nactus est Æacus. — *potentium*, ut qui suis carminibus immortalitatem conciliant. — Per *insulas divites* jam intellige *insulas* sive *sedes beatas*, μακάρων νήσους, sub terra, de quibus vid. Virg. *Æn.* VI, 638, et ibi *Heyn.*

29. *Cælo Musa beat*, cæli munere beat, divinos honores largitur, Deum facit. Augustior hæc rei species quam si dixisset Horatius. nos a poetis edoceri, homines inter Deos fuisse receptos. En. Cl. *Müsch.* comparat Aristotelis *Pœan.* v. 20, in *Anthol. Græc.* t. I, p. 144. — *Sic Jovis interest Opt.*

epulis imp. Hercules, hinc inter deos relatus est Hercules; de prisco loquendi genere: *deorum mensæ* vel *epulis adhiberi*, pro: inter deos ut deum versari, vid. supr. ad III, 3, 11. — *Clarum Tyndar. sidus ab inf.* etc. per poetarum carmina Dioscuri in cælo lucent, ut dii σωτήρες, naufragi inprimis pericula avertentes; Theocr. XXII, 17: « Ἄλλ' ἔμπης ὑμῖς τε καὶ ἐκ βυθοῦ ὄκιστε νῆας αὐτοῖσι ναύταισιν διομένους θανάσθαι. » Cf. *Hemsterh.* ad Luc. t. I, p. 285. — *Liber vota bonos ducit ad exitus*, Bacchus, divinitatis honore a poetis mactatus, agriculturalum preces exaudit; præcipua hæc divinitatis notio. Virg. *Ecl.* V, 79, de Daphni inter deos numerando: « ut Baccho Cererique, tibi sic vota quotannis Agricola facient; damnabis tu quoque votis. » De Baccho, deo agresti, cf. supr. ad III, 8, 6. Observent tirones in triplici divinitatis circumscriptione poetæ artem et ingenium.

ANALYSIS. Post accepta quedam a Censorino munera, vel Saturnalibus hoc carmen ei misisse Horatium vix dubites. Ad munera enim, quibus amici invicem se excipere solebant Saturnalibus, pertinebant quoque libri et

carmina, quæ pauperes inprimis divitibus, vel clientes patronis suis obtulisse constat; vid. Lucian. *Chronosolon.* sive *Legislat. Saturnal.* c. 16, p. 398, t. III, cf. Catull. XIV, 15. — Sententia hujus carminis est fere hæc: Equidem lubenter hodie pretiosissima et rarissima quæque donarem meis sodalibus, et tibi, Censorine, præcipue; sed ego talia non posideo, nec tu iis indiges. Carmina tantum, quibus delectaris, tibi donare possum, nec exiguum illa habent pretium! Ennii enim carminibus Scipioni Africano Majori multo loculentior quam marmoreis monumentis et victoriarum ab Hannibale reportatarum titulis parta est nobilitas, nec, nisi carminibus, res præclare gestæ ad posteritatem propagantur. Æternam suam gloriam Romulus quoque et Æacus, immo divinitatem suam Hercules, Dioscuri et Bacchus poetarum debent carminibus. — De pretio poetarum carminibus statuendo cf. inprim. carm. sequ. Pindar. Nem. VIII, 16, seqq. Theocrit. XVI, 29 seqq. Ovid. Pont. IV, 8, 43, seqq. Cic. pro Arch. c. 9 seqq. et passim. — Quod ad *Censorinum*, ad quem hoc carmen scriptum est, attinet, haud dubie intelligendus est C. *Marcus Censorinus*, L. Marci Censorini filius, U. C. DCCXLVI, cum C. Asinio Gallo Consul, qui potius, quam ejus pater, Horatii æqualis fuisse videtur; et hic est, quem *virum demerendis hominibus genium* vocat Vell. II, 102.

CARMEN IX.

AD LOLLIIUM.

Carmina sua non interitura; virtutem autem sine carminum ope oblivione deleri ait; et jam carminum suorum auxilium Lollii virtutibus subministrat.

NE forte credas interitura, quæ
 Longe sonantem natus ad Aufidum
 Non ante vulgatas per artes
 Verba loquor socianda chordis.

1. *Ne forte credas*, etc. noli existimare interitura esse mea carmina. — *Verba loquor soc. chordis*, carmina ad citharam temperata et ac-

Non, si priores Mæonius tenet

5

Sedes Homerus, Pindaricæ latent,

Cæaque, et Alcæi minaces,

Stesichorique graves Camenæ :

commodata, vel ut supr. II, 12, 4, Hor. loquitur, *modis aptata* cano. Nostrum imitatus est Ovid. Met. XI, 5, « Orphea percussis sociantem carmina chordis. » Similiter fere, ut observat *Müsch.* hymnum per σύλογίαν φόρμιγγι συνάρον designat Pindarus Nem. IV, 8. — *Verba*, Pindarica simplicitate de carminibus, ut λόγῳ Pyth. V, 63; ῥήματα Nem. IV, 10. — *Non ante vulg. per artes*, per lyricæ poeseos artem primum a me inter Romanos vulgatam; sive per *fides novas*, ut dixit Hor. supr. I, 26, 10; cf. III, 30, 13, et infr. Epist. I, 19, 27.

5. *Non, si priores Mæonius tenet Sedes Hom. Pindar.* etc. Notus in hanc sententiam est locus Ciceronis Orat. I, « Prima enim sequentem, honestum est in secundis tertiisque consistere. Nam in poetis non Homero soli locus est (ut de Græcis loquar), aut Archilochō, aut Sophoclī, aut Pindaro; sed horum vel secundis, vel infra secundos. » Cl. *Müsch.* comparat Antip. XXIV, 6 seqq. Anth. Gr. t. II, p. 104: « εἰ δ' ὕμνων σιάπτρον Ὀμηρος ἔχει, καὶ Ζεὺς τοι κρείστων ἑνοσίχθονος ἄλλ' ἑνοσίχθων τοῦ μὲν ἔργῳ μίῳ, ἀθανάτων δ' ὑπατός. καὶ ναστήρ Κολοφῶνος ὑπέκτανται μὲν Ὀμήρῳ, ἀγῆται δ' ἄλλων πλάθιος ὁμολῶν. » — *Mæonius*, cf. supr. ad I, 6, 2. — *priores sedes*, primum locum, προσδρίαν. — *latent*, obscu-

ratæ, ingloriæ sunt, nimio Homeri fulgore prægravantur atque obruuntur. Ita Menander « omnibus ejusdem operis auctoribus fulgore quodam sum claritatis tenebras obduxisse » dicitur Quintil. X, 1, § 72. Ep. — *Camenæ*, sc. lyricæ, carmina lyricorum poetarum; ex his suo judicio potiores percenset poeta. Agmen ducit Pindarus, « novem lyricorum longe princeps, spiritus magnificentia, sententiis, figuris, beatissima rerum verborumque copia, et velut eloquentiæ quodam flumine » ut vere de eo Quintil. X, 1, § 61. Ep. — *Cææ Camenæ*, Simonides, cujus « præcipua virtus in commovenda miseratione, ut quidam in hac eum parte omnibus ejusdem operis auctoribus præferant » ut idem Quintil. loc. cit. quod idem judicium habet Dionys. Halic. in Cens. SS. Cf. etiam ad II, 1, 38. — *Alcæi minaces*, respicit Alcæi carmina, iræ et acerbitatis in tyrannos, Myrsilum et Pittacum, a quibus e patria expulsus fuerat, plenissima; cf. supr. ad II, 13, 27. — *Stesichor. graves Camenæ*; magna enim ejus carminibus gravitas et dignitas, μεγαλοπρέπεια, tribuitur. De eo Quintil. X, 1, § 62: « Stesichorum quam sit ingenio validus, materiæ quoque ostendunt, maxima bella et maximos canentem duces et Epici carminis onera lyra sustinentem. Reddit enim personis in agendo simul loquendoque debitam dignitatem; ac, si

Nec, si quid olim ludit Anacreon,

Delevit ætas : spirat adhuc amor,

10

Vivuntque commissi calores

Æoliæ fidibus puellæ.

Non sola comtos arsit adulteri

Crines, et aurum vestibus illitum

tenuisset modum, videtur æmulari proximus Homerum potuisse; sed redundat atque effunditur; quod ut est reprehendendum, ita copię vitium est. » E Stesichori carminibus vix quadraginta versus exstant. Ed.

9. *Anacreon*, celeberrimus inter Eroticos poetas, qui suavissime *luisse* dicitur, quum nonnisi levioris et amatorii argumenti carmina composuerit. Ed.—*spirat adhuc amor*, etc. In Sapphus carminibus adhuc fervent ejus amores, nec tempus exstinxit animi calores, quos illa cum lyra sua communicavit, h. e. ad lyram suam expressit; præclare pro vulgari: Sapphus carmina amatoria, *ἀφωρα*, vigent adhuc et in suo apud posteros manent pretio.—*Vivuntque*, et semper ardent, nunquam exstinguuntur; egregie ad rem; eleganter enim non tantum ignes, semper ardentes, sed carmina quoque, semper durantia, *vivere* dicuntur. Cf. supra ad I, 32, 3. — *commissi fidibus*, lyræ concrediti, tanquam arcanæ curæ pectoris, quas aliis fateri pudor eam prohiberet. Ed.—*Æoliæ puellæ*, non in casu secundo, sed tertio, pro: ab Æolia puella (vide supr. II, 13, 24) accipiendum.

13. Asserta carminibus immortalitate poeta, ad propositum suum ita

NOTA. I.

progreditur, ut ostendat solis carminibus effici, ut rerum egregie gestarum fama baud in obscuro ait et ad posteros pertineat; hocque sole clarius inde perspicitur ait, quod egregia facinora oblitterata oblivionique tradita sint, quibus laudator suus defuerit. Ed.—*Non sola comtos arsit*, etc. non dubitari potest, ait, quin, præter Helenam, plures feminae formosi cujusdam et externo splendore conspicui juvenis amore captæ fuerint; cf. inf. Saf. I, 3, 107. — *arsit comtos crines* *adult.* formosum Paridem deperit.— *Comti crines*, pars pulchritudinis pro: omni pulchritudine; ad pulchritudinis, qua Paris insignis fuit, partem. Homerus quoque Iliad. III, 55, ejus *crines* refert; cf. supr. I, 15, 13. De locutione *ardere aliquem* (Virg. Ecl. II, 1: « Corydon ardebat Alexin »), et *ardere aliquo* vel *aliqua*, pro: ardere ob aliquem vel aliquam, vid. supr. ad II, 4, 7. Alii volunt h. v. *arsit* sensu absoluto sumi, hos autem accusativos *crines*, *aurum*, *cultus*, regi a verbo *mirata*; ad sensum parum refert. Ed.—*aurum vestibus illitum* exquisitius pro: vestes auro illitas, h. e. aureis filis vel bracteis discretas; *aurum vestibus illinere* vel *linere*, Græcis *πλάσσειν, βρέχειν*, dicuntur, qui earum stamini subtemen aureum, fila aurea

Mirata, regalesque cultus

15

Et comites, Helene Lacæna :

Primusve Teucer tela Cydonio

Direxit arcu : non semel Ilios

Vexata : non pugnavit ingens

Idomeneus Sthenelusve solus

20

Dicenda Musis prælia : non ferox

Hector, vel acer Deiphobus graves

vel aureas bracteas intexunt ; vid. *Boettig.* Expressisse autem Noster videtur Euripid. *Troad.* 991 : « Ὀν εἰσιδοῦσα βαρβάρους ἐσθῆμασι χρυσοῦ τε λαμπρὸν, ἐξεμαργῶντος φρένας. » Cf. *Iphig. Aul.* 73, et *Cycl.* 180 seqq. — *regalesque cultus*, regium splendorem, opes Phrygiæ. *Ovid. Heroid.* XVII, 221 : « At fruar Iliacis opibus, cultuque beato. » — *Et comites*, apposite ad rem *Ovid. Heroid.* XIII, 57-60 : « Venerat, ut fama est, multo spectabilis auro, Quique suo Phrygiæ corpore ferret opes ; Classe virisque potens, per quæ fera bella geruntur ; Et sequitur regni pars quotacunque sui. » — *Helene Lacæna* : non hic sine delectu adpositum hoc epith. *Lacæna* ; nam, ut notat *Dacrius*, Helena simplicissimis Spartanorum vestibus, severisque moribus assueta, Paridis regalem cultum et comitatum ultra modum mirari debuit. Unde apud *Ovid.* Paridis ad Helenam *Epist.* 189 : « Parca sed est Sparte : tu cultu divite digna. Ad talem formam non facit iste locus. Hanc faciem largis sine fine paratibus uti, Deliciisque decet luxuriare novis. Quum videas cultum nostra de gente virorum ; Qualem Darlanidas credis habere Nurus? » *Ed.*

17. *Primusve*, nec primus ; *ve* et *vel* post non, pro : nec ; ut in vulgus notum. — *Teucer*, frater *Ajaci* *Telamonii* (cf. supr. ad I, 7, 21), sagittandi inprimis arte inter Græcorum fortissimos excellens. *Hom. Il. XIII*, 313 : « Ὀς ἀριστος Ἀχαιῶν τοξοσύνη. » — *arcu Cydonio*, h. e. Cretico, a *Cydone*, nobili *Cretæ* urbe ; cf. supr. ad I, 15, 17. *Virg. Eclog. X*, 59 : « torquere Cydonia cornu Spicula. » — *non semel Ilios Vexata*, *Trojæ* bis captæ frequentior narratio ; vid. *Interp.* ad *Hygin. f.* 89 ; et *Burm.* ad illa *Propert. III*, 1, 32 : « Troja bis OEtei numine capta dei. » Scilicet antequam a Græcis obsideretur, et ab *Hercule* et ab *Amazonibus* Troja fuerat expugnata ; duæ autem istæ priores obsidiones, quum *Homerum* suum non habuerint, in oblivione fere manserunt. Ad Nostri locum allusit *Ovid. Trist. II*, 317 : « Cur non, Argolicis potius quæ concidit armis, Vexata est iterum carmine Troja meo? » *Ed.* — *Idomeneus*, dux *Cretensium*. — *ingens*, vir fortissimus ; deo cuidam eum æquiparat *Hom. Iliad. III*, 230. — *Sthenelus* ; cf. supr. I, 15, 24. — *Dicenda Musis*, digna quæ a *Musis* celebrentur. — *Deiphobus*, *Priami*

Excepit ictus pro pudicis
 Conjugibus puerisque primus.
 Vixere fortes ante Agamemnona 25
 Multi : sed omnes illacrimabiles
 Urgentur, ignotique longa
 Nocte, carent quia vate sacro.
 Paullum sepultæ distat inertiae
 Celata virtus. Non ego te meis 30
 Chartis inornatum silebo,
 Totve tuos patiar labores

filius, fortitudinis gloria post Hectorem inter Trojanos nobilissimus. — *graves Excepit ictus*, apprime de utriusque morte. Notus enim Hectoris exitus; de Deiphobi autem miserabili morte vid. Virg. *Æneid.* VI, 494-529, Ed. — *pro pudic. Conjug.* non de Hectoris et Deiphobi peculiariter, sed de Trojanorum conjugibus generaliter intelligendum. Scilicet Hectori quidem conjux Andromache casta fuit; Deiphobus autem non aliam nisi post mortuum Parida, Helenam duxit, quæ minime pudica dici potest. Ed.

26. *Sed omnes illacrim. Urgent. ignot. longa Nocte, carent quia vate sacro.* Sed quum poetarum carmina de iis sileant, omnes æterna nocte et oblivione premuntur, nemine eos ut ignotos plane sibi desente. Cl. *Muscharlic.* opportunè comparat Pindar. Nem. VII, 18 seqq. « Ταὶ μεγάλαι γὰρ αἰκαὶ Σώτην πολλὸν ὕμνων ἔχοντι δαίμεναί, » et similiter fere Theocr. XVI, 42 : « Ἄμναστοι δὲ, τὰ πολλὰ καὶ ὀλβία τῆνα λιπόντες, Δαίμοις ἐν νεκίᾳσι μακροὺς αἰῶνας βίαινο. » — *Urgentur*, premuntur; solenne hoc

de spissis tenebris : « Jam te premet nox, » I, 4, 16. Ed. — *ignoti, deleta ipsorum memoria.* — *Paull. sepult. distat inert.* Celata virt. viri enim egregii, quorum memoria, non carminibus celebrata, oblivioni traditur, similiter fere, ut homines inertes, sepulti jacent. Comparant Pind. Nem. IX, 18 : « Τεταλισμένον ἐσλὸν Μὴ χαμαὶ σὺ γὰρ καλύψαι. » — *inertiae*, casus tertius pro : ab inertia, ut infr. Sat. I, 4, 46, de comœdia : « Nisi quod pede certo Differt sermoni, sermo merus »; et Epist. I, 18, 4 : « Infido scurræ distabit amicus. » — *sepultus*, in obscuro latenti, nullo facinore sese proidenti. Proprie homo iners sepulto seu mortuo similis est, quatenus in tenebris vitam desidem agit, nec ullam de se famam post mortem relinquit. Sil. III, 145 : « Quantum etenim distant a morte silentia vitæ? » Ed.

30. *Non ego te meis Chartis inornatum silebo*, etc. non ego laudes tuas in carminibus meis silentio prætermittam, nec committam, ut meritorum tuorum memoriam libere intercipiat invidiosa oblivio. — *Chartis*

Impune, Lolli, carpere lividas

Obliviones. Est animus tibi

Rerumque prudens, et secundis

35

Temporibus dubiisque rectus ;

Vindex avaræ fraudis, et abstinens

Ducentis ad se cuncta pecuniæ ;

Consulque non unius anni ;

Sed quoties bonus atque fidus

40

meis, carminibus meis ; ut carmine præced. v. 31, « neque, si chartæ si-
leant. » — *labores tuos*, res præclare
a te gestas, cogita imprimis de laude
quam ex Galatia, cui U. C. DCCXXIX
proprætor ab Augusto præpositus fuit,
reportavit Lollius. — *Impune*, pul-
chre et significanter pro tenui : libere ;
nam qui virtutes alicujus ab oblivione
vindicat, injuriam quasi, quam facere
volebat Oblivio, punit et ulciscitur.
— *Obliviones carpere* ; Oblivio, tan-
quam persona, *carpit*, extenuat, de-
terit, abolet virtutis monumenta, re-
rum gestarum memoriam. Haud dis-
similiter Senec. Benef. III, 32 : « Eos
jam consumpsisset oblivio, nisi illos
filiorum gloria e tenebris eruisset. »
Ed. — *lividas*, invidas magnitudini
rerum gestarum quæsito epitheto. Ed.

34. Et sane dignus es, qui carmine
extollaris, cujus ad posterum pertingat
memoria ; jam seqq. eas explicant
dotes quibus Lollius posteris commenda-
ri debeat. Ed. — *Est anim. tibi rer.
prudens*, animus rebus agendis ido-
neus, multo rerum usu exercitatus. Ed.
— *secundis Temp. dubiisque rectus*,
in utraque fortuna æquus, firmus, qui
neque in secundis temporibus effertur,
neque in dubiis, adversis, peri-

culosis deprimitur, adeoque *rectus*,
erectus perstat. Ennius apud Cic. de
Senect. c. 6 : « Quo vobis mentes,
rectæ quæ stare solebant Antehac,
dementes sese flexere? » Ed. — *Vindex*
(sc. animus) *avaræ fraudis, et abst.*
Duc. ad se cuncta pec. tibi est ani-
mus justus et continens, h. e. in te
tam justitiæ quam continentiae laus
cadit ; justitiæ enim exercet, qui
fraudem et malas artes hominum ava-
rorum suppressit ; continentiam vero,
qui pecunia, quæ capit et vincit om-
nia, se non capi et vinci patitur.

39. *Consulque non unius anni,
Sed quoties*, etc. Est tibi animus, qui
non per unum tantum annum digni-
tatem consularem tuetur, sed quoties-
cunque ille, ut bonus et fidus judex,
h. e. bene et vere de eo, quod decet,
judicans, honestatem utilitati præferre,
dona flagitiosorum nobili cum con-
temptu repudiare, et virtutis suæ, qua
armatus est, præsidio, quicquid veræ
gloriæ obstat, fortiter vincere solet.
Scilicet e Stoæ præceptis in sapientem
cadit regnum, summus magistratus,
summæ divitiæ, etc. quatenus neque
honorum, neque opum cupiditate ani-
mus ejus ducitur, quatenus id solum
quod honestum est sequitur, nulla uti-

Judex honestum prætulit utili, et

Rejecit alto dona nocentium

Vultu, et per obstantes catervas

Explicuit sua victor arma.

Non possidentem multa vocaveris

45

titatis habita ratione. Sic supr. II, 2, in fine : « Regnum et diadema tutum Deferens uni propriamque laurum, Quisquis ingentes oculo irretorto Spectat acervos. » Jam quum consulatus Romæ summus magistratus, isque annuus esset, poeta Lollium ob virtutem istam, non *unius* anni, sed etiam post gestum consulatum, adhuc consulem esse declarat. Plane ut III, 2, 19 : « Nec sumit aut ponit sechres arbitrio popularis auræ. » Ed. De *consule animo* plurimum dissensere intpp. Torrentius, Bentleius et Mitscherlichius hunc loquendi modum probavere, dicentes ex ipso explicari poetæ sententiam; scilicet Lollium, post gestum consulatum, adhuc consulem esse non facto, sed animo; multaue e variis scriptoribus in exemplum afferunt, inter quæ : « His principiis nascuntur tyranni, his *carnifex animus*. » Plin. H. N. VII, 7 : « Ut ille *proscriptor animus*, modo et contumelia furens (M. Antonius), non aliud in censu magis ex fortuna sua duceret. » Id. ibid. 12. Omnia autem a Bentleio collecta exempla fere minime a solito figurarum usu discedere mihi videntur; dum contra non possum non alicujus duritiei arguere hanc metaphoram, qua *animus consul* esse dicitur, et maxime *rejicere dona vultu alto*. Ed. — *Judex*; hinc liquet Lollium, post consulatum, alios

civiles magistratus gessisse, in quibus judicis officio fungeretur. Consularem dignitatem servare dicitur quoties in judiciis fidem ac probitatem suam explicat. Ed. — *honestum prætulit utili*; commode in hanc sententiam laudant Cic. Offic. III, 4 : « Qui autem omnia metiuntur emolumentis et commodis, neque ea volunt præponderari honestate, hi solent in deliberando honestum cum eo, quod utile putant, comparare : boni viri non solent. Etenim non modo pluris putare quod utile videatur quam quod honestum, sed hæc etiam inter se comparare, et in his addubitare, turpissimum est. » — *alto vultu*, vultu superbo, qui ne deflecti, ne despicere quidem dignatur, quæ oblata sunt. Ed. — *per obstant. cat. Explic. sua victor arma*, animus, qui virtute sua, tanquam clipeo, bene munitus, fortiter se opponit turpitudini, suaviter fortis militis, vi sibi viam per obstantes catervas facientis, more, omnia quæ ejus virtutem impugnant, vincere dicitur.

45. Lollii temperantiam laudaturus poeta in generalem sententiam orationem inflectit; quæ plane lyrica ratio est, Pindaro frequentissima. Vulgaris continuatio erat : Est animus tibi sorte sua qualicunque contentus; sed iterum deflectitur oratio ad exprimendam Stoicæ virtutis imaginem. Ed. — *Non possidentem multa*, etc. Vid.

Recte beatum : rectius occupat
 Nomen beati, qui Deorum
 Muneribus sapienter uti,
 Duramque callet pauperiem pati,
 Pejusque leto flagitium timet;
 Non ille pro caris amicis
 Aut patria timidus perire.

50

supr. II, 2, 17: « Redditum Cyri solio Phraaten Dissidens plebi numero beatorum Eximit Virtus. » Ed.—*Deorum muneribus sapienter uti*; mihi videntur h. l. *Deorum munera* media significatione accipienda, h. e. quæcunque hominibus a Diis obtingunt tam prospera quam adversa. Sensus igitur erit: Uti *sapienter*, ut decet sapientem, omnibus quæ a Diis nobis immittuntur, sequo animo bonis frui, et mala tolerare. Ed.—*Duramq. pauperiem pati*, qui pauper est, ille etiam

beatus erit, si pauperiem, ceteris duram, fortiter pati noverit, si modica sorte contentus vixerit. Notum Stoicorum dogma: solus sapiens dives. Ed.—*Pejusque letho*, etc. qui nulla vi, nullis minis, ne morte quidem proposita a recto devometur. Cf. init. Od. 3; L. III. Ed.—*Non ille pro caris amicis Aut patria timid. perire*, pro: ille non timet perire, h. e. volens lubensque mortem suscipit; supr. III, 19, 2: « Codrus, pro patria non timidus mori. »

ANALYSIS. Quod *Censorino* in carmine præcedente probatum ivit Horatius, « non poetarum tantum, sed eorum quoque, qui ab illis celebrentur, immortalitati consecrari nomina, » id *Lollio* quoque, ejus laudes æternitati traditurus, in hoc carmine probat. Mea, ait, carmina lyrica non interitura sunt. Quamvis enim *Homerus* primum locum inter poetas occupet, tamen eorum quoque poetarum, qui post eum vixerunt, ut *Pindarus*, *Simonides*, *Stesichorus*, *Anacreon* et *Sappho*, haud deleta est memoria; quapropter nec meam ego, qui ad illorum exemplum me composui, deletum iri spero. Per poetarum carmina autem ii simul, qui in illis laudantur, ætatem ferunt. Fuerunt enim sine dubio plures olim non solum mulieres, *Helene* in amoribus simillimæ; sed viri fortes quoque, *Teucro*, *Idomeneo*, *Sthenelo*, *Hectore*, *Deiphobo* et *Agamemnone* haud inferiores; sed quum ii non a poeta aliquo, ut illi ab *Homero*, carminibus ad posteritatem propagati sint, æterna oblivione sepulti jacent. Itaque, quum ego poeta sim, haud virtutes tuas, o *Lolli*, oblivione obliterari patiar; immo, ut carminum meorum, ita *prudentiæ* tuæ, *constantiæ*, *abstinentiæ*, *honestatis* et *veræ sapientiæ* æterna apud posteros vigebit

memoria. Horatius igitur, quod scripsit in carmine præcedente ad Censorium v. 40, 41 : « carmina possumus Donare, et *pretium dicere muneri*, » id in hoc carmine ad Lollium insigni arte repetiit.— Eo ipso anno, quo *M. Lollius Palicanus* cum Q. Æmilio Lepido consul fuit, nempe U. C. DCCXXXIII, vel potius non multo post, hoc carmen scriptum esse, eo magis, ut credam, adducor, quod ille ad hoc usque tempus se dignum omnino iis laudibus, quibus in hoc carmine a poeta ornatur, præstitisse videtur. Ignominiosa enim illa, quæ de ejus ingenio et moribus feruntur, judicia (vid. Vell. II, 97 et 102; Plin. IX, 38, § 58), si qua fides iis habenda sit, haud dubie ad vitam, quam post consulatum gessit, pertinent.

CARMEN X.

AD LIGURINUM.

Eum monet fore ut mox exarescat flos ætatis, et eum arrogantiae suæ poeniteat.

O crudelis adhuc, et Veneris muneribus potens,
Inesperata tuæ quum veniet pluma superbiæ,

1. *O crudelis adhuc*, o tu, qui nunc quidem te durum et asperum mihi præbes, insolenter amores meos rejicis. — *et Veneris muner. potens*, et corporis tui pulchritudine plurimum polles; sive: et pro corporis tui pulchritudine magnam in eos, qui tibi serviunt, exerces potentiam. — *Insp. tuæ quum veniet pluma sup.* quum præter opinionem læves genas tuas, quibus nunc superbis lanugo inumbrabit; *pluma*, lanugo, χνούς, πύλα; hinc Græci pueros lævibus genis adhuc nitentes vocabant ἀπύλους, λείους. Vid. *Jacobs*. in *Animadv.* ad Anth. Gr. Vol. II, P. III, p. 69; pueri au-

tem molliores, sive cinædi, quibus barba succrescere incipiebat, deserebantur ab amatoribus; hinc apud Martial. I, 32, 8, « teneri vultus *lanugine* sordere » dicuntur; et Stat. Silv. III, 4, 68: « Ne prima genas lanugo nitentes Spargeret, et pulchræ fuscaret gratia formæ. » Cf. etiam, si tanti videtur, Anthol. Græc. libros: v. c. Automedontis II; Rufini XXXVIII; Eratosth. I, 3; Incerti Ep. XIX; Lucian. Amor. 24, in quibus pæne omnibus locis injecta cito promicantis lanuginis mentione ad obsequium pueros ab amatoribus compelli videas, ut h. l. Ed.—Plurimum tamen

Et, quæ nunc humeris involitant, deciderint comæ,
 Nunc et, qui color est puniceæ flore prior rosæ,
 Mutatus Ligurinum in faciem verterit hispidam : 5
 Dices, heu! quoties te in speculo videris alterum,
 Quæ mens est hodie, cur eadem non puero fuit?
 Vel cur his animis incolumes non redeunt genæ?

disensere in h. l. intpp. Bentleius æ. pro *pluma* legendum esse putat *bruma*; h. e. ultima vitæ tempestas, senectus. Ut nihil dicam de illa contra omnium MSS. fidem emendatione, erravit omnino vir doctissimus, qui arbitratus est non ante senectutem et canescentem barbam amasium ab amatoribus relinqui, dum contra jam in virili ætate hominem omnes illecebras ad pelliciendos amatores amisisse quis vident, et supra dictis supraque allatis exemplis constet vix ac ne vix quidem ullum amasio, prima barba crescente, amatorem superesse. Dacierius vero h. l. sic explicat: Quum pluma, ala, venerit superbæ tuæ, h. e. superbia tua evolaverit; quod certe paulo subtilius videtur. Ceterum ad nostrum sensum apprime venit v. s. « in faciem verterit hispidam. » Ed. — *tuæ superbæ*, tibi superbo. — *quæ nunc hum. invol. comæ*, promissus enim crinis, *cervice*, ut Tibul. III, 4, 27, loquitur, *fluens*, vel, ut Hor. supr. III, 20, 14, « humeris capillis sparsus, » ad formosi pueri veneres pertinet. Cf. infr. V, 11, 28. — *Deciderint*, tonsæ fuerint; de Romanorum more, qui, puberes facti, fluentes antea comas tondebant, ne probroso vitæ generi, amasiorum scilicet, dediti viderentur. Ed. — *Nunc et, qui col.* etc.

Junge: et mutatus color, qui nunc est prior flore rosæ puniceæ, Ligurinum verterit in faciem hispidam; h. e. et purpureæ tuæ genæ pilis obductæ et deformes factæ fuerint. — *Ligurinum* pro, te: suaviter nomen, quod tum in ore omnium erat, ponit. — *color*, notissimum est illud Virgilii (Eclog. II, 17): « O formosæ puer, nimium ne crede *colori*; Alba ligustra cadunt, vaccinia nigra leguntur. » — *hispidam*; alii volunt ad senectutis rugas referri; simplicius autem videtur ad barbam referendum, et v. 2 sensum confirmat. Mollissimi enim homines, ne vultus barba hispidos gererent, et adhuc pueri viderentur, ora pumice lævia efficere conabantur. Ad id Martial. XIV, 205: « Sit nobis ætate puer, non pumice lævis. » Ed. — *te alterum*, te mutatum et ab eo, qui nunc es, diversum, vel speciem tuam a pristina plane diversam. — *Quæ mens est hodie*, etc. Ante oculos Hor. habuit, ut jam Scholiast. Cruqu. observavit, Terent. Hec. I, 1, 74: « Eheu, me miseram! cur non aut isthæc mihi *Ætas* et forma est, aut tibi hæc sententia? » — *his animis*, nunc mihi longe aliter, ac olim, sentienti, h. e. nunc mihi sapientiori. — *incolumes*, integræ, quales olim erant, rosæ nempe et adhuc læves.

ANALYSIS. Ligurinum, puerum mollem et delicatum, superbe et fastidiose nunc amatores tractantem, de formæ sortisque, quæ eum maneat, mutatione et conditione cogitare, et proinde vanam illam, qua insolenter de forma sua se efferat, deponere jubet superbiam.— Poetam græcum, quem Horatius imitatus est, tam carminis argumentum, quam dictionis forma et elocutio satis lauculenter produunt.

CARMEN XI.

AD PHYLLIDEM.

Die natali Mæcenatis invitat eam ad epulas, hortaturque ut, omisso Telepho, in amore Horatii adquiescat.

Est mihi nonum superantis annum
 Plenus Albani cadus: est in horto,
 Phylli, nectendis apium coronis:
 Est hederæ vis

Multa, qua crines religata fulges.
 Ridet argento domus: ara castis

5

1. *Albani*, in vinis generosioribus haberi solebat *vinum Albanum*, in agro Albano natum; cf. infr. Sat. II, 8, 16, et vid. Plin. XIV, 6.— *apium nectendis coronis*, elegantius pro: ad nectendas coronas; ceterum supra quoque II, 7, 24, diem festum in felicem Pompeii reditum celebraturus, « coronas ex apio deproperari » jubet. Cf. Theocrit. III, 23, et supr. I, 36, 6. — *vis Multa*, magna copia.— *qua crines religata fulges*, explicant: qua coronata enitescis, nitidior et venustior appares; vel simpliciter: qua coronari soles; sed hederam ac-

cipere demum debebat Phyllis apud Horatium; malim igitur explicare pro: qua coronaberis apud me; et sic *fulges* est futurum ab antiquo verbo Lucretiano *fulgere*.

6. *Ridet argento domus*, depromtis vasis argenteis domus resplendet; *ridere* dicuntur, quorum adspectus suaviter afficit. Notissimum est illud Virgilii (Eclog. VII, 55): « Omnia nunc rident. » Magis ad rem Catull. LXIV, vs., 284: « Hos indistinctis plexos tulit ipse corollis, Quis per-mulsa domus jucundo risit odore. » Similiter *renidere* supr. II, 18, 2, et

Vincta verbenis, avet immolato

Spargier agno.

Cuncta festinat manus : huc et illuc

Cursitant mixtæ pueris puellæ;

10

Sordidum flammæ trepidant rotantes

Vertice fumum.

Ut tamen noris, quibus advoceris

Gaudiis, Idus tibi sunt agendæ,

Qui dies mensem Veneris marinæ

15

Findit Aprilem :

sic γελῶν apud Græcos; vid. *Wesseling. Dissert. Herodot.* p. 153. De splendido festarum epularum apparatu cf. *Carm. laud. Catulli*, v. 44 seqq. — *ara castis Vincta verbenis*, jam ad hostiam immolendam stat mihi ara verbenis coronata; intellige aram ex cespite constructam. *Supr.* I, 19, 15 : « Hic vivum mihi *cespitē*, hic *Verbenas*, pueri, ponite, » ubi cf. not. Apposite *Cl. Müsch.* comparat *Juvenal.* XII, 1 : « Natali, Corvine, die mihi dulcior hæc lux, Qua festus promissa Deis animalia *cespes* Expectat. » — *avet immolato Spargier agno*, jam expectat, ut immolati agni sanguine imbuatur. Similiter « agnus aram imbuere » dicitur apud *Virgil.* *Eclog.* I, 8.

9. *Cuncta festinat manus*; solennis discursantium famulorum in instruendo convivio mentio. *Ed.* — *huc et illuc Cursit. mixtæ pueris puellæ*; sic apud *Virgil.* *Æn.* I, 703, in splendido illo, quod *Æneas* apparabat *Dido*, convivio : « Centum aliae, totidemque pares ætate ministri, Qui dapibus mensas onerent, et pocula ponant. »

— *flammæ trepidant*, flammæ tremulo mota agitantur (*Virgil.* *Eclog.* VIII, 103 : « Adspice, corripuit *tremulis altaria flammis* »), *rotantes sordidum fumum vertice*, ex ædis culmine nigrum ejaculantes; exquisite pro tenui : flammæ lucent et fumum sursus agunt. — *rotantes*, circumagentes; sic apud *Lucret.* VI, 201, venti « flammam cavis fornacibus *rotare* » dicuntur. Hoc accipiendum de culinæ flammis, unde intelligatur quanta ciborum in ea coquatur copia. Ceterum de fumi receptaculis, vel caminis, cave h. l. cogites, quæ multo serioris sunt temporis. *Ed.*

14. *Quibus advoceris Gaudiis*, ad quæ gaudia, ad quem diem festum hilariter agendum voceris. *Ed.* — *Idus tibi sunt agendæ, Qui dies*, etc. *Idus* Apriles scilicet una mecum tibi celebrandæ adsunt. Jam quum dies, qui per *Idus* designatur, inter cujusque mensis dies ferme sit medius, eleganter *Idus* mensem *findere*, h. e. dividere dicuntur. — Ipsa vox *Idus* apud *Macrob.* *Sat.* I, 15, ab antiquo verbo *iduarē* (quod *Etrusca lingua dividere*

Jure solemnus mihi, sanctiorque
 Pæne natali proprio, quod ex hac
 Luce Mæcenas meus adfluentes

Ordinat annos.

20

Telephum, quem tu petis, occupavit,
 Non tuæ sortis juvenem, puella
 Dives et lasciva, tenetque grata
 Compede vinctum.

Terret ambustus Phaeton avaras

25

est) deducitur. — *Veneris marinæ*; Venus enim *ἑκαδύουφν*, cui sacer est Aprilis, hoc ipso mense e spuma maris et e sanguine genitalium Cæli orta esse dicitur. Hoc innuere videtur Ovid. Fast. IV, 61: « Veneris mensem Graio sermone notatum Auguror; a spumis est Dea dicta maris. » Alii volunt mensem Aprilem Veneri sacrum fuisse, quod eo tempore terra sinum aperit et omnia parere incipit. Ed.—*solennis*, in festis habendus.—*sanctiorque*, majori religione colendus, magis celebrandus. — *quod ex hac Luce Mæcenas meus adfluentes* *Ordinat annos*, quod ab hoc die fautor meus ac patronus Mæcenas vitæ, quos sors benignior ei adfluere sinit, annos numerat, pro tenui: quod hoc die Mæcenas natus est. In sententiam totius loci commodè afferunt locum Censorini de Die Natal. c. 3: « Quum singuli homines suos tantummodo proprios colant natales, ego tamen duplici quotannis officio hujusce religionis adstringor. Nam quum ex te tuæque amicitia honorem, dignitatem, decus atque præsidium, cuncta denique vitæ præmia recipiam; nefas ar-

bitrer, si diem tuum, qui te mihi in hanc lucem edidit, meo illo proprio negligentius celebravero. Ille enim mihi vitam, hic fructum vitæ atque ornamentum peperit. »

21. Occupat poeta, quæ forte Phyllidem detentura sint, quo minus commodam sese ei præbeat, adlatis quæ ei rem persuadeant, argumentis. Ed.—*occupavit*, tibi præripuit.—*quem tu petis*, expetis, cujus amore flagras; ut I, 33, 13: « me melior quam peteret Venus; » et sæpe alibi. Ed.—*Non tuæ sortis juvenem*, non tui loci juvenem, sed genere et fortuna longe a te distantem.—*Dives et lasciva*, multo te ditior et insignis protervitatis, quæ per juvenilem ætatem miras illecebras habet. Hæc dicta ut melius intelligat Phyllis ab hoc amore demoveri minime posse Telephum. Ed. — *grata compede vinctum*, similiter supr. I, 33, 14, *Myrtale* poetam « grata compede detinere » dicitur, ubi vid. not. Quam ipsi Telepho hæc vincula sint gratissima, nulla jam spes ejus reducendi superest. Ed.

23. Quam periculosa res sit, majora, quam quæ sibi convenient, ex-

Spes, et exemplum grave præbet ales

Pegasus, terrenum equitem gravatus

Bellerophontem;

Semper ut te digna sequare, et, ultra

Quam licet sperare nefas putando,

30

Disparem vites. Age jam meorum

Finis amorum,

Non enim posthac alia calebo

Femina, condisce modos, amanda

petere, Phaetontis ac Bellerophontis exemplo graviter declarat statim poeta. Ed. — *Terret amb. Phaeton avaras Spes*, a rerum ultra sortem nostram positarum cupiditate misera Phaetontis, fulmine Jovis combusti, sors nos detertere debet. *Phaetontis* fabula vel ex Ovidio Met. II, 1 seqq. satis nota. — *exemplum grave præbet*, hoc jungendum cum conjunctione *ut*, in sequenti strophe. Ed. — *ales*, alatus, ut supr. III, 12, 4, « Cytheræ puer ales, » de amore alato. — *terrenum equitem gravatus Belleroph.* qui non talit, sed excussit, quo gravabatur, mortalis conditionis equitem, Bellerophontem. — Bellerophon scilicet quum in usu illo, scilicet interficienda Chimæra, ad quem traditus ei a Minerva fuerat Pegasus (vid. supr. ad I, 27, 24), haud acquiesceret, sed per eundem cælum adeo stulte petiisset; excussus et dejectus ab illo in campos Aleia graves temeritatis suæ poenas dedit. Vid. *Interpret.* ad Hygin. Fab. LVII. Bellerophontis exemplo ad homines a votorum temeritate deterrendos usus quoque est, ut observat *Müsch.* Pindar. Isthm. VII, 60 seqq.

cf. Pallad. LXII, 3, 6; Anth. Gr. t. III, p. 127. — *gravatus*, qui gravate ferret, sessorem haud sustineret Bellerophontem, quum cælum petitarum intelligeret. Ed. — *terrenum*, mortalis conditionis quem cælum affectare nefas esset: summa vis in hoc epitheto. Sic « gravari dominos, » Lucan. VII, 284. Ed.

29. *Te digna*, tuæ conditioni accommodata. — *Disparem*, idem, quod v. 22, dixit: *non tuæ sortis juvenem*. In sententiam, qua homines ab amore dispari, h. e. inter homines loco et fortuna sibi dispares juncto, cavere sibi jubentur, vid. Æschyl. Prometh. Vinc. 892 seqq. et Callimach. Epigr. XXXVII; Anth. Gr. t. I, p. 221; Ovid. Her. IX, 32: « Si qua voles apte nubere, nube pari. » — *Age jam*, in meo potius amore adquiescas, quem perpetuum tibi polliceor; quapropter da te mihi, ades mihi in celebrando Mæcenatis natali. Ed. — *meorum finis amorum*, o tu, quam unam et solam in posterum amabo; cujus amor solus me irrupta semper in posterum tenet copula; notum est illud Propertii I, 12, 19: « Mi neque amare aliam,

Voce quos reddas : minuentur atræ

85

Carminē curæ.

neque ab hac discedere fas est : Cynthia prima fuit, Cynthia finis erit. » — *alia calebo*, alius amorem expetam, nota loquendi ratione sic supr. Od. I, 4, 19 : « quo calet juvenus Nunc omnis. » Ed. — *condisce mod. amanda* *Voce quos reddas*, veni et disc, quos

ad lyram tibi præibo, modos, ut eodem amabili voce decantes. — *reddere modos*, cf. supr. ad IV, 6, 43. — *minuentur atræ Carminē curæ*; ad rem Calpurn. XI, 19 : « Cantet, amat quod quisque : levant et carmina curas. » Ed.

ANALYSIS. Phyllidem ad diem festum in domo sua tam sacris epulis, quam hilari potatione, secum peragendum invitat. Quæ quidem ut eo magis locum relinquat ejus precibus, primum jam parata et adornata esse apud se omnia, quæ justa diei festi requirat celebratio, enarrat; deinde, ne Phyllis sit nescia, quantis lætitiis advocetur, se Mæcenatis diem natalem, proprio pœne sibi sanctiorem, celebrare velle palam facit; tum, ne Telephi forte amore se retineri patiat ab hoc læto convivio, illum, quem stulte, ut sorte sibi disparem, petat, ditioris puellæ amoribus nunc vinctum teneri, docet; denique, quo nihil ad capiendum Phyllidis animum gravius addere poterat, se in solo ejus amore nunc acquiescere adfirmat. — Phyllidem, quam sub fine carminis canendi peritam facit, psaltriam, adeoque non honestioris conditionis puellam, fuisse, quam qualis *Lyde* describitur supr. II, 11, 21 seqq. cf. III, 14, 21; III, 28, vix dubitari potest. Sed qui statuit, non proprie Phyllidi, sed Mæcenati, ut ei diem natalem gratularetur, hoc carmen dicasse Horatium, et proinde, quæ ad summam lætitiā exprimendam spectant, ingeniose finxisse; profecto ea, quæ tribuenda sunt poetæ ingenio, haud tribuet ejus moribus. — Magnam hoc carmen virtutem habet a tractationis simplicitate, naturalique, quam orationis haud operosus cultus mire adjuvat, venustate.

CARMEN XII.

AD VIRGILIUM.

Eum ad cœnam collatitiam vocat.

JAM Veris comites, quæ mare temperant,
Impellunt animæ lintea Thraciæ :

Jam nec prata rigent, nec fluvii strepunt
Hiberna nive turgidi.

Nidum ponit, Ityn flebiliter gemens,

5

1. *Animæ Thraciæ*, venti septentrionales, qui ab Homero inde et aliis antiquis poetis Ioniis, quibus septentrionem versus sita fuit Thracia, appellati sunt *Thracii*; dicuntur autem *Veris comites*, quia sub vere spirare solent Aquilones, sive venti septentrionales; Columell. XI, 2, 21: « X. Cal. Mart. venti septentrionales, qui vocantur Ornithiæ, per dies XXX esse solent; tum et hirundo advenit. » Cf. Aristot. de Mund. c. IV, et ibi Kapp. p. 118. Mentionem igitur fecit ejus potissimum venti, cujus flatus veris tempore solet esse creberrimus; Zephyrus enim, sive Favonius, quem alias poetæ in veris descriptione celebrant, multo illo est mutabilior et inconstantior.—*Impellunt lintea*, navigationi repetendæ secundo flatu suo favent, reddunt mare πλάγιον; navigationis autem, cui de integro sub vere dari solet opera, frequens apud poetas in veris descriptione mentio;

cf. supr. I, 4, 2, et quos comparat Mitsch. Meleag. CX, 9; Anth. Gr. t. I, p. 32; Marc. Argentar. XXIV, 3, t. II, p. 248. — *nec fluvii strepunt*. *Hiberna nive turgidi*, fluvii, jam non nive turgidi, strepere desierunt. Supr. IV, 7, 3: « Decrescentia ripas flumina prætereunt.

5. *Nidum ponit, Ityn flebil. gem.* *Infelix avis*, per infelicem avem intellige Procnem, quam alii in hirciniam mutata esse tradunt. Jam vero quum ad ea, quæ veris reditu oculis subjiciuntur, hirciniae quoque adventum referre soleant poetæ (ipse Hor. infr. Epist. I, 7, 13, « cum Zephyris et hirciniae prima; » et hinc « veris prænunciam » illam vocat Ovid. Fast. II, 853; cf. Antip. Sidon. XXXVII, 3; Anthol. Gr. t. II, p. 16, ubi veris tempore pariter fere hirundo πλάσσειν ὑπὸ ποταμῶν dicitur; cf. Satyr. Thyill. v. 1 seqq. Anth. Gr. t. II, p. 253),

Infelix avis, et Cecropiæ domus
Æternum opprobrium, quod male barbaras

Regum est ulta libidines.

Dicunt in tenero gramine pinguium
Custodes ovium carmina fistula,

10

Delectantque Deum, cui pecus et nigri
Colles Arcadiæ placent.

Adduxere sitim tempora, Virgili,

« infelicem avem, Ityn flebiliter gementem, » Interpretes ad unum omnes de hirundine accipiunt. Procne scilicet, filia Pandionis, Atheniensium regis, nupserrat Tereo, regi Thraciæ. Ille quum Philomelæ, sorori Procnes, vim attulisset, Procne suum e Tereo filium Ityn epulandum ipsi Tereo apposuit: quo cognito Tereus quum stricto ferro in uxorem involaret, illa conversa est in hirundinem, Philomela autem in Lusciniam. Inde Luscinia, assidua nemorum incola, ibi in secreto injuriam suam dolere, hirundo autem, ædium amans, in eis filium suum querere dicitur. Quam fabulam felicissime tractavit Ovid. Met. VI, 425 seqq. Ed.—*Cecropiæ domus æternum opprobr.* quæ semper existura est familie suæ opprobrium, dedecus, *ἄσχυρος, βνιδος*, h. e. quæ nunquam eluere et abstergere poterit maculam, quam genti suæ Cecropiæ crudelissimo facinore adpersit.—*Cecropiæ*, Atticæ; fuit enim *Procne* Pandionis, regis Atheniensium, filia.—*male*, tam crudeliter; Procne enim, ut incestam mariti sui Terei libidinem ulcisceretur, mactatum parvum filiolum Ityn isti epulandum apposuisse dicitur.—*Regum*, Terei. Vul-

garius erat, regiam libidinem, quæ nonnisi in regiam h. e. impotentem, sævam dominationem, quæ suo omnia jure agit, cadere potest. Unde *regum* generaliter poeta extulit. Ed.

9. *Dicunt in tenero gramine*, etc. Dulcissima, quæ sequitur, e vita pastoritia adumbrata imago eo magis capere et delectare debebat Virgillum; quo magis ea ad inoletem fere eorum carminum, in quibus ille princeps inter Romanos poetas est, data opera, ut videtur, composita et concinnata est.—*in tenero*, quo epitheto suavissime indicatur ver renatum. Ed.—*pinguium*, scilicet quo magis oves pingues sunt, eo magis pastores delectantur, et ideo lætitiæ cantibus exprimunt. Ed.—*carmina fistula*, de pastoribus fistula canentibus, vide omnes fere Virgillii Eclogas. Ed.—*Deum cui pecus et nigri colles*, etc. Pana, qui pecorum custodiam gerere et colles incolere dicitur. Virg. Georg. I, 47: « Pan, ovium custos, tua si tibi Mænala curæ. » Ed.—*Colles*, ut Mænalus, Lycæus, etc.—*nigri*, umbrosi, ut « nigris aut Erymanthi silvis » I, 24, 7. Ed.

13. *Adduxere sitim tempora*, nunc anni amenitas et solis calor sitim

Sed pressum Calibus ducere Liberum

Si gestis, juvenum nobilium cliens,

15

Nardo vina merebere.

Nardi parvus onyx eliciet cadum,

Qui nunc Sulpiciis adcubat horreis,

adducere, h. e. bibendi cupiditatem excitare solent. — *Liberum Calibus pressum*, vinum Calenum, ab urbe *Cales* in Campania; supr. I, 20, 9: « uva Caleno prælo domita. » — *ducere*, largius bibere, cf. supr. ad I, 17, 22. — *juvenum nobil. cliens*, o tu, qui juvenum nobilium gratia ac favore frueris, qui nobilibus juvenibus es in deliciis. Per *juvenes nobiles* haud dubie innuit Nerones, Augusti privignos, Drusum et Tiberium; non sine causa autem Horatius Virgilium suum nunc *juvenum nobilium clientem* appellasse videtur; latet enim, nisi fallor, in hac appellatione jocus fere hic: dummodo a te impetrare poteris hoc, ut e fastigio tuo descendas, et juvenum nobilium consortium cum pauperis Horatii societate permutes. — *Nardo vina merebere*, pro unguento nardino, quod tecum attuleris, gratis apud me vinum Calenum bibes; sive: affer tecum unguentum nardinum, quod ego vino Caleno remunerabor. — De *nardi* frutice, e cujus foliis et spiciis unguentum exprimebatur, vid. Plin. XII, 12; XIII, 2. — Simili fere joco Fabullum ad cenam vocat Catullus XIII, ab Horatio tantum discrepans eo, quod Fabullum, quicquid ad bonam et lautam cenam pertineat, secum afferre jubet, se autem nil nisi unguentum pretiosum dare posse ait.

17. *Nardi parvus onyx eliciet cadum*, Qui nunc Sulpiciis accubat horreis, h. e. allato enim a te vasculo unguentario, nardi pleno, vicissim ego vini Caleni cadum, ex Sulpicii apotheca vinaria depromptum, afferri jubebo. — *onyx*, tam de gemma (quæ ob similitudinem, quam cum digitorum unguibus habet, Græcis *ὄνυξ* vocata est), quam de marmore, externam onychis speciem referente, sive *alabastrite*, dicitur. Jam quum vascula unguentaria primum quidem ex *onyche*, gemma, deinde ex *onyche*, marmore, conficerentur; factum est, ut quodque vasculum unguentarium, sive ex gemma, sive ex marmore, sive ex quocunque alio lapide excavatum, *onyx* appellaretur. Plin. VIII, 2: « Onyx factum aliquid ex onyche, ut vas unguentarium, potiorum. » Vide eundem XXXVI, 7, et XXXVII, 6. Ed. — *adcubat*, servatur, repositus est. — *Sulpiciis horreis*, in Apotheca Sulpicii vinaria, unde id vinum poeta sibi paraturus erat. De *horreo*, pro apotheca vinaria, vide supr. III, 28, 7. Plurima talia Romæ fuisse horrea, quæ magnam vini, olei et cæterarum rerum copiam asservarent singulatim vendendam, satis verisimile est, atque in his Sulpicii cujusdam apothecam vinariam maxima fama floruisse recte ex h. l. colligas. Porphyrio ad h. l. « Sulpicii Galbæ horrea dicit, hodie-

Spes donare novas largus, amaraque

Curarum eluere efficax.

20

Ad quæ si properas gaudia, cum tua

Velox merce veni : non ego te meis

Immunem meditor tingere poculis,

Plena dives ut in domo.

Verum pone moras et studium lucri :

25

que Galbæ horrea vino, oleo similibusque aliis referta sunt. » — *Spes donare novas largus*, græce pro : largus novæ, quam donat, spei ; supr. III, 21, 13, de amphora : « Tu spem reducis mentibus anxiiis ; » et hinc infr. Epist. I, 18, 19, vinum « cum spe divite in venas et animum manare » dicitur. — *amara curarum*, græce, τὰ πικρὰ τῶν μεριμνῶν, pro : amaras curas.

21. *Ad quæ si properas gaudia*, si ad hanc convivii lætitiæ properas, ejus particeps esse cupis, si hæc conditio tibi placet, hanc legem accipis. Ed. — *cum tua merce*, cum nardo tuo, quo vinum meum redempturus es. — *non ego meditor*, facete pro : non mihi est animus. — *Immunem*, nihil muneris afferentem, nihil ad computationem conferentem. — *te tingere meis poculis*, te vino meo madefacere, irrigare, τίγγειν, pro vulgari : excipere. — *Plena dives ut in domo*, quasi apud me, sicuti in beatorum domo aliqua, magna rerum omnium viniq̃ue sit abundantia.

25. *Verum pone moras et studium lucri*; sed posito, cui in commodum tuum intentus es, studio noli morari : vid. Analys. Prætermisiss, quas plures ad h. l. effatire sustinuerunt, nu-

mer. 1.

gis et argutiis, eorum tantum breviter attingam sententias, qui *studium lucri*, quod Horatius Virgilio tribuit, explicatione emollire studuerunt. Sunt igitur, qui *lucri studium* ad doctos Virgilio labores, sive ad ejus carmina, quibus multum lucri fecerit, referant. Sed qui ex *lucris studio* Virgilium in scribendis versibus desudasse sibi persuadent, næ illi poetæ veteres nostræ ætatis poetis mercenariis æquiparant ! Alii, ut *Boettigerus* et *Mitscherl.* moneri voluisse Virgilium arbitrantur, ne ex *lucris studio* antea computet, quanti constituta sit hæc computatio ; vel, ne diu expendat, uter in hac collatione aliquid lucelli faciat ; sed sic Horatius Virgilium, quem ditissimum fuisse constat (vid. Vit. Virgil. in Edit. nost. t. VII, p. 272 et 332), ut hominem sordidissimum notasset. Alii aliter. Equidem per *lucris studium* diligentior, quam Virgilius in rebus suis gerendis collocabat, operam et curas designari existimo, præcipue quum ejusmodi diligentia in sensu honestiore semper cum lucro aliquo conjuncta sit, ita ut jam *pone studium lucri* nihil aliud sit, quam quod supr. III, 8, 20, Hor. ad Mæcenatem scribit : « lingue severa ; » vel quod scri-

Nigrorumque memor, dum licet, ignium,

Misce stultitiam consiliis brevem :

Dulce est desipere in loco.

bit infr. Epist. I, 5, 30, ad Torquatium, quem ad cœnandum apud se invitât, *rebus omissis* ; erat Torquatus jurisconsultus, quem Horatius apud se cœnandi causa clientibus deesse, et perinde *lucris studium* deponere jubet. Quis enim verborum proprietatem urgeat in iis, quæ familiares per jocos invicem sibi exprobrant? — *memor nigrorum ignium*, rogi, h. e. mortis. Sic *ignes atros* de rogis, quos cæsis struit Æneas, dixit Virgil. XI, 185 : « Huc corpora quisque suorum More tulere patrum ; subjectisque ignibus atris Conditur in tenebras altum caligine cælum. » — *Misce stul-*

titiam consiliis brevem, positis nonnunquam studiis gravioribus hilaritati indulge, sc. studiorum severitatem hilaritate nonnunquam tempera ; aperte igitur hæc sententia respondet τῷ *lucris studium ponere*. — *brevem*, quæ tamen non longior sit. — *desipere*, liberius et licentius genio suo indulgere, ut *furere* supr. II, 7, 28, et *μαρῖναι* apud Anacreontem XIII, 12. — *in loco*, h. e. in tempore, ἐν καιρῷ, ut apud Terent. Adelph. II, 4, 8, « pecuniam in loco negligere. » Infr. Epist. I, 7, 57 : « Et properare loco (justo tempore), et cessare, et quærere, et uti. »

ANALYSIS. Veris, quod ibat, amœnitate fruiturus jocose et familiariter Virgilium suum ad hilarem computationem advocat. Dulcissima igitur amœnioris anni temporis, quod sponte ad bibendum invitet, descriptione præmissa, vinum Calenum venturo ad se amico promittit, hac tamen lege et conditione, ut nardum secum afferat, et hac merce redimat quasi promissi vini munera. Ne forte autem hunc lætioris vitæ fructum intercipi sibi patiatur negotiorum curis et administratione, de vitæ, dum licet, fruendæ brevitate eum cogitare, et sic sapienter dulcia interdum seriis miscere jubet. — Admodum familiarem poetæ fuisse eum, quocum tam libere, ut in hoc carmine factum est, joci posset, nemo non intelligit. Quis autem Nostrum cum magno poeta Virgilio in ejusmodi familiaritate vixisse dubitet, vel, si carminis supr. I, 3, ad Virgilium scripti meminerit, dubitare potest? Jam vero quod v. 25, *lucris studium* ponere jubetur Virgilius, inde eum, non poetam illum, sed, si diis placet, mercatorem quemdam, vel myropolam adeo sive unguentarium fuisse, qui serio contenderent, fuere plures. Sed boni illi si cogitassent, non ad mercatores tantum, sed ad omnes, qui diligentem rerum suarum curam gerunt, honestiore sensu *lucris studium* pertinere ; Horatium autem, nisi per jocos potius, qui per totum carmen regnat, amico suo *lucris studium* expro-

bravit, haud dubie honestius quoddam, cui quum maxime intentus esset, *lucri studium* respexisse; profecto neque ex magno poeta mercatorem fecissent, neque tam humiliter de Horatii cum mercatore Romano amicitia sensissent! Vid. not. ad v. 25. — Ceterum quod ad veris descriptionem attinet, compara I, 4, et IV, 7. — Quo anno hoc carmen scriptum sit, non certo satis constitui potest, sed, si tenemus, quod supra in *Analys.* ad hujus libri carm. prim. monuimus, Horatium in hoc libro quarto nonnulla carmina, quæ jam diu ante scripserat, cum aliis, quæ seriore ætate scripsit, carminibus demum publicasse; recte illud ad tempus, quo Virgilius adhuc superstes fuit, referri posse videtur.

CARMEN XIII.

AD LYCEN.

Æjus senectutem et deformitatem irridet.

AUDIVERE, Lyce, Dî mea vota, Dî
Audivere, Lyce. Fis anus, et tamen
Vis formosa videri,
Ludisque, et bibis impudens,

1. *Audivere, Lyce*, etc. Initio statim exsultat poeta; voti compos factus est: voti enim summa erat, ut Lyce cito defloresceret. Nihil læta illa exclamatione acerbius; tum maxima quoque erumpentis gaudii vis in geminato priore commate, maximaque in repetito Lyces nomine irrisio. Ed. — *Fis anus*; nota quantus in hac voce contemptus! Ed. — *et tamen*, nihilominus, quod omnibus de te risum movet. Ed. — *Vis formosa videri* formam adhuc tuam jactas, et facis ea quæ tantum formosas puellas decent. Ed.

— *Ludis*, amantium more jocarîs, delicias facis. Supr. Od. III, 15, 3: « Maturo propior desine funeri Inter ludere virgines. » — *bibis impudens*, qualem fere supr. I, 36, 13, « multi Damalin meri » describit. — *tremulo*, epitheto ad vocis anilis, deficere incipientis, naturam designandam accommodatissimo; voce præ senio fracta. Alii volunt tantum ob ebrietatem *tremulum* dici; prior autem sensus et simplicior et ad contumeliam magis. Similiter vox anilis apud Ovid. Fast. VI, 400, *tremens* dicitur. Ti-

Et cantu tremulo pota Cupidinem

5

Lentum sollicitas. Ille virentis et

Doctæ psallere Chiæ

Pulchris excubat in genis.

Importunus enim transvolat aridas

Quercus, et refugit te, quia luridi

10

Dentes te, quia rugæ

Turpant et capitis nives.

Nec Coæ referunt jam tibi purpuræ,

bull. I, 2, 94 : « Vidi ego qui juvenum miseros lusisset amores, Post Veneris vinclis subdere colla senem, Et sibi blanditias tremula componere voce. Ed. » — *pota*, ebria. — *Cupidin. lentum sollicitas*, Cupidinem minus et minus jam preces tuas audientem advocas; frustra durum Cupidinem precibus tuis frangere et tibi propitium reddere tentas.

6. *Ille virentis*, etc. ille propitius potius adest formosæ et in flore ætatis constitutæ psaltriæ Chiæ. Nota memoratos Chiæ lepores, quo Lycæ durior sit sua deformitas. Ed. — Cupido autem Chiæ propitius dicitur in ejus *pulchris genis excubare*. excubias quasi agere, h. e. vim suam inde, ubi ille sedet, ita exserere, ut, quicunque in Chiæ conspectum veniant, statim ejus venustatis lenociniis et illecebris capiantur. Comparant Sophoc. Antig. 796 : « Ἐρως... ὃς ἐν μαλακίᾳ παρειαῖς νάνιδος ἐννοχεύει. » Cf. Pind. Nem. VIII, 3, et plura in hanc rem apud *Mitsch.* — *Importunus*, vetulis sævus, inhumanus, quia earum preces non exaudiat. Licet hujus vocis interpretatio difficillima plurimis visa fue-

rit, et fere de ea tot sensus, quot capita, hunc sensum, utpote simpliciorum, et, omissis omnibus argutiis, in promptu positum, facile acceperim. Ed. — *transvolat*, præterit. — *aridas Quercus*, vetulas, ex nota imagine. Similiter supr. I, 25, 17, *vetulæ cum aridis frondibus, puellæ teneræ* vero cum *virente myrto* et *hedera* comparantur. Cf. *Mitsch.* — *refugit*, cohortescit fœdo tuo ad aspectum, fastidit, contemnit te. Ed. — *capitis nives*, lyrica audacia pro : caput canis conspersum. Cl. *Mitsch.* comparat Antip. Thessal. XXI, 5; Anth. Gr. t. II, p. 100 : « Τίθει δὲ μιν, ὡς πρό γε τοῖον, ὡς αὐτὶς πολλῶ γήραι νιφόμενον. » Laudant quoque Epigr. Diogen. Laert. I, 85, p. 53 : « Τῆδε βίαντα κέκλυθα, τὸν ἀτρέμας ἡγάγειν ἔρως Εἰς ἄϊδην πολλῶ γήραι νιφόμενον. » Hunc locum respexit Quinctil. VIII, 6 : « Sunt et duræ translationes, i. e. a longinqua similitudine ductæ, ut *capitis nives*. » Ed.

13. *Nec Coæ referunt*, etc. Frustra teneræ ætatis annos semel præterlapsos restituere tentas tam Coarum vestium quam unionum splendore; h. e. frustra puellari ornatu anilem

Nec clari lapides tempora, quæ semel

Notis condita fastis

15

Inclisit volucris Dies.

Quo fugit Venus? heu! quove color? decens

ætatem dissimulare studes. In sententiam Cl. *Mitsch.* comparat Epigr. Lucian. VI, 1, seqq. Anth. Gr. t. III, p. 22: Ejusdem argumenti Epigr. Antiphili ex membranarum primum protulit *Jacobs.* in *Animadv.* ad Anth. Græc. Vol. II, P. II, p. 412. — *Coæ purpuræ*, vestes Coæ purpura tinctæ. Erant autem vestes Coæ tenuitate ac pelluciditate sua præcipue in puellarum cultu spectabiles; hinc Tibullus II, 3, 55, de Nemesi, quam luxuria fluere cupit: « Illa gerat vestes tennes, quas femina Coa Texuit, auratas disposuitque vias »; et Serm. I, 2, 111: « Cois tibi pæne videre est ut nudam »; quam ob posteriorem causam exsucco ac senili Lyces corpori vestes illæ minime convenirent. Ed. — Dictæ sunt *Coæ*, quod *Cos*, vel *Coos*, maris Ægei insula, bombycum, e quorum tenuissima lanugine illæ conficiebantur, mater fuit; vid. Plin. XI, 23, § 27; VI, 27, § 20, et ibi *Harduin.* — *clari lapides*, uniones, margaritæ; cf. supr. ad III, 24, 48. Legunt alii: *cari*, quod ad sensum idem est, quia magni pretii lapides magnum splendorem habent. Ed. — *tempora, quæ semel Notis cond. fastis Incl. volucr.* *Dies*, h. e. tempora, quæ semel, postquam volucris dierum cursu præterierunt, ut transacta in fastis notata et memoriæ prodita sunt; ornate pro vulgari: juvenilem ætatem semel transactam. — *fastis*, tabulis, in qui-

bus cujusque anni dies adeoque præteriti quoque dies consignati sunt; dicuntur *noti*, quia ob vulgarem ad dies vitæ inde cognoscendos usum cuique satis noti erant. Hinc Lyce intelligendum a nemine ignorari posse ejus ætatem, quum quivis eam ex fastis cognitam habere semper queat. Omnem hunc locum de fuco et cultu juvenilem ætatem non referentibus, resumit notissimus ille Racini nostri versus, in tragedia cui titulus: *Athalie*, act. II, sc. 5: « pour réparer des ans l'irréparable outrage. » Ed.

17. *Quo fugit Venus?* etc. amara irrisione, quam simulato dolore (heu) exacerbatur, continuatur poeta vv. 10 sqq. sententiam ita inflexam, ut ne tantillum quidem pristinae formæ in Lyce residuum apparere dicat. Quæ ipsa prisca pulchritudinis recordatio, quum per se magnam ad urendam Lycen vim habet, tum gravior ad animum est, per partes diducta, maxime oratione ad ipsam Lycen conversa, atque interrogationibus præcipitata. Ed. — Cum Nostro contendit Cl. *Mitsch.* *Rufin.* Epigr. XXXVII, 1, t. III, p. 107: « Πού σοι κείνα, Μέλισσα, τὰ χρύσια, καὶ παρίοντα τῆς πολυδουλείου καλλία φαντασίης, » etc. — *Venus*, amabilis gratia. — *color*, scilicet roseus; cf. supr. Od. 10, 4. — *decens Quo motus?* intellige corporis gestus, quibus multum decoris et gratiæ inest. Ejusmodi in corporis motu et incessu de-

Quo motus? quid habes illius, illius,

Quæ spirabat Amores,

Quæ me surpuerat mihi,

20

Felix post Cinaram notaque et artium

Gratarum facies? sed Cinaræ breves

Annos fata dederunt,

Servatura diu parem

Cornicis vetulæ temporibus Lycen;

25

Possent ut juvenes visere fervidi,

centiam et *στυγία* Sulpiciæ tribuit Tibull. IV, 2, 8: « Illam, quidquid agit, quoquo vestigia movit, Componit furtim subsequiturque decor. » Ovid. A. A. III, 299: « Est et in incessu pars non temporis decoris. » — *Quid habes illius, illius*, etc. Sensus: Quid reliquum tibi est venustissimæ illius speciei, quæ cuique, qui in ejus conspectum venerat, amorem statim inspirabat; quæ meum quoque mihi eripuerat animum, et quæ, si a Cinara discesseris, præclara, nobilis, et omnibus, quæ placent in puellis et delinunt, instructa et ornata fuit? — *spirabat Amores*, pro vulgari: ad amorem pelliciebat; suavissima nempe imagine Lyces forma Amores, qui in juvenum pectora descenderunt, exspirasse et emisisse fingitur. Sic fere *πνίστω* et *προσπνίστω* ἔρωτα; apud Græcos; vid. *Mitsch.* — *Quæ me surpuerat mihi*; Catull. LI, 5: « Mi-sero quod omnes Eripit sensus mihi. » Similia ex poetis græcis adduxit *Mitscherl.* Horatium imitatus est Auctor Epigr. CCLXVI, lib. III, Antholog. Latin. *Burm.* t. I, p. 687: « Ne mihi surripuit contraria flamma so-

rorum, Pulchra Theis oculis, ore nigella Melas. » — *surpuerat*, pro: surripuerat, ut Sat. II, 3, 283: « Unum me surpite morti. » Ed. — *Felix*, eximia. — *post Cinar.* si unam excipias Cinaram. De eadem Cinara vid. III, 17, 13. Ed. — *artium Gratar.* variæ sunt illæ artes et lenociniorum genera, quibus puellæ gratiam quamdam formæ suæ conoiliare student; ipsa earum *protervitas* supr. I, 19, 7, *grata* esse et *urere* dicitur. Propert. I, 4, 13: « Ingenuus color, et multis decor artibus. »

22. *Sed Cinaræ breves*; hic breviorē Cinaræ vitam dolere videtur poeta. Ed. — *parem Corn. vetulæ temporibus*, æquævam grandævæ, s. *annosæ* (ut supr. III, 17, 13, *cornix* dicitur) cornici. Martialis quoque X, 67, 5, de vetula: « Jam cornicibus omnibus superstes. » Similiter observante *Mitscherlichio*, Agath. VII, 1, Anth. Gr. t. IV, p. 5, plane *ἡρώων τροχόφωνον* dixit. Plura in hanc rem vid. apud *Rittershusium* ad Oppian. Cyneg. II, 292, et *Rhunken.* Epist. Critic. p. 113. — *Possent ut visere*, pro: viserent. — *fervidi*, qui juvenili

Multo non sine risu,
Dilapsam in cineres facem.

ardore adhuc fervent et amore ses-
tuant; sic suaviter opponuntur vetu-
læ, quæ fervere desiit. Tibull. I, 6,
81, de tali vetula: « Hanc animo
gaudente vident, juvenumque catervæ
commemorant, merito tot mala ferre
senem. » — *Dilapsam in ciner. fac.*
apta imagine pro: Lycen e puella
olim fervida et formosa mutata nunc
in frigidam et deformem vetulam;
Müsch. comparat Meleag. XLIX, 2;
Anth. Gr. t. I, p. 16. — *in cineres;*

hinc Martial. III, 93, 19, *Vetustil-
lam*, postquam eam ut mulierem ætate
plane confectam satis lepide descri-
psit, *dementem cineribus suis* (h. e.
fœda effecti corporis forma) *virum
prurire adhuc quærere* ait; cf. Mart.
X, 90, 2. Alii legunt *delapsam*; me-
lius autem *dilabi* dicitur de eo quod
resolvitur, ut fax in cineres. Sic de
Proteo Virgil. Georg. IV, 409: «...ita
vinculis Excidet, aut in aquas tenues
dilapsus abibit. » Ed.

ANALYSIS. Quemadmodum Horatius supra I, 25, *Lyden*, et III, 15, *Chlorin*, ita in hoc carmine *Lycen*, ut vetulam, et turpiter adhuc juveniles amores sectantem, tanquam in tabula depictam, omnium exponit derisui. — Tempus tandem, quo meritas pristinae superbiae poenas exsolvat Lyce, venisse ait; fieri enim illam, quod jam diu a diis efflagitaverit, nunc anum, et, quamvis deperditæ formæ pigmentis et artibus meretriciis succurrere studeat, quamvis, ut ante, delicias faciat, immodice bibat, et quovis modo ad libidinem extimulare tentet juvenes, deserui tamen et contemni ab omnibus; puellas enim pulchras tantum et adhuc floridas, qualis Chloe sit, peti ab amatoribus; vetulas et deformes, qualis nunc Lyce sit, susque deque haberi; periisse illius formæ, qua ipse olim captus sit, venustatem, nec eam Cois vestibus et margaritis ab illa reparari posse; immo fata Lycen servasse videri eo, ut anile ejus placendi studium publico juvenibus esset ludibrio. — Nota omnes hujus carminis colores tinctos felle plus quam Archilochio. Quam amarulentum statim in exordio poetæ gaudium a Lyces deformitate pariter atque impudenti lascivia, quæ ei olim imprecata esset, et propter quæ jam contemptui risuique juvenibus esset, conceptum! quam acerba post laudatam Chisæ floridam pulchritudinem turpitudinis istius, per partes expensæ, irrisio, pristinaeque, cujus nullum supersit vestigium, formæ recordatio! Illud denique quod Lyce non tam propitiis quam iratis numinibus protecta hac sola de causa ad extremam senectutem perveniat, ut ridendam suam præbeat juvenibus anilem libidinem, ecquam ad animi feminei impotentiam habere putes efficaciam? neque vero hac argumenti tractatione inferiores habendæ sunt elocutionis poe-

ticæ virtutes, a doctrina, copia atque vi commendatissimæ. Es. — Existere hand dubie plura apud poetas græcos ejusmodi contumeliosorum in vetulas carminum exempla, quæ colores Horatio ad adumbratas tam in hoc, quam in duobus superioribus carminibus imagines suppeditasse videntur. — Cl. *Misch.* cum hoc carmine comparat Meleag. LXXVII; Anth. Gr. t. I, p. 23.

CARMEN XIV.

AD AUGUSTUM.

Tiberiū de Rhetis victoriam celebrat, et Augusti auspiciis ac felicitati acceptam refert.

QUÆ cura Patrum, quæve Quiritium,
 Plenis honorum muneribus tuas,
 Auguste, virtutes in ævum
 Per titulos memoresque fastus
 Æternæ? o, qua sol habitabiles
 Illustrat oras, maxime principum :

5

1. *Quæ cura Patr. quæve Quiritium...* Æternæ? Qui unquam Senatus Populusque Romanus tantos honores animo concipere et decernere poterit, quantis virtutes tuas, Auguste, tam per publica monumenta, quam per annua solemnia, æternitati tradendæ sunt? — *Plenis honor. mun.* h. e. satis amplis honorum ornamentis. — *plenis*, justis, nihil amplius; *honorum enim munera* dicuntur jam plena, quæ viri magni amplitudinem, quam complecti et celebrare debent, plene complectuntur et celebrant. — *Per titulos*, intellige statuas cum in-

scriptionibus; cf. IV, 8, 13 seqq. — *fastus*, antiquæ pro *fastos*, h. e. tabulas publicas, in quibus, ut Ovid. Fast. I, 8, loquitur, « quæque dies merito suo notata » est; in *fastis* igitur non solum res præclare ab Augusto gestæ, sed etiam dies festi, in memoriam ejus quotannis celebrandi, notari debebant; hinc dicuntur *memores*, cf. supr. III, 17, 4. — Ovid. Fast. l. l. 9 ad *Germanicum*, Augusti per adoptionem nepotem: « Invenies illic et festa domestica vobis: Sæpe tibi pater (Tiberius) est, sæpe legendus avus (Augustus). » — o, qua sol

Quem legis expertes Latinæ
 Vindelici didicere nuper,
 Quid Marte posses. Milite nam tuo
 Drusus Genaunos, implacidum genus,
 Breunosque veloces, et arces
 Alpibus impositas tremendis,
 Dejecit acer plus vice simplici.
 Major Neronum mox grave prælium

10

habitab. Illustrat oras, mar. princ.
 o princeps, cujus potentiam omnes
 per totum terrarum orbem suspiciunt!
 Similiter fere Cicero Catilin. IV, 10,
 de Pompeio: « Anteponatur omnibus
 Pompeius, cujus res gestæ atque vir-
 tutes iisdem, quibus solis cursus, re-
 gionibus ac terminis continentur. »
 — *Quem legis expert. Lat. Vindel.*
didicere nuper, quantus ille esset in
 bello, id experti sunt nuper Vinde-
 lici, nondum antea a victore Romano
 leges sibi præscribi passi. De Vinde-
 licis vid. supr. Od. IV, 4, 18. —
didicere, plane ut *sensere* supr. IV,
 4, 25, de Druso: « Diu lateque vic-
 trices catervæ.... *sensere*, quid....
 posset. »

9. *Milite nam tuo*, Drusi igitur
 laudem cum egregii exercitus, quem
 ei Augustus commiserat, laude com-
 municat. — *Genaunos, Breunos*, pro
 Rhætis et Vindelicis ponit duos po-
 pulos, tam regionis, quam incolebant,
 vicinitate, quam armorum societate
 cum illis conjunctos; vide de iis *Man-
 nerti German.* p. 669. — *implaci-
 dum genus*, litotis, pro populo in
 bellis sævissimo; *Genauni* enim, ut
 tradit Strabo IV, p. 142, non tantum
 mares quosque inter captivos truci-

dasse, sed ne potioris sexus fortui
 quidem, quem matres in utero gestare
 eorum vates prædixerant, pepercisse
 dicuntur. — *Breunosque veloces*;
 velocitas enim, qua præstant montani,
 multum in bello militibus campestri-
 bus et statariis negotii facessere solet.
 — *arces Alpibus impos. tremendis*,
 castella Alpium jugis horrendæ ma-
 gnitudinis imposita. — *Dejecit*, h. e.
 deturbavit; apposite tam de montium
 incolis, quam de castellis in montium
 jugis exstructis. Similiter Stat. Theb.
 I, 20: « Conjurato dejectos vertice
 Dacos »; et Petron. de mutat. R. R.
 208: « Et periturorum dejecit tela
 gigantum. » — *plus vice simplici*,
 h. e. gravi ultionis genere; in pluri-
 mis nempe pugnis illatas ab illis in-
 jurias gravi vice, h. e. justa et merita
 pœna ultus est Tiberius; de voce *vice*
 (cui respondet fere quod nos dicimus:
revanche) cf. supr. I, 28, 32. Alii in-
 telligunt: non semel, quod multo mi-
 norem vim habere mihi videtur. Ep.
 14. *Major Neronum*, Tiberius;
 — *mox*; vid. *Analys.* ad hujus libri
 carmen quartum. — *Rhætos*, sc. cum
 Vindelicis et ceteris, qui fœdere illis
 juncti fuerunt. — *Auspiciis secund.*
 Augusto deos suos, ut v. 33 dicitur,

Commisit, immanesque Rhætos	15
Auspiciis pepulit secundis :	
Spectandus in certamine Martio,	
Devota morti pectora liberæ	
Quantis fatigaret ruinis :	
Indomitas prope qualis undas	20
Exercet Auster, Pleiadum choro	
Scindente nubes : impiger hostium	
Vexare turmas, et frementem	
Mittere equum medios per ignes.	
Sic tauriformis volvitur Aufidus,	25
Qui regna Dauni præfluit Appuli,	

præbente ; sub felici Augusti imperio. — *Spectandus*, περίδραπτος, non sine admiratione contemplandus, admirandus. — *Devota morti pect. lib.* *Quantis fatig. ruinis*, quantis cladibus conficeret populos liberam mortem servitio præferentes, h. e. pertinaci consilio ad mortem usque pugnantes. — *Devota pectora*, morti enim pro libertate suscipiendæ ita se devovere solebant Germani et populi Celtici, ut, se vitam potius pro libertate deposituros quam se hosti dedituros esse, sacramentum darent.

20. *Indomit. prope qualis undas Exercet Auster, Pleiad. choro scindente nubes*, ruens in hostes eosque reprimens, uti Auster sub Pleiadum ortu in mare procellosum ruere et assurgentes fluctus proturbare solet. — *Exercet*, agit, retundit, comprimit. Nota scilicet Austri vehementia : « Dux inquieti turbidus Adriæ, » Od. III, 3. — *Pleiadum choro, Pleiades*, septem Atlantis filix, inter stellas

relatæ, quum in humeris Tauri ita inter se junctæ apparerent, ut chori fere speciem referrent, ab earum positu et inter se junctiōe *chorus* appellatæ sunt. — *Scindente nubes*, per scissas nubes prodeunte, h. e. oriente. Incidit autem Pleiadum ortus in a. d. X. Cal. Mai. adeoque in tempus quo ventorum flatu serenitas reduci solet. Præclare igitur Tiberius, populos indomitos compescens, cum Austro, mare indomitum compescente et serenitatem reducente, comparatur. — *medios per ignes*, ubi pugnantis vita in summum discrimen adducitur. Sil. Ita. XV, 41 : « Per medias volitare acies, mediosque per ignes » ; sic δὲ τὰ πρὸς apud Græcos, vid. Euripid. Electr. v. 1182, et ibi *Barnes*.

25. *Sic tauriformis volvitur Auf.* etc. Ducis fortis, in medios hostes se inferentis et magnam stragem inter eos edentis, cum rapido concitati fluminis impetu comparatio jam apud Hom. II. V, 86, 87, obvia ; cf. Virg.

Quum sævit, horrendamque cultis
 Diluviem meditatur agris :
 Ut barbarorum Claudius agmina
 Ferrata vasto diruit impetu,
 Primosque et extremos metendo
 Stravit humum, sine clade victor ;
 Te copias, te consilium et tuos
 Præbente Divos. Nam, tibi quo die

30

Æn. X, 603. — *Aufid. Qui regna Dauni præfluit Appuli.* Apuliam præterfluens; cf. III, 30, 10. De voce *præfluere* cf. supr. IV, 3, 10. Dicitur Aufidus *tauriformis*, quia tauri cornua, vel a similitudine, quam fluctuum sonitus cum tauri mugitu habet (*Hom. Iliad. XX, 257, ταυροειδὲς κέρας* de Scamandro), vel ab inexpugnabili robore, quod passim cornuum imagine designatur, fluviorum diis tribui solent; cf. *Boettig. et Müsch.* — *sævit, ὄνειδος*, extumescit. — *horrend. cultis Diluv. meditatur agris*, et horrendo diluvio cultis agris vastationem minatur. — *medit. dil.* ad diluviem immittendam se parat, diluviem immissum it; hoc verbo animus flumini tribuitur, et Aufidus inducitur ut deus, qui consilia et concipit et exsequitur; similiter supr. III, 22, 7, *verres*, ad ictus infligendos paratus, *ictus meditari* dicitur. *Ed.*

30. *Ferrata*, ferro munita, sublimius pro : armata; sic de Barbaris Claudianus : « Credas simulacra moveri Ferrea, cognatque viros spirare metallo. » *Ed.* — *Primosque et extrem. metendo*; Virgil. *Æn. X, 313*, de *Ænea* : « Proxima quæque metit gladio »; ubi de locutione a messe ad

cædem translata multa exempla ex utraque lingua collegit *Cerda*; cf. *Drakenb.* ad Sil. Ital. X, 147. Jam Homero II. XI, 67, Græci et Trojani magnam stragem ab utraque parte edentes ἀντιπρὶς dicti sunt. Catull. LXIV, 354, de Achille : « Namque, velut densas prosternens cultor aristas, Sole sub ardenti flaventia demetit arva, Trojugenum infesto prosternet corpora ferro. » *Ed.* — *sine clade vict.* ita ut in nullo prælio unquam cladem experiretur, sed semper hostes vinceret. Hinc Vell. II, 98 : « Uterque Rhætos Vindelicosque... majore cum periculo quam damno Romani exercitus, plurimo cum eorum sanguine, perdomuerunt. » Horatium imitatus est Ovid. Trist. II, 173 : « Per quem bella geris, cujus nunc corpore pugnās; Auspiciū cui das grande, Deosque tuos. » Scilicet quum penes Augustum summum esset imperium, ea quoque bella, quibus ipse nec adesset nec præset, ejus auspiciis gerebantur.

34. *Nam, tibi quo die*, etc. Nam ab eo inde die, quo victor Alexandream ingressus es, per quindecim abhinc annos prosperrimus omnium, quæ gessisti, bellorum eventus novum semper gloriæ tuæ splendorem addi-

Portus Alexandria supplex 35
 Et vacuum patéfecit aulam,
 Fortuna lustris prospera tertio
 Belli secundos reddidit exitus,
 Laudemque et optatum peractis
 Imperiis decus arrogavit. 40
 Te Cantaber non ante domabilis,
 Medusque, et Indus, te profugus Scythes
 Miratur, o tutela præsens
 Italiæ dominæque Romæ:
 Te, fontium qui celat origines, 45

dit. — *Alexandrea supplex*, finge tibi Alexandræ patronam, ejusdem nominis deam, olæ ramis velatam Augusto se obviam tulisse, et ad victoris genua prostratam urbem ei tradidisse. Sic passim in numis antiquis *Urbium Patronæ* conspiciuntur; vid. quem laudat *Boettig. Rasch.* in *Lex. Numism.* t. I, p. 319. — *Portus*, de portu Alexandræ antiquitus nobilissimo vid. *Strab.* XVII, p. 1142. — *vacuum aulam*, Augusto enim, Alexandream ingredienti, Antonius et Cleopatra aulam, e qua in Mausoleum confugerant, vacuefecerant. — *lustris tertio*, nam quum bellum cum Antonio et Cleopatra U. C. DCC-XXIV (vid. *Dio*, LI, 19), cum Vindeliciis vero et Rhætis U. C. DCC-XXXIX finitum sit, interjectum tempus tria lustra, sive quindecim annorum numerum efficit. Ceterum, quum *quo die* recte, ut puto, explicari possit: « ab eo inde tempore, quo, » non opus est cum Interpretibus statuere, Horatium, eodem die, quo olim Alexandria capta sit, bellum cum

Vindeliciis quoque confectum esse, designare voluisse, præcipue quum res præclare et feliciter ab Augusto gestæ, quas in versibus sequentibus enumerat poeta, pariter ad illud quindecim annorum intervallum referendæ sint. — *optatum decus*, splendorem ex omnium votis tibi paratum. — *peractis Imper. arrog.* pristinis rebus præclare sub tuo imperio peractis adjecit.

41. *Te Cantab. non ante domab.* supr. II, 6, 2. « Cantabrum indoctum juga ferre nostra »; ubi cf. not. — *Medusque*, cf. supr. III, 5, et ibi *Analys.* — *Indus*, cf. supr. I, 12, 56. — *Scythes*, cf. supr. II, 9, 23, et III, 8, 23. — *profugus*, cf. supr. I, 38, 9. — *tutela præsens*, pro Deo Romani imperii tutelari, qui præsentia sua numen suum declarat, ut supr. III, 5, 2, « Divus præsens, » ubi vid. not. — *domin. Romæ*, cui, ut dominæ, orbis terrarum paret. Similiter *Roma* infr. *Epist.* I, 7, 44, vocatur *regia*; perpetuo ejus epitheto. Ed.

45. *Te, font. qui celat orig.* etc.

Nilusque, et Ister, te rapidus Tigris,

Te belluosus, qui remotis

Obstrepsit, Oceanus, Britannis :

Te non paventis funera Galliae,

Duræque tellus audit Iberiæ :

50

Te cæde gaudentes Sycambri

Compositis venerantur armis.

Jam remotissimas devictorum ab Augusto populorum terras, per fluvios eas alluentes, solemni poetarum more designat; per *Nilum* quidem Ægyptum, per *Istrum* Daciam, per *Tigrim* Armeniam. — *fontium qui celat origines*. Nili fontes, quos veteres ignorasse constat, unde Horatius Nilum « fontium origines celare, » Tibull. I, 7, 24, « caput suum occultare » ; Ovid. Amor. III, 6, 40, « patriam tantæ aquæ celare » ait (cf. Ovid. Metam. II, 255; Lucan. X, 190; Plin. V, 9), nostræ demum ætatis hominibus, ut investigatos detegerent, contigit; vid. Boettig. — *rapidus Tigris*, hic Armeniæ fluvius, a cursu ejus rapidissimo, cum *sagittæ* velocitate comparato, ipsum nomen suum *Tigris*, quo Medi *sagittam* insigniverint, accepisse traditur; vid. Plin.

VI, 27; Varr. L. L. IV, 20. — Respicere autem Hor. videtur annum U. C. DCCXXXIV, quo rex Tigranes Armeniis ab Augusto datus est; vid. Dio LIV, 9. — *belluosus*, belluis sive balænis scatens, *μαχαίτης*; vid. Plin. IX, 8. De victis *Britannis* vid. supr. III, 8, 3. — *Galliæ non pav.* *fun.* de forti Gallorum, mortem haud in bellis expavescentium, animo cf. Cæs. B. G. VI, 14 seqq. Ælian. V. H. XII, 23. Lucan. I, 460 : « ... Quos ille timorum Maximus, haud urget leti metus : inde ruendi In ferrum mens prona viris, animæque capaces Mortis : et ignavam reditura parcere vitæ. » Ed. — *audit*, tibi dicto audiens est, tibi paret. — *Sycambri*; cf. supra IV, 2, 36. — *Compositis armis*, armis depositis et reconditis; bello composito; pro tenui : victi. Ed.

ANALYSIS. Arcto hoc carmen cum hujus libri carmine quarto cognationis vinculo conjunctum est. Utrumque enim ad celebrandas victorias, quas duo Augusti privigni, Neronæ, Drusus et Tiberius, a Rhætis et Vindelicis reportarunt, Augusti jussu ab Horatio compositum est. Superius quidem Drusi, natu minoris, hoc Tiberii, natu majoris, laudes complectitur. (Vide, quæ de omni re ad utrumque Neronem spectante supr. in *Analys.* ad carm. 4, breviter exposuimus.) In utroque autem carmine poeta consulto ita versatur, ut Drusi et Tiberii laudes ab Augusti laudibus, tanquam unico illarum fonte,

derivet, et sic Augustum utriusque carminis monumentum maximum faciat. Supra scilicet Drusi laudes repetit ab Augusti cura vere paterna, quam is in illo educando et ejus animo rite excolendo posuerit; Tiberii vero laudes a benignioris sortis felicitate, qua ei sub Augusti auspiciis egregia virtutis bellicae rudimenta deponere contigerit. — Sententiarum nexus est fere hic: « Quomodo unquam fieri potest, ut Senatus Populusque Romanus dignos tuis, Anguste, virtutibus honores decernat? Tu enim es per totum terrarum orbem princeps longe maximus! Tuam in bello potentiam nuper experti sunt Vin- delici! Nam primum Drusus exercitu, quem ei commiseras, Genaunorum et Breunorum graviter ultus est insolentiam. Mox bellum contra Rhætos con- fecit, quem Druso adiutorem addideras, Tiberius. Is enim in hostes, velut Auster in indomitas undas, ruens, et omnia, veluti rapidus fluvius, proster- nens, insigne in hoc bello fortitudinis specimen edidit. Sed hæc omnia tuis copiis, tuo consilio, tuis denique auspiciis facta sunt! Ex quo tempore autem Alexandria capta bella civilia per te finita sunt, novis semper per quindecim nunc annos imperium Romanum auxisti victoriis; immo totus terrarum orbis tibi subjectus est, et victi populi tuam admirantur potentiam! » — Quanquam hoc carmen ad supra dicti majestatem assurgat, satis tamen nervorum atque dignitatis omnino pro argumenti gravitate habet, tum maxime conspicuum est elocutionis ornatu, numerisque, nunc rapidioribus, nunc remissis, prout postularet argumenti indoles. Ed. — Scriptum hoc carmen esse eo anno, quo Augusti post trium annorum absentiam magno omnium desiderio expectabatur re- ditus, ex ejus initio colligi potest.

CARMEN XV.

AUGUSTI LAUDES.

PHŒBUS volentem prælia me loqui
Victas et urbes, increpuit lyra;

1. *Phœbus volentem prælia me loqui*, etc. Sensus: Quum jam in eo essem, ut carmine sublimiore Augusti prælia et victorias canerem, ecce mihi Apollo adfuit, et, ne temere ego poeta tenuis molirer grandia, graviore lyrae sono me increpando ab hoc conatu

revocavit. — Varias mirasque, quas locutio: *lyra increpuit*, protulit, ex- plicationes vide apud *Interpretes*. Alii cum Torrent. et Baxt. jungunt, me volentem *loqui lyra* Phœbus incre- puit. Expeditissima sane hæc ratio, et *loqui lyra* satis commode dicitur,

Ne parva Tyrrhenum per æquor
Vela darem. Tua, Cæsar, ætas

ut supr. IV, 9, 4 : « Verba chordis socianda loqui ; » et XII, 9 : « Dicunt... carmina fistula. » Dura tamen hæc si quid iudico, propterque ambiguitatem vitiosa verborum trajectio. Præstat igitur multo simplicior, concinnior itemque doctior junctura, *in-crepuit lyra*; quod Dacer. et Sanad. de lyra Horatio impacta intelligunt. Hoc autem admonitionis genus parum hujus carminis gravitatem ac dignitatem decere videtur. Ed.—Me quidem non poenitet eorum sententiæ esse, qui Apollinem cum χοροῦ διδάσκαλος comparatam esse existimant. Quem admodum enim χοροῦ διδάσκαλος chororum, quem ad lyram moderatur, vel cantum aliquem perperam incipientem, vel a cantus modis aberrantem, graviore quodam lyra sono increpat, et sic rectius ei canendum esse significat; ita Apollo Horatium, qui male carmen, cui impar esset, canere inciperet, graviore quodam lyra sono increpuisse, et sic a temerario ausu revocasse fingitur. Multo igitur suaviores et Apollini accommodatiores imagine expressit Horatius, quod in re simillima apud Virgil. Eclog. VI, 3, de Apolline : *vellere aures*, dicitur : « Quum canerem reges et prælia, Cynthius aurem Vellit, et admonuit : pastorem, Tityre, pingues Pascere oportet oves, deductum dicere carmen. »—Novam autem in hoc loco explicando rationem iniiit Cl. *Mitscherlichius*. Is enim fingendum nobis esse autumat, Apollinem, audito quasi poetæ cantu bellico, subito poetæ adstitisse, audientiamque sibi facturum

lyram tetigisse, atque tum demum oratione commonefecisse poetam. — Hanc explicationem confirmat hoc loco Ovidii A. A. II, 493 : « Hæc ego quum canerem, subito manifestus Apollo Movit inauratæ pollice fila lyrae... Is mihi, lascivi, dixit, præceptor amoris, » etc. et illis Tibullus, III, 4, 39, de Apolline : « Hanc primum veniens plectro modulatus eburno, Felices cantus ore sonante dedit. Sed postquam fuerunt digiti cum voce locuti, edidit hæc dulci tristia verba modo : » et Apollinis oratio subjicitur. His exemplis illustratam explicationem priore simpliciore libentius admittam. Ed.—*Ne parva Tyrrhenum per æquor Vela darem*, ne cum parva, qua ego uterer, cymba alto mari me committerem, h. e. ne tenuis, quod mihi esset, ingenio audacter tentarem, quæ magna tantum tentare possunt ingenia; sive : ne tentarem, cui impar essem, carmen epicum. Magni scilicet poetæ, qui in re gravi et ampla versantur, in alto mari navigare, sive, ut Virgil. Georg. II, 41, ait, « vela patenti pelago dare » finguntur; at iis, qui res tenues tractant, cymba tantum, haud alto mari committenda, tribuitur. Propert. III, 9, 3 : « Quod me scribendi tam vastum mittis in æquor? Non sunt apta miæ grandia vela rati. » Ovid. Trist. II, 329 : « Non ideo debet pelago se credere, si qua Audet in exiguo ludere cymba lacu. » — *Tyrrhenum*, pro mari quovis immenso.

4. *Tua, Cæsar, ætas*, etc. Observe poetæ artem, qua lectorem in

Fruges et agris rettulit uberes;
 Et signa nostro restituit Jovi,
 Derepta Parthorum superbis
 Postibus; et vacuum duellis
 Janum Quirinum clausit; et ordinem
 Rectum evaganti frena Licentiæ

5

10

mediam rem abripit. Non ait enim : « Ab Apolline igitur a re temere incepta deterritus, felicitatem potius per Augusti victorias nobis partam canam, » sed eam statim canit. — *tua ætas*, ætas quæ sub tuo imperio nobis contigit, h. e. pax per te nobis data. — *Fruges uberes*, ubertatem; supr. IV, 8, 8 : « Nutrit rura Ceres almaque Faustitas. » — *signa nostro restituit Jovi, Derepta Parthorum sup. Postibus*. De signis Romanorum militaribus a Parthis receptis vid. supr. in *Anal.* ad III, 8. Mentionem autem nunc facit horum signorum, quod non solum eorum recuperatio ad Augusti res gloriosissimas referebatur, et certatim poetarum carminibus tum temporis celebrabatur, vid. *Cerd.* ad Virg. *Æn.* VII, 607, sed etiam quod in illorum recuperatione, h. e. in victis Parthis, Romano nomini infestissimis, vel maxime nitebatur pacis, de qua sermo est, securitas. — *Derepta*; cf. inf. Epist. I, 8, ubi Augustus *signa templorum* Parthorum *refixisse* dicitur. — *nostro Jovi*, Marti quidem Ultori Augustus recuperata a Parthis signa consecrasse traditur; vid. Dio, LIV, 8. Sed quum poeta in universum nunc indicare vellet, signa illa populo Romano restituta esse, posuit deum, sub cuius peculiari tutela custodiri putabatur Romanum imperium;

pro vulgari igitur *nobis* multo gravius dixit *nostro Jovi*. — *Postibus*, sc. templorum; supr. III, 8, 18, in oratione Reguli : « Signa ego Punicis Adfixa delubris et arma Militibus sine cæde, dixit, Derepta vidi. » En. — *superbis*, magnifice ornatis; Virgil. *Æn.* II, 504 : « Barbarico postes auro spoliisque *superbi*. — *vacuum duell.* *Duellum* antique pro : bellum. De templo Jani est locus classicus apud Liv. I, 19; unde Janus dictus sit Quirinus, disci potest ex Macrob. I, 9 : « In sacris quoque invocamus Janum Quirinum, quasi bellorum potentem ab *hasta*, quam Sabini *curiæ* vocant. » Ceterum, quum *templum Jani* ter, ut Suetonius testatur Aug. 22, sub Augusto clausum fuerit, primum quidem U. C. DCCXXV post victoriam Actiacam, vid. Dio LI, 20; secundum DCCXXX, post bellum Cantabricum, vid. Dio LIII, 26; tertium, ut probatum ivit Masson. in *Templ. Jan. Reser.* p. 208, U. C. DCCXXXIV; recte Interpretes hoc carmen ad annum quo tertium Jani templum clausum fuit, referunt. Jam vero quum totum hoc carmen in describenda reductæ pacis felicitate versetur, summa illa de templo Jani clauso lætitia occasionem huic scribendo carmini dedisse videtur. — *vacuum duellis*, quod Jano clauso

Injecit, emovitque culpas,
 Et veteres revocavit artes,
 Per quas Latinum nomen et Italæ
 Crevere vires, famaue et imperi
 Porrecta majestas ad ortum 15
 Solis ab Hesperio cubili.
 Custode rerum Cæsare, non furor
 Civilis, aut vis exiget otium,
 Non ira, quæ procudit enses,
 Et miseras inimicat urbes. 20
 Non, qui profundum Danubium bibunt,
 Edicta rumpent Julia, non Getæ,

vacua bello fuit respublica. — *evag. frena Licent. Injecit*; sic supr. III, 24, 29: « indomitam refrenare Licentiam. » — *emovit culpas*, recidenda curavit flagitia, extirpavit. Similiter supr. IV, 5, 22: « Mos et lex maculosum edomuit nefas. » — *veteres artes*, veterem disciplinam, de qua Livius in Proëmio: « Ceterum aut me amor negotii suscepti fallit, aut nulla unquam respublica nec major, nec *sanctior*, nec bonis exemplis ditior fuit. » — *majestas*, gloria et amplitudo. — *ab Hesperio cubili*, ab Oceano, ubi sol conditur, sive, ut prisca sibi fingeat antiquitas, cubitum it, h. e. a solis occasu. Comparant Tibull. II, 5, 57: « Roma, tuum nomen terris fatale regendis, ... Quaque patent ortus, et qua fluitantibus undis Solis anhelantes abluit amnis equos. »

17. *Custode rerum Cæsare*; sic supr. IV, 5, 2: « Optimus Romulæ gentis custos, » et carmine anteced. v. 43, « tutela præsens Italiæ domi-

næque Romæ » vocatur. — *non furor*, seditio; *furor* et *furere* apud Ciceronem quoque passim de bellis civilibus. — *vis*, violentia; supr. III, 14, 14: « Ego nec tumultum, Nec mori per vim metuam, tenente Cæsare terras. » — *exiget otium*, pacem ex imperio Romano abiget et expellet. — *inimicat*, ad bellum concitat.

21. *Qui profund. Danubium bib.* Istri accolæ, Germani, Rhæti, Daci, etc. ut supr. II, 20, 20, « Rhodani potores » de Gallis; cf. carm. antec. v. 46. — *Edicta Julia*, quæ Augustus in pacis conditionibus observanda præscripsit victis populis. Nescio quomodo vir doctissimus Dacierius ad id induci potuerit ut *edicta Julia* de legibus ab Augusto latis, sc. Julia sumptuaria, Julia de maritandis ordinibus, Julia de adulteriis, Julia de vi publica et privata, intellexerit; quum hic minime de legibus ad refrænamdam civium licentiam latis agi constet, sed de conditionibus quæ victis Augu-

Non Seres, infidive Persæ,
 Non Tanain prope flumen orti.
 Nosque et profestis lucibus et sacris, 25
 Inter jocosî munera Liberi,
 Cum prole matronisque nostris,
 Rite Deos prius adprecâti,
 Virtute functos, more patrum, duces,
 Lydis remixto carmine tibiis, 30

stus imposuerat. Ed. — *Getæ*, ultra *Dacos* quidem Orientem et pontum Euxinum versus ad Istrum sedem suam habebant *Getæ*; vid. Strab. VII, p. 467; sed promiscue a Romanis pro *Dacis* ponuntur; Plin. IV, 12. Fusi illi sunt primum U.C. DCCXXXIV a Lentulo, cf. supr. ad III, 8, 18; debellati vero DCCLIII a Tiberio, vid. Dio LIV, 36. — *Seres*, Seres enim vel Indi, postquam legatos ad Augustum, qui ejus amicitiam peterent, Antiochiam miserant (de qua legatione Augusto honorificentissima vid. Sueton. Aug. 21), pro populis, qui Romano imperio se subiecissent, habebantur. — *Persæ*, Parthi. — *Tanain prope flum. orti*, Tanais accolæ, Scythæ.

25. *Nosque et profestis lucib. et sacris*, etc. Sensus: Nos vero, quibus tanta sub tanto principe securitate et felicitate frui licet, unoquoque die, tam non festo quam festo, una cum uxoribus nostris et liberis, deos ante inter vina solennibus libationibus venerati, egregia bonorum principum facta, et Trojam, unde originem nostram ducimus, et Anchisen, et almæ Veneris propaginem, carminibus ad modos Lydios decantatis ex more ma-

jorum celebrabimus! — Nota suavissimam oppositionem: Exteræ gentes nominis tui majestatem reverentur; nos, maximo felicitatis cumulo a te beati ornatique, tenerrimo te amore prosequimur, et tanquam numen beneficum veneramur. Ed. — Molliores sane pii gratique in bonum principem animi sensus ita hic locus spirat, ut ejus lectione vel durioris ingenii hominem suaviter affectum iri existimes. — *profestis*, diebus nempe non festis quoque, h. e. quotidie; unusquisque nempe civis cum suis privatim Augustum ex mente poetæ pie venerari debet; cf. infr. ad Sat. II, 2, 116. — *Inter jocosî munera Liberi*, libationes enim mensis secundis inter vina institui solebant; cf. supr. IV, 5, 33. — *jocosî*; cf. supr. III, 21, 18, ubi vid. not. — *Virtute functos*, virtutis laude, qua muneris sui partibus egregie perfuncti sunt, claros et nobiles, principes egregios. Sic Cic. Tusc. I, 45: « Nemo parum diu vixit, qui virtutis perfectæ functus est munere. » — *more patrum*; convivas enim in epulis apud veteres Romanos « solitos fuisse canere ad tibicinem de clarorum virorum virtutibus » Cicero in Quæst. Tusc. I, 2, ex Catonis

Trojamque, et Anchisen, et almæ
Progeniem Veneris canemus.

Originibus refert. — *Lydis remixto carmine tibiis*, h. e. carmine cum tibiis, et modos Lydios edentium, cantu invicem se excipiente. Noti apud veteres in arte musica sunt *modi Dorii, Ionii, Lydii, Æolii, Phrygii*; in quibus *modi Lydii* lætitiæ inprimis

exprimendæ adhibiti fuisse traduntur; vid. *Interpr.* ad h. l. — *almæ Progen. Veneris*, adeoque Augustum quoque, quem per adoptionem in gentem Juliam, ab Ascanio deductam, transiisse constat. Infr. carm. sæc. 50: «Clarus Anchisæ Venerisque sanguis.»

ANALYSIS. Felicitatem Romano imperio per Augusti victorias partam celebraturus suaviter poeta fingit, se primum quidem Augusti præliis et victoriis canendis vacare voluisse, sed, postquam ab Apolline de hoc temerario poetæ tenuis ausu monitus fuerit, se inde aversum ad bona potius, quibus nunc Romani, victis ab Augusto externis populis, fruuntur, advertisse animum. — Canit igitur, templo Jani nunc clauso, pacata esse omnia; cum cultu agrorum rediisse fertilitatem et rerum abundantiam, pristinoque legibus restituto honore vigere iterum coepisse veterem illam disciplinam, qua imperii Romani majestas, fama et nomen per totum terrarum orbem dilatatum et propagatum sit; nec dubium esse, quin, Augusto rerum custode, domi forisque in posterum bella compressa et sepulta jaceant; proinde Augustum dignum esse, quem quisque cum uxore sua et liberis ut deum tutelarem pie colat, et quovis die tam libationibus quam hymnis rite veneretur. — Comparent tirones hoc carmen cum hujus libri carmine quinto, et poetæ in eadem fere sententia pertractata ingenium et ubertatem cognoscant. — Regnat omnino per totum carmen sedatior spiritus, composita gravitas, æquabilis sententiarum progressio; accedit oratio comta ac decora magis, quam nimio fulgore sensuum vim hebetans; quæ quidem quantam ad carminis argumentum vim habeant, in promptu est animadvertere. Ed. — Ceterum hoc carmen U. C. DCCXXXIV, scriptum esse, ex versu 9, colligi potest, ubi vid. not.

QUINTI
HORATII FLACCI
EPODON LIBER.

CARMEN I.

AD MÆCENATEM.

Se cum eo ad Actiacum bellum proficiscente iturum profitetur.

IBIS Liburnis inter alta navium,
Amice, propugnacula,
Paratus omne Cæsaris periculum
Subire, Mæcenas, tuo?
Quid nos? quibus te vita sit superstite
Jucunda; si contra, gravis?

1. *Ibis Libur. inter alta nav. etc.*
Sensus: Ergone certum est, te, amicissime Mæcenas, commune cum Augusto in pugna navali periculum subire paratum, naves Liburnas consensurum, et inter formidabilem hostium classem navigaturum esse? — Per *naves Liburnas*, de quibus vide sup. ad I, 37, 30, designatur classis Augusti; per *alta navium propugnacula* autem classis Antonii et Cleopatæ, cujus *naves*, ut tradit Flor. IV, 44, « turribus atque tabulatis allevatæ, castellorum et urbium species præ se ferebant; » vid. Dio L. 48. Hinc Virgil. de classe Antonii Æn. VIII,

690: « Pelago credas innare revulsas Cycladas, aut montes concurrere montibus altos; Tanta mole viri *turritis* puppibus instant! » Cf. Plin. XXXII, 4. — Qui *alta navium propugnacula* de majoribus, quæ in classe Augusti fuerint, navibus explicant, non solum a fide historica recedunt, sed etiam periculi, de quo poeta maxime sollicitus est, magnitudinem nisi tollunt plane, certe elevant et minuunt. — *Paratus*, promptus omnia cum Cæsare subire pericula, in periculi societatem cum Cæsare venire. Ed.

5. *Quid nos? quibus, etc.* Quid ego igitur, te in tam periculosum bel-

Utrumne jussi persequemur otium,
 Non dulce, ni tecum simul?
 An hunc laborem mente laturi, decet
 Qua ferre non molles viros? 10
 Feremus; et te vel per Alpium juga,
 Inhospitalem et Caucasum,
 Vel occidentis usque ad ultimum sinum,
 Forti sequemur pectore.
 Roges tuum labore quid juvem meo, 15
 Imbellis ac firmus parum?
 Comes minore sum futurus in metu,

lum proficiente, faciam? ego, cui vita, si te superstitute vivitur, jucunda; at, si quid tibi acciderit, gravis et tristis est? — *quibus te vita sit superstitute jucunda*, quibus vita jucunda est et futura est te superstitute, si superstes sis. Alii ita legendum sentiunt: *quibus, te, vita, si superstitute, jucunda*, et explicant: Quibus vita ita demum jucunda erit, si te superstitute fuerit, contigerit. Hæc autem emendatio et omnino inutilis est, et in necessitatem difficilioris explanationis adducit. Ceterum jam eandem expressit sententiam Horatius lib. II, od. 17, v. 8: « Ah! te meæ si partem animæ rapit Maturior vis, quid moror altera? Nec carus æque, nec superstes Integer? » Ed. — *Utrumne jussi pers. otium, Non dulce, ni tecum simul? An hunc laborem*, etc. Utrumne, quod me facere jubes, domi ego vitam otiosam, non nisi in tua societate mihi jucundam, sectabor? an forti potius animo una tecum belli labores perferam? pro vulgari: Utrumne ego ex tua voluntate domi manebo, an una

tecum in bellum profisciscar? — *persequemur otium*, perseverabimus, perstabimus in otio.

12. *Feremus*; magna vis in repetita hac voce; insurgit cum poetæ affectu oratio. Profitetur scilicet Horatius secum Mæcenate vel longinquiora ac vel maxime periculosa loca petiturum. Tralatitia hæc apud poetæ summi amoris significatio; hoc autem loco tanto appositior, quo opportunior ejus in parando itinere mentio. Ed. — *Alp. juga*, ex inviis et periculosis regionibus Alpes ponuntur, propter immensam altitudinem. Ed. — *Inhosp. Cauc.* cf. supr. ad I, 22, 6. — *Vel occidentis usque ad ultim. sinum*, ad extremos usque Occidentem versus Oceani terminos. — *Roges*, etc. quæras forte cujus auxilii tibi futurus sim? Ed. — *labore meo*, mea militia, mea, quam in bello sustinere possum, opera. — *Imbellis ac par. firmus*, ἀπτόλεμος καὶ ἀναλκις. Post suam in Philippica pugna fugam se non bello natum merito ac jure profiteri poterat Horatius. Ed.

17. *Comes minore sum futurus in*

Qui major absentes habet;
 Ut assidens implumibus pullis avis
 Serpentum allapsus timet
 Magis relictis; non, ut adsit, auxili
 Latura plus præsentibus.
 Libenter hoc et omne militabitur
 Bellum in tuæ spem gratiæ;
 Non ut juvencis illigata pluribus

20

25

metu, si tecum proficiscar, hoc consequar, quod præsens minori angar sollicitudine. Sic Andromache, Senec. Troad. 515: «levius solet timere qui propius timet.» Ed.—*Qui major absentes habet*, scilicet majora vero semper absentes metunt. Ed. — *habet*, *tyu*, occupat, occupare solet. Ed. — *Ut assidens implumibus pullis avis*, etc. in hujus loci explicanda constructione multum operæ consumpserunt interpretes, ne sibi ipse contradicere videretur poeta, nam, ut aiebat Scalligerius, non potest avis assidens pullis pullos reliquise. Quam ut tollant ambiguitatem, alii adhibita post hoc verbum *timet* virgula, ita explicant: ut avis quæ implumes pullos habet, quum juxta eos assidet, timet quidem, multo magis vero timet, quum eos reliquit. Cui sententiæ ingeniosæ quidem et minime fastidiendæ, simpliciorum hanc Dacierii et aliorum explicationem prætulerim: ut avis quæ vulgo assidet, quæ fere semper pullis implumibus incubat, multo magis timet serpentium allapsus iis relictis, si forte eos reliquerit. Ceterum materiam avium sollicitudinem multæ poetarum illustrent comparationes inde desumptæ. Claudian. R. P. III, 141

sqq. «Sic æstuat ales, quæ teneros humili fetus commiserit orno allatura cibos, et plurima cogitat absens; ne fragilem ventus discusserit arbore nidum; ne fartum pateant homini, ne præda colubris.» Adde Æschyl. Theb. 293; Stat. Achill. I, 212. Ed.—*non, ut adsit, auxili Latura plus præsens*. quamvis, licet præsens sit, iis præsencia sua non magis quam si absit, auxili latura est. Sic non opus videretur, ut cum Bentleio pro: *non, ut adsit, auxili*, etc. rescribatur; *non, uti sit auxili*, etc. Explicat nempe *non, uti* pro: non quo, vel: non quod, sed an recte *ut* ita explicari possit, valde dubito.—*Serpens* avibus, præcipue pullis, infestum animal, infr. in Epist. ad Pis. v. 43, «non ut Serpentes avibus gementur.»

25. *Libenter hoc et omne milit.* etc. Libenter ego tam in hoc, quam in quovis alio bello militis vicem obibo, modo, id tibi gratum fore, sperare potero; alia, quæ alii spectant, belli præmia, ampliora latifundia, egregia pascua, villas magnificas, nihil equidem moror.—*Non ut juvencis illig. plur. Aratra niuantur mea*, exquisitiore loquendi ratione pro: *Non ut plures juvenci aratris meis illigat*

Aratra nitantur meis;
 Pecusve Calabris ante sidus fervidum
 Lucana mutet pascua;
 Nec ut superni villa candens Tusculi
 Circæa tangat mœnia.
 Satis superque me benignitas tua
 Ditavit: haud paravero,

30

nitantur, h. e. luctentur, vires in terra per aratrum proscindenda intendunt; pro tenui: arent. Pro *meis* Bentleius et Doering legi volunt *mea*; priori autem lectioni vis multo major, meo quidem iudicio, inest. Nam quum de magno juvenecorum numero loquatur poeta, non sine delectu in phraseos fine addit proprietatis significationem, quasi: juvenis, qui non ad arandos agros conducti, sed omnino mei sint. Ed. — *Pecusve Calabris ante sidus fervidum Lucana mutet pascua*, in egregiis enim Calabriae et Lucaniae pascuis numerosos greges et armenta beatiore Romanis alere solebant, ita quidem, ut ea ante ortum Sirii circa mensem ferme Junium e Calabria, vehementiori solis aestui exposita (unde *Calabria* supr. I, 31, 5, *aestuosa* dicitur), in saluosam et frigidioram Lucaniae regionem agerent, et sic pascua Calabria cum Lucania mutarent. Cf. infr. Epist. I, 8, 6. Cf. etiam de hac loquendi ratione: Mutat Calabria Lucana, ad Od. I, 47, 4 notata. — *Nec ut villa candens*, nec ut villa mea Sabina, ex candente marmore, ut villae ditiorum, exstructa, *tangat*, tam longe extendatur et porrigatur, ut attingat. — *Circæa mœnia Tusculi*, h. e. Tusculum (nunc *Frascati*),

cujus conditor, Circes filius, Telegonus, fuisse traditur; cf. supr. ad III, 29, 8. — *superni*, super iugo, ubi illud situm fuit, prominentis: nisi quis pro *superni* cum Bentleio: *supini* legere malit; similiter certe supr. III, 4, 23, *Tibur supinum* vocatur.

31. *Satis superque me benignitas tua* *Ditavit*, Sabinum enim suum Mæcenatis liberalitati acceptum referebat Horatius; hinc ille supr. II, 18, 12: « nec Largiora flagito, Satis beatus unicus Sabinis. » — *haud paravero*, meum non est comparare, congerere divitias. — *avarus ut Chremes*, non Chremetem Terentianum, sed senem illum avarum, qui apud Menandrum, in *Thesouro*, aurum in monumento quodam defodisse fingitur, intelligendum esse, jam Boettigerus ad h. l. monuit. — *ut nepos discinctus*, ut homo negligens et prodigus, qualis fere *Nomentanus* in Satiris describitur. — *Discinctus*, proprie de eo, qui male cinctus laxa tunica incedit, quod desidiosae et mollioris fere vita signum fuit; hinc *discincti* dicti sunt homines molliores ac luxu diffuentes. Unde Ovid. Amor. I, 9, 41: « Ipse ego segnis eram, discinctaque in otia natus. » Ed. — *nepos*, helluo, rem familiarem per luxum et libidinem perdens

Quod aut, avarus ut Chremes, terra premam,
Discinctus aut perdam ut nepos.

atque dilapidans; haud dubie inde, quod, qui ab avis educantur, vel mollissimo avorum suorum amore fruuntur, haud raro blanda eorum indulgentia corrumpuntur; hoc omnibus

notum. Sed Festus sub voce *nepos*: «luxuriosae vitae homines *nepotes* appellantur, quod non magis his rei suae familiaris cura est, quam iis, quibus pater avusque vivunt.»

ANALYSIS. Quum ad ea, in quibus veræ amicitiae fides spectaretur, referri quoque soleret promptus paratusque vel in remotissimas terras amicum comitandi animus (cf. supr. II, 6, et ibi not.); ejusmodi occasionem, qua Mæcenati fidem suam in amicitia probaret, cupide amplexus est Horatius. Mæcenati nempe jam id agenti, ut, Augustum in bello contra Antonium et Cleopatram secuturus, Brundisium, quo senatores et equestris dignitatis viri evocati fuerant (vid. Dio L, 41), se conferret, poeta, se, quamvis probe gnarum exiguum fore, quam praesentia sua ei in bellum proficiscenti prestare possit, operam, tamen, cum nullibi sine eo jucundam vitam agere possit, et suus de eo metus multo minor in ejus comitatu futurus sit, forti animo per omnes terras ad ultimum earum usque terminum illum secuturum esse, mollissimo animi sensu declarat. In quo quidem capto consilio ne forte lucris studio ductus esse videatur, αὐτάγκιστον suam laudando, et se ab omni divitiarum colligendarum studio alienissimum esse, profitendo, integerrimae amicitiae laudem sibi vindicat. Ceterum si verum est, quod *Massonus* in Vita Horatii evincere studuit, Mæcenatem anno DCCXXII, quo pugna ad Actium commissa est, Urbi praefectum fuisse, illum a perficiendo, quod primum ceperat, consilio deinde retentum esse statuendum est. Ceterum mollissimum amoris affectum inprimis esse, qui insigne huic carmini pretium faciat, admonitione vix egere arbitrator. Ed.—De inscriptione hujus libri *Epodon*, unde illa petita fuerit, et quo sensu accipienda sit, minime inter eruditos convenit. Titulus enim ille, si aliis credas, non nisi ex metro versuum quibus carmina constant, sumptus est. Ed.—Scilicet Iamborum inventor, Archilochus, ejusmodi quoque Iamborum genus invenisse dicitur (vid. Plutarch. de Music. p. 1141), quos ἐπιδόους appellaret, quia in illis, ut Diomedes (p. 482, edit. *Putsch.*) ait, *versuum partes* (h. e. versus breviores) *legitimis et integris versibus ἐπιδόνται*, h. e. accinuntur, vel, ut Hephæstion de Metr. (p. 70, edit. *Paw.*) docet, *ἐταν μετὰ στίχῳ περιττόν τι ἐπιέφηνται*. Jam vero quum ipse Horatius Archilochi se imitatore[m] profiteatur (Epist. I. 19, 23: «Parios ego primus Iambos Ostendi Latio, numeros animosque secutus Archilochi, non res et agentia verba Lycamben»);

hic liber Epodon autem ejus juvenilia inprimis et maledicentiora carmina contineat; profecto eorum sententia, qui ipsum illa ad Archilochi exemplum latiore sensu Epodon inscriptione tam insignivisse, quam publicasse, existimant, magnam veritatis speciem præ se ferre videtur;—alii vero, non omnia in hoc libro, sed decem tantum modo carmina illius metri versibus constare dicentes, non hinc *Epodon* inscriptionem, sed simpliciter a duobus vocibus græcis ἐπι ὄδῳ deduci volunt, hoc est *post odas*, quod hic liber multis annis post quatuor priores in lucem editus fuisset. Nihil dicam de mira illa Torrentii sententia, scilicet non *liber Epodon*, sed *liber Epodos* legendum esse, h. e. liber magicus, ex incantationibus quæ in carmine V continentur; fere omnes autem interpretes hoc nomen huic libro inscriptum fuisse non ab Horatio, sed a grammaticis qui ejus carmina ordinarunt, arbitrantur. Quapropter nonnulli, de futili illa disceptatione minime curantes, hunc librum, non *Epodon*, sed simpliciter *quintum Odarum* appellarunt. Nos autem, titulum hunc loco tam diu possesso dejicere non ausi sumus, lectori varias sententias referentes, ut, quam prætulerit, eligat. Ed.

CARMEN II.

Alphius fœnerator, quasi artis suæ pertæsus, laudat vitam rusticam; mox tamen ad ingenium et institutum redit.

BEATUS ille, qui procul negotiis,
Ut prisca gens mortalium,

1. *Beatus*; nota quantam vim habet h. v. initio statim positum et quasi ex Alphii pectore erumpens, qui rei fenebris curis tunc misere confectus, felicitatem omnibus votis vocare videatur. Ed.—*negotiis*, in quæstu faciendo versantibus, et proinde variis curis animum districtum tenentibus. —*Ut prisca gens mortal.* qualis vita antiquissimorum fuit. Illud in genere a poeta tempus designari putem, quo homines ad agros colendos unice studia sua conferrent, nullo neodum ha-

bendi ardore, per cupiditates demum excitato, vexati. Majorem vim, dignitatem ac veritatem sententia habet, quam si, ut Dacierius et alii volunt, ad priscam Romanorum vivendi normam illam adstringas; apud quos etsi *cura rusticationis* (ut Colum. Præf. ad I, 13 ait) gloriæ esset » et « virum bonum quum laudabant (ut ait Cato de R. R. I, 1) ita laudabant, bonum agricolam, bonumque colonum; » quum eorundem tamen bellicoso finesque dilatandi cupido animo reliqua vix

Paterna rura bobus exercet suis,
 Solutus omni fœnore!
 Neque excitatur classico miles truci,
 Neque horret iratum mare;
 Forumque vitat, et superba civium
 Potentiorum limina.
 Ergo aut adulta vitium propagine

5

concilias. Ed. — *Paterna rura*, rura non per operosum quæstum comparata, sed a patre jure hæreditario accepta; nec deinde aucta accessionibus et in regni speciem amplificata, qualia divitum Romanorum latifundia Horatii ætate erant, sed qualia accepta sunt servata, ideoque modesta. Eandem continentis laudem expressit I, 1, 11: «gaudentem patrios findere sarculo Agros.» Similiter Claudian. LII, 1: «felix, qui patriis ævum transegit in agris;» et Auson. Id. III, 1: «salve hærediolum, majorum regna meorum, Quod proavus, quod avus, quod pater excoluit.» Ed. — *rura exercet*, elegantius pro: arat. Sic «presso exercere solum sub vomere» apud Virgil. Georg. II, 356. — *suis*, non conductis, sed propriis. — *solutus omni fœnore*, liber ab omni rei fœnebris studio.

8. *Neque excitatur class. miles truci*, etc. qui neque miles e somno ad pugnam excitatur, neque mercator naufragii periculum expavescit, neque rebus forensibus operam dat, neque molesta illa, quibus potentiorum gratiam et favorem sibi colligat, obit officia. — *excitat. class. mil.* classica enim noctu quoque, subito ab hostibus facto impetu, ad milites e somno

excitandos caneantur; qua quidem re passim militis curæ et molestiæ designari solent; Tibull. I, 1, 4: «Martia cui somnos classica pulsa fugent.» — *truci*, refer ad terribilem classici sonum, quo milites ex somno excutiuntur. — *Neque horret iratum mare*, neque tentat mare, cujus ira semper horrorem incutit, neque se maritimis periculis obicit. De navigantibus autem Bias lepide dixit eos neque inter vivos, neque inter mortuos esse numerandos. Ed. — *Forumque vitat*, vitat lites, quæ in foro judicantur. Ed. — *superba limina*, intellege magnifica et splendida atria, quæ clientes, salutatum venientes, terebant. Cl. Mitsch. explicat *superba*, ubi superbe clientes tractentur, comparato loco Columellæ Præf. I, 7 seqq. ubi inter alia dicitur: «neque enim roganti, quid agatur intus, respondere servi dignantur.» Ceterum hunc locum Claudianus quoque in rusticæ vitæ descriptione imitatus est LII, v. 7, 8: «Non freta mercator tremit, non classica miles; Non rauci lites pertulit ille fori.» — Jam nunc cum illis Horatii versibus confer celeberrimum ejusdem tenoris locum in Virg. Georg. II, 461. Ed.

9. Molestis illis, vel ad quæstum,

Altas maritat populos, 10
 Inutilesque falce ramos amputans
 Feliciores inserit;
 Aut in reducta valle mugientium
 Prospectat errantes greges;
 Aut pressa puris mella condit amphoris, 15
 Aut tondet infirmas oves;

vel ad gloriæ et honorum studium, spectantibus negotiis opponit ea, quæ miram in agris voluptatem creant. Ut eo magis autem appareat, quanta illorum sit copia et varietas, non ordinem quemdam in iis recensendis servat, sed ea tantum, quæ sponte animo offeruntur, delibatur. — *Ergo*, is igitur. — *aut adulta vitium propag.* *Altas maritat pop.* aut vites novellas annectit populis; vites enim non *ulm*is tantum (vid. supr. ad II, 15, 4), sed etiam *populis* adjungi solebant; vid. Plin. XIV, 1. Idque propter altitudinem, quia vites « naturaliter in sublime procedunt, tum et materias ampliores creant, et fructum æqualiter percoquant. » Columell. de Arb. VI. Adde eund. de R. R. V, 6, 4: « vitem maxime populus videtur alere. » En. — *adulta vitium propag.* suaviter de novellis vitibus, usque eo adultis, vel tantum roboris nactis, ut in arbusta transponi possent, quod fiebat anno tertio; vid. Plin. XVII, 23, et Columell. de Arbor. VII. — *maritat*, vid. supr. ad IV, 5, 30. — *Inutil. falce amput.* *Felic. inserit*; et opus insitionis peragit; quod fit, si arborum truncis, unde rami *inutiles* (h. e. steriles, et ex ignobili stirpe procreati) resecti sunt, generosiores et fecun-

diores inseruntur; Columell. V, 11: « Tria genera porro insitionum antiqui tradiderant: unum, quo resecta et fissa arbor resectos surculos accipit, » etc. Cf. Ovid. Rem. Am. 195: « Venerit insitio, fac ramum ramus adoptet. » Cf. Virg. Georg. II, 74 seqq. — *Feliciores*, intellige surculos, e nobiliore stirpe prognatos; hinc *arbores felices*, in quibus melioris notæ poma nascuntur, Liv. V, 24, « nulla *felix* arbor, nihil frugiferum in agris relictum; » et Virg. Georg. II, 81: exiit ad cælum ramis felicibus arbor. » Cf. Claud. X, 66.

13. *Reducta*, sc. in sinus, h. e. curva, ut supr. I, 17, 17; Virg. Æn. VII, 703. — *mugientium*, resonans enim in vastis agris boum mugitus ad ea, quæ rerum agrestium amantes delectant, referri solet. Virg. Georg. II, 470: « *Mugitusque boum*, mollesque sub arbore somni Non absunt. » — *Aut pressa pur. mella cond. amph.* Colum. IX, 15, 3: « Ubi liquatum mel in subjectum defluxit alveum, transferatur in vasa fictilia. » — *pressa*; mel congestis favis exprimebatur. — *infirmas*, natura enim sua imbecilles sunt oves; hinc illæ apud Ovidium quoque, Ibis, 44, *infirmum pecus* audiunt.

Vel, quum decorum mitibus pomis caput
Auctumnus arvis extulit,

Ut gaudet insitiva decerpens pyra,

Certantem et uvam purpuræ,

20

Qua muneretur te, Priape, et te, pater

Silvane, tutor finium.

Libet jacere, modo sub antiqua ilice,

Modo in tenaci gramine.

Labuntur altis interim ripis aquæ,

25

Queruntur in silvis aves,

17. *Quum decorum mitibus pomis caput Auct. arvis ext.* suavi imagine pro vulgari : tempore auctumni ; *decorum*, exquisite pro : *pulchre* vel *rûe redimitum*, ut supr. III, 14, 7 : « *decoræ* Supplice vitta Virginum matres. » — *Auctumnus* vero, uti Bacchus fere, coronam e ramis pomiferis contextam capite gestare fingitur ; vid. *Boettig.* — *insitiva*, ipsius manu inserta ; et hoc sane non sine delectu, quum ii fructus nobis jucundissimi sint, quos nosmetipsi inserendo quasi creavimus. Ed. — *Priape*, Priapo enim, ut hortorum deo, pomorum primitiæ offerebantur ; cf. Catull. XX, 6, 9. — *Silvane tutor fin.* cf. supr. III, 29, 23.

23. Suavissima otiantis rustici in amœnissima regione imago ! desidiam ejus præclare depingunt duæ enuntiationes *modo... modo*, ut I, 1, 22. Ed. — *antiqua*, annosa adeoque patula, umbrosa. — *in tenaci gramine*, quod virore suo recubantem detinet. Ed. — *interim*, dum lentus in umbra, aut in toro gramineo recubat, delectatur aquarum lapsu. Ed. — *Labuntur ripis*,

intra alveum suum, ita ut ripæ altiores sint. Forte tamen profundos amnes innuit hoc epitheto, quibus v. 27 tenuiores rivos opponit. Cui sententiæ robur additur Senecæ loco Hyppol. 408 sqq. 6 Nostro ducto : « hic aves querulæ fremunt... Juvat aut amnis vagi pressisse ripas, cespitem aut nudo leves duxisse somnos, sive fons largus citas defundit undas, sive per flores novos fugiente dulcis murmurat rivo sonus. » Ed. — *Fontesque lymphis obstrepunt manant.* fontes aquarum suarum lapsu obstrepunt. Lene murmur docte poeta *lymphis manantibus* designat, nam *manare* de leni cursu aquarum solenne. Nonnulli pro *fontes*, *frondesque* legunt, quam imaginem aquæ inter frondium susurrum ex fonte desilientis multo suaviorem aiunt, et in cujus fidem Propertii IV, 4, 3 afferunt : « Lucus erat felix hederoso consitus antro, multaque nativis obstrepit arbor aquis. » Hanc sane imaginem suavissimam, ipsique faventem Propertii locum omnino fatear, neque tamen ego propter hoc, emendationem, contra codicum fere omnium

Fontesque lymphis obstrepunt manantibus,

Somnos quod invitet leves.

At quum Tonantis annus hibernus Jovis

Imbres nivesque comparat,

30

Aut trudit acres hinc et hinc multa cane

Apros in obstantes plagas;

Aut amite levi rara tendit retia,

Turdis edacibus dolos;

Pavidumque leporem, et advenam laqueo gruem,

Jucunda captat præmia.

36

fidem accipere ausim. Ed.—*quod*, h. e. murmur fontium. Ad posteriorem rem poeta retulit quod omnium esset. Ed.—*Somnos invitet*, somnum conciliet. Ovid. Met. XI, 604. « invitatur somnos crepitantibus unda lapillis. » Ed.—*leves*; supra Od. II, 16, 18, *levem* Horatius somnum vocat, qui facile excutitur; hic autem *leves somni* dicuntur, qui molles ac placidi sunt et sensim ac sine sensu corpus occupant. Ed.

29. *Quum Tonantis ann. hibern. Jovis Imbres nîv. comp.* ornatè pro tenui: redeunte hieme; *annus hibernus* pro anni tempus hibernum ut supra III, 23, 28, *pomifer annus* pro autumno. Ed.—*Tonantis*, aut perpetuo Jovis epitheto ad designandam summi moderatoris majestatem, aut potius de tempestatibus, quæ cum tonitru permixtæ sub hiemis initio in Italia sævire solent, audiendum. Ed.—*comparat*, in aere nempe colligens, collectasque inde demittens.—*multa cane*, multis canibus. Amant in canibus venaticis poetæ feminina, ut pote sagacitate præpollere credita, v. c.

Lacret. I, 405: « canes ut montivagæ persæpe Feraî Naribus inveniunt intactas fronde quietes. » Ed.—*Aut amite levi rara tendit retia, Turdis edac. dolos*, aut turdis struit insidias, vacat aucupio.—Per *amitem levem* intellige furculam, sive perticam levigatam, cujus ope rete, ex illa suspensum, avibus superinjecitur.—*rara*, filis tenuibus et minus densis contexta.—*Turdis edac. dolos*, ut dolose iis turdos escæ appetentiores capiat; *dolus* nempe turdis paratur esca vel illecebris appositis, cujus cupiditate allecti in insidias incidunt.—*Turdi*, gallice: *grives*.—*advenam gruem*, aves *advenæ* vel *peregrinæ* opponuntur *vernaculis*, h. e. quæ in regione, ubi natæ sunt, per hiemem quoque manent; *gruem* ad lautiores Romanorum epulas pertinuisse, apparet infr. Sat. II, 8, 87; cf. Plin. X, 23, § 30.—*Jucunda præmia*, dulcissimam structurarum insidiarum mercedem, prædam. Ovid. Rem. Am. 207: « Lenius est studium, studium tamen, alite capta, Aut lino, aut calamis, præmia parva sequi. » Propert. III, 11,

Quis non malarum, quas amor curas habet,

Hæc inter obliviscitur?

Quod si pudica mulier in partem juvet

Domum atque dulces liberos,

40

Sabina qualis, aut perusta solibus

Pernicis uxor Appuli,

46 : « Pana tibi comitem de rupe vocato, sive petes calamo præmia, sive cane. » Ed.

37. *Quis non malar. quas amor curas habet*, etc. Quum vocis *amor* latius pateat significatio, in ea explicanda mira fluctuant *Interpretes*. Alphii potissimum rationem habent, qui *amorem* de habendi cupiditate, augendarumque opum studio expli- cant, quod quidem molestiis suis haud careat, quas tamen in tot ac tantis vitæ rusticæ commodis, illarum tædia longe exsuperantibus, facile ferendas indicet Alphius. Non video autem qua lo- quendi ratione *amor* de habendi cupiditate intelligi possit. Equidem, quæ simplicissima atque ante pedes est explicationem amplector: in tanta, inquit poeta, utilitatis, quam rustica vita præbet, ubertate delectationisque varietate, quis non obliviscatur omnia illa, quæ hominis pectus perturbant, quis non se subducatur amori, qui malas curas habet, h. e. quis non pectus parum ac securum servet, inter illa rusticæ vitæ oblectamenta? amoris cruciatus venandi studio optime dis- cuti abigique satis locuples auctor est Ovid. Rem. Am. 199 : « vel tu ve- nandi studium cole; sæpe recessit Turpiter a Phœbi victa sorore Venus. Hunc leporem pronum catulo sectare

sagaci.... Aut his, aut aliis, donec de- discis amare, Ipse tibi furtim deci- piendus eris. » Ed.

38. *Quod si pudica*, etc. Jam nunc opponit isti amori malas curas ha- bent, castos et curis carentes pudicæ conjugis affectus. Sensus est: quod si ad hæc omnia accedat hoc, ut commu- nem rerum domesticarum curam gerat pudica materfamilias, quæ marito, ab opere diurno redeunti, accenso in foco igni, quo fessus ille recreetur, aman- ter prospiciat, oves claudat, mulgeat, et vino harno depromto agrestem coe- nam apparet; tum tenuis, quem rus suppeditat, victus me quidem magis, quam epulæ exquisitissimæ sumtuo- sissimæque, delectaverit. — *in partem juvet domum*, partem eam laborum quæ curandæ rei domesticæ educan- disque liberis prospicit. Comparant Euripid. Electr. v. 71 seqq. — *Sabina qualis*, laudatur passim, quæ apud veteres Sabinos vigerit, tam morum sanctitas, quam domesticæ disciplinæ severitas; cf. supr. III, 6, 38, et Columell. Præf. ad Lib. XII, 7-10. — *perusta solibus*, præclare ad pa- tientiam æstivi laboris designandam. Ed. — *Pernicis*, refer ad corporis agi- litatem, quæ multa exercitatione pa- ratur; sic apud Liv. LXIV, 34: « cor- pus perniciosissimum, » et XXVIII, 20,

Sacrum et vetustis exstruat lignis focum,

Lassi sub adventum viri:

Claudensque textis cratibus lætum pecus,

45

Distenta siccet ubera;

Et horna dulci vina promens dolio,

Dapes inemptas apparet;

Non me Lucrina juverint conchylia,

Magisque rhombus, aut scari,

50

« corpora multa exercitatione *perniciosa*. » — Horatium imitatus est Statius Silv. V, 1, 122 seqq. « ...velut Appula conjux Agricolaë parci, vel sole infecta Sabina, Quæ videt emeriti, jam prospectantibus astris, Tempus adesse viri, prope mensasque torosque Instruit, exspectatque sonum redeuntis aratri. » — *Sacrum et vetustis exstr.* exquisitiore forma, pro: ligna in foco exstruat. Eadem ratione Cic. Tusc. V, 21: « mensæ conquisitissimis cibis exstruebantur. » Cf. Ovid. Met. XI, 120. Ed. — *Lassi sub adv. viri*, scilicet ut *aquam calidam*, qua *fessus* maritus lavetur, *comparet*, uti Tibull. I, 10, 42, disertius in re simillima loquitur. — *Sacrum*, sc. Laribus. — *vetustis* pro: aridis. — *textis cratibus*, gallice, *des ctaies*. Ejusmodi ovilia cratibus circumdata apud nos frequentissime videntur. Ed.

48. *Pecus lætum*, luxurians satiensque ob bonam corporis habitudinem. — *Distenta siccet ubera*, ornatus pro tenui: mulgeat. — *horna vina*, hornotina, hoc ipso demum anno nata, adeoque non eam assecuta virtutem, quæ ex vetustate oritur. Hoc etiam ad simplicem designandum agricolæ victum, cui non ea est vini copia,

ut nonnulla delia in posteros annos servet. Ed. — *promens dulci dolio*, vinum scilicet servabatur primum in *cupa* sive *dolio* capaciore, unde illud, quando defæcatum fuerat, in amphoras, testas vel cados *defundebatur*; vinum igitur *ex dolio haustum*, vel *doliare*, bibere solebant tenuiores vel pauperiores, *defusum* vero et in apothecis vinariis reconditum beatiores; vid. Boettig. et quem Ernesti in Clav. Cic. s. v. *dolium* laudat Abram. ad Cic. Philipp. II, 27. — *dulci*; hoc epitheton a dolio ad vinum transferendum. Ed. — *Dapes inemptas*, quæ fundus præstat. Simil. Virg. Georg. IV, 132: « seraque revertens Nocte domum dapibus mensas onerabat inemptis. » Ed.

49. *Conchylia Lucrina*, e lacu Lucrino petita, quæ ceteris ostreis a lantiorum epularum æstimatoribus præferri solebant; cf. infr. Sat. II, 4, 32, et Macrob. II, 11. — *rhombus*, (gallice: *le turbot*) passim inter melioris notæ pisces laudatur; cf. infr. Sat. I, 2, 116; Columell. VIII, 17, 9. — *scari*; piscis ille, quem nos, ut creditur, *sarget*, inter nobilissimos reputabatur. Plinius enim H. N. IX, 47, « acaro principatum datam fuisse »

Si quos Eois intonata fluctibus

Hiems ad hoc vertat mare;

Non Afra avis descendat in ventrem meum,

Non attagen Ionicus

Jucundior, quam lecta de pinguisimis

55

Oliva ramis arborum,

Aut herba lapathi prata amantis, et gravi

Malvæ salubres corpori;

tradit, eumque Ennius propter optimum saporē, « cerebrum pene Jovis supremi » vocavit. Ed. — *Si quos Eois inton. fluctibus Hiems ad hoc vertat mare*; si forte tempestas, magno cum tumultu in mari Eoo exorta, eorum inde quosdam ad mare vicinum dispulerit; pisces enim illi non nisi ex Asiæ oris usque ad Siciliam reperiebantur; nec ullus in Tuscum mare descendebat, nisi tempestate aliqua totum mare verteretur. Unde Colum. lib. VIII, cap. 16: « Ut scarus, qui totius Asiæ Græciæque litoribus Sicilia tenuis frequentissimus exit, nunquam in Ligusticum, nec per Gallias enavit ad Ibericum mare. » Ed. — *intonata*, forma passiva insolite in neutrum verbum translata, pro: quæ cum fragore immissa est. Ed.

53. *Afra avis*, gallina Numidica, guttata (gall. *la pintade*), vid. *Schneid.* ad Columell. VIII, 2, 2. — *attagen Ionicus* (gall. *le francolin*), est ille adhuc regionum Asiaticarum inprimis indigena; de quo Martial. XIII, 61: « Inter saporē fertur alitum primus Ionicarum gustus attagenarum. » Ceterum cum hac lautitiarum enumeratione conf. Petronii locum, de Mut. R. 33: « ingeniosa gula est: Siculo sca-

rus æquore mersus Ad mensam vivus perducitur, inque Lucrinis Eruta litoribus vendunt conchyliæ cœnas, Ut renovent per damna famem. Jam Phasidos unda Orbata est avibus, etc. » Ed. — *Jucundior*, cum verbo *descendat* jungendum. Ed. — *lecta*; olivas legendas, h. e. manu decerpendas esse commune præceptum antiquitatis erat, « quod eæ, quæ vapulassent, inarescerent, nec tantum olei, quantum manu strictæ darent. » Varr. I, 53. Hoc tamen loco pinguisimas ac grandiores, quæ conditui adeoque mensis reponerentur, curiosa diligentia lectas innuit poeta. Ed. — *herba lapathi* (gallice: *de l'oseille*), α λαπαζευ, h. e. inanire, sc. alvum; hinc infr. Sat. II, 4, 29: « si dura morabitur alvus... pellent obstantia conchæ, Et lapathi brevis herba. » — *prata amantis*, pratensis, in pratis præcipue et locis udia atque palustribus nascentis; Plin. XX, 21. — *Malvæ salubres corpori gravi*, h. e. alvum adstrictiorem levantes; hinc supr. I, 31, 6. dicuntur *leves*; Mart. X, 48, 7: « Exoneraturas ventrem mihi villica malvas Attulit, et varias, quas habet hortus, opes. » — *Vel agna*, etc. frugalitatem rusticam vel in apparatu epularum paulo læ-

Vel agna festis cæsa Terminalibus,
 Vel hædus ereptus lupo. 60
 Has inter epulas, ut juvat pastas oves
 Videre properantes domum!
 Videre fessos vomerem inversum boves
 Collo trahentes languido;
 Positosque vernas, ditis examen domus, 65
 Circum renidentes Lares!
 Hæc ubi locutus fœnerator Alphius,
 Jamjam futurus rusticus,

tiori servatam præclare adjecta ostendunt, quibus raro admodum ac non nisi festis diebus rusticum indulgere ait; in quo et pietatis rusticæ rationem habitam videas. Ed.—*Terminalia*; festa in honorem dei Termini celebrabantur. Vide de iis Ovid. Fast. II, 639 seqq. Ed.—*cæsa agna*, Ovid. l. c. v. 655: «Spargitur et *cæsa* communis Terminus *agna*.» —*ereptus lupo*, qui adeo, lupi dentibus graviter læsus, aut perit, aut periturus est. Martial. X, 48, 13: «una ponetur cœnula mensa, Hædus inhumani raptus ab ore lupi.» Ed.

61. *Has inter epulas*, etc. Jam dulcissimam illam voluptatem, qua vespertino tempore post peractos diei labores rusticus perfunditur, breviter adumbrat. Concipit nempe animo fœnerator jucundissimum illum sensum, quo rusticus inter epulas agrestes, vel ovium pastarum domum properantium, vel boum cum inverso vomere ad stabulum redeuntium, vel vernarum circa Lares sedentium adspectu afficitur! — *Videre fessos vomerem inversum boves Collo trah. lang.* cf.

supr. III, 6, 42, et, quem laudat Misch. Oppian. Cyneq. I, 138 seqq. — *vomerem invers. collo trahentes*, h. e. aratra vomere inverso suspensa jugo trahentes; Virg. Eclog. II, 66: «Adspice; aratra jugo referunt suspensa juveni.» — *vernas*, servos dominatos. Ed.—*Positi*, discumbentes vel ut requiescant, vel ut epulis indulgeant. Ed.—*ditis examen domus*; Tib. II, 1, 23: «turbaque vernarum, saturi bona signa coloni.» Ed.—*Circum Lares*, circum Larium icunculas, quas ad focum positas fuisse satis constat. Ed.—*renidentes*, vel rustica munditie; vel potius ignis in foco accensi splendore refulgentes; Mart. III, 58, 22: «Cingunt serenum (lucentem) lactei focum vernæ, Et larga festos lucet ad Lares silva.»

67. *Hæc ubi locutus*, etc. Nihilominus tamen fœnerator *Alphius*, hæc locutus, ubi, jamjam futurus rusticus, omnem pecuniam (ad prædium sibi emendum) *Idibus* redegit, eandem mutato consilio proximis *Calendis* quærit ponere, (denuo fœnori dare.)—Scilicet *Calendas* et *Idus* duo

Omnem redegit Idibus pecuniam,
Quærit Calendis ponere.

illi apud Romanos cujusque mensis dies fuere, quibus pecunia vel fœnori daretur, vel fœnori data redigeretur; hinc non *Calendæ* tantum debitoribus, ut Noster infr. Sat. I, 3, 87, dicit, *tristes* fuere, sed etiam *Idus*, ut Catilinæ, cui Cicero in Orat. I, in Catil. c. 6, « fortunarum ruinas proximis Idibus impendere » ait.—*redegit pecuniam*, a debitoribus cum usuris expressam accumulavit, in unum reduxit. Alii pro *redegit*, volunt *relegit*; sed male. Vide Plin. Epist. III, 9: « Jam sestertium quadragies redegit; » Cicer. Divinat. in Q. Cæcilius 17: « Deinde bona vendit, pecuniam redegit; » et infinita alia; dum contra ne ullum quidem exemplum, ubi *relegere pecuniam* dicatur, inveniunt. Quapropter *redegit* libenter accepi. En.—*pecuniam ponere* pro: fœnori dare; sic infr. Epist. ad Pis.

v. 421: « Dives agris, dives *positis* in fœnore *nummis*; » et sic apud Cic. Verr. III, 70: « quum *posita* esset pecunia apud eas societates, unde erat attributa, binis centesimis fœneratus est. » Gallice: *emprunter à deux pour cent par mois*. Sic apud Græcos βάλλειν, καταβάλλειν, τῶναι, de quibus vide, quem Mitsch. laudat, Taylor. ad Lys. p. 380. Itaque ille Alphius inter fœneratores notissimus bis per mensem cum sorte centesimas exigebat Calendis et Idibus; et pecuniam quam Idibus receperat, eandem eo ipso die fœnori ponebat, ut Calendis proximis novam usuram perciperet. Sic apud nos acrius agunt sordidi quidam toculliones, *qui prêtent à la petite semaine, c'est-à-dire, à cinquante-deux pour cent par an, tandis que l'usurier d'Horace prêtait à vingt-quatre*. En.

ANALYSIS. Homines divitiarum colligendarum cupiditate præpediri, quominus felicioris vitæ jucunditatibus perfruantur, Alphii, fœneratoris cujusdam, exemplo proposito, declarat. Alphium enim, curarum et vitæ suæ molestioris pertæsum, ita de vitæ rusticæ, cui se consecraturus erat, felicitate et jucunditate in hoc carmine loquentem inducit, ut illum omni fœnore nunc plane solutum reliquam vitam in agris transacturum fuisse putaases. Verum enim vero bonus Alphius quoque, qui divitiarum colligendarum cupiditate se transversum agi pateretur, homo fuit. Nam postquam dulcissimam illam voluptatem, quæ in agris vel ex vitium et arborum cultu, vel ex pascentium gregum adpectu, vel ex melle condendo, vel ex ovibus tondendis, vel ex pomis uvisque carpendis, vel ex suavi, quo quis sub arboris umbra ad salientem fontem prostratus fruitur, otio, vel ex venatione, vel ex aucupio etc. percipi possit, ante oculos posuit; postquam domesticam, qua rusticus cum casta sua conjuge vivere solet, felicitatem suavissime descripsit, hominisque agrestis frugalitatem, longe ditiorum opulentæ præferendam, præclare laudavit; ne

multa! postquam Alphius felicior, quæ in agris ducitur, vitam luculentis coloribus adumbratam animo suo repræsentavit, ecce! qui modo futurus erat rusticus, ad quæstum ex fœnore faciendum redit!—Egregie plane vitæ rusticæ felicitatem in hoc carmine descriptam esse, nemo adhuc negavit; sed qui eam ab homine tam sordide, qualis Alphius fuit, commendatam nollent, fuere plures. Hinc quatuor ultimos hujus carminis versus seriore demum ætate ab Horatio adjectos esse nonnullis statuere placuit. Sed ii omnes, ut nihil dicam, jam versu quarto haud obscure vitæ suæ conditionem designasse Alphium, consilium, cur fœneratorem inprimis vitæ rusticæ nunc laudatorem fecerit poeta, parum perspexisse videntur. Scilicet ut vim illam, qua insatiabilis divitiarum cupiditas pervertere sæpe hominum mentes, et honestissima ex iis pellere soleat consilia, non verbis tantum et sententiis, quod sæpissime Horatius fecit alias, sed etiam vivo quasi exemplo quodam manifestam redderet, aptus, quem intuendum omnibus proponeret, visus ei est dives quidam fœnerator Alphius. Is igitur in hoc carmine partes agit hominis, qui, postquam meliora laudavit probavitque, deteriora sequitur. Vix enim Alphius vitæ rusticæ felicitatis laudes decantaverat, quum statim ad pristinum fœnoris exercendi studium rediret. Sublata autem in hoc carmine Alphii persona, tota hujus carminis gravitas tollitur.—Fœneratoris *Alphii* mentionem quoque facit Columell. I, 7, 2. — Cum nobilissima, quam hoc carmen continet, vitæ rusticæ descriptione cf. infr. Sat. II, 6, 59 seqq. Virgil. Georg. II, 458; Martial. I, Epig. 56; Claudian. C. 52; et alios ibi a *Cerda* et *Heynio* laudatos.

CARMEN III.

AD MÆCENATEM.

Allium detestatur.

PARENTIS olim si quis impia manu

Senile guttur fregerit,

Edat cicutis allium nocentius.

1. *Parentis olim si quis*, etc. Homini isti omnium scelestissimo, qui aliquando in parricidio deprehensus fuerit, supplicium decernatur id, ut allium cicutâ nocentius sumat. Nota quos colores ad augendam sceleris atrocitatem poeta admiscuerit.—*olim*, jam de tempore futuro.—*Edat*; alii: *edit*, ex antiqua subjunctivi forma *edim*, *is*, *it*.—*cicutis*, de cicutâ,

O dura messorum ilia!
 Quid hoc veneni sævit in præcordiis?
 Num viperinus his cruor
 Incoctus herbis me fefellit? an malas
 Canidia tractavit dapes?
 Ut Argonautas præter omnes candidum
 Medea mirata est ducem,
 Ignota tauris illigaturum juga,
 Perunxit hoc Jasonem:
 Hoc delibutis ulta donis pellicem,
 Serpente fugit alite.

5

10

herba illa venenosa, publica Atheniensium pena iniuria, vid. Plin. XXV, 13 s. 98. — *O dura messorum ilia!* sc. quæ perferre valent vim istam allii pestiferam! messoribus ejusmodi mortuum, ex allio et aliis contusis herbis confectum, rustica mulier Thestylis parat apud Virgil. Eclog. II, 10: « Thestylis et rapido fessis messoribus æstu Allia serpyllumquæ, herbas contundit olentes. »

8. *Quid hoc veneni*, quale dixerim ego illud veneni esse, quod, etc. — *viperinus cruor*, qui vim præsentissimi veneni habere putabatur; hinc supr. I, 8, 10, proverbiali locutione: « vitare aliquid sanguine viperino cautius. » — *Incoctus*, coquunt enim et incoquunt herbas venenatas veneficæ; sic *cocta gramina* apud Propert. II, 4, 8, et Medea apud Ovid. Met. VII, 265: « Seminaque, floresque, et succos incoquit acres. » — *me fefellit?* mihi fraudi fuit? — *Canidia*, cujus scelera infr. XVII, 61; et Sat. II, 8, 98, insectatur. — *tractavit*, miscuit. — *malas*, venenatas; *malus*, ut Gra-

corum κακός, sæpe de rebus noxiis et veneno infectis; vid. *Drakenb.* ad Sil. Ital. VIII, 500, et *Burmamn.* ad Petron. c. LVIII.

9. *Ut Argon. præter omnes cand. Medea*, etc. Sensus: Allio, sive allii succis Medea, postquam præ ceteris Argonautis ducis eorum pulchritudine capta fuit, Jasonem, ut igneum spiritum taurorum, quos jugo, quod illi nondum experti erant, alligare debebat, perferre posset, inunxisse credibile est. — *Ignota tauris illig. juga*, pro vulgari: tauros illigaturum ignotis jugis; plane ut supr. carm. 2, 25: « Non ut juvencis illigata pluribus Aratra nitantur mea. » Cf. de hac re, quos laudat *Interpretes*, Pind. Pyth. IV, 393; Apollon. Rhod. III, 1041; et Val. Flacc. VII, 463. — *candidum*, pulchrum, formosum, ut sæpe. — *mirata est*, amore ejus, postquam cum admiratione ejus formam contemplata fuerat, capta fuit; cf. supr. I, 4, 19; IV, 9, 18. — *Hoc delib. ulta donis pellicem*; allii quoque succis Medea dona illa nuptialia (pallam et coro-

Nec tantus unquam siderum insedit vapor

15

Siticulosæ Apuliæ:

Nec munus humeris efficacis Herculis

Inarsit æstuosius.

At, si quid unquam tale concupiveris,

Jocose Mæcenas, precor

20

Manum puella savio opponat tuo,

Extrema et in sponda cubet.

nam), quibus pellicem (*Creusam* sive *Glaucen*, novam Jasonis conjugem) — *siderum vapor*, æstus, qui sævit sub ortu Sirii. — *munus*, vestis, Nessi cruore tincta; vide Ovid. Met. IX, 430 seqq. — *efficacis*, gravissima quæque effecta reddentis, invicti. — *19. Tale*, suaviter pro alio, quod ne nomine quidem suo præ ejus contentu appellat. — *Jocose*, ad jocos Mæcenatis amatorios, de quibus statim verba facit poeta, referendum. *Marklandus* rescribendum esse censet: *Jocosa*, ut ad puellam referatur; sed non puella, quæ ob alii fœtorem oscula repudiat, satis commode *jocosa* dicitur. — *Manum savio opponat tuo*; Propert. II, 29, 39: «Dixit et opposita propellens savia dextra Prosilit.» — *Extrema in sponda cubet*, extrema lecti parte a te semota cubet, ne alii fœtorem trahat.

ferum, quod sumsi, corripior allium! — *siderum vapor*, æstus, qui sævit sub ortu Sirii. — *munus*, vestis, Nessi cruore tincta; vide Ovid. Met. IX, 430 seqq. — *efficacis*, gravissima quæque effecta reddentis, invicti.

19. *Tale*, suaviter pro alio, quod ne nomine quidem suo præ ejus contentu appellat. — *Jocose*, ad jocos Mæcenatis amatorios, de quibus statim verba facit poeta, referendum. *Marklandus* rescribendum esse censet: *Jocosa*, ut ad puellam referatur; sed non puella, quæ ob alii fœtorem oscula repudiat, satis commode *jocosa* dicitur. — *Manum savio opponat tuo*; Propert. II, 29, 39: «Dixit et opposita propellens savia dextra Prosilit.» — *Extrema in sponda cubet*, extrema lecti parte a te semota cubet, ne alii fœtorem trahat.

15. *Nec tantus unquam sid. ins. vapor*, etc. Nec tanto unquam solis æstu sub Sirii ortu arida illa terra Apulia (cf. III, 30, 41) exusta est; nec tanto æstu fortis olim Hercules per vestem a Dejanira acceptam correptus est, quanto ego nunc per pesti-

ANALYSIS. Postquam *allium* Horatius inter medios, quibus se misere illo sumto affligi queritur, cruciatus, tanquam herbam, qua nulla unquam a veneficis tractata sit potentior, graviter in hoc carmine execratus est, Mæcenatem, ne puellas forte gravi ejus fœtore ab amplexibus suis dimoveat, lepide alio abstinere jubet. — In levius hujus argumenti tractatione, non nisi facetissimum jocum reperias. Quod autem omnes fere interpretes hoc carmen ab Horatio compositum fuisse putent, quum ipse, apud Mæcenatem, allium, quod oderat, imprudens gustasset, nihil tale in toto carmine video. ED.

CARMEN IV.

In libertum quemdam, divitiis suis superbientem.

LUPIS et agnis quantā sortitō obtigit,

Tecum mihi discordia est,

Ibericis peruste funibus latus,

Et crura dura compede.

Licet superbus ambules pecunia,

5

Fortuna non mutat genus.

Videsne, Sacram metiente te viam

Cum bis ter ulnarum toga,

1. *Lupis et agnis quantā*, etc. Quantum lupis cum agnis, tantum tecum mihi intercedit odium, h. e. tu omnium mihi infestissimus es. De lupis et agnis sibi invicem infestissimis Homer. Iliad. XXII, 263: « Οὐδὲ λύκοι τε καὶ ἄρνες ὁμόφρονα θυμὸν ἔχουσιν, Ἀλλὰ κατὰ φρονέουσι διαμπερές ἀλλήλοισιν. » — *sortitō*, ex affectu et instinctu cuique animalium per sortem fatalem insito. — *peruste*, significanter pro: notate; lora enim, dum terga notant, graviter eadem simul urunt; hinc apud Catull. XXV, 10: « inusta flagella; » Hor. Epist. I, 16, 47: « *loris* non ureris. » — *funibus Ibericis*, ex sparto, quod in Iberia s. Hispania nascebatur, tortis; vid. Plin. XIX, 1, s. 2. — *crura, sc. peruste*. — *dura compede*, nequiores præcipue servi tam in ergastulis, quam in opere

foras faciendo, compedes gestare solebant.

3. *Licet superbus amb. pecunia*, licet superbo tuo incessu te divitem esse ostentes. — *superbus* tam ad *pecuniam*, qua quis superbit, quam ad *ambules* referendam; *ambulare*, ut Sat. I, 2, 25: « Malthinus tunicis demissis *ambulat*, » de iis, qui incessu dignitatem quamdam affectant. — *Fortuna non mutat genus*, manes tamen semper servilis conditionis homo. — *viam Sacram*, hanc viam enim frequentare inprimis solebat hominum otiosorum turba; cf. infr. Sat. I, 9, 1. — *te metiente*, suaviter jam *viam metiri*, ut paulo ante *ambulare*, dicitur is, qui se non vulgarem hominem esse, ostensurus, incessu dignitatem suam prodero studet; incedit autem ejusmodi homo vanus ita, ut gressus

Ut ora vertat huc et huc euntium

Liberrima indignatio?

10

« Sectus flagellis hic Triumviralibus,

« Praeconis ad fastidium,

« Arat Falerni mille fundi jugera,

« Et Appiam mannis terit;

« Sedilibusque magnus in primis eques,

15

« Othone contempto, sedet.

ad mensuram quamdam dirigere videatur. Vulgarem hanc secuti sumus lectionem *bis ter*, quae in multis codicibus reperitur; Bentleius autem sic emendavit: *b s trium*; et hanc emendationem multi post eum receperunt doctissimi interpretes, nosque eam ultro probaverimus, quum latini sermonis ratione postulari videatur. Eb. — Toga laxa autem, vel, ut Ovidius Remed. Amor. 680, loquitur, « toga laxo sinu conspicienda, » ab hominibus mollibus, luxuriosis et divitibus, tanquam opulentiae insigne, gestabatur. Hinc apud Ciceronem in Cat. II, 10, homines molliores « velis, non togis, amicti » dicuntur; et contra Nost. Ep. I, 18, 30: « Arcta decet sanum comitem toga. » — *Ut ora vert. huc et huc eunt. Liberr. indign.* Ut in via Sacra te hinc illinc transeuntes, converso ad te ore, liberrime indignationem suam prodant? Sequentem orationem: *Sectus flagellis*, etc. apte et graviter posta in vanum nostrum hominem per viam Sacram transeuntibus suggerit.

11. *Flagellis Triumviralibus*, de triumviris capitalibus, qui suppliciiis a damnatis sumendis praeerant, vid. *Lipsium* ad Tacit. Annal. V, 9, et

Cort. ad Sallust. Catil. 88. Eisdem de poenis servilibus jus dixisse docet *Pignor. de Servis*, p. 13. — *Praeconis ad fastidium*, scilicet, quo gravior poena olim ab isto homine sumta fuerat, eo majori illa fastidio et molestiae fuit praconi, qui tam poenae causam, quam magnum plagarum numerum publice pronunciare debeuerat. — *Arat*, possidet, nihil amplius, ut supr. III, 18, 26. — *fundi Falerni*, in Campania, ubi ob regionis cum amoenitatem, tum fertilitatem latifundia sua habebant Romanorum ditissimi. — *mannis* (cf. supr. III, 27, 7), equis Gallicis, parvis quidem, sed velocitate sua nobilibus, quibus beatiores in primis ad celeriora in villas facienda itinera usi sunt; Lucret. III, 1076: « Currit agens mannos ad villam hic praecipitanter. » — *Appiam terit*, per viam Appiam vehitur; haec via enim celeberrima ducebat ad Campaniam et Brundisium. — *Sedilib. magnus in primis eques*, *Othone cont. sedet*, et in spectaculis, elusa et susque deque habita lege Roscia, tanquam magnus eques prima sedilia occupat. — Lege enim theatralli, quam *L. Roscius Otho* U. C. DCLXXXVI tulit, sancitum fuit, ne quis in quatuordecim gradi-

« Quid adtinet tot ora navium gravi

« Rostrata duci pondere

« Contra latrones atque servilem manum,

« Hoc hoc tribuno militum? »

20

bus, sive cuneis. orchestræ, in qua senatores sedebant, proximis, sederet, nisi qui eques et equestri censu esset. Sed iste homo, quamvis ut tribunus militum equestri dignitate gaudebat, hactenus tamen legem Othonis contemnebat, h. e. cludebat, quod ex mente Othonis plebs et servilis conditionis homines, qualis iste fuit, ab equitibus ecerni debebant.

17. *Quid adtinet*, etc. Sensus: Quid expedit tanto apparatu classem instruere, ut latrones et servos vinca-

mus, si servi apud nos ad tribuni militum honores evehantur?—*ora nav. gravi pond.* *Rostrata*, h. e. rostra navium gravi æris pondere munita.—*latrones atque serv. manum.* Pompeii nempe exercitus, ad quem debellandum Octavianus U. C. DCCXVIII profectus est, maximam partem tum ex piratis et servis undique collectis constabat; vid. Dio XLVIII, 20; Flor. IV, 8; cf. infr. 9, 9-10.—*Hoc hoc*, maximam indignationis vim habet vox repetita. En.

ANALYSIS. Acerbissime poeta in hoc carmine hominis cujusdam, qui e servo tribunus militum factus erat, superbiam et insolentiam traducit. Rem indignam plane et vix ferendam esse ait, quod homo, qui servus olim loris cæsus et compede vinctus fuerit, nunc divitiis locupletatus omnes alios præ se contemnat, superbo gressu in toga laxa per viam Sacram se conspiciendum inferat, amplissima latifundia possideat, curru mannis juncto per viam Appiam volitet, et tribuni militum dignitate superbiens prima sedilia in spectaculis inter equites occupet!—Vulgo quidem hoc carmen: *In Sext. Mænam Pompeii Libertum*, inscribitur; sed recte deleta est hæc inscriptio ab Interpretibus recentioribus. Nam quum de tribuni militum honoribus, quos *Mænas* gesserit, nihil aliunde constet, nec ea, quæ de servilibus pœnis in hoc carmine commemorantur, in eum cadere videantur, infamis denique ejus perfidia, quam vel maxime poeta notaturus fuisset, ne verbo quidem in eo notata fuerit; perperam illud a veteribus Scholiastis ad *Mænam, Pompeii Libertum*, relatum esse facile apparet.—Incidit autem hoc carmen, si illud, ut ex versu 19, colligere licet, anno circiter U. C. DCCXVIII, quo exercitum contra Pompeii servilem manum missurus erat Octavianus, scriptum est, in ea tempora, quibus plures omnino, qui infimo loco nati tam bonis, quam honoribus proscriptorum ad se translatis, altius verticem extollerent, exstitisse satis constat. Ejusmodi igitur hominem aliquem, cujus nomen scire nihil attinet, poeta in hoc carmine tanquam in tabula depictum omnium derisui et contemptui proposuit.—Observatum Horatio esse Anacreontem, *Fragm. XXVII* (edit. *Fisch.*) *Toupius* in *Epist. Crit.* p. 180, monuit.

CARMEN V.

IN CANIDIAM VENEFICAM.

« At, o Deorum quidquid in cælo regit

« Terras et humanum genus!

« Quid iste fert tumultus? aut quid omnium

« Vultus in unum me truces?

« Per liberos te, si vocata partubus

5

« Lucina veris adfuit,

« Per hoc inane purpuræ decus precor,

1. Puer, mala, quæ sibi imminuant, expavescens, in hæc verba erumpit. — *At, o Deor. quidquid in cælo regit Terras et hum. gen.*! h. e. at per deos immortales, quid sibi vult hic tumultuosus apparatus? — *quidquid Deorum*, nota elegantia, pro: omnes dii. Liv. III, 25: « quidquid deorum est. » Idem II, 35: « quidquid patrum, » pro: omnes patres. Plura vid. apud *Drakenb.* ad Liv. t. IV, p. 675. — *tumultus*, videbat enim in rebus magicis apparandis hoc et illuc discurrere veneficas. — *aut quid*, sc. sibi volunt. — *in unum*, sc. conversi; abrupta oratio egregie ad pueri perturbationem exprimendam adornata est.

2. *Per liberos*, bene pueri animum doloris, quem parentes (cf. v. 101) de ejus interitu suscepturi sint, subit cogitatio; itaque obtestatur Canidiam per maternum ejus, si vere mater sit,

animum, ut parentum causa sui misereat. — *si vocata Lucina*, cf. supr. ad III, 22, 3. — *partubus veris*, vere parienti, h. e. nisi forte eos aliis matribus per malas fraudes subduxeris; inter ipsas preces igitur puer notat Canidiæ scelera, quod ad totius carminis consilium referendum est. — *Per hoc inane purp. decus*, per hanc togam prætextam, ingenuitatis meæ insigne, vanum illud, si me non tutum præstare potest a tua violentia; *inane*, quia nulla prætextæ ratione habita vim parabat Canidia; de *prætexta*, ut insigni, quod pueros ingenuos contra injuriam et violentiam muniret, laudant Quintil. Decl. CCCXL extr. « Ego vobis allego etiam ipsum sacram *prætextarum*, quo sacerdotes volantur, quo magistratus, quo *infirmitatem pueritiæ sacram* facimus ac venerabilem. » Scelus autem Canidiæ eo, quod ejus furor ne ingenuo qui-

« Per improbaturum hæc Jovem,
 « Quid ut noverca me intueris, aut uti
 « Petita ferro bellua? »

10

Ut hæc tremente questus ore constitit
 Insignibus raptis puer,
 Impube corpus, quale posset impia
 Mollire Thracum pectora;
 Canidia, brevibus implicata viperis
 Crines et incomtum caput,
 Jubet sepulcris caprificos erutas,
 Jubet cupressus funebres,
 Et uncta turpis ova ranæ sanguine,
 Plumamque nocturnæ strigis,

15

20

dem puero poperkerit, mirum in modum augeri, quilibet ipse sentit. — *Quid ut noverca intueris*, Famigeratissima novercalis in privignos odii infamia; unde cujuslibet immanis sævitie processit notatio. Ad nostrum Seneca Excerpt. Controv. IV, 6: « Hic tunc est: quid alterum novercalibus oculis intueris? » Ed. — *aut uti Pet. ferro bellua?* vel ut sæva bestia eum, a quo petita est, intueri solet, torvis nempe et minacibus oculis.

11. *Ut hæc trem. quest. ore*, etc. Sensus et orationis nexus: Postquam puer, hæc ore tremente questus, prætexta ei derepta, ut corpus impube et nudum (per appositionem pro: impubi corpore) cujus adspectus vel impia Thracum pectora flectere posset, constitit; tum Canidia, etc. — *Insignibus*, prætexta cum bulla, collo appendi solita, quam Cicero quoque « ornamentum pueritiæ, indicium at-

que insigne fortunæ » appellat, Verr. I, 58. Ed. — *brev. impl. vip. Crin. et incomt. cap.* Furiarum more angineo capillo redimita; hinc venefica Erichtho, ad sacra magica se accingens, apud Lucan. VI, 684: « Discolor, et vario Furiæ cultus amictu Induitur, vultusque aperitur crine remoto, Et coma vipereis substringitur horrida sertis. » — *incomtum*, sic Tisiphone apud Tibull. I, 3, 69: « Tisiphoneque impexa feros pro crinibus angues. » — *caprif. erut. sepulcr.* ad infaustas enim et infelices arbores, quarum ligna in sacris magicis accendi solebant, pertinebat *caprificus* in sepulcris nata; cf. Propert. IV, 5, 74. — *cupressus funeb.* quia *cupressus* in tumulis poni solebat; hinc supr. II, 1, 5, dicitur: *invisa*. — *et uncta turpis ova ranæ sanguine*, etc. Sic jungendum: Ova et plumam strigis uncta sanguine turpis ranæ. — *uncta*,

Herbasque, quas Iolcos atque Iberia
 Mittit, venenorum ferax,
 Et ossa ab ore rapta jejunæ canis,
 Flammis aduri Colchicis.

At expedita Sagana per totam domum
 Spargens Avernales aquas,

25

polluta, contaminata, ut *supr.* II, 1, 5, « arma cruore *uncta*. » *Infr.* Sat. II, 2, 68 : « Neque, sicut simplex Nævius, *unctam* Convivis præbebit aquam ; » et sic *unctæ manus*, Sat. II, 4, 78. — *turpis ranæ*, rubetæ, quæ, quia sanguine venenato, ut *viperæ*, turgere putabatur, sacris magicis inservit ; Juvenal. VI, 659 : « At nunc res agitur tenui pulmone rubetæ. » — *nocturnæ strigis*, ex nocturnum genere, ob flebilem inprimis vocem, quam noctu e culminibus et in bustis edit, inauspicatæ ; de ejus, uti *bubonis*, in sacris magicis usu vid. Ovid. Fast. VI, 139 seqq. Simile intrumentum magicum habet Senec. Med. 751 seqq. : « ... Mortifera carpit gramina, ac serpentium Saniem exprimit, miscetque et obscenas aves, Mœstique cor bubonis, et raucæ strigis Exsecta vivæ viscera. » Propert. III, 4, 27, eadem fere enumeratione : « Illum turgentis ranæ portenta rubetæ, Et lecta exsertis unguibus ossa trahunt : Et strigis inventæ per busta jacentia plumæ. » Ed. — *Iolcos*, urbs Thessaliæ, ut omnis Thessalia, venenorum feracissima. — *Iberia*, Ponti regio, Colchis vicina ; intelliguntur igitur venenatæ herbæ, qualibus Medea usa sit. « Has herbæ, atque hæc Ponto mihi lecta venena Ipse dedit Mœris, » Virg. Ecl. VIII, 98 ; et Tibull. II,

4, 55 : « quidquid Medea veneni, Quidquid et herbarum Thessalia terra gerit. » Feracissimæ autem venenorum proventus hæc regiones habitæ sunt, quoniam ibi superstitio ista maxime viguit. Ed. — *ossa ab ore rapta jejunæ canis*, ossa erepta ori canis famelicæ ; famelicæ scilicet canis saliva venenum quoddam ossibus quos illa vorat inspergit. Lucan. VI, 550 : « Et quacunque jacet nudum tellure cadaver... nec carpere membra Vult ferro, manibusque suis ; morsusque luporum Exspectat, siccis raptura e faucibus artus. » Eadem de causa « extorta dentibus ferarum trunca calvaria » adhibet saga apud Apulei. III. Ed. — *aduri*, non ita uri ut in cinerem redigantur, sed bene trita et commixta imponi flammis, ut coquantur et philtrum fiant. Ed. — *Colchicis*, magicis, quales additis lignis infelicibus accenderit Medea Colchica.

25. *Sagana*, una scilicet ex tribus Canidiæ administris. — *expedita*, succincta ; *infr.* Sat. lib. I, 8, 23 : « Vidi egomet nigra *succinctam* vadere palla Canidiam. » — *sparg. Avern. aquæ*, scil. ad domum lustrandam. *Aquæ Avernales*, ex Averno petitæ. — Hinc Dido, sacra magica ad se amore exsolvendam instituens, apud Virg. Æn. IV, 512 : « Sparserat et latices simulatos fontis Averni ; » et sic *Stygius*

Horret capillis, ut marinus, asperis,
Echinus, aut currens aper.

Abacta nulla Veia conscientia

Ligonibus duris humum 30

Exhauriebat, ingemens laboribus;

Quo posset infossis puer.

Longo die bis terque mutatae dapis

Inemori spectaculo

Quum promineret ore, quantum exstant aqua 35

Suspensa mento corpora:

Exsucta uti medulla, et aridum jecur

Amoris esset poculum:

Interminato quum semel fixae cibo

lacus apud Propert. IV, 3, 15. — *marinus echinus*, erinaceus. Gall. *oursin* ou *hérisson de mer*. Hinc ducta proverbialis locutio ἔχινου τραχύτης. — *aper currens*, a canibus latibulo exagitatus, atque in venatores objectos subidentesque incurrens; Stat. Th. XI, 530: « Fulmineos veluti præceps quum cominus egit Ira sues, strictisque erexit pectora sætis, etc. » Sil. Ital. I, 421: « Fulmineus ceu Spartanis latratibus actus, Quum silvam occursum venantium perdidit, hirtio Horrescit sætis dorso et postrema capessit Prælia. » Nonnulli interpretes pro *currens* legi voluerunt *Laurens*, h. e. e Laurentibus silvis, cum N. Heinsio, vel *furens* cum Bentleio, quia scilicet, ut aiunt, non currendo, sed stando et pugnando apri inhorrescerent. Hanc autem sententiam refellunt allati ex Statio et Silio loci. En.

29. *Abacta nulla Veia conscientia*; Veia, altera Canidiæ administra,

quæ a re iussa se non abigi et deterri patiiebatur sceleris, quod perpetraret, conscientia. — *humum Exhaur.* scrobem effodiebat. — *ingem. laboribus*, significanter de duriore labore, qui omni virum nisu inter gemitus et anhelitus perficitur; sic fere apud Virgil. Georg. I, 45, « taurus aratro ingemere » dicitur. — *Quo posset inf. puer Longo die bis terque mut. dapis Inem. spect.* ut ibi infossus puer adspectu appositarum epularum, et sæpius per longos dies, ut eo majore earum desiderio maceraretur, mutatarum intabesceret et fame enecaretur. — *die longo*, qui puero fame excruciato longissimus videretur. — *posset inemori*, pro: inemoraretur; *posse* enim sæpe inservit periphrasi. — *aqua Suspensa mento corpora*, viva imagine pro tenui: nantes. — *medulla exsucta*, fame exesa et exsiccata; Ammian. Marcell. XXX, 4: « ad usque ipsas medullas

Intabuissent pupulæ.
Non defuisse masculæ libidinis
Ariminensem Foliâ,
Et otiosa credidit Neapolis,
Et omne vicinû oppidum:
Quæ sidera excantata voce Thessala,
Lunamque cælo deripit.
Hic irresectum sæva dente livido
Canidia rodens pollicem,
Quid dixit? aut quid tacuit? « O rebus meis

exsuctus. — *Amoris pocul.* philt-
trum. — *quum semel*, h. e. simul ac,
ita ut *semel* infr. Sat. II, 2, 124. —
cibo interminato, interdicto, ad quem
tangendum non admittebatur.

41. *Non defuisse masculæ libid.*
Ariminensem Foliâ, etc. Sensus:
Foliâ, Arimino (Umbriæ oppido)
ortam, nefandæ libidinis veneficam,
operam suam hîs sacris magicis com-
modasse, Neapolis et vicinorum oppi-
dorum incolis persuasum fuit; haud
dubie, quod in hac præcipue regione
multa de Foliæ arte magica circumfe-
rebantur. — *masculæ libid.* Græcis
ejusmodi semina, quæ ipsa libidini
sue contra leges naturæ satisfacere
studet, τριῖς dicitur; vid. Martial.
I, 91; et cf. Juvenal. VI, 340. —
otiosa, jucundum literarum amantibus
otium præbens; de *Neapoli*, studio-
rum sede, vid. edit. nostr. Poet. min.
t. III, Excurs. II, p. 274 et seqq.
En. Sed Cl. Mitsch. ideo nunc Nea-
polin *otiosam* dictam esse putat, quod
Romani, amenitate regionis invitati,
eo secedere soliti fuerint. Idem mihi
videtur. Ea de causa Ovid. Met. XV,

744, « Parthenopen in otia natam »
dicit. — *voce Thess.* carmine magico
mota: — *Lunamque cælo deripit*;
Virgil. Eclog. VIII, 69: « Cærmina
vel cælo possunt delucere Lûtiâ, »
ubi fuit de hac re egit *Cerda*.

47. *Hic irresect. dente liv. Cani-*
dia rodens poll. en scdam corporis
spurcitiam, sub qua Canidia carmen
magicum decantans inducitur! — *ir-*
resectum pollicem, Furis quoque,
quarum externum habitum veneficis
induunt poetæ, *ungues irresectos* go-
runt, uti depictam earum unam nobis
dedit *Boettigerus* in præclaro libello:
Furien-Maske (Weimar, 1801) tab.
I. Cf. infra Sat. I, 2, 26. — *rodens*
pollicem, solitum enim hoc furibun-
dis, ut ungues rodant. Propert. II, 3,
3: « Et sæpe immeritos corrumpas
dentibus ungues, Et crepitum dubio
suscitet ira pede. » En. — *livido*, lu-
rido, carioso, quales vetularum dentes
esse solent. — *Quid dixit? aut quid*
tacuit? nefanda quæque effata et pa-
lam professæ est; quod gravius per
interrogationem extulit poeta. — *O*
rebus meis Non infid. arbitra, Nox,

- « Non infideles arbitrae, 50
 « Nox, et Diana, quæ silentium regis,
 « Arcana quum fiunt sacra,
 « Nunc nunc adeste: nunc in hostiles domos
 « Iram atque numen vertite.
 « Formidosæ dum latent silvis feræ, 55
 « Dulci sopore languidæ,
 « Senem, quod omnes rideant, adulterum
 « Latrent Suburanæ canes,
 « Nardo perunctum, quale non perfectius
 « Meæ laborarint manus.... 60

et Diana, etc. Noctem et Dianam sive Hecaten, sacrorum magicorum præsidæ, veneficarum more invocat Canidia; ut Medea apud Ovid. Met. VII, 492 seqq. « Nox, ait, arcanis fidi-
 sima... Tuque triceps Hecate, quæ
 ceptis conscia nostris, Adjutrixque ve-
 nis. » Cf. Senec. Med. 740, et Lucan.
 VI, 695 seqq. — *Non infid. arbitrae*,
 quæ certam mihi opem fertis, quæ
 auxilio me vestro nunquam destitui-
 tis. Ed. — *quæ silentium regis*, Diana
 quæ silentium efficit, efficere videris,
 quum, te lucente, omnia semper si-
 leant; Virg. Æn. II, 255: « ...tacitæ
 per amica silentia lunæ. » — *Nunc
 nunc adeste: nunc in hostiles domos
 Iram atque numen vertite*; ex anti-
 quo, ait Mitscherl. precandi ritu, pro:
 mihi propitiæ sitis, ira vestra in hos-
 tes ablegata. Sed in quosnam Noctis
 et Dianæ hostes? per *hostiles domos*
 haud dubie intelligendæ sunt eæ, quæ
 ipsi Canidiæ infestæ fuerunt; malim
 igitur de meretricibus, quæ Varum a
 Canidiæ amplexibus nunc detinerent,

cogitare. — *Iram et numen*, h. e.
 numen iratum, iram numinis.

55. *Formidosæ*, etc. *formidososis*
 al. legunt. Vulgarem sententiam « Ad-
 ducite mihi senem a meretricibus Su-
 buranis » ita effert: Facite, quæso, o
 Deæ, ut media nocte Varum, nardo,
 quo melius et perfectius ego nunquam
 mihi confecisse videor, perunctum,
 canes in vico Subura petant, et latratu,
 de qua re omnes risum tollant, re-
 deantem persequantur. — *quod omnes
 rideant*, quid enim senili amore ridicu-
 lius? Nota Ovidii, Am. I, 9, 4: « Turpe
 senex miles, turpe senilis amor. » Ed.
 — *Suburanæ canes*, in vico enim Su-
 bura, sive Suburra, nequitie suæ
 officinam habebant meretrices; hinc
 apud Mart. VI, 66, v. 1 seqq. de
 præcone puellam vendente: « Famæ
 non nimium bonæ puellam, Quales in
 media sedent Subura, Vendeat mo-
 do præco Gellianus. » Pers. V, 32:
 « Quum blandi comites, totaque im-
 pune Subura Permisit sparsisse oculos
 jam candidus umbo. » — *Nardo pe-*

- « Quid accidit? cur dira barbaræ minus
 « Venena Medæ valent,
 « Quibus superbam fugit ulta pellicem
 « Magni Creontis filiam,
 « Quam palla, tabo munus imbutum, novam 65
 « Incendio nuptam abstulit?
 « Atqui nec herba, nec latens in asperis

runctum, unguentis meretricibus placendi causa delibutum; hoc ad ridiculum magis. Plaut. Casin. act. II, sc. 3, v. 22: « Vix teneor quin, quæ decent te, dicam. Senecta ætate unguentatus per vias, ignave, incedis. » Melius de philtro alii cum Gesnero, de veneno alii cum Dacierio cogitant, quod Canidia Vari imagunculæ ceræ, quam in manibus teneret, adpersisset. Ed. — *Quale non perfectius*, quale unguentum non efficacius ad Varum adducendum composuerim. Ed.

61. *Quid accidit? cur*, etc. Non uno tenore hæc omnia pronuntiassæ, sed orationem interdum, ut res ferebat, Canidiam inhibuisse puta. Quum igitur, compressa jam aliquantisper voce Varum, quem ad se rediturum esse speraverat, frustra expectasset Canidia; tum illa moræ impatiens et indignatione de vano incantationis suæ effectu plena in hæc fere verba erumpit: « Quid tandem accidit, cur minus nunc vim suam exserunt venena alias efficacissima? Atqui ego omnium herbarum venenatarum sum scientissima! Nihilominus Varus indormit nunc omnium pellicum cubilibus, medicamine quasi aliquo, quod mei oblivionem inducat, infectis! » Apud Virgilium quoque Eclog. VIII, venefica ita carmen suum decantat, ut

eventum incantationis expectando in media oratione aliquantisper subsistat; sic enim illa v. 101: « Fer cineres, Amarylli, foras, rivoque fluenti Transque caput jace; nec respexeris: his ego Daphnin Aggrediar; » jam expectat redeuntem ab urbe Daphnin, qui quum interposita aliqua mora non venisset, tum demum addit: « nihil ille deos, nil carmina curat. » — *cur dira venena Medæ*, cur venena mea, quæ eadem sunt ac illa quibus usa est Medea, minus valent, minorem solito vim habent? quum scilicet inter omnes venenificas famosissima ac peritissima fuisset, venena Medæ nomine notantur. Sic Tibull. I, 2, 55, de saga: « Sola tenere malas Medæ dicitur herbas. » Ed. Cf. etiam Theocrit. II, 15: « Φάρμακα ταῦθ' ἑρδουσα χερσίωνα μήτε τι Κίρκης, μήτε τι Μηνδείας, μήτε ξανθῆς Περσηίδας. » — *barbaræ*, Colchicæ. — *superbam pellicem*, Creusam s. Glaucen, ob honorem, quo ab Jasone Medæ præ-lata fuerat, magnifice se nunc extol- lentem; simillime autem supr. Epod. 3, 14, de Medea « Hoc delibutis ulta donis pellicem, Serpente fugit alite, » ubi de hac re cf. not. — *tabo munus imbut.* pallam, quam veneno infectam ut munus nuptiale Creusæ miserat.

67. *Atqui*, etc. Et tamen ego nul-

« Radix fefellit me locis.

« Indormit unctis omnium cubilibus

« Oblivione pellicum....

70

« Ah! Ah! solutus ambulat veneficæ

« Scientioris carmine.

« Non usitatis, Vare, potionibus

« O multa fleturum caput!

lum in velocissimis venenis conqui-
rendis laborem effugi, omnia ten-
tavi. Ed. — *fefellit me*, fugit meam
artis magicæ peritiam. Ed. — *in as-*
peris locis, ne horruai quidem locos
asperos, rupes adire, in quibus her-
bas invenirem. In his enim, quæ inter
rupes nascuntur, virtus præcipua;
Lucan. VI, 438: « Thessala quin
etiam tellus herbasque nocentes Ru-
pibus ingenuit. » Ed. — *Indormit*
unctis omnium cubilibus Oblivione
pellicum; sic ordina: indormit cubi-
libus omnium pellicum unctis obli-
vione. Sensus est: quamvis omnia
tentaverim, nihil tamen promoveo;
mei ille plane oblitus est, « nihil ille
deos, nil carmina curat » ut Virgil.
ait. Ecl. VIII, 103; indormit pelli-
cum cubilibus, earumque amore di-
strictus, me omnino negligit. Cubilia
pellicum *uncta oblivione* dicuntur,
h. e. oblivionem inducentia, quatenus
Varum ita tenent, ut medicamine
oblivionem Canidiæ inducente irri-
gata videantur. *Omnium pellicum*
per hyperbolen ponitur quo vividius
iram suam exprimat Canidia quæ,
quum Varum sciat aliquot meretri-
cum amore detineri, illum multarum,
immo etiam omnium meretricum cu-
bilibus indormire dicat. Alii ita ex-

plicant: indormit cubilibus suis, unctis
oblivione omnium pellicum et mei,
oblitus meretricum et Canidiæ. Hæc
autem sententia vv. 57, 58 repugnat
et multo minorem vim habet, quum
sane Canidiæ multo facilius ferendum
sit se a Varo contemni, si omnes si-
mul meretrices contemnantur. Ed.

71. *Ah! Ah! solutus amb. venef.*
Scient. carmine. Antequam hæc lo-
queretur Canidia, eam paulisper in
meditatione defixam adstitisse, et de
causa irriti sui conatus cogitasse exi-
stima, qua inventa « Ah! Ah! » in-
quit, « nunc scio, cur Varus non ve-
nerit; ille scilicet scientioris cujus-
dam veneficæ carmine a vi incauta-
tionis meæ solutus nihil mea carmina
curat, sed secure et libere circumva-
gatur. » — *ambulat*; *ambulare* jam de
iis, qui securi et tuti ab omni periculo
incedunt; supr. IV, 5, 17: « Tutus
bos etenim rura perambulat. » — *Non*
usitatis, Vare, potion. O multa flet.
caput! etc. Ergo, o Vare, novæ et
insolitæ, quam tibi miscebo, potionis
vi non sine multis lacrimis ad me re-
cerres, nec te semel mihi advocatum
alia saga iterum a me avocare car-
mine suo valebit. — *multa fleturum*;
multa pro: multum; sic plane *multa*
lacrimans apud Ennium in Fragment.

Ad me recurre : nec vocata mens tuâ

75

Marsis redibit vocibus.

« Majus parabo, majus infundam tibi

« Fastidienti poculum :

« Priusque cælum sidet inferius mari,

« Tellure porrecta super,

80

« Quam non amore sic meo flagres, uti

« Bitumen atris ignibus. »

Sub hæc puer, jam non, ut ante, mollibus

Lenire verbis impias;

Sed dubius, unde rumperet silentium,

85

Misit Thyesteas preces :

« Venena magnum fas nefasque; non valent

« Convertere humanam vicem.

p. 196, edit. Hessel. quod exstat apud Cicer. de Divinat. I, 29. — *steturum*, doliturum; infr. Sat. II, 4, 46: « Qui me commoritur... *Flebit* et insignis tota cantabitur urbe. » — *mens tua red.* nec mens tua a meo amore iterum expediri poterit. Ed. — *Marsis voc.* pro quibusque carminibus magicis. *Marsi* ut serpentium venenatorum domitores præcipue celebrantur; Aul. Gell. XVI, 11; hinc Virg. Æn. VII, 788: « Marsis quæsitæ montibus herbæ, » ubi vid. Cord. Cf. Nic. Heins. ad Ovid. Art. Am. II, 102, infr. 17, v. 29. *Marsa nœnia* pariter de carmine magico. — *Majus parabo*, etc. Multo fortius et potentius phiktrum tibi parabo, et tibi, quamvis fastidienti, h. e. invito et reluctanti, infundam. — *Priusque cælum sidet*, etc. Et prius totus rerum naturæ ordo invertetur et confundetur, quam fieri

poterit hoc, ut non tanta, quanta nunc hoc bitumen, amoris mei flamma corripiaris. — *Bitumen*, de *bituminis* in re magica usu, cf. Virg. Eclog. VIII, 82: « incende *bituminis* lauros. » — *atris*, refer ad atrum fumum, quem bituminis flamma volvit rotatque.

83. *Sub hæc puer*; dum hæc Canidia peragebat, et puer nihil spei sibi relictum esse intelligebat. — *Lenire*, ac. tentavit, aggressus est, vel simpliciter pro: lenibat. — *dubius unde rumperet silent.* præpeditus iræ impotentia, præ ira nescius quibus verbis justam de inaudita veneficarum in se crudelitate iram palam faceret. — *preces Thyesteas*, execrationes, quilibet Thyestes fratrem suum Atreum insectatus est. — *Venena, magnum fas nef. non valent Convert. hum. vic.* Durissimus hic locus interpret. visus est; alii has voces *magnum fas*

« Diris agam vos : dira detestatio

« Nulla expiatur victima.

90

« Quin, ubi perire iussus exspiravero,

« Nocturnus occurram Furor,

nefasque appositionem præcedentis verbi *venena* putaverunt. Sed quo idoneo sensu *venena* magnum fas dici queant, quæ semper nefas putata sint? et, si dici possint, quæ hujus appositionis vis sit ad totam sententiam? Alii vero, inter quos doctissimi Mitscherlichius et Doeringius, explicationem acceperunt, quæ omnem tollit difficultatem. Sensus est : Veneficæ quidem incantationibus suis sanctissima quæque polluere et fanda infandis permiscere valent; sed eadem non valent sortem et penam, quæ earum scelera manet, immutare et a se avertere. *Magnum enim fas nefasque convertere* est confundere, miscere licitum et illicitum, omnia facinora patrare, ut apud Virg. Georg. I, 505: « Quippe ubi fas versum atque nefas, » et apud Senec. de Ira, II, 8 : « Numquid enim singuli aut pauci rupere legem? undique, velut signo dato, ad fas nefasque miscendum coorti sunt. » Hoc autem sine dubio efficere possunt incantationes. *Convertere autem humanam vicem* est efficere, ut poenæ, quæ malos manent, vitari queant. « Vices enim, ut optime ad hunc locum Porphyrio, appellantur poenæ, quæ in sceleratos regeruntur, » ut Noster, Carm. I, 28 : « ... Fors et Debita jura vicesque superbæ Te maneat ipsum : precibus non linguar inultis; Teque piacula nulla resolvant. » Et Ovid. Trist. III, 41, 67 : « Humanæque memor sortis, quæ tollit

eosdem, Et premit, incertas ipse verere vices. » Græcis idem dicebatur *ἀνοίγειν, ἀντίστροφον*. Hæc explicatio et per se probanda esse et apprime cum sequentibus congruere mihi videtur. Puer enim (fere ut apud Virg. Æn. I, 542, Ilioneus : « Si genus humanum et mortalia temnitis arma : At sperate deos memores fandi atque nefandi : ») ita Sagas alloquitur : Vos quidem, venenis fretæ, omnia patrare potestis scelera ; at non efficietis ut malis non male sit, et poenam vobis debitam effugiatis ; itaque vos Furiis devovebo, etc. Hoc sensu recepto, non opus est ut Cruquii ceterorumque ad hos versus ineptas argutias moremur, aut hunc locum interpolatum, nec alia ulla medicina, nisi sola spongia sanandum cum Benteio credamus. Ed.

89. *Diris agam vos* ; malis execrationibus, quibus poena a vestris sceleribus expetatur, vos urgebo et persequar. *Agere* pro : urgere, persequi, ut Carm. seq. v. 7. Liv. XL, 56 : « Umbrae insontis interemti filii eum diris agitabant. » — *dira detest. Nulla expiatur victima*, ira deorum diris excitata nullis sacrificiis averti potest. Hoc apud Veteres in religione fuit ; unde Noster supr. I, 28, 33 : « ... teque piacula nulla solvent ; » et Plin. Hist. Nat. XXVIII, 24 : « Desigi diris detestationibus nemo non metuit. » Ed. — *Noct. occ. Furor*, tempore nocturno vobis vexandis et terrendis adero. Uti *Furiæ* sce-

« Petamque vultus umbra curvis unguibus,

« Quæ vis Deorum est Manium;

« Et inquietis adsidens præcordiis,

95

« Pavore somnos auferam.

« Vos turba vicitim hinc et hinc saxis petens

« Contundet obscenas anus.

« Post insepulta membra different lupi,

« Et Esquilinæ alites;

100

« Neque hoc parentes, heu mihi superstites!

« Effugerit spectaculum. »

lestos homines, ita puer veneficas persequi vult; sed ipsius *Furoris* personam induet. — Comparant Sueton. Ner. 34 : « Neque tamen sceleris conscientiam.... ferre potuit, sæpe confessus exagitari se materna specie, verberibusque Furiarum ac tælis candentibus. » Dido quoque paulo ante mortem apud Virgil. *Æn.* IV, 384 : « Sequar atris ignibus absens; Et, quum frigida mors anima seduxerit artus, Omnibus umbra locis adero. » — *Petamque vultus*; Ovid. in Ibin, 145 : « Tum quoque factorum veniam memor umbra tuorum, Insequar et, vultus ossea larva tuos. » — *Quæ vis Deor. est Man.* ea enim potestate fruuntur Dii Manes. Apposite in hanc rem Cl. *Mitscherl.* laudat Val. Flac. III, 386. — *adsidens*; notissimus est locus Ciceronis pro Rosc. Amerin. c. 94, ubi, re, quam poetæ per Furiarum imaginem designare voluerint, exposita, additur : « Hæ sunt impiis *adsidua* domesticæque Furis, quæ dies noctesque parentum poenas a consceleratissimis filiis repetant. »

97. *Vicitim*, per omnes vicos, de

vico in vicum. — *obscenas*, abominandas, detestabiles. — *insepulta*, grave hoc apud Veteres. — *Post*, ubi saxis peremptis fueritis. — *different*, huc illuc secum tracta devorabunt. *Differre* proprie est in diversas partes ferre. Virg. *Æn.* VIII, 642 : « Haud procul inde, citæ Metium in diversa quadrigæ Distulerant. » Ed. — *Esquilinæ alites*, intellige aves famelicas et rapaces, accipitres; milvius, corvos, etc. in regione illa ad montem Esquilinum, ubi supplicia a damnatis sumebantur, circumvolitantes, et projecta occisorum corpora dilaniantes. — *Neq. hoc par. heu. mihi superat.* *Effug. spectac.* Quod quidem poenarum, a scelestis veneficis expetitarum, spectaculum parentibus meis, heu tristi meo fato superstitibus, accidet gratissimum; h. e. parentes autem mei superstites de hac gratia scelestis veneficis relata gaudebunt. — *heu, mihi superstites!* non tam miserandum fatum suum, quanquam et hoc dolet puer, quam quod, contra naturæ ordinem, parentes ipsi superstites tam crudeli morte sunt afficiendi. Ed.

ANALYSIS. Ad probrosa illa carmina, quibus vetularum amores petulanter Horatius insectatus est, pertinet inprimis hoc, quod in anili Canidiæ libidine effamanda versatur. E multis, quos insolenter olim tractasse videtur Canidia, amatoribus, unus tantum, ut poeta narrat, ei relictus fuerat, ridiculus scilicet quidam senex *Varus*, et hic ipse alia simul scorta sectans. Ab his igitur quum ejus animum non avertere posset formæ, quam ætas abstulerat, lenocinio, ad artem magicam, qua ei vim faceret, confugere debebat libidine furens Canidia. Hinc, sive ista a superstitiosa plebe vere pro venefica habita, sive, quæ hoc nomine differretur, digna poetæ visa fuerit, nefanda, quæ furiosa anus ad libidinosi senis animum sibi uni devinciendum perpetraverit, enarrantur in hoc carmine scelera. In quibus quum unum præcipue atrocitate superaret cetera omnia, horrendum nempe illud consilium, quo ista ex pueri ingenui, fame enecti, medulla et jecore efficacissimum philtum conficere instituerit; hujus totius rei scenam in hoc carmine repræsentat, et Canidiam sacra magica cum tribus aliis administris, Sagana, Veia et Folia, adornantem inducit: adest puer, et quum malum sibi a Canidia parari ex troci ejus in se defixo vultu animadvertit, eam, ut sibi parcat, per omnes deos rogat et obsecrat; sed frustra! Canidia miserum puerum, prætexta ei derepta, denudat, sacra magica apparat, et varia, quæ iis adhiberi solebant, accendi jubet. Sagana domum lustrat, et Veia scrobem effodit, quo puer, ad mentum usque ita infusus, ut appositæ dapes videre quidem, nec tamen eas attingere posset, in philti miscendi usum fame pereat. Nec deest huic sacrorum magicorum administrationi Folia, famosa pariter tum temporis venefica. Mox Canidia borrendo carmine rerum magicarum numina, Noctem et Hecaten, appellat, easque, ut Varum sibi adducant, precatur. Quo non veniente, indignatur illa de vano incantationis suæ eventu, et efficaciorẽ istam ex pueri jecore et medulla comparandam potionem minatur. Puer interim, nulla sui miseratione veneficas tangi sentiens, diras veneficis istis imprecatur, quas ipse poeta Canidiæ in hoc carmine imprecaturus erat.

De sacris magicis consulendi sunt, Theocritus, *Idyl.* II; Virgilius, *Ecl.* VIII, et *Æn.* IV, 504 et seqq. Propertius, III, *Eleg.* 6, v. 27 et seqq. Tibullus, I, *Eleg.* 2, v. 43 et seqq. Ovidius, *Metam.* VIII, 137 et seqq. Seneca Trag. in *Medea*, act. IV; Lucanus in *Phars.* VI, 451 et seqq. Apuleius, *Metam.* III, cap. 53 et seqq. denique noster ipse Horatius, I, *Satir.* 8. Ed.

CARMEN VI.

In Cassium Severum, oratorem maledicum.

QUID immerentes hospites vexas, canis,
 Ignavus adversum lupos?
 Quin huc inanes, si potes, vertis minas,
 Et me remorsurum petis?
 Nam, qualis aut Molossus, aut fulvus Lacon, 5
 Amica vis pastoribus,

1. *Immerentes hospites*, maledicus igitur iste homo eorum adeo bonae famae, quos laedere nefas fuit, obtruncare solebat. — *canis*, prava ista obtruncandi maledicendique aliis libido passim cum importuno canum latratu comparatur; hinc maledicta aliis ingerentes *latrare*, gr. βλαττεῖν, βαῖζειν, dicuntur; vid. *Misch.* — Maledicus autem iste similis fere fuit iis canibus, de quibus Cicero in Orat. pro Roso. Am. c. 20, ait: « Quod si luce quoque canes latrent, quum deos salutatum aliqui venerint: opinor, iis crura suffringantur, quod acres sint etiam tum, quum suspicio nulla sit. » Comparat nempe Cicero in hoc loco malos accusatores cum canibus importuno tempore latrantibus. *Martial.* II, 61, 5: « Uteris ore aliter, nimisque æruginè captus, Allatras nomen quod tibi cumque datur. » Idem, V, 60, 1: « Allatras licet usque nos et usque et gannitibus improbis lacessas;... nos hac a scabie tenemus unguis; » facundia inde canina rabulis forensibus tributa. *Colum. præf.* 9: « Ne

caninum quidem studium præstantius locupletissimum quemque allatrando, et contra innocentes et pro nocentibus... concessum intra mœnia et in ipso foro latrocinium. » *Ed.* — *lupos*, qui non sine periculo a canibus petuntur, adeoque nunc pro iis, qui maledicorum voces facile comprimere possunt. *Cl. Misch.* comparat *Pind. Pyth.* II, 154. — *inanes minas*, quales sunt eorum canum, qui terrent tantum latrando, non nocent mordendo. — *Quin*, cur non potius. — *huc*, in me. — *inanes*, quas nunquam effectus sequitur. *Ed.* — *si potes sc.* hoc impetrare ab ignavia tua. — *me remorsurum*, me qui vanas tuas minas gravi morso ulturus sum. *Ed.*

2. *Aut Moloss. aut fulv. Lacon*, canes Epirotici et Spartani, paulo robustiores, tam pastoribus ad greges a nocturnis furibus et luporum incursu defendendos, quam venatoribus ad feras indagandas et persequendas inserviebant. — *Amica vis pastoribus*, quorum vis in gregum tutelam exercetur, et ideo pastoribus grata est. *Ed.*

Agam per altas aure sublata nives,

Quæcunque præcedet fera.

Tu, quum timenda voce complesti nemus,

Projectum odoraris cibum.

10

Cave, cave! namque in malos asperrimus

Parata tollo cornua;

Qualis Lycambæ spretus infido gener,

Aut acer hostis Bupalò.

An, si quis atro dente me petiverit,

15

Inultus ut flebo puer?

Virgil. Georg. III, 404: « Nec tibi cura canum fuerit postrema: sed una Veloces Spártæ catulos acremque Molossum Pasce sero pingui: nunquam custodibus illis Nocturnum stabulis furem, incursusque luporum.... horrebis; » ubi de utriusque canis forma et indole egit *Vossius*. — *aure sublata*; præclare ad pertinaciam et alacritatem declarandam adjecta; nam timidorum est aurem dimittere. Ed. — *Quæcunque præcedet fera*, pro: agam quamcunque, quæ mihi præcedet, feram, h. e. omnes ante me currentes feras urgebo et persequar.

9. *Tu, quum tim.* etc. Tu contra, voce quidem nemus complex, at nullus istos latratus dignus effectus sequitur; circumspicis enim subito et investigas si quis tibi cibus projiciatur, quo mansuetior fias. Similis sunt coloris illa Martialis, IV, 53, 6: « Cui dat latratos obvia turba cibos; Esse putas Cynicum, deceptus imagine falsa. Non est hic Cynicus, Cosme: quid ergo? canis. » Ed.

11. *Cave, cave!* solennis et gravior hujus de vitando malo admoni-

tionis iteratio. Ed. — *asperrimus*, acerbissimus; ut infr. Epist. ad Pis. v. 221. — *Parata tollo cornua*, cum armis, quæ in promptu habeo, fortiter exsurgam; intelligit nimirum iambos, quibus ita se aggressurum esse ait maledicos, uti cornibus suis taurus sibi infestos aggredi solet. Non persistit igitur poeta in allegoria e canibus ducta, sed nova imagine se timendum facit maledicis. — *Qualis Lycamb. spret. infid. gen. Aut acer hostis Bup.* qualem se Lycambæ præbuit Archilochus, quum ille filiam suam jam Archilochò desponsam concessisset alii; aut qualis iram suam effudit Hipponax in Bupalum pictorem, quod is cum Anthermo Hipponactis imaginem, fœditate insignem, deridendam circulis exposuerat; vid. Plin. XXXVI, 5. Uterque autem poeta, Archilochus quidem Lycamben, Hipponax vero Bupalum et Anthermum, iamborum suorum acerbitate ad restim redegissee dicuntur. — *Inultus*, qui ob infirmitatem suam non ulcisci potest factam sibi injuriam.

ANALYSIS. Contra hominem quemdam maledicum, ignavo pusilloque animo eos tantum, quos se impune rodere posse sciret, petentem, minaciter poeta exsurgit. Comparat autem istum hominem cum ejusmodi cane degenero, qui quosque quidem sibi obvios sine omni discrimine ferociter allatret, sed ipse petitus timide refugiat, vel objecto cibo statim placetur; se vero cum iis canibus generosioribus, qui, quas semel sibi infestas feras petant, in iis urgendis et persequendis fortiter persistent. Monet igitur istum hominem, ne temere se lacegat, dum, demta canis imagine, ejusmodi ei minatur iambos, quales olim Archilochus in Lycamben, et Hipponax in Bupalum vibraverit. Sic Boetius noster, Sat. VII, de fatuo loquens: « Je le poursuis partout, comme un chien fait sa proie, Et ne le sens jamais qu'aussitôt je n'aboie. » Ed. — Vulgo hoc carmen *In Cassium Severum* inscribitur; nihil autem indicat titulum hunc ab ipso Horatio inscriptum fuisse, quum Cassius ipse in hoc carmine appellatus non sit. Fieri potest igitur ut hujus carminis inscriptio veteri cuidam Scholiastæ debeat, qui, quum apud Tacit. Annal. I, 79, et IV, 21: Cassium severum hominem maledicentissimum fuisse legisset, se eum, in quem scriptum esset hoc carmen ab Horatio, invenisse putaverit.

CARMEN VII.

AD POPULUM ROMANUM.

Civile bellum detestatur.

Quo, quo scelesti ruitis? aut cur dexteris

Aptantur enses conditi?

Parumne campis atque Neptuno super

Fusum est Latini sanguinis?

1. Quo, quo scelesti ruitis? quo tandem rapi vos patimini vestris, o cives, sceleribus? *scelus* (ἄγος) admittunt, et ei expiando se obligant, qui sanguine, in bello civili fuso, inquinantur; hinc *supr.* I, 2, 29, de bellis civilibus: « Cui dabit partes scelus expiandi Jupiter? » — *enses conditi*, postquam nempe U. C.

DCCXVIII, S. Pomp. Antonii jussu occisus fuerat (*vid.* Dio XLIX, 18; Vell. II, 79), ensibus huc usque in vagina conditis per aliquot annos a bello civili cessatum fuerat. — *campis atque Nept. super*, terra marique; *supr.* II, 1, 29, de bellis civilibus: « Quis non latino sanguine pinguior Campus, sepulcris impia praelia Tes-

Non ut superbas invidæ Carthaginiſ

5

Romanus arces ureret :

Intactus aut Britannus ut descenderet

Sacra catenatus via :

Sed ut, secundum vota Parthorum, sua

Urbs hæc periret dextera.

10

Neque hic lupis mos, nec fuit leonibus,

Nunquam, nisi in dispar, feris.

tatur?... quod mare Dauniae Non decoloravere cædes? »

8. *Non ut superbas*, etc. Non quidem ut Romani sanguinem illum contra hostes externos funderent, et, sicut olim, vel superbam Carthaginem everterent, vel de Britannis perdomitis triumpharent, sed ut Romanum imperium ex voto Parthorum se suis ipsius viribus conficeret. — *superbas*, refer ad Carthaginiensium de potentia sua superbiam. — *invidæ*, summi imperii gloriam Romanis invidentis; hinc « invida Romani imperii æmula » Carthago dicitur apud Sallust. Cat.

10. — *Intact. aut Britann.* Intactus dicitur *Britannus*, quum nondum adjectus imperio Romano (vid. supr. III, 8, 3, et ibi not.) integris adhuc viribus resisteret Romanis. — *desc.* *Sacra caten. via*, victus per viam Sacram ante currum triumphantis duceretur, ei inde in carcerem (ubi supplicia a captivis simebantur) *descenderet*. Laudant in hanc rem locum Ciceronis Verr. V, 30 : « At etiam qui triumphant, eoque diutius vivos hostium duces servant, ut, his per triumphum ductis, pulcherrimum spectaculum fructumque victoriæ populus Romanus percipere possit; ta-

men quam de foro in Capitolium carrum flectere incipiunt, illos duci in carcerem jubent; idemque dies et victoribus imperii, et victis vitæ finem facit. » — *secundum vota Parth.* ut optant imperio nostro infestissimi. Notus in hanc sententiam est locus Hom. Il. I, 258 : « Ἢ κεν γὰρ Πριάμος, Πριάμοιο τε παῖδας, Ἄλλε τε Τρῶες μέγα κεν κχαροίατο θυμῷ, εἰ σφῶϊν τὰς πάντα πυδίοιο μαρναμένοιν. » — *sua Urbs hæc per. dext.* similiter infr. Epod. XVI, 2 : « Suis et ipsa Roma viribus ruit. » Liv. in Procem. : « Legentium plerisque.... festinantibus ad hæc nova, quibus jam pridem prævalentis populi vires se ipsas conficiunt. »

11. *Neque hic lupis mos, nec fuit leonib.* etc. Ejusmodi immane, quo cives in cives sæviunt, ingenium nec Lupis nec leonibus esse solet, qui nunquam, nisi in dispar genus, sævi sunt. Hanc sententiam ita amplificavit Plin. Hist. Nat. I, 7 : « Leonum feritas inter se non dimicat : serpentium morsus non petit serpentes; ne maris quidem belluæ aut pisces, nisi in diversa genera, sæviunt. At, hercule! homini plurima ex homine sunt mala. » Juven. quoque XV, 160 : « ...

Furore cæcus, an rapit vis acrior?

An culpa? responsum date.

Tacent; et ora pallor albus inficit,

15

Mentesque percussæ stupent.

Sic est; acerba fata Romanos agunt,

Scelusque fraternæ necis,

Ut immerentis fluxit in terram Remi

Sacer nepotibus cruor.

20

Quando leoni Fortior eripuit vitam
leo? » Et hic etiam in mentem recur-
ret notus ille Bolæi nostri locus, Sat.
VIII : « Voit-on les loups brigands ,
comme nous inhumains , Pour dé-
trousser des loups courir les grands
chemins?... L'ours a-t-il dans les
bois la guerre avec les ours? Le vau-
tour dans les airs fond-il sur les vau-
tours? A-t-on vu quelquefois , dans
les plaines d'Afrique , Déchirant à
l'envi leur propre république , Lions
contre lions , parens contre parens ,
Combattre follement pour le choix
des tyrans? L'animal le plus fier
qu'enfante la nature , Dans un autre
animal respecte sa figure. » etc. Ep.
— *nisi in dispar*, nisi adversus feræ
disparis nature. Ep.

13. *Vis acrior*, divinitus, velut
noxa, immissa mentis cæcitas; *hec-
cæcia*. — *culpa* (ἀρν), delicta et
scelera, quæ perpetrata a majoribus
nepotes luere et expiare debent. Cf.
III, 6, 1. — *Tacent*, tacendo mentem
suam aperiunt, et se culpas obnoxios

fatentur. Cic. in Catil. I, 8 : « Quid
est Catilina? ecquid attendis? ecquid
animadvertis horum silentium? pa-
tiantur, tacent. » — *stupent*, signifi-
cantur pro tenui : sunt.

17. *Sic est*; in confesso, palam est
Romanos Deorum ira premi et ad exi-
tium suum cogi. Ep. — *Romanos
agunt*, urgent et premunt. — *scelus-
que frat. nec.* scelus, quod Romulus
fratris sui cæde commisit. — *Ut im-
merent. fluxit in terram Remi Sacer
nepot. cruor*, postquam sanguis in-
nocentis Remi in terram fluxit nepo-
tibus sacer, h. e. expiandus; sive,
postquam Romulus parricidium ne-
potibus expiandum perpetravit. Bella
civilia ab hoc parricidio, tanquam
prima Romanæ gentis labe, repetit
quoque Lucanus, I, 98 : « Fraterno
primi maduerunt sanguine muri. »
Sed Virgilius, Georg. I, 508, majo-
rum scelera, nepotibus per bella civi-
lia expianda, altius a Laomedontis
perjuriis derivat : « satis jam pridem
sanguine nostro Laomedontæ » etc.

ANALYSIS. Scriptum est hoc carmen sine dubio eo tempore, quo, quum, victo
Lepido et Sexto Pompeio occiso, sopita aliquamdiu quievisset bella civilia,
novum illud, quod U. C. DCCXXI contra Antonium parabat Octavianus,

gliscere inciperet, et ignes doloso cineri suppositi jamjam prorumpere viderentur. Poeta igitur nova, quæ patriæ intendantur, animo concipiens pericula, populares suos a nefando isto bellum civile redintegrandi consilio ita deterere studet, ut primum mala et damna, quæ bella civilia jam intulerint, iis ante oculos ponat; deinde, quam cæcus iste furor sit, quo se non contra hostem aliquem externum, sed sævis bestiis adeo immaniores contra semetipsos agi patiantur, graviter ostendat; denique fatalium, quæ eorum scelera maneant, poenarum præsigitione eos percellat. — Animatur totum carmen dramatica rerum adoratione affectui poetæ perquam accommodata, et ita prædenti, ut neutri parti faciat invidiam. Ed.

CARMEN VIII.

In anum libidinosam.

ROGARE longo putidam te sæculo,
 Vires quid enervet meas?
 Quum sit tibi dens ater, et rugis vetus
 Frontem senectus exaret;

1. *Rogare longo put. te sæc. etc.*
 Sensus et nexus: Tune, cujus corpus longa annorum deturpavit series, rogas cur ad rem tecum habendam nulla amplius stimuler libidine? quasi id rogare opus sit, quum sit tibi dens ater, etc. *Rogare te*, plenius: ferine potest ut roges, vel simpliciter pro: rogasne? Sic apud Virg. *Æn.* I, 37: « Mene incepto desistere victam, Nec posse Italia Teucrorum avertere regem? » Terent. *Eun.* II, 1, 3: « Satin' hoc mandatum 'st tibi? P. Ah, rogitare? » — *longo sæculo putidam*, in grandi jam ætate, quæ importuna et invisa est amatoribus, constitutam, turpem vetulam. Similis annosæ vetulæ descriptio est in Priapeis carm.

LVII, 1: « Cornix et caries vetusque bustum, Turba et putrida facta seculorum. » — *Vires quid enervet meas?* cur adeo enervis, segnis sim ad Venerem. Ed. — *Quum sit tibi*, jam explicat quid ipsius vires enervet, scilicet anus vetulæ deformitas. Ad sententiam Martial. VI, 23, 3: « Tu licet et manibus, blandis et vocibus instes, Contra te facies imperiosa tua est. » Ed. — *vetus senectus*, senectus, non viridis et cruda, sed ad extremas lineas admota; auget Terent. *Eun.* IV, 4, 21: « Hic est vetus, victus, veterinosus, senex. » Pariter « veteres senes, » Tibull. I, 8, 50. Ed. — *Frontem rugis exar.* cf. Virgil. *Æn.* VII, 417: « Obscœnam frontem rugis

Hietque turpis inter aridas nates

5

Podex, velut crudæ bovis.

Sed incitat me pectus, et mammæ putres;

Equina quales ubera;

Venterque mollis, et femur tumentibus

Exile suris additum.

10

Esto beata, funus atque imagines

Ducant Triumphales tuum;

Nec sit marita, quæ rotundioribus

Onusta baccis ambulet.

Quid? quod libelli Stoici inter sericos

15

arat. » — *Hiet*, pateat turpiter ob natium macilentiam. Ed. — *crudæ*, quæ stomachi cruditate et ventris dissolutione laborat. Ed.

7. *Sed*, irrisioni inservit, ut alias videlicet. Multo minus, ait, me incitare potest *pectus*, etc. — *mammæ putres*, *Equina quales ubera*, mammæ resolutæ, flaccidæ, pendulæ, quales equarum sunt. Martial. III, 72, 3 : « Tibi pannosæ pendent a pectore mammæ. » Ed. — *Venter mollis*, languidus, opponitur firmo adhuc et succulento. — *et femur tument*. *Exile suris addit*. femur gracile, junceum, crassis suris super impositum. Observa concinnam duorum epith. collocationem. Eleganter etiam *additum suris* dicitur *femur*, quasi applicitum et appositum sit; quia nihil deformius, quam pedes genibus et femore crassiores. Ed.

11. *Esto beata*, etc. Sensus : Sis licet dives, et nobilis, nec ulla alia matrona pretiosioribus margaritis ornata incedat; immo sis docta et philosophiæ dedita; non minus rigent

nervi mei, qui sunt illitterati, h. e. qui non mulierum doctrina, sed earum forma incitantur; nec minus fascinum languet, quod quidem, quum illud anili tua forma provocari nequeat, alio modo tibi provocandum est. — *imagines Triumphales*, majorum scilicet, quibus triumphus honor contigit, adeoque nobilissimorum virorum imagines. — *funus tuum Duc*. funeri tuo duces præferantur; quod non tantum in nobilium virorum, sed etiam nobilium matronarum funere fieri solebat; vid. Cic. de Orat. II, 55. *Funeris* autem eo acerbius mentionem facit, quum ista anus, ut supr. III, 15, 4, *Chloris*, « maturo funeri propior » esset. — *rotundioribus*, in baccarum enim rotunditate earum pretium spectabatur; Plin. IX, 35. — *ambulet*, notionem superbiæ et jactantiæ habet; vid. Epod. IV, 5.

15. *Quid? quod*; putasne te magis aptam ad Venerem fore, quod studiosa philosophiæ videaris? Ed. — *libelli Stoici*, facite anum libidinosam Stoicæ philosophiæ studiosam in-

Jacere pulvillos amant :

Illitterati num minus nervi rigent,

Minusve languet fascinum?

Quod ut superbo provoces ab inguine,

Ore adlaborandum est tibi.

20

ducit! — *amant jacere*, quasi sic jacere sibi placent. — *Illitterati num minus*, etc. Horatius, ut videtur, vult dicere: Num putas nervos increditorum hominum, qui minime philosophia aut literis tanguntur, minus, sublati illo librorum apparatu, vel rigere, vel languere. Quid enim libri et doctrina ad libidinem vel excitandam

vel comprimendam? *nervi* hic eodem sensu accipiendi, quo infra *fascinum*. Dacierius male dat *illitteratæ* de suo ingenio. Ed.—*fascinum*, de parte qua viri sumus. — *superbo*, superbe vetularum libidines repudiante. — *Ore adlaborandum est tibi*; de turpissimo isto libidinis genere vide Suet. Tib. cap. 44. Ed.

ANALYSIS. In nullo carmine magis pudicitiae et honestatis leges violasse videtur Horatius, quam in hoc, ubi turpem libidinosæ anus formam pudenda plane protervia descriptam dedit. Quæ quidem protervia licet lectorum cuique, qui non omni honestatis sensu destitutus sit, displicere omnino et nauseam creare debeat, eadem tamen ætatis, qua hoc carmen scriptum est, licentia et ingenio excusari quodammodo posse videtur. Fortasse quoque totius hujus carminis spurcities Archilocho vel alii poetæ græco, quem Horatius expressit, tribuenda est.—Fingit autem poeta, vetulam aliquam ex se quasi-visse, quid sit, quod ad libidinem secum exercendam languere nunc et torpere incipiat? Respondet igitur ei in hoc carmine, et torporis sui causas, ab anili ejus turpitudine petitas, petulanter aperit.

Scilicet hoc carmen pariter et infra duodecimum hujus libri in animo habuit severus pudoris et ingeniorum iudex ille Quintilianus, quum, lib. I, cap. 8, § 6, scriberet: « Horatium in quibusdam nolim interpretari; » et sane cum illo libenter fecissem, nisi jam in præfatione Juvenalis nostri, (vid. pag. ix et x,) hoc quasi crimen editoris cum optimis commune confessus, plurima monuisssem, quæ me repugnantem et invitum ad hanc lubricam difficilemque conditionem cogerent: cui quidem ut ignoscant benevoli lectores, iterum atque iterum precor. Ed.

CARMEN IX.

AD MÆCENATEM.

Victoriam Augusti de Antonio et Cleopatra celebrat.

QUANDO repostum Cæcubum ad festas dapes,
 Victore lætus Cæsare,
 Tecum sub alta, sic Jovi gratum, domo,
 Beate Mæcenas, bibam,
 Sonante mixtum tibiis carmen lyra, 5
 Hac Dorium, illis Barbarum?
 Ut nuper, actus quum freto Neptunius
 Dux fugit, ustis navibus,

1. *Repostum Cæcubum ad festas dapes*; similiter supra III, 28, 2, « reconditum Cæcubum; » melioris enim, vel, ut supr. II, 3, 8, dicitur, « interioris notæ » vinum ad lætiores dies celebrandos in cella vinaria reponi et recondi solet. — *sub alta domo*, de turri Mæcenatiana cf. supr. ad III, 29, 6 et 10. — *sic Jovi gratum*, sic enim, quod ipsi Jovi, Romani imperii custodi, gratum sit, faciemus; ex formula solemnī *εὖτε Διὶ φῶλον*. — *Beate*, refer ad Mæcenatis opulentiam, præcipue ad altioris ejus in hortis Esquilinis domus, ubi compotatio fieri debebat, possessionem. — *Son. mixtum tib. carmen lyra*, h. e. lyra ad modos Doricos, tibiis vero ad modos Phrygios carmen sonantibus, ita quidem, ut utrumque carmen mixtum sit, h. e. vicissim se excipiat. Simili-

ter supr. IV, 18, 30: « Lydis remixto carmine tibiis. » — *Dorium*, modi *Dorii* fuerunt graves et severi; *Barbari*, h. e. Phrygii (ut « tibia barbari » apud Catull. LXIV, 265, ubi vid. not.) feri et furori injiciendo apti. Vid. Lucian. I, 851. Ed.

7. *Ut nuper*, etc. Ut ante quinque annos ejusmodi diem festum inter læta pocula celebravimus, quum exercitus ille, quem e servis et fugitivis collectum, contra nos duxerat S. Pompeius, e freto Siculo fusus fugatusque est, navibus, quas Pompeius reliquerat, ab Augusto combustis. — *actus*, exactus, ejectus. — *freto*, Siculo nempe, ubi pugnam illam prope Messinam commissam fuisse constat. — *Neptunius dux*, Sext. Pompeius, qui, ut narrat Aurel. Vict. de Viris Illustr. c. 84: « quum mari feliciter uteretur,

Minatus Urbi vincla, quæ detraxerat.

Servis amicus perfidis.

10

Romanus, eheu! posterī negabitis,

Emancipatus feminae,

Fert vallum et arma miles, et spadonibus

Servire rugosis potest!

Interque signa turpe militaria

15

Sol adspicit conopium!

Neptuni se filium confessus est, eumque bobus auratis et equo placavit. » Cf. Dio XLVIII, 19. Eo salsius nunc eum, in mari perdomitum, *ducem Neptunium* vocat. — *ustis navibus*, Octavianum post pugnam illam magnum navium, a S. Pompeio relictarum et littori allisarum, numerum combussisse testatur Dio XLIX, 10. — *Minatus Urbi vincla, quæ detrax.* *Servis amicus perf.* pro tenui: Romanum imperium cum servorum perfidorum manu potestati suæ subicere tentans. — *Serv. am. perf.* invidiose et humiliter de Pompeio, quasi servis perfidis, e quibus illum exercitum suum supplevisse constat, (vid. Vell. II, 13; Dio, XLVIII, 19) amicus adeo fuerit.

11. *Romanus*, dictum cum emphasi. — *Emancip. feminae*; *mancipium* proprie apud Romanos erat quod in nostra potestate est, quasi quod manu capimus; *emancipare* autem, aliquid e sua in alius potestatem transferre: ita ut *emancipatus feminae* demum sit *tradius* in potestatem feminae, et ipsi mancipii instar serviens. Cujus verbi vim apprime explicat Plaut. Bacch. I, 1, 59: « Nunc, ego, mulier, tibi me emancipo, tuus

sum, tibi dedo operam. » Eo. — *Fert vall. et arma mil. et spad.* *Serv. rug. potest!* qui, ut fortem militem decet, vallum et arma fert, idem a se impetrare potest hoc, ut decrepitis eunuchis serviat! — Quod uni Antonio proprie tribuendum erat, id toti simul ejus exercitui, corrupto quasi et infecto ducis exemplo, tribuit. — *Fert vall. et arma mil.* Commode de hac militum Romanorum in bello laboris patientia afferunt locum Ciceronis Quæst. Tusc. II, 16: « Militis nostri exercitus qui labor, quantus agminis! ferre plus dimidiati mensis cibaria; ferre, si quid ad usum velint; ferre vallum. Nam scutum, gladium, galeam, in onere nostri milites non plus numerant, quam humeros, laceratos, manus. Arma enim membra militis esse dicunt. » — *rugosis*, decrepitis senibus; cf. Terent. Eunuch. IV, 4, 20. — *spadonibus*, Mardionem inprimis magnæ in illis auctoritatis fuisse, ex Plutarch. in Anton. p. 345, discimus. — *Interque signa turpe milit.* *Sol adsp. conop.* et Sol, nefanda quæque adspiciens, adspicit inter signa militaria turpe mollitiei signum conopium, pro tenui: et inter signa militaria conopium animadver-

Ad hunc frementes verterunt bis mille equos

Galli, canentes Cæsarem;

Hostiliumque navium portu latent

Puppes sinistrorsum citæ.

20

Io Triumphhe! tu moraris aureos

Currus, et intactas boves;

Io Triumphhe! nec Jugurthino parem

Bello reportasti ducem;

tere licet. — *conopium* et *conopeum*, velum, quo Ægyptii ad arcendos culices utebantur; hinc intelligitur causa, cur illud extremæ mollietiei Ægyptiæ argumentum, tanto turpius Romanis videri debuerit, quod inter aquilas Romanas conspiceretur. *Ed.*

17. *Ad hunc frementes*, contra hunc, adversus Antonium. Plurimi doctissimi interpretes *ad hoc* legi volunt; quæ levissima emendatio multo faciliorem sensum videtur sufficere, scilicet: ob hoc, propter hoc indignantes. *Ed.* — *bis mille equos Galli verterunt*, h. e. averterunt, ab Antonio defecerunt. — *canentes Cæs.* Cæsarem salvere jubentes, h. e. ad Cæsarem transeuntes; consilium igitur illud, quo paulo ante pugnam Actiacam duo Gallogræcorum, s. Galatarum duces, Dejotarus et Amyntas ad Octavianum defecisse traduntur (vid. Plutarch. in Anton. p. 945; et Vell. II, 84); sæpe poeta a rei, Romanis inonestissimæ, indignatione repetit. — *Hostil. nav. portu latent*. *Puppæ sinist. citæ*, h. e. ut Boettig. hunc locum paulo impeditiorem expedire studuit: Et pars navium hostilium perfide, dum pugnabatur, a sinistra parte retrorsum actarum, in portu latent. — *Puppæ citæ*; *pup-*

pem ciere (πρὸ μὲν πρὸς αὐτῶν, lat. *remis inhibere*) dicuntur, qui ad fugam vel defectionem dissimulandam, ita navem retro agunt, ut inverso cursu prora puppim, non puppis proram sequatur; vel simpliciter *puppæ* pro: naves. — *sinistrorsum*, nam quum Antonio, classe e portu in altum evecta, dextrorsum Italiam versus acies explicanda esset, naves pugnas se subducturas sinistrorsum in portum se recipere debebant.

21. *Io Triumphhe!* Triumphum tanquam Deum appellat, eique more impatientiam et cupiditatem suam, qua splendidissimi, per quem Augustus Urbem ingressurus sit, triumphi spectaculo inhiat, declarat. — *aureos Currus*, ex ebore enim et auro constructi fuerunt currus triumphales; *de auro* laudat Boettigerus Philostr. in Vit. Sophist. I, 7, p. 488. — *intactas boves*, solemne Jovi Capitolino ab Augusto triumphante instituendum sacrificium, mactando nempe *boves intactas*, h. e. nondum jugum passas, ut mos et ritus postulabat; Virgil. Georg. IV, 540: « intactas cervice juvenas. » — *nec Jugurth. par.* etc. Nec Mario de Jugurtha victo, nec Scipioni Africano de eversa Carthagine tanti splendoris triumphus con-

Neque Africanum, cui super Carthaginem

25

Virtus sepulcrum condidit.

Terra marique victus hostis, Punico

Lugubre mutavit sagum.

Aut ille centum nobilem Cretam urbibus,

Ventis iturus non suis;

30

Exercitatus aut petit Syrtes Noto;

Aut fertur incerto mari.

Capaciores affer huc, puer, scyphos,

Et Chia vina, aut Lesbia,

Vel, quod fluentem nauseam coerceat,

35

Metire nobis Cæcubum.

Cnam metumque Cæsaris rerum juvat

Dulci Lyæo solvere.

tigit; h. e. Augusti gloria omnium, qui unquam triumpharunt, gloriam sperat. — *cui super Carthag. Virt. sepulcr. condidit.* Ad gloriæ eternitatem, quam virtute sua sibi paraverit Scipio, significandam, suaviter ipsa Virtus, ut Dea, sepulcrum sive monumentum super Carthaginem extruxisse fingitur.

27. *Punico Lugub. mut. sagum,* inversa constructione pro: sagum puniceum sive purpureum mutavit cum veste sordida, h. e. purpureo paludamento, imperatoris insigni, deposito, vestem, quæ mutatam sortem indicaret, induit. — *centum nob. Cret. urb.* vid. supr. ad III, 27, 34. — *non suis;* non sibi faventibus. Senec. Quæst. Nat. I, præf.: « Paucissimorum dierum spatium, si navem suus ventus implevit. » Ovid. Met. XIII, 196: « Orba suis essent etiamnum lintea ventis. » Ed. — *Noto exercit.* h. e. Noto veritas. — *fertur incerto*

mari, ipse incertus consilii mari fertur, errat, animo ista clade perturbato. Ed.

33. *Capaciores affer huc, puer, scyphos,* etc. Hic lætitiæ sensu ita impellitur et confunditur poeta, ut jam interesse sibi videatur indicte apud Mæcenatem computationi; cf. supr. III, 19, 9. — *quod fluentem naus. coerceat,* inter vina generosissima, quæ ad extollendam victoriam cumulate adponi jubet, signate Cæcubum distinguit, quoniam stomachum roborat infirmiorum, et prohibet ne ad vomitum concitetur. Hinc Athenæus vinum Cæcubum vocat στρογγύ. Ed. — *Metire,* per cyathos, vid. ad III, 8, 13. — *metumque Cæsaris rerum,* sollicitudinem et timores quibus ante ultimum Actiæ pugne exitum agitabantur, dum Romæ nondum Augusti nunciaretur victoria; vel poeta non omnino securus erat, quia Cæsar adhuc absens, et vivus Antonius. Ed.

ANALYSIS. Quum primus de Antonio et Cleopatra, ad Actium ab Augusto splendide victis, Romam allatus esset nuncius, publicæ illi, in quam omnes Romani sese effuderant, lætitiæ non defuit Horatius. In hoc igitur carmine, gloriosissimæ illi Augusti victoriæ celebrandæ consecrato, primum diem festum, quem apud Mæcenatem inter generosioris vini pocula et inter mixtos tibiæ cantus transacturus sit, indicit; deinde in Antonium, qui Romanæ virtutis plane oblitus Cleopatræ se turpiter mancipaverit, nobili cum indignatione invehitur; mox lætitiæ sensu ita abripitur, ut, quasi jam Antonii victor, Augustus, cum pompa triumphali Urbem ingreditur, in publicam illam acclamationem *Io triumphe!* erumpat; et, quasi in media comotatione jam liberius genio suo indulgeat, largiora pocula sibi afferri jubeat. — Impetu quedam poeta in hoc carmine fertur, qui lætitiæ, poetæ animum confundentis magis quam perfundentis, magnitudinem egregie exprimit. — In eodem argumento vel in eadem Augusti de Cleopatra et Antonio victoria versatur quoque libri primi carmen trigesimum septimum, sed id serius scriptum est tum, quum Romani de nunciata Cleopatræ et Antonii morte lætarentur.

CARMEN X.

IN MÆVIUM POETAM.

Ei in Græciam proficiscenti naufragium imprecatur.

MALA soluta navis exit alite,

Ferens olentem Mævium.

Ut horridis utrumque verberes latus,

Auster, memento, fluctibus.

Niger rudentes Euris, inverso mari,

5

1. *Mala alite*, infausto omine, ut supr. I, 18, 8: « mala avi. » — *olentem*, gravi odore detestabilem; *gravis* nempe *hircus*, ut infr. Epod. XII, 8, dicitur, in ejus *hirsutis alis* cubuisse videtur; cf. Catull. LXIX, 6, nisi quis jam *olentem* simpliciter pro: detestabilem explicare malit. — *utrumq.*

NOTA. 1.

latus, sc. *navis*. — *horridis*, ævis, tumidis. — *Auster*, *Eurus*, *Aquilo*, scilicet ut eo gravior concitetur tempestas, plures ventos, qui simul ruant, et contra se pugnent, poetarum more in partes vocat; cf. Virg. Æn. I, 88.

8. *Niger*, cælum nigrum reddens et obcurans; ut supr. I, 8, 7: « nigri

Fractosque remos differat;
 Insurgat Aquilo, quantus altis montibus
 Frangit trementes ilices;
 Nec sidus atra nocte amicum appareat,
 Qua tristis Orion cadit;
 Quietiore nec feratur æquore,
 Quam Graia victorum manus,
 Quum Pallas usto vertit iram ab Ilío
 In impiam Ajacis ratem!
 O quantus instat navitis sudor tuis,

10

15

venti; » contra « Notus albus » supr. I, 7, 18, et « venti candidi » III, 7, 1. — *inverso mari*, cum *imis vadis*, ut Virgil. *Æn.* I, 128, loquitur, *stagna refunduntur*. Cl. Mitsch. comparat Philipp. Thessal. XII, 2; Anthol. Gr. t. II, p. 198. — *differat*, in diversas partes auferat, dissipet, ut supr. *Epod.* 3, 199: « insepulta membra different lupi. » Ubi vide notata. Ed. — *Insurgat Aquilo, quantus*, irruat Aquilo tantus, quantus, h. e. tanto impetu, quanto, etc. — *trementes ilices*, tremulo motu huc illuc nutantes, ventorum impetu contremiscentes, ut supr. III, 27, 23: « ripæ verberet *tremes*; » pro *frangit* ex conjectura Wakefieldius in textum recepit: *Plangit*; « Statim, inquit, præcesserat vox *fractos*, et quorsum, sodes, *tremere*, si *frangantur*. » Sed ex meo sensu τὸ *frangit* bene respondet τὸ *fractos*, et multo illo gravius est; ut *frangit* enim Aquilo ilices, ita *frangere* quoque debet *remos*; *franguntur* autem ilices, dum *tremunt*.

9. *Sidus amicum*, intellige Dioscurus; supr. IV, 8, 31: « Clarum

Tyndaridæ sidus ab infimis Quassas eripiunt æquoribus rates. » Cf. supr. I, 3, 2. — *Qua tristis Orion cadit*, qua Orionis occasus tristem tempestatem concitat; supr. III, 27, 17: « Sed vides, quanto trepidet tumultu Pronus Orion. » Cf. supr. ad I, 28, 21. — *tristis*, ut apud Virgil. *Æn.* XI, 259: « triste Minervæ Sidus, » de tristi tempestate a Minerva concitata. — *Quam Graia vict. manus, Quum Pallas*, etc. De hoc naufragio, quod Græcis Minerva Cassandræ, ab Ajace Oileo in templo Palladis vitiatæ causa ad cautes Euboicas immisit, uti de ceteris Græcorum a Trojæ excidio redeuntium fati narrat Diomedes apud Virgil. *Æn.* XI, 260 seqq. Cf. *Æn.* I, 39, et ibi Heyn. — *Pallas vertit iram*, etc. Pallas jam Paridis injuriam Trojæ incendio ulta, omnem iram in Ajacem convertit; nota mulieris esse ingenii priores pœnas propria forma, et secundas pro pudore violato repetere. Ed.

15. *O quantus instat navitis sudor tuis*, etc. Jam, ut vati ἐνδοιαζόντι, rei futuræ eventus ante oculos versa-

Tibique pallor luteus,
 Et illa non virilis ejulatio,
 Preces et aversum ad Jovem;
 Ionius udo quum remugiens sinus
 Noto carinam ruperit!
 Opima quod si præda curvo litore
 Porrecta mergos juveris;
 Libidinosus immolabitur caper,
 Et agna Tempestatibus.

20

aur; videt nautas laboribus, quibus navem periculo eripiant, insudare; videt Mævium de vitæ suæ discrimine impallescere; audit eum muliebriter ejulare, et frustra Jovem precibus fatigare; conspicit denique eundem cum fracta navi perire! Similiter supra I, 15, 9, Nereus, vaticinium de futuris in bello Trojano pugnâ edens: «Eheu! quantus equis, quantus adest viris Sudor!» — *luteus*, subflavus, color buxeus, qualis arquatis est. Tib. I, 8, 52: «nimius lute corpora tingit amor.» Ed. — *non virilis*, haud virum decens, muliebris. Spectat huc Cic. Tusc. II, 23: «Ingemiscere nonnunquam viro concessum est, idque raro: ejulatus ne mulieri quidem.» Ed. — *Preces et avers. ad Jovem*, et preces, quibus frustra Jovis implorabis auxilium; h. e. quam irritas ad Jovem, te non audientem, preces jacies! — *aversum*, tibi iratum et aversa aure preces tuas respuentem. — *Ion. udo quum remug. sinus Noto car. ruperit!* quum mare Ionium, Noti so-

litu et stridore reboans, carinam fregerit; pro vulgari: quum Notus in mari Ionio furens carinam fregerit. — *Ion. sinus*, mare Ionium in sinus curvatum, ut *sinus Calabri*, supr. I, 33, 16. — *udo*, pluviosam tempestatem ciente.

21. *Opima quod si præda curvo*, etc. Sin autem corpus tuum in litus ejectum et ibi porrectum mergis opima præda contigerit; tum ego voti mei damnatus et compos, caprum et agnam immolabo Tempestatibus. — Quo quidem voto nihil a poeta acerbius addi potuit; acerbissime inprimis optat, ut Mævii corpus *opima præda* mergis contingat, sive quod illi ejecta corpora tanquam opimam prædam depasci soleant, sive quod ipsi Mævio *opimum* corpus fuerit. — *Tempestatibus*, de religioso *Tempestatum* cultu vid. *Cerd.* ad Virgil. V, 772, ubi Æneas quoque *agnam Tempestatibus* immolari jubet. Vulgo tempestatibus litabatur, ut navigantibus parcerent, hic hostias ipsis pollicetur, ut naufragium mortemque Mævio immittant. Ed.

ANALYSIS. Mævio Horatius, homini sibi infestissimo, navi nunc iter in Græciam factaro, naufragium imprecatur. Rogatis igitur ventis, ut tantam in

mari Ionio tempestatem concitent, quantam olim Minerva in Ajacem concitasse dicitur, se, fracta Mævii nave, hircum et agnam Tempestatibus immolaturum esse spondet. — Malum poetam Mævium fuisse ex Virgilio Eclog. III, 90: « Qui Bavium non odit, amet tua carmina, Mævi; » satis certo colligi posse videtur. Quod si eundem ex malorum poetarum more petulantius Horatio insultasse statuas, causa, cur Vatiniano improbum istum persequutus sit odio, facile apparet. — Ceterum si quis animi causa hoc carmen cum libri primi carmine tertio comparaverit, ubi Horatius Virgilio Athenas navigaturo felicem navigationem apprecatur, diversos tam pii amoris quam magni odii sensus non sine voluptate expressos animadvertet.

CARMEN XI.

AD PETTIUM.

Se in vincendo amore minime firmum proficitur.

PETTI, nihil me, sicut antea, juvat
Scribere versiculos amore percussum gravi:
Amore, qui me præter omnes expetit
Mollibus in pueris, aut in puellis urere.
Hic tertius December, ex quo destiti

5

1. *Petti, nihil me, sicut antea, juvat Scrib. versic. amore percuss. gravi*, ex quo tempore amore excrucior, non amplius, ut ante, Musarum studiis delector. — *amore percussum gravi*, crudeli amoris vulnere sauciatus. Alii pro *percussum* legunt *perculsum*; quod ad sensum idem fere est; *perculsus* et *percussus* in omnibus pæne veterum scriptoribus liberiorum imperitia temere permutata sunt; vid. *Benl.* ad h. l. et *Drakenb.* ad Sil. Ital. II, 213. — *amore*, vis

magna in repetitione. — *qui me præter omnes expetit... urere*, eleganter pro vulgari: qui me inprimis urit. — *Mollibus in pueris, aut in puellis*, de locatione *urere* in aliquo et aliqua, ut *ardere* et *æstare* in aliqua, pro: ob aliquam, vid. *Heins.* ad Ovid. Met. VII, 21: « quid in hospite regia virgo Ureris; » et *Broukh.* ad Tibull. IV, 2, 11. — *me expetit urere*, græce: ut me urat.

2. *Hic tertius December... sibi honorem decutit*, ornate pro: tertius

Inachia furere, silvis honorem decutit.

Heu! me, per urbem, nam pudet tanti mali,
Fabula quanta fui! conviviorum et poenitet,

In queis amantem et languor et silentium
Arguit, et latere petitus imo spiritus.

10

Contrane lucrum nil valere candidum
Pauperis ingenium? querebar adplorans tibi,

Simul calentis inverecondus Deus
Fervidiore mero arcana promorat loco.

nunc est annus. — *honorem*, folia. Virg. Georg. II, 404: « Frigidus et silvis Aquilo decussit honorem. » — *Inachia furere*, ob Inachiam furere; furori, quo Inachia me correptum tenebat, indulgere. — *per urbem Fabula quanta fui!* quomodo per ora hominum traductus fui! *fabulae* dicuntur, qui sermonibus omnium circumferuntur, ridentur, diffamantur; exempla vid. apud Heins. ad Ovid. Art. Am. II, 561. — *silentium*, de silentio, amoris signo, cf. Catull. LI, 9; cf. supr. IV, 1, 38, 36. — *Arguit*, prodit, *μυβοῖ*, supr. I, 13, 7: « Humor et in genas Furtim labitur, arguens Quam lentis penitus macerer ignibus. » — *et latere petitus imo spiritus*, ornatè pro: alta suspiria. Cl. Mitsch. comparat Callimach. Ep. XLV, 1: « Ἐλαός ἔχων ὁ ξείνος δάκρυα δάκρυον ἄς ἀντὶ τὸν Πνεῦμα διὰ στήθεσιν, εἰς δὲ, ἀντράχεται. »

11. *Contrane lucrum*, etc. Nexus et sensus hujus paulo impeditioris et obscurioris loci, ut mihi videtur, est fere hic: Tu ipse, Petti, ante tres annos testis fuisti, quomodo contra Inachiam meum obdurarem animum;

« Fierine potest, querebar apud te, quum, vino incensus, arcanos meos amores tibi retegerem, fierine potest, ut Inachia animi mei candorem ditiorum postponat muneribus? Quodsi igitur indignationi meae de Inachiae injuria liberius nunc ita indulgere placet, ut ea, quae vana adhuc amoris mei fomenta fuerunt, ex animo ejiciam et missa faciam; ego, quem ante, se praeter ditioribus contemni, pudebat, submoto nunc isto pudore, cum ditioribus, quibus impar sum, certare desinam. » — Copiose de hoc loco disputavit, sed ejus sensum non satis perspexit Mitscherlichius. — *Contrane lucrum nil valere*, nota loquendi ratione pro: fierine potest, vel, estne nefas, ut nil valeat contra lucrum, etc. — *adplorans tibi*, dolorem meum tecum communicans. — *Simul*, simul ac. — *inverec. Deus*, Bacchus jam dicitur deus *inverecondus*, quod, qui ejus munere, vino, incaluerunt, non raro ea, quae verecunde texerant, liberius proferre et reterege solent. — *arcana calentis fervidi. mero*, h. e. arcana mei, qui calebam fervidiore mero, graviter et significanter pro simplice:

Quod si meis inæstuat præcordiis 15
 Libera bilis, ut hæc ingrata ventis dividat
 Fomenta, vulnus nil malum levantia;
 Desinet imparibus certare submotus pudor.
 Ubi hæc severus te palam laudaveram,
 Jussus abire domum, ferebar incerto pede 20
 Ad non amicos heu! mihi postes, et heu!
 Limina dura, quibus lumbos et infregi latus.
 Nunc, gloriantis quamlibet mulierculam
 Vincere mollitia, amor Lycisci me tenet:
 Unde expedire non amicorum queant 25
 Libera consilia, nec contumeliæ graves;

mea, sive arcanos meos amores; verba: *calentis fervidiore mero* statum animi, ex quo facilius aliquid promoveri et elici potest, bene designant. — *promorat loco*, ex animo, quo latebant, protulerat; supr. III, 21, 15, de vino: «Tu sapientium Curas et arcanum jocoso Consilium retegis Lymo;» cf. supr. I, 12, 16; infr. Epist. I, 3, 16; et Asclepiad. Ep. X, 1, 2; Anth. Gr. t. I, p. 146. — *Quod si me. inæst. præcordiis Libera bilis*, quodsi igitur nunc tam libera in animo meo fervet ira (*libera*, quæ nullo amplius fomento suppressitur), *ut ventis dividat*, ut ventis diripienda tradam, h. e. missa faciam. — *hæc fomenta*, intellige amoris pabulum, scilicet spem, quæ ejus in Inachiam amorem adhuc nutriverat; speraverat nempe fore, ut Inachia candidum pauperis ingenium ditiorum muneribus præferat. — *ingrata*, nil proficientia, ipse explicat. *vulnus nil malum levantia*. — *Desinet submotus pudor*, ego sub-

moto illo pudore (vid. supra) designam, etc.

19. *Severus*, firmo et severo consilio. — *laudaveram*, jactaveram; nam ea laudamus, quæ ex duobus eligimus, præferimus. Ed. — *Jussus abire dom.* admonitus a te ut hujus rei experimentum darem, et e commisatione domum meam, non puellæ domum, abirem. Ed. — *ferebar inc. pede*, ego, qui modo certum consilium ceperam, labascere cœpi, et redii ad domum Inachiae. Suaviter! Tribuit pedi, quod ejus animo tribuendum erat. Tibull. II, 6, 13: «Juravi quoties rediturum ad limina nunquam! Quum bene juravi, pes tamen ipse redit.» — *lumbos et infr. latus*, quod ei non intromisso ante januam jacendum fuit; ut supr. III, 10, 20. — *gloriantis quamlibet mulierc.* *Vincere mollitia*, pueri mollissimi. — *expedire*; cf. supr. I, 27, 4. — *amicorum libera consilia*, consilia liberius et apertius ab amicis data, h. e. sincera. — *alii*

Sed alius ardor aut puellæ candidæ,
Aut teretis pueri, longam renodantis comam.

ardor, novus amor. — *teretis*, habentis membra solida et succi plena. *Ed.* — *renodantis*, solventis, ut super humeros flueret; *humerus* enim *capillis*

sparsus, ut Hor. supr. III, 20, 14, loquitur, placebat in pueris mollioribus; cf. IV, 10, 3: « Et quæ nunc humeris involitant comæ, » etc.

ANALYSIS. Quam parum firmitatis et constantiæ sibi sit in pervincendis amoris cruciatibus, ingenue et familiariter amico suo et sodali Pettio aperit. Repetit igitur, quid sibi ante tres annos in Inachiæ amore acciderit, et quam turpiter se capto eam deserendi consilio tradiderit. Qua re narrata, se nunc Lycisci amore, a quo pariter nec amicorum consiliis, nec pueri illius injuriis, expediri possit, teneri profitens mollem suum et parum virilem animum haud dissimulat. — Talem igitur fere semetipsum in hoc carmine descripsit poeta, qualis apud Terentium in Eunuchio inducitur Phædria, qui, quomodo amantium animi modo huc, modo illuc impellantur et agitentur, pro illustri exemplo haberi potest.

CARMEN XII.

In anum libidinosam.

Quid tibi vis, mulier nigris dignissima barris?

Munera cur mihi, quidve tabellas

Mittis, nec firmo juveni, neque naris obesæ?

1. *Quid tibi vis*, quantus libidinis te agitat furor. — *dignissima*, quæ coeas cum *nigris barris*, h. e. elephantis, et fœditate tibi similibus, et libidini tuæ explendæ paribus. Non audiendi sunt, qui nostra ætate per *barros*, non elephantos, sed simiorum quoddam genus intelligendum esse probatum iverunt; immo Horatius con-

sulto elephantum, ut animal nervosius posuit. — *Munera*, aliis meretricibus munera vulgo mittebantur; hæc vero amatoribus suis mittebat, nedum acciperet, adeo et vetus et fœda erat. *Ed.* — *tabellas*, ceratas puta, in quibus, quid vellet, exaraverat vetula; *arcanas* ejusmodi *tabellas* vocat Ovidius, Amor. II, 15, 15. — *firmitas*,

Namque sagacius unus odoror,
 Polypus, an gravis hirsutis cubet hircus in alis, 5
 Quam canis acer, ubi lateat sus.
 Qui sudor vietis et quam malus undique membris
 Crescit odor! quum, pene soluto,
 Indomitam properat rabiem sedare, neque
 Jam manet humida creta, colorque 10
 Stercore fucatus crocodili; jamque subando
 Tenta cubilia, tectaque rumpit.
 Vel mea quum sævis agitat fastidia verbis:

satis valido ad præstanda tibi opera, ad explendam insatiabilem tuam libidinem. Ed. — *neque naris obesæ*, qui nihil olfaciat, adeoque malam vetulæ odorem facile perferre possit. — *obesæ*, h. e. pinguis nimium; pinguedo enim sensuum aciei obesse credita. Ita *aures obesas* Calpurn. Ecl. IV, 148, opponit *acutis*, h. e. delicatis et subtilibus. Ed. — *sagacius unus odoror*, unus omnium sagacior sum in odorando quam canis, etc. — *Polypus*, tumor inter nares, de cujus gravi fœtore vid. Cels. VI, 8. — *gravis hirsutis cubet hircus in alis*, lepide dictum pro: alæ hircinum odorem emittunt, instar hircorum fœtent. Similiter Catull. LXIX, 8: « Lædit te quædam mala fabula, qua tibi fertur Valle sub alarum trux habitare caper. » Ed.

7. *Qui sudor et quam malus odor crescit membris*, quantum ingravescit odoris gravitas, diffluentibus sudore artubus! Quantum fœtorem exsudent membra ejus, quum, etc. Ed. — *vietis*, senio putridis, flaccidis. — *quum, pene soluto*, non, expedito et parato,

ut Dacier. Lamb. et alii volunt, sed languente, nec ullam vim jam habente post opus absolutum. Ed. — *Indomitam rabiem properat sedare*, quum enim satiari nequeat, omnia tentat, ut ad explendam libidinem suam languentem jam virum excitet. Ed. — *neque illi Jam manet humida creta*, neque in ejus facie creta sudore liquefacta manet, sed defluit; ex creta nempe pigmentum parabatur, quo candorem faciei conciliarent mulieres. Ovid. A. A. III, 199: « Scitis, et inducta candorem querere creta; » cf. Interpret. — *colorque Sterc. fuc. crocod.* fucus ex stercore crocodili confectus. Plinius, XXVIII, 8, « stercus crocodili molestias in facie enascentes tollere » ait. — *subando*, sese propter libidinem agitando; a suisbus translatio est. Ed. — *Tenta cubilia*, lectum funibus tentum. — *tecta*, intergumenta, vestes stragulas. Alii volunt tecta non lecti, sed ipsius cubiculi jamjam rumpenda videri, adeo anus se commovet! Potest etiam explicari, tenta, ardens libidine, concutit et quasi rumpit cubiculi stragulas vestes to-

- « Inachia langues minus, ac me;
 « Inachiam ter nocte potes; mihi semper ad unum 15
 « Mollis opus: pereat male, quæ te,
 « Lesbia, quærenti taurum, monstravit inertem;
 « Quum mihi Cous adesset Amyntas,
 « Cujus in indomito constantior inguine nervus,
 « Quam nova collibus arbor inhæret. 20
 « Muricibus Tyriis iteratæ vellera lanæ

tumque contextum. Vid. Catal. V, 9, et Juven. VI, 22. Ed.

13. *Vel mea quum sævis agitat fastidia verbis*, alii volunt hoc cum antecedentibus connecti, nec nisi h. v. *Qui sudor*, etc. esse continuationem. Non vix intelligendum quomodo objurgatione novi sudoris rivi eliquentur, magis etiam in loquendo quam in agendo eam incalescere, quod paucis accipiendum videatur. Nonnulli, leviter hunc locum emendantes, pro *quum* legi volunt *quam*, et sic omnem tollunt difficultatem. Quibus vero displicebit emendatio, ita poterint explicare: vel quum agitat, h. e. quid autem est quum, etc. quid? quod agitat, etc. Ed. — *mea fastidia sævis verbis agitat*, meum in concubitu languorem exagitat his asperis verbis: — *Inachia*, apud Inachiam, sive in *συνοικία* cum Inachia. — *langues minus ac me*, minus atque apud me vires te deficiunt. — *potes*, suppresso, ait *Müscherlichius*, ex verecundiæ sensu, *subagitare*; sed ubi est in hoc carmine verecundia? immo ex usu loquendi hoc factum est, ut constat ex frequentissimis exemplis. Martial. III, 33, 1: « Num possim vetulam, quæris, Matrinia? possum Et vetu-

lam: sed tu mortua, non vetula es. » Id. I, 76, 4: « Quum possis Hecubam, non potes Andromachen. » Ed. — *ad unum opus, συνοικίαν*. — *Mollis*, idem quod in versu sequente *iners*. — *pereat male*, etc. Abeat Lesbia in malam rem, quæ mihi nervosiorum et validiorem appetenti te hominem languidum et inertem adduxit. — *Lesbia*, læna quædam. — *quæ. taur.* desideranti fortem ac validum sesso-rem. — *inertem*, frigidum, infirmum ad Veneris palæstram. Ed. — *Quum mihi*, etc. Dum haberem Amyntam longe te robustiorem. Ed. — *constantior nervus*, membrum virile firmius. — *indomito*, indefesso. — *Quam nova collibus arbor inhæret*, quam arbor, non vetus, sed adulta et vegeta inhæret collibus. Recte hic de arborum collibus insitarum firmitate; nam Senec. de Provid. IV, § 18: « Non est arbor solida, nec fortis, nisi in quam frequens ventus incursat: ipsa enim vexatione constringitur et radices certius figit. Fragiles sunt quæ in aprica valle creverunt. » Ed.

21. *Muric. Tyr. ñer. vell. lanæ Cui properabantur?* Scin tu, cui ego studiose texui vestem bis colore purpureo tinctam (h. e. dibapham)? cf.

- « Cui properabantur? tibi nempe;
 « Ne foret æquales inter conviva, magis quem
 « Diligeret mulier sua, quam te.
 « O ego non felix, quam tu fugis, ut pavet acres 25
 « Agna lupos, capreæque leones. »

supr. ad II, 16, 35. — *æquales*, ut pavet acres Agna lup. capreæq. leones. Theocrit. XI, 24 : « Φεύγει δ' ὥσπερ δις πολὺν λύκον ἀθήσασα. » Cf. supr. Epod. IV, 1. — *ut pavet*, ut cum pavore fugit, capreæque cum quam te, sub. mulier tua diligit. — pavore fugiunt.

ANALYSIS. Hoc carmen pariter ac supra Epodon carmen octavum, felle, quod in libidinosam quamdam anum evomuit, turpiter inquinatum est. Hic quoque vetulæ cujusdam, a qua ad libidinem cum illa exercendam se expetitur esse fingit, fœditatem fœde describit, et, ut eo magis appareat, quantus fuerit istius mulieris in libidine furor, eam loquentem et inertiam sibi in re-Venerea exprobrantem inducit.

CARMEN XIII.

AD AMICOS.

Ut curas obliviscantur, et per hiemem genio indulgeant, hortatur.

HORRIDA tempestas cælum contraxit, et imbres
 Nivesque deducunt Jovem; nunc mare, nunc silvæ

1. *Cælum contraxit*, pro : nubes in cælo contraxit; horrida tempestas contractis in cælo nubibus imminet. Eadem ratione Claudianus, XXVI, 378 : « Qualis in atram Sollicitus nubem mæsto Jove cogitur aer. » — *deducunt Jovem*, Jupiter enim ὕψιστος (h. e. aer), dum pluit, in terram descendere vel se demittere fingitur. Virg. Georg. II, 325 : « Tum pater omnipotens fecundis imbribus æther Conjugis in gremium lætæ descendit. »

Threicio Aquilone sonant; rapiamus, amici,

Occasionem de die; dumque virent genua,

Et decet, obducta solvatur fronte senectus.

5

Tu vina Torquato move Consule pressa meo.

Cetera mitte loqui: Deus hæc fortasse benigna

Reducet in sedem vice. Nunc et Achæmenia

Perfundi nardo juvat, et fide Cyllenea

Levare diris pectora sollicitudinibus.

10

Nobilis ut grandi cecinit Centaurus alumno:

— *silvæ*, sic legendum, non *silvæ*, ad metri mensuram. Ed. — *Threicio*, cf. supr. ad I, 25, 11. — *rapiamus, amici*, *Occas. de die*, agite igitur, amici, de hoc pluvioso die, lætæ computationi apto, statim usum rapiamus. — *dumque virent genua*, dum vigor adhuc inest genibus, dum juvenilis adhuc in nobis viget alacritas, dum valemus; Theocrit. XIV, 70: « Πιστὴν τὶ δαί, ἃς γόνυ χλωρόν; » cf. *Mitsch.* In hanc sententiam similiter Noster supr. I, 9, 17: « Donec virenti canities abest Morosa. » Prop. IV, 5, 57: « Dum vernet sanguis, dum rugis integer annus. » — *decet*, hoc enim validam adhuc ætatem decet, quod senectuti turpe foret. Ed. — *obducta solv. fronte sen.* a fronte curarum nubibus quasi obducta dissolvatur senilis austeritas; frons contracta et ad severitatem composita exporrigatur; h. e. missis curis hilaritati indulgeatur.

6. *Tu vina Torquato move Consule pressa meo*; jam convivium accelerari jubet poeta, et quasi jam adsint amici, eorum aliquem vinum Consule L. Manlio Torquato *secum*

natum (vid. supr. III, 21, 1) promere jubet; videtur nempe sermo esse de computatione, ubi de symbolis biberetur. — *move*; supr. III, 21, 6: « moveri digna (amphora) bono die, Descende. » — *Cetera mitte loqui*; supr. I, 9, 9: « permitte Divis cetera. » — *Deus hæc fortasse benigna Reducet in sedem vice*, ea, quæ nunc animum tuum macerant et cruciant, grata fortasse deus vicissitudine in pristinum statum revocabit. — *Achæmenia*; cf. supr. ad III, 1, 44. — *nardo*, unguento pretiosissimo; cf. II, 11, 16. — *fide Cyllenea*, lyra, quæ ab ejus inventore Mercurio (cf. I, 10, 6), in Arcadiæ monte *Cyllene* nato, *Cylleneæ* dicitur. — *diris*, exsecrabilibus.

11. *Nobilis ut grandi cec. Cent. alumno*, quod quidem nobilis Centaurus quoque, Chiron, magno suo alumno suasit, quum hoc ederet vaticinium: — Chironem, cui, tam sapientiæ quam virtutis gloria inter Centauros conspicuo (vid. *Mitsch.*), filium suum Achillem Thetis educandum tradiderat (vid. Stat. Achil. I, 100 seqq.), ad Pindari exemplum,

- « Invicte, mortalis Dea nate, puer, Thetide,
 « Te manet Assaraci tellus, quam frigida parvi
 « Findunt Scamandri flumina, lubricus et Simois;
 « Unde tibi reditum certo subtemine Parcæ 15
 « Rupere; nec mater domum cærule te revehet.
 « Illic omne malum vino cantuque levato,
 « Deformis ægrimoniz dulcibus alloquiis.

Pyth. IX, 88 seqq. jam vatem induxit poeta. — *grandi*, suaviter Achilles jam puer talis representatur, qualis virtute sua evasurus erat. — *Te manet*, tibi debetur fato. — *Assaraci tellus*, Troja, Assaraci olim imperio subjecta; sic apud Virg. *Æn.* I, 284: « domus Assaraci. » — *parvi Scam. flumina*, Scamander enim, cujus fons in monte Ida, intra parvum primum labitur alveum. — *lubricus*, epith. ornans, cuique fluvio conveniens; alii explicant: tortuosus, sinuosus, anguis instar se provolvens. Ita « acanthus hinc inde lubricus et flexuosus » dicitur, Plin. *Epl.* V, 8, § 36. *Ed.*

15. *Certo subtemine*, inevitabili, quod semel Parcarum filis vel subtemine deductum et constitutum est, fato. De *Parcis*, fata Achillis nendo deducantibus, est locus suavissimus apud Catull. *LXIV*, 339 seqq. — *cærule*, communi deorum marinorum

epitheto. — *Deformis ægrim. dulc. alloq.* gratissimis illis (vino nempe et cantu) malarum curarum fomentis; *alloquium*, ut *allocutio* apud Catull. *XXXVIII*, 8, de quovis solatii et lenimenti genere; vid. *Drakenb.* ad *Liv.* IX, 8, t. II, p. 682. Et sic παραμύδιον et παραμυσία apud Græcos; vid. *Wetsten.* ad *N. T.* t. II, p. 267, et *T. Hemsterh.* ad *Xenoph.* *Ephes.* p. 153. Sed *Bentleius*, latinitati hac explicatione timens, particulam *et* ante *dulcibus* inserendam esse putat, suffragante *Wakefieldio*. At, quum recte *cantus* dici possit *alloquium*, per zeugma autem non opus sit, ut *alloquium* utrisque præcedentibus nominibus accommodetur; jam ex hac causa quomodo latinitas offendatur, non video. — *deformis*, ægritudo enim macie vultum deformat, quod malum præsertim adolescenti vitandum. *Ed.*

ANALYSIS. Amicos suos, quibuscum poeta pluviosum diem inter læta vini pocula transigere vult, unamquamque, quæ lætioris vitæ fructum offerat, occasionem cupide amplecti, sollicitudinem de rebus futuris ex animo dimittere, et juvenili, dum licet, ætate frai jubet. Cui quidem vitæ præcepto, quod sæpius Horatius amicis suis proposuit, nunc pondus quoddam addere studet auctoritate Chironis, qui pariter alumnum suum Achillem, postquam fatum,

quod eum ad Trojam maneat, vaticinatus fuerat, curas vino pellere jusserit. — Ceterum computationes et læta convivia pluviosis præcipue diebus instituta fuisse, apparet quoque ex libri tertii carmine decimo septimo, ad Ælium Lamiam hoc nomine scripto.

CARMEN XIV.

AD MÆCENATEM.

Cur versus non faciat, amorem causam esse.

MOLLIS inertia cur tantam diffuderit imis

Oblivionem sensibus,

Pocula Lethæos ut si ducentia somnos

Arente fauce traxerim,

Candide Mæcenas, occidis sæpe rogando :

5

Deus, Deus nam me vetat

Inceptos, olim promissum carmen, iambos

1. *Mollis inertia*, etc. Pulchre et splendide pro vulgari : Cur effluerit mihi plane ex animo, quod de carmine iambico quondam tibi promiseram, sæpe rogando me enecas, candide Mæcenas. — *mollis inertia*, ignavum, quo quis molliter diffuit, otium. — *Poc. Leth. ut si duc. somn.* *Arente fauce trax.* quasi ego ex Lethe biberim; *arente fauce traxerim*, avidè hauserim; sic Hercules « vinum trahere » apud Val. Flac. III, 609, dicitur, et sic *ὄκρυ* et *σῆξ* apud Græcos; vid. Bergler. ad Alciph. I, 34, p. 149. — *ducentia*, adducentia. — *Lethæos somnos*, talem torporem, quali qui ex Lethe biberant obruuntur, h. e. omnium rerum oblivionem. — *candide*, animi candorem, in quo

vel maxime spectatur amicitia, familiariter Mæcenati tribuit. — *occidis*, enecas frequentissimis interrogationibus.

6. *Deus*, Amor; magna vis in repetitione. — *nam*; ad hanc particulam supple fere hæc: noli, quæso, mirari, vel: non in causa est mollis inertia, *nam*, etc. — *me vetat*, etc. supr. Epod. XI, 1: « Petti, nihil me, sicut antea, juvat Scribere versiculos, amore percussum gravi. » — *Incept. olim prom. carm. iambos*, inceptum illud, quod olim tibi promisi, carmen iambicum; possis quoque et olim cum Wakefieldio ad inceptos referre. — Cl. Müsch. in Argum. ad hoc carmen per *inceptos iambos* ipsum Epodon librum omnino intelligendum

Ad umbilicum adducere.

Non aliter Samio dicunt arsisse Bathyllo

Anacreonta Teium;

10

Qui persæpe cava testudine flevit amorein,

Non elaboratum ad pedem.

Ureris ipse miser; quod si non pulchrior ignis

Accendit obsessam Ilion,

esse existimat; sed nolim jam *promissum carmen* de pluribus intelligere; haud dubie de peculiari quodam carmine sermo est. Sic Catullus LXV de carmine *peculiari*, quod ex Callimachi carminibus de *Coma Berenices* latinis numeris expressum nondum ex promisso miserat, apud Hortalum se excusat. — *Ad umbilicum adducere*, ad finem perducere; *umbilicus* fuit bacillus teres, qui extremis voluminum oris ita adungebatur, ut ejus ope illa circumvolvi possent; prominentes utrimque partes, ex auro, argento vel alio metallo factæ, dicebantur *cornua*; vid. Heyn. ad Tibull. III, 1, 13. Liber igitur *ad umbilicum adductus* debebat esse absolutus et ad finem perductus.

9. *Non aliter*, etc. Ad declarandam amoris sui vehementiam, quæ animum ab intentiore meditatione, quam poeticum studium requirat, avocet, præclare Anacreontis exemplo utitur idem experti, animo ejus Bathylli amoribus districto. De Bathyllo agit Anacreon c. XXIX. Samon ejusdem patriam innuit v. 45 ejusdem carminis. Ed. — *arsisse Bathyllo*; de locutione *ardere aliquo* vel *aliqua* vid. supr. ad II, 4, 7. — *Teium*; hinc «fides Teia» supr. I, 17, 18. — *flevit amorein*,

simpliciter pro: amores cecinit, vel ingemuit Polycratis amorem suo anteponi. Polycratem enim constat eodem Bathyllo arsisse, ipsique statuum erigi jussisse. Ed. — *Non elaboratum ad ped.* carminibus, haud ad certos metri pedes diligenter exactis; paulo licentius nempe in permutandis iambis, anapestis, spondeis, etc. versatus est Anacreon, quod suaviter nunc tribuit ejus animo, vehementius amoris affectu perturbato.

13. *Ureris ipse miser*, meam hanc excusationem sine dubio accipies, quum ipse gravi amore succubeeris. Ed. — *quod si non pulchrior ignis Accendit obsess. Ilion*, quodsi autem puella tua æque pulchra est, atque illa ob quam Troja obsessa et accensa est, h. e. quod si autem puella tua ipsi Helenæ non cedit pulchritudine. — *ignis*, alias quoque pulchræ puellæ ob amorem, quem in amantium animis accendunt, appellari solent *ignes*. Notissimus est locus Terentii, Ean. I, 2, 5: «Accede ad ignem hunc, jam calesces plus satis.» Virgil. Ecl. III, 66: «At mihi sese offert ultro, meus ignis, Amyntas.» Sed multo significantius nunc *ignis* dicitur Helena, quippe quæ non tantum Paradis animum amore erga se accendit, sed

Gaude sorte tua; me libertina, neque uno
Contenta, Phryne macerat.

15

per hunc ipsum simul amorem accen- LXVIII, 135, de amica sua: « Quæ
sas quoque Trojæ causa exstitit. — tamen etsi uno non est contenta Ca-
neque uno Contenta; Catull. quoque tullo. »

ANALYSIS. Mæcenati, identidem Horatium roganti et ab eo expostulanti, cur jam diu datam fidem, se carmen iambicum cum illo communicare velle, nondum exsolverit, respondet poeta in hoc carmine, dum omnis moræ causam in Amorem, quo gravius, quam olim Anacreon, torreatur, confert. De summa autem Amoris vi ipsum Mæcenatem, in pulcherrimæ puellæ amore quammaxime occupatum, facete testem facit.

CARMEN XV.

AD NEÆRAM.

Hujus perjuria queritur, rivalique suo eadem vaticinatur.

Nox erat, et cælo fulgebat Luna sereno,
Inter minora sidera,
Quum tu, magnorum numen læsura Deorum,
In verba jurabas mea,

1. *Nox erat*, etc. Nota exordii ejus gravitatem, utque poeta omnia illa minutatim revocando inter quæ juravit Neæra, vividius acriusque perjurii perfidiam augeat. Ep.—Vide etiam, quam egregie poeta exornaverit sententiam fere hanc: Luna lucebat in cælo sereno, quum inter arctissimos complexus mihi jurando, te semper me unum amaturam esse, et deos et me luderes! — *Nox erat, et cælo fulg.*

Luna ser. Noctem, Lunam et sidera sæpe apud poetas amantes amoris sui conscia faciunt; cf. Meleag. LXXI, 1 seqq. Anth. Gr. t. I, p. 22, et plura in hanc rem a Mitscherlichio prolata exempla.—*inter minora sidera*, sup. I, 12, 47: « velut inter ignes Luna minores. »—*magnorum numen Deorum*, pro: magna numina deorum. Alii per magnos deos intelligunt Venerem et Cupidinem, afferuntque illa

Arctius, atque hedera procera adstringitur ilex,

5

Lentis adhærens brachiis;

Dum pecori lupus, et nautis infestus Orion

Turbaret hibernum mare,

Intonsosque agitare Apollinis aura capillos,

Fore hunc amorem mutuum.

10

O dolitura mea multum virtute Neæra!

Nam, si quid in Flacco viri est,

Tibull. I, 2, 81: « num Veneris magos violavi numina verbo? » Majorem vero vim huic loco inesse mihi videtur, si, non Venerem Cupidinemque modo, sed eos quidem et alios omnes deos deasque intelligas. Ed.—*læsura*, sic Phyllis apud Ovid. Heroid. II, 43, de læsis a Demophoonte per perjuriam numinibus: « Si de tot læsis sua numina quisque Deorum Viudicet; in pœnas non satis unus eris. »—*In verba mea*, in verba, quibus ipse tibi præibam. Solenne scilicet jusjurandum fiebat *conceptis verbis*, h. e. ut qui juraret, verba ab altero prius dicta ipse repeteret. Ad omnem hunc locum Tibull. I, 9, 1: « Quid mihi, si fueras miseros læsurus amores, Fœdera per Divos, clam violanda, dabas? » Ed.—*Arct. atque hedera*, etc. Junge: *adhærens lentis brachiis arctius, atque procera ilex adstringitur* (circumdatur) *hedera* (ab hedera), h. e. dum lentis tuis brachiis arctius meis amplexibus adhærebas, atque (quam) hedera illici adhærere solet; *ilex adstringitur hedera*, exquisitius pro: hedera adstringitur (h. e. annectitur) ad ilicem, h. e. ambit ilicem.—*Lentis*, flexibilibus, apposite de arcto amplexu. Sic *lenta vitis* apud

Virg. Eclog. III, 38: « *Lenta* quibus (poculis) torreo facili superaddita vitis. » Ceterum de arctis amantium complexibus cum hedera, arboribus se applicante, comparatis cf. supr. I, 36, 20.—*Dum pecori lupus*, particulam *semper* per res, quæ semper natura sua sibi constant, tribus versibus circumscripuit. — *lupus pecori*, sc. infestus esset.—*nautis inf.* Orion *Turb. hibernum mare*, cf. supr. I, 28, 21; III, 27, 18, et Epod. X, 10.—*Intons. agù. Apoll. aura capillos*, pro tenui: et intonsi Apollinis crines essent; designatur autem æterna Apollinis juvenas, capillis intonsis spectabilis; Tibull. I, 4, 37: « Solis æterna est Phœbo Bacchoque juvenas: Nam decet intonsos crinis utrumque deum. » — *fore hunc amorem mut.* hoc referendum verbo *jurabas* supra in v. 4. Ed.

11. *O dolitura mea multum vire.* *Neæra*, o Neæra, non sine magno dolore, me forte cepisse consilium, animadvertes. — *virtutis* jam de constantia, qua quis in capto aliquo consilio persistit.—*dolitura*, Catull. VIII, 14: « At tu dolebis, quum rogaberis nulla, Scælesta, nocte. » Cf. Philodemi Ep. XX; Anth. Gr. t. II, p. 75.—

Non feret assiduas potiori te dare noctes,

Et quæret iratus parem;

Nec semel offensæ cedit constantia formæ,

15

Si certus intrarit dolor.

At tu, quicumque es felicior, atque meo nunc

Superbus incedis malo,

Sis pecore et multa dives tellure licebit,

Tibique Pactolus fluat,

20

Nec te Pythagoræ fallant arcana renati,

Formaque vincas Nirea;

Eheu! translatos alio mærebis amores:

Ast ego vicissim risero.

Nam, si quid in Flacco viri est; Terent. Eunuch. I, 1, 21: « Sentiet (Thais), qui vir siem; » et I, 2, 73: « Eu noster! laudo. Tandem perdidit: vir es. » — *Non feret*, non æquo animo patietur. — *potiori*, rivali mihi prælato. Cf. supr. ad III, 9, 2. — *parem*, aliam puellam pari fide in amore sibi uni addictam; Propert. I, 1, 31: « Sitis et in tuto semper amore pares. » Vide quæ ad Od. I, 33, 10, notavimus. — *Nec semel offensæ cedit constantia formæ*; subdifficilis interpp. hic locus visus est; ut Bentleius, pro *offensæ*, legere voluerit *offensi* et explicet: constantia mei offensi semel, constantia mea, quum semel offensus fuero, non cedit formæ tuæ. Nobis autem retinendum visum est τὸ *offensæ*, quod active accipi potest eo modo: quæ me offendit; Ciceronem enim aliosque sic eo verbo usos Bentleius ipse loci emendator fatetur. Qui autem activum sensum respuerint, ita passive explicabunt: constantia mea

non cedit tuæ formæ, quum semel eam offendero, quum aliam tibi invisæ præposuero. Ed. — *Si certus intr. dolor*, si certum firmumque, quod dolor subdidit, cepero consilium.

17. *At tu, quicumque es felicior;* Tibull. I, 5, 69: « At tu, qui potior nunc es, mea fata timeto: Versatur celeri Fors levis orbe rotæ. » — *meo superbus incedis malo*, superbe me tibi a Neæra perfida postpositum rides. — *licebit*, pro quamvis, licet, ut infr. Sat. II, 2, 59: « licebit Ille repotia... celebret. » — *Pactolus*, Lydiæ fluvius, aureis arenis, quas vexisse dicitur, satis notus. — *arcana*, recondita præcepta et dogmata. — *Pythagoræ renati*, cf. supr. ad I, 28, 11. — *Nirea*, apud Veteres pulchritudine clarissimum; cf. III, 20, 15. — *Ast ego vicissim risero*, comparant Asclepiad. XVIII, 3; Anth. Gr. t. I, p. 147. Plura in hanc sententiam vid. apud Jacobs. ad Straton. Epigr. XXXV, in *Animadv.* Vol. II, P. III, p. 83.

ANALYSIS. Nescire, quam sanctissimo jurejurando datam sibi in amore fidem fefellisse queritur, firmissimum animi sui consilium significat. Juvenem autem a Nescire nunc sibi prælatus, quamvis ille ditissimus, doctissimus et formosissimus sit, eandem tamen apud Nesciram perfidiam experturum esse, in doloris sui solatium auguratur; et sententiarum quæsitæ gravitate, et affectuum ad vivum plane delineatorum varietate ac veritate, maximeque modulationibus numeris hoc carmen excellit. Exordium miræ artis est in perjuri horrore adumbrando. Ep.

CARMEN XVI.

AD POPULUM ROMANUM.

Eum hortatur, ut Romam civilibus bellis usque æstuantem deserat, et in fortunatas insulas commigret.

ALTERA jam teritur bellis civilibus ætas,
Suis et ipsa Roma viribus ruit.
Quam neque finitimi valuerunt perdere Marsi,

1. *Alteræ ætæ*, si hominum ætatem, γενεάν, ad vulgarem rationem (vid. quos laudat *Albert.* ad Hesych. s. v. γενεά, t. I, p. 814, n. 18) pro triginta annorum spatio accipimus, hoc carmen autem, ut hujus libri septimum et nonum, anno U. C. DCCXXI, quo contra Antonium bellum pararet Octavianus, scriptum esse ponimus; bella civilia, inde ab anno U. C. DCLXVI, quo Sulla contra Marium hostiliter insurrexerat, repetita, jam quinquaginta et quinque annos in republica sævierant. — *ipsa*, hoc verbum cum præcedenti conjungas, *ipsa suis*, quo gravius exprimitur Romam viribus, non alienis, sed suis ipsius confici. Quod ait Lucan. l. I, v. 3: « In sua victrici con-

versum viscera dextra. » Ep. — *viribus suis ruit*, supr. Epod. VII, 9: « Sed ut, secundum vota Parthorum, sua Urbs hæc periret dextera. » — *Quam neque*, etc. Sententia, omnibus destituta poeticis ornatibus, est: Romam ab externorum hostium periculis acerrime defensam, in summum nosmetipsi discrimen adducemus, perdemus. Expende vero quam graviter poeta per se versus omnia illa enumeret pericula, quibus Roma superfuerit, ut animi expectatione suspensum, nec jam intelligentem quomodo Urbs, ex tot et tantis discriminibus superstes, unquam perire possit, tandem in hæc et indignatione et mærore plena verba deducat: nosmet eam ipsi perdemus! Jam transeamus ad singula. Ep. —

Minacis aut Etrusca Porsenæ manus,
 Æmula nec virtus Capuæ, nec Spartacus acer, 5
 Novisque rebus infidelis Allobrox;
 Nec fera cærulea domuit Germania pube,
 Parentibusque abominatus Hannibal,
 Impia perdemus devoti sanguinis ætas;
 Ferisque rursus occupabitur solum. 10
 Barbarus heu! cineres insistet victor, et urbem
 Eques sonante verberabit ungula;

finitimi valuerunt perdere Marsi, designatur bellum Marsicum, sive Sociale, de quo vid. supr. ad III, 14, 18. — *Min. aut Etrusca Pors. manus*, bellum Etruscum cum Porsenâ ex Liv. II, 9, satis notum. — *Æmula nec virtus Capuæ*, laudant Cic. in Leg. Agr. II, 32: « Majores vestri... tres solum urbes in terris omnibus, Carthaginem, Corinthum, Capuam statuerunt posse imperii gravitatem ac nomen sustinere. » — *Spartacus acer*, bellum servile, quod concitavit Spartacus; vid. supr. ad III, 14, 19. — *Allobrox*, Allobroges, Gallie populus, Rhodani a lacu Lemano ad Isaram usque accola. — *Novis rebus inf.* infideles studio novarum rerum; crebras enim seditiones moverunt Allobroges, a Cn. Domitio Ahenobarbo U. C. DCXXXI Romanorum ditioni subjecti; hinc Catilina quoque eos in partes suas trahere studuerat. — *Nec fera cærulea dom. Germ. pube*, Germani cæruleis oculis truces. Ad rem Tacit. Germ. IV: « Habitus corporum... idem omnibus; truces et cærulei oculi, rutilæ comæ, magna corpora. » Poeta respicit potissimum

effusam per Italiam immanem vim Germanarum gentium, quibus nomen Cimbris et Teutonis erat, quæ Cæpionem, Manlium, et antea Carbonem Silanumque fugavit, castrisque exiit, donec a Mario tandem repressa maximaque clade affecta est. Cf. IV, 3, 26. Eb. — *Parentibus abominatus*, de cæsis nempe ab illo filiis; ut supr. I, 1, 24: « bella matribus detestata. » — *abominatus* passive, ut in loco modo allato *detestata*. — *Impia perd. devoti sang. ætas*, nos, quorum sanguis ad majorum scelera expianda devotus est, Romam ad interitum vocabimus; cf. Epod. VII, 30. — *rursus*, ut ante; loca, ubi nunc Roma stat, sola et vasta, ut ante urbem conditam, erunt; laudant Propert. IV, 1, 1; Ovid. Fast. V, 98; Tibull. II, 3, 25.

11. *Barbarus.... victor*, respicit barbaras gentes, quas Antonius sibi adjunxerat, Dacos, Æthiopes (III, 6, 14), etc. — *Equus sonante verberabit ungula*, eques per Urbem eversam ambulabit, urbis cineres equi pedibus calcabit. In his verbis *sonante ungula* victoris superbientis notionem

Quæque carent ventis et solibus, ossa Quirini,
 Nefas videre! dissipabit insolens.
 Forte, quid expediat, communiter, aut melior pars, 15
 Malis carere quæritis laboribus;
 Nulla sit hac potior sententia; Phocæorum
 Velut profugit exsecrata civitas,
 Agros atque Lares proprios, habitandaque fana
 Apris reliquit et rapacibus lupis, 20
 Ire, pedes quocunque ferent, quocunque per undas
 Notus vocabit, aut protervus Africus.
 Sic placet? an melius quis habet suadere? secunda

inesse quis non videat? Ed. Cf. Ovid. ex Pont. I, 2, 111: « Nec male compositos... Bistonii cineres ungula pulset equi. » — *Quæque carent ventis et sol. ossa Quirini*, et ossa Romuli, quæ nec ventis nec soli exposita sunt, h. e. condita et humata sunt, quæque, tanquam rem sacram, oculis usurpare nefas est, insolens dissipabit. Sepulcra enim jam per se religiose coli debebant; (Cic. Quæst. Tusc. I, 12, ubi vide *Interpr.*) multo religiosius autem sepulcrum Urbis conditoris Romuli (laudant Claud. XXVI, 100 seqq.), quod, ut Cruquii Scholiast. ex Varrone docet, pro Rostris fuit. — *Quæ carent ventis*, similiter supr. III, 29, 23: « caretque Ripa vagis taciturna ventis. » — *Nefas videre*, apposite in hanc rem Mitsch. ex Pseudo-Phocyl. v. 94, 95, affert: Μὴ τὸ μὲν φθιμῆνους ἀνορύξῃς, μήτ' ἀθέατα Δαίτης ἡλίου, καὶ δαίμονιον χόλον ὄρσῃς. »

15. *Forte, quid expediat*, etc. H. e. fortasse aut communiter omnes, aut certe melior pars, nunc dispicitis,

quid ad mala, quæ vobis imminet, evitanda prosit inprimis et conferat. — *Nulla sit hac potior sent.* si me auditis, nihil prius nobis faciendum est, quam ut Phocæorum exemplum sequuti, eamus, quocunque nos pedes ferent. — *Phoc. velut*; Phocæi enim, graviter ab Harpago, Cyri duce, obsessi et jam ad deditionem pæne adacti, quam patriam una cum conjugibus et liberis suis relinquendi cepissent consilium, priusquam discederent, massam ferri in mare injecisse, et se non prius, quam illa ex mari emersisset, redituros esse, inter execrationes jurasse traduntur; vid. Herod. I, 165. — *civitas exsecr.* *Agros atque Lares*, se execrando et diis Manibus devovendo, si unquam rediret in patriam. — *Ire, pedes quocunque fer.* supr. III, 11, 49: « I, pedes quo te rapiunt et auræ. » — *vocabit*, venti enim huc vocare videntur, quo impellunt. Ed. — *protervus*, cf. ad I, 26, 2.

23. *Sic placet?* ex sententiam rogantis formula. — *secunda alite*, bono

Ratem occupare quid moramur alite?

Sed juremus in hæc : simul imis saxa renarint 25

Vadis levata, ne redire sit nefas;

Neu conversa domum pigeat dare lintea, quando

Padus Matina laverit cacumina,

In mare seu celsus procurrerit Apenninus;

Novaque monstra junxerit libidine 30

Mirus amor, juvet ut tigres subsidere cervis,

Adulteretur et columba milüo;

omine. — *Sed juremus*, antequam autem proficiscamur, jurejurando nos obstringamus, nos nunquam in patriam redituros. Ed. — *in hæc*, sc. concepta verba; ipse nempe præit carmine exsecrabili, sive jurisjurandi formula.

— *simul imis saxa renar. Vadis lev. ne red. sit nefas*, simulac hæc saxa ex imo maris fundo emergerint, tum in patriam redire nobis liceat et fas sit; pro ferri massa, quam Phocæi jusjurandum peragentes in mare injecisse dicuntur, Horatius *saxa* posuit.

Levata renarint, ornatè et significanter pro: in altum resurrexerint, emergerint. — Ceterum quemadmodum Hor. in carmine præcedente v. 6 seqq. *tò semper* per res, quæ natura sua sibi semper constant, ita nunc *tò nunquam* per res, quæ natura sua fieri nequeunt, sive per ἀδόvαρα, circumscripsit, quanquam eum in iis cumulandis juveniliter luxuriasse dixeris.

— *ne redire sit nefas*, tum demum nobis liceat redire. — *Neu pigeat*, et tum placeat. — *conversa lintea dom. dare*, domum renavigare. — *Padus*, citerioris Galliæ fluvius. — *Matina laverit cacumina*, mutato cursu Martini, Calabriae montis, alluerit et su-

peraverit cacumina. — *seu*, sive quando. — *Apenninus*, mons longo tractu, procul autem a mari, per Italiam porrectus.

31. *Amor mirus*, inauditus. — *monstra junxerit nova libid.* diversæ naturæ animalia, novo iis per miraculum quoddam injecto instinctu, ad coitum stimulaverit. — *ut*, ita ut. — *monstra* jam dicuntur animalia, quæ prodigio quodam aliam naturam induunt. *Monstra* etiam, si velis, et, mea sententia, non immerito, non de animalium novos sensus induentium singulis, sed de stupendis portentis quæ nostris oculis animalium tam diversorum conjunctione offerrentur, intelliges. Ed. — *subsidere*, se submittere, subjici maribus. Lucret. IV, 1190: « Nec ratione alia volucres, armenta, feræque, Et pecudes, et equæ maribus *subsidere* possent. » Nota *juvet subsidere* delectius ac gravius dictum, quam *subsidant*. Ed. — *Adult. columba milüo*; graviter hic *adulteretur* pro *subsidat*, quum de libidine naturæ repugnante et quasi illicita agatur; forte etiam hoc verbo alludit poeta, nec sine multo lepore, ad celebratissimam columbæ castitatem. Ed.

Credula nec ramos timeant armenta leones;

Ametque salsa lævis hircus æquora.

Hæc, et quæ poterunt reditus abscindere dulces, 35

Eamus omnis exsecrata civitas,

Aut pars indocili melior grege; mollis et exspes

Inominata perprimat cubilia.

Vos, quibus est virtus, muliebrem tollite luctum,

Etrusca præter et volate litora. 40

Nos manet Oceanus circumvagus: arva, beata

Mitsch. comparat Lucian. DD. XXII, 1: « τράγος μοιχῶσαι αἰῶνα. » Ed. — *credula*, securitati suæ confisa. Ed. — *ramos*, explicant: ravis oculis truculentos, sed cf. ad III, 27, 3. — *lævis*, ex hispidio, piscis instar, lævis factus; comparant Archiloch. XVI, 7 seqq. Anth. Græc. t. I, p. 44.

35. *Hæc et quæ poterunt*, etc. Junge: hæc exsecrata et alia quæ, etc. H. e. ubi has exsecrationes aliasque omnes quæ omnem reditus spem nobis adiment, sancientiæ sententiæ causa pronuntiaverimus, etc. Ed. — *abscindere*, abrumpere, intercludere. — *reditus dulc.* dulces scilicet forsitan viderentur ob innatum patriæ, etiam miserrimæ, amorem qui, ut Ovid. ex Pont. I, 3, 38, loquitur, « dulcedine quadam nos captos » tenet. Ed. — *exsecrata*, jurejurando et exsecratione, se nunquam redituram esse, obstricta. — *pars indocili mel. grege*, pars quæ supra gregem sapit, sanioribusque his consiliis aures advertit. Ed. — *indocili*, qui doceri, persuaderi nequit. Ed. — *grege*, contemtim hac appellatione utitur poeta, quoniam fere imperitorum ac deteriorum major modus est. Ed. — *mollis*, præ

mollitia et ignavia maritimi itineris labores fugiens. — *exspes*, abjectum animum ad melioris sortis spem haud attollens. — *Inomin. perprimat cub.* graviter pro: inauspicato domi maneat. — *perprimat*, h. e. perseveret premendo. Ed.

39. *Muliebrem tollite luctum*, nolite sub discessu ex patria muliebriter lamentari, sed viri estote. Orationis colorem, observante Mitscherlichio, duxit Hor. ex Archilocho (in Stob. Flor. Grot. p. 513): « Τλῆτα, γυναικῶν πένθος ἀπωσόμενοι. » — *Etrusca præter et volate litora*, celeri cursu mare Tyrrhenum transvecti Oceanum versus navigate; *volare* de celeri navium cursu; supr. Od. IV, 5, 19: « Pacatum volitant per mare navitæ. » — *Nos manet Ocean. circumv. arva*, etc. Dacierius, Mitscherlichius et alii qui *arva* cum *circumvagus* jungunt, hunc locum ita explicant: « Arva quæ Oceanus ambit, adeoque insulas in ipso sitas; » pro vulgari: « Nos manent arva Oceano circumflua; » mihi quidem locutio *circumvagus arva* pro: vagus circum arva, durissima videtur; ut nihil dicam, tam vim repetitionis *beata arva*, quam orationis gravita-

Petamus arva, divites et insulas,
 Reddit ubi Cererem tellus inarata quotannis,
 Et imputata floret usque vinea;
 Germinat et nunquam fallentis termes olivæ,
 Suamque pulla ficus ornat arborem;
 Mella cava manant ex ilice, montibus altis
 Levis crepante lympa desilit pede.

45

tem atque nexum perire, si *arva* priore loco posita ad *circumvagus* referatur. Supr. I, 34, 9, *flumina* simpliciter dicebantur *vaga*; cur non æque ad rem *Oceanus* simpliciter dici possit *circumvagus*? h. e. late diffusus. Sensus: Trans Oceanum circumvagam, qui nos manet superandus, petamus arva, et quidem beata arva et divites insulas. Sic fere apud Virgil. Æn. VII, 225, *Oceanus refusus*: «... Et si quem tellus extrema refuso Submovet Oceano.» — *divites insul.* Μακάρον νῆσους, Fortunatas insulas, quo nomine apud Veteres eas, quæ nunc *Canariæ* vocantur, designatas fuisse, jam alii probatum ivere. Est autem harum insularum apud Plutarch. in Sertor. p. 520, edit. Reisk. et Pompon. Mel. III, 40, 40, ita comparata descriptio, ut poetam eas potissimum, in quas, quæ poetæ de aurea ætate finxerunt, transferret, sibi delegisse, haud mireris. Observatum quoque fortasse poetæ est, ut jam Gesnerus in Prælect. II, de navig. extr. Column. Herc. p. 458, monuit, consilium illud, quod Sertorius U. C. DCLXXXIII, quum ejus res in Hispania in summum discrimen adductæ fuissent, in insulas Fortunatas trajiciendi cepisse dicitur; vid. Plutarch. l. l.

43. *Reddit Cererem*, fruges fert; proprie quidem *Cererem reddere* dicitur ager cultus et aratus, qui semen sibi creditum cum fœnore reddit, h. e. largas fruges ex semine profert; sed hæc locutionis proprietas haud urgenda est.—Ceterum translata illam ex aurea ætate ad Fortunatas insulas de agrorum inaratorum fertilitate sententiam quatuor versibus poeta pulchre amplificavit. Comparanda autem cum Hor. ea poetarum loca, quæ in aureæ ætatis descriptione versantur, in quoque fere poeta obvia.—*imputata*, non culta; nam putatio pars est vitis excolendæ, quæ speciâtim pro genere ponitur. Ed.—*termes*, ramus olivæ nunquam spes decipit. Ed.—*pulla ficus*, fasci coloris, qualis est ficuum maturarum.—*ornat suam arborem*, in sua nascitur arbore, non in frondibus peregrinis, h. e. per insitionis opus adoptatis; de ficuum insitione vid. Cato XLII, 4; Columella, V, 14, 7.—*sua*; similiter apud Virg. Georg. II, 82: arbor «novas frondes et non sua poma mirari» dicitur.—*Mella cava man. ex ilice*; cf. Tibull. I, 3, 45; Virgil. Eclog. IV, 22.—*crepante pede*, dulci murmure; Lucret. Nat. Rer. l. V, v. 272: «super terras fluit agmine dulci, Qua via secta semel liquido pede detulit undas;»

Illic injussæ veniunt ad mulctra capellæ,

Refertque tenta grex amicus ubera;

50

Nec vespertinus circumgemit ursus ovili;

Nec intumescit alta viperis humus.

Nulla nocent pecori contagia; nullius astri

Gregem æstuosa torret impotentia.

Pluraque felices mirabimur; ut neque largis

55

Aquosus Eurus arva radat imbribus;

Pingua nec siccis urantur semina glebis;

Utrumque rege temperante Cælitum.

Non huc Argoo contendit remige pinus,

et Virg. Cul. 17: «Castaliæque sonans liquido pede labitur unda.» Ed.

49. *Illic injussæ ven. ad mulctra capellæ*; Virg. Eclog. IV, 21: «Ipsæ lacte domum referent distenta capellæ Ubera.» — *amicus*, suaviter de grege, qui sponte et amanter quasi munera sua dominis offert. — *Nec vespert. circumg. ursus ovili*; Virgil. Georg. III, 537: «Nec lupus insidias explorat ovilia circum, Nec gregibus nocturnus obambulat;» cf. Eclog. IV, 30, et ibi *Cerd.* — *Nec intum. alta viperis humus*, nec terra alit vipersas, vel viperis quasi gravida est. — *intumescit* sublimius ad terram transfert, quod viperis veneno tumentibus proprium est.

53. *Nulla nocent pecori contagia*, hic morbis non infestantur pecora. — *nullius astri Gregem æstuosa torret impot.* nullum sidus impotenti æstu gregem torret. Hoc omne pro: hic spirat aer saluberrimus. Nonnulli hos versus 53 et 54, post versum 62 translatare, ex MSS. fide: sed male. Ed.

56. *Pluraque felices mirabimur*,

plurima insuper cum voluptate invenimus commoda. Ed. — *ut, exempli causa, quod. — neque largis Aquosus Eurus arva radat imbr.* etc. Nec crebræ pluvie hos agros vexent, nec siccitas eos exurat, h. e. media quædam in his terris regnet aeris temperies. — *radat*, arva verrat, vastet; nimia enim copia defusi imbres terram diluunt et provolvunt, maxime in locis clivosis; infr. Sat. II, 6, 25: «Sive aquilo radit terras,» ubi vid. *not.* Ed. Similiter fere de campis Elysiis Hom. Odys. IV, 567: «Ὅν νιφετός, οὗτ' ἄρ' χειμῶν πολὺς, οὗτε πότ' ὄμβρος, ἀλλ' αἰεὶ Ζεφύρειο λεγυρνέοντας ἀήτας ἑλαιανὸς ἀνίστην, ἀναψύχων ἀνθρώπους.» — *Utrumque*, pluviosam tempestatem et continuum solis ardorem.

59. *Non huc Argoo*, etc. Qui in his insulis vivunt, nullum cum peregrinis habent commercium, adeoque periculi, ne illorum vitiiis corrumpantur, immunes et expertes sunt. Ex his autem, qui longinquis per Oceanum usque navigationibus celebrati sunt, Argonautas, Ulyasem et Phœni-

Neque impudica Colchis intulit pedem;
Non huc Sidonii torserunt cornua nautæ,
Laboriosa nec cohors Ulixei.

60

Jupiter illa piæ secrevit litora genti,
Ut inquinavit ære tempus aureum :

Ærea dehinc ferro duravit sæcula, quorum
Piis secunda vate me datur fuga.

65

ces ponit. — *pinus Argoo remige*, navis Argo. — *impudica Colchis*, Medea, cum Jasone Græciam versus navigans. — *Sidonii*, Phœnices. — *tors. cornua*, antennarum cornua s. antennis litori obverterunt, significanter pro: appulerunt. — *Laboriosa*, multis laboribus et periculis in mari exercitata; cf. carm. seq. v. 16.

63. *Jupiter secr.* etc. a ceteris terribis corruptis excepit et destinavit *piæ genti*. Obversatus Horatio est Hesiod. Ἔργ. 167: «Τοῖς δὲ διχ' ἀνθρώπων βίον καὶ ἦθα' ὅσας Ζεὺς Κρονίδης κατένασσε πατὴρ ἐς πάντα γαῖης.... Καὶ τοὶ μὲν ναίουσιν ἀνδρία θυμὸν

ἔχοντες ἐν μακάρων νήσοισι παρ' Ὀυρανὸν βαθυδίνην. » — *Ut inquinavit ære tempus aur.* postquam Jupiter ætatem auream in æream et deinde in ferream mutavit. — *inquinavit*, corruptit; significanter pro: mutavit tempus, deterius fecit; inter auream et æream argentea ætas floruit, quam prætermittit poeta, utpote non multum aureæ dissimilem. Ed. — *ferro duravit sæcula*, fecit ætatem duriorem, scilicet ex ærea ferream. Ed. — *quorum Piis secunda vate me datur fuga*, quæ quidem ferrea sæcula fugere licebit piis me vatem et deorum mandata nuntiantem sequentibus.

ANALYSIS. Quum nondum sævire desinerent bella civilia, immo nova pericula, inimiciis inter Octavianum et Antonium ad bellum spectantibus, reipublicæ imminerent; poeta ruinæ, quæ per illa imperio immineat, cogitatione percussus ejusmodi Romanis in hoc carmine proponit consilium, quod ad eorum animos percellendos, et a furore isto, quo contra semetipsos ruant, avertendos egregie accommodatum est. Suadet nempe iis, ut in re desperata Phocros imitentur, et, sicut illi, deserta patria, regionem exteram, in quamcunque tandem sors eos deferat, adeant. Quod quidem ut eo majore melioris fortunæ spe sequantur consilium, Fortunatas Oceani insulas, ut sedem auspiciorem, piis Romanis destinatas esse, comminiscitur. — Sententiarum nexus est fere hic: « Roma, quam nullus exterorum hostium vincere valuit, per bella civilia, in alteram jam ætatem producta, suis ipsius conficitur viribus! Roma in cineres collapsa solo æquabitur, et erutis Romuli ossibus insolentius insultabit barbarus! Fortasse, his malis nobis imminentibus, aut omnes, aut

certe melior vestrum pars, de salubriore dispicitis consilio! Saluberrimum autem haud dubie erit id, si, Phocæos in simili rerum desperatione imitati, eamus, quocunque nos pedes ferent, et ventus vocabit, et, ne cui unquam in has terras redire velle in mentem veniat, sanctissimum jusjurandum interponamus. Sumite igitur animum, conscendite navem, et (dicam vobis, quæ fortunatiora loca nos maneant) divites insulas petite! Hic vobis omnium rerum sponte affluentibus copiis et summa vitæ securitate atque felicitate frui licebit! Ipse Jupiter, postquam ætatem auream in æream et deinde in ferream mutavit, hæc litora a ceteris terris corruptis secrevit et pio genti destinavit; hæc igitur, o pii, secundis auspiciis vobis adeunda sunt. — Ad argumenti tractationem quod attinet, perfectissima inter nostri opera carmen hoc sane referendum: adeo vigent omnia indignationis dolorisque sensu acerbissimo animata, sententiarum denique gravitate, orationis præcipientis fervore, imaginumque felici copia mire adjuta. Ed.

CARMEN XVII.

AD CANIDIAM.

Ironice veniam petit a Canidia venefica, quam carmine læserat.

HORATIUS.

JAM jam efficaci do manus scientiæ
 Supplex, et oro regna per Proserpinæ,
 Per et Dianæ non movenda numina,

1. *Jam jam effic. do man. scientiæ*
Supplex, jam supplex ad genua tua provolvor, et artis tuæ potentia me victum profiteor; *manum dare*, solemnis locutio de victis, victori se submittentibus. — *Supplex*, post hoc verbum cum Mitsch. Doering. Dacier. multisque aliis interpunctio poni melius nobis visa est. Ed. — *regna per Proserpinæ*, orat igitur per ea, quæ

Canidiæ, ut veneficæ, vel maxime cara et veneranda esse debebant. — *Per Dianæ non movenda numina*, per Dianam haud sollicitandam et ad iram lacessendam; erat enim Diana et iracundior, et in peccantes acerba, neque mortem solum et pestilentiam hominibus, sed etiam amentiam immittere credebatur; hinc illi amentes, qui *σληνιακοί*, *lunatici* appellantur. No-

Per atque libros carminum valentium
 Refixa cælo devocare sidera, 5
 Canidia, parce vocibus tandem sacris,
 Citumque retro solve, solve turbinem.
 Movit nepotem Telephus Nereium,
 In quem superbus ordinarat agmina
 Mysorum, et in quem tela acuta torserat. 10
 Unxere matres Iliaë addictum feris

ster A. P. 454 : « fanaticus error et iracunda Diana » h. e. furor a Diana iracunda menti injectus. Ed.—*libros*, formulas magicas continentes. — *Refixa*, detracta; vis illa qua sidera e cælo detracta in terram devocabantur, inter præcipua magicæ artis miracula referebatur. Virg. Ecl. VIII, 69 : « Carmina vel cælo possunt deducere lunam » et Nost. supr. Epod. V, 48 : « lunamque cælo deripit. » — Nonnulli *defixa* legi volunt, h. e. vel cælo affixa, vel incantamenti obligata; illa autem emendatio, utroque sensu, non bene ad rem venit. Ed. — *vocibus sacris*, formulis vel carminibus magicis. — *Citumque retro solve, solve turb.* et fac, ut licia, quibus nunc me ligas, resolvantur; retro age turbinem sive rhombum magicum, h. e. vi magica, qua nunc vincior, me solve. — Frequentissime in incantationibus adhibebatur turbo vel rhombus (gall. *toupie*) quo vittis involuto et celerime per lori verbera agitato, quosdam motus et agitationem hominibus injici persuasum habebant magi. Ed. — Scilicet ut citissime agitatius (*citius*) vel rotatus rhombus per licia attracta et advoluta incantatos vi magica ligabat et vinciebat, ita idem retroactus

per licia remissa et revoluta eos vi magica solvebat et liberabat. Hinc « retro carmen agere » dixit Val. Flacc. I, 782 seqq. « jamjam exorabile *retro Carmen agens*: neque enim ante leves niger avehit umbras Portitor et *vinctæ* (hæc enim unice vera est lectio, quam pro inepta : *cunctæ*, mira sagacitate Valerio Flacco restituit Jacobs) primis stant faucibus Orci. »

8. *Movit nepotem*, etc. Facete ludit Canidiam, dum eam, ut mulierem abjectissimam, cum illustrissimis antiquitatis heroibus componit. — *Telephus*, rex Mysorum, quum contra Achivos, ad ejus oras appulsos, exercitum duxisset, et vulneratus ab Achille, et ejusdem cura a vulnere sanatus esse dicitur; vid. Hygin. Fab. CI. Hinc Ovid. Trist. V, 2, 15 : « Telephus æterna consumtus tabe perisset, Si non, quæ nocuit, dextra tulisset opem. » Cf. Propert. II, 1, 65 : « Mysus et Hæmonia juvenis qua cuspide vulnus senserat, Hac ipsa cuspide sensit opem. » — *nepotem Nereium*, mater enim Achillis, Thetis, Nerei filia fuit. — *Unxere matres addictum*, etc. Achilles, quamvis Hectoris corpus alitibus et canibus destinaverat, tamen,

Alitibus, atque canibus homicidam Hectorem,

Postquam relictis mœnibus rex procidit

Heu! pervicacis ad pedes Achillei.

Setosa duris exuere pellibus

15

Laboriosi remiges Ulixei,

Volente Circe, membra; tunc mens et sonus

Relapsus, atque notus in vultus honor.

Dedi satis superque pœnarum tibi,

Amata nautis multum et institoribus.

20

Fugit juvenas, et verecundus color

Reliquit ossa pelle amicta lurida;

ut illud sepeliendum suis redderet, Priami precibus adductus fuit. — *Unxere matres Iliæ*, corpora enim sepelienda, ut satis notum, lavari et ungi solebant. Virgil. *Æn.* VI, 218, de sepeliendo Miseno: « Pars calidos latices et abena undantia flammis Expediunt, corpusque lavant frigentis et ungunt; » ubi copiosissime de hoc ritu egit *Cerda*. — *Hector. addictum feris Alit. atque can.* Achilles enim, se corpus Hectoris alitibus et canibus projecturum esse, sæpe minatus fuerat. Hom. *Iliad.* XXIII, 183: « Ἕκτορα δ' οὐτι Δῶσω Πριαμίδην πυρὶ δάπτειν, ἀλλὰ κύνεσσιν. » — *homicidam*, ἀνδροφόνον, fortissimum. — *Postquam relictis mœn. rex procid.* supr. I, 40, 14, Priamus *Ilio relicto*, ut corpus Hectoris redimeret, per Mercurium ad Achillem ductus dicitur. — *pervicacis*, supr. I, 6, 6: « Pelidæ cedere nescii. » — *Setosa duris exuere pellibus*, de Ulyssis sociis a Circe in sues mutatis, et ab eadem, Ulysse deprecante, humanæ formæ restitutis; vid. Hom. *Odyss.* lib. X. —

Setosa membra duris pellib. setosorum porcorum formam. — *Laboriosi*, multis laboribus et ærumnis exercitati; cf. *Carm. anteced.* v. 62. Similiter Ulysses infr. *Epist.* I, 7, 40, *patiens* vocatur. — *sonus*, vox humana. — *notus honor*, pristina humanæ formæ pulchritudo et dignitas.

19. *Dedi satis superque pœn. tibi*, intelligit cruciatu per Canidiæ veneficia sibi injectos, quos ipse statim describit. — *Amata nautis multum et instior.* fecerat igitur olim Canidia cuique pro mercede sui copiam; supr. III, 6, 30: « Seu vocat institor, Seu navis Hispanæ magister, Dedecorum pretiosus emtor. » — *Fugit juvent. etc.* Acerbe exagitat Canidiæ artem magicam, dum ejus vi se nunc misere macerari et contabescere fingit. — *verec. color*, rubor, color verecundiæ; Ovid. *Met.* I, 484: « Pulchra verecundo suffunditur ora rubore. » — *ossa pelle amicta lurida*, h. e. corpus macilentum et luridum. Sil. II, 466: « Jam lurida sola Tecta cute, et venis male juncta trementibus ossa Exstant, con-

Tuis capillus albus est odoribus :

Nullum a labore me reclinat otium.

Urget diem nox, et dies noctem, neque est 25

Levare tenta spiritu præcordia.

Ergo, negatum, vincor., ut credam miser,

Sabella pectus increpare carmina,

Caputque Marsa dissilire nœnia.

Quid amplius vis? O mare et terra! ardeo 30

Quantum neque atro delibutus Hercules

Nessi cruore, nec Sicana fervida

sumtis visu deformia membris. » Ed.

— *Tuis capillus albus est odoribus*, tuis incantationibus canescere incipio; per *odores* intellige herbas magicas, *φάρμακα*. Comparant Theocrit. II, 88, qui præ amore tabescentis imaginem adumbrat sic: « Καί μιν χρῶς μὲν ὁμοῖος ἐγένετο πολλάκι θαψῶ, ἔρρουν δ' ἐκ κεφαλῆς πᾶσαι τρίχες· αὐτὰ δὲ λοιπὰ ὅστι' ἐστὶ τῆς καὶ δέρμα. » — *me reclinat*, me requiescere sinit; quiescentis enim est reclinari et jacere. Ed. — *a labore*, scilicet quo me afflicis. — *Urget diem nox, et dies noctem*, interdum noctem desidero, et noctu, quum mihi sit inquieta quies, diem postulo: luce noctem, nocte lucem exspecto, et frustra nox et dies sese invicem excipiunt, nam non est levare, etc. Ed. — *neque est, οὐδ' ἔστι*, neque licet. — *Levare tenta spir. præcordia*, ornate pro: respirare.

27. *Ergo, negat. vinc. ut credam miser*, ergo miser vincor experientia, et ad hoc compellor, ut credam, quod antea negabam, de carminum magicorum virtute, scilicet carmina sabella, etc. Ed. — *Sabella carmina et Marsa*

nœnia dicuntur carmina magica, quod Sabini et Marsi artibus magicis deditissimi fuisse dicuntur. — *pectus increpare*, eleganter pro: impellere et commovere. — *dissilire* præ dolore nempe et æstu; alias *angues* carminibus magicis rumpi et dissilire dicuntur. — *Marsa nœnia*; cf. supr. Epod. V, 76; similiter Ovid. Art. Am. II, 102: « Non facient, ut vivat amor, Medeides herbe, Mixtaque cum magicis nœnia Marsa sonis. » — *Quid amplius vis?* cur ulterius sævis in me, quum potentiam tuam jam confitear et durissimas poenas tulerim? Ed. — *O mare et terra!* plena doloris exclamatio. — *Quantum neque atro delib. Herc. Nessi cruore*, supr. Epod. III, 47: « Nec munus humeris efficacia Herculis Inarsit æstuosius, » ubi vid. not. — *atro*, perpetuo veneni epitheto. — *nec Sicana ferv. Virens in Ætna flamma*, ordo est: Ardeo, quantum non ardet Sicana flamma virens in Ætna fervida. Vulgatam lectionem, *virens*, ægre retinimus, quam explicant: nunquam extinctam, nunquam senescentem, quum *virere* dicantur

Virens in Ætna flamma. Tu, donec cinis

Injuriis aridus ventis ferar,

Cales venenis officina Colchicis.

35

Quæ finis? aut quod me manet stipendium?

Effare: jussas cum fide poenas luam;

Paratus expiare, seu poposceris

Centum juvencos, sive mendaci lyra

Voles sonari; tu pudica, tu proba

40

Perambulabis astra sidus aureum.

Infamis Helenæ Castor offensus vice,

ea omnia quæ firma sunt ac valida, ut *viridis juvenus*, viridis animus, etc. Nos autem non diffiteamur nobis probari levissimam emendationem, nonnullis etiam codicibus confirmatam, qua plerique interpp. legunt *furens*; quis enim neget et vividius et ad rationem magis *furentem* quam *virentem* flammam dici? De priori etiam epitheto exempla abundant, de posteriore vero nullum. Virgil. *Æn.* IV, 670: «... flammæque furentes Culmina perque hominum volvantur perque deorum.» Ibid. II, 789: «... furit æstus ad auras.» Ad rem omnino Senec. *Hypol.* 190: «Opifex trisulci fulminis sensit deus, Et qui furentes semper Ætnæis jugis Versat caminos.» Et infinita alia. Alii *urens* et *virens* in textum recepere, quod minus valet quam *furens*. Ep.—*Tu, donec cinis*, etc. Tu nulla mei miseratione tacta tamdiu venenis Colchicis in me miscendis et comparandis insudas, donec me in aridum cinerem, protervis ventis dissipandum, redegeris.—*Cales officina*, exquisito pro: Es mihi quasi officina, quæ calet *venenis Colchicis*.

36. *Stipendium*, redemptionis pretium, poena mihi victo tibi victrici pendenda; cf. supr. ad IV, 8, 17.—*jussas poenas luam*, imperatam poenam fideliter exsolvam.—*Paratus expiare*, sub. scelus meum.—*Centum juvencos*, hecatomben.—*sive mend. lyra volēs sonari*; redimenda culpe causa, te etiam, si vis, lyra celebrabo. Nota epitheton *mendaci*, non generaliter de omni lyra dictum, sed de ea tantum lyra, quæ Canidiam ut probam et pudicam celebrabit; ita ut hoc epitheto omnes magnificæ illæ laudes, quibus Canidiam elaturus est poeta, jam ad nihilum redigantur, immo etiam in injuriam vertantur. Ep.—*tu pud. tu proba Perambul. astra sidus aur.* Ego te carminibus meis ut pudicam et probam stellis inseram, h. e. ad cælum usque extollam.—*Perambulabis astra*, te inter cetera astra jactabis; rō *perambulare* notionem superbiæ et jactantiæ habet; cf. supr. ad Epod. IV, 8.—*sidus aureum*, ipsa facta sidus aureum, splendidum.—*Infamis Helenæ Castor offensus vice*, *Frui magni Cast.* Ut mitiorem te mihi

Fraterque magni Castoris, victi prece,
Ademta vati reddidere lumina.

Et tu, potes nam, solve me dementia; 45

O nec paternis obsoleta sordibus,
Nec in sepulcris pauperum prudens anus
Novendiales dissipare pulveres.

Tibi hospitale pectus, et puræ manus:

Tuusque venter Pactumeius; et tuo 50

Cruore rubros obstetrix pannos lavit,
Utcunque fortis exsulis puerpera.

præbeas, exemplo tibi sint Dioscuri, qui, quamvis Stesichoro ob probrosum, quo Helenam diffamaverat, carmen graviter irascebantur, tamen ejus palinodia, ut ereptum ei oculorum usum redderent, victi et permoti sunt.

45. *Potes nam*, δύνασαι γὰρ, ex solemnibus in precibus ad deorum numina formula. — *dementia*, in quam veneficia tua me injicere. — *nec obsoleta*, h. e. despecta; res enim *obsoletæ* in despectu fere esse solent. — *paternis sordibus*, sordida origine. — *Nec in sepulcris paup. prud. anus Novend. dissip. pulv.* Nec es anus, quæ prudens sis dissipandi, quæ calleas in pauperum sepulcris novendiales pulveres dissipare; cineres nimirum in sepulcris religiose condi et servari, non loco suo moveri et dissipari debebant, quod fiebat, si a sagis auferrentur. — *sepulcris paup.* nam ditiores sepulcris, ne cineres a sagis auferri possent, custodes addere solebant; vid. *Dorvill.* ad Charit. p. 499, edit. Lips. — *Novendiales*, qui ante novem dies, ut postulat disciplina magica, conditi erant; de cinerum in

re magica usu res nota; cf. Satyr. I, 8, 22.

49. *Hospitale*, mite, misericors. — *puræ manus*, scelere gravi haud polluta. Tu non auripis pueros quos lenta fame neces. Vid. *carm. V* *supr.* Ed. — *Tuusque venter Pactumeius*, et filius tuus Pactumeius, quem te, ut sagam, alii matri subripuisse suspicantur homines, genuinus ventris tui factus est, vere e ventre tuo editus est. — *venter pro filio*; pro *Pactumeio* Dacierius post nonnullos legi voluit *partumeius*, quam votem compositam dicit a *partu* et *meiere*, et lepide ab Horatio contra soliti sermonis ordinem usurpata. Verbum autem hoc inusitatum ac compositum, quod ne ullam quidem urbani aut arguti sensus notionem habeat, rejiciendum videtur; dam contra *Pactumeium* nomen apud Romanos frequentissime usurpatum fuisse, quum ex Digest. XXVIII, 6, 92; XL, 7, 21, tum ex plurimis inscriptionibus constat. Ed. — Ceterum suspicionem illam, qua Canidia filium suum Pactumeium alii matri per artem magicam subduxisse credebatur,

CANIDIA.

Quid obseratis auribus fundis preces?

Non saxa nudis surdiora navitis

Neptunus alto tundit hibernus salo.

55

Inultus ut tu riseris Cotyttia

Vulgata, sacrum liberi Cupidinis?

Et Esquilini Pontifex venefici

Impune ut urbem nomine impleris meo?

tangit quoque supr. Epod. V, 3, miser ille puer a Canidia petitus : « Per liberos te, si vocata partibus Lucina veris adfuit. » — *Cruore rubros*, ut in puerperio fieri solet. — *Utcunque fortis exsilis puerper*. quotiescunque puerpera facta es. Sed amare ita sententiam adornavit poeta, ut statim appareat fraudem fecisse, ac puerperium simulasse Canidiam. Femina enim quæ vero puerperio affecta est, non simul *fortis* exsilit, non e lecto surgit. Ed.

53. *Quid obseratis auribus fundis preces?* etc. Quo major Canidiæ, quam sibi respondentem poeta inducit, est ferocia et insolentia, et quo atrociores, quas ista jactat, minæ sunt, eo acerbior, qua ejus artem magicam exagitat, est irrisio. — *obseratis*, clausis, obstructis, supplicis preces non admittentibus, surdis. Ed. — *Non saxa nudis surd. navitis Nept. alto tundit hibern. salo*, saxa, quæ fluctus marini tundunt, non surdiora sunt miserorum naufragorum precibus, h. e. quam surda esse solent saxa naufragis, tam surdæ aures meæ tuis precibus sunt; proverbialis maris ejusque scopulorum surditas. Vid. supr. III,

7, 21 : « Scopulis surdior Icari Voces audit adhuc integer. » — *nudis*, qui vestes amiserunt, aut sponte deposuerunt, quo facilius naufragio emergerent. Ed. — *Neptunus hibernus*, mota per Neptunum tempestas. — *alto salo*, marinis fluctibus.

56. *Inultus ut tu riseris*, etc. Sensus : Egone patiar, ut tu inultus deriseris et evulgaveris veneficia mea, liberæ Veneri sacra, et, quasi penes te, tanquam Pontificem, sacrorum magicorum esset arbitrium et judicium, impune me per ora hominum traduxeris? — *Cotyttia* (quæ proprie fuerunt sacra nocturna, a Thracibus primum, Strab. X, p. 324, in honorem *Cotytus* h. e. liberæ Veneris et Licentis instituta, unde additur *sacrum liberi Cupidinis*) nunc ideo magica sua sacra appellat Canidia, quod per ea libidini suæ, accessito nempe sene illo Varo, satisfacere voluerat. — *Vulgata*, evulgata, postquam ea evulgaveris, carmine illo contumelioso supr. Epod. V. — *liberi*, effrenis. — *Et Esquilini Pont. venef.* et quasi præpositus esses sacris magicis. — *Pontifex* enim sacris publicis et privatis præerat; *veneficium* dicitur

Quid proderit ditasse Pelignas anus, 60
 Velociusve miscuisse toxicum,
 Si tardiora fata te votis manent?
 Ingrata misero vita ducenda est, in hoc,
 Novis ut usque suppetas doloribus.
 Optat quietem Pelopis infidus pater, 65
 Egens benignæ Tantalus semper dapis;

Esquilinum, quia veneficæ e monte Esquilino ossa et cineres mortuorum ad artis magicæ usum petere solebant.

60. *Quid prod. ditasse Pelignas anus... si tard. fata te votis manent?* Vulgaris hæc lectio, quam qui probant, obscuram tamen nec facile expediendam non diffitentur. Fingunt scilicet Horatium, ut se dementia solveret, sibi per Canidiæ incantationes immissa, adiisse et consuluisse alias veneficas (quas Pelignas vocat, quia Peligni, Marsis et Sabellis vicini, ob veneficia infames erant) et velocius, id est, presentius aliquod ab iis toxicum petiisse, quo emori statim et vita simul ac dementia solvi posset. Frustra illum laborasse Canidia respondet. Quid tibi proderit, inquit, anus illas ditasse, h. e. magnis muneribus et magno pretio convenisse, ut velociorem tibi mortem afferrent; si ego efficio, ut tardius votis tuis moriaris? si tibi vitam infelicem præter spem ac vota tua prorogo? multi autem doctissimi interpretes, omnino repudiata illa suppositione, quam ne verbum quidem indicavit in priore parte carminis, scilicet Horatium a veneficiis aliis toxica petiisse, omnem hunc locum expediunt ita leviter emendando: « Quid proderat ditasse

Pelignas anus, velociusque miscuisse toxicum? sed tardiora fata te votis manent; ingrata, etc. Sensus est: quid, queso, si impune facere posses, profuisset mihi artes magicas non sine magna mercede apud anus Pelignas didicisse, aut præsentia venena miscuisse? sed non inultus abibis, immo fata tardiora, quam optas, te manent; nam vita longa et misera trahenda tibi est, etc. Qua lectione admissa et omnis locus illustrari, et facili lucidoque sensu pollere, et rectiori idearum nexu continuari mihi videtur. Lector elegerit. Ed.—*Ingr. misero*, etc. Vitam miser ingratam duces eam ob rem ut usque suppetas, h. e. sufficias novis doloribus, ut duces usque in nova supplicia. Ed.

65. *Optat quietem*, etc. Canidia *fata votis tardiora* in vers. 62, magis explicat: optabis quidem, ait, a cruciatibus tuis et laboribus liberari, sed æque frustra optabis ac Tantalus, Prometheus, et Sisyphus a pœnis infernalibus liberari optant.—*quietem*, pœnarum remissionem.—*infidus*, Tantalus enim arcana, a Jove sibi inter epulas commissa, perfide evulgaverat.—*Egens benignæ semper dapis*, largas quidem sibi appositas dapes videbat Tantalus, sed, quum

Optat Prometheus obligatus aliti;
 Optat supremo collocare Sisypheus
 In monte saxum; sed vetant leges Jovis.

Voles modo altis desilire turribus,
 Modo ense pectus Norico recludere;
 Frustraque vincla gutturi nectes tuo,
 Fastidiosa tristis ægrimonia.

Vectabor humeris tunc ego inimicis eques,
 Meæque terra cedit insolentiæ.

An, quæ movere cereas imagines,

70

75

cas illi non attingere liceret, *inter opes* (ut Hor. sup. III, 16, 28) *inops* erat, h. e. inter medias dapes fame enecabatur. — *benignæ*, affluentis, copiosæ. — *obligatus aliti*, destinatus et devotus vulturi, qui tam in monte Caucasus, quam in Orco (cf. sup. II, 15, 37) Promethei cor exederet. — *Sisypheus*, cf. sup. II, 14, 20. — *leges Jovis*, fata semel a Jove constituta.

70. *Voles modo*, etc. Sensus: Quamvis tu autem vel saltu ex altis turribus, vel gladio in pectus adacto, vel laqueo gutturi adnexo, vitam finire in animum induxeris, tamen a fastidiosa, qua maceraris, ægrimonia haud te liberare poteris, et tunc tibi has pœnas exsolventi insolentius insultabo. — *Norico*, epitheton ornans, ut sup. I, 16, 9. — *Fastidiosa tristis ægrimonia*, animi ægritudine vitæque fastidio oppressus. En. — *tunc*, quando misere laborabis his doloribus. — *ego vectabor eques humeris inim.* inequitabo et insidebo humeris tuis mihi inimicis, tibi in me infestissimo. Qui insolentius hosti insultant,

equitis imagine adumbrari solent; cf. carm. anteced. v. 12, et sic *αδραστήν* apud Græcos, cf. Mitsch. — *Meæque terra cedit insolentiæ*. Alii explicant: mihiq; insolentius in altum exienti, ut tuis humeris insideam, terra oedet, recedet; quam terram relinquenti terra cedat. Multo major autem vis huic v. inesse mihi videtur si cum aliis intelligas: tota terra insolentem potentiam meam agnosceret: sed non probō. En.

76. *An, quæ movere cereas imag.* etc. Sensus: an ego, quæ cereas imagines, ut exemplo quodam tibi ipsi paulo curiosiori probavi, animi motibus afficere, Lunam carminibus de cælo deducere, mortuos in vitam revocare, et philtrum miscere possim, nihil arte mea contra te efficiam? De *cereis imaginibus*, amantis effugiem in sacris magicis representantibus, cf. Theocrit. II, 28; Virgil. Eclog. VIII, 80. — *cereas imagines movere*, iisdem, quibus amans afficitur, motibus implere. — *curiosus*, quum ex hujus rei explorandæ studio adesses mihi ceræas imagines tractanti. —

Ut ipse nosti curiosus, et polo
 Deripere Lunam vocibus possim meis,
 Possim crematos excitare mortuos,
 Desiderique temperare poculum,
 Plorem artis, in te nil agentis, exitum?

80

Deripere Lunam vocibus. Cf. supr. V, 46. — *crematus*, in cinerem redactus; cum vi adjectum. De re Stat. Theb. IV, 8, 7. — *Desiderique temperare poculum*, miscere philtrum quo desiderium excitetur. — *Plorem artis*, etc. Nonnulli legunt: *Plorem artis, in te nil habentis exitum?* *Plorem artis* explicant: artis causa, vel: de arte. Sed quis hoc durum lo-

quendi genus ferat? Lectionem autem admisimus, et plerisque manuscriptis et veteribus codicibus exhibitam, et doctissimorum interp. consensu confirmatam, quæ omnem difficultatem tollit. Eodem redit, quod conjecerat Jacobsius: « *Plorem artis, in te nil valentis, exitum?* » — *artis exitum* pro: ipsa arte, quatenus in ea exitus præcipue et effectus spectatur.

ANALYSIS. Canidia, quam Horatius supra Epod. carm. 5, ut libidinosam anum et veneficam acerbissime tractavit, vario modo iram suam ob illud carmen ita in poetam effudisse videtur, ut eum de integro contra se lacessitum ad hoc alterum carmen scribendum incitaret. Poeta igitur, se ipsum Canidiæ artibus magicis petiitum et sævisseimis cruciatibus ab ea affectum esse fingens, non sine magna irrisione, ut sibi nunc satis perdomito parcat, supplex eam orat et obsecrat. Ad ejus animum autem placandum et mitigandum his utitur rationibus: Achillem quoque et Circen supplicibus precibus locum reliquisse, ait; se nunc satis superque poenarum ei pro sua dedisse petulantia, et, quanta sit ejus in arte venefica potentia, ingente dolore expertum esse; se ad omnes, quasunque jusserit, poenas exsolvendas, immo ad ejus laudes ad cælum usque mendaci lyra extollendas paratum esse; Dioscuros quoque Stesichori palinodia, ut ei lumina redderent, permotos esse. Sed Canidia, quam respondentem inducit, se nullis precibus frangi posse; immo ab Horatio, qui ejus sacra irriserit, et urbem ejus nomine impleverit, crudelissimas poenas expetituram esse minatur et profitetur. — Sed longe aliter de hoc carmine sentit Mitscherlichius. Tantum nempe hujus cum Epod. carmine quinto nexum esse statuit, ut tela, in illo inchoata, hoc demum detexta et absoluta sit. Hinc a v. 1-51, non Horatium, sed Varum loqui ita sibi persuasum habuit, ut, expuncto Horatii nomine, Vari nomen huic carmini præfigendum curaret. Sed huic opinioni plura in hoc carmine obstant. Nam ut nihil de v. 39: « sive men-

daci lyra Voles sonari, » dicam, quomodo ridiculus iste senex, Varus, v. 42-44, se cum Stesichoro comparare, vel Stesichori exemplum in causam suam laudare potuit? Et quomodo, quæ Canidia v. 56 seqq. dicit: « Inultus ut tu riseris Cotyttia *Vulgata*, sacrum liberi Cupidinis? Et Esquilini Pontifex venefici Impune ut *Urbem nomine impleris meo?* » in Varum quadrant? Immo omnis hujus carminis vis et acerbitas ponenda est in ironia sive simulatione; nam dum palinodia, ut Stesichorus Dioecuros, Canidiam se placare velle simulat, eam salissime exagitat; et dum eam laudat, liberius ejus scelera et flagitia notat et traducit. — Ex ipsa argumenti delineatione et exquisitam poetæ artem in traducenda Canidia effusam ipsamque vividam rerum adorationem facile est adsequi; accedit ad has dotes sententiarum facetissima gravitas, orationis delectus et ornatus haud vulgaris, ac doctrina reconditior. Sed quid cogitandum est de nota vere incredibili, quam ex ipso 81 versuum numero *impare* recenter elicit Vir tamen Doctissimus (*C. Vanderbourg*) quem Flacci lyrica feliciter carmine gallico reddentem, puriore textu locupletantem, et lucidis explanantem animadversionibus laudare sæpius juvat? Scilicet confidenter asserit iambos in Canidiam non iisdem odorum proprie dictarum legibus esse subjiciendos, quas semper et ubique numero versuum *pares* incedere voluit Horatius; atque ex eo quod horum iamborum numerus est *impar*, concludit genuinum Horatiani ingenii fetum esse, versum illum 17, Od. 8, lib. IV, « non incendia Carthaginis impie; » neque ut commentitium librarii opus expungendum; neque ullo modo mutandum, quia, si deleteretur, tantummodo 33 pro 34 superessent versus; et hæc ode jam non *pare*, sed *impare* numero gauderet; quod nulli Horatiano carmini contigisse affirmat..... Sic auferi Bentleio et Cuningamio Bentleii hosti infensissimo; sic Dacerio, Sanadoni, et tot aliis Flacci interpretibus sagacissimis convenienter respondiisse arbitratur serio! Ep.

QUINTI
HORATII FLACCI
CARMEN SÆCULARE

PRO
INCOLUMITATE IMPERII.

CHORUS PUERORUM ET VIRGINUM.

CHOR. Phœbe, silvarumque potens Diana,
Lucidum cæli decus, o colendi
Semper et culti, date quæ precamur
Tempore sacro,
Quo Sibyllini monuere versus,
Virgines lectas, puerosque castos,
Dîs, quibus septem placuere colles,
Dicere carmen.

5

1. *Silvarum potens*, supr. III, 22,
1: « montium custos nemorumque, »
ubi cf. not. — *Lucidum cæli decus*,
vos qui splendidissima siderum cælo
fulgetis. — *colendi semper et culti*,
quos semper antea maxima religione
prosecuti sumus et in posterum prosequemur. Ed. — *date, quæ precamur tempore sacro*, etc. Exaudite preces, quas fundimus ludis sæcularibus, ubi secundum versus Sibyllinos puerorum puellarumque chorus deos gentis Romanæ tutelares hymno celebrare de-

bet. — *Sibyllini versus*, versus illi Sibyllini ad ludos sæculares spectantes exstant adhuc, et apud Zosimum II, 6, inveniuntur; emendatiores eos infra p. 359, exhibuimus. — *Virgines lect.* debebant enim tam virgines quam pueri esse patrimi et matrimi, h. e. quorum patres et matres adhuc superstites essent; eorum autem numerus, qui quoque in versibus Sibyllinis præscribitur, fuit ter novenus, ita, ut XXVII pueri et totidem puellæ essent. — *septem colles*, Roma.

PUER. Alme Sol, curru nitido diem qui
 Promis et celas, aliusque et idem
 Nasceris; possis nihil urbe Roma
 Visere majus.

10

VIRG. Rite maturos aperire partus
 Lenis Ilithyia, tuere matres :
 Sive tu Lucina probas vocari,
 Seu Genitalis ;
 Diva, producas subolem, Patrumque
 Prosperes decreta super jugandis

15

9. Duae priores strophæ ab utroque puellarum puerorumque choro, hæc autem a solis pueris recitatur. Ed.— *Promis et celas*, profers diem, quum oriris; condis autem, quum occidis.— *aliusque et idem nasceris*, unus quidem et semper idem, sed nitore quotidie reparato novus, et quasi, post obitum vespertinum, matutino splendore redivivus: vel *alius*, quia constanti reditu varios dies signat, quibus constant menses et anni. Racinus, Poem. Religion. cant. I: « *Astre toujours le même, astre toujours nouveau.* » Ed.— *possis nihil urbe Roma Visere majus*, utinam fiat, ut in nullam urbem, Roma amplior, e caelo despicias, h. e. fac, ut nulla urbs in toto terrarum orbe Roma sit potentior. Similis locus est apud Virg. *Æn.* VII, 218.

13. Jam nunc ad Dianam puellæ.— *Rite maturos*, chorus Dianam, ut deam obstetricis munere apud puerperas fungentem, et quidem primum græco nomine, *Ilithyia*, deinde latino: *Lucina*, seu *Genitalis*, appellat, et,

ut ejus cura gens Romana legitimis connubiis propagetur, obsecrat.— *Lenis aperire maturos partus*, græce, pro: lenis in aperiendis h. e. proferendis maturis partibus, tu, quæ dextra et benigna ades parturientibus s. *utero* (ut supr. III, 22, 2, de Diana dicitur) *laborantibus*; *aperi* Diana *partus*, dum partum edentibus obstetricia sua opera succurrit.— *Rite*, more tuo.— *Sive probas*, sive mavis.— *Lucina*; Catull. XXXIV, 13: « Tu Lucina dolentibus Juno dicta puerperis; » cf. not. supr. ad III, 22, 2.— *Genitalis*, eadem, quæ *Lucina*, Græco nempe nomini *Ilithyia* opponitur latinum: *Lucina* s. *Genitalis*; nove autem jam *Genitalis*, quæ gignentes s. puerperas ope sua levat, et genituræ favet propitia.

17. *Producas subolem*, magis designat et explicat Lucinæ, *subolem producentis*, h. e. in lucem protrahentis, munus.— *Patr. prosp. decr. super jug.* respicitur lex Julia de *maritandis ordinibus*, ab Augusto lata; qua lege decernebantur iis præ-

Feminis, prolisque novæ feraci

Lege marita.

20

CHOR. Certus undenos decies per annos
Orbis ut cantus referatque ludos,
Ter die claro, totiesque grata

Nocte frequentes.

Vosque, veraces cecinisse, Parcæ,

25

Quod semel dictum est stabilisque rerum

Terminus servat, bona jam peractis

Jungite fata.

mia, qui a legitimis uxoribus liberos susciperent; pœnæ in adulteros statuiebantur, etc. ita ut matrimonii honori et sanctitati consuleretur. Ed.—*Prosperes*, fortunes, felici eventu condones.—*prol. novæ feraci Lege marita. Lex marita*, h. e. lex de *maritandis ordinibus*, lata an. DCCLVII, eleganter dicitur *ferax novæ prolis*, quia hac lege novæ proli per legitima connubia procreandæ, et sic genti Romanæ casta matrum fecunditate augendæ propagandæque prudenter prospiciebatur.

21. *Certus undenos decies*, etc. Sensus: ut post centum et decem annos redeant ludi sæculares, per tres dies et noctes magna hominum frequentia celebrandi.—*Certus orbis*, de tempore, quod intra certum vel dierum, vel mensium, vel annorum spatium et numerum circumvolvitur; Virgil. *Æn. V*, 46: «*Annus exactis completur mensibus orbis*;» jam de exacto et circumvoluto, quod in libris Sibyllinis præstitutum fuit, tempore.—*undenos decies per annos*, hic ipse CX annorum numerus in versibus Si-

byllinis præscribitur.—*cantus refer. ludos*, ludis sæcularibus de integro institutis hymnum in Apollinem et Dianam puerorum puellarumque chorum decantare jubeat.—*Ter die claro totiesque*, etc. Tres enim dies et totidem noctes pariter ex libris Sibyllinis ludorum sæcularium celebrationi dicari debebant.

25. Hic rursus canere videtur uterque chorus.—*Vosque, veraces cecin. Parcæ*, etc. Sensus: et vos, o Parcæ, quæ veraci ore prædicitis id, quod semel constitutum est, et certus rerum eventus confirmat (h. e. immutabile est), agite, læta peractis succedere jubete tempora. Parcæ autem sacra per ludos sæculares fieri jubebant versus Sibyllini.—*veraces cecinisse*, græce, quæ deæ estis veraces in canendo h. e. prædicendo.—*Quod semel dictum est*, quod semel constitutum est; sic omnis, puto, qua in hoc loco expediendo se impediverunt interpretes, remota est difficultas; scilicet *dictum* jam non est: ore pronuntiatum a Parcæ, sed: constitutum, præfinitum, præstitutum sc. a fato.

Fertilis frugum pecorisque Tellus

Spicea donet Cererem corona :

30

Nutrient fetus et aquæ salubres,

Et Jovis auræ.

PUER. Condito mitis placidusque telo

Supplices audi pueros, Apollo.

VIRG. Siderum regina bicornis, audi,

35

Luna, puellas.

CHOR. Roma si vestrum est opus, Iliæque

Litus Etruscum tenere turmæ,

29. *Fertilis frugum*, etc. Telluri quoque secundum versus Sibyllinos divinus in celebrandis ludis sæcularibus honor præstari debebat; hinc chorus *Tellurem* ut deam appellat, cujus benignitate homines pecudesque alantur; inest autem his precibus fere hoc: gaudeant Romani tam secunda agrorum fertilitate, quam pecudis proventu largissimo.—*Spicea donet Cererem corona*, notissimus in hanc sententiam est locus Tibulli I, 1, 15: « Flava Ceres, tibi sit nostro de rure corona Spicea, quæ templi pendeat ante fores. »—*fetus*, agrorum fruges. Cic. Orat. II, 30: « quo meliores ager fetus possit et grandiores edere. »—*aquæ*, imbres, nam, ut ait Lucretius: « Sine certis imbribus anni lætificos fetus nequeat submittere tellus. » Imbres scilicet herbas, quo vescuntur pecudes, vim et incrementa sufficiunt. Ed.—*salubres*, tam ad *aquæ*, quam ad *auræ* referri potest.

33. *Condito mitis placid. telo*, sagittis conditis sive arcu remisso in-

cedit Apollo mitis et placidus, sagittis autem promptis, sive arcu adducto et tento, minax et iratus; cf. supr. ad II, 10, 20. — *audi pueros... audi puellas*, hujus strophes priores duos versus a puerorum, posteriores autem duos a puellarum choro cantatos fuisse vix dubitari potest. Ed. — *bicornis*, sic enim apparet Luna in primis novilunii diebus, et sic in ipsis iis vett. nummis, qui in memoriam horum ludorum sæcularium excusi sunt, conspicitur.—*Roma si vestr. est opus*, si auctoritate vestra vestrisque auspiciis Roma est condita: oracula ab Apolline accepta, quibus Trojani Italiam, qua considerent, querere juberentur, a poeta respici per se patet, idque seqq. disertius adstruunt. Cf. Virg. Æn. III, 94 sqq. VI, 59; maxime IV, 345: « sed nunc Italiam magnam Grinæus Apollo, Italiam Lyciæ jussere capessere sortes. » Ed. — *Litus Etruscum tenere*, Italiam, ut novam sedem ibi tenerent, adierunt.—*Jussa pars*, per appositionem; pars

Jussa pars mutare Lares et urbem

Sospite cursu ;

40

Cui per ardentem sine fraude Trojam

Castus Æneas patriæ superstes

Liberum munivit iter, daturus

Plura relictis :

Dî, probos mores docili juventæ,

45

Dî, senectuti placidæ quietem,

Romulæ genti date remque, prolemque,

Et decus omne.

Quique vos bubus veneratur albis,

Clarus Anchisæ Venerisque sanguis,

50

Imperet, bellante prior, jacentem

Lenis in hostem.

nempe illa Trojanorum, qui Apollinis oraculo jussi sunt *mutare Lares et urbem*, h. e. e patria fugere et novam sedem querere. — *Sospite cursu*, felici navigatione. — *Cui Æneas liber. iter mun.* cui parti dux fuit Æneas. — *per ardentem Troj.* per ardentis Trojæ flammam ; hinc Æneas apud Virg. *Æn.* II, 633 : « flammam inter et hostes Expedior, dant tela locum flammæque recedunt. » — *sine fraude*, h. e. sine noxa, ut supr. II, 19, 20 ; quod *iter liberum* magis explicat : male ad falsam Æneæ prodicionem referas. Ed. — *Castus*, pius. — *Plura relictis*, ampliora, quam quæ relictæ essent, h. e. regnum relicto majus et potentius.

48. *Dî*, Apollo et Diana. Jam ab Apolline et Diana poeta precatur omnia quæ cunctis felicitatem conferent. — *probos mores*, nihil enim juventuti optabilius quam probi mores quibus

innititur salus ac splendor civitatis ; atque hic etiam non sine delectu dictum, quum eo tempore Augustus Romanos ad pristinam morum sanctitatem reducere conaretur. Ed. — *remque*, opulentiam. — *decus omne*, quidquid gloriam ac majestatem imperii promovere possit. Ed. — *Quique vos bubus veneratur albis*, etc. Et Augustus, qui albis bubus mactatis, nunc splendidum in vestrum honorem instituit sacrificium, summum porro teneat imperium, et hostium victor victis se mitem et lenem præbeat. — Hæc sententia multo magis favet gloriæ Augusti, quam si cum Cruquio et Bentleio legeris : *Quæque vos bubus veneratur* (pro : rogat) *albis... impetret.* — *bubus albis*, tale enim sacrificium exigebant versus Sibyllini. — *Anchisæ Venerisque sanguis*, hinc Augustus supr. IV, 8, 1 : « divis ortus » dicitur, ubi vid. not. — *bell.*

Jam mari terraque manus potentes
Medus Albanasque timet secures.

Jam Scythæ responsa petunt, superbi

55

Nuper, et Indi.

Jam Fides, et Pax, et Honor, Pudorque

Priscus, et neglecta redire Virtus

Audet: apparetque beata pleno

Copia cornu.

60

PUER. Augur, et fulgente decorus arcu,

prior, fortior bellante hoste. — jac. lenis in hostem, ad præceptum Anchisæ, apud Virgil. *Æn.* VI, 382: « Tu regere imperio populos, Romane, memento, Hæ tibi erunt artes, pacisque imponere morem, Parcere subjectis et debellare superbos. »

53. *Jam mari terraque, etc.* Vulgarem sententiam: « Jam hostibus terra marique victis aureæ ætatis Romanam redit felicitas, » egregie amplificavit. — De Augusto pariter Noster *Serm.* II, 5, 62: « juvenis Parthis horrendus, ab alto Demissum genus Ænea, tellure marique Magnus erit. » Ed. — *Medus*, h. e. Parthus, qui ab Augusto bellum metuens, ipsi militaria signa, de Crasso capta, remisit. Cf. *supr.* III, 5, et ibi *Analys.* Ed. — *manus potentes*, populi Romani potentiam, vel Augusti victrices manus. Ed. — *Albanas secures*, Romanos fasces, h. e. Romanum imperium; *Albanus* pro: Romanus; quia *Alba Longa*, unde Romam deducta est colonia, Romanorum quasi mater fuit. — *Jam Scythæ*; intellige Gelonos, gentem Sarmaticam, qui, quum in Romanorum fines trans Istrum incur-

sionem fecissent, misso Lentulo, trans flumen repulsi sunt. Vid. *Flor.* IV. Ed. — *Indi*; cf. *supr.* I, 12, 56. — *responsa pet.* conditionem pacis exposcunt, et imperata accipiunt. De Indorum Scytharumque legatione *Suet.* Aug. C. XXI: « quo virtutis moderationisque fama Indos etiam et Scythas, auditu modo cognitos, pellexit ad amicitiam suam populique Romani ultro per legatos petendam. Ed. — *superbi nuper*, nuper feroces, incursionibus in fines populi Romani factis. Ed. — *Jam Fides, etc.* *Cælicolæ* enim, qui aurea ætate, ut Catullus canit, LXIV, 385: « præsentibus domos castas invisere et sæpius mortali cœtui se ostendere » soliti fuerint, ferrea ætate terram reliquisse finguntur; cf. *Hesiod. Æp.* 197 seqq. — *neglecta redire virtus audet*, nec jam dubitat virtus redire ad eos qui diu illam neglexerunt. Ed. — *beata pleno cornu*; cf. *supr.* ad I, 17, 16.

61. Hic solus canit puerorum chorus. — *Augur, et fulgente decorus arcu, etc.* Quodsi igitur Apollo genti Romanæ propitius est, sospitet eam et ad felicissima tempora propaget. —

Phœbus, acceptusque novem Camenis,
Qui salutare levat arte fessos

Corporis artus,

Si Palatinas videt æquus arces, 65

Remque Romanam Latiumque felix

Alterum in lustrum meliusque semper

Proroget ævum.

VIRG. Quæque Aventinum tenet Algidumque,

Quindecim Diana preces virorum 70

Curet, et votis puerorum amicas

Adplicet aures.

CHOR. Hæc Jovem sentire, Deosque cunctos,

Augur, Apollinis laudes et virtutes, ut in hymnis fieri solet, cumulantur; laudatur igitur ille primum ut vates, μάντις, deinde ut arcitenens, χροτότοξος, ἀρχυρότοξος, tum ut Musarum præses, μουσαγέτης, denique ut deus salutaris sive artis medendi peritus, ἱατρός; eandem Apollinis laudes recenset Pindarus Pyth. V, 80 seqq. jam a Mitsch. in Analect. p. 714, laudatus.—*Si Palatinas videt æquus arces*, etc. Equidem hunc locum nunc ita explicandum puto: Si mitis ille preces, quæ nunc in monte Palatino funduntur, audit, rem Romanam et Latium felix, h. e. reipublicæ Romanæ et Latii felicitatem in lustrum alterum et in ævum semper ruelius propaget et extendat. — *Palatinas arces*, innuit templum, Apollini ab Augusto in monte Palatino splendidiissime exstructum, vid. Dio LIII, 1, ubi hoc ipsum carmen sæculare decantatum est. — *Remque Romanam*

Latiumque; ad illum versum Ennii: « Qui rem Romanam Latiumque augescere vultis. » — *prorogare* jam est: propagare, proferre, extendere, servare; sic *vitam hominibus prorogare* dixit Plaut. Pseudol. III, 2, 35.

69. Cantum repetit puellarum chorus.—*Quæque Avent.* etc. Et Diana, quæ in monte Aventino Algidoque colitur, si propitia est genti Romanæ, quindecimvirosum preces respiciat, etc. — *Aventin.* de Dianæ templo in Aventino vid. *Donat. Rom.* III, 13. — *Algidumque*, in hoc monte enim prope Romam ad viam Appiam versari inprimis solebat Diana, cf. I, 24, 6, unde, sacra ei ibi facta esse, sponte intelligitur. — *quindecimvir. prec.* quindecimviris enim, qui libris Sibyllinis præerant, singularis sacrorum sæcularium demandata fuit cura et administratio.

73. Jam decantato carmine, uterque chorus canit epilogum, et spem

Spem bonam certamque domum reporto,
 Doctus et Phœbi chorus et Dianæ
 Dicere laudes.

75

bonam certamque, se non solum ab Apolline et Diana, sed etiam a Jove cunctisque diis exauditum esse, cum concione communicat; quod quidem in audientium animis sensus excitare debebat letissimos. — sentire, audire, et, ut rata esse jubeat, permoveri. — *Spem bonam cert. domum reporto...*

chorus doctus dicere, etc. chorus, ut sæpe apud Tragicos in singulari loquitur, pro: nos pueri puellæque, qui carmen in Apollinis et Dianæ laudem dicere edocti sumus, nempe a χορὸν διδασκάλῃ Horatio. Chorus scilicet, qui alternatim antea cecinerat, conjunctim cecinit epilogum.

Analysis e Mitscherlichio deprompta.

DE CARMINE SÆCULARI. Quum libri Sibyllini præter cæteras dierum sæcularium sollennitates Hymnum in Apollinem et Dianam, ad quos ii potissimum spectarent, a choro puerorum ac virginum canendum præciperent, Horatio honorificentissimum hoc munus ab Augusto, qui a. U. DCCXXXVII apparatus eas adornandi cepisset consilium, demandatum fuisse, diserte in vita Nostri tradit(1) Suetonius: hocque carmen, quod bona fortuna nobis servavit, ipsum illud insigne Romanæ pietatis monumentum esse, tum res ipsa proidenti abunde fidem facit; tum locupleti Censorini (de die nat. c. XVII), particulam ex eo, tanquam sæculari carmine, laudantis, testimonio comprobatur. Cujus insignis præstantia etsi multa alia (2) ejusdem generis, quæ nobis fatum invidit, minus desiderari patiat; ipsorum tamen jactura præter comparationis, qua carendum nobis est, jucunditatem vel ideo gravis ac molesta nobis accidit, quod aliquantum inde lucis in Nostrum transfundere, rectius saltem de tractionis inventionisque laude judicium ferre liquisset. Bene tamen actum, quod ii ipsi librorum Sibyllinorum versus, qui instituendorum Sæcularium dierum normam præscribunt, evulgati ad nos transmissi sunt, quorum adeundorum solis Quindecimviris apud Romanos potestas esset. Ad hos quum se totum in scribendo carmine Sæculari componere deberet, et vere, ut res docet, composuerit Horatius; maximo sane nos ad penitus intelligendam ejus in-

1. In Vita Horatii § 10: « Scripta ejus Augustus usque adeo probavit, mansuraque perpetuo opinatus est, ut non modo sæculare carmen componendum injunxit, sed et Vindelicam victoriam, etc. »

2. Utinam saltem Livii poetæ carmen in Junonem reginam, et ipsum a ter novenis virginibus sollenni pompa decantatum, historicis suis intexere haud gravatus fuisset Livius (XXVII, 37)! sed omisit illud, illa

dolem beatos esse adjumento, in promptu est perspicere. Quum igitur ii pro fundamento interpretationis haberi debeant, in gratiam lectorum integros eos subjungam, ubi pauca quædam generaliora, quæ quidem pro fundo omnis disputationis hac de re habenda esse putem, ne plane ἀσυμβόλως discessimæ arguar, præmisero: nam singula momenta persequi neque otii mei est, neque vero hujus loci esse arbitror, tum ab aliis (3) id jam copiose factum est.

Omnino si, quæ de sacrorum secularium primordiis (4) traduntur, caratias expendas, ab iisdem ea, unde omnis fere processit religio ac Deorum cultus, profecta esse causis, haud temere colligas ex iis, quæ, utcumque diversa, ultima Romana de iis prodit antiquitas. Sacra enim ista initio fuisse ἀτυχευτά (5), h. averruncandæ Deorum iræ vel prodigiis nuntiatae vel immissis calamitatibus explicite instituta, tum narrationis cujusque ostendit ingenium, tum e Deorum, quibus ista fierent, attributa natura ac indole multo manifestius apparet. Quum enim omnes Ditem Patrem ac Proserpinam, penes quos mortis esset arbitrium, iis propitiatos ferant, haud obcura ratio est, cur horum potissimum pacem sollennibus ritibus antiquitus exoratae voluerit populus Romanus, in gravioris cladis periculo constitutus, vel peste vel quacumque hac mortifera attritus. Mox, quum superstitiosa hac procuracione periculum vel luis diritas levata videretur, mirandum non est, ad eandem iterum prioris mali metu contactos confugisse animos, repetitosque fuisse istos ritus, quotiescumque vel ejusdem vel similis mali timor ingrueret. Nec raro accidisse credibile est, ut sacra ista plus semel anno, urgente necessitate, instaurarentur, interdum per longius tempus intermitterentur, donec tandem imminuentis alicujus mali magnitudo animos hominum acueret, majoremque Deorum curam injiceret, adeo quidem ut ista certis temporis intervallis repetenda voverentur. Atque ita tandem factum esse suspicor, ut sacra ista, ad certas hominum γυνεῖς adstricta ac revocata, secularium inde nomine insignirentur. Hæc si animo tenens, judicatu haud difficile est, cur in temporum, quibus priora sacra sæcularia peracta fuerint, constituendis rationibus scri-

tempestate fortitan laudabile rudibus ingeniis, ideo, quod nunc abhorrens et inconditum esset, si referretur.

3. Qui plenius rem cognoscere volent, adeant, præter Zosim. II, 5, et Phleg. Trall. c. IV; Politian. Cent. I, c. 58; Alex. ab Alexandro Gen. D. V. 26, VI, 19; Onuphr. Panvin. de Ludis sæcul. (in Grævii Thes. Ant. IX, p. 1067); Pet. Tassin. de veterum Romanorum anno et ludis sæcul. (Thes. Ant. VIII, 474); Jo. Alph. Turretin. de ludis sæcul. Gen. 1701; Chr. Fr. Ayrmann de ludis Rom. sæcul. Vitemb. 1717, et Jo. M. Gesner. de an-

nis ludisque sæc. Vinar. 1717. — E numis eam illustrarunt Spanhem. de Pr. Num. II, p. 123 sqq. Turretin. l. I. III, et IV; Flor. de Bruin de Kuwspelen der oude Romeinen. Rainssant super XII, num. lud. sæcularium, Brix. 1687; Gesner. de opinatis sæcularium lud. notæ in numis Rom. gentium. 1745 et alii.

4. Cf. Zosim. II, init. Valer. Max. II, 4, 6; Varro apud Censoria. l. I. et Fest. Pompei. apud Fulv. Ursin. p.

5. Diserte Zosim. l. I. συντάξει δὲ (ἡ διοργάνη) πρὸς λοιμῶν, καὶ φθορῶν, καὶ νόσων αἰτίαις.

ptores adeo inter se dissideant, et quam vana omnis sit VV. DD. de iis conciliandis instituta disceptatio (6), in tantis maxime tenebris, quibus priora reip. Romanæ secula involuta sunt.

Jam, quæ a tenuibus admodum initiis profecta essent sacra, aliam paulatim, eandemque auctis inprimis Romanorum epibus, luxuque gliscente lætiorē accipere faciem, accommodatis ad genium sæculi priacis ritibus, acutisque novis veluti solennis pompæ ad aras Deorum ducendæ, carminis a choro virginum et puerorum ibidem decantandi, edendorum ludorum scenicarum, etc. hocque ideo fieri necesse erat, quod, posteaquam statis temporum intervallis celebrari cōspissent, preces non tantum pro avertendis malis, sed etiam pro largiendis, quæ rei Romanæ salutaria essent, bonis et commodis fundebantur, istaque adeo sacra ad omnes, quos rerum suarum custodes Romani venerarentur, Deos *πατρώους* ac *παλιόχους* transferebantur. Hactenus tamen eorundem originis habita fuit ratio, quod illorum Deorum præcipua in iis manebat religio ac cura, qui malorum physicorum, maxime pestilentie agrorumque sterilitatis *ἀνερπόμενοι* itemque ubertatis ac sanitatis auctores et conservatores haberentur. Quorum causas quum a sole ac luna paulo subtilior rerum physicarum cognitio arcessendas esse deceret, imminuto antiquo Ditis ac Proserpinæ honore, Apollini et Dianæ primas in iis dare partes admodum consentaneum erat.

Uti autem omnes antiquiores populi in constituendis ritibus ac cærimoniis, ad placandos Deos institutis, vatū, qui commercia cum Diis jactarent, monitus sequebantur, ita nec Romanis defuere oracula, quæ prodigiis terrii aut graviore calamitate afflicti, consularent, et quorum præcepta sanctissime observarent, a fatidicis mulieribus, Sibyllarum nomine insignitis, ut antiqua fama ferebat, accepta; paulatimque, quum rudiorem ferocioremque populū anperitionis frenis atque habenis alligatum facillime regi ac flecti posse intelligerent (7), in quamdam disciplinæ formam redacta sancteque custodita. Quæ oracula quum agendorum ludorum sæcularium normam, ab Augusto, qui hos pro rei Romanæ in summum a se fastigium erectæ dignitate ac majestate celebrandos statuisset, haud dubie reflectam, diserte exponant, eandemque prima carminis nostri Sæcularis stamina contineant, quo rectius de poetæ arte in detexendo eo fiat judicium, utque rerum, quæ in eo vel leviter stricta, vel uberius exposita sunt, illustratio inde peti possit, emendatiora hic subjicere placuit:

6. Præter auctores superius laudatos in temporum rationibus excutiendis desudaverunt Scalig. de Emend. Temp. L. II, p. 246 sqq. Petavius de D. T. II, 75; Voss. ad Catull. c. XXXIV, p. 81, et P. Th. Vinc. Moniglia, qui diss. suæ de

utrinusque Philippi Augusti religione (Rom. 1741) tabulam chronol. ludorum sæcularium adjecit.

7. Inspiciundis libris Sibyllinis primum *Duumviri* dati, tum *Decemviri* instituti a U. CCCLXXXVII, postea XV viris, penes

ἄλλ' ἐπὶ τὸν μῦθος ἐπὶ χρόνος ἀνθρώποισι
 Ζωῆς, εἰς ἑτέρον ἑκατὸν δέκα κύκλον ὀδύων (8),
 Μῆμνησ', ὦ Ῥωμαῖς, καὶ οὐ μάλ' αὐτοῖς (9)
 Μῆμνησθαι τὰδε πάντα· Θεοῖσι μὲν ἀθανάτοισι
 Ῥεῖν ἐν πεδίῳ παρὰ Θύμβριδος ἀπλετον ὕδωρ,
 Ὀππῃ (10) στεννότατον, νύξ ἤνικα γαῖαν ἐπέληρ,
 Ἡλίου κρύψαντος ἰδὼν φάος· ἔνθα σὲ ῥέξιν
 ἱερὰ παντογόνους Μοίραις (11) ἄρνας τε καὶ αἶγας
 Κυανίας (12), ἐπὶ ταῖς δ' Ἐλιδυῖας ἀρέσασθαι
 Παιδοτόκους θυέσσιν, ὅππῃ θέμις. Αὖθι δὲ Γαῖαν

quos omnino sacrorum faciundorum cura erat, custodia eorum tradita; res nota. Vid. Tirsq. ad Alex. ab Alex. III, 46.

8. ἑκατὸν δέκα κύκλον ὀδύων. Tassn. substituit ἑκατοστόν κ. δ. Gallens autem Diss. de Orac. Sibyll. I, 6, corr. ἑκατοντάδα. Ita quoque legendum conj. Salmas. Exercit. Plin. t. I, p. 54, proferturque e Phlegonte Oraculum, in quo Sibyllam mortuam ἐν δεκάτῃ γενεᾷ dicitur, cui subjicit Phlegon, διὰ τοῦτο τοῦ χρησμοῦ ἀποδείκνυται δέκα γενεᾷς αὐτὴν κατ' ἀνθρώπους γεγονέναι. Si igitur γενεὰ est CX annorum, MC annos vixisset Sibylla. Sed Phlegon sibi constabit, si Sibyllam initio γενεᾷς X mortuam dices. In nostro autem oraculo ἑκατὸν δέκα recte habere, et Horatii et Censorini XVII, 14, inde ducti numeri ostendant, a Quindecimviris ita forte refecti, Augusti jussu.

9. Μῆμνησ' ὦ Ῥωμαῖς, καὶ οὐ μάλ' αὐτοῖς. Mira in hoc versu diversitas. Politiani antiquissimus et optimus notus liber: καὶ εἰ μάλ' αὐτοῖς αὐτοῦ. Vulg. καὶ οὐ μάλ' αὐτοῖς αὐτοῖς, pro quo Steph. conj. ἑαυτὸν. Phleg. c. IV, habet ἑαυτοῦ. Nos prius μῆμνησθαι, quod omnes libros obsidet, in μῆμνησ' ὦ mutavimus, et αὐτοῖς rescriptimus, ut aliquam orationi conciliarem concinnitatem. Cæterum eadem περὶ ττολογία Catull. LXIV, 231, 2: Tum vero facito, ut memori tibi condita corde hæc vigeant mandata, neque ulla oblieter etas.

10. Ὀππῃ στεννότατον. Ubi angustissimi sunt, ubi non leniter decurrunt fluvii, sed omnium rapidissime feruntur. Quam igitur Valer. Max. II, 4, 6, et Zosim. II init.

Terentium ita designent, ut lenissimum ibi aquarum decursum esse dicant, malui τὴν στεννότητα ad tenuitatem, ut ita dicam, et paucitatem aquarum, quam ad riparum angustias referre. Turretinus (de Indis æec. p. 30) probat, ῥοπῇ στεννότατον, vertique, «nox brevior tenebris terras ubi texerit atris, » indeque efficere vult, circa æstivum solstitium actos esse ludos. Sed neque τῇ ῥοπῇ quis hic sit locus intelligo, neque qui versus in capite tempore uno deficiens fulciri queat. Idem de ῥιπῇ aliorum sentio. Hæc Gesa. Sane ὅππῃ feliciter conj. Steph. pro eo quod vulgabatur: ῥοπῇ, obvia corruptelæ causa, ultima scilicet τοῦ ὕδωρ ad seq. vocabulum traducta. Steph. conjecturam plane firmant Phleg. Trall. libri. Ex ῥοπῇ, Leunclav. exclusit ῥιπῇ στεννοτάτῃ. Sed de στεννότατον adhuc laboro. Quid? si legatur, ἔππῃ λειότατον, ubi plana adeoque placida aqua defluit.

11. Παντογόνους Μοίραις. Vitiose vulg. et Phleg. Trall. παντογόνους, quod a nupero Zosimi editore servatum mireris. Παντόγονοι dictæ Parcæ, tanquam Lucinæ πάροδοι; res nota. Vid. Spanhem. ad Callim. H. Dian. 22.

12. Κυανίας. Phleg. Tr. ita cum seqq. jungit; Κυανίας δ' ἐπὶ ταῖς δ' E. Sed nemo facile Ilithyias, Junonis filias (Hom. Iliad. λ, 270; Etym. M. Ἐλιδυῖαι, θεαὶ τῶν τιτυσῶν ἑφοροι, Διὸς καὶ Ἡρας θυγατέρες) κυανίας dixerit. Contra capras nigras Parcæ, Deabus inferis, immolari juberi quis miretur? Mox v. 10: παιδοτόκους, ridicula aberratione P... ἐπὶ θέμις, rite.

Πληθομένη χοῖρος τε καὶ ὧς (13) ἱεροῖτο μάλαινα.
 Ζάλευκοι ταῦροι δὲ Διὸς παρὰ βοῶν ἀγέσθων,
 ἥματι, μηδὲ τε νυκτὶ (14). Θεοῖσι γὰρ οὐρανόισι
 ἡμέριος πλεται θυέων τρόπος. ὧς δὲ καὶ αὐτοῖς (15)
 ἱρεύει· δαμάλης δὲ βοὸς δέμας ἀγλαὴν ἥρης
 δεξιάσθω νῆς παρὰ σὺ. Καὶ Φεῖδος Ἀπόλλων,
 ὧς τε καὶ ἥλιος κυλήσεται, ἴσα δεδέχθω
 θύματα (16) Ἀπτοῖδας· καὶ ἀειδόμενοι τε Δατῖνοι
 Παιῶνας κούροις (17) κούρῳι τε νῆν ἔχουσιν,
 Ἀθανάτων· χωρὶς δὲ κόραι χορὸν αὐταὶ ἔχουσιν,
 καὶ χωρὶς παίδων ἄρσιν στάχυν, ἀλλὰ γονήων
 πάντων ζώντων, τοῖς ἀμφιβαλὲς ἐτι φύτλη.
 Αἱ δὲ γάμου ζεύγλαισι δεδμημένοι ἥματι κείνῳ
 Γυνὴ ἥρης παρὰ βοῶν ἀοιδίμῳ ἐδριώσασιν
 Δαίμονα λισσέσθωσαν, ἅπασιν δὲ λύματα δοῦναι (18)
 Ἀνδράσιν ἠδὲ γυναιξί, μάλιστα δὲ θηλυτέρῃσι.
 Πάντες δ' ἐξ οἴκῳ φερίσθων, ὅσσα κομίζων

13. Πληθομένη χοῖρος τε καὶ ὧς. Mira lectionis depravatio in Phleg. Tr. libris: Πληθομένη χωροῖς δις ἱεροῖτο μάλαινα, quæ saltem, ut versus stet, ita refingenda sunt; Πληθομένη (sen potius πληθομένη) χωροῖσιν δις ἱεροῖτο μάλαινα. Terra adeo πληθ. χωροῖς esset εὐρύχορος, ἀπείρων, neque δις μάλαινα ab ejus sacris aliena putanda. Hom. Iliad. γ, 103: Οἷσσι δ' ἄρ' ἔτερον λευκὸν, ἐτέρῃν δὲ μάλαιναν, ἢ γ' τε καὶ ἥλιόν. Præstare tamen arbitror, quod vulgatur, Γαίῃ πληθομένην, h. omnium rerum copiam gignentem ac suppeditantem, persona cum re significata permixta.

14. Ζάλευκοι.... μηδὲ τε νυκτὶ. Πάνλευκοι Phleg. Tr. Idem μηδὲ τε νυκτὶ. Reliqui: μηδ' ἐπὶ νυκτὶ.

15. ὧς δὲ καὶ αὐτοῖς, etc. Ita utique interpungendus hic locus. Sensus est: Sane ita sacra curare consentaneum est (omisso χρῆ, θῆμιν ἵστι) *Bovem autem junoniam* (δαμάλης βοὸς δέμας pro, δαμάλη βοῦς, ut corpora magna boum Virg. Ge. III, 369; Æn. XI, 197) accipiat Junonis ades, Junoni immoletur. Pessime ubique editur atque interpungitur: ὧς δὲ καὶ αὐτῶς ἱρεύει δαμάλεις τε. Βοὸς δέμας, etc.

16. ἴσα δεδέχθω θύματα. Αἷσια

δέχθω Phleg. Tr. minus commode, ac re fragante Nostri v. 49. *Quisque vos bubas veneratur albis.*

17. Καὶ ἀειδόμενοι τε Α. Παιῶνες x. Ita correxī duce Phleg. Tr. et Politiani libro. Vulgo καὶ omittunt, metri perniciē, et Παιῶνας. Sensus: *Pæanes Latini a pueris puellisque cantati templum compleant; iis templum resonet; notio τοῦ ἔχειν et ἔχεισθαι usa.* Cæterum quum ἔχουσιν statim recurrat, Heyn. in Zosim. Reitem. p. 663, secundo loco corr. ἄγοιεν, solenni hac de re verbo. Sed in hoc carmine talia forte non ad vivum resacanda. Mox v. 21, poeticam vocem στάχυν a Gesa. in στήχες mutata non nolle.

18. ἅπασιν δὲ λύματα δοῦναι. Ita omnes libri, quos deseruit Syll. substituendo. *θελήματα, quæ quisque precatur, indocta ac parum græce.* De his piæminibus ipse Zosim. II, 5, 2: πρὸ ἡμερῶν δλίγων τοῦ τὴν θεωρίαν ἀχθῆναι, ἐν τῷ Καπετωλίῳ καὶ ἐν τῷ νῶ τοῦ κατὰ τὸ Παλάτιον, οἱ δεκαπέντε ἄνδρες ἐπὶ βήματος καθήμενοι τῷ δήμῳ διανέμουςι τὰ καθάρσια. Ταῦτα δὲ ἵστι δᾶδες καὶ θεῖον, καὶ ἀσφαλτον. Antiquissimum haud dubie hoc institutum fuit luis arcendæ corrigendæque causa.

ἔστι θάμης θνητοῖσιν, ἀπαρχομένους βίοτοιο (19),
 Δαίμοσι μελεχίοισιν Διδόματα, καὶ μελέρυσον
 Οὐρανίδαι· τὰ δὲ πάντα τῶσ' αὐρισμένα καίθεα (20)
 ὄφρα ταλῇ θυμῶν (21), καὶ ἀνδράσιν ἰδρώσιν
 ἔνθεν πορσύνῃς μεμνημένος. Ἡμασι δ' ἔστω
 Νυξί τ' ἐκασσυτόρησι θεοστέπτους παρὰ θέλους (22)
 Παμπληθὲς ἀγυρί· σπουδὴ δὲ γέλωτι μεμνῆθε.
 Ταῦτά τοι ἐν φρεσὶ σῶσι δέῃ μεμνημένος εἶναι,
 Καί σοι πᾶσα χθὼν Ἰταλὴ καὶ πᾶσα Λατίνῃ
 Αἰὲν ὑπὸ σκέπτροισιν ὑπαυχένιον ζυγὸν ἔξει.

Quæ carmina carminibus Latinis sic translata sunt in versione Zoesimi, lib. II, cap. 6; edit. Basil. pag. 22.

Ast ubi mortalis longissima venerit ætas
 Vitæ, centenis denis redeuntibus annis,
 Sis, Romane, memor, nec te ulla oblivio fallant,
 Sis memor, ut facias Dīs immortalibus illo
 Rem sacram in campo, quem Tybridis adluit unda,
 Nox brevior tenebris terras ubi texerit atris,
 Solque suum jubar abdiderit. Tum victima Parcīs
 Agnorum atque ovium pariter cadat Oceanicis.
 Postea cæruleæ placantor et Ilithiæ,
 Lucinæ, quibus hæc sacris decet; inde feraci
 Telluri porcus mactetur cum sue nigra.

19. Ἀπαρχομένους βίοτοιο. Gesn. rescribere gestiebat: ἀπερχομένους βίοτοιο, hoc sensu: *ferant, quæ ferre fas est mortalibus, qui, postquam e vita excessere, inter daemones relati sunt.* Sed de ἀπαρχαῖς, Dīs offerendis, capiendum.

20. Τῶσ' αὐρισμένα καίθεα. Καίθεα: Phleg. Tr. non omnino male; nam et infinitivos amat Sibylla, omisso χρῆ.

21. ὄφρα ταλῇ θυμῶν. Recepi hanc Phleg. Tr. lectionem, suffragante Gesn. qui ita ad hunc locum: Placuit hanc lectionem præferre alteri, ὄφρα τὴν θυμῶν, tum quod paullo est obscurior, quæ causæ mutationis esse potuit; tum quod plenius indicat, quem in usum congerenda esset illa, de qua sermo est, copia. Confirmat me in hac opinione Zoesimus, qui artificibus ludorum et spectaculorum donaria ex frugum primitiis data ait. Verba

adscribam (II, 5, 9): θεωρίαι τὰ ἱεροπρεπεῖς ἀγόνται. Κομίζονται, δὲ οἱ ταῦτα ποιοῦντες μισθὸν τὰς ἀπαρχὰς τῶν καρπῶν, σίτου, καὶ κριθῆς καὶ κιδμῶν. Et vel ideo distribuebantur populo ab Imp. per XV viros fruges, ut eas deinde scenicis artificibus ferrent. Hæc illa. Male tamen habet hoc, quod ἀνδρες simpliciter illi artifices audiant; quanquam alterius lectionis multo molestior sensus. Quid enim? Conferre unumquemque jubet Sibylla, quæ habeat, ut scilicet inter ipsosmet iterum distribuantur. — Vid. sup. not. 69, extrem. pag. 555. Ks.

22. Θεοστέπτους παρὰ θέλους; h. pulvinaria, Deorum simulacris ornata. Ita quidem e conj. Sylb. repetui. Angeli Politiani liber cum aliis habet θεοπρέπτους: unde Gesn. conj. θεοστέπτους. Phleg. Tr. θεοπρεπίους, felici aberratione.


Inde boves albi Jovis adducuntur ad aram ,
 Idque die, haud noctu : nam Dis cælestibus una
 Sacra diurna placent. Simili ratione juvenca
 Junoni nitida et labis maotabitur expers.
 Hinc et sacra feret paria ala te Phoebus Apollo ,
 Latonæ genitus, quem solem nomine dicunt.
 Pænasque canent sublata voce Latini
 Edibus in sacris pueri innuptæque puellæ ;
 Sic tamen, ex alia ut consistant parte puellæ ;
 Ex alia pueri dicant sua carmina : quorum
 Vivat uterque parens, superis vocatur et auris.
 At quæ nuptarum fuerint numeroque locoque ,
 Adsideant flexis genibus Junonis ad aram ,
 Divam exorantes, cunctorum ut vota secundet ,
 Vota quidem et marium, magis at muliebria vota.
 Quilibet eque domo secum ferat omnia, quæ fas
 Mortales superis, ceu primitias epularum ,
 Mitibus et divis, divis offerre beatis.
 Omnia cælitibus sint hæc cumulata per aras ,
 Ex his suppedites ut femillis maribusque ,
 Qui sacræ aderunt : etenim noctesque diesque
 Vis hominum præsens ad pulvinaria divum
 Ingens sit numero, ludicra et æria tractans.
 Hæc adeo tibi sint memori bene condita mente :
 Itala sic tellus omnis omniaque Latina
 Æternum tua sceptræ colet, tua jussa capesset.

Quam Sibyllinis his versibus leges quasi quædam dictæ essent, quæ poetæ pangendo carmini Seculari admoto intentoque semper sequendæ essent; magnæ utique artis erat atque ingenii, iis ita satisfacere, ut ne vinculis constrictus et in ordinem coactus videretur, simulque carmen exiret, quod nec Phœbo, cui dicendum esset, h. dierum istorum solennitate, neque muneris, quod tuendum ornandumque suscepisset, gravitate indignum esset. Quibus quidem si Horatium insigni hoc atque unico sui generis ex Romana antiquitate monumento abunde satisfecisse dicam, neminem, qui adversus me contendat, fore arbitror rei intelligentem. Non illa artis Musicæ emblemata dico, quamquam ipsa haud vulgaria atque illustria : nam talia vel aridioris poetæ vena inspergat; sed illam orationis gravitatem ac dignitatem, illum sacrum majesticisque plenum carminis incessum dico, ad priscorum hymnorum κληρώων atque εὐχρωών formam, ad quam quidem versus Sibyllini quasi manu ducebant, plane descriptum. Neque enim copiosus exundat, aut nubes captat poeta; sed æquabiliter decurrens satis habet pios ac religiosos sensus eloqui,

animumque ad eodem perducere. Laudes autem Apollini et Dianæ ita dicit, ut diversas ac multiplices eorum virtutes et potestates variis ipsorum appellationibus indiget; in qua ipsa tamen *πολυωνυμία* summus delectus apparet, laudatis ampleque exornatis iis potissimum virtutibus, quæ rei Romanæ statum integrum florentemque præstarent, cæteris transmissis, vel verbo tantum indicatis. Ad artem autem poetæ quod attinet, maximam sane, et in summa operis et in singulis partibus ab eo adhibitam quisque vel minus sagacior facile deprehendat. Primum, quod ipsa Sibylla jubebat, carmen ad chori plane leges (23) adstrinxit; quæ ratio, lyricæ poetæ adcommoda prorsus ac fere propria, dici vix potest quam angustam speciem quantumque vigoris ac sanguinis carmini adfuderit. Tum singulare artificium in eo prodidit, quod, quum carmen ad Apollinem et Dianam maxime referendum esset, tertio quippe ludorum die in Apollinis Palatini sede canendum, hos quidem potiori loco habebat, cæteros tamen Deos, ut sæcularis hymni appellatione dignum hoc carmen evaderet, veluti aliud agens, scite intexebat. Denique, quæ maxima ejus virtus est, bellicas ac togatas Augusti laudes tam artificiosè immiscuit, ut iis non tam locum quæsisvisse, quam ducente ipso rerum tractandarum ordine ad eas delatus videri debeat. Quæ quidem omnia si recto expendantur, in pretiosissimis utique totius antiquitatis divinis hoc artis carmen habendum esse monumentis, Horatiumque, ut Romulæ apotheoseos formula concludam, immortalis hoc edito opere summum vatem dici haberique fas esse, lubens volensque quisque largietur.

23. Ἰσμενα ἑπικουπύουσα. h. hymnos in solennibus sacrificiis a choro decantandos Græcis perquam usitatos, et *προσῳδῶν* nomine insignitos fuisse ex Proclo apud Phot. p. 523, satis constat. Neque minus explorata res est, chori duas partes fuisse, ita ut nunc hæc, nunc illa caneret (unde *δύωρχον*, veluti Eurip. Alc. 423), nunc utraque voces jungeret,

hocque ipsum in hoc carmine sæculari obtinuisse haud obscure colligas e Sibyllæ præcepto, chorum puerorum a virginibus sejungentis (adde C. S. v. 34); sed quoniam C. Sæcularis inde distributio facienda sit, nunc temere quæri arbitror. Pericula tamen fecere Sanad. Iones, Ancherson, alii; partim probabilis, partim satis futilia.



TABULA RERUM

QUÆ IN HOC PRIMO Q. HORATHI VOLUMINE CONTINENTUR.

PRÆMONITIO novi Editoris.....	pag. vii
De metris Horatii lyricis proœmium.....	1
Versuum singulorum genera.....	2
Metrorum systemata.....	11
Syllabus odarum cum suis metris.....	16
Colliguntur omnia versuum genera quibus usus est Horatius.....	19
Historia Pasiphaes, quam continent 22 versuum ge- nera in Horatio occurrentia.....	21

ORDO ALPHABETICUS ODARUM.

A.		
Æli vetusto.....	Lib. III. Od. 12	326
Æquam memento.....	II. 5	179
Albi ne doleas.....	I. 33	148
Albus ut obscuro.....	I. 7	61
Alter jam teritur.....	Epod. 16	530
Angustam atici.....	III. Od. 2	255
At ô Deorum.....	Epod. 5	489
Audivere.....	IV. Od. 13	451

B.

Bacchum in remotis.....	II. 19	238
Beatus ille.....	Epod. 2	473

C.

Carmen sæculare.....			pag. 549
Cælo supinas.....	Lib. III	Od. 23	343
Cælo tonantem.....	III	5	276
Cum tu Lydia.....	I	13	84
Cur me querelis.....	II	17	250

D.

Delicta majorum.....	III	6	283
Descende cælo.	III	4	266
Dianam teneræ.....	I	21	114
Diffugere nives.....	IV	7	421
Dive quem proles.....	IV	6	415
Divis orte bonis.....	IV	5	409
Doneo gratus eram.....	III	9	297
Donarem pateras.....	IV	8	426

E.

Eheu fugaces.....	II	14	219
Est mihi nonum.....	IV	11	441
Et thure et fidibus.....	I	36	159
Exegi monumentum.....	III	30	314
Extremum Tanaim.....	III	10	300

F.

Faune Nympharum.....	III ..	28	329
Festo quid potius die.....	III	28	364

H.

Herculis ritu.....	III	14	313
Horrida tempestas.	Epod. 13		522

I.

Ibis Liburnia.....	Epod.	1	pag. 486
Icci beatis.....	Lib. I	Od. 29	139
Ille et nefasto.....	II	13	214
Impios parræ.....	III	27	357
Inclusam Danaen.....	III	16	320
Integer vitæ.....	I	22	116
Intermissa Venus.....	IV	1	577

J.

Jam jam efficaci.....	Epod.	17	538
Jam pauca aratro.....	II	Od. 15	222
Jam satis terris.....	I	2	34
Jam veris comites.....	IV	12	446
Justum ac tenacem.....	III	3	257

L.

Laudabunt alii.....	I	7	59
Lupis et agnis.....	Epod.	4	486
Lydia dic per omnes.....	I	Od. 8	64

M.

Mæcenas atavis.....	I	1	29
Mala soluta.....	Epod.	10	513
Martiis cælebs.....	III	Od. 8	292
Mater sæva.....	I	19	109
Mercuri facunde.....	I	10	70
Mercuri nam te.....	III	11	303
Miserarum est.....	III	12	309
Mollis inertia.....	Epod.	14	525
Montium custos.....	III	Od. 22	341
Motum ex Metello.....	II	1	169
Musis amicus.....	I	26	127

